

شهادات ١٢٢ من صناعاتها ومعاصريها

طارق حبيب



مركز الأهرام
للترجمة والنشر



ملفات ثورة يوليو

شهادات ١٢٢ من صناعها ومعاصريها

طارق حبيب

الطبعة الأولى

١٤١٨ هـ - ١٩٩٧ م

جميع حقوق الطبع محفوظة

الناشر : مركز الأهرام للترجمة والنشر

مؤسسة الأهرام - شارع الجلاء - القاهرة

تليفون : ٥٧٨٦٠٨٣ - فاكس : ٥٧٨٦٨٤٣

تصميم الغلاف

الفنان

هشام بهجت

المحتويات

الصفحة

٥	□ تقديم : بقلم د . يونان لييب رزق
٩	□ تمهيد : بقلم طارق حبيب
١١	□ فهرس بالشخصيات التي دار الحوار معها
١٧	□ الملف الأول : ساعة الصفر
٤٧	□ الملف الثاني : وجاء اليوم الحاسم
٦٩	□ الملف الثالث : يسقط الملك فاروق
١٠١	□ الملف الرابع : معالم الطريق
١٤٣	□ الملف الخامس : يعيش نجيب .. يسقط نجيب
١٧٣	□ الملف السادس : وسطع نجم عبد الناصر
١٩٣	□ الملف السابع : وانتصر عبد الناصر
٢٠٥	□ الملف الثامن : تحيا القومية العربية
٢٢٧	□ الملف التاسع : ويسقط الاستعمار
٢٥٣	□ الملف العاشر : التحول الاشتراكي
٣١٥	□ الملف الحادى عشر : النكسة
٣٧٣	□ الملف الثانى عشر : المشير والمصير
٤٢١	□ الملف الثالث عشر : سنوات الامتنزاف
٤٧٥	□ الملف الرابع عشر : مات ناصر .. عاش السادات

تقديم

بقلم : د. يونان لمبيب وزق

عمل غير مألوف ذلك الذى يقع بين دفتى هذا الكتاب ، وهو العمل الذى عكف الأستاذ طارق حبيب على إنجازه ، و استغرق منه خمس سنوات ، على حد قوله ، وأنا أصدقه ! ومع أن العمل استعراض لتاريخ مصر منذ أربعينات هذا القرن .. خلال السنوات القليلة السابقة على قيام ثورة ١٩٥٢ ، وحتى رحيل عبد الناصر وتولى السادات مقاليد الحكم عام ١٩٧٠ ، إلا أنه لم يكن كتابا للتاريخ بالمعنى التقليدى .

الفترة التى تناولها هذا الكتاب تتعامل أساسا مع ثورة يوليو ، وهو ما دعا المؤلف إلى أن يختار لها عنوانا جذابا .. «ملفات ثورة يوليو .. شهادات ١٢٢ من صناعاتها ومعاصريها ..»

ولأول وهلة يبدو وكأنه قد قصد من وراء هذا الاختيار شد القراء ، وإن كان الاطلاع على العمل يؤكد أنه يحمل من اسمه نصيبا كبيرا ، فقد استطاع صاحب العمل ، من خلال حوارات غير تقليدية ، أن يستخرج من سرائر من حاورهم كثيرا مما يمكن أن يرقى إلى مرتبة الأسرار .

نعم نعرف نحن المشتغلين بالكتابة التاريخية عندما نتعامل مع شهادات المعاصرين فى الدراسات التقليدية - فيما اعتمده صاحب هذا العمل فى دراسته ، وبشكل كامل - أن هذا التعامل يتم بشروط معينة :

١ - أن تشكل هذه الشهادات جانبا من الدراسة ، وهو فى الغالب الجانب الذى لا تسعف الباحث فيه المادة العلمية المتاحة ، سواء كانت على شكل وثائق أو مذكرات شخصية أو مراجع ، والشهادة هنا يكون لها وظيفة محددة .. سد ثغرات يستشعرها الباحث ، ويرى معها ضرورة مثلها وإلا شاب الدراسة قدر من الخلل .

٢ - أن تخضع الأسئلة التى توجه لصاحب الشهادة لدراسة دقيقة تتناول الدور الذى قام به فى العمل العام موضوع الدراسة ، وما عرف من هذا الدور ، وأهم من ذلك ما لم يعرف ، ويكون الباحث موفقا كلما نجح فى أن يستخرج من صاحب الشهادة ما نجح فى إخفائه

بامتداد السنوات السابقة ، ويتم هذا في العادة بإقناعه بخطورة استمرار هذا الإخفاء على الحقيقة التاريخية التي كان واحدا من صناعها .

٣ - مع كل ذلك فإنه على الباحث أن يخضع الشهادة لدراسة نقدية ، يراعى فيها دوافع صاحبها في الإدلاء بما قيل تقديمه من شهادته ، والأسباب التي دفعته إلى أن يسهب في جانب معين من شهادته ويقتضب في جانب آخر ، فضلا عن رغبته في تضخيم الدور الذي قام به والتقليل من أدوار الآخرين ، ويتم كل ذلك على ضوء دراسة مسبقية لكل ما قدمه صاحب الشهادة .

٤ - فضلا عن كل ذلك فإن على الدارس أن يفترض أن صاحب الشهادة سوف يغلب نوازه الشخصية ويفتقر إلى الموضوعية والحياد ، الأمر الذي يتطلب مقارنة شهادته بشهادات الآخرين الذين شاركوا في نفس الحدث للخروج بالحقيقة أو أقرب صورة لها .

كل تلك القيود التي يلتزم بها الباحثون الأكاديميون في استخراج التاريخ من أفواه صانعيه تحرر منها الأستاذ طارق حبيب في هذا العمل ، وفاجأنا بشكل جديد من التأريخ لفترة معينة معتمدا على شهادات صانعيها أو معاصريها ..

وهذه الدراسة غير التقليدية غير مطلوب منها أن تخضع للقيود الأكاديمية الصارمة .. وإلا فقدت كثيرا من جاذبيتها .. وهي قد أخذت على كل حال ببعض هذه الشروط مثل المقارنة بين الشهادات ، والدراسة قبل الحوارات .

صاحب هذا العمل لم يعد إلى الوثائق أو المراجع أو حتى المذكرات الشخصية ، ولكنه اتجه رأسا إلى رسم صورة للأحداث التاريخية من خلال شهادات صانعيها أو الشهود على أحداثها ، وبشكل شديد الابتكار ، فقد نجح في المزج بين الشهادات على نحو غير مسبوق ، وهو المزج الذي أفرز صورة تعجز كل شهادة على حدة عن تقديمها ، وهو بذلك أدخل بعض تقنيات الأفلام السينمائية والتلفزيونية في الكتابة التاريخية .. تقنية القطع للنقطة ما لتدخل عليها لقطة أخرى تشكل معها صورة مختلفة ، ولكنها أكثر إقناعا .

ساعد على الأخذ بهذا التوجه ، هذا الكم الهائل من أصحاب الشهادات الذين وصلوا إلى ١٢٢ شخصية . والمشتغلون بالكتابة التاريخية يعلمون قدر الجهد الذي يبذل لاستخراج شهادة شخصية واحدة ناهيك عن أن يكون العدد بهذه الكثافة .

لم يقتصر اللجوء إلى هؤلاء على الكم بل امتد إلى النوع ، فهو لم يترك واحدا من أعضاء مجلس قيادة الثورة الأحياء إلا وكان وراءه .. البغدادي ، كمال الدين حسين ، خالد محيي الدين ، حسين الشافعي ، ومن ترك دنيانا منهم كان بالمرصاد لأبنائهم .. هدى عبد الناصر ، جمال السادات ، فضلا عن الضباط الأحرار الذين تعقب الأحياء منهم على نحو غير مسبوق ، فضلا عن الملكة السابقة ناريمان صادق وعدد من ساسة ما قبل الثورة وما بعدها ، زد على ذلك عددا من الشخصيات العامة والمؤرخين .

ساعد ذلك صاحب هذا العمل على أن يقدم صورا للشخصيات والأحداث التاريخية من زواياها المتعددة .. مثلا دور السادات في اغتيال أمين عثمان ، العلاقة بين الضباط الأحرار والإخوان المسلمين ، وعما إذا كانوا جميعا قد ارتبطوا بصلة أو بأخرى بهذه الجماعة ، وعالج أيضا علاقة بعض هؤلاء بالشبوعيين ، خاصة الحركة الديمقراطية للتححر الوطنى (حنتو) ، وهى قضايا لا تزال موضع تساؤلات .

وقد اقترب العمل من خلال ذلك المنهج من حقول ألغام تاريخية ، الأمر الذى يبدو واضحا خصوصا فى قضية الأسلحة الفاسدة ، فلأول مرة يثير كاتب خارج أسوار الجامعة قضية الأسلحة الفاسدة التى كانت من أهم أسباب قيام ثورة يوليو ، وي طرح الرأيين .. أنها كانت قضية حقيقية أو أنها لم تكن قضية بالمرّة (!) ، وهو فى ذلك ساق شهادات أصحاب الرأيين .. المؤيد والمعارض ، وبشكل شديد الجاذبية .

باختصار فإن هذا العمل الباتورامى الذى امتلأ بالنبض بحكم اعتماده على شهادات الشخصيات التاريخية يمثل نهجا جديدا من الكتابة التاريخية ، فلا هو يلتزم بقواعد الكتابة العلمية الصارمة أحيانا ، والمتجهم فى أغلب الأحيان ، ولا هو يعمد إلى التبسيط المخل الذى يحول التاريخ إلى رواية يكتنفها من الخيال أكثر مما يحوطها من الحقيقة ، مما يفرد لها مكانة فريدة ومذاقا خاصا فى تسجيل هذه الحقبة الهامة من التاريخ المصرى المعاصر .

زمهيد

يضم هذا الكتاب حوارات مع ١٢٢ من صنّاع ثورة يوليو ومعاصريها ، بعضهم رحل عن دنيانا بعد التسجيل ، والبعض الآخر مازال بيننا . وقد استغرق إجراء هذه الحوارات ٥ سنوات كاملة ، وتضمنت شهادة أصحابها عن مقدمات ووقائع وتطورات ثورة يوليو التي كشفوا خلالها عن كثير من الخبايا والخفايا التي لم تكن معروفة من قبل ، والتي كانوا من مدبريها أو من شهود العيان المباشرين عليها . ولم يكن القصد من ذلك هو التأريخ أو القيام بدور المؤرخ ، وإنما كان تسجيل مختلف الروايات من أفواه أصحابها قبل أن يمضوا ونمضي فتضيع الحقيقة وتوه القواقع وتتشوه بمرور الزمن . وتمتد الفترة التي تغطيها الشهادات من نهاية الحرب العالمية الثانية ، وحرب فلسطين ، وقيام ثورة يوليو وخلع الملك فاروق ، وتولى عبد الناصر كل السلطات ، والعدوان الثلاثي وحرب يونيو ١٩٦٧ ، وحتى رحيل عبد الناصر وتولى السادات مقاليد الحكم .

وكل ما يرد في هذا الكتاب هو ما جاء على لسان المشاركين في الحوارات المسجلة ، بنص عباراتهم دون أي تدخل ، ويمثل رأيهم ورويتهم كاملين . وقد جمعت فيه آراءهم وأقوالهم مقسمة حسب موضوعات محددة ، بما يجعل اتفاق شهاداتهم أو اختلافها ، بل وتضاربها أحيانا ، مادة ثرية يمكن للقارئ والباحث الاعتماد عليها واستخلاص حقيقة ما حدث وتكوين فكرته الخاصة عن الموضوع من خلالها . وهو ما أرجو أن أكون قد وفقت فيه .

وفي البداية والنهاية ﴿ إن الله لا يضيع أجر من أحسن عملا ﴾ ..
صدق الله العظيم

طارق حبيب

فهرس بالشخصيات التى دار الحوار معها

من الضباط الأحرار ، وضابط بالمخابرات العامة ومحافظ سابق	إبراهيم بغدادى
وزير سابق ورئيس حزب العمل	إبراهيم شكرى
مهندس ، رئيس سابق لاتحاد طلبة منمنسة القاهرة	إبراهيم مكادى
كاتب صحفى وصاحب جريدة « المصرى »	أحمد أبو الفتوح
من الصف الثانى لرجال الثورة ، ومن حرم المشير عامر	أحمد أبو سار
نقيب المحامين وعضو التنظيم الطلابى سابقاً	أحمد الخواجة
من الضباط الأحرار	أحمد المصرى
من الضباط الأحرار وكاتب صحفى	أحمد حمروش
مدير الأمن الخاص بالمادات	أحمد سرحان
أول مدير لإذاعة صوت العرب	أحمد سعيد
من الضباط الأحرار ، ومن مؤسسى هيئة التحرير ووزير سابق	أحمد طعمية
من الضباط الأحرار ورئيس سابق للمخابرات العامة	أحمد كامل
من الضباط الأحرار وفتان معروف	أحمد مظهر
سكرتير عسكرى للرئيس نجيب ومحافظ سابق	إسماعيل فريد
سفير سابق لمصر لدى الولايات المتحدة الأمريكية	أشرف غربال
من الضباط الأحرار ، ومدير مكتب عبد الناصر ووزير سابق	أسمن شاكى
من الضباط الأحرار ، ورئيس المخابرات العامة ووزير سابق	أسمن هويدى
كاتب صحفى معروف	أنيس منصور
بابا الإسكندرية وبطريك الكرازة المرقسية	البابا شنودة
فنانة معروفة والزوجة الثانية للمشير عامر	برلنتى عبد الحميد
سفير ، ومتحدث رسمى ، ومتنوب مصر لدى الجامعة العربية سابقاً	تحسين بشير
فنانة معروفة	تحية كاريوكا
من الضباط الأحرار ووزير سابق	توفيق عبده إسماعيل
أديب معروف	ثروت أباطة
من الضباط الأحرار ووزير سابق	ثروت عكاشة
قائد الباهرة « المحروسة »	جلال علوية

جمال اللبشي	من الضباط الأحرار ومنتج سينمائي
جمال حماد	من الضباط الأحرار وكاتب ومؤرخ
جمال السادات	مهندس ونجل الرئيس السادات
جمال عامر	مهندس ونجل المشير عامر
جمال منصور	عضو أول تنظيم ثوري في الجيش ، وصاحب اسم : الضباط الأحرار ، وسفير سابق
جيهان السادات	حرم الرئيس أنور السادات
حافظ إسماعيل	مدير مكتب المشير عامر ، ورئيس سابق للمخابرات العامة ، ومستشار سابق للرئيس السادات لمشئون الأمن القومي
حسن المنهوي	من الضباط الأحرار ومستشار بالجامعة العربية سابقاً
حسن المراغي	سكرتير مجلس النواب قبل الثورة
حسن رجب	ضابط ومهندس وسفير سابق
حسن عباس زكي	نائب سابق لرئيس الوزراء
حسن فهمي عبد المجيد	من الضباط الأحرار وسفير سابق
حسني نبيه السوقي	لواء أ . ح . من ضباط دفعة ١٩٤٨
حسين الأخربي	مستشار سابق ، وقريب كل من حيدر باشا وزير الحربية وإسماعيل شيرين نسيب الملك
حسين الشافعي	من الضباط الأحرار ، وعضو مجلس قيادة الثورة ونائب سابق لرئيس الجمهورية في عهدي عبد الناصر والسادات
حسين بيكار	فنان تشكيلي معروف
حلمي سلام	كاتب صحفي ، رئيس مجلس إدارة دار التحرير ورئيس تحرير الجمهورية سابقاً
حلمي مراد	أستاذ قانون ووزير سابق
خالد محيي الدين	من مؤسسي حركة الضباط الأحرار ، وعضو مجلس قيادة الثورة ورئيس حزب التجمع
لينا عبد الحميد	ملكة الأردن سابقاً
رشاد مهنا	ضابط ووزير وأحد ثلاثة أوصياء على عرش مصر بعد الثورة
رياض سامي	السكرتير الصحفي للرئيس نجيب وسفير سابق
زهدي العدوي	رسام كاريكاتير معروف
سامي شرف	سكرتير الرئيس عبد الناصر للمعلومات
سعد الشاذلي	رئيس أركان القوات المسلحة في حرب أكتوبر
سعد عبد النور	سكرتير حزب الوفد

من الضباط الأحرار ومدير مكتب زكريا محبى الدين	سعيد حليم
سفير فلسطين السابق فى القاهرة وأمين عام مساعد الجامعة العربية	سعيد كمال
رئيس جامعة أسيوط ووزير سابق	سليمان حزين
لعب دورا أساسيا فى إصدار قانون الإصلاح الزراعى ، وزير ورئيس مجلس الشعب سابقاً	سيد مرعى
طبيب بممشفى القوات المسلحة فى ١٩٦٧	شريف عبد الفتاح
من الضباط الأحرار ووزير حرية سابق	شمس بدران
مخرج سينمائى معروف	صلاح أبو سيف
ضابط شرطة ومحافظ وسفير سابق	صلاح الدسوقي
ضابط بالحرس الملكى وسفير سابق	صلاح شعراوى
مستشار ونائب رئيس مجلس الدولة	طارق البشرى
ضابط شرطة ، كشف شرائط التمجيد فى مايو ١٩٧١	طه زكى
كاتب وأحد أقارب الملك فاروق	عادل ثابت
رئيس سابق لوزراء العراق	عارف عبد الرزاق
من الضباط الأحرار ووزير سابق	عباس رضوان
ضابط مهندس من قادة هيئة قناة السويس سابقاً	عبد الحميد أبو بكر
رئيس سابق لوزراء ليبيا	عبد الحميد البكوش
نائب سابق لرئيس جمهورية اليمن	عبد الرحمن البيضاى
رئيس وزراء سابق	عبد العزيز حجازى
مؤرخ وكاتب معروف	عبد العظيم رمضان
وزير الإعلام ومؤسس التلفزيون ونائب رئيس الوزراء سابقاً	عبد القادر حاتم
من مؤسسى حركة الضباط الأحرار ، وعضو مجلس قيادة الثورة ونائب سابق لرئيس الجمهورية	عبد اللطيف بغدادى
من الضباط الأحرار ، ومدير مكتب عبد الناصر وأمين سابق للاتحاد الاشتراكى بالقاهرة	عبد المجيد فريد
من الضباط الأحرار وأمين عام سابق للاتحاد الاشتراكى	عبد المحسن أبو النور
ضابط بالحرس الملكى ، فريق أول كان قائدا للحيش المصرى فى اليمن وقائداً لجبهة سيناء فى ١٩٦٧	عبد المحسن كامل مرتجى
عضو مجلس قيادة الثورة	عبد المنعم أمين
إعلامى سورى معروف	عبد الهادى الهكار
مؤسس شركة « المقاولون العرب » التى قامت بدور أساسى فى بناء المد العالى ، ونائب رئيس وزراء سابق	عثمان أحمد عثمان

عزیز صدقی	رئيس وزراء سابق
على خليل	نائب سابق لرئيس الإذاعة
على محمد دياب	رئيس معهد السموم والمخدرات بالمركز القومي للبحوث
فتح الله رفعت	من الضباط الأحرار ورئيس بنك الائتمان والتصنيف الزراعي سابقاً
فريد عبد الخالق	من أقطاب الإخوان المسلمين ووكيل وزارة سابق
فكرى مكرم عبيد	نائب سابق لرئيس الوزراء
فهمى عمر	رئيس سابق للإذاعة
كمال الدين حسين	من مؤسسى حركة الضباط الأحرار وعضو مجلس قيادة الثورة ، ووزير التربية والتعليم ونائب رئيس الجمهورية سابقاً
كمال الطويل	موسيقار معروف
لطفي واكد	من الضباط الأحرار ونائب رئيس حزب التجمع
سامون حسن الهضيبي	مستشار سابق ونائب المرشد العام لجماعة الإخوان المسلمين
ماجد فرج	ناشر له عدة كتب ومجلدات عن العهد الملكى
مبارك رفاعى	من الضباط الأحرار ومحافظ سابق
محسن عبد الخالق	من الضباط الأحرار وأستاذ اقتصاد ومفكر سابق
محسن محمد	كاتب صحفى معروف
محمد أبو الفضل الجيزاوى	من الضباط الأحرار وعضو مجلس الشعب
محمد أحمد	السكرتير الخاص للرئيس عبد الناصر
محمد الدكرورى	أمين عام سابق للاتحاد الاشتراكى
محمد عبد الفتى الجمسى	رئيس هيئة العمليات فى حرب أكتوبر ثم رئيس أركان حرب القوات المسلحة ، ونائب رئيس الوزراء ووزير الحربية سابقاً
محمد على عبد الله	ضابط سابق ، ابن شقيقة الرئيس نجيب
محمد فائق	من الضباط الأحرار ووزير إعلام سابق
محمد فوزى	رئيس الأركان ثم قائد عام القوات المسلحة سابقاً
محمد متولى الشعراوى	داعية إسلامى معروف
محمد نسيم	ضابط ومن قادة المخابرات سابقاً
محمود جامع	طبيب وأستاذ بكلية الطب بجامعة طنطا
محمود الجوهري	ضابط عمل بالمكتب الفنى لمجلس قيادة الثورة ، وكان مسئولاً عن الأموال المصادرة
محمود فهم	الحارس الخاص للرئيس عبد الناصر
منكور أبو العز	محافظ سابق ، وقائد القوات الجوية عقب نكسة يونيو

مدير مكتب رئيس الجمهورية للشئون السياسية فى الخمسينيات ، وسفير
وزير خارجية سابق
كاتب صحفى معروف ومؤسس أخبار اليوم
رئيس وزراء سابق
من الضباط الأحرار ورئيس حزب الأحرار
كاتب صحفى معروف
مستشار ورئيس نادى القضاة
مستشار ورئيس محكمة الاستئناف سابقا
أستاذ بكلية الهندسة وعضو مجلس الشعب السابق
ملكة مصر والسودان سابقا
أديب عالمى مرموق فاز بجائزة نوبل
وزير سابق ورئيس المجلس التنفيذى لإبان الوحدة
أستاذة جامعية وكريمة الرئيس عبد الناصر
من الضباط الأحرار ومحافظ سابق
رئيس محكمة النقض سابقا
أستاذ التاريخ الحديث وكاتب بالأهرام

مراد غالب
مصطفى أمين
مصطفى خليل
مصطفى كامل مراد
مصطفى محمود
مقبل شاكر
مملوح نجيب
ميلاد هنا
ناريمان صادق
نجيب محفوظ
نور الدين طراف
هدى عبد الناصر
وجيه أباطة
يحيى الرفاعى
يوان لبيب رزق

الملف الأول

ساعة الصفر

- انتهت الحرب العالمية الثانية بهزيمة هتلر والنازية ..
- وكانت مصر تحت سيطرة الاحتلال الإنجليزي .. ولكنها كانت شامخة رغم كل الضغوط والأحداث ..
- وجيش مصر هو أقدم الجيوش الحديثة في العالم العربي .. من أيام محمد علي الكبير .. ولم يكن هذا الجيش بعيداً يوماً عن النبض الوطني العام ..
- عرفت السنوات الأولى من عهد الملك فاروق وبعد توقيع معاهدة سنة ٣٦ تزايد تخرج الشباب من الطبقة المتوسطة من الكلية الحربية .. واستمرار اشتراكه في العمل الوطني بشكل سرى ..
- ويقول حسين الشافعي : « أيام الكلية من سنة ٤٥ .. كنا نلتقى أنا وجمال عبد الناصر وعبد الحكيم عامر وثروت عكاشة في بيته في شارع فاطمة النبوية في العباسية .. وكنا في هذا الوقت بعد انتهاء الحرب نتلمس الطريق لدرجة كنا نطرق كل الأبواب » .
- يقول أحمد المصري : « الجيش كان فيه أكثر من مجموعة تتحرك وأكثر من مجموعة بتعمل .. كان فيه في المدفعية محسن عبد الخالق بمجموعته وكان في الفرسان جمال منصور ومجموعته .. كان فيه ضباط آخرين هنا وهناك .. اجتماعات في بيوت الضباط يناقشوا فيها الأحوال السياسية .. إحنا كلنا كنا أبناء الطبقة المتوسطة في مصر وبالتالي بنهمنا قوى الأحداث الجارية فيها » .
- وشارك الضباط قبل الكلية الحربية في مختلف الأحزاب .. مثل « مصر الفتاة » .. التي كانت معادية للإنجليز ومتفلبة مع الألمان .. ومكونوا خلايا سرية متعددة ..
- يقول د . نور الدين طراف : « كنت من ضمن مؤسسي حزب مصر الفتاة .. أنا كنت حزبي ووطنى بطبيعتي وأنا طفل صغير يعنى ميال للحزب الوطني بتاع مصطفى كامل ومحمد فريد ..

ولما أنشئت « مصر الفتاة » كان من ضمن المؤسسين لها الأستاذ فتحى رضوان وأنا وإبراهيم شكرى ومصطفى الوكيل وعدد من الشبان الوطنيين فى ذلك الوقت .. وكنا نعارض الملك بواسطة جريدة مصر الفتاة » .

• ويضيف المهندس إبراهيم شكرى : « لا يمكن إننى أغفل أن جريدة كانت تسمى بالاشتراكية وأخذت رخصتين رخصة منهم كانت باسم « مصر الفتاة » ورخصة أخرى باسم « الشعب الجديد » .. وكنا تصدران أسبوعيا .. وكنا فى الواقع المدفعية الثقيلة التى مهدت المناخ العام لقبول تغيير كبير جذرى بالنسبة للنظام كله » .

• ويؤكد وجيه أباطة : « شوف يا سيدى إحنا أول مجموعة اتعملت فى القوات المسلحة .. كانت مجموعة الطيران وكان منها عبد اللطيف بغدادى وأحمد أبو على الذى أخذ طيارة وراح وصل الخرائط للجيش الللى المفروض إن الألمان يضرىوها أيام الحرب العالمية .. الللى قيل بعد كده ولا أعرف إنقال إزاي .. إنه راح مندوباً عن مصر علشان يعمل معاهدة مع روميل .. طبعاً الكلام ده كله مش مضبوط .. نرجع ليوأيو ٥٢ .. وبعدين حسن عزت جاب لنا أنور السادات ولو إحنا قوات الطيران بس .. كان فيه مجموعات أخرى فى الأسلحة الثانية بنسبها للخلايا .. بس هى ما كانتش خلايا فى وقتها .. إحنا كنا أول خلية اتعملت فى الطيران وكان فيه خلايا المدفعية والفرسان وغيره وغيره .. وبعدين بدأنا نخبر بالطريقة المتفقين عليها .. أنا أجند ٤ معايا وبغدادى ٤ معايا بهذا الشكل .. وحسن إبراهيم دخل فى الدفعة الثانية معايا أنا » .

• ويضيف خالد محبى الدين : « هو إحنا كل واحد منا كان له رجل فى حنة .. كان الوفديون قليلين من الللى لهم علاقات مع من فى الحكم .. إنما الأحزاب الثانية زى « مصر الفتاة » كلنا كان لنا علاقة بها .. والإخوان المسلمين .. فكان لنا علاقة بالفوى دى كلها .. وفيه ناس كانت لهم علاقات بالحزب الوطنى لأن الحزب الوطنى حزب قديم له اتجاه فى الحركة القومية .. المهم هو رفض المفاوضات إلا بعد الجلاء وده بيمثل الوطنية المتطرفة والضباط كان عندهم الجانب الوطنى المتطرف ده .. وكان جمال فى الحزب الوطنى » .

• وكان لاتساع قاعدة الشبان الجامعيين قبل حرب فلسطين آثاره الظاهرة على الحركة الشعبية المصرية .. ووقعت أحداث كبيرة فى الشارع المصرى ضد الإنجليز بدأت من حرم الجامعة .. واستخدم الجيش لضرب الحركة الوطنية مما أثار الضباط والشعب ..

• ويقول أحمد أبو الفتوح : « خرجت مظاهرات ضخمة من الطلبة والعمال تجوب شوارع العاصمة تهتف ضد الاستعمار » .

• ويضيف محمد أبو الفضل الجيزاوى فيقول : « ثورة ٥٢ لم تقم من فراغ .. إنما كان فيه حركات سياسية سابقة .. وبعد الحرب العالمية الثانية كل الدول عازرة تستقل فكان فيه عدد كبير من ضباط الجيش يبهدفوا إلى هذا الهدف .. فكان فيه أكثر من تنظيم داخل القوات المسلحة » .

- واتسمت فترة ما بين الحربين .. بالكفاح من أجل استقلال مصر من الاحتلال الإنجليزي ..
- يقول كمال الدين حسين : « عموماً إحنا واللى قبلنا واللى بعدنا كنا مشحونين بيه ؟ أنا نشأت إزاي .. نشأت بأقولك في أعقاب ثورة ١٩ وكان فيه بقى الكلام الكثير عن الوطنية ومقاومة الإنجليز .. الوالد كان بيحب لي تاريخ الحركة الوطنية فنقرأ كل اللي مؤلفه عبد الرحمن الرافعي .. والدتي كانت تقعد تتغنى بالأغاني اللي كانت بيقلوها الأمهات في أيام السلطة لما كانوا بياخدوا عساكرنا ويجندوهم علشان يروحوا ميادين القتال في فلسطين » .
- وكان قد بدأ الصدام بين قوات الشرطة وبين أفراد الشعب .. إذ شهدت تلك الفترة .. انفجار القنابل في دور السينما والمحال الكبرى وحرم الجامعة .. فضلاً عن الاغتيالات .. إذ عرفت نفس الفترة التي لم تتجاوز السنوات السبع .. اغتيال رئيسين للوزارة (أحمد ماهر لإعلانه دخول مصر الحرب العالمية .. ومحمود فهمي النقراشي لإصداره قرارا بحل الإخوان) .. و عدة محاولات لاغتيال مصطفى النحاس .. واغتيال الخازن دار رئيس محكمة الجنايات .. والوزير أمين عثمان ..
- ويقول د . يونان لبيب رزق : « الانفجارات كانت تدل على القلق الشديد الذي يعانيه الشعب .. والجماعات ذات الأفكار الأيديولوجية نتيجة لإغلاق منافذ التعبير عن نفسها أمامها .. كالإخوان والشيوعيين وحتى « مصر الفتاة » الذين كانوا يسمونه بالأحزاب الغير برلمانية كانت تآثره من داخلها » .
- ويقول خالد محيي الدين : « اغتيال أمين عثمان كان احتجاجاً على قوله « إن العلاقة بين مصر وبريطانيا هي علاقة زواج كاثوليكي » .
- ويقول عبد المنعم أمين : « كان السادات من المدبرين لمقتل أمين عثمان .. واتفق إن هو يقف على الباب ويلبس بواب ويحمي تفهقر حسين توفيق من النادي » .
- ويقول جمال حماد : « كان السادات طول عمره مقامر .. فقد اشترك في جميع الحركات السرية التي سبقت الثورة .. اشترك وقبض عليه في قضية أمين عثمان .. واشترك في محاولة اغتيال مصطفى النحاس .. فهو كان باستمرار في مؤامرات سرية » .
- ويقول أمين شاكر : « مقتل أمين عثمان اشترك فيه أنور السادات .. لأن أنور السادات كان بروحين .. هو كان يكره الإنجليز لأن هم كانوا السبب في القبض عليه سنة ٤٢ .. وأمين عثمان كان الطفل المنزل بتاعهم .. فدرب التماس وأطلقوا النار على أمين عثمان وقتلوه » .
- وعلى الجانب الآخر .. وقع اغتيال الشيخ حسن البنا .. وكان عدد من الضباط مشاركاً في جماعات الإخوان المسلمين ..
- ويقول فريد عبد الخالق : « حدث اغتيال الإمام حسن البنا .. حصل فراغ في القيادة ..

باختصار انتهى إلى اختيار الهيئة الأساسية لمن يخلفها اللي هو المستشار حسن الهضيبي ..
وما مرش على اختيار حسن الهضيبي ٨ شهور إلا وقامت الثورة .

* ويقول خالد محيي الدين : الرئيس عبد الناصر أول مرة أتعرف به كان عن طريق عبد المنعم عبد الرؤوف .. ده كان حوالي سنة ٤٤ كده .. ويعدين جت سنة ٤٥ والحرب انتهت .. وكان فيه تفكير بعمل تنظيم .. وكان الجيش على علاقة بالإخوان المسلمين .. واتعرف جمال عبد الناصر بأغليهم .

* وتقول د . هدى جمال عبد الناصر : كان والدى يدرّب الفدائيين أيام الاستعمار فى قناة السويس .

* هل درب الإخوان ؟

* كان يدرّب جميع الفدائيين .. وقتها اشترك الشباب من جميع الأحزاب فى العمل الفدائى وكان الضباط يدرّبونهم .

* وهل انضم إلى الإخوان ؟

* لم ينضم إلى الإخوان على الإطلاق .. ده كان عمى شوقى كان على اتصال بهم وليس والدى .. لكن جازز كان على اتصال ببعضهم لبعض الوقت .

* ويقول محسن عبد الخالق : فى الواقع لازم ننظر إلى الحركة فى الجيش كأنها انعكاس للحركة الوطنية العامة .. نحن جيل الأربعينات كنا نميش حياة فكرية كبيرة .. الحرب العالمية الثانية .. قراءات متنوعة .. تعليم فى الجيش الإنجليزى . انفتحنا على الفكر الذى كان موجوداً فى هذه الحقبة .. فكان لا بد أن يحدث انعكاس فى داخل الجيش .. بالتالى بدأنا نبحث أمور جيشنا .. جيش متخلف جداً وقيادات قديمة مع شباب منفتح يعنى كان فيه نوع من الصدام .. ابتدئنا نجتمع لتطوير الجيش .. وانتهينا إلى الاجتماع سنة ٤٥ نبحث أمور الجيش ومنها أمور البلد .. وهذا كان أول اجتماع عقد فى أوائل ٤٥ فوق السطوح فى شارع البارامونى .. وكان هناك مندوبين للأسلحة عن سلاح المدفعية .. عن سلاح الفرسان .. عن سلاح المشاة .. عن الطيران .. الخ .. ومن هذه النقطة تبلورت الأفكار وأماننا والاهتمام بالشئون الوطنية فى البلد .. بعضنا انضم إلى الإخوان المسلمين .. كانوا من الحواريين ولا ننسى فضل الإخوان المسلمين .. وابتدأت اجتماعاتهم تفتح أذهان الضباط على المشاكل .

* ويؤكد كمال الدين حسين : شوف أنا راجل طول عمرى الحمد لله مسلم ومتدين وحتى وأنا فى ابتدائى أخذت جائزة الدين فى سنة أولى ابتدائى .. وأنا طالب فى الجامعة أحد أصدقائى أخنى زرنا جمعية الإخوان المسلمين فى مقرها فوق لوكاندة البرلمان فى العتبة الخضراء .. وبعدين كنت أروح للاجتماعات بتاعتهم كل حين وآخر وخصوصاً بعد ما نقلوا فى الحلمية .. اجتماعات الثلاثاء .. إلى أن حصل ارتباط معاهم لما عبد المنعم عبد الرؤوف الله يرحمه كان يركب معاًيا الترمزى .. إحنا كنا ننزل من أمانة نركب الترمزى الأبيض .. فرص كثير إن

إحنا نقعد مع بعض مدة طويلة .. لما الترمای يمشی بينا المسافة دى شتاء وصيفاً نرغى .. هو لمس فى وأنا لمست فيه الناحية الوطنية .. هو كان قبل ذلك اشترك مع عزيز المصرى فى حكاية الطائرة الللى فروا بيها ووقعت وتم حبسهم واتعزل من سلاح الطيران .. قال لى ما تجى معنا إحنا فيه اجتماعات بنعملها .. رحنا على فىن على بيت جمال عبد الناصر وجدته مع واحد اسمه الصاغ محمود لبيب هو كان متصلاً بالإخوان برضه أو كان مندوب الإخوان .. وهو راجل من الجيش القديم .. الجيش التركى القديم واشترك فى حرب ليبيا ضد إيطاليا وراجل لطيف وكلامه شيق .. وبيتكلم عن الدين وعن الإسلام وعن فائدة دين الإسلام فى إصلاح المجتمع .. وبيتكلم عن الجيش وبعدين الوطنية وضرورة التخلص من الإنجليز .. وكنا نجتمع فى الأسبوع مرة فى بيت أحد مننا مرأ طبعاً .. كانت اتجاهاتنا فى الأول متدنية .. خالد محبى الدين كان ساكن فى التكية الللى فى شارع درب الجماميز .. وأنا زرتة وقعدنا معاه وكان برضه معنا .. وبعدين مش عارف إيه الللى قلبه على الناحية الماركسية ..

• وأسأل خالد محبى الدين : حضرتك كنت من مؤيدى الإخوان ؟

• « فى ذلك الوقت كنا بنرى إنه كان تنظيمًا وطنياً .. لكن بعد كده حصل خلافات وتركنا الإخوان المسلمين » .

• واتجهت اتجاهاً عكسياً على طول الخط ؟

• « أصل وأنا داخل الإخوان المسلمين كنت بأقرأ فى خط الاشتراكية .. كانت عندى العقيدة الدينية والعقيدة السياسية .. فالاثان عملوا امتزاج معين .. الرئيس عبد الناصر انضم لأحد هذين الطرفين .. هو انضم للإخوان المسلمين معنا .. لمدة طويلة .. اشتغلنا مع الإخوان المسلمين وتنظيماتهم السرية .. وبعدين تركناهم » .

• ويؤكد مأمون الهضيبى : « معروف إن جمال عبد الناصر ومجموعة من الضباط الللى هم عرفوا بعد ذلك بالضباط الأحرار سعوا إلى حسن البنا .. ثم كانت لهم علاقات بقيادات من الإخوان بعد اغتيال حسن البنا .. ومعروف طبعاً أن حسن العشماوى كان له علاقة وثيقة جداً بجمال عبد الناصر وصلاح شادى .. ومعروفة وثابتة فى الأوراق هذه العلاقة الوثيقة .. وكان فيه كثير من الضباط فى الجيش منضمين إلى جماعة الإخوان المسلمين وطبعاً أخبار الثورة يوماً بعد يوم وقبل أن تقوم موجودة عندهم » .

• ويقول أحمد أبو الفتح : « كانت مهمة عبد الناصر فى الجهاز هى تدريب المنضمين إليه تدريباً عسكرياً » .

• وأسأل فريد عبد الخالق : مَنْ مِنَ الضباط الأحرار كان عضواً فى جماعة الإخوان ؟

• « هم كثيرون : كمال حسين وعبد الحكيم عامر وبغدادى وحسن إبراهيم .. وجمال عبد الناصر على رأسهم ده بايع نور اليقين .. على أنه أحد أفراد الجماعة وقام هو بنفسه قبل الثورة ..

في مرحلة من المراحل .. بتدريب الإخوان على السلاح باعتباره ضابطاً .. وكان منتصباً في الحفة دى وكان له نشاط .. وكثير من الضباط الأحرار أصلهم من الإخوان .. والحقيقة إنه ما كانش يتبادر للذهن إن دى حركة لها تطلعات وعازرة تركز على عناصر في الجيش علشان تعد نفسها للقفز على السلطة .. دى كلها حاجات الناس بتقولها بعدين .. لأن حصن البنا سنة ٣٨ ما كنش لسه له تيار سياسى .. كان دخل كداعية وكانت مهمته الأساسية إنه يبين الإسلام بياناً حقيقياً وشاملاً .. وكانت مهمته إنه يربى أجيالاً على هذا الفهم السليم للإسلام .. المهم دخل جمال وغيره وباعوا واشتركوا في الأنشطة وكان بيننا وبينهم علاقة أساسية .. وأكل وشرب وماقيش بيني وبينه أى تكليف .. نقعد في أى حنة وننام .. إلى درجة إن أنا أيامها كنت أدخن فكان هو لما يأكل يحط إيدته في جيبى ويطلع العلبة ويأخذ اللي هو عازوه .. ويحطها ثاني .. مافيش تكليف » .

• **ويضيف أبو الفضل الجيزاوى :** « فكان لهم الميق إنهم دخلوا في التنظيمات بتاعة القوات المسلحة واستقبلوا عدداً كبيراً من الضباط .. فمعظمهم - ضباط الثورة - تقريباً إن لم يكن ٨٠ - ٩٠٪ منهم دخلوا في الإخوان .. وعبد الناصر علاقته مع الإخوان على هذا الأساس كانت طيبة من قبل قيام الثورة .. والمفروض يتعاون معهم » .

• **ويعلق محسن عبد الخالق :** « وتقول هنا إن جمال عبد الناصر لم يكن من بين الحركات الوطنية في الجيش .. ولكن هو حابس نفسه داخل الإخوان المسلمين وداخل الجهاز السرى .. كان جمال عبد الناصر .. كمال الدين حسين .. خالد محيى الدين .. عبد المنعم عبد الرؤوف .. حسين حمودة واثنين آخرين لا أنكر أسماءهما .. إذن جمال عبد الناصر في ذلك الوقت كان مشواره مع الإخوان المسلمين .. لم يكن مشواره مع الحركات السرية أو الحركات الوطنية داخل الجيش .. وعندما تقابلنا في حرب فلسطين بدأ يسمع كلاماً جديداً .. بدأ يسمع إن إحنا بنعمل منشورات .. بدأ يعرف إن فيه حركات وفيه تنظيمات وفيه خلايا بتتكون .. الخ .. واتفنا » .

• **ويضيف أحمد حمروش قائلاً :** « معظم أعضاء مجلس قيادة الثورة كانوا في الإخوان المسلمين .. عبد الناصر كان في الإخوان .. عبد اللطيف بغدادى .. خالد محيى الدين .. كل دول بدأوا حياتهم في الإخوان » .

• **ويقول إبراهيم شكرى :** « كان هناك تعاوناً بين تنظيم الضباط الأحرار وبين جماعة الإخوان المسلمين دون شك في ذلك وذهب إلى أبعد كثيرة » .

• **ويقول خالد محيى الدين :** « في فترة اتصالنا بالإخوان كان عبد الحكيم عامر أكثر واحد مننا كرهاً لهم » .

• **ويقول توفيق عبده إسماعيل :** « في المجال الوطنى محمود لبيب في الإخوان المسلمين كان له دور في التربية السياسية في هذه المجموعة .. وإن منظمة شيوعية عن طريق خالد محيى الدين وعلاقته بهم كان لهم دور .. مجموعة أخرى بدأت بلا هوية معينة .. في الحقيقة دخل

جمال عبد الناصر فى مرحلة من المراحل مع الإخوان المسلمين مع الصاع محمود لبيب وكان ماسك الجواله بقى له ٥ سنوات .. ودخل معه مجموعة كبيرة من صباط الجيش الللى ظهروا سنة ٥٢ على مسرح الأحداث بتاعة الضباط الأحرار واستمروا معهم فى المدرسة السياسية بتاعة الإخوان المسلمين .

- * وأسأل د . هدى عبد الناصر : هل كان والدك عضواً فى « حدتو » ؟
- * « لقد قال لى أنا لفيت على جميع الأحزاب .. لكنه لم يكن معجباً بالعمل الحزبى قبل الثورة .. وكانت فكرته أن الأحزاب بتنتظر إلى مصلحتهم الخاصة » .
- * ويقول محسن عبد الخالق : « عبد الناصر كان متصلاً بأغلب المنظمات لكننى لا أستطيع أن أجزم أنه كان مشتركاً مشتركاً فعلياً فى « حدتو » . »
- * ويقول خالد محبى الدين : « عبد الناصر لم يفكر فى الانضمام إلى « حدتو » .. وهذا ادعاء خاطئ .. وكان الاسم الحركى له هو زغلول .. فكان عندما يتصل بى تليفونياً يقول « أنا زغلول » . »
- * بينما يقول أحمد أبو الفتح : « عبد الناصر اندمج فى المنظمة بحيث أصبح أحد أعضائها .. وكان اسمه السرى أو الحركى « موريى » .. وكان يحمل رقم ١١٧ » .
- وفى ١٥ مايو سنة ٤٨ صدر قرار ملكى مصرى فى عهد النقراشى باشا بدخول الجيش الحرب ضد العدو الإسرائيلى .. وكانت هناك مشكلة الأسلحة الفاسدة .. التى تضاربت الأقوال فيها ..

- * وأسأل د . حسن رجب : هل تعتقد أن قضية الأسلحة الفاسدة من أسباب قيام الثورة ؟
- * « لا شك إنها هى التى مهدت الجركله وهى التى ولعت الناس كلها .. فيه الناس الللى ماتوا أولادهم .. والناس الللى ماتوا ناس من عائلاتهم .. وفيه حاجات كثير جداً .. وبعد كده الحالة الفظيعة الللى كانت البلد فيها .. الدول جميعاً المشتركة فى الأمم المتحدة تمتنع عن إمداد كلا من العرب وإسرائيل بالأسلحة والذخائر .. الحاجات دى كلها طبعاً .. وهذا القرار طبق بحذافيره على العرب كلهم أما إسرائيل فكان بيجهلها أسلحة وذخائر ومعدات وطائرات بل ومتطوعين مش بس من الدول الغربية بل ومن الدول المشرقية أيضاً .. جالها من تشيكوسلوفاكيا ومن بولندا .. كل اليهود الللى هناك جاءوا متطوعين مافيش شك .. لأنهم بيحاولوا يبنوا وطن .. وكل اليهود بيحاولوا يقتدوا كل المساعدات لإسرائيل .. مصر طبعاً لم تقف ساكتة أمام هذه الحكاية كان لابد أن يتخذ قرار .. إزاي نحصل على أسلحة وذخائر .. فوجد أن الطريق العادى عن طريق الإمدادات بتاعة الجيش والعطاءات .. مش حتنفع .. فأمر بتشكيل حاجة اسمها لجنة الاحتياجات .. وأعطى لهذه اللجنة كل الصلاحيات الممكنة إنها تلاقى سلاح أو ذخيرة أو معدات حربية فى أى جهة من جهات العالم تروح وتجيبها وتدفع ثمنها فوراً ومن غير مزايده .. نحن

فى ظروف غير عادية فلا نأتى ونطبق اللوائح والفوائىن التى تطبق وتأخذ وقت طویل على عملية محتاجة كل ثانية فيها .. لها قيمتها .. وجاب رئيس اللجنة لواء مهندس اسمه ابراهيم سعد المصرى .. كان أول مهندس دخل الجيش برتبة مهندس .. حاصل على الهندسة .. وحصل عليها من « المهندسخانة » فى ذلك الوقت وكان اسمها « المهندسخانة الملكية » عام ١٩٢٣ .. وكان شخصية كريمة ومحبوبة وكنا لسه صغيرين ضباط ومهندسين داخلين جديد كلنا كنا نحبه .. وكان أيضاً محترم من كل ضباط الجيش ويقدره وكان دائماً بيتشغل وظائف مهمة فى الجيش .. مسك مدير مكتب الوزير وممسك مدير سلاح المهندسين يعنى كان راجل له قيمته .. وابتدأ ابراهيم سعد المصرى يشتغل .. جاب ناس يثق فى أمانتهم لأن معاهم قلوب بالماليين حيسرفوها من غير حساب .. أذكر من ضمنهم .. صدقى سليمان الذى بقى رئيس وزارة بعدين وعبد المجيد العبد .. وناس كثير من الناس الكويسين دول .. وابتدأوا يشتغلوا وابتدأ بيعت ناس فى كل جهة يسمع إن فيه هناك صفقة ذخيرة أو صفقة أسلحة ويحاولوا يفاوضوا على إنهم يحصلوا عليها .. طبعاً فلوس زى دى بتتصرف من غير حساب وحاجات زى كده برضه ماحدش عارف .. مش كل واحد نفسه كريمة .. ومش كل الناس التى جابها كانوا كويسين .. فالمقصود بعث أحد ضباط الذخيرة يروح يتعاقد على ذخيرة من إيطاليا .. فلم يجد غير قتال يدوية .. فتعاقد على ربع مليون قنبلة يدوية .. ربع مليون يعنى كمية ضخمة جداً والجيش المصرى يمكن مش محتاج لها كلها خصوصاً إنه ما أخدهاش بقيمة زهيدة علشان نسكت عليها .. إنما الألمان من هذا .. إن الذخيرة التى وصلت .. وجد بها عيوب .. وجد بها إنها بتنفجر حتى ساعات بمجرد اللمس .. فى عام ١٩٤٨ قمت أنا بتشكيل إدارة اسمها إدارة البحوث والتطورات الحربية .. أنا اقترحتها والجيش على طول راح موافق عليها .. فى ظل الظروف التى كانت موجودة .. الإدارة دى وظيفتها إيه ؟ .. الإدارة دى وظيفتها أنى إشكال يحصل على ذخيرة .. كريمة أو وحشة إحنا بتنتدخل .. لأن كلها مهندسين وكيمائيين وناس متخصصة فى الذخائر .. وهذه طبعاً عملية خطيرة فى وقت الحرب .. فتعرض علينا وأنا بأشكال لجنة فنية من عندى .. وبأعطيهم كل المعدات ووسائل الاختبار اللازمة .. وإذا كان سلاح بأشوف إيه العيوب التى فيه .. كان تحت تصرفى ورش قوية جداً ومستعدة تمام الاستعداد .. إذا كان ممكن نصلحها فينصلحها ونرجعها ثانية للميدان .. أو الوحدة التى هى تابعة لها .. أو بنشوف طريقة إما إننا نبتلها أو نرجعها المخازن ولا نتصرف فيها بأى طريقة .. مشيت الحكاية بالشكل ده لكن حصل بعد كده إن الناس ابتدت تسافر علشان تجيب أسلحة وذخائر .. ابتدوا يتصرفوا طبعاً على كيفهم مادامت لا توجد رقابة ومافيش حساب .. أى إيصال يكتبه حيوا فوقا عليه ويدفعوا له ثمنه .. ابتدت القنابل اليدوية التى فيها زرار أمان قبل ما تلمسه ممكن تنفجر .. ده مش كلام أنا بأقوله أنا معايا هنا جواب من الملحق العسكرى البريطانى فى القاهرة .. وكانت علاقتنا به فى ذلك الوقت كريمة .. وكنت سألته عن المعدات هذه .. والجيش الإنجليزى كان بيعملوا إيه فيها لأنه وقع فى إيده كميات كبيرة من هذه الأسلحة .. إذا كانت الأجهزة هذه صالحة ولا لأ .. اتكلم عن بعض أنواع الأسلحة وبعض أنواع المدافع وجاء للقنبلة اليدوية هذه وقال : خللوا بالك دم قنابل بتنفجر أحياناً بمجرد اللمس الى

هى القنابل اليدوية التى راح عبد الغفار عثمان يتعاقد عليها .. الحاجات دى دلوقت جاءت ووصلت إيه العمل فيها .. طبعا كان فيه آراء مختلفة إننا نسحبها من الميدان .. لأنه انصرف فيها حوالى مليون دولار يروح على مين ومين المسئول .. إلا أن عبد الغفار عثمان بجوار عمله ككبير مفتشى الذخيرة والمفرقات فى الجيش المصرى .. كان أيضا على صلة بالملك لأنه كان مديراً للمتحف الحربى الخاص بالملك اللى كان عنده متحف حاظت فيه طينجاته وأسلحته وحاجاته من عصور مختلفة .. وكان طبعا الكل عامل له حساب فى الجيش وماحدث يقدر يتكلم فى حقه أو يعمل له أى حاجة .. ابتدت العملية هذه تذاع فى الجيش بين العساكر والجنود وأهاليهم وابتدت تذاع فى البلد كلها » .

هل حدثت إصابات بأفندم ؟

» حدثت إصابات فعلا .. إصابات كثيرة وأنا عندى دوسيه كامل فيه كل ما كتب فى هذا الموضوع أمام النيابة أو أمام المحكمة .. كانت بتطلع يوميا .. كانت كل الجرايد تتبارى فى أن تجمع كمية من المعلومات عن هذه القضية لأنها كانت تقدر تقول الحاجة الأولى التى بنهم الشعب كله .. ده مصير البلد » .

وأذكر أن الكاتب الكبير إحسان عبد القدوس قد تنهى هذه القضية ؟

» تنهى هذه القضية وكتب عدة مقالات فى روزاليوسف .. جعلت الشعب يهيج من المقالات هذه .. وطبعا الجيش أيضا لأنه ما كانش عارف .. وابتدا يعرف من المجلات والجرائد .. وكل هذه الحاجات .. قام الملك أوعز لحيدر باشا على ما اعتقد فى ذلك الوقت وزير الحرية .. قال إن الحكاية دى حنديها للنيابة تحقق فيها .. طبعا ده كان إجراء سليما وكلنا ارتحنا له .. طبعا حبروح فى إيد النيابة .. يعنى فى أيدي سليمة .. وكان فى ذلك الوقت المدعى العام محمد عزمى بيه .. رجل عرف بإثمه رجل دقيق وراجل أمين ورجل عادل .. فقلت الحمد لله إن العملية هذه راحت دلوقت للجماعة دول وحنشوف حنعرف الناس اللى عملوا الحاجة دى حياخدوا جزاءهم .. لكن اللى حصل غير كده .. أول ما ابتدت تحقق فى هذا الموضوع ابتدت تظهر لها حاجات تانية لم تكن واردة .. يعنى إحنا مركزين على قضيتين .. قضية القنابل اليدوية اللى جاية من إيطاليا دى .. ومركزين أيضا على المدافع (١٠٥ مللى أسبانيا) المدافع دى كانت من أصل إنجليزى إنما كانوا ولخدينها من « باترن » قديم قوى يمكن من أواخر الحرب العالمية وابتدوا يصنعوها فى أسبانيا .. وما عملوش منها كميات كبيرة حتى ما وزعوش على الجيش ولا حاجة .. وما صدقوا إن مصر طلبت الأسلحة هذه فراح « النبل عباس حليم » توسط فى العملية دى وراح هناك وقال أنا حاجيب لكم الأسلحة والذخائر .. طبعا لما فهموا إن ده سلاح من أصل إنجليزى واسم معروف وكويس .. وافقوا على إنه يجيب الحاجات وبسرعة لأنهم محتاجينها .. فأخذ هو جزء من القلوس وطبعا كانت العمولة بتاعته زى ما عرفنا بعين من السفير المصرى فى أسبانيا وصلت إلى ٤٠٪ من القيمة .. القيمة بتاعتها كانت ٥ مليون دولار وكان وصل مع الـ ١٦ مدفع اللى اتعاقد عليهم ٢٠٠ ٠٠٠ دانة .. ولا المدافع ولا الدانات

انكشف عليهم هناك .. المقصود .. وصلت الحاجات دى هنا وقالوا لنا نجعل فيها إيه .. فنكلت أنا لجنة من الجماعة بتوع علم المرمى وبعثت طلبت من سلاح المدفعية يشكل لنا لجنة .. لأقينا المدفع يروح ناهلت فى الهواء وما ينزلش مطرحة ينزل فى حته تانية .. وبعدين أجهزة التفتيش ما تفهمش مربوطة بمسامير أحياناً عليها عصافير ساعات تنفك وساعات لما تركبها تانى ما تركبش وهذه حاجات دقيقة جداً .. إنت بتتنش على هدف على بعد كيلو أو ٢ كيلو .. فلو ما كانش النيشان دقيق راح الغرض .. مثينا فى العملية هذه وكتبنا كل العيوب بتاعة السلاح وكل العيوب بتاعة الذخيرة بتاعته .

• ولكن النهاية برأت المتهمين ؟

• « هذا فى النهاية .. إنما قيل ما يتبرأوا حصل الآتى .. طبعاً الملك لما شاف إن العملية فلتت من يده ولما أوصى إنها تروح للنهاية العامة كان متصوراً إنه بالسيطرة بتاعته على الدولة وعلى الحكم وعلى الحاجات دى كلها .. حيقدر يتصرف أو يقدر يوقف العملية لكن العملية فلتت بسرعة من يده على ما يبدو فابتدأ يلجأ إلى حاجات تانية .. إيه هى الحاجات التانية .. إنه أوعز لناس أكثر من مرة أن يعتدوا على حياة إسمان عيد القديس وأظن إنك سمعت الحكاية دى .. وبعد كده لم يكتف بذلك .. أولاً الضباط اللي كانوا عندى اللي كنت بأعتمد عليهم .. فيه عندى طقم بيبجى من المدفعية وطقم بيبجى من المشاة وطقم بيبجى من الأسلحة المختلفة .. ابتدوا يوزعوا الضباط اللي درسوا فى الفنون واللى اتبحروا فيها .. سرحوهم على الميدان وكل ما آجى أطلب ضابط .. يقولوا لى ده مش موجود ده فى الميدان طبعاً فى الميدان مش حقيقدر تجيبه للهارده .. فمشى فى العملية بالشكل ده .. وبعدين بصيت لأقيت أنا كمان ابتدوا يحاولوا يؤثروا على معنى مش الجماعة اللي تحت إيدى بل أنا جالى إسماعيل شيرين وقال لى انت بتعمل إيه .. إنت يا راجل من الضباط اللي لهم منزلة كريمة فى الجيش والملك أنعم عليك برتبة البكوية وأعد لك نيشان نجمة فؤاد الأول العسكرية اللي هو وسام الشجاعة إزاي تعمل حاجة زى دى .. قلت له يا سيدى إن كان على الرتبة اتفضلوا خذوها أنا مش عاوزها ولو كان على الأوسمة اتفضلوا كمان خذوهم وبالرغم من إنى أخذت الأوسمة هذه .. ولو إنى أستحقها لإنى أخذتها مش علشان تفتزى أو علشان حاجة أنا قمت بأعمال مهمة فى الميدان وأعتقد إنى أستحقها إذا كانوا عاوزينها اتفضلوا خذوها .

• وصممت حضرتك على رأيك ؟

• « وصممت على رأيى .. ومرت الأيام وبرأت المحكمة المتهمين فى نهاية حكم الملك .. ثم جاءت الثورة وفتحت ملف القضية تانى وأدانتهم وكان من ضمن الناس الذين أدينوا : عبد الغفار عثمان ، الذى ورد القنابل اليدوية .. حكمت عليه بتجريدته من رتبته وصادرت أملاكه وأملاك زوجته لأنه كان متزوج واحدة إنجليزية واحدة مصرية .

• ويؤكد فتح الله رفعت : « وإحنا فى حرب فلسطين أنا جايب لك صورة لأحد المدافع اللي عندى

اللى فُجرت قبل أوانها فى ماسورة المدفع يعنى القول بأن قصة الأسلحة دى حقيقة لإنها حصلت معايا .. مدفع من البطارية بتاعتى انفجر قبل أوانه .

* بينما يقول حسن فهمي : الحقيقة أنا ومصطفى صدقى الله يرحمه .. اللى كنا بنأخذ الأخبار بنوديبها لإحسان عبد القدوس فى روزاليوسف فى المبنى القديم اللى فى الشارع وراء مجلس الوزراء على طول .. فأنما ما أعرفش المخاليل أو الأمرار بتاعتها لكن ماشفتش أنا من صور الأسلحة اللى اتعرضت فى المصور وفى آخر ساعة حافول لك إن ده كان سوء تدريب للعساكر .. لأن المدفع لـ ٢٥ رطل اللى هو كان من أحسن المدافع فى الدنيا أيامها كان بينفجر بعد الماسورة على طول .. بعد الترياس .. على طول .. ده بدينا فكرة إن المدفع ده فضل يضرب ضرباً سريعاً من أربع لخمس طلقات فى الدقيقة ضرب سريع .. والضرب العادى .. طلقتين فى الدقيقة .. لو تضربه أكثر من كده .. حيسخن قوى وجايز إنه يحمر ويبتى زى الجزرة .. فى الحالة دى أول ما تحط القنبلة جواه .. ونقل الترياس بروح منفجر المدفع .. على طول القنبلة تنفجر فى الماسورة .. فكل الصور اللى شفتها لهذه المدافع إن الماسورة منفجرة بعد الترياس على طول ده معناه إن المدفع كان سخن قوى واتعمر واتقلل الترياس راحت منفجرة المدافع .

* إذن لم تكن أسلحة فاسدة فى رأى حضرتك ؟

* أنا فى رأى ما كانتش أسلحة فاسدة .. وأنا متهاياً لى قريت كتاب بتاع .. ثروت عكاشة .. هو رأيته من رأيي ده .. ولو تشوف برضه مدافع الهاون .. الصور اللى شفتها الماسورة مفتوحة زى الموزة من فوق كده .. حط وأنا اللى أحط القنبلة بقاعدتها لتحت .. وتخبط تحت فيه مسمار يروح خابط على المواد المتفجرة فتروح طالعة دول حطوها بالمشقلب .. لما أحطها بالمشقلب .. فالقنبلة هى اللى مش حتنفجر حتطلع برة .. فينفجر المدفع .. ويتفتح زى الموزة .. فده برضه سوء تدريب .

* وهل كانت الأسلحة الفاسدة من أسباب ثورة يوليو ؟

* « يعنى هى كانت قضية كبيرة بس اللى أنا أقول لك حاجة أيامها كان فيه قرار طلع من الأمم المتحدة ما يدوش سلاح لا لليهود ولا للعرب ولكل الناس المتحاربين .. طيب إحنا كنا حنجيب سلاح منين .. كانوا اللى بيلاقوا سلاح كانوا بيروحوا يأخوه بأى شكل .. وكان بيلمو السلاح فى الصحراء الغربية .. طيب ده يضمنوا إنه كويس منين .. فإذا كان فيه حاجة من هذا القبول فدى أسلحة فاسدة .. كانت قطعاً غصب عنهم .. لكن ما كانش حاجة متعمدة أبداً .

* ويقول رياض سامى : « حاربت فى معركة ٨٠×٦ ودى منطقة من رفح وغزة .. وأراد الإسرائيليون أن يشتروا هذه المنطقة وكان الأميرالاي محمد نجيب الزتبة الوحيدة اللى حاربت وأصيبت .. والقول بأنها أسلحة فاسدة أعتقد غير سليم .. وأنا حاربت فى مواقع كثيرة فى فلسطين لمدة سنة ونصف ما فيش طلقة كانت غير سليمة .

• ويؤكد رشاد مهنا الكلام السابق : « الأسلحة الفاسدة اسم على غير مسمى .. اللي حصل إن جهاز مدفع نفجر ده صح .. ليه لإتهم كانوا يجيبوا بعض الأسلحة من مخلفات الجيوش .. الحرب خلصت سنة ٤٥ الصحراء مليانة مخلفات مدافع وبنادق وذخيرة راحوا جابوا حاجة منهم ببجربوها انفجرت حتى مونت ضابط .. كان فيه دعاية كبيرة جداً ضد المرابا ومن حولها قالوا أسلحة فاسدة ويجيبوا ويشتروا ويأخذوا القلوس وحاجة زى كده .. أنا عن نفسى أقول لك شهادة أمام الله إننى أنا مطلع أسلحة جديدة بالشحم من القلعة ومسلمها لهم .. جاية من إنجلترا .. ده السلاح الفاسد .. ده مغالاة فى الكلام » .

• ويقول د . محمود الجوهري : « والله الحقيقة المهندس صدقى سليمان ده من الشخصيات النادرة فى مصر يعنى أمانة وصديق .. صدقى سليمان قال الحق » .

• إنه ما كانش فيه قضية أسلحة فاسدة ؟

• « لا كان فيه .. كان فيه فاسد مش كلها فاسدة لكن كان فيه حاجات سليمة ١٠٠٪ ودافع عن الناس اللي كانوا متهمين فى قضية الأسلحة الفاسدة » .

• والرئيس عبد الناصر غضب منه كما ذكرت فى كتابك ؟

• « كان الرئيس زعلان وقال آمال إحنا عملنا الثورة ليه لما كل الأسلحة مش فاسدة .. كان هو ينتظر الرد من صدقى سليمان إنه يقول إن كل الأسلحة فاسدة .. ده حقيقى !! »

• وفى أثناء حرب فلسطين سنة ١٩٤٨ ولدت فكرة تنظيم الضباط الأحرار .. ويعدها بدأ التنفيذ العملى للفكرة ...

• ويقول توفيق عبده إسماعيل : « لما جاءت حرب فلسطين .. حصل تآلف أكبر بين عدد من الضباط بقيادة جمال عبد الناصر فى هذا الوقت منفرداً .. واتعرف على عدد من الضباط اللي أبلوا بلاء حسناً .. فى الحقيقة دى قصة طويلة .. ولو إن علاقتي قصيرة بالضباط الأحرار قبل الثورة » .

• ويعلق أحمد المصرى فيقول : « هو ما فيش حاجة اسمها تنظيم الضباط الأحرار .. فيه الضباط الأحرار لإن كلمة تنظيم فى تلك الزمان كانت تعنى على طول تحفز السلطة الموجودة وهى الملك والسراى والإنجليز والأحزاب ضد هذه المجموعة اللي بتسمى نفسها تنظيم .. وفى بعض الأحوال عرفت بعض المعلومات عن ما يسمى بالضباط الأحرار وحوسب أعداد منهم أمثال رشاد مهنا عن تصرفاتهم .. إنما كلمة ضباط أحرار لم تعرف فى مصر إلا بعد تداول المنشور الثانى أو الثالث من منشورات الضباط الأحرار التى كانت سياسية من الدرجة الأولى وكانت بتحاول أن تعرف الفساد الموجود وتمهد لفكرة التعبير » .

• وتقول د . هدى عبد الناصر : « كان والدى ينظر لوالدتي وينظر إلينا ويقول ماتستهونوش بها .. ياما تعبت معى كنت أرجع بالليل متأخر عليها وكنت بأجيب لها قنابل تشيلها » .

• **ويقول جمال منصور :** « حركة الضباط الأحرار مرت تسميتها بمرحلتين .. المرحلة الأولى من سنة ٤٥ إلى سنة ٤٩ كانت تسمى باسم « ضباط الجيش » واستمرت كذلك حتى حرب فلسطين .. ثم انتقلت بعد ذلك إلى المرحلة الثانية تحت اسم « الضباط الأحرار » إلى أن نجحت ثورة ٢٣ يوليو ١٩٥٢ » .

• **وأعلن وقف إطلاق النار في ٧ يناير سنة ١٩٤٩ .. وتركت حرب فلسطين جرحاً في نفوس العرب .. وهزة في العلاقات العربية ..**

• **ويضيف توفيق عبده اسماعيل فيقول :** « أغلب الضباط الأحرار الذين شاركوا في حرب فلسطين كان لهم سجل مشرف في الحرب سواء صلاح سالم أو عبد الحكيم عامر أو زكريا محيي الدين أو ثروت عكاشة أغلبهم اترقى ترقيات استثنائية وأخذ نياشين نتيجة أعمال بطولية في هذه الحرب وعلى رأسهم جمال عبد الناصر في الفالوجا .. في هذه الفترة نشأت فكرة تنظيم سياسي بقيادة عبد الناصر وكلم زملاءه بعد عودتهم من انتصار الفالوجا » .

• **ويقول كمال الدين حسين :** « المهم أخذنا بعدها فترة راحة سكوت شوية علشان الأنظار لا تنتج إلينا .. وبمدين جمال عبد الناصر اقترح أن الجيش للجيش .. ومالناش دعوة بعد ثاني .. يعني ننصل بيهم أه .. لكن إحنا نبقى تبار واحد .. وفعلأ كانت فكرة صائبة .. بدأنا وبدأ الضباط الأحرار في الفترة اللي لغينا فيها الاتصال مع الإخوان المسلمين بأن الجيش يبقى بتاع الجيش .. عبد المنعم عبد الرؤوف اللي هو سبب في معرفتي بجمال عبد الناصر يومها قال لي أنا سوف أستنى في الإخوان وأنا ملتزم مع الإخوان .. والإخوان أنا لما يجرى لي حاجة سوف يعينوا عائلتي وأولادي .. قلنا له إحنا معتمدين على الله وربنا يملهم في مواقف كثيرة والمواضيع دى بتاعة ربنا .. المهم هو التزم وخرج يومها .. ونقصت القيادة واحداً .. لكن اتعوضت بناس تانيين » .

• **ويضيف د . ثروت عكاشة :** « عدنا من فلسطين مهزومين نتيجة ما حدث من هزيمة ووجدنا أن تنظيم الإخوان المسلمين قد تورط في أمور غامضة مثل العنف والاعتقالات .. وهذا في الحق قد نفر خلايا الضباط منه .. واستقر الرأي على أن نشكل تنظيماً جديداً لا يقوم على معتقد مذهبي بل يضم إليه ضباط القوات المسلحة مهما كانت نزعتهم السياسية أو العقائدية طالما أن حسهم الوطني كان موجوداً » .

• **ويقول أحمد حمروش :** « اتخذنا خطأ أن الضباط الأحرار لا يكونوا تحت عباءة أى تنظيم .. ودى كانت من مزاي جمال عبد الناصر بالإضافة لقدرته على تجميع الضباط الأحرار من مختلف الاتجاهات حرصه على أن يكون الضباط الأحرار بعيدين عن الخضوع أو الانتماء أو العمل تحت عباءة أى تنظيم » .

• **ويقول خالد محيي الدين :** « في مايو ٥٢ قررنا إبعاد عبد المنعم عبد الرؤوف لإلحاحه على ضرورة ارتباطنا بالإخوان » .

• وكان استقطاب الضباط الوطنيين أول وسائل تنظيم الضباط الأحرار .. وهكذا انضم واحد بعد الآخر .. وبدأ العدد يزيد ويكبر يوماً بعد يوم ..

• ويقول توفيق عبده (إسماعيل) : الضباط الأحرار أصلاً فكرة نشأت حول اشتراك الجيش في العمل السياسي أو في العمل الوطني .. وبعد انتهاء الحرب في ٤٩ بدأ التنظيم فعلاً يأخذ مرحلة إعداد دقيقة أكثر من المراحل الكثيرة التي نشأت في هذه الفترة .. وكانت المحاولات كلها تبقى حول ضابط أبقى شجاعة وله شعبية أو ضابط يتكلم في العمل الوطني باستمرار فمحاولة اصطلياده أو إدخاله في التنظيم ينتج من الجماعة المؤسسة للضباط الأحرار سنة ٤٩ .. الجماعة دى كانت مجرد ضباط وطنيين في الأصل لما اجتمعوا مع بعض عاوزين يعملوا نشرات ويعملوا تنظيمًا .

• كما يقول فتح الله رفعت : جمال عبد الناصر كان باستمرار يشوف الضباط وحركاتها وقدرتها على تحمل مثل هذا العمل الخطير اللي سوف تقوم به .. وده من ضمن الحاجات بتاعة جمال عبد الناصر الواعية الصحيحة .. ورحنا أنا ومحمد عبد الخالق في بلد اسمها أندود كانت في فلسطين طبعاً .. وكنا بنقعد بال ٥ و ٦ ساعات لغاية صلاة الفجر .. دى بداية معرفتنا بمفجر الثورة الأول وهو جمال عبد الناصر .. قال لنا إحنا بعد ما نرجع سوف نغير النظام خالص .. كان الأول النظام بتاع التكريات اللي بيكونها جمال عبد الناصر أو بيلتقى بأحد أفرادها كانت عامة على كل الأسلحة .. النظام الجديد سوف يعمل لكل سلاح تكوينات معينة علشان يبقى لها رئيس .. وكان رئيس المدفعية عندنا هو كمال الدين حسين .

• ويقول مبارك رفاعى : حرب فلسطين سنة ٤٨ أنا شاركت فيها كنت ضابطاً صغيراً وبعدها نقلت مدرساً في مدرسة المدفعية جناح المدفعية المضادة للطائرات .. والفترة دى انضمت لتنظيم الضباط الأحرار مع مجموعة من زملائي في المدفعية المضادة للطائرات .. وكان يرأس المجموعة بتاعتنا كلها السيد كمال الدين حسين لأنه كان مدرساً في المدفعية .. وهو كان أقدم ضابطاً فينا كان هو برتبة صاغ .

• هل كانت اجتماعات سرية ولا اجتماعات علنية في ذلك الوقت ؟

• ضرورى أن الاجتماعات لا تكون علنية لأن ده تنظيم سرى .. بالقطع كانت الاجتماعات سرية بنجتمع فيها كل مجموعة مكونة من ٥ .

• ويقول محمد أبو الفضل الجيزاوى : كمال حسين اتصل بى علشان انضم للتنظيم فعلى طول وافقت وانضمت مع الضباط اللي أنا أعرفهم .. جينا من حرب فلسطين ابتدا تكوين فرقة مدرعة .. فأننا من ضمن الناس اللي أخفروا كلاً كان حرب للمشئون الإدارية .. فأننا فوجئت بكمال حسين .. طبعاً كنا بنعمل قعدات مع بعض واتصالات مع الضباط .. فى بيوتها أو فى القشلاق أو فى الطابور .. يعنى كان العمل السياسى مفتوحاً عندنا .. فجاء لى قبلها بـ ٤ - ٥ أيام وقال إن ضباط بتوع مدفعية الفرقة المدرعة يتجمعوا عندك فى البيت علشان فيه أوامر

أو تعليمات أو اتجاهات جديدة حقولها .. قلت له يعنى فيه حاجة حتحصل .. قال لى إن شاء الله ربنا يسهل .. قلت له : أوكيه ه فقال لى لم الضباط وتناقل فى البيت .. وقد كان .. كان فيه مقدم اسمه عبد المنعم أمين وكان من الشخصيات البارزة فى المدفعية فأنا فوجئت بلن عبد المنعم أمين جاء ومعه كمال حسين .. وده من الأخطاء بقاعة عبد الناصر .. كان يجيب رتباً كبيرة يحاول يغطى بها حركة الضباط .. عبد المنعم أمين حيعمل إيه طبعاً ولا حاجة .. يعنى أنا أركان حرب مدفعية ورتبتي نقيب فى ذلك الوقت .. كان فيه الكفاية ومش مهم أكون لواء ..

• ويقول د . ثروت عكاشة : « قام جمال عبد الناصر وعبد الحكيم عامر بعد عودتنا من فلسطين بالدعوة لهذا التنظيم .. وكنت قد عينت برئاسة هيئة أركان حرب الجيش إدارة التدريب الحربى .. وعين جمال عبد الناصر مدرساً بكلية أركان حرب وعين عبد الحكيم عامر أركان حرب سلاح المشاة .. وقام كل منهما بالدعوة إلى تنظيم الضباط الأحرار الذى انضمت إليه بطبيعة الأحوال لأن كل ما كان مطلوباً من هذا التنظيم هو ما كنا نرده فى اجتماعاتنا وخواطنا فكراً وحواراً .. كان الداعى الأول للتنظيم بلا نزاع هو جمال عبد الناصر .. فما شهدنا منه إلا كل إنسانية فياضة وبذلاً من جهده ووقته وماله فى سبيل قضية مصر التى كانت شغلنا الشاغل وتصحبه فى سبيل الغير وحرصاً على بذل العون لكل من نزلت به نازلة مواء كانت معنوية أو مادية فضلاً عن حنكته السياسية ودرأته العسكرية وتجرده المثالى .. لهذه الصفات كان عبد الناصر أهلاً لكى يقود ويسود .. »

• ويقول عبد المحسن أبو الفوار : « بعد ما انتهت حرب فلسطين اجتمعنا فى القاهرة .. وابتدأ جمال عبد الناصر يفكر فى تكوين فعلاً تشكيل الضباط الأحرار وكان تقريباً فى سنة ٤٩ فاتفقنى هو وعبد الحكيم عامر فى هذا وانضممنا مع بعض وابتدئنا نعمل خلايا الضباط الأحرار .. الخلية اللى أنا فيها كانت مع عبد الحكيم عامر وكان فيها محمد الملتاجى اللى كان محافظ الجيزة وكان فيها إسماعيل فريد اللى كان سفيراً فى الخارجية وكان فيها عباس رضوان اللى كان نائب رئيس وزراء .. وكان يجتمع أيضاً مع عبد الناصر فى أوقات كثيرة .. وهذه الخلايا ابتدت تتسع وتكبر .. »

• ويقول إسماعيل فريد : « الخلية الأصغر .. أو الأقل لا تعلم عن الخلية العليا شيئاً .. علشان المحافظة على السرية .. يبقى أنا بأعرف الضباط اللى فى خليتى .. زائد بأعرف الخمس ضباط أو الأربعة التانيين اللى سوف ينضموا لى فقط .. لكن ما أعرفش خلية زميلى إيه .. عمل كده علشان تبقى السرية مضمونة .. طبعاً كان كل ده بيصب فى الخلية العليا اللى إحنا لا نعرفها .. »

• ويذكر مصطفى كامل مراد : « يعنى بعد حرب فلسطين ما انتهت فى ٧ يناير ٤٩ فؤاد باشا صادق اللى هو كان قائد الحملة لأول مرة عمل مؤتمر الضباط فى رفح وخطب قال : أنا كنت بأحارب موسى سورتوك (واحد فى إسرائيل) وكان فيه موسى مراثيك بتحاربنى فى مصر .. والمشكلة مش هنا المشكلة فى القاهرة .. وأنا جئت من المعاش وأنا عارف راجع المعاش تانى .. طبعاً العملية دى يعنى هزنتى قوى معناها إن فيه خيانة فى القاهرة .. وكنت أنا

منزوحاً وعازراً أرجع لمراتى .. جاء كمال حسين قال لى أنت متضايق ليه ؟ قلت له الكلام اللي أنت سمعته النهاردة كلام لا يسر .. قال لى ما تيجى تدخل معنا الضباط الأحرار .. ولم أسأله ما هى الضباط الأحرار ولا أهدافها .. وقلت له موافق .. وبعد كده دخلت الخلية بقاعة محمد أبو الفضل الجيزاوى فى المدفعية المدرعة لأن هو كان رئيس الخلية فى الـ ٤ دول بتوع المدفعية .. وبدأنا نجتمع كل جمعيتين مرة واحدة بعض المساعات .. وبدأنا توزيع منشورات على الضباط .. وبعدين اكتشفت فى شهر مايو ٥٢ وأنا كنت فى سنة ثانية كلية التجارة .. إن مباحث أمن الدولة أو كانوا يسموها « القسم المخصوص » .. بتسأل عنا » .

* ويقول أحمد كامل : « ولولا إن جمال عبد الناصر هو اللي على رأس التنظيم ما كانش أحد راح .. عبد الناصر طول عمره معروف برجولته وشهامته وإخلاصه لوطنه وصدقه فعرض علينا إننا ننضم لتنظيم الضباط الأحرار .. فانضمينا .. كان أيامها مافيش غير شوية المنشورات .. وكنا نقعد نوزع منشورات » .

* ويقول أمين شاكر : « عبد الناصر قل لى على تنظيم الضباط الأحرار .. وقال إن موضوع سلاح الإشارة ده له أهمية كبيرة جداً .. هو اللي بيعمل اتصال من القاعدة الخلفية إلى الجندى الأمامى .. وقال لى : سعد توفيق أنا كنت مكلفه بإنه يكوّن خلايا للضباط الأحرار فى السلاح لكن ده كان موجوداً بره السلاح فمش قادر يقوم بهذه العملية .. إيه رأيك تقوم بها .. فسألت بعض الأسئلة علشان أستوضح حقيقة أهداف هذا التنظيم فرد عليها .. فقلت له أنا قبلت .. وبعدين مرة وأنا قاعد فى الميز جاء سعد توفيق وقعد معايا لقيته بيكلمنى ويقول لى .. ده فيه جمال عبد الناصر وعبد الحكيم عامر أنت تعرفه كنا مع بعض فى فلسطين .. عاوزين يقابلوك .. فقلت له ليه ؟ .. قال لى ما أعرفش .. فقلت له يتفضلوا .. أنا داعيهم على الشاى فى « هليوبوليس بالاس » .. رحنا هناك لقينا حيدر باشا بتاع السجون قاعد .. كان قائد عام الجيش .. فأول ما شغنا قال لنا بتعملوا إيه هنا ٢٢ » .

» ده قريب عبد الحكيم عامر ؟

» « قريب عبد الحكيم عامر ابن خالة أمه على طول .. فقالوا له لا مافيش حاجة يا فندم .. وأخذنا بعضنا ودخلنا جوه .. وكلمنى عبد الناصر قال لى إحنا سمعنا عنك وإحنا فى تنظيم اسمه كذا فى الجيش .. فهل عندك مانع إنك تنضم لهذا التنظيم .. قلت له لا .. ومن هذا التاريخ بدأ انضمامى .. وابتديت أنا أجند الضباط اللي هم تلامذتى .. ومن هذا اليوم عينت المسئول عن تنظيم الضباط الأحرار فى سلاح الإشارة .. وبعدين هو اختارنى علشان أبقي عضو اللجنة العليا للضباط الأحرار فى المنطقة المركزية للقاهرة .. اللي هى أصبحت بعد كده مجلس قيادة الثورة » .

* ويقول المهندس جمال عبد الحكيم عامر : « والدى جند أكبر عدد من الضباط .. وهو اللي جاب محمد نجيب ورشحه » .

• ويتأمل حسين الشافعي الموقف والنكرى .. ويقول : « أى حدث فى الكون هو قدر من الله يجريه على أيدي أناس وبهيء لهم الفرصة .. وإذا كان هو أعطى الإنزى فهو ييسر .. وعلامة الإنزى التيسير .. وأنا لا أحب أقعد أقول أنا عملت وأنا سويت .. لأن الفعّال هو الله .. كون إن أنا ربنا يختارنى علشان يجرى قدره على يدي إذا كان خيرأ ده يبقى فضل من الله .. ويمكن بالمدخل ده الواحد يتكلم عن الثورة .. كلامى يبدأ من سبتمبر سنة ٥١ .. مر مرور عابر جمال عبد الناصر على إدارة الجيش التقينا على السلم وأنا المكتب كان فى الدور الأول اللي هو دلوقتى وزارة الدفاع .. وأنا عارف إنه من الضباط الأحرار لكن لم أكن أعرف فى هذه اللحظة إن هو على رأس التنظيم .. رغم إنى أعرفه من مدة طويلة - وهذا الكلام أقوله لأول مرة - وبصيت لقيت نفسى عمّال أكلمه وأثيره وأكاد أحاول أن أجنده .. وهو كعادته .. فضل يسمع ولم يعقب .. الكلام ده كان قبل الظهر .. بصيت لاقيت على المغرب باعت اثنين علشان ييلغونى .. لأنه يظهر أحس فى كلامى ما لم يكن يتصور أكثر منه .. بصيت لاقيت باعت لى ثروت عكاشة وعثمان فوزى ليلغونى أن أتولى قيادة المدرعات فى السلاح .. وأنا ليس لى صلة من فترة بالدفع الجديدة اللي تخرجت .. بحكم عملى فى إدارة الجيش .. والحقيقة استصعبت المهمة وأنا خارج السلاح » .

• الوسيلة الثانية التى اتبعها التنظيم الجديد كانت المنشورات ..

• ويقول خالد محيى الدين : « كنت أنا مسئولاً عن قضية المنشورات وتوزيعها .. والبرنامج وإنشاء تنظيم الفرسان .. لغاية ما حسين الشافعى جاء واستولى على الرابطة .. هو تولى مسئوليته لأن هو أقدم وكان عنده قائد سيارات مدرع .. فأولاً كنت مسئول تنظيمى عن سلاح الفرسان .. ومسئول عن المنشورات ومسئول عن البرنامج » .

• مين كان بيكتب المنشورات يا فندم ؟

• « كان بيكتبها ساعات جمال عبد الناصر وساعات عدد من الضباط .. وساعات كان لنا صديق اسمه أحمد فؤاد بيكتبها .. وأنا ساعات كنت بأكتبها .. لكن بنراجعها سوا .. وبعدين طبع وتوزع » .

• ويضيف عباس رضوان : « عبد الحكيم عامر كان بيراقب على فى الامتحان .. وبعد ما أخذ الورق بتاع الامتحان قال لى افرض إنى أنا احتجت لك .. قلت له خلاص اعتبر الموضوع منتهى .. وفى خلال أسبوعين يمكن من هذا الكلام وجدت شبه اتفاق على أن نتقابل أنا وهو وجمال عبد الناصر وإسماعيل فريد الأخ اللى كان فى محافظة الدقهلية .. والأخ محمد أحمد البلتاجى اللى كان فى محافظة الجيزة .. اجتمعنا إحنا الخمسة فى منزل إسماعيل فريد .. اتكلم عبد الحكيم عامر واتكلم جمال عبد الناصر عن وجود تنظيم الضباط الأحرار .. فرحبت وابتدت تكون لنا جلسات كل عشرة أيام وكل أسبوعين - فى سرية طبعاً .. كانت ابتدت طباعة منشورات الضباط الأحرار .. إلى أن كلفت أنا والأخ إسماعيل فريد بتوزيع هذه النشرات -

على الضباط - التي نعرف إنهم من التنظيم .. فعلاً كان ببجيلي الأخ خالد محبي الدين بالمشورات .. وحتى كنت أستغرب إنه يمشى من على الباب .. بالمران عرفت إنه ده دارس أمن أكثر منّا فعلنا وقمنا بهذا الواجب مضبوط .. وكنا بنغطي كل منطقة مصر الجديدة والزيتون والحلمية ومنشية البكرى والعباسية » .

* ومين اللي كان بيمول ورقى البوستة ؟

* « والله إنا كان فيه استراك شهرى فى الوقت ده .. يمكن دلوقتى يبقى قليلاً قوى .. المبلغ كان على ما أذكر ٥٠ قرش .. وهذا الاشتراك كنا بنجيب به المطبوعات .. وكان فيه مجموعات عليها الطباعة وأخرى عليها الكتابة » .

* ويقول توفيق عيده إسماعيل : « وكان من حسن الظروف إن جمال عبد الناصر وكمال الدين حسين وذكريا محبي الدين كانوا الـ ٣ مدرسين فى كلية أركان حرب .. فأولاً استقطبوا عدد من تلامذتهم .. ثانياً كانوا بيلتقوا كل يوم مع بعض لقاء طبعياً لأنهم مدرسين فى وحدة واحدة .. وبدأوا يستقطبوا عناصر أخرى وفى نفس الوقت يعتمدوا على شخصياً كعنصر فى الدبابات .. وكان ثروت عكاشة العنصر الرئيسى لهم فى سلاح الفرسان .. وظهر حسين الشافعى على المسرح وما كانش معانا فى هذا الوقت داخل السلاح .. كان منتدبا خارج السلاح إنما كان ساكن فى مساكن الضباط فكان بيمر علينا الصبح علشان يروح مكتبه من داخل السلاح .. فبدأ يتصل بى ويتحدث فى الأمور العامة بتاعة الجيش وما أصابه والبلد وما أصابها من الملك .. ومن التصرفات اللتى تمت فى هذا الوقت .. واستمرت على علاقة بالـ ٣ أخوة حتى مارس ٥٢ فى انتخابات نادى الضباط .. وفى سنة ٥٠ قابلنى الصاغ خالد محبي الدين فى هذا الوقت فى النادى الأهلى .. وكان فى هذا الوقت سيقنا بكام شهر .. أول انقلاب فى سوريا سنة ٥٠ وكانت طبعاً ده علامة من علامات التشجيع لضباط الجيش فى الدول النامية والدول العربية على وجه التحديد .. إننا نفكر نعمل حاجة مثيلة بسوريا .. فلما قعد معايا خالد محبي الدين أكثر من جلسة كنا نتجاذب الحديث فى ملاعب الإسكواش ثم فى حديقة الشاى فى النادى الأهلى مع زملاء آخرين .. وتكلمنا عن إصلاح الأوضاع وقلت له وجهة نظرى إن الفساد الموجود فى مصر أساسه النظام الملكى .. والملك بالذات فى هذا الوقت كان بدأ يتصرف تصرفات غير لائقة وغير وطنية وفيه تهم كثيرة موجهة له فى حرب فلسطين .. ففى الحقيقة كانت الجلسة الأولى اللى فتح معايا الموضوع فيها بجد .. كانت هى البداية لمشاركتى فى التنظيم عن طريق توزيع المنشورات واستقطاب أعضاء جدد فى التنظيم .. ثم الالتقاء المستمر والدورى مع السيد خالد محبي الدين .. مر مارس وأبريل ومايو وإنا على اتصال مستمر بقيادةات الضباط الأحرار بتاعتنا داخل السلاح حسين الشافعى وخالد محبي الدين وثروت عكاشة وكان بيشاركنى فى عملية الدبابات زميل عزيز أحمد إبراهيم حمودة بنقعد مع بعض .. نستعرض هل فلان يصلح أم لا وكلمه إزاي ..بقى عندنا عدد فى هذا الوقت فى يونيو ٥٢ أكثر من ١٠ ضباط فى السلاح بإمكانهم أن يشاركوا بالدبابات فى أى عمل مطلوب منهم » .

• **ويقول فتح الله رفعت :** « كان بعض المنشورات ببكتب قبل ذلك فيها الضباط القوميين أو الضباط الوطنيين أو أى أسماء أخرى .. وكنا فى أول الاجتماعات مجموعة ضباط : مصطفى كمال صدقي وحسن فهمى عبد المجيد ومحمد أبو الفضل الجيزاوى وأحمد المصرى وعبد الفتاح أبو الفضل وآخرين .. يعنى كنا بنقعد ونشوف ونتكلم فى حالة البلد وبعدها نكتب منشورات ونوزعها باليوسنة أو باليد فى بيوت الضباط ده علشان نخلق رأياً عاماً .. وكان فيه واحد اسمه حسن صالح كان من ضباط المدفعية والتكويينات .. جمال عبد الناصر كان بيحرص على ألا يدخل فى تلك التكوينات إلا بعد ما هو شخصياً يقعد معاه .. وكان يقعد معانا بالساعتين والثلاثة .. ويتناقش فى الثورات السابقة : ثورة غاريلدى .. وثورة كمال أتاتورك .. والدروس المستفادة .. يعنى اشتدت الأعمال بقاعتنا بحيث إن إحنا كنا على طول بنذاع الضباط اللي بنشعر إنهم ضباط وطنيين وأقرباء بحيث إنهم يتحملوا مسئولية الحاجة الضخمة الكبيرة اللي اتعملت فى سنة ٥٢ » .

• **وأما مبارك رفاعى :** هل كان فيه اشتراكات بتجمعوها ؟

• كانت اشتراكات شهيرة وكانت ضئيلة .. المال ما هواش الهدف .. هو الهدف جمع تنظيم أكثر منه جمع مال .. وكان فيه بعض المنشورات بتوزع » .

• **فى فبراير عام ١٩٥٠** توالى المنشورات باسم « الضباط الأحرار » ..

• **ويقول خالد محبى الدين :** « جمال منصور كتب المسودة الأولى للمنشور الأول .. واقترح أن نوقعه باسم الضباط الأحرار » .

• **ويقول جمال منصور :** « وضعت فى نهاية المنشور الاسم الجديد « الضباط الأحرار » هذا الاسم الذى عبر عن وجه الثورة الجديد .. وتحت هذا الاسم سارت الثورة فى مدارها إلى أن تحقق نجاحها فى فجر ٢٣ يوليو ١٩٥٢ .. وحينما نجحت الثورة .. دنا عبد الناصر من خالد محبى الدين وقال له « إنه أمر يدعو للإعجاب حقاً .. هذا الاسم الذى أطلقه علينا جمال منصور ونذيل به أول منشور فى حركتنا .. يصبح الاسم لأقوى جماعة يتحدث عنها العالم كله الآن » .

• **ويقول توفيق عبده إسماعيل :** « فكرة تسمية الضباط الأحرار جاءت من زميل اسمه جمال منصور كانت فكرة تسمية وشراء آلة علشان يطبعوا عليها نشراتهم وبدأوا يصندروا نشرات فى أواخر ٤٩ .. النشرات كانوا يبعثوها لكل الضباط تقريباً اللي بيتلقوا النشرة طبقاً للأوامر العسكرية .. كان مفروض إنه يبلغ المخابرات إنه تلقى نشرة سرية .. اللي يتلقاها ويتكلم عنها بيبقى ده مجال للحديث مع زملائه علشان يعرفوا هل هو يتكلم عنها مؤيد أو معارضاً .. إذا كان مؤيداً يبتدى الاقتراب منه » .

• **ويقول محسن عبد الخالق :** « ابتدينا نطلع منشورات بأسماء مختلفة .. ولم تكن المؤسسة الوحيدة التى تزاوّل هذا العمل داخل الجيش .. كان فيه مؤسسات أخرى .. ولكن كانت أقوى مؤسسة وأصدرت منشورات باسم ضباط الجيش بناء عليها تم اعتقال بعض الضباط منها ..

وكان الفضل لجمال منصور أنه أصدر منشورا بعد اعتقال الضباط .. وهنا وضع الملك في موقف أن يختار بين ضباط الجيش وبين إبراهيم عطا الله وخرج إبراهيم عطا الله وأتى حيدر باشا .. وأتت الكوليرا ففعلت تصرفاتنا واجتماعاتنا » .

• ويقول فتح الله رفعت : « في الأول كانت هناك تكوينات عسكرية هذه التكوينات العسكرية كان كل منهم وطنياً .. وبعدين تيجي لنا منشورات موقع عليها أسماء مختلفة .. الضباط الأحرار » أطلق هذا الاسم في آخر سنة ٥٠ واللى أطلقه الأخ جمال منصور سفيرنا في فرنسا وفي عدة بلاد .. أطلق عليهم الضباط الأحرار وقعت المنشورات باسم الضباط الأحرار » .

• ويقول أحمد أبو الفتوح : « فرح عبد الناصر لإن أحمد فؤاد قد وعده بتحرير وطبع المنشورات .. وفرح أحمد فؤاد إذ أن انضمام الضباط الأحرار لمنظمته الشيوعية قد يشر ويفتح للشيوعية في مصر آفاقاً واسعة النطاق » .

• ويقول اللواء عبد المتعم أمين : « لم يكن انضماماً للضباط الأحرار .. كان سنة ٥٠ كان حضر إلى كمال الدين حسين وقال لى إنت عارف إن إحنا بتروج المنشورات .. وعندنا التنظيم بتاع الضباط الأحرار .. انضم إلينا .. قلت له والله أنا عندى التنظيم بتاعى وبأطبع منشورات .. لكن يوم ما عاوزين تعملا حاجة قولوا لى .. ويوم ما أكون مستعداً أعمل حاجة سوف أقول لكم علشان نعملها كلنا معا » .

• وبدأت الأزمة الاقتصادية الاجتماعية تطفو على السطح وهى أزمة بين الفلاحين والعمال من ناحية .. وبين كبار ملاك الأراضي الزراعية ورجال الصناعة من ناحية أخرى .. وعانى أبناء الطبقة الوسطى من ارتفاع تكاليف المعيشة وانتشار البطالة ..

• ويقول كمال الدين حسين : « الفلاح المصرى طول عمره .. إلى أن قامت الثورة مظلوم .. أنا شفت بعينى الفلاحين حفاة عراة ما عندهم فى بيتهم غير الحصيرة وزلعة المش ورغيف الذرة لو أمكن إن ده يتيسر يبقى نعمة كبيرة جدا من عند ربنا .. فكان ده حال ما يرضيناش أبدا ده طبعا » .

• واستحكمت روح الإحباط .. وأدى إلغاء النقاس معاهدة سنة ٣٦ فى أكتوبر سنة ٥١ إلى مصادمات دامية فى منطقة القناة قادها شباب القداميين والإخوان المسلمون ..

• ويقول خالد محبى الدين : « وقف النقاس باشا أمام مجلس النواب وقال « من أجل مصر وقعت معاهدة ٣٦ .. ومن أجل مصر أطلقكم اليوم بلغاتها » .. وبدأت العمليات الفدائية فى القناة » .

• ويقول أحمد المصرى : « النقاس باشا ألغى معاهدة ٣٦ وأصبح الشارع فى مصر مستثاراً إثارة شديدة جداً ، القوات الإنجليزية فى قناة السويس مستثارة إثارة شديدة جدا .. وعلى الجيش المصرى أن يواجه هذه المسألة .. وبعثونا كلنا تقريبا لنواجه القوات الإنجليزية فى طريق السويس فى المنطقة بصفة رسمية علشان نواجه دخول الجيش الإنجليزى إلى القاهرة .. هذه

المرحلة انتهت بعملية المويس المشهورة بناعة إخواننا رجال الشرطة .. وأصبح فيه مهانة شديدة تجتاح كل الناس .. الضباط والشعب ..

• ويقول أحمد أبو الفتح : « في ديسمبر سنة ١٩٥١ نصف القذافيون مخازن الخيرة بالنل الكبير .. وبهاجمون القوافل البريطانية .. والإنجليز يبيدون « كفر عبده » من الوجود ويدبرون جريمتهم الكبرى الثانية في الإسماعيلية في منطقة فنار الحجر ..

• وفي انتخابات نادى الضباط .. تمكن الأحرار من إنجاح مرشحهم للرئاسة .. اللواء محمد نجيب .. في مواجهة مرشح الملك .. اللواء حسين سرى عامر ..

• يقول محسن عبد الخالق : « فؤاد صادق باشا تخلى عن عبد الناصر لإن السراى أقنعته إن حنجهه رئيس أركان فنخلى .. فرشح محمد نجيب وهو اختيار جيد لأنه كان مشهوراً عنه الشجاعة والإحترام ..

• ويقول خالد محبى الدين : « محمد نجيب كان مشاركاً وموجوداً وعلى صلة بس ماكنش له دور تنظيمى .. أولاً لواء حركته محسوبة .. وأى محاولة لضمه للخلايا كانت تنكشف جداً .. هو الراحل كان على علاقة حسنة بنا وراجل وطنى ودخل باسمنا انتخابات نادى ضباط الجيش .. وكان ببيلغنا بكل المغمومات التى تصله ونبلغه بأية معلومات .. وفى الوقت نفسه لما قلنا له إن فيه حركة حقوق قال أنا مستعد أتولى القيادة وأشارك .. قلنا له إنت ما تشاركك خليك فى الأمان بتاعك ..

• ويقول أمين شاكر : « كان فوزنا فى انتخابات نادى الضباط تأكيداً لنجاح خططنا السرية ..

• وأسأل رشاد مهنا : متى بدأت علاقتك بالضباط الأحرار ؟

• « أنا ليس لى علاقة بالضباط الأحرار خالص ..

• التقيت بهم إذن بعد الثورة ؟

• « هذا نظام كان بينهم وبين بعض .. لا دخل لى فيه .. ولا انضميت إليه .. ولا أعرف عنه شيئاً ..

• ويقول عبد المنعم أمين : « وهو ده من الأسباب اللى أنا قلت لازم نجمع كل واحد له شخصية فى الجيش .. نجيبه هنا .. يعنى مش ضرورى يكون عضواً فى مجلس قيادة الثورة .. على هذا الأساس أنا كلمت رشاد مهنا علشان نجيبه .. لأنه من الشخصيات البارزة فى الجيش ومن الشخصيات اللى أنا عاشرتها وأعرف عنها الاتزان المطلق والوطنية المطلقة .. لأنه لن يحيد علشان كده ولا كده ..

• ويضيف رشاد مهنا : « قالوا إحنا عاوزين نجرب أنفسنا قلت إذا كنتم عاوزين تجربوا نفسكم أنا أجربكم .. وكان فى هذا الوقت بينى كعضو فى مجلس نادى الضباط وبين السراى بعض سوء التفاهم .. قلت إذا أمكنكم مساعدونى ونسير لحد ما نكسب الجولة .. قالوا لى وهو كذلك ..

- نقدر نقول إن انتخابات نادى الضباط حضرتك أوحيت لهم أن يقوموا بها ؟
- نعم .
- طيب مين كان من الحاضرين فى الجلسة ؟
- كان موجوداً زكريا محبى الدين وعبد اللطيف بغدادى وكان جمال سالم .. والله أعلم كان حسن إبراهيم أم لا .. دول كلهم كانوا موجودين .
- لكن أحداث ٢٣ يوليو نفسها حضرتك لم يكن لك دوراً فيها ؟
- لما دخلوا معى فى أحداث النادى غطت أحداث النادى على كل شيء .. وأصبحت المعركة ما بين الرئاسة وبين النادى فى صورة محمد رشاد مهنا لأنى كنت أقود المعركة وأقف أقود الجماعة وأقود الاجتماعات .. وفهمت إنهم عاوزين ثورة قلت مافيش مانع .. أنا لها ومشينا مع بعض على الأساس ده .. إلى أن اتريقيت ونقلت إلى العريش .. كانت صلتى بهم ثقل جداً لأن إحنا اتفقنا إن الصلة لازم تكون شخصية لا تليفون ولا مكاتبة ولا حاجة ولازم اللى بيحى ضباط .. وقلت لهم إن المخابرات سوف تقول إن رشاد مهنا سابكم وإنه استقال وساب النادى .. لا أبدأ أنا أكفل أن أقول لكم الحقيقة .. أنا رايح العريش .. إلى أن جاء فى اجتماع خطير جداً .. آخر اجتماع للنادى .. حضرت من العريش إلى القاهرة وأعانتى الله سبحانه وتعالى على هذا الاجتماع وانتهى على خير .. ورجعت العريش تانى .. مع إنهمذكروا فى كتبهم إنى هربت للعريش .. أنا مش فاهم أهرب من القاهرة للعريش يعنى إيه لم أفهم لها المعنى .. وهنا الجيش وهناك معظم الجيش .. وهناك إحنا جنب إسرائيل وتحت المخابرات .. واللى هنا هو اللى هناك .. لم أفهم هذا المعنى !؟
- ويقول جمال الليثى : « حضرت معاه المعركة الكبرى بتاعة نادى الضباط .. وإزاي كنا عاوزين نرجع محمد نجيب ونرجع التنظيم ونسقط المجموعة بتاعة سلاح الحدود .. وفعلأ نجحنا فيها جداً .. وأذكر فى هذا يوم إن جمال عبد الناصر قاعد فى الصفوف الخلفية قاعد متنبهاً عمال يشوف كل واحد داخل وخارج وبيعطى تعليمات بإشارة من طرف إيد .. فكانت أول مشكلة إن العدد غير كامل .. فكلف بعض الضباط .. منهم أنا ومنهم محسن عبد الخالق إن إحنا نشوف طريقة .. فكانا ندخل يعدونا وبعدين نروح من على سور النادى ننتظ أنا ومحسن ٢ - ٣ آخرين وندخل يعدونا مرة ثانية لغاية ما العدد اكتمل .. فاجتمعنا للجمعية العمومية .. وإلا كان الاجتماع مش حيتم !! »
- قبل ذلك وبعده اكتتفت حالة من القلق العام المدنيين والعسكريين .. قادت فى النهاية إلى أحداث أطول يوم فى تاريخ مصر المعاصر .. وبدأت صور الاتهيار السياسى على أشدها ..
- وكان حريق القاهرة نقطة تحول للضباط الأحرار .. أو كان كما جاء فى كتاب « البحث عن الذات » للسادات : « جرس الإنذار .. الذى عجل باستعدادنا للاتقصاص » ..

- وسألت الملكة السابقة ناريمان : تفكرى الحريق كان سبباً فى قيام ثورة ٢٣ يوليو ؟
- « أفكر عدم ظهور الملك فى الجيش .. والمنشورات كانت فيها طلبات الجيش .. أنا أخذت واحدة منها ووضعتها جنبه .. طلبات الجيش أو مجموعة الجيش التى على رأسها وزير الدفاع حيدر باشا - خصوصاً بعد ١٦ سنة منتظر ولى العهد - والمنشور كان يقول إنهم عاوزين ٢ مليون جنيه .. ورفع مستوى معيشتهم .. مش نياشين » .
- **« التى هم الضباط الأحرار ولا الجيش كله ؟ »**
- « الجيش ككل .. وكان لازم يقول خطبة ما أعرفش ليه ترك حيدر باشا يقولها للجيش » .
- **« ما كانش عاوز يواجههم يمكن ؟ »**
- « بأستغرب .. أنا كنت وراه بس على كرمى منتقل » .
- **« ليه يافندم ؟ »**
- « كان لسه آثار الولادة » .
- **« ويقول عادل ثابت : « كان اللواء حسين سرى عامر ومجموعته يمدون الملك بتقارير دقيقة عن الضباط الأحرار .. وكان حيدر قد انحاز إلى جانب متمردى الجيش ضد فاروق .. وانطلق حيدر إلى الاسكندرية لإبلاغ الملك أن تقرير حسين سرى عامر غير صحيح » .. »**
- **« ويقول أمين شاكر : « حصل حريق القاهرة .. وفى تصورى إن الذى عمل هذا الحريق هى السفارة البريطانية واتضح إنهم جايبين ناس فى معسكر كامب فريد وديروهم على عملية الحرائق دى .. وكما تعلم وزير للداخلية حاول أن يتصل بحيدر باشا ٣ مرات ولم يتمكن .. اضطر يروح بنفسه إلى قصر عابدين ونزل حيدر باشا قابله .. وبناء عليه نزلنا إحنا كقوات الجيش .. وأنا كنت ضمن الضباط الللى نزلوا .. وشقنا البلد مولعة .. إنما كان واضح جداً إن كان فيه أفراد مدربين هم الللى كانوا بيقودوا عملية الحرائق والمظاهرات .. وكما تعلم « الفريست كلوب » وه اللويدز بانك « حرقوهم كنوع من التعمية .. ولكن ظهر الهدف السياسى من هذه العملية .. وهو إقالة حكومة الوفد وتشكيل حكومة جديدة برئاسة على ماهر .. وخرج الوفد لأنه كان يتفاوض مع البريطانيين على ضرورة تعديل أو إلغاء إتفاقية ٣٦ واتسحاب القوات بناعتهم من الأرضى المصرية » . »**
- **« ويقول عبد اللطيف بغدادى : « كنا مجموعة وطنية متحمسة .. فدائين .. قيادة جماعية .. من قبل الثورة والرأى شورى بينهم .. لما حصل حريق القاهرة ومامعلناش حاجة .. والجيش نزل ومامعلناش حاجة .. أنا قلت لهم « باى باى » .. سلام عليكم .. قلت لهم لما تكونوا جاهزين ومستعدين تعملوا حاجة .. أنا جندى فى الطيران .. أبقوا كلمونى .. وسبتهم وقعدت ٦ شهور قبل الثورة بعيد » . »**

- ويؤكد هذا المعنى أمين شاكور إذ يقول : « هنا بقى ظهرت وجهتا نظر .. وجهة نظر كان ينزعها بغدادى إلى إحنا ما دام نزلنا وسيطرننا على المواقع الاستراتيجية فى البلد أن نعلن قيام الثورة فى يناير سنة ٥٢ .. عبد الناصر ما وافقش .. وبرضه عدد من أعضاء اللجنة العليا ما وافقوش .. لإنه قال علشان تبان إنها ثورة لازم نتبث للشعب إن إحنا قادرين نحرك القوات بتاعتنا .. إنما القوات دى نزلت بأوامر من القيادة الموجودة .. وبناء عليه انتصرت وجهة نظر عبد الناصر ولم نعلن الثورة » .
- ويقول توفيق عبده إسماعيل : « فى يناير ٥٢ فى حريق القاهرة فكر الضباط الأحرار إنهم يعملوا عملية مشابهة لعملية عرابى .. مطالب للملك وخلافه .. ورجعوا لمجموعة سلاح الفرسان الأصلية الللى كان فيها الأخ جمال منصور ومصطفى نصير وسعد عبد الحفيظ .. ودى كانت مجموعة صلتها الأصلية بجمال عبد الناصر وخالد محبى الدين .. فلقوا إن عدد المجندين معاهم عددأ مش كبير .. فأجلوا الفكرة تماما » .
- ويقول مأمون الهضيبي : « لما حصل حريق القاهرة عام ٥٢ كان جمال عبد الناصر وضباط الثورة ومجدى حسنين عندهم أسلحة .. فجابوها وأخذها حسن العشماوى وهو الللى راح حطها فى العزبة بتاعتهم فى الشرقية .. والللى عمل الرسم بتاع المخبأ والللى خططه بإيده جمال عبد الناصر .. وبعدين مرت الأيام واستولوا على هذه الأسلحة وقالوا إن الإخوان بيعودوها لكذا وكذا !! » .
- وكان الوفد هو حزب الأغلبية .. وكان اليسار واليمين والإخوان قد احتلوا مكاناً فى الحركة الشعبية ..
- وتخلص الملك من حزب الأغلبية بإقالة وزارة النحاس السادسة والأخيرة بعد الحريق ، وتعاقبت وتعددت الوزارات فى فترة قصيرة جدا وحرجة جدا .. وحل مجلس النواب فى مارس ..
- حدثت حالة من عدم الاستقرار الحكومى .. حتى أنه تشكلت أربع حكومات فى أقل من سنة شهور .. ومع مرور الوقت .. تحولت حالة القلق إلى حالة من السخط ..
- ويقول البابا شنودة : « أنا فاكور إن فى أسبوع واحد تغيرت ٣ وزارات لدرجة أن أحد الوزراء كانوا يسمونه وزير الساعة لأن ما قعدش غير ساعة واحدة » .
- وتقول الملكة السابقة ناريمان : « والله كان عبارة للأسف ما أقدرش أصورها .. كان كينيديليه .. وزارات متتالية ومتعاقبة » .
- وأسأل نجيب محفوظ : مصر ما قبل الثورة ٢٣ يوليو .. الشهور القليلة الللى قبلها ؟
- « الحقيقة على ما أذكر صادفت شهوراً كانت مثلاً للفوضى السياسية بمعنى كانت واصله لدرجة من التحلل خلقتها موضع السخرية .. لدرجة إن لاقينا إن الوزارات بتتكون إزاي وتروح إزاي

وكانت قصيرة .. يعلنوا عن رئيس وزارة ويجيبوا واحد تاني وحكاية .. لغاية الواحد بقى مش فاهم حاجة فى البلد .. يعنى كانت فترة تسبب غريبة جداً » .

• **ويضيف عباس رضوان :** « كان فيه الخلل السياسى اللى كان موجوداً فى الحكم فى مصر .. وحينما فى يونيه تقريباً أو من أول مايو بقت فيه ثلاث وزارات .. وزارة نجيب الهلالي وبعدين وزارة حسين سرى وبعدين وزارة نجيب الهلالي تانى .. وفى هذا كان موقفنا بقى واضحاً للسراى لدرجة إنه طلب من أحد الذين شكلوا الوزارة إنه يأخذ زوج شقيقة الملك فاروق إسماعيل شيرين .. وزير حربىة » .

• **وفى منتصف يوليو فوجيء الضباط بالملك يصدر أمراً بإلغاء الانتخابات النادى ..**

• **ويقول أمين شاكى :** « كان فوزنا فى انتخابات مجلس نادى الضباط دليلاً على تواجدها .. وكشف أسماءنا .. وبدأ التحدى سافراً .. وأرسلت إلى إيطاليا كنوع من الإهانة » .

• **يقول عباس رضوان :** « نحى محمد نجيب .. واتحل مجلس إدارة النادى وأصبحت مشكلة .. فهدينا شوية » .

• **ويقول جمال حماد :** « على وجه التحديد يوم ١٦ يوليو ١٩٥٢ صدر القرار بحل مجلس إدارة نادى ضباط القوات المسلحة .. وأنا كنت عضواً فى مجلس إدارة هذا النادى عن سلاح المشاة .. فهذا الحل كان زى ضربة ساحقة لأمال ضباط الجيش فى هذا الوقت .. لأن معناها إنه أصبحت هناك معركة سافرة .. بين الضباط وقيادات الجيش وعلى رأسها الفريق محمد حيدر .. وبين الملك .. فكانت هناك آراء مختلفة كثيرة .. ما العمل فى هذا الموضوع .. وأنا بأعتبر إن حل مجلس إدارة نادى الضباط هو الذى عجل بقيام ثورة ٢٣ يوليو » .

• **وسألت ملكة مصر السابقة ناريمان :** حضرتك قلتي كان الملك « بايع » العرش فى أواخر أيامه .. تقصدى إيه ؟

• « أفكر إنه قدم بسبيلاته مصر بسهولة على صينية فضة » .

• **تفكرى ليه ؟**

• « دى حاجة بقى يرد عليها الملك أحمد فؤاد الثانى السابق .. إن شاء الله سوف تتصل به وتلتقى به » .

• **بس تفكرى ليه كان « بايع » أو لو جاز لى أن أعير وأقول « مستبيع » ؟**

• « هو أخذ العرش وهو صغير .. وهى فعلاً مسألة السياسة كان مش غاروبها .. يمكن حصلت له حاجات سلبية فى حياته .. منها أخته الأميرة فتحية كان زعلاناً منها جداً وأنا كنت حاضرة .. عاوزها ترجع فوراً من أمريكا .. وكان مثالا للتردد والشك .. ويعنى كان سايك كلة فى الآخر .. ودى كلها قصاء وقدر » .

- وكان الضباط الأحرار يجتمعون لتدارس الموقف ورسم الطريق لتنفيذ الثورة ويخططون في صمت ..
- وكان الضباط يحيطون اجتماعاتهم بالكتمان حرصاً على السرية .. ويسابقون الزمن والقصر ..
- وبدأ العد التنازلي .. وحسب جميع الضباط الأحرار أنفاسهم انتظاراً للساعة المحددة ..
- ويقول محسن عبد الخالق : « كان الاتفاق إن مجموعة المدفعية يبقى لها مندوب مع جمال عبد الناصر .. تمثل المدفعية بواحد .. يمثل فيها الفرسان بواحد .. يمثل فيها الأسلحة المشتركة .. أصرينا أن نقوم بالثورة بعد الحريق مباشرة .. وكان هذا أمراً ميسوراً ولكننا وجدنا إننا غير مستعدين خصوصاً في التشكيلات الداخلية .. تحدى الملك لنادى الضباط .. لمجلس إدارة نادى الضباط وحله .. والإشاعة إنه حيعتقل الضباط .. دخلتنا في مشوار تنساق فيه مع الملك .. من سيضرب من ؟ لم يكن هناك خيار أماناً إلا أن نضرب .. أن نقوم بالثورة .. وضعت الخطة وقرأت الخطة علينا .. واعترضت المدفعية على الجزء الخاص بها ووضعت خطتها .. الجزء الخاص بالمدفعية كان ينحصر في صحراء العباسية وهذا رفضناه رفضاً باتاً ووضعنا خطتنا في إطار الخطة العامة .. وعبد الناصر كان قبل الثورة رجلاً ودوداً .. منصتاً .. طيباً .. ولهذا اخترناه » .
- ويتذكر صلاح الدسوقي فيقول : « كان في بنى الأسلحة الخاصة بالضباط الأحرار في ذلك الوقت كنت معروفاً إننى راجل رياضى ولا توجد أى شبهة سياسية تجاهى » .
- حضرتك ضابط بوليس أو ضابط جيش ؟
- « ضابط بوليس .. وكان كل يوم تطلع في الجرائد الأجنبية اسم صلاح الدسوقي لاعب في بطولة مصر كذا وسافر بطولة العالم كذا .. وكنت عضواً في نادى السلاح الملكى فكنت بعيداً كل البعد عن الشبهات .. وكان وقتها وجود السلاح في بنى مسألة حساسة ودقيقة .. لأن الظروف وقتها وده اللي أحب أقوله الإخوان المسلمين كان فيه معركة بينهم وبين الحكومة .. وكان فيه تفتيشاً مستمراً لكل الجهات والقاهرة قسمت إلى قطاعات وأى إنسان يوجد عنده سلاح كانت على طول أشغال شاقة مؤبدة .. دى كانت إلى حد ما مهمة وأعتبر ده موضوع سر كبير .. وده اللي خلانى أعرف بقية أعضاء مجلس قيادة الثورة » .
- ويقول توفيق عبده إسماعيل : « عبد الناصر استطاع إنه يجيب المجموعات المتباينة .. مجموعة من الشيوعيين الماركسيين .. مجموعة من الوفديين .. وأحمد أنور .. جمال القاضى .. وسراج الدين .. وتوفيق عبده إسماعيل كذا ننتمى عاثلاً للوفد .. ومجموعة من غير الوفديين خالص .. ومجموعة من الإخوان المسلمين .. دمج هذه المجموعات وتحريكها كان في يد شخص واحد .. هو جمال عبد الناصر » .

* ولما كانت ثورة ١٩١٩ .. عند قيامها .. قد ضمت إلى جانب المسلمين إخوانهم المسيحيين .. فقد خطر على بالي أن أسأل البابا شنودة : لماذا كانت المشاركة المسيحية في حركة الضباط الأحرار وثورة يوليو تكاد تكون معدومة ؟

* « الثورة لما قامت بين جماعة من الأصدقاء في سرية تامة .. كانوا يجتمعوا الناس اللي بيملئونها إليهم في المشاركة الثورية .. وطبعاً كثير من المسلمين لم يشتركوا .. وبرضه المسيحيين .. لأن دى كانت بين مجموعة معينة من الأصدقاء في الجيش .. وتعمل في سرية تامة جداً » .

* وأضاف د . ميلاد حنا : « هو كلمة ثورة مش مضبوطة قوى .. لأنه سنة ١٩١٩ كان تحركاً شعبياً .. أما في سنة ١٩٥٢ كان تديبراً مخططاً لمجموعة تعمل في الخفاء .. فده له طبيعة وده له طبيعة .. في ٥٢ أنا سألت هذا السؤال لخالد محيي الدين وسألته لثروت عكاشة وغيرهما .. فهو واضح إنه في نقطة البداية .. كان فيه صلة مع جماعة الإخوان المسلمين .. لكن لما بعد كده اتلموا الضباط الأحرار مع بعض أصبح الطابع بتاعها سرياً .. وبالتالي بتختار على أساس سرى وتختار على أساس الثقة المطلقة .. وكل الضباط من القيادات قالوا لى إنا ما كناش متصورين إنا حنحكم .. وإلا كنا دعيصنا على « حد قبطى » ، وخلصنا معانا .. ده كان كلامهم لى .. معتدلين .. فوُت لنا دى .. كان لها ظروفها التاريخية ! »

* ويقول مصطفى أمين : « أنا كنت متوقفاً قيام الثورة قبل قيام الثورة بـ ٣ سنوات كتبت في الجرنال في « أخبار اليوم » سنة ٥٠ في الموقف السياسى إن إنا نريد ثورة » .

• وهكذا كانت مصر خبلى بالثورة .. وعجلت الأحداث المشتعلة والمتصاعدة .. بدرجة الغليان المتوقعة في النهاية .. وسارع الضباط بوضع الرتوش الأخيرة لخطتهم ..

* ويقول عباس رضوان : « كان الصيف ابتدأ .. اللي سافر واللى راح الإسكندرية .. وأنا في الإسكندرية تقابلت مع جمال عبد الناصر صدفة في سيدى بشر نمره واحد المجانى .. مش في الأرستقراطية !! بعدها قال لى .. الموقف يستدعى اتخاذ قرار نهائى وحتمولوا ترتيباتكم وأن كل يوم اجتمعوا من ٦ إلى ٩ عند إسماعيل فريد عثمان نشوف إيه التطورات .. فلدرجة حتى إنى كنت بأذكر في سكن مع ضباط مالهومش دعوة بالموضوع .. فيقتب أطلع بحجج عندى شغلانة أو عندى ميعاد .. إلى إن جاء يوم قال بكرة .. بكرة يعنى ٢٢ .. صدرت التعليمات بالقيام بالثورة » .

* ويقول أحمد حمروش : « في هذا اليوم كنت مسئولاً عن لجنة منطقة الإسكندرية وفوجئت وأنا أستعد للسفر للخارج بمجيء عز العرب عبد الناصر وشوقى عبد الناصر وقالوا لى إن جمال عبد الناصر عاوزك ضرورى في مصر .. كان الكلام ده حوالى يوم ٢٠ فنزلت مصر يوم ٢٢ وقابلت جمال عبد الناصر .. رحلت له البيت ما كنش موجوداً .. استنيته على ناصية الشارع فجاء في العربية الأوسن الصغيرة بتاعته .. وكان معاه كمال الدين حسين وصلاح نصر والأميرالاي أحمد شوقى اللي منك قسم القاهرة .. وفوجئت بإنه قال لى أهم كلمات سمعتها

في حياتي .. وهى إن الليلة دى الجيش حينحرك .. علشان الملك دخل فى سباق مع الضباط الأحرار وجاءت لهم معلومات إنهم حيعتقلوا الضباط الأحرار .. وكانت الخطة موضوعة .. فهو سلمنى رسالة أروح بها للإسكندرية وهى إن الإسكندرية لا تتحرك فيها القوات .. وإنما تظل منطقة هادئة حتى لا يكون هناك تعارض بينها وبين القاهرة لأن هناك كان الوزارة وخفر السواحل والبحرية الملكية وكل القوات اللى مفروض إنها عملياً خاضعة للملك .. وماكنش فيه خطة أعدت لتحريك القوات » .

• **ويعلق رشاد مهنا فيقول :** « فى يوم من الأيام أتانى صلاح سالم وواحد اسمه كمال فزاد .. قالوا إحنا قررنا نقوم بالثورة .. كانت مفاجأة بالنسبة لى !! لأنى كنت معتقداً إننى الرئيس بالنسبة لهم طبعاً .. فليت العملية خلاص قلت لهم مين ؟ قالوا فلان وفلان .. واتفقتا بس الميعاد لم يتحدد .. فمدت ناقشتهم فيها .. الحاجة الفلانية اتعملت ؟ .. والإنجليز وراكم و ... و ... إلى آخر هذه العوامل .. قالوا إحنا عملنا الترتيب .. قلت لهم خلاص على بركة الله » .

• **ويقول ثروت عكاشة :** « وابتدينا - حسين الشافعى وأنا - نطمئنه على إن سلاح الفرسان جاهز للعمل .. وإن به على ما أذكر ٣٢ ضابط مشنركوا وبه ٤٨ دبابة و٤٨ سيارة مدرعة .. وشرحنا له إن هذه القوة كفيفة بإنجاح الثورة ولسنا فى حاجة إلى أية عون من أى سلاح آخر .. طالما إن عندنا كتية مشاة ميكانيكية .. على أية حال انصرفنا وتوجهنا إلى ضباطنا لنعلنهم بالترام نكتنهم حتى يأتى الأمر بركوب مدرعاتهم - اللى هى ساعة الصفر - وفى اليوم التالى كنت فى مكتبى برئاسة أركان حرب الجيش فمر على عبد الناصر ليلبغنى إنه قد تقرر تأجيل القيام بالحركة ٢٤ ساعة وبعد انتهاء الـ ٢٤ ساعة تحدد الموعد ليكون الساعة الواحدة والنصف بعد منتصف ليل ٢٢ يوليو » .

• **ويضيف حسين الشافعى :** « يوم ٢٢ أنا بدأت فى وحتى لحد الساعة واحدة ونصف ظهراً .. رحى العيز اتغديت ورجعت علشان يبقى وجودى ثابتاً .. وحوالى الساعة ٢ إلا ربع أخذت عربيتى « الموريس » اللى كنت أملكها واللى كنت شاريتها « ساكند هاند » من واحد اسمه محمود الكاشف .. كان أخوه ضابط معانا .. ورحى فى الميعاد المقرر للاجتماع الأخير لتنسيق الخطة فى وضعها النهائى .. كان الاجتماع فى شارع فوزى المطيعى فى بيت خالد محبى الدين .. يعنى كل واحد منّا حط عربيته على مسافة بعيدة ومضى لحد بيت خالد .. حضرنا الاجتماع وتم مناقشة الخطة .. وقالوا إن الميعاد الساعة ١٢ زى ما كنا متفقين يوم ٢١ .. أنا قلت .. أنا دلوقت مش حافدر أوصول بأحد لإن العجلة مشيت .. ولم يبقى فيه مجال للاتصال بالضباط .. ودى سوف تكشف العملية ساعة قبل الميعاد .. بقى فيه تصميم إنها الساعة ١٢ خلاص .. إحنا نتحمل مسؤولية الساعة دى وربنا معانا .. وانتهى الاجتماع الساعة الرابعة والنصف » .

• **ويقول فتح الله رفعت :** « كان تحت إيد كل ضابط مسئول يوم ما حدث حريق القاهرة .. قوة من المشاة ومن الفرسان .. كان قائدهما حسين الشافعى ومن المدفعية وأنا كنت قائدها .. دول سمح لهم بأن يأخذوا ذخيرة .. هذه الذخيرة هى التى أفادت يوم الثورة لإن وحدتنا اللى بأقول

لك عليها المشاة والفرسان والمدفعية .. سمح لهم بأخذ الذخيرة التي وزعت علشان القيام بالثورة .. قالوا ثانی يوم الضباط اللي لها وحدات تروح فی منزل فتح الله رفعت .. والضباط اللي ملهاش وحدات محاربة تروح عند محسن عبد الخالق .. وحصل .. وكان بيتی فی ٢٢ يوليو فيه جميع ضباط اللجنة التأسيسية اللي هي سميت بعد ذلك مجلس الثورة .. كان فيها من الطيران والمدفعية والسوارى والمشاة كل وحدة لها ناسها علشان يقوموا بهذه الثورة .. كان فی بيتی معظم رجال الثورة .. وكان زكريا محيى الدين هو المنوط له بعمل الخطة بالتفصيل تحت إشراف جمال عبد الناصر .

• ويؤكد هذا الكلام كمال الدين حسين : كنا قبلها اجتمعنا عند محمد أبو الفضل الجيزاوى وكان عدداً كبيراً جداً من الناس بيدخلوا ويخرجوا .. واحتياطاً للأمن .. قلنا ما نتجمعش ثانی فی بيته .. ورحنا بيت زميل من زملائنا : فتح الله رفعت .. وواحد ثانی اسمه محسن عبد الخالق .. وإدبنا التعليمات النهائية هناك وكانت ساعة الصفر الساعة ١٢ وكان كلمة سر الليل « نصر » .

• ويعود مصطفى كامل مراد بالذاكرة إلى هذه الليلة ويتذكر : فی ذلك الوقت كان فيه واحد من الأميراليات بوليس اسمه إمام إبراهيم .. كان بيكلم عضو مجلس نواب قريب لنا حلمى عبد البارى الله يرحمه فی بيتی .. إنتم عرفتموا أسماء شوية العميل دول الضباط الأحرار .. قال له أيوه عرفنا أغلبهم .. أنا خفت بصراحة .. جاء كمال الدين حسين وجاء بكباشى اسمه عبد المنعم أمين .. وقال إن إحنا سوف نتحرك فی منتصف الليل وتروحوا قشلاقنكم النهاردة وتجهزوا للعملية ونقول للمساكر إن فيه حالة طوارئ .. طبعاً بدأت النفوس تضطرب من إن الحكاية جد .. كنا إحنا أركاننات حرب فی رئاسة مدفعية الفرقة المدرعة (إونا إشارة إننا نجهز ونستعد للخروج فی حالة الطوارئ .. أنا قلت آه أبو الفضل الجيزاوى قال لأ .. ما فيش إشارات .. كل واحد عارف دوره وعارف المهمة بتاعته .. واللى علوز يتحرك بوحدة يتحرك وانفضينا .. طبعاً أنا كنت فی حالة قلق وكانت مراتى حامل فی ابنتى الدكتورى مها .. وكنا آخر الشهر وما فيش فی جيبى بضعة جنيهات كما هي العادة .. وكنت قلقاناً وخائفاً .. وكان فيه ابن خالتي .. كان يوزباشى فی البحرية اسمه محفوظ نظير .. قلت له ده فيه كذا وكذا قال لى يا خير أبيض دى عملية خطيرة .. وقال لى خليك جذراً .. لم أطمئن إلاطمئنان الكافى .. رحت مصر الجديدة قبل ما أروح أتماظة عديت على أخى محمود صدقى مراد قلت له على الموضوع .. وكان موجودا الصاغ صلاح كامل اللي هو أصبح لواء فيما بعد وتقاعد مع أخى محمود .. قال لى يا خير إسمود ده أنا ضابط عظيم نوباتشى فی المدفعية .. دى العملية حبتى عملية كبيرة .. ولمس وقام راح رئاسة المدفعية فی أتماظة .. ومحمود أخويا قال لى ربنا يوفقكم .. العملية خطر وفيها إعدام لو فشلت الحركة .. قلت له معلش إحنا مقتنعين بها .. وتوكلت على الله !!

• وكانت الشحنة الموقوتة قد حل موعد انفجارها .. واقتربت اللحظة الحاسمة ...

وجاء اليوم الحاسم

• أطول يوم في تاريخ مصر المعاصر هو الساعات الأربع والعشرون من يوم ٢٣ يوليو سنة ١٩٥٢ ...

• وفي السويغات الحرجة السابقة على حركة الضباط بعدما تسربت أخبارها إلى القصر .. كانت المسألة مسألة حياة أو موت ...

• ويتذكر حسين الشافعي فيقول : يوم ٢٠ كنا بنتغدى فإذا بزوج أخت ثروت عكاشة يتصل بليفونيا ويبلغنا إن فيه تشكيل جديد للوزارة .. والتشكيل ده برئاسة الهلالى واللى جاي كوزير حربى هو حسين سرى عامر اللى كان قائد الحدود وكان موالياً للملك موالاة كاملة .. وظهر طبعاً موقفه فى عملية انتخابات نادى الضباط .. اتضح ساعة ما سمعنا هذا الكلام إن العملية مؤداها تصفية كاملة إذا جاء حسين سرى عامر .. رحنا سايبين الأكل وطلعنا على بيت جمال عبد الناصر .. بيته فى هذا الوقت كان جنب محطة البنزين اللى فى الساحة الثانية من نفق المترو أمام المستشفى العسكرى .. طلعنا له كان فى الدور اللى فوق الأرضى وبلغناه طبعاً لم يكن فيه مجال إلا إنه لابد أن يكون التحرك بأسرع ما يمكن .. وتقرر إن الثورة تنفذ يوم ٢١ .. وبعدين لأسباب مختلفة منها إن بعض الناس اللى كانوا فى العريش .. لم يكونوا قد تواجذوا .. يعنى ده المبرر اللى أدى للتأجيل .. الميعاد كان ١٢ ليلاً .. إحنا بلغنا الضباط وبقي كل واحد فى موقعه يوم ٢١ لحد ما بلغناهم إن العملية تأجلت ليلة ٢٣ ..

• ويؤكد ثروت عكاشة هذا الكلام فيقول : فى ٢٠ يوليو على وجه التحديد كنت قد دعوت أخى وصديقى حسين الشافعى لتناول الغداء فى منزلى .. وبينما نحن منكبين على الوجبة إذ بالتليفون يرن وتلاقى مكالمة تليفونية من الأستاذ أحمد أبو الفتح رئيس تحرير صحيفة المصرى وقت ذاك .. وكنت قد أوصلت جمال به منذ عام ٤٩ حيث وضع الصحيفة فى خدمة أهداف التنظيم .. قال لى : إن ثمة مشكلة وزارية فى الأفق وإن الملك قد طلب من حسين سرى باشا رئيس الوزراء تعيين اللواء حسين سرى عامر خصم الضباط الأحرار اللود وزيراً للحربية .. غير إن رئيس الوزراء اعترض على مثل هذا التعيين الذى قد يكون له نتائج مخربة .. واقترح

تعيين اللواء محمد نجيب بدلاً منه وزيراً للحربية ، ثم أضاف أن هناك قائمة بأربعة عشرة ضابطاً مطلوب تشريدهم والزج بهم في السجون .. وألمح إلى رمزاً إلى أنه ينبغي الإسراع بقيام تحرك سريع .. أسرعت فوراً ومعى حسين بالخروج للقاء عبد الناصر في منزله حيث اختلنا به .. وأنهيت إليه ما قد أبلغني به الأستاذ أبو الفتح فسلأني رأيي .. فقلت لابد أن نقوم بالثورة في القذ فوافقني .. غير أنه كان يتقرب وصول بقية وحدة من وحدات المشاة من سيناء إلى القاهرة .. ثم سأل حسين الشافعي عن رأيه فكان رأيه من رأيي وابتدنا حسين وأنا نطمئنه على إن سلاح الفرسان جاهز للعمل » .

• ويضيف أحمد المصري : « الغريب إن الملك عن طريق حسين سرى عامر وناهد رشاد .. علم أن هناك في الجيش بعض الضباط متمردين .. وصارع بوزارات مختلفة في هذه الفترة حوالي ٧ - ٨ وزارات .. كانت آخر وزارة منهم وهي أخطر وزارة بالنسبة لنا لأن كان أشيع إن حسين سرى عامر مدير سلاح الحدود هو اللي حيتولى وزارة الحربية .. حسين سرى عامر على دراية كاملة بالضباط الأحرار وعارفهم واحداً واحداً .. وهو رجل قاسى .. فأصبح هناك ضرورة لشيء ما يتم حتى لا تجهض حركة الضباط الأحرار » .

• بينما يقول أحمد حمروش : « اللي عاوز أقوله إن الأيام التي كانت فرق بين وضع خطة والتحرك الفعلي لا تتجاوز أربعة أيام وده نتيجة السباق اللي كان موجوداً لأن الملك كان مقرراً اعتقال الضباط الأحرار والخبر ده جاء عن طريق اللواء محمد نجيب .. قاله له محمد باشا هاشم اللي كان وزير دولة في وزارة حسين سرى باشا رئيس الوزراء .. وجاء أيضاً عن طريق الأستاذ أحمد أبو الفتح أبلغه للكبكاشي ثروت عكاشة اللي هو نسيه .. فكان الضباط الأحرار أمام خيار وحيد إنهم يتحركوا ويفكروا يتحركوا .. إزاي لغاية لحظتها ما كانش معروفاً .. هل يعملوا حركة اغتيالات .. هل يحركوا الجيش .. إلى أن استقر الأمر على تحريك الجيش في ليلة ٢٢ / ٢٣ يوليو » .

• ويقول خالد محيي الدين : « الخبر تسرب .. الضباط حسن صالح رايح بلبس هودمه في غير موعد نوبطشيتيه فأمه شكّت في الموضوع فكلمت أخاه .. كان ضابط طيار فاتصل بالقصر .. فهو عرف بلغ زملاؤه فقالوا له اقعد في البيت .. لكن بقي كان لابد من الحركة بسرعة لإن الملك طبعاً عرف .. ونزل قائد أركان حرب الجيش وجاب القوات .. كان فيه سباق بيننا وبينهم » .

• ويقول فتح الله رفعت : « الثورة - وأقولها علشان الناس تعرف - كانت ستقوم يوم ٢١ يوليو تأجلت يوم لأن حسن صالح رايح قال لوالدته .. تأجلت الثورة إلى يوم ٢٢ يوليو .. وقيل هذا في بيت أبو الفضل الجيزاوى في الاجتماع بتاع الفرسان اللي هي الدبابات والمدفعية » .

• ويقول كمال الدين حسين في نفس الموضوع ولكن برواية أخرى : « طبعاً كل واحد رجع بيته .. علشان يستعد للتجهيز .. وأنا لمه قاعد في البيت علشان أخرج قبل ساعة الصفر بساعة يمكن وزيادة .. جاء لى واحد من ضباط المدفعية قال لى فيه ضابط وهو خارج أمه ممكنه

وبلغت أخاه التي كان مرفوداً من الجيش أو محال على الاستيلاء من سلاح الطيران وكان من السرب الملكي أظن وراح مبلغ المراهي .. والضابط ما كان له ذنب في العملية دي لكن لما بلغوني في البيت وجدت عبد الناصر كان قايت علني ليلتها زي ما أنا بأمر على الناس نشوب عملوا إيه واستعدادتهم إيه .. كان هو بيمر أيضاً على المجموعات علشان يطمنن إن كل حاجة ماشية .. فقلت له .. فقال لي العملية مثبتة وخلص الموضوع ده كأنه ما حصلش » .

● كانت هناك خطة عسكرية محكمة .. وهي تلك التي غيرت تاريخ مصر الحديث .. وكانت المهام ساعة الصفر كالآتي : الإشراف العام والقيادة كانا لكل من جمال عبد الناصر وعبد الحكيم عامر .. وكانت العملية مدروسة بصفة عامة وموزعة بين الضباط .. وتولى زكريا محيي الدين أركان حرب العملية ..

● يقول محسن عبد الخالق : « كلف زكريا محيي الدين بوضع مسودة الخطة وقرنت الخطة على مجموعة عبد الناصر ثم قرنت على الوحدات في اجتماعات الوحدات .. إحنا المدفعية اعترضنا ووضعنا خطتنا في إطار من الخطة العامة » .

● ويقول أحمد حمروش : « هو اعتنقادي إن زكريا محيي الدين هو اتلى وضع خطة الثورة هو اللي كتبها ووفق عليها في لجنة الضباط الأحرار » .

● وأسأل ثروت عكاشة : لما اطلعت ياغندم على مذكراتك .. كان فيها وثيقة عبارة عن خطة الثورة يوم ٢٣ يوليو وكانت بخط المشير عامر ؟

■ « لم تكن وراء هذا فكرة وإنما كان وراء هذا فريقاً متعاوناً .. عبد الناصر كان يلفي برأيه وعبد الحكيم يسجل وزكريا أسندت إليه مهمة .. وكان زكريا مشتركاً أيضاً في هذه الخطة ولا يهم من كان يكتبها بخط يده » .

● ويقول كمال الدين حسين : « ليلة ٢٢ - ٢٣ طبعاً اجتمعت لجنة القيادة .. كان فيه مجموعة مكلفة إنها تعمل الخطة .. عبد الحكيم عامر وأنا وزكريا .. وبعد ما عملنا الخطة واجتمعت لجنة القيادة ناقشناها .. وقلنا بقي حيروح كل واحد ينفذ الجزء بتاعه الخاص بيه .. وإحنا قطعاً كل واحد كان مسئولاً عن سلاح .. فمثلاً جمال عبد الناصر وكان عبد المنعم عبد الرؤوف قبل كده وزكريا محيي الدين وعبد الحكيم عامر .. كانوا مسئولين عن سلاح المشاة .. وأنا وبعدين عبد المنعم أمين انضم لنا قبل الثورة بيوم .. عن سلاح المدفعية .. وهكذا » .

● بينما يقول محسن عبد الخالق : « من قال هذا لم يعطنا دليلاً .. كنا أول الوحدات التي تحركت وشاهدت عبد الناصر وكان بملابسه الرسمية .. هل كان واضعاً الملابس العسكرية في العربية .. لا أظن أن ذلك حدث .. لا بد أن من روى هذه القصة .. كان يقصد إنه رآهم يمشون في التاسعة مساءً أو العاشرة بالملابس المدنية وذلك كان قبل ساعة الصفر » .

● ويقول شمس بدران : « وبعدين أول حاجة عملها عبد الناصر لما غير هدومه ولبس الملابس

العسكرية ولما احتلوا رئاسة الجيش طلبنى فى رئاسة اللواء .. بس برضه الحذر الشديد بتاعه كان موجوداً فطلب الولد بتاع التحويلة قال له إنده لى فلان .. قال له أقول له مين حضرتك ؟ قال له الصاغ جمال .. هو كان بكباشى المفروض يقول البكباشى جمال فقال له الصاغ جمال .. علشان لو العملية فضلت وراجعوا المكالمات التليفونية حيلقوا الصاغ جمال مش البكباشى جمال .. فلما كلمته قال لى تقدر تجيب اللواء وتحركه تجيبه إلى رئاسة الجيش .. وحركت له اللواء ووديته رئاسة الجيش .. بقى قوة احتياطى هناك .. بس .. يعنى دورى مش جامد قوى .. دور على قننا ..

• كنت ملازماً أيامها ؟

• « أبوه كنت ملازم أول .. »

• وكان الأخوان جمال وصلاح سالم فى سيناء التى عاد منها أنور السادات لتنفيذ خطة سلاح الإشارة ..

• وتذكر السيدة جيهان السادات فتقول : « هو أنور السادات كان ساعتها فى رفح وكان عارف إن الثورة سوف تقوم ولما تقوم الرئيس عبد الناصر سوف يخطره بهذا .. وهو تم إخطاره فنزل من رفح جاء إلى القاهرة .. طبعاً أنا قلت له ده مش ميعادك إيه الحكاية ؟ قال لى والدتى تعبانة .. ويعدين جاء .. طبعاً والدته لم تكن تعبانة .. ويعدين هو عمره ما كان يغير كلامه ولا يكذب فى حياته .. قال أنا جاي أجازة وقال لى أنا عاوز أفسحك كمان .. عارف واحد حاسس إنه سوف يموت أو سوف يجرى له حاجة .. عاوز آخر لحظاته يعيش مع أسرته .. أخذنى اتمشينا بالعربية بتاعتنا فى شارع الهرم .. وقال أنا وعدت والدك إنى لا أشغل فى السياسة .. مش عارف .. الوعد ده مضايقتى .. أنا طبعاً بمنتهى الحماس قلت أنا اتجوزتك علشان حبك لمصر وتفانيك من أجل خدمة مصر .. أنا لا أرضى يا أنور بالعكس .. قال لى بجد ؟ يبقى أنا طلعت من الوعد .. قلت له طبعاً أنت متجوزنى أنا ولا أبويا .. ارتاح يومها .. وأخذنى رحنا سينما الروضة كانت سينما مفتوحة صيفى .. فالنور قطع مرتين قننا لما رجعنا البيت هو راح يجرى العربية .. البواب أعطانى كارت من جمال عبد الناصر مكتوب عليه « المشروع يبدأ الليلة .. أعطيته الكارت بص فيه وراح داخل بسرعة .. كان لأبس قميص وينطون فليس اللبس العسكرية وقال أنا ماشى بسرعة .. قلت له ياه يا أنور رايح فين ؟ قال لى واحد صاحبى فى المستشفى ولازم أروح حالاً .. وكان مشدوداً قوى .. قلت له طيب ليه اللبس العسكرية ؟ قال علشان يعنوا به .. وهو نازل على السلم بصيت له كده وقلت له : أنور لو رحلت السجن .. مش حازورك .. كان نارل بسرعة راح واقف وبص لى كده بصة وقال بتقولى إيه يا جيهان .. طبعاً أنا بأقولها تلقائياً مش فاهمة إيه اللى يحصل لكن فيه حاجة كده مستغرباها وطلعت منى .. بص لى كده قال لى صحيح ؟ قلت له أنا بأضحك وبأهزر .. ربنا معاك .. وراح مكمل وغاب وأنا مش عارفة الغياب ليه .. إلى أن كلمنى فى التليفون الصبح .. »

• ويضيف ثروت عكاشة : « هو كما ترى الظروف أجبرتنا على أن تتم فى ٢٣ يوليو ما كنا

قد عزمنا أن نتنم في ٥ أغسطس فكان من العسير الاتصال بطاقم الضباط في مثل هذه المهلة القصيرة .. والفترة الحرجة .

- وأسأل حسين الشافعي : مين يافتنم اللي كانوا مش موجودين وانتظرتوهم ؟
- « أظن جمال سالم وأنور السادات وحسن إبراهيم .. وأنور السادات كان مفروض إنه عليه واجب تعطيل تليفونات القاهرة بصفته ضابط إشارة يعنى حتى تأخره ساعد في إن الاتصالات لم تقطع حتى يوم ٢٣ .
- ويقول محسن عبد الخالق : « صلاح سالم بقى في منزله في رفح ولم يذهب إلى مكتبه .. يعنى لو كنا اتسكنا كان هو بيقى ما لوش دعوة .. رشاد مهنا هو الذى قاد الثورة في العريش .. وجمال سالم كان على البحر ماعة قيام الثورة .
- ويؤكد توفيق عبده إسماعيل هذا الكلام فيقول : « وقفوا أنور السادات في الطريق .. وهو مش عارف حاجة .. هم مين ؟ ملك ولا ثورة .. مش عارف .. استجار بالناس إلى أن سمع صوته عبد الحكيم .. فجاء .. وبدأ يلعب دوراً ودوراً رئيسياً في هذا المجال .. ما كانوش لاقين ضابط الإشارة .. أمين شاكركان هو المسئول وكان موجوداً في إيطاليا .. فكان لازم ضابط في سلاح الإشارة هو السلاح المسئول عن التوصيلات التليفونية واللاسلكية مع وحدات الجيش وكان دوره محورياً ما نقدرش نعمل حاجة إلا إذا كان بتاع الاتصالات موجود .. لو كان أمين شاكركان موجوداً كان هو فضل في العريش .. ويعتوا له عن طريق الأخ على شفيق صفوت كلفوه إنه بجيبه بسرعة وهو كلف ضابط آخر مسافر برسالة ظريفة راح لصلاح سالم وقال له عاوزين « زبيبة » بأى شكل بأسرع ما يمكن في القاهرة .. لأن السادات كان بيصلى وله زبيبة ومعروفة .. الاسم الكودى بتاعه كان « زبيبة » .. وجاء أنور السادات وبدأت الأمور تأخذ التحرك الفعلى يوم ٢٣ .
- ويقول عبد المنعم أمين : « قلنا الفرصة بتاعتنا أن نستولى على نقاط مداخل القاهرة علشان نقدر نسيطر على القوات الموجودة في القاهرة ولا أحد يتعرض لنا .. وطبعاً فيه قوات لقطع التليفونات .. قالوا إن أنور السادات يصل من العريش وسوف يحضر علشان يأخذ قوات نحضرها له ويروح يستولى على مصلحة التليفونات والإذاعة « ماركوسى » والاتصالات الخارجية علشان يقطع الاتصال الخارجى .
- ويقول خالد محيى الدين : « جمال منصور وكفافي لم يشتركوا في ليلة الثورة .. بناء على اقتراح عبد الناصر .
- ويقول توفيق عبده إسماعيل : « جميع الخطوط كانت تؤدى لواحد فقط هو جمال عبد الناصر .. كان جمال عبد الناصر يتولى التنسيق بين المجموعات المختلفة وبين الاتجاهات المختلفة .. هو الذى وضع التخطيط النهائى للثورة ، وهو الذى كان صاحب القرار ويمكن القرار الوحيد .. كان قرار ٥ أغسطس اتخد وعبد اللطيف بغدادى كان زعلتاً من مارس ٥٢ لما لقي

إن مافيش حاجة بتتم .. فأعلن امتعاضه من الاستمرار .. وإن الضباط الأحرار بهذا الشكل معرضين لمخاطر كثيرة .. وبيستعجل القيام بحركة معينة في الجيش .. فكان بعيداً .. مجموعة أخرى .. وصالح سالم وجمال سالم وأنور السادات كانوا موجودين في رفح .. فكان الفرار النهائي في القاهرة في إيد جمال عبد الناصر ومعه المجموعة التي في القاهرة .. زكريا محيي الدين .. حسين الشافعي .. ثروت عكاشة .. كمال الدين حسين .. خالد محيي الدين وعبد الحكيم عامر ..

• **يقول حسين الشافعي :** « الحيفة الواجبات التي كانت ملقاة على سلاح الفرسان والمدركات كانت واجبات تقريباً بتشمل كل حاجة .. مثلاً الطيران .. لا يمكن أن يتحرك إلا إذا أمنته بأن تبعث له نباتات أو سيارات مدرعة .. الكتيبة ١٣ لم تكن تتحرك إلا بعد ما بعثنا لها الدبابات لتأمينها .. رئاسة الجيش نفسها قل ما يروح يوسف صديق كنا باعيتين فاروق الأنصاري بالعربيين المدرعتين وأقف في موقع رئاسة الجيش .. وهو اللي بالعربيات المدرعة كسر البوابة وفتحها .. بعد ما ناقشنا الخطة بكل تفاصيلها قالوا إن الميعاد الساعة ١٢ .. وإحنا كنا متفقين يوم ٢١ إن الميعاد الساعة ١١ .. طبعاً هذا جعل كل الناس تروح الساعة ١١ .. ونزلت كان لي أخت ساكنة في مصر الجديدة عديت عليها غيرت لبسي وأخذت حمام وأخذت فنجان شاي .. وضيعت الوقت علشان أقرب الميعاد اللي أنا متفق فيه مع ثروت عكاشة إنني أكون في بيته الساعة ٦ علشان بقى تفاصيل الخطة نترجمها إلى عمليات وواجبات تتوزع على كل فرد باسمه .. رحنا الساعة ٦ وجدت ثروت عكاشة وقعدنا نبادل الكلام اللي تم الاتفاق عليه .. وطبعاً هو كان في تقديره إن واجبات كثيرة جداً .. ويعني هم سوف يعملوا إيه ؟ قلت مافيش هم وإحنا اللي في إيدنا حاجة يعملها ..

• **ويقول فتح الله رفعت :** « مش حنقول التفاصيل عن أحد نقاس عن الثورة ..

• **مين .. عاوزين نعرف ؟**

• **« لا .. لا .. مش حاقول أسماء لكن هي ملصوقة في مخي وقلتها لإخواني .. فيه ناس كثيرة حصل إنها تقاعست عن الثورة .. ثم أصبحوا .. مرموقين .. »**

• **ويقول محسن عبد الخالق :** « ذهبت إلى محمد فوزي شخصياً وكان كبير المعلمين العسكريين في الكلية الحربية وأخبرته بقرار وموعد قيام الثورة وإنه اليوم .. ففعد وتغير وجهه وقال أنا معترض .. فأبلغت عبد الناصر وكمال الدين حسين .. وذهبوا إليه في المساء ففكر الاعتذار ولكنهم حصلوا منه على وعد بعدم الإبلاغ بخطة الضباط الأحرار .. وغاب أيضاً في اللحظة الأخيرة سعد زايد وطلعت خيرى وكانا في الخلية التي تجتمع بكمال الدين حسين فلم يشتركا ليلة الثورة .. عكس ادعاء سعد زايد الذي نشر في أكثر من مكان بعد ذلك .. وتم استبدال محمد فوزي بعبد المنعم أمين الذي أبدى استعداداته الكامل للتعاون والمشاركة ..

• **أما سلاح الفرسان فقد تولى قيادته حسين الشافعي وخالد محيي الدين وثروت عكاشة .. وكان معهم أيضاً توفيق عبده إسماعيل وعثمان فوزي ..**

• **ويقول حسين الشافعي :** « سلاح الفرسان .. أنا كنت أتولى قيادته .. وسلاح الفرسان في الحقيقة هو كان القوة الضاربة .. إذ لو لم يشترك لم يكن في الاستطاعة بالنسبة لأي سلاح أن يتحرك .. ولذلك الواجبات التي أقيمت على سلاح الفرسان تكاد تغطي جميع الواجبات .. وربنا أراد أن يجري هذا القدر على يد هذه المجموعة التي ألئت .. كان جمال عبد الناصر له بعض الناس التي يعرفهم داخل السلاح وهم يمكن كانوا إخوات ناس .. يعني كان فيه مثلاً محمود التهامي أخو حسن التهامي في السلاح .. كان مثلاً أحمد عبد الحميد كفاي أخو أحمد عبد السلام كفاي التي كان في المخابرات .. بعد ما قابلني واطمأن بأن يلقي بهذه المسؤولية في يدي .. يبدو إن هو يعني قال لهم بجمدوا موقفهم وقال لهم لا تتحركوا ولو إنهم كانوا مجتدين من قبلها .. ولكن لم يتحرك واحد منهم في أي عمل في الثورة .. دي طبعاً أقدار مقدره .. وتم السيطرة بسرعة على الموقف .. كل دي حاجات طبعاً ما حدث بقدر يرتبها إلا إذا كان جزءاً من قدر الله أنن به .. عملية فدريه .. بعد ما انتهينا .. اتعشنا بطيخ وجبنة .. كان صيف .. وقبل ما نزل بربع ساعة فات علينا جمال عبد الناصر .. تأكد من إننا على استعداد وإن كل حاجة ماشية .. وأخذ ثروت عكاشة تحت باطه وكلمه بالإنجليزي قال له يا ثروت : "Tonight there is no room for sentimentality, We have to be ready for the unexpected." ومشى .. نجى طبعاً لحظة التنفيذ .. نزلت أنا وثروت ركبنا المربية مع بعض .. وخالد وعثمان فوزى ركبوا مع بعض عربية ثانية .. ودخلنا رحنا على القشلاق علشان نقابل الناس ونوزع عليهم الواجبات ونبتدى التحركات .. »

• **ويقول حسن المنهوي :** « في الحقيقة ما كانش فيه أية مقاومة منهم .. لما بيكون واحد دخل لوحده وما معاهش حد ما بيقاشر منه مقاومة .. وكانت أسلحتنا فيها ذخيرة ودباباتنا على ما أذكر في ذلك اليوم كان فيها ذخيرة وكل شيء .. فأنا وصلتهم في ممتل الكلية الحربية ورجعت ثاني » .

• **وأسأل ثروت عكاشة :** ما الدور الشخصي الذي لمت به في قيام هذه الثورة ؟

• « كان دوري أركان حرب عملية سلاح الفرسان ليلة الثورة .. ولقد ذكرت هذا الدور مفصلاً في مذكراتي .. وكان ذلك حرصاً مني على أمرين .. الأمر الأول هو ما قام به ضباط سلاح الفرسان للشعبان من دور خطير جسيم ليلة ٢٣ يوليو وإنني لأذهب إلى أبعد من هذا فأقول .. إنه لولا الدور الذي اضطلع به سلاح الفرسان ما كان يمكن على الإطلاق أن تقوم لهذه الثورة قائمة أو يكتب لها النجاح » .

• **ويقول خالد محيي الدين :** « كنت قدت الكتيبة الميكانيكية .. التي يقولوا عليها مشاة المدرعات .. عبارة عن نصف جنزير بتركب فيها المشاة التي يتبقى مدرية تركب وراء الدبابات .. علشان كده متكوني قائد ثاني الكتيبة .. وقائد ثاني الكتيبة بتدي له فرصة يقوم بدور أكبر .. فدي أنا قدتها ليلة الثورة وقفلت بها منطقة الكوبري التي أمام مستشفى القوات المسلحة والطريق إلى مبور تتج مصر الجديدة .. لما تقفل السكة دي لغاية المترو مايفش عربيات تمر ..

وجزاء من القوات الثانية فقلت عند كوبرى الفبة .. كانت الخطة عزل المنطقة العسكرية أولاً
عن مصر .. ثم الاتجاه إلى الإذاعة » .

• ويقول عباس رضوان : « اتوزعت علينا الواجبات من جمال عبد الناصر وعبد الحكيم عامر ..
إن أنا والأخ إسماعيل فريد والأخ البلقاجي ومعانا كمال رفعت وحمدي عاشور على ما أنكر ..
حنأخذ قوة مدرعة من سلاح الفرسان وحنستلمها من الأخ ثروت عكاشة .. ونطلع ومعانا كشف
بأسماء الضباط الكبار ومسكنهم أو عناوينهم ونجمع الضباط الكبار وييجوا على القيادة .. فمن
حسن الحظ إن فعلاً رحنا واستلمت أنا وأخ من الإخوة اللي معانا هذه القوة المدرعة من الأخ
ثروت عكاشة شخصياً وخرجنا بها .. القيادة العامة بعد سلاح الفرسان .. فلاقت ولحد بينده
« يا عباس يا عباس » .. طلع عبد الحكيم عامر .. قال لي تعالى دول كلهم هنا .. كان حصل
بقي في الليلة دي إن ضابط عرف من أخوه والخبر وصل للملك في الإسكندرية .. واتصلوا
علشان ينقذوا الموقف وما قدروش .. لإنهم كانوا كلهم جاءوا وإحنا القوة هجمت .. ووزعت
قواتي .. وقال لي القوة اللي معاك حطها عند الكلية الحربية عند كوبرى القبة .. وفعلأ تمت
العملية بسلام .. القوات والناس اللي كانوا موجودين زائد اللي حضروا بعد كده من المرتب
الكبيرة كله عومل معاملة كريمة جداً .. وأخذوا إلى الكلية العسكرية .. كان اعتقالاً مؤقتاً ..
وانتهت العملية عند هذا الحد الساعة ٣ صباحاً » .

• أما الطيران فقد تحدثت مهمته بطلمات استكشافية للتأكد من عدم تحرك أية قوات بريطانية
من القناة .. وكان على رأسه عبد اللطيف بشغادي وحسن إبراهيم وجمال سالم ووجيه
أباهة ..

• ويقول عبد اللطيف بشغادي : « في يوم الثورة .. الطيران قام بدوره كاملاً كما هو مطلوب
منه .. كان مطلوب منه الاستيلاء على سلاح الطيران بالكامل وتم هذا في صباح يوم ٢٣ يوليو
وكان من الساعة ٢ أو ٣ صباحاً .. المطارات المختلفة سيطر عليها الضباط الأحرار .. بقي
فيها قيادات وأركان حرب جديدة مسيطرة عليها .. بمعنى الضباط والجنود يروحوا الصبح ..
بلاقوا المطارات دي تحت السيطرة » .

• مين اللي وزع الأنوار عليكم يا فهد ؟

• « أنا اللي وزعت الأذوار » .

• كان مين مع سيادتك ؟

• « جمال سالم وحسن إبراهيم وكان جمال في العريش في الوقت ده » .

• ويقول ووجيه أباهة : « كنت في مطار مصر الجديدة اللي فيه رئاسة القوات الجوية .. كنت
قاعد هناك عند المدير بتاعى .. الحقيقة الضباط كان فيه منهم عدد بسيط عندنا .. قابلوا العملية
بترحاب شديد جداً على أساس إن إحنا نقوم بتطهير الجيش .. وكان حتى الساعة ١١ فعدنا عندى
في البيت كنت أنا وبغدادى وحسن إبراهيم .. وبعدين بدأنا ننفض .. بغدادى قال لي الأول .. لو

شلت سماعة التليفون ولاقيت مافيش تليفونات اعرف إننا استولينا على التليفونات وعطناها ..
كلمته وجذتها شغالة رحت واخذ بعضى فى العربية .. لما وصلت هناك لم يكن أحد يعرف ..
قلت للعساكر إحنا جايين علشان كذا وكذا .. وخلص أنا بقيت مدير السلاح .

• **والمدفعية تولى قيادتها كمال الدين حسين وعبد المنعم أمين .. ومحسن عبد الخالق ..
وفتح الله رفعت وأبو الفضل الجيزاوى ..**

• **يقول كمال الدين حسين :** « كان المفروض إننا بنبعث مجموعات من الناس علشان يروحوا
يمسكوا الضباط الكبار بتوع الجيش فى بيوتهم .. فالعملية مشيت وانتهينا ونزلنا بفى
الصاعة ١١ .. وأنا أخذت مجموعة من معالي ورحنا على أول حطة .. أول مكان حنبتدى منه
وكان عند البرج نمرة ٢ عند الكيلو ٤ من طريق السويس كانت مدرسة المدفعية هناك ومركز
التدريب .. وكان هناك فيه لواء للحدود تبع حسين سرى عامر .

• **ويقول أمين شاكر :** « كان عبد المنعم أمين هو قائد الدفاع الجوى فى ذلك الوقت .. فقد كان
مسئولاً عن المدفعية المضادة للطائرات .

• **أما محسن عبد الخالق فيقول :** « المدفعية كان يفودها ثلاثة .. وعندما أقول يفودها ليس لإتهم
الذين يأمرهم فلولا الضباط اللى معاهم ما كانت تقوم المدفعية .. يعنى مثلاً يقول لك محسن
عبد الخالق أو فتح الله رفعت أو محمد أبو الفضل الجيزاوى .. ولكن هذا التنظيم فيه عمالقة
أيضاً .. يعنى لما نذكر من مجموعتنا أذكر على شريف .. كمال لطفى .. لا يقل دورهما عن
أى دور من أدوارنا .. دور المدفعية كان أن تتحرك من العاطلة فرقة المدفعية المدرعة .. وفرقة
المدفعية المشاة منها فى الهايكستب ومدارس المدفعية وكل وحدات المدفعية وتقوم بواجباتها ..
واجباتها قتل الطريق عند الكيلو ٥٠ اللى جاي من السويس علشان تقدم سلاح الحدود .. وجاءت
على مركز قيادة الثورة اللى هو مركز قيادة الجيش وميدان عابدين وكل الأهداف الحيوية كانت
المدفعية متواجدة مع غيرها من الأسلحة .

• **ويقول كمال الدين حسين :** « الظريف حاجة حصلت عملها زميلنا أبو الفضل الجيزاوى .. هو
تقمص شخصية قائد المدفعية .. وأنا كنت واضح وقلت له روح على رئاسة المدفعية وكان هو
أركان حرب المدفعية اللى موجودة فى الحطة اللى هناك .. كل ما يتصل به حيدر ويقول له :
الحالة شكلها إيه ؟ يقول له أنا حافظ بكري .. اللى هو مدير المدفعية .. ويقول الحال تمام
لا توجد أية حاجة أبداً لغاية آخر لحظة .

• **ويشرح أبو الفضل الجيزاوى ما حدث فيقول :** « وأنا قاعد ضرب التليفون .. العسكري بتاع
التحويلة قال حيدر باشا على التليفون .. فأنا بحكم الصفة بتاعتي المميزة يعنى أبادر ما أخدمش
المواضيع سلبية لازم أستفيد من كل نقطة .. قلت له : « وصلنى به .. أيوه يا معالي الباشا أنا
حافظ بكري .. هو عاوز يكلم مدير المدفعية اسمه حافظ بكري .. قال : يا حافظ الموقف
إيه ؟ .. قلت له : الموقف عال يا معالي الباشا وإحنا كلنا تمام .. وبعثت أجبب الضباط وإحنا

مسيطرين على الموقف سيطرة كاملة وطمئن مولانا .. وإحنا في خدمة مولانا وتحت أمر مولانا .. واللى يأمر به حننفة .. ومعاليك اطمئن خالص .. فحيدر باشا طبعاً لنيسط جداً .. قال : طيب يا حافظ أنا متشكر وحأبلغ مولانا الكلام ده كله .. بعد كده بعد ساعة اتكلم مرة ثانية وثالثة .. آخر مرة الصبح الساعة ٤ بيتكلم قال : أنا عاوز حافظ بكري .. قلت له : أنا حافظ بكري .. قال : لا إنت مش باين عليك حافظ بكري أبداً .. قلت له : ليه يا معالي الباشا .. قال لى : صوتك متغير .. قلت له : متغير أنا بأنكلم من القاهرة وحضرتك من الإسكندرية .. قال : لأ صوتك متغير .. طيب إدينى أمانة خاصة .. قلت له : أمانة خاصة إيه يا معالي الباشا .. أنا بأتريق .. قال لى : إدينى أمانة خاصة بالعيد .. قلت له : ه هو بعد العيد يتفتل كحك !! خلاص كل سنة وإننت طيب الثورة قامت .. السلام عليكم .. ورحت قافل السكة .. ودخلت بعد كده لحافظ بكري مدير المدفعية كان هو القائد بتاعنا .. قلت له : أنا أسف بأستعمل اسم سيادتك لإننا اتعلمنا فى حرب فلسطين فعل هذه الألأعيب من إسرائيل .. كان لما بقع أى شوايش أو ضابط فى أيدي اليهود كانوا بيستخدموه .. كانوا بيعملوا مكالمة مثلاً مع رئاسة القوات فى فلسطين أو مع وحدة من الوحدات .. ويخلوا هذا الضابط يديهم معلومات غلط علشان يضربونا .. فحافظ بكري سكت الراجل حيقل إيه .. وكان على باشا نجيب قاعد .. أخو محمد نجيب .. انهمس .. وكنت بأجيب لهم شأى وقهرة وأكل .. فدى بقى الشخصية الللى أنا تقصتها ليلة الثورة .. حتى الفجر ..

• أما المشاة فقد تولاهما يوسف صديق من ناحية .. وأحمد شوقي وصلاح نصر من ناحية أخرى ..

• ويقول فتح الله رفعت : الثورة كان مهيء لها الساعة ١٢ فى منتصف الليل .. الللى حصل يوسف منصور صديق طلع بدرى هو والضباط الللى معاه .. كان مقدمة مدافع الماكينة فى وحدة اسمها مدافع الماكينة موجودة وكان هو القائد بتاعهم ..

• ونجح يوسف صديق فى اقتحام القيادة العامة .. وكانت بذلك الإشارة الأولى للنجاح التاريخى للحركة .. واعتقل كبار الضباط بضرية واحدة .. وبمقاومة محدودة جداً ..

• ويقول محسن عبد الخالق : يقولون يوسف صديق أنفذ الثورة .. وأنا أختلف معهم .. مع احترامى وحبي ليوسف صديق الذى حاربت معه .. المدفعية هى التى فتحت له البوابة فى القيادة .. إحنا الللى فتحنا له بالمدافع الماكينة .. وبما إن المدفعية عنصر تدمير لا هجوم .. فقد هجم بعد ذلك واقتحم القيادة ..

• وهنا يقول عبد المنعم أمين : كان يوسف صديق وصل وقابله عبد الحكيم عامر وقابله جمال عبد الناصر لأنهما ما طلعهوش .. الللى طلعا ليلتها أنا وكمال الدين حسين وخالد محبى الدين وثرثرت عكاشة ..

• تقول : ما طلعهوش .. تقصد كانوا فى بيوتهم أو كانوا فى موقع آخر قباى ؟

- أنا لا أعرف موقع قيادى آخر .. هما كانا منظرين النتيجة .. حتى إنهم ينضموا إلينا .. لكن الذى نزلوا فى الشارع هم دول الللى قلت لك عليهم .. مش عارف الأسماء بالضبط لكن طلع ضباط المدفعية حوالى ٧٠ ضابطاً ومن الدبابات طلع حسين الشافعى وتروت عكاشة .. دول اتقابلت معاهم لأنهم عاملين نقاط فى الشارع .. وبعدين دخل يوسف صديق وعبد الحكيم عامر رئاسة الجيش واستولوا عليها .. كان فيه عساكر من البوليس الحرسى حبت تعمل أى شيء ضربوا مطلقين فى الهواء .. وحد اتعور فى رجليه .. مش عارف .. لكن لم تحصل خسائر .. ودخلوا للواء حسين فريد فى مكتبه .. حتى يوسف صديق وهو داخل .. وهو متهور شوية كان ماسك مدفع فى يده .. فعبد الحكيم عامر رفع المدفع علشان خاطر لا تجيء فى أحد .
- ويقول أحمد حمروش : اعترض طريق يوسف صديق وجنوده شاوليش حذره يوسف ولكنه أصر فأطلق عليه طلقة أصابته فى رجله .. كانت جراحة يوسف صديق وبسالته عاملاً مرجحاً لقوات الحركة .
- ويقول جمال عبد الحكيم عامر : طبعاً عبد الحكيم عامر كان له دور كبير فى ليلة الثورة .. وأصيب خلال اقتحام القيادة .. وللأسف إن الكلام ده لم يسجل .. بس يمكن لما يرجعوا للكلام ده حيمعرفوا دوره الحقيقى لأن الللى بيتقال النهارده غير مضبوط .. وفيه تجنى عليه وعلى دوره وقيادته .
- ويؤكد هذا الكلام شمس بدران : المشير هو الللى فتح باب رئاسة الجيش .. كان فيه حرس من جوه .. العساكر بالأسلحك .. وبالسلاح بتاعهم .. فما رضويش يفتحوا الباب فاضطر يضرب واحد منهم .. يضرب واحد منهم وضرب البنادق فى الأسلحك وقمعا على الأرض وفتح الباب .. جاء يوسف صديق بقواته .. ودخل رئاسة الجيش واحتلها .. لكن الللى فتح الباب هو عبد الحكيم عامر .. وبعدين أعطوا أهل الولد تمويضاً على هذه الحادثة .
- وأسأل سعيد حليم : هل هناك اسم معين من الضباط الأحرار يتضعه على رأس القائمة لدوره الفعال ؟
- هو الحقيقة فيه المرحوم يوسف صديق .. لولا شجاعته فى الاستيلاء على قيادة القوات المسلحة ودور الكتيبة ١٣ .. ولولا تجمع قوة مقاتلة زى الكتيبة ١٣ كانت العملية مش حتبقى يعنى ما أعرفش كويسة ولا لا .
- وفى تمام الساعة ٧ قرب فجر ٢٣ يوليو .. أصبحت المنطقة العسكرية من العباسية إلى المازة والهيكسب تحت سيطرة الضباط الأحرار ..
- ويقول محسن عبد الخالق : كتبت فى كتابى « الحقيقة الغائبة » أن أنور السادات شارك يوم ٢٣ يوليو .. ولكنه لم يقد أى وحدة .. وهذا فى تقديرى معناه أنه مثل غيره ممن لم يخرجوا من القشاعات ولم يقولوا فى هذه الليلة .. لم يشترك .

● وانتشرت القوات واحتلت فصائل من الجيش الميدان والمرافق العامة بالقاهرة مثل محطة السكة الحديد ومصحة التليفونات ..

● ويقول فتح الله رفعت : « كان طول ما إحنا ماشيين من الهايكستب لغاية أمانة ناس من عندنا بقولوا يمكن نطلع ما نلاقش لا ثورة ولا حاجة .. أول حاجة عند محطة البنزين اللي فى مصر الجديدة ولاقينا الديابات قلنا لهم كلمة السر .. عرفنا إن الحركة دائرة .. كمال رفعت وغيره بأخذوا الضباط الكبار من بكباشى فما فوق ويخطوهم فى الكلية الحربية أو فى الثانوية العسكرية .. والأركان حرب كان اسمه المعتز بدين الله .. الله يرحمه قال إن حسين فريد الآن لسه متصل بي فى التليفون - حسين فريد باشا اللي كان هو رئيس الأركان - أنا قلت له يا معتز الثورة ناجحة أنا جاي من برة ولا كنت جاي من برة ولا حاجة .. وإن شاء الله سوف يستمر النجاح بتاعها .. كان على مسمع من قائد كتبية أظن على ما أتذكر الكتبية السادسة اسمه طاهر الشربيني الله يرحمه .. وقال أنا سوف أخرج معاكم وخرج .. وهو أول ما شاف الحركة دى بعت بوليس حربى على بوابات الهايكستب .. وبعدين .. كان فيه اثنين اللي هما محسن عيد الخائف وعيسى سراج الدين ابن أخو فؤاد سراج الدين .. وأخذوا المدافع والأسلحة بتاعة البوليس الحربى .. وخلص لنا الطريق بإن إحنا نطلع بالبطاريات بتاعتنا » .

● وقبل الصباح كان قد تم إبلاغ الأحرار فى كل من القنال والعريش والإسكندرية ..

● ويقول عبد المنعم أمين : « اجتمعنا فى القيادة علشان نتدارس الموقف إيه ونشوف إيه أخبار إسكندرية .. وأخبار العريش إيه .. وأخبار المناطق كلها » .

● ويقول توفيق عبده [إسماعيل] : « فكررو الساعة الرابعة صباحاً فى الاتصال بسيماة لإن كان مهمأ جداً يتصلوا بسيماة .. وبعدما جاء أنور السادات الساعة الثانية إلا ثلث .. لقوا الخطوط متقطعة .. لأن لما افتحموا القيادة قطعوا خطوط التليفونات .. ما كانش ممكن حد يقدر يتصل غير واحد زى أنور السادات عنده خبرة بأجهزة اللاسلكى .. هو اتصل بتوفيق عبد الفتاح فى القنطرة وعن طريقه اتصلوا بصلاح سالم .. وصلت الرسالة لصلاح سالم بعد ٤ صباحاً بعد ما أمكنهم الاتصال به علشان يدوا له إنذار إننا سيطرنا على القاهرة » .

● يقول الكاتب أحمد حمروش : « سافرت على الإسكندرية واتصلت بالموجودين من الضباط الأحرار وقعدنا ننزق وننظر فى الكنكات .. وأذكر إن إحنا يوم ٢٣ يوليو الصبح قعدنا اجتماع الآلاى الثانى وقررنا فيه تعيين قائد للمنطقة وأركان حرب للمنطقة من الضباط اللي إحنا نرتضيهم .. وكان قائد المنطقة عاطف نصار اللي اخترناه وعبد الحليم الأعصر .. وده كان من لجنة الضباط الأحرار فى منطقة الإسكندرية » .

● أمال ليه الكتب يقول إن أحمد حمروش لم يوصل رسالة عبد الناصر للإسكندرية ؟

● « رسالة عبد الناصر وصلت إلى الإسكندرية بدليل أولاً إننا كنا موجودين فى الكنكات قبل وقوع الثورة .. ثانياً إن المفاجأة فيها كانت كبيرة لأن كما قلت الخبر جامنى قبلها بيومين وما كانش

فيه أحد .. بعض المناطق كان فيها ضباط أحرار ولم يعرفوا بموعده قيام الثورة ويمكن اطلعوا عليها بعدما .. وده نتيجة السرعة التي حصلت .. لكنى فعلاً وصلت الرسالة بدليل إن إحنا كنا مسيطرين فعلاً على منطقة الإسكندرية .

• وأسأل رشاد مهنا : بعد نجاح الثورة اتصلوا بحضرتك ؟

• بعد ما أعلنوا أخطروني إنها قامت .. كانت باتفاق كانت بالتليفون .. مش قالوا لى إنها سوف تقوم الساعة كذا .. لا .. دى قامت الثورة وأخطروني إنها قامت .. ودى لأسباب يستحسن أن تكون على علم بها .. الضباط الأحرار أنا قلت لك لا علاقة إطلاقاً وما ينبغي لى .. اجتمعوا مع بعض وانفقوا أن يتخلصوا من محمد رشاد مهنا بكل طريقة .. الأسباب ؟ لا تسألنى عنها أسألهم .. الأسباب أنا لا أعرفها إنما هم اللي قرروا هذا .. وبناء عليه أرسلوا جمال سالم إلى العريش ليقوم هو بالثورة فى العريش .. عند محاولة إخطار جمال سالم بذلك أراد الله ولا مرد لما أراد .. أن لا يتمكنوا من الاتصال بجمال سالم إطلاقاً .. واضطروا مضطرين أن يتصلوا بـ محمد رشاد مهنا ليقوم بالثورة كيف .. سبحانه وتعالى يفعل ما يريد .. وأنا حالى الذهن جداً من موافقهم منى .. لكن بعد نجاح الثورة ماقيش ضباط أحرار .. كانوا رجال الثورة .. انتهت الرواية فى نفس اليوم فى حوالى الساعة ٢ صباحاً اتصلوا تليفونياً بجمال سالم وقال إن الثورة قامت .. قمت توليت الجيش بالعريش وقمت بالثورة فى العريش .. والجيش كله كان فى رفح .. كان جمال سالم وأنا هنا فى العريش لحد الوقت ده .. المفهوم أنا فى العريش وقمت بالثورة فى العريش .. وبعثنا تلغرافاً تأييداً .. وبعدين توالت ظروف أخرى .

• ويقول لطفى واكد : « كنت المسئول عن منطقة جنوب قناة السويس والقوات اللي هناك والتجهيز للاشتباك مع القوات البريطانية إذا حاولت دخول القاهرة .. والسيطرة على قيادات الجيش فى ذلك الوقت هناك » .

■ يقول عباس رضوان : « قالوا أحد يروح بجيب اللواء محمد نجيب من البيت وراحوا .. أنا لم أكن معهم .. أظن الأخ إسماعيل فريد ومعا قوة جابوه من البيت على القيادة على طول » .

• وأسأل إسماعيل فريد : مين اللي استدعى اللواء نجيب ؟

■ « راح اليوزباشى سعد توفيق بجيبه بالعربية الجيب من منزله .. وجاء وأنا استقبلته على المدخل .. إنت هنا معنا أهلاً وسهلاً .. اتفضل فوق على القيادة » .

• بينما يتذكر جمال حماد فيقول : « وبعدين طلعتنا فوق وكلمت محمد نجيب باعتبارى أنا أركان حربه فطمانته بالتليفون وكان منتظراً هذه المكالمه وانبسط جداً .. وقلت له أنا سأبعث لك ثلاث عربيات مدرعة تجيبك قال لى أنا حاجى بعربيتى .. وجاء فعلاً بعربيته » .

• وبعد احتلال الإذاعة .. استمع العالم إلى البيان الأول للحركة الذى أذيع باسم اللواء محمد نجيب ..

• وجاء في البيان الذي أذاعه السادات بصوته : « اجتازت مصر فترة عصبية في تاريخها الأخير من الرشوة والفساد وعدم استقرار الحكم .. وقد كان لكل هذه العوامل تأثير كبير على الجيش .. وتآمر الخونة على الجيش فقمنا بتطهير أنفسنا .. وتولى أمرنا داخل الجيش رجال نثق في قدرتهم وفي خلقهم وفي وطنيتهم .. ولابد أن مصر كلها تستلقي هذا الخبر بالابتهاج والترحيب » .

• ويرى جمال حماد ظروف البيان : « كنا قاعدین فی الغرفة بتاعة رئيس أركان حرب فأنا انسحبت مع عبد الحكيم عامر .. إلى الغرفة المقابلة اللي هي غرفة المؤتمرات .. وقعدت أنا وعبد الحكيم عامر لأول مرة نفكر في بيان الثورة لأنه ما كانش ممكن يتعمل البيان قبل كده .. لإننا مش عارفين إن كنا حنجح ولا لا .. حنحضر بيان إيه .. مش لما ننجح الأول .. هم عارفين إني أديب وبأكتب .. فقالوا لي : اكتب البيان فقلت له : إيه رأيك يا عبد الحكيم تكتب إيه ؟ فأنا وهو قعدنا نداول في شوية نقط كده .. كتبتها في ورقة صغيرة وبعدين كتبت ورقة فلو سكايب ورحت عامل البيان بتاع الثورة » .

• والورقة دي هي الموجودة في المتحف الحربي ؟

• « موجودة في المتحف الحربي حالياً .. بخط إيدى ويتعديلات محمد نجيب لأن محمد نجيب عامل تعديلين .. أنا كنت قايل « وإنى أؤكد أن الجيش » .. فهو قال لي « أؤكد للشعب المصري .. وأضاف عبارة ثانية « في ظل الدستور » .. ده اللي هو عامله بخط إيده .. وموجودة في البيان اللي دلوقتى حنشوفه وموجود في المتحف الحربي » .

• ويقول توفيق عبيد (إسماعيل) : « إحنا عملنا كوردونات مسلحة حول الإذاعة حنعمل فيها إيه .. حنذيع إيه ؟ نذيع بياناً .. طيب مين يكتب البيان .. جمال حماد بسرعة بخط إيده كتب البيان عرضه على عبد الناصر عدل فيه شوية ثم محمد نجيب عدل فيه شوية .. مين يقوله .. أنور السادات قال أنا مستعد أقوله .. صوتي كويس .. هو اللي يقدر يقرأه ويقول له : طيب صلح الخط علشان يقوله .. من ٥ - ٧ أخذت وقت .. فيه ضابط من الضباط كان موجوداً في القيادة في هذا اليوم ماهمأش الضباط الأحرار أخذ البيان وقاله .. يعني أذيع البيان مرة واحدة بصوت آخر إنما أثناء الإذاعة وإحنا منتظرين إذاعة البيان ماسمعنا هوش .. فالضباط واقفين قالوا الله ده هو محطة الإذاعة الأساسية في « أبو زعبل » .. ما حش راح أبو زعبل فطلبوا من أمال المرسفى ومن عبد الفتاح الأحمد ومن مجدى حسنين إنهم يتوجهوا بسرعة ومعاهم ضابط مهندس اسمه جمال يروحوا أبو زعبل .. وراحوا هناك لقوا المهندس الجارحي اللي ملك رئيس للإذاعة والتليفزيون بعد كده .. وقالوا له إحنا عاوزين نوصّل الإرسال قال ده أنا جاء لي أمر أن أقطع الإرسال .. فوصل الإرسال .. وأذاع أنور السادات البيان بلسمانه الساعة ٧,٠٥ أو ٧,١٠ » .

• ويقول عباس رضوان : « وصدر البيان الأول .. للثورة طبعاً .. من الإذاعة فأصبح الموقف واضحاً » .

• مين اللي قال البيان ياقتندم ؟

• هو البيان الواقع اللي ألقى البيان في الأول خالص كان ضابطاً وكان يمكن لغته العربية ضعيفه فلم يليه كويس ، فعلى طول بعدها كُلف السيد أنور السادات بأن هو اللي يروح يذيع البيان وراح وأداع البيان بصوته ده وبلعة عربية فصحي .. ولقى البيان الأول اللي كان بتأع الضابط ده .. استمرينا طبعاً في القيادة .. زى ما تقول بتأييد من الجيش كان منقطع النظير سواء اللي كانوا في التنظيم أو غير التنظيم .. والتأييد الشعبي كذلك كان واضح جداً .

• ويقول كمال الدين حسين : كل واحد كان مشغولاً .. آه الصبح كنا موجودين مع بعض باستمرار .. إحنا قضينا ثلاثة أيام نايمين في منى القيادة وكنا مجتمعين اجتماع مستديم .

• ويتذكر خالد محيي الدين فيقول : الصراحة .. الثقة الكاملة لما أنزع الليالي لأن أنا كنت واقف في حنة ما أعرض إيه اللي بيحدر هناك .. أول ما أنزع البيان والطيارات طارت عرفت إن الموضوع انتهى .

• ويقول عبد المنعم أمين : كان هذا البيان معداً لمحمد نجيب أما إذا كان أنور السادات قال حاجة فطبعاً أنور السادات عملها كده .. لكن أنور السادات وصل القيادة حوالي الساعة الرابعة .. لماذا لم يأتي قبلها ؟ أنا مش عارف ليه ؟ لكن أنا فاكّر إنه قال بياناً في يوم تاني .. وبعدين قال إنتم لو اتمسكتم .. حيحاكموكم .. لكن أنا لو اتمسكت جيعدموني على طول .

• بينما يؤكد أحمد المصري رداً على سؤالى : بيان الثورة في الإذاعة .. من الذى قاله ؟

• اللي قاله أنور السادات وتسلنى ليه أقول لأنه كان أفصح الضباط لماناً بس .. ولا تسألنى أنور السادات كان فين لأن أنور السادات حتى الثالثة صباحاً لم يكن قد وصل القيادة العامة بعد ! .

• ويحاول وجيه أباطة أن يتذكر فيقول : قاله ضابط صغير مش أنور السادات .. قاله والنظار إنه لخبط في الكلام .. وكان مش عارف مين .. أفكر جمال حماد .. وبعدين قالوا ده فلان الفلانى في اللغة العربية كويس خلّوه هو اللي يقوله .. اللي هو أنور السادات .

• وأسأل خالد محيي الدين : مين اللي ألقى البيان ؟

• اللي ألقى البيان أنور السادات .

• ويقول على خليل : أول بيان بدأت الإذاعة الساعة ٦ صباحاً بالقرآن الكريم وكان المذيع الأخ فهمي عمر وأنا كلمته والقرآن ماشى .. كان تسجيلاً .. وقلت له انت عندك الجيش .. قال آه .. قلت لا تتحرش بهم بأى شىء وإلا ميقتلوك قال لي كتر خيرك .. والساعة ٦,٣٠ طلع صوت المرحوم البكباشى أنور السادات وألقى البيان الأول للثورة .

• وأسأل فهمي عمر : هل قلت المهم : أهو زعبل ، للضباط الأحرار ؟

• « لا .. أبو زعبل جت عنب حدث من الأحداث .. كانت الإذاعة تبث برامجها بداية من ٦,٣٠ صباحاً .. كنت أنا رحت من ٦,١٥ لقيت الضباط موجودين وعرفت على الفور مين من الضباط المسئول عن المهمة الإذاعية » .

• **اللى هو مين ؟**

• « كان السيد أنور السادات وعرفته على الفور لأنه فى تلك الأيام كان شخصاً معروفاً .. ده كان فى حقبة الأربعينات معروفاً بالنسبة للشباب والطلبة وعارفين أحداثه وما قام به من بعض الأعمال التى جعلته فى نظرنا بطلاً من الأبطال .. بداية من عملية التجسس وحكمت فهمى ثم أمين عثمان ثم فى القوات المسلحة والملك ومذكراته التى كان يكتبها أسبوع بعد أسبوع فى مجلة المصور .. كل تلك الأحداث جعلتنى أعرف إنه أنور السادات .. المهم بعد ما دخلنا الاستوديو الساعة ٦,٣٠ لـ ٣ دقائق قال لى فيه تغيير فى برنامجك النهارده .. لأن الإذاعة كانت محاطة بكميات كبيرة من القوات المسلحة حميت إن فى الأمر شىء .. وكان يسعدنى أنا كراحد من شباب تلك الأيام الذى كان باستمرار ينادى بالجلاد أو الاستقلال أو أن يقف الملك عند حده .. قلت له إحنا بنبدأ إذاعة ٦,٣٠ .. قال لى ما تبدأ الإذاعة مباشرة دلوقتى .. قلت له إحنا نبدأ الإذاعة بموسيقى مارش عسكرى .. فانا أبث هذا المارش لمدة دقيقتين وبعدين تيجى .. وقلت : « أعلنت ساعة جامعة فؤاد الأول الساعة ٦,٣٠ بتوقيت القاهرة صباح يوم الأربعاء ٢٣ يوليو ١٩٥٢ .. وتبدأ إرسالها معكم بموسيقى مارش عسكرى .. » يادوب ما فيش عشرين ثانية لقيت غرفة المراقبة ببوا لى تليفون منقطع وإن الإرسال قطع من أبو زعبل وإتم دلوقتى مش على الهواء !! أنا قلت له : للأسف يا فندم البيان بتاعك لن يسمع لأن الإرسال قطع من أبو زعبل .. فاتصلت تليفونياً .. واستمر البرنامج العادى للإذاعة وهو مكتوب فى تقرير المنيع ، المنيع يكتب كل تفاصيل الأحداث .. وأنيع القرآن الكريم .. فقال : بمجرد القارىء ما يقول « صدق الله العظيم » اقطع الإرسال مرة ثانية من مصلحة التليفونات .. هما كانوا متنبهين لهيئة التليفونات .. لم يستغرق أمر إعادة الإرسال تماماً سوى دقائق .. هى إرادة الله أن يكتب لهذه الثورة النجاح .. كانت نشرة الأخبار تذاق فى الساعة صباحاً وكانت الإذاعة المصدر الأول للأخبار .. فقدر للثورة أن تأخذ كماً إعلامياً كبيراً من خلال ما أنيع وقلت : « إليكم الآن بيان القيادة العامة للقوات المسلحة يليه مندوب القيادة » .

• **ومن أول من ألقى البيان ؟**

• « الذى قال البيان لأول مرة المرحوم السادات » .

• **ويقول كمال الدين حسين :** « يقول لنا الفلاسفة البيان الأول هو الذى يدل على الاتجاه بتاع الثورة وخطة الثورة .. نبى هيل لو قلنا فى البيان كل اللى إحنا عاوزينه .. عاوزين نظربك يا فاروق ونطلع الإنجليز ونحارب الإنجليز تبقى مشكلة .. معنى زى لما يكون الواحد عاوز يتقدم ويضع نفسه حقل أنغام قدام نفسه .. طيب ليه .. فكانت الخطة التى عملناها إن إحنا قلنا الكلام الأول بتاع الفساد ويمكن الملك يومها افكر حقيقى إن هى دى كل طلبات الجيش » .

- وسألت الملكة السابقة ناريمان : « مين اللي أبلغ الملك بقيام الثورة رسمياً .. سمعها في الراديو ولا كان عرف قبلها ؟
- « أنا كنت بعيدة عن المساحة لكن شافية كل حاجة .. هو يوم ٢٢ كان عنده أمل أن يعمل حاجة .. وكان يقول القدر .. ابتدأوا أولاً شالوا حسين سرى عامر وحطوا محمد نجيب .. ونفذ طلباتهم على باشا ماهر اللي كان كرئيس وزارة !! »
- وتوجه بعض الضباط لإبلاغ السفارات وطمانتها على رعاياها .. ولزمت السفارات الصمت ..
- ويقول عادل ثابت : « نشر أندرو تالي عام ٦٢ في كتابه « المخابرات المركزية الأمريكية » : كانت الولايات المتحدة وبريطانيا قد قررتا في أكتوبر ٥١ .. إن فاروق يجب أن يذهب .. وأرسلت عدداً من العملاء إلى القاهرة ثم أعطت الإشارة في يوليو ٥٢ فهب فريق الضباط الأحرار بقيادة عبد الناصر إلى العمل » .
- بينما يقول أحمد حمروش : « إن مايلز كوبلاند مؤلف « لعبة الأمم » يقول إن الحكومة الأمريكية لم تعلم بوقوع الانقلاب إلا من الصحف الصادرة صباح يوم ٢٣ يوليو » .
- وأسأل أمين شاكر : هل كانت أمريكا على علم بقيام حركة الضباط الأحرار ؟
- « ما كانتش على علم لكن كانوا متصورين إن فيه حاجة ممكن تحصل .. إنما على علم زى ما أنت بتقول بالضبط لا .. إنما كانوا متصورين الشعب المصري مش حينجمل نزوات فاروق أكثر من كده » .
- إنما ما كانوا يعرفوا حاجة عن حركة الضباط الأحرار ؟
- « لا .. إطلاقاً » .
- وأسأل عبد اللطيف بغدادى : هل كانت السفارة الأمريكية على علم بقيام الثورة ؟
- « لا طبعاً .. إحنا قمنا بالثورة وكان ٨٠ ألف عسكري إنجليزى موجودين فى القناة .. فكانت دى مشكلة المشاكل حتقوم بالثورة و ٨٠ ألف عسكري موجودين .. لو زحفوا للقاهرة نعمل إيه ؟ طيب لو حيفضلوا قاعدين مافيش فائدة .. لازم تأخذ الخطوة دى .. فأخذنا « ريسك » وعلنا الخطوة دى .. طيب نبلغهم إزاي إن إحنا حطينا قوات على طريق السويس وطريق الإسماعيلية .. واتفقنا مع الإخوان علشان يبقى فيه مقاومة شعبية طيب عاوزين نبلغهم .. ده بالليل يوم الثلاثاء ٢٢ - ٢٣ نبلغهم إزاي .. كان على صبرى معانا فى الطيران ماسك مدير مخابرات الطيران .. كنت أعرف إنه صديق الملحق الجوى الأمريكى (اسمه إيفانز) .. فأنا قلت نجيب على صبرى .. على صبرى كنت بأستقله كمدير مخابرات الأسلحة .. ولما ألغيت معاهدة ٣٦ .. بقينا نبعثهم القناة .. ونشيل الأسلحة » .

- كنت بتشيل الأسلحة فين ؟
- كنت بأشيلها عند على صبرى فى المخابرات .. ماحدش حيفتش هناك الأسلحة طبعاً نأخذها من الجيش أو نسرقها من الجيش .
- ووضيف عادل ثابت : « قال لى على صبرى : لم يكن ممكناً أن يكون للضباط الأحرار أية تعاملات مع المخابرات الأمريكية المركزية .. لأننا كنا نعتبر الأمريكيين يقفون إلى جانب الملك وأية اتصالات كانت موجودة كانت ذات طبيعة اجتماعية أساساً .. وكان الأمريكيون بطبيعة الحال مهتمين بالأحداث التي تجرى فى مصر .. وكنت من جانبى أتمتع بعلاقات اجتماعية طيبة معهم .. لا عن طريق رئاستى لمخابرات الملاح الجوى فحسب بل أيضاً لأننى تلقيت دراسات متقدمة فى الولايات المتحدة .. وكنا حريصين فى كل محادثاتنا مع الأمريكان على إقائهم غير عالمين بنوايانا .. وأن نغنيهم بمعلومات مضللة .. وهذا ما حدث بصفة خاصة عندما سألونا عن الأزمة التي تحيط بانتخابات نادى الضباط (وهو حدث رئيسى فى إشعال الثورة) فإننا أبلغناهم أن هذه مسألة داخلية تتعلق بمسألة النادى وليست لها تضمينات أخرى .. إننا لسنا شيوعيين ولا فاشيين ولكننا ضد فاروق .. وإننا ننصح البريطانيين بعدم التدخل .. وكانت لى علاقات شخصية طيبة بالملحق الجوى الأمريكى وقد سمعته بنفسى وهو يبلغ السفير كافرى بوجهة نظرنا .. ولا شك فى أن الرسالة قد نقلت إلى لندن حيث كان لها التأثير المطلوب .
- ويقول محسن محمد : « كان الأمريكان عندهم إحساس كبير إن ستحدث ثورة فى مصر .. وعندما أبلغ عامل التليفون السفير كافرى بذلك لم يصدقه .. ولما اتصل به مساعد الملحق الجوى ما استغريش .. لكن إن الثورة قامت بمساعدة أمريكية لأ إنما أمريكا أبدت الثورة .. وكل الوثائق تؤكد أن ثمة اتصالات بين واشنطن ولندن قد جرت .. وطلبت أمريكا من إنجلترا عدم التدخل أو مساندة الملك وقالت أتركوه لمصيره .. ليه ؟ عندما جاء ضابط المخابرات الأمريكى كيرميت روزفلت لعمل ثورة ببيضاء سنة ٤٩ وطالب الملك بإجراء إصلاحات والتنازل عن أراضيهِ رفض الملك .. وشعروا إن الملك إن أجلاً أو عاجلاً سيمضى ولا أمل فى إصلاحه .. فكانوا سعداء للتخلص منه .. وما صدقوا إنه يلاقوا عهداً جيداً فرحوا به .. لذلك تلاحظ كثرة الاجتماعات التي كانت تعقد بين الثوار والملحق العمكرى الإنجليزى أو السفير الأمريكى كافرى لدرجة أنه أرسل من ٢٣ يوليو إلى ٢٦ يوليو أسماء الضباط لواشنطن .
- ويؤكد عبد المنعم أمين : « لا .. الأمريكان ولا غير الأمريكان كانوا عارفين هذا الميعاد .. ولا أحد متصل بالأمريكان .. كان فيه ضابط خارج عن الضباط الأحرار كان على اتصال بالملحق الجوى .. واللى هو على صبرى .. وعلى صبرى لم يكن من الضباط الأحرار .
- ماذا فعلت بعد نجاح الثورة ؟
- جمال عبد الناصر بعد النجاح قال لى أنا وزعتك وقلت لك هات لنا سجاثر علشان أنفرد بكمال الذين حسين خصوصاً لما قعدت فى الكنبة فى بيتك فقلت نفسى بأعظم فيها وبصراحة خفت ..

وبالمناسبة جلال كشك الله يرحمه كتب مقالاً أن الأمريكان كانوا على اتصال بالأحرار حتى عبد المنعم أمين سافر إلى قبرص في مارس ليتلقى تعليمات المندوب الأمريكي ! رديت عليه وقلت له أنا ما كنتش من الضباط الأحرار ولا عمري رحت قبرص لا فسحة ولا مأمورية .

* وحضرتك لم تتصل بالأمريكان إطلاقاً ؟

* « عمري لم أتصل إلا يوم ٢٣ يوليو سنة ٥٢ لما قمنا بالثورة .. قلت لازم نتصل بالأمريكان علشان نفهمهم إيه الغرض من هذه الحركة أحسن يمينوا فهم هذه الحركة .. الجيش الإنجليزي يفكر إنها ضده والجيش الإنجليزي يوم الثورة تقدم إلى الكيلو ٦٤ طريق مصر السويس يعني بقى على بعد ٦٤ كيلو من القاهرة .. يا جماعة إنتم أخطرتم السفارات ؟ قالوا على صبرى راح للملحق الجوى علشان يخطره وزمانه أخطره .. طيب أخطره وقال له إيه ؟ قلت لهم لا أنا سوف أروح وأقابل السفير ورحت .. ده أول اتصال .. أنا فلان الفلاني عضو مجلس الثورة وجاى علشان أفهمكم الوضع الموجود إن إحنا ناس لا شيوعيين ولا إحنا نرغب القيام بعمل ضد الأجانب فى مصر .. إحنا ناس ملتزمين وجايين علشان نصلح الجيش بتاعنا يعني كل الحركة دى علشان تصلح الأحوال فى الجيش .. وبوازع وطنى خالص » .

* أما جلال علوية فله رأى آخر عندما سألته : هل السفارة الأمريكية كانت على علم بقيام حركة الضباط الأحرار ؟

* فقال : « أعتقد ١٠٠٪ .. علشان أولاً كافرى كان يقول عليهم "My boys" .. وكان الأمريكان عاوزين يورثوا الحكم فى مصر بدل الإنجليز .. والإنجليز قبل الثورة اتصل بي الملحق العسكرى وقال لى إذا أطلقت طلقة واحدة فلحنا نحنل مصر وإسكندرية .. فعلشان كده قلت ما فيش طلقة تُضرب .. وجاءت الحركة كلها سهلة والمساءلة جاءت صدفه » .

* ورفضت الملكة السابقة ناريمان التعليق أو الرد .. وقالت : « اعفينى من السؤال ده » .

* ويقول د . أشرف غربال : « أعتقد إن أمريكا علمت وقت حصول الثورة .. إنما علم مسبق لا أتصور .. إنما اللي إحنا بنقراه فى الكتب من المؤرخين للثورة ورجال الثورة إن الثورة حرصت على أن تبلغ السفير الأمريكى (جيفرمون كافرى) بالذات وقالوا له الثورة لا تهدف إلى أى أذى للأجانب بل بالعكس بتحرص على سلامتهم وأمنهم وهى ثورة ضد الظلم والفساد .. وأعتقد إن كان واضحاً فى خلال الحقبة التالية إن مش بس العالم الداخلى فى مصر كان مرحباً بالثورة إنما العالم الخارجى كذلك كان بيرحب بها ترحيباً كبيراً .. وكانت العلاقة بين جيفرمون كافرى ورجال الثورة علاقة وثيقة » .

* وأسأل مصطفى أمين : هل كانت إنجلترا .. وفرنسا وأمريكا .. مؤيدين لقيام الثورة فى ذلك الوقت ؟

* « آه كانوا مرحبين لإنهم يشعروا من الملك .. حتى الإنجليز ! »

• وبدأت مباحثات واتصالات حركة الضباط تجرى باسمهم وعلى رأسهم اللواء محمد نجيب ...

• وهكذا نجحت حركة الجيش في يوم الأربعاء الموافق ٢٣ يوليو سنة ١٩٥٢ وأعطاهما الشعب من التأييد ما لم تكن تحلم به .. بسبب بسيط هو أنها رفعت نفس الشعارات التي كان يرفعها الناس .. وهي شعارات « المستور .. الحرية .. وجلاء الإنجليز عن مصر والسودان » ..

• ويقول أبو الفضل الجيزاوي : « المفروض لما خرجنا فجر ٢٣ يوليو جميع لجان الإخوان المسلمين على مستوى الجمهورية .. وقتت ورائنا وقتت بجانبنا تؤيدنا .. وخرجت معنا في المسيرات » ..

• ويقول فريد عبد الخالق : « وبدأت الثورة تأخذ مجراها وكان تكليف من جميع الإخوان بالاتفاق إن فيه احتمالات تحصل ردود أفعال غير مرئية أو تخيلات .. فقال أنا حاكك على الإخوان المسلمين التي لهم قوة شعبية إنهم يتحملوا مسئولية حماية ظهر الثورة فعلاً أخذت تعليمات في جميع الأنحاء » ..

• ويقول حسن المراغي : « التي حصل إنهم بعد ما قامت الثورة نجيب باشا الهلالي أو مجلس الوزراء كلف المرحوم مرتضى إنه يروح يقابل محمد نجيب في مصر علشان يقعد يتكلم معاه ويقول له تعالى انتفضل استلموا الحكم .. وإن الوزارة حنقدم استقالتها .. فمرتضى المراغي بالذات في الفترة دى سافر مع مصطفى أمين وركبوا طائرة وجم هنا مع بعض .. لما راحوا وزارة الداخلية ما يقبض أحد خالص .. كان بدرى قوى .. وبعدين مرتضى حب يمشى قاموا جاءوا له ٢ ضباط أنا مش متذكر مين هما قالوا إنا مسنعين نأخذك ونروح للجنرال محمد نجيب قال لهم أنا مهمتي انتهت أنا خلاص انتهيت عند هذا الموضوع .. خلاص الوزارة قدمت الاستقالة واللى شكل الوزارة على ماهر باشا وانتهى عند هذا الحد إنما إذا كان فيه حاجة بعد كده أنا جاهز » ..

• ويقول مصطفى أمين : « يوم ٢٣ يوليو كنت في مكتب مرتضى .. وزير الداخلية في ذلك الوقت .. وجاء له خبر على إن الجيش ببحرك .. بعد ذلك علمت إن فيه ثورة » ..

• وكيف كان تصرفك ؟

• « أنا رأيي إن الثورة لما قامت لم تقصد طرد الملك كانت تريد فقط الفاسدين من الضباط في الجيش .. لما قامت وحصل الانقلاب والبلد خرجت نؤيده بالإجماع .. معنى ما فيش حد وقف ضد الثورة .. وهم لم ينتظروا هذا أبداً كانوا فاكرين حتحصل مقاومة وإن حرم الملك يقاوم وإن أجزاء من البلد سوف تعترض ولم يعترض أحد .. وحاولت أن أرجع مصر لإني كنت في الإسكندرية .. ورجعت مصر بالسلامة » ..

• هل دى مش ثورة ده انقلاب كما قال البعض ؟

- « هو في الأول كان انقلاب وإنما تحول بعد ذلك إلى ثورة » .
- ويقول أنيس منصور : « الثورة قامت ولم تكن في الحقيقة ثورة .. لأن ثورة بمعنى أن يكون عندك برنامج شامل لتغيير المجتمع وتغييره .. وفيه أنواع مختلفة من الغضب فيه غضب .. وفيه سحق .. وفيه انقلاب .. وفيه ثورة .. غضب يبقى أنا متضابق من أوضاع وما عنديش برنامج .. سحق ساطح على وضع معين وعندي فكرة أصلحه إزاي .. انقلاب عسكري إتك إنت عملت تعديلًا ويجوز ما عنكش برنامج » .
- ويقول إبراهيم شكرى : « أنا كنت في سجن مصر .. ففي الواقع في تلك الليلة مساء سمعنا بأن هناك ثورة وأغلقت السجون يومين ثلاثة من غير خروج .. وجاء يوم ٢٦ يوليو .. هذا اليوم أنا بالنسبة لى هو قيام الثورة وكانت خطوة كبيرة لا شك في ذلك لأن تهمتى كانت العيب في الذات الملكية !! »
- ويعلق جلال علوبة فيقول : « أنا بأكتب كتاباً ومش عاوز أبوظه لإنى بأكتب منكراى ونكرياتى .. وإحنا كضباط مفروض إننا بنحلف اليمين القانونية أول ما نخش ضابط ونقول الله والوطن والملك .. فده قسم لا يمكن أن أرجع فيه .. والضابط مهمته الدفاع عن الوطن مالهوش دعوة بالسياسة إطلاقاً » .
- كيف إذن رجع فيه رجال الثورة في رأيك ؟
- « ما أعرفش .. أنا ضابط متعلم في إنجلترا بلد العسكرية وأنا عمرى ١٢ سنة والضابط اللي بيخالفوا القسم بتاعهم ويرجعوا يتدخلوا في شئون ليس من شئونهم لا أعتبرهم ضباطاً أبداً .. لأن الضابط بسمع كلام رئيسه فقط وينفذ الأوامر التى تصدر له فقط لا غير .. مالهوش دعوة بأى سياسة أو أى تدخل في حاجة ثانية غير شغله » .
- حتى لو كان من أجل مصر ويدافع من وطنيته ؟
- « هو ليس له الحق أن يحكم على بلده أو وطنيته .. لأن يصح إن يجيى لك أمر بالتراجع وانت مش عاوز تتراجع زى نيلسون وما حصل .. ولكن القواد لهم حكمة في هذا .. فلازم تنفذ الأمر حتى ولو كنت مش مقتنعاً به » .
- ويعلق لطفي واكد فيقول : « لأ .. لم يكن مخالفاً للقسم لأن يميننا أساساً للوطن وكل من يعرض مصالح الوطن للخطر فهو لا يستحق أن يكون محصناً باليمين » .
- وللعلم فإن الحركة المباركة كما أسماها أصحابها عادة قيامها .. تعطلت مواعيدها أكثر من مرة ..
- يقول مأمون الهضيبي : « تأجل موعد قيام الثورة حتى يأخذوا التصديق النهائى من المرشد العام اللي كان موجوداً آنذاك حسن أبو زيد اللي فاجيء عبد الناصر إن أخبار الثورة أصبحت معروفة ومعلنة وإته وصل الأمر إلى مسامع الملك وللواء حسين سرى عامر بتاع الملك ..

فخافوا على أنفسهم وعجلوا بموعد قيام الثورة التي كان المفروض أن يكون بعد ذلك ببضعة أشهر .. وكان على ما أذكر تحدد ٢٢ يوليو وأخطر قيادات الإخوان .. فقالوا له مانقدرش لإنه لابد في بادئ الأمر نأخذ التصديق النهائي من المرشد .. إزاي .. مش إزاي .. قالوا إحنا مانقدرش ولاقوه موجود في الإسكندرية أيامها فسافر فريق منهم إلى الإسكندرية منهم فريد عبد الخالق وحسن العشماوى وقابلوه وعرضوا عليه الموضوع وقعد يتبادل معهم الرأى فى هؤلاء الضباط وإيه الوضع وحيصلوا إيه .. وإيه المطلوب من الإخوان لإنه طلب منه أن يعملوا بعض الحركات التخريبية وهو رفضها .. خاف منها .. فأنفجرت الثورة وتنسب مسؤولياتها للإخوان أو حاجة زى كده .. لما رجعوا بالموافقة .. فلجلت إلى ٢٣ يوليو .

● وكانت عقارب الساعة تواصل دوراتها .. مغننة بداية تاريخ مصر الجديد ..



يسقط الملك فاروق

- تسعون ساعة بالضبط مرت بين تحرك الجيش في منتصف ليلة ٢٣ يوليو ورحيل الملك فاروق الأول .. بعدها بثلاثة أيام ..
- عاش الملك منذ ميلاده يوم ١١/٢/١٩٢٠ في القصر الملكي حيث نشأ وترعرع وتعلم ..
- وأسأل السفير صلاح شعراوي : كنت ضابطاً بالحرس الملكي .. ولك ذكريات كثيرة عن هذه المرحلة المهمة في تاريخ مصر .. تفتكر لنا منها إيه ؟
- أنا فعلاً كنت ضابطاً في الحرس الملكي من عام ٤٨ حتى نهاية عام ٥٢ وانتقلت بعد هذا إلى صفوف القوات المسلحة على أثر الكادر بتاع ضباط الحرس اتفك .. لكن أنا كان لي دراية بالمراي قبل ذلك .. لأن والدي كان خدّم في المراي من سنة ١٥ لغاية ٢٠ أغسطس عام ٤٣ يعني حوالي ٢٨ سنة ونصف .. وكان يأخّني وأنا صغير علشان أتدرب سباحة أو سيف أو شيش على أيدي مدرب الملك فاروق .. علاوة على الأحاديث اللي كان والدي يحكيها لي .. فاللي أقدر أقوله هو إن الملك فاروق كان شخصية زى كل الناس ما عارفاهم أول ما جاء الحكم .. كان كل الناس بتحبّه .. الشقاوة بتاعة الشباب .. والجمال أيضاً .. وشالوا به العربية مرة من المرات .. وانتهت الأمور بأن حصل نوع من الضيق والاستياء من تصرفاته في سنواته الأخيرة .. لكن أنا عاوز أقول حاجة حقيقة الملك فاروق بأعتبره ضحية الوالد .. والده الملك فؤاد .. الإنسان بيبقى نتاج ظروف عاشها .. فالظروف اللي عاشها فاروق أيام والده .. ظروف صعبة لازم تؤدّي إلى هذه النتيجة .. لإنه كان ولد على أربعة بنات ووالده كان حارم أى اتصال خارجي ببنه وبين برّه .. فالولد عاش في جنبات القصر في إطار نمائي .. إطار البنات أخواته .. بلبسوه .. يساعدوه .. فكانوا بيلعوه بـ « روكي » بالمانمسة .. بيقولوا له « روكي » اسم الدلع بتاعه .. فعاش في هذه الحياة .. عمره ما شاف أحداً .. وحتى أبناء الأسرة المالكة كان الملك فؤاد مانعاً أى اتصال بهم .. وأنا أتذكر نظراً لابتعاد الناس عن مجموعة فاروق وإخوته .. أنا كنت أول مرة أشوفه .. طبعاً والدي كان ضابط في الحرس فأخّني معاه .. ووقفت عند بوابة المنتزة على باب المحطة وجاء عم إدريس اللي هو الشماشجي يعني اللي

بيليس الملك .. كان عمرى ٦ سنين وقالوا لى إن سمو الأمير مش حيمر لإينه تعبان إنما الأميرة فانية حتمر .. فأنا أتذكر إنهم قالوا لى لازم توطى رأسك عندما تمر .. أنا طبعاً علوز أشوف الناس دول .. فرفعت رأسى وشفتها راكبة الكارينة فى الفسحة بتاعة الساعة عشرة ونصف ولاقيتها بنزعق لعم إدريس : من فين جبئوا ده ؟ .. يعنى كإنى شخص جأى من المريخ مثلاً أو القمر .. فهذه نقطة .. النقطة الثانية إنه لم يتعلم كفاية .. وهذه نتيجة ظروف إن والده مات وهو صغير .. وظروف أخرى سياسية لإن أمه كانت خائفة إن العرش يتاخذ منه .. فما صدقوا إنه يتم الـ ١٨ سنة هلالية .. وبقي ملكاً .. لإينه كان وقتها الأمير محمد على بيستعى أن تزدد فترة الوصاية ٥ سنوات .. تعدى الـ ١٨ سنة .. فهذه النقطة مهمة فى حياة الملك فاروق لإن قلة تعليمه خلعت عنده نوع من مركب النقص .. وأنا والدى حكى لى .. إن ملك صغير ١٨ سنة وفى إطار سراى وناس كبار فى السن زى سعيد باشا ذو الفقار وإسماعيل باشا تيمور ومراد باشا محسن .. مين اللى حيقى حواليه .. أهو برضه لازم يكون فيه ناس عقليتهم مقاربة .. فوقع الاختيار على مجموعة من شباب مصر المتعلم من أبناء العائلات الكريمة مثل محمود يونس وصالح يونس أخوه ومحمد عبد الرازق وإكرام سيف النصر والحمامسى ومحمد صادق .. مجموعة محترمة فاضلة .. فلأسف الرغبة كانت رغبة كويسة لكن أدت إلى نتيجة عكسية .

• إزأى ياخدم ؟

• « هو شعر إن هناك ناس تبدو متله .. كانوا بيتكلموا لغات وهو كمان .. كانوا عارفين الدنيا .. بس هم متعلمين .. فابتعد عنهم بدل ما يتقرب منهم أو يحاول يوصل لمستواهم .. ابتعد عنهم .. طبعاً ظروف الحكم شغلته بلا جدال .. لكن ابتعد عنهم وعن صحبتهم فكان اختلاطه كله بمجموعة الخدم اللى اشتغلوا فى السراى .. كهربائى السراى والسواق بتاعه ومدرّب الكلاب والحلاق .. هؤلاء بمستواهم العلمى حيعطوا له إيه ؟ مش حيقدرنا يعطوا حاجة ذات قيمة .. ويقروا يدوا له أى حاجة ترضيه وهذا ما أشبع غوره .. وتطورت الأمور إلى أن أصبح مجموعة منهم وخصوصاً للأسف بأقول المصريين .. أقوياء جداً فى السراى وخارج السراى .. يعنى مثلاً .. وصل الأمر إن السائق بتاعه كان هو وحسين سرى كمدير سلاح الحدود هما اللى ببوضعوا التزيينات والتعيين فى المناصب .. محمد حسن اللى كان الشماشرجى بتاعه بعد ما كان فاروق تعب من عم إدريس اللى كبير فى السن واشتكى منه .. وجاء مرة من المرات - والدى حكى لى - كان الملك بيصطاد فى وادى الرشراش سنة ٤٣ وكان وقتها فيه أزمة غذائية فى مصر بسبب الحرب .. فقال له : إئت جأى تصطاد هنا وسايب اللى أبوك عمله لك .. ما ترجع تانى .. قال له : أخرس بس يا واد يا كلب .. رد عليه وقال : كبرت صغرت كلب إنما إئت ما تضيعش الملك اللى سابه لك أبوك .. فالراجل يظهر كبير وخلص استبيح فيقى يقول اللى فى قلبه .. لما الملك تعب منه وقال ده كبير .. رشحت الملكة نازلى « محمد حسن » اللى هو كان الشماشرجى بتاع جوزها .. قالت له : أنا عندى ولد كويس قوى .. محمد حسن جاء وفى خلال سنتين ثلاثة .. كان مش مسيطر على القصر كان مسيطراً على الدولة وكان هو اللى

- ببتكلم مع الوزراء ويمكن بيعين ويشيل ويقبل وكان فاروق سايب له الأمر إلى حد كبير في أواخر أيامه .. هذه بعض التكريات التي سمعتها من والدى خلال ذلك الوقت » .
- وأطلب من مصطفى أمين كلمة عن الملك فؤاد والد الملك فاروق .. فيقول : « هو كان رجلاً مُصلحاً ولكن كان ديكتاتوراً وكان لا يؤمن بالشعب المصرى » .
- وأسأل حسن المراعى (الابن الثانى للمرحوم الشيخ المراعى) .. كيف كنت ترى العلاقة بين الأزهر والملك ؟
- « والدى كان بالنسبة للعلماء منه صغير وشيخ الأزهر عادة سنه لا يقل عن ٦٠ و ٨٠ سنة .. النحاس هو اللي رشع والدى أن يكون شيخ الأزهر لأنه كان رئيس المحكمة الشرعية .. ورغم اعتراض الملك فؤاد على صغر سنه إلا إن النحاس باشا صمم لأنه وجد فيه إنه أنسب ما يكون لشيخ الأزهر .. ووضع قانون الأزهر الذى أجله الملك ورفض الموافقة عليه فقدم استقالته سنة ٢٩ وعاد مرة أخرى سنة ٣٥ بعد ثورة عارمة قام بها الأزهر مع الجامعة » .
- والدته الملكة نازلى ثانى زوجات الملك فؤاد .. بعد شويكار .. وجده هو الخديوى (إسماعيل) ..
- وأراد الملك فؤاد استكمال تعليم ابنه فأرسله إلى بريطانيا للالتحاق بأكاديمية عسكرية هناك ..
- واضطر الأمير فاروق الأول إلى العودة لمصر بعد أقل من عام بسبب وفاة والده ..
- وطلب الملك فاروق أن يكون حفل تنويجه فى الأزهر الشريف ووجد معارضة من الوفد .. وبايع « الإخوان المسلمون » الملك المعظم .. الذى جلس على العرش فى ٢١ يوليو سنة ١٩٣٧ وعزف السلام الملكى لأول مرة لملك مصر الجديد .. بعد أن هتف رئيس الديوان على باشا ماهر قائلاً « مات الملك عاش الملك » ..
- ويقول على خليل : « وكان الملك فى أول توليه الحكم محبوباً جداً لأنه صعب على الناس .. كان هو بيدرس فى إنجلترا ووالده توفى ٢٨ إبريل .. فرجع بالمركب .. ماكانش الطائرات متوفرة قوى .. يوم ٦ مايو لما وصل كان لايس بدلة تشريفية كده جاكته بيضاء عليها نياشين وراكب عربية حنطور وطلعت صورته وهو راكب فى العربية فى الصحف جاى من محطة القاهرة إلى قصر عابدين .. وبعدين وهو بيبكى صعب على الناس .. وكان جميل الصورة فحصل عطف شديد جداً عليه من أبناء الشعب جميعاً » .
- ويقول محسن محمد : « على ماهر هو أكثر شخص أهدى الملك .. وأخذ يعلن فى البلد أنه : الملك الصالح .. وأدخل فى فكره ذلك وكان ينزل ليصلى كل جمعة فى الشارع .. وصدقه الملك » .
- ويقول عادل ثابت : « توجه الملك فاروق بصحبة عزام باشا إلى مكة المكرمة لأداء فريضة

الحج .. حيث استقبله الملك سعود كما يستقبل ابناً له وقبل الدعوة لزيارة مصر .. وتمت تلك الزيارة في مارس سنة ١٩٤٦ هـ .

• ويقول حسين الأثري : « رغم إنه لم يكن عالى الثقافة جداً لإنه عاد بعد وفاة والده دون أن يكمل تعليمه .. ولكنه كان مثقفاً نفسه فى حاجات كثيرة » .

• ويقول فكرى مكرم عبيد : « هو نشأ نشأة كريمة .. ومنظره كان جميل .. والناس كانت بتحبه أول الأمر .. أما بعد هذا تحول من النقيض إلى النقيض .. واللى حوله طبعاً الله يرحمه على ماهر اللى أدخل فى ذهنه إن هو بقى زعيم العرب الذى لا يخطئ .. الخ .. وكان شاباً صغيراً بتاع ١٧ - ١٨ سنة فنخله الفرور » .

• وأسأل حسين بيكار : الملك فاروق كنت بترسمه إزاي ؟

• « زمان الملك فاروق رسمه فنان شهير جداً اسمه « ديلالو » جابوه من الخارج رسمه وهو كان لسه صبياً .. وكانت هذه الصورة أجمل صورة رأيتها فى حياتي لفاروق لإنها صورة بعين فنان عالمي .. أنا بعد ما شفت هذه الصورة مش ممكن أرسم الملك فاروق أبداً » .

• خمسة عشر عاما (أغسطس ١٩٣٧ - يوليو ١٩٥٢) هى الحكم الدستورى لفاروق الأول .. بدأ بقبول شعبى واسع للملك الشاب ..

• وكان الملك قد تزوج فى ٣٨/١/٢٠ من صافيناز نو الفغار التى أطلق عليها اسم الملكة فريدة ..

• وأنجب من فريدة ٣ بنات هن فريال وهوزية وفادية ..

• كان لفاروق خمس أخوات من البنات ..

• ويقول عادل ثابت : « الأولى أخت غير شقيقة .. هى الأميرة فوقية ابنة الملك فؤاد الأول والأميرة شويكار .. والباقيات شقيقات من الملكة نازلى » ..

• ووصل تأييد الجيش للملك الشاب فاروق إلى ذروته بحادثة ٤ فبراير سنة ٢٤ حين أجبره الإنجليز بقوة السلاح على أن يأتى بوزارة النحاس باشا ..

• لم يكن الملك قد أكمل ٢٢ سنة من عمره واجتمع برؤساء الأحزاب ورجال السياسة بعد حادثة ٤ فبراير ..

• ويقول حسن فهمى : « إحنا طبعاً اعتبرنا إن اللى حصل من الإنجليز أيامها ده إهانة للجيش المصرى كله .. واجتمعنا فى نادى الضباط وقررنا إننا تليس رسمى احتجاجاً منا على ما حدث للملك وإن إحنا نعظم بعض ونحبي بعض أئمتنا تواجدنا .. وكان فيه حفل يوم ٤ فبراير وكل سنة نجتمع فى نادى الضباط » .

* ويقول جمال حماد : « اعتاد فاروق عقب حادث ٤ فبراير .. القيام بزيارة شخصية مفاجئة لنادى الضباط بالزمالك مساء ٤ فبراير من كل عام » .

* وأسأل حسن فهمي : هل الملك فاروق كان مهتماً بالجيش المصري ؟

* « أنا أذكر المناورات .. مناورات المدفعية .. كنا بنعمل مناورات مخصصة وتدعوا إليها البرلمان علشان يصدقوا لنا على ميزانية الجيش وكان الملك يحضر هذه المناورات .. فكان في الحقيقة الملك مهم جداً بالجيش .. والجيش قبل الثورة كان جيشاً صغيراً .. كان عندنا آلاى واحد مدفعية وآلاى مضاد للدبابات وآلاى طائرات .. لكن الضباط كانوا من عائلات كويسة .. ويقدم الضابط أوراقاً إنه يملك أطيافاً .. والجيش لإنه صغير فكان معتنى به قوى وإحنا ما كناش بنشوف خير من البعثات .. ومع ذلك كان الجيش كويس قوى .. يمكن ما كانوا راضيين عن الضباط الكبار بعد حرب سنة ٤٨ » .

* ويقول د. يونس لبيب رزق : « تزايدت كراهية الملك للإنجليز بعد حادث ٤ فبراير وفرض حكومة الوفد .. وكانت صلة الملك بالإنجليز سيئة أيضاً بسبب فكرتهم فى تحجيم الجيش المصرى ورفض تسليحه .. لاسيما بعد حملة فلسطين » .

* ويقول محسن محمد : « كانت ميول الملك مع الألمان بلا شك وهذا ما جعل كراهية الإنجليز له تزداد » .

* ويقول عادل ثابت : « أقدر أقول لك حاجة .. أنا كنت فى الجامعة العربية لما الملك كلف عبد الرحمن عزام إنه يجيب ضابط ألمانى كبير مصر علشان يدرس أوضاع الجيش وخصوصاً حرب سنة ٤٨ اسمه جنرال شميت .. وكان ثانى قائد .. راجل من القواد المشهورين بخبرة الحرب فى الصحراء .. حضر هنا .. وأنا كُلفت أنى أكون مسئولاً عن هذا الشخص .. وكنت همزة الوصل بين الملك وعبد الرحمن عزام فى العملية دى بالذات .. فقد هنا مدة طويلة قوى سنتين وشوية وواجه دماغاً ومشاكل كبيرة قوى .. كان حيدر باشا طبعاً يخشى أن يجيوا راجل ألمانى يراقب العمليات العسكرية .. لدرجة إنه يوم من الأيام وجدنا إن السفارة الأمريكية جابت جنرال ألمانى ثانى يطلب من الحرية علشان يوقف هذا الجنرال بتاع الملك .. وكان الملك مصمماً أن يستمر فى الحرب .. وده مكتوب فى الكتاب بقاى » .

• وكان الملك يشجع المصريين من أوائل الطلبة الرياضيين .. والفنانين الذين غنوا له وأبدعوا ..

• وزادت شعبية الملك بعد حادثة القصاصين ..

* ويقول حسين الأتربى : « دى مُدبرة من الإنجليز .. كانت حاملة عسكرية واقفة فى طريق القصاصين راحت طالعة من وسط عربية وضربت الملك ولولا إنه كان راكب المرسيدس اللى هنتر كان مديها له هدية كان خُلص فيها » .

- بينما يقول د. يوثان لبيب رزق : « اصطدمت سيارة الملك بسيارة نقل تابعة للجيش الإنجليزي .. وتصور البعض أنها حادثة مدبرة » .
- ويقول حسن فهمي : « كان الملك محبوباً ولما جرح في القصاصين طلعت الدنيا كلها إلى مستشفى القصاصين .. ويعدّها عطا الله باشا لم ضباط الجيش كلهم وراحوا له على قصر القبة والملك طلع من فوق وشاور لنا وقام اللوات كلهم قبلوا يد الملك .. أيامها كان محبوباً فعلاً » .
- سرعان ما بدأت شعبية الملك تنقل تدريجياً لأسباب مختلفة .. إذ تصاعدت روائح الفساد من السراي .. وكثر الكلام عن حاشية الملك واستغلالها للنفلوذ ...
- وأسأل د. سليمان حزين : ماذا تقول لنا عن الملك فاروق في سطرين ؟
- « تولى الحكم شخص أقل بكثير في مستواه العقلي والفكري والعاظمي من المسؤولية التي ألقيت عليه .. شخص صغير جداً بالنسبة لبلد كمصر حضارتها ٧ آلاف سنة » .
- ويقول د. حلمي مراد : « الملك فاروق بدأ بداية طيبة كأى شاب طموح ويريد إنه ينجح في المركز الذي تولاه .. ولكن بطانة السوء أدت إلى التأثير عليه وانحرفوا به .. بحيث أصبح يعيش في أجواء فاسدة .. لا تبشر بالخير » .
- ويقول حلمي سلام : « فاروق كان ملكاً فاسداً بكل المقاييس .. والملوك كما قال عبد الفتاح باشا حسن الوزير السابق .. يولدون فاسدين .. فكل شيء متحقق لهم .. ولا يبقى أمامهم إلا الفساد » .
- وأسأل تحية كاريوكا : هل أيام الملك كانت الرافعات لهن علاقة بالسراي ؟
- « أنا عمري ما كان لى علاقة بالسراي إلا بالملكة فريدة لإن والنتها فى جمعية الهلال وخالتها وفيه صداقة بينا » .
- بس كان فيه سامية جمال .. وكاميليا ؟
- « كاميليا عمرها ما رقصت .. هو كان بيحبها .. شاب وملك .. ما يحبش ليه ؟ إذا كان ملك واحد دلوقتى عشرة .. زى ما قالوا ذهب فاروق وأتوا فواريق » .
- وسامية ؟
- « كانت سامية جمال علاقتها معه وثيقة شوية .. وعلى فكرة يوم ما الملك طلق فريدة بقينا أعداء .. كلتنى حماه » .
- ويقول د. يوثان لبيب رزق : « فى البداية كان فاروق ملكاً .. ثم أصبح أفافاً .. وأنا أذكر إننى من جيل كان يخرج فى المظاهرات معلناً مسخه على الملك .. ونقول أين الغذاء يا ملك النساء !! »

• وسألت ملكة مصر السابقة ناريمان : من كان مستشار الملك فاروق رقم واحد ؟

• « ما فيش شك انطوان بوللى اللى كان سكرتيره الخاص .. كان يخرج معاه ولازم يقف جنبه ويلبسه ويوضب له حاجاته .. ده غير الشماشرجى محمد حسن .. ودخلت مرة أوصته .. ارتبك بوللى .. كنت بأسأل عن الملك وأقول له هو فين .. ولأول مرة أشوف السويششات لرئيس الوزراء ومثلاً لوزارة الداخلية والخارجية .. كانت لها كابلات تليفونات .. قلت له إنت تعرف الملك فين ؟ قال طبعاً بس ما عنديش تعليمات إنى أقول » .

• أيامها كان بيروح فين تقدرى تستنتجى أم لا ؟

• « كان فى شقق الملك على مسافة كيلو ونصف أو ٢ كيلو من شقق الملكة .. فى العراى .

• ويقول عادل ثابت : « كان على فاروق أن يتحمل وطأة المشكلات بين أمه وزوجته .. فكانت الملكة نازلى تؤيد سياسة تقارب ابنها والنحاس باشا (زعيم الوفد) الذى كانت زوجته سديفة شخصية لها .. أما الملكة فريدة وهى ابنة شقيقة رئيس الوزراء حسين سرى باشا الذى كان يميل للإنجليز .. وخسرت فريدة المعركة أمام المرأة الأكبر سنأ .. رغم شبابه ونضارتها .. فإن خصميتها الملكة نازلى .. كان لديها الخبرة والنضج والسيطرة .. وسيطرت على فريدة الفيرة ونزعة التملك .. وهو آخر شيء كان عليها أن تفعله » .

• ويقول مصطفى أمين : « كان فى أوائل حكمه محبوباً جداً من الشعب ولكن حاشيته وبخاصة الإيطاليون وغير المصريين الذين كانوا يحيطون به أفصوه » .

• ويقول د. يونان : « الحاشية الخصوصية للملك أساءت إلى فاروق إساءة بالغة » .

• ويقول توفيق عبده إسماعيل : « أنور السادات كان له دور رئيسى فى تنظيم الضباط الأحرار عن طريق علاقته بالحرس الحيدى وعلاقته بالكتور يوسف رشاد على وجه التحديد » .

• ويقول د. يونان : « السيدة ناهد رشاد كانت صاحبة نشاط خاص .. وكانت تعرف الرئيس السادات .. فى تلك الفترة تقرر تكوين ميليشيات لحماب الملك .. مثل الجماعات السرية .. وهذه العلاقة ثابتة تاريخياً » .

• وأسأل حسن فهمى ما هى علاقتك بيوسف رشاد والسادات ؟

• « يوسف رشاد كان من حلوان .. وكان لإخوانه الصغيرين معى فى الروضة فى حلوان .. لكن ما كانش فيه سابق معرفة بيننا .. قبل مقابلتى له يوم ما جيت من بيت لحم .. علشان أقول له على أوضاع القوة بتاعتنا .. دى كانت أول مرة أشوفه .. وكان يوسف رشاد شخصاً وطنياً ورجلاً شهماً ويجب يسمع أوضاع الجيش .. علشان يبلغ كلامنا للملك وحاولنا الاتصال بالأحزاب السياسية وما كانش فيه نتيجة » .

• والسادات كان منكم أم معكم ؟

- الرئيس السادات ما كانش معنا .. كان له مجموعة ثانية لكن إحنا كنا على اتصال به .
- وأسأل أمين شاكور : هل كان يعلم عيد الناصر بئلك ؟
- لا .. ولكنه عرفها بعد اشتراك السادات فى عملية العدوان وضرب النار على النحاس باشا .
- ويقول خالد محبى الدين : « الحرس الحديدى مجموعة بزعامة مصطفى كمال صدقى .. ضمت عدداً من الضباط منهم خالد فوزى وسيد جاد وحسن فهمى .. وكنا عارفين أن أنور السادات له علاقة ببوسف رشاد والحرس الحديدى .. لكن كنا عارفين أيضاً إنه ضابط وطنى .
- بينما يقول حسن فهمى : « موضوع الحرس الحديدى .. أقسم لك إنى أول مرة أسمع عن الحرس الحديدى بعد ما قامت الثورة .. قالوا لى إنت من الحرس الحديدى .. لكن عمل إيه ؟ .. موت مين ؟؟ ضرب مين ؟؟ إحنا كنا مجموعة من الشباب القوميين الللى كانوا عاوزين يخدموا البلد .. فى مرة قال القراشى للإنجليز : اخرجوا من بلاننا أيها القراصنة .. فرد النحاس إنه لا يمثل إلا نفسه .. وكنا مجموعة متحمسة جداً قررنا قتل النحاس باشا ورحنا ضربناه وكان أبعد مدفع عن ظهر النحاس باشا مترين .. ورغم ذلك لم يمت أحد .. إن الناس الللى كانوا معنا ما كانوا عاوزين يموتوا حد !! »
- وأسأل حسين الأتربى : هل الحاشية كانت أحد العوامل والأسباب ؟
- كل ما يقال عن بوللى إنه كان دمه خفيف .. إيطالى الجنسية .. وبترو الحلاق بتاعه .. ومحمد حسن كان الليبى بتاعه فأكرمه وإدى له البهوية وكانت توزع على أى حد .. كريم ثابت يمكن كان له تأثير بسيط فى تشجيعه على التصرفات المنحرفة .. أما إلياس باشا أندراوس ده كان واخد التوايحى الاقتصادية وكان محترم نفسه ويعيد عن الحاجات دى .
- ويقول د. حسن رجب : « العملية .. فلتت منه .. لإنه بكل أسف أحاط نفسه بناس لا يستاهلوا .. وعن واحد زى عبد الغفار عثمان ده .. معروف إنه راجل بطل .. راجل تاريخه القديم والحديث كله كان وحش .. معنى ليه بيحتضنه .. لو كان جاب ناس كويسين أو طيبين .. مافيش شك ما كانتش حصلت المهازل دى كلها .. أو على الأقل لو كانت حصلت كانت أوقفت فى أولها .
- ويقول فكرى مكرم عبيد : « مجموعة من الحثالة الللى أمثال بوللى وإلياس أندراوس وإلخ .. الجماعة الللى أفسدوا الحياة السياسية .. وكان الوضع علشان تصل إلى أى شىء .. لابد إنك تتصف بالصفات دى علشان تبقى رجل الملك .
- وكان قرار الملك بطلاق الملكة فريدة سنة ٤٨ صدمة شديدة للمصريين .. وقال البعض إنها ابتعدت بسبب علاقاته المريبة .. وقال البعض الآخر إنه ابتعد بسبب علاقاتها المريبة ..

• وبعد الهزيمة في حرب فلسطين .. بدأت الأزمة تتصاعد .. وهتافات العداء للملك تتردد .. في المظاهرات الشعبية ..

• وبدأ الصدام بين الإخوان والملك بعد اغتيال النفراسي باشا الذي اتهم فيه الإخوان .. ثم اغتيال المرشد العام حسن البنا سنة ١٩٤٩ الذي اتهم فيه رجال من السراي ..

• ويقول فريد عبد الخالق : « ما أثير حول العلاقة أو الصلة بالملك فاروق بدأت أيام حسن البنا رحمة الله عليه كما قيل .. لإثمه لما جه الملك وتولى وكان لسه شاباً كان حسن البنا من منطلق اهتمامه بإثمه بوصف مفاهيم الإسلام بطريقة سليمة سمحة كما هي حقيقة الإسلام وليست كما هي على أقواه وفي تصورات بعض الناس .. فكان عنده أمل إن هذا الشاب إذا بلغته الدعوة وهو غير متأثر ولسه في دور التكوين مثل هذه الحاجات قد يكون لها أثر حسن على البلد كلها فيما يتعلق بالتعاون مع الناس والتعاون بصفة عامة لكن هو طلب وسعى .. ولكن الحقيقة إنه تبين إن فيه عناصر حوالة من الحاشية كانت لا ترى ذلك لأسباب يمكن مش كلها معروفة ربما يكون لها أبعاد خارج البلد بتخاف من صلة الإسلام باللي في الحكم .. فقيل هو سعي إنما لم يوفق .. كان عاوز وكلف ناس إنهم يكونوا همزة وصل إنما المحاولات لم تكتب لها النجاح . »

• ويقول د. يوتان لبيب رزقي : « بعد إلغاء معاهدة ٣٦ في سنة ١٩٥١ أطلق على الملك لقباً جديداً وهو « ملك مصر والسودان » .

• في ١٩٥١/٥/٦ تزوج الملك من ناريمان صادق ...

• يقول جلال علوية : « هي شابة مصرية صميمة .. بنت حلال مالهش لا في السياسة ولا في الحكم بس عندها صورة شكلها كويس » .

• ويقول حسين الأترشي : « الملكة ناريمان كانت سيدة من الطبقة العادية خالصة .. واللي زوجها له أحمد باشا نجيب الجواهرجي وقد كان أحد حاشيته وقريبه .. وكان له تأثير كبير جداً في بورصة المال في فرنسا بعد الحرب .. وهي كانت مخطوبة أيامها للدكتور زكي هاشم وبعدين سابته واتجوزت الملك .. إنما لا هي من مقامه ولا مركزه ولا هي من ثقافته .. ولا هي تصلح كملكة لواحد مجروح تلم الجروح بتاعته وإنما تزوجها كزوجة وبس علشان تنجب ولي العهد .. وأنجبت ولي العهد .. وذهبت هي وهو وولي العهد !! »

• وأنجب الملك فاروق الأمير أحمد فؤاد .. ولي العهد في ١٦ يناير ١٩٥٢ ...

• وسألت الملكة ناريمان : إيه اللي حضرتك تذكره يوم (إبلاغك بقرع وصول ولي العهد ؟

• « ده في آخر شهر العسل ، كنا زرنا الأول سيمبليا .. على « فخر البحار » مش « المحروسة » .. اللي كانت أظن بتتصلح .. ورحنا بعد كده كابرى في الساحل الإيطالي .. وفرنسا (الليريفيرا) .. وشعرت بدوار وكان معنا الدكتور يوسف رشاد الله يرجمه ، حسيت إنني منزعة ، هو عرف على طول .. ثم أبلغته بالخبر ضحك وقال « على الله تجيبى لى بنت ! »

- وإيه اللي حضرتك تذكره عن إبلاغه بميلاد ولى العهد ؟
- الملك اختار الدكتور إبراهيم مجدى ودخل الأوضة فى بداية الولادة .. ولما أنا فقت من البنج قالوا لى إنه دخل مع الدكتور والممرضات فى أوضة العمليات ولبس ماسك للتنفس .. وقالوا له .. طبعا كان مبسوطاً جداً وأنعم على الدكتور إبراهيم مجدى بالباشوية .
- وأنعم على حضرتك بإيه يومها ؟
- كل اللي أقدر أقوله وعدنى إنه سوف يغير مجرى حياته علشان خاطر ابنه أحمد .
- وسألت جلال علوبة : هل الملك فرح لما جابت له ولى العهد ؟
- جداً .
- وفى يوم ٢٦/١/٥٢ بعد أيام من ميلاد ولى العهد احترقت القاهرة ..
- ويقول أحمد أبو الفتح : لم يسفر التحقيق عن معرفة الجناة الذين حرقوا القاهرة .. وتبادل للقصر والرفد الاتهامات .. كما حامت الشبهات حول أحمد حمين زعيم الحزب الاشتراكي .. ونتج عن الحريق إقالة الوفد .
- وأسأل الملكة السابقة ناريمان : أكبر أزمة مرت على الملك فاروق فى نظر حضرتك إيه ؟
- حريق القاهرة .
- كان إيه انطباعه عنه ؟ .. عرفتم به إزاي ؟
- أنا الحقيقة كنت فى شبه سجن كبير ذهبى .. لكن برضه كان مش مصرح لى إن أنا أخرج كثيراً .. كل ما أذكره إن أنا صحيت مذعورة وكان بعد ١٢ يوم من ولادة ولى العهد .. فتحت عينيا لأقيته واقف لأبس البدلة .. بدلة البحرية ، هو بفضل لبس بدلة البحرية .. لما شفته واقف كان العرق بيتصبب منه .. هو كان لما يتضايق يبقى العرق كثيراً طبعا .. ماسك النظارة المعظمة ويدخل فى مكتبه ويرجع تانى بيدوا له صور .. الحريق وصل فندق شبرد .. الحريق وصل المحلات اللي حواليه .. ويطلع على المطوح وكان يحاول الاتصال بوزير الداخلية .
- فى سراى القبة ولا سراى عابدين يافندم ؟
- لأ ، عابدين .
- ويتصل بالمسئول مين يافندم ؟
- المسئول وزير الداخلية فؤاد باشا مزاج الدين .. أظن أفكر لإن الأمن ما كانش علوز ينزل جيش .. لكن لم يكن ممكن .. وخصوصا لما قال قومي واستعدى ، ولأول مرة أعرف إنه كان فى سطح عابدين فيه مطار هيليكوبتر .. واستعدى عاكف .

- * عاكف مين يافندم ؟
- * « طيار الهليكوبتر » .
- * على أساس إتكاح احتمال تمشوا من عابدين ؟
- * « قال لى قوسى حضرى نفسك للمفر بس خلى بالك مش حتأخذى غير ابنك .. أنا كنت لسه فى النقاهة .. قلت له حنسا فر فىن ؟ وهو متضايق وخائف وبعدين جه قال مافيش فائدة .. كان كل همه ليكون الحريق حوالين الأوبرا أو تمثال إبراهيم باشا من شغب ناس وحشيين مشاعبين .. وأنا شفت الصور .. كنت أفضل أن ترحل بعدها ولكن لم يقدر إنه يسيطر على الأمن أو الداخلية فنزل الجيش ومنع التجول » .
- * تفكرى الحريق حصل ليه ؟
- * « لا أعرف !! »
- * ويقول خالد محبى الدين : « بعد حريق القاهرة جاء بغدادى بجمال سالم .. ولم تكن لنا به أى علاقة من قبل » .
- * ويؤكد هذا المعنى محسن عبد الخالق : « بغدادى جاب جمال سالم معاه دون دعوة .. ولم يكن ممن شاركوا فى عمليات الضباط الأحرار » .
- * ويقول أحمد المصرى : « حريق القاهرة ده فجر فى نفوس الضباط الأحرار معنى أن الموقف أصبح لا يحتمل تأجيل » .
- * ونلاحظ من الملك الاستهانة بل والاستهتار .. وقيل الكثير عن الملك فاروق وتصرفاته وطباعه .. وتضاربت الأقوال أحيانا وتلفتت فى أغلب الأحيان ..
- * ويقول د. عبد العظيم رمضان : « كان الملك دائم الاعتداء على الدستور » .
- * وأسأل الملكة السابكة ناريمان : هل كان يتحدث باللغة العربية ؟
- * « بطلاقة » .
- * وكان بيصلى ؟
- * « كان بيصلى فى جامع على أيامى فى قصر عابدين .. والمنزله فيه جامع .. وكان يحترم جداً شيخ الأزهر .. ولم يكن يحتمس الخمر زى مايقولوا .. بس هو كان يشرب سرائل كثيرة لأن والدته كانت فى حالة خطيرة دائماً عايشة بنصف كلية .. صحياً تعبانة .. كان بيأخذ كميات مهولة من السوائل علشان الكلى » .
- * هو كان لا يشرب زى ما حضرتك بتقولى ويصلى ويصوم .. طيب أمال إيه اللي كان بيصمله من المحرمات إذا سمحت لى أعرف ؟

• أصل نفرة بتاعنى كانت دقيقة جداً .. والحراسة مش عاوزة إنه يتغيب كثيراً من المراهق
فأفكر كان يحب يروح نادى السيارات .. يفضوا الشارع كله .. ويكونوا ٤ أو ٥ الموجودين
هناك .. يمضى الوقت هناك .

• طيب وهل السهر فى نادى السيارات من المحرمات ؟

• بـ .. يعنى لما يكون فيه أزمة لازم يحلها بدل اللعب لأنه كان يقدر من وجهة نظرى يحل
المشاكل .. بس الكوتشينة أفكر يعنى كان بيحبها .

• ما شفتيهوش حضرتك أبداً بيلعب كوتشينة ؟

• لـ .. شفته ..

• ويقول أحمد أبو الفتح : ، أرسل لى عبد الناصر مذكرات .. كانت إدارة المخابرات قد استكثبت
كريم تابت مستشار فاروق الصحفى .. ثم تلا ذلك مذكرات أخرى كتبها بعض رجال فاروق ..
واستمر الناس يقرءون عن فاروق قصصاً عجيبة .

• وأسأل حسين الأثرى : ماذا تقول عن الملك فاروق ؟

• الملك فاروق كان وطنياً فوق ما تتصور حضرتك .. وهو انحرف نتيجة الظروف العائلية ..
والمسئولة الأولى هى الملكة نازلى والدته .. ثم لحقت العلاقات الغير متوافقة بينه وبين
زوجته .. والممثل السائر إذا ما شكت الزوجة فى الزوج قد تلجأ إلى إثارة شكوكه بعلاقات
صحيفة أو كاتبة .. حتى تجنبه ناحيتها .. كلاهما مات .. إلا إن الاثنين لطفأ أسماء
بعضهما ! .

• وهل تعتقد الملك فاروق ظلم ؟

• ظلم ظلماً كبيراً .. إلى أن ضاقت به نفسه بحمل هذه الأثقال كلها .. العائلية من ناحية ..
وبعد الأثقال السياسية اللى إحنا كنا فيها بعد الحرب العالمية الثانية .. وضغط اللورد كيلرن
عليه .. لى ما كانش عاوزه .. وكانوا بيكرهوه وعاوزين يشيلوه بأى طريقة .. طبعاً ما كانش
مترناً فى تفكيره فى الآخر .. وعاش عيشة مش بتاعة ملوك فيها حرية زيادة .. تبقى قاعد
فى كازينو تبص تلاقى الملك داخل وساحب له ثلاثة أربعة معاه وقاعدين فى طرابيزة .. وتطلع
من هنا تروح حنة تانية تلاقى الملك تانى داخل .. فضاحت حتى الهيئة اللى كانت موجودة فى
وقت كان البروتوكول فى عزه .. فداش البروتوكول كله فى الأرض .. لأنه كان منداس هو
تخصيصاً .

• ويضيف عادل ثابت : . فاروق مهما كان وطنياً مصرياً .. والدليل على هذا إنه كان مصمماً
فوى فى الحرب على إسرائيل .. لصالح فلسطين .. ولولا كده كان يمكن قوى يتاجر مع
الأمريكان ومع غيرهم .. وكان كسب الملايين .. واصططح مع إسرائيل .. وكان فضل ملك
مصر .. الواحد لازم يقدر له هذا .

* **ويقول جلال علوية :** « أولاً هو كان وطنياً جداً كان يحب البلد زى أى مصرى .. هو كان مظلوماً لأنه محكوم من الإنجليز والوفد .. كان يخاف من الاثنين .. يعنى أحياناً كنت أدخل عليه ألقابه بيعيط .. يقول مش عارف أعمل إيه .. الإنجليز والوفد ضاغطين على فى كل حاجة .. آخر مرة قلت له يا مولائى إنت مفروض تملك ولا تحكم .. ليه ما تجيش الوفد مش البلد عاوزاه هات الوفد وهات النحاس باشا .. قبل آخر وزارة للنحاس قال : « إنت مجنون إنت عاوز يشيلنى » .. قلت له : « ما تسمعش الكلام الفارغ ده .. النحاس زعيم البلد والبلد عاوزاه هاته » .. قام قال : « طيب حاشوف ولو حصل حاجة إنت المسئول » .. قلت له « طيب » .. فعلاً خللى النحاس باشا ألف الوزارة .. آخر وزارة قبل الهلالى على طول .. وجاء النحاس باشا دخل عليه علشان يشكره .. أول ما دخل عليه قال له : « يا مولائى أنا لى طلب عندك » .. أنا كنت واقفاً جنبه .. الرجل وشه اصفر .. قال له : « إيه يا باشا ؟! » .. قال له : « أبوس إيدك » .. ارتاح .. قلت له مش كده أحسن .. ليه تتخافوا مع بعض » .

* **ويقول مصطفى أمين :** « أنا رأيى إن الثورة لما قامت لم تقصد طرد الملك .. كانت تقصد فقط للقاسدين من ضباط الجيش .. ولما قامت وحصل الانقلاب والبلد خرجت تؤيده بالإجماع يعنى ما فيش أحد وقف ضد الثورة .. وهم لم ينتظروا هذا أبداً .. كانوا فاكرين حتحصل مقاومة .. وإن حرس الملك حيقاوم .. وإن أجزاء من البلد سوف تعترض .. ولكن لم يعترض أحد » .

* **ويقول د. نور الدين طراف :** « بطبيعة الحال أى شاب وطنى فى ذلك الوقت كان لا يرضى عما يحدث من تصرفات الملك .. وبعدين محاربة حزب الأغلبية ولو إنى لم أكون وقتها .. ولكن منع الوفد من إنه يتولى وكل ما تشكل وزارة يختلق الأسباب لإقالتها .. كان فيه جو عدائى موجود ضد الملك فؤاد بصفة خاصة .. الجو ده يمكن تغير شوية .. لما فاروق تولى .. وجدنا فيه شاباً ووجدنا فيه أملاً إنه يمكن يغير هذه السياسة أو إنه يمكن ينضم إلى صفوف الشعب ويقف ضد الإنجليز .. ولكن بكل أسف انتصح فى النهاية إنه انساق أيضاً فى نفس التيار » .

* **وأسأل جلال علوية :** هل كان الملك بايع القضية زى ما الملكة ناريمان قالت لى ؟

* « أيوه .. زهق .. قال إيه خيلنى أتحمل هذه المسئولية .. ودى حاجة كانت ظاهرة فى كل تصرفاته .. زى ما نقول بئس من الدنيا .. وكان هو بيدبر إنه يتنازل عن العرش فى وقت ما » .

* **الملك فاروق الإنسان .. ماذا تقول عنه بعيداً عن كونه ملك مصر والسودان ؟**

* « رجل كان يحب الناس ومخلصاً لمن حوله .. وما كانش يحب أحداً يستقله .. كان بنى آدم يحب من أول معاشرته » .

* **وهل كان يصلى ويصوم ولا يشرب الخمر كما قيل ؟**

- « لم يشرب الخمر في حياته وكان يعزم على بالخمر قلت له ليه مش بتشرب ؟ قال لى : أولاً حرام وثانياً لا أحبها !! »
- وكانت الفكرة التى سادت بين المحيطين بالملك أن التحركات فى الجيش ليست أكثر من « زويعة فى فنجان » ..
- ويقول حمن المراضى : « أنا-دائماً لما كنت أفوت على حيدر باشا كنت بأخض فى مكتبه ألقى مين .. ألقى المشير اللى كان وقتها مقدم أو بكباشى .. وعلى صبرى أنا أعرفه من أيام المعادى لما كنا بنروح نادى المعادى .. هو وحسين ذو الفقار صبرى والعيلة كلها .. وكنا على صلة وبنلعب رياضة مع بعض .. وألقى صلاح سالم » .
- ويقول حسين الأثرى : « ذهبت إلى حيدر باشا فى مقر القيادة وأخبرته بأسماء الضباط الأحرار .. فقال لى دى « زويعة فى فنجان » .. وصلاح سالم أظن إنه كان مدير مكتبه .. وعبد الحكيم عامر كان قريبه .. وحيدر باشا قال لا أريد أن أعمل هزة فى الجيش » .
- وتقول الملكة السابقة ناريمان : « حيدر باشا كان بيقول دول شوية عيال وأنا أحطهم فى جيبى .. مايفش حد كان يقول الصورة الحقيقية الصحيحة » .
- وكان على فاروق بعد أن بدد رصيده من حب الناس له أن يواجه التسعين ساعة العصبية بين تحرك الجيش ورحيله ..
- وأسأل الملكة ناريمان : هل بالتالى ظلمه رجال الحاشية ورجال الدولة فى ذلك الوقت .. لإتهم لم يقولوا له كل الحقيقة .. أو لم ينصحوه نصيحة مخلصه ؟
- « كان كويس قوى الدكتور يوسف رشاد .. وكان أصله ضابطاً واتعرف عليه من حادثة القصاصين .. قال له لا بد إنك تزور التكنات وتشوف مطالبهم وتلييها .. ومرة جانى الملك وقال لى سوف أحط إسماعيل شيرين زوج أختى الأميرة فوزية وزيراً للحربية » .
- ويقول محسن محمد : « إسماعيل شيرين للتاريخ .. كان الوحيد من أسرة الملك الذى كان ينتقده .. كل الناس أخذت الباشوية إلا هو » .
- وأسأل الملكة ناريمان : هل كان تعيين إسماعيل شيرين وزيراً للحربية مفاجأة ؟
- « لم يكن مفاجأة لى » .
- « ليه يا فتندم ؟
- « لأنه كان دائماً هو الوحيد اللى ينتقده وينصحه قدامى وكان ليقاً أولاً .. وأخته جنبى لعدة شهر .. حتى مرة كان بيمارض التسيب مثلاً أنا كست بيت لاحظت كان التسيب كبير قوى فى الأكل .. فى الموظفين .. ومصروفات كثيرة ليس لها لزوم » .
- وأسأل حسين الأثرى : إيه ظروف تولى إسماعيل شيرين وزارة الحربية ؟

• وعلاقته بالملك نشأت بعد زواج الأميرة فوزية بشاه إيران .. وعندما تم طلاقها رشحه الملك فيمن رشحه لها فاخترته هو .. مما أسعد الملك .. لاسيما إن علاقته به كانت قوية .. ويحبان الصيد معاً .. حتى وقع حريق ٢٦ يناير وتوالى ٦ وزارات .. وكانت آخر الوزارات وزارة الهلالى التى دخل فيها إسماعيل شيرين وزيراً للحربية ولكنها لم تدم إلا ١٨ ساعة .

• هل تعتبر إسماعيل شيرين من حاشية الملك التى قيل عنها ما قيل ؟

• « كان رجلاً بعيداً عن الهمس وهو كان ملتزماً بزواجه .. ونصح الملك مراراً لدرجة إنه حدث فنور بينهما من كثرة النصائح ليعدل من سلوكياته » .

• ويؤكد هذا الكلام الملكة السابقة ناريمان فتقول : « هو فعلاً .. لما كنا فى قعدة خاصة مثلاً حفلة فى ركن حلوان .. فنصحه إسماعيل بيه شيرين .. زوج أخته الإمبراطورة فوزية ودى أقرب إخوانه إليه لأن بينه وبينها سنة .. كان يتكلم وأنا أشجعه .. ولكن كان يتردد .. لا يأخذ القرار بشكل حاسم ونهائى .. يتردد .. وكمان بعده عن الجيش أو عن بنض الشارع أو الجمهور .. قبل كده كان يأخذ إخوانه وينزلوا فى حلمية بالاس والأوبرج فى الحنت دى أنا سمعت كده يمكن جوازى أنقذه .. لكن كان بعيداً نسبياً عن الجمهور .. ولذلك الأسرة كلها نصحته وأنا نصحته وبمَلّ نزل فى الحنت دى بعد الزواج » .

• هل صحته كانت تعبانة .. ما كانش فيه أسباب لأرقه المستمر ؟

• « لأ .. كان لما دكاترة بتيجى ما كنتش أحضر .. كان يفضل يبقى لوحده .. ولا بقول لحد .. لكن كان حساس جداً من المرض .. يعنى أنا لما كنت أعيا أو حد من بناته مثلاً الأميرة فريال يبقى مشغول ومتضايق » .

• ويقول عادل ثابت : « كان إسماعيل شيرين هو ابن شقيقة حيدر باشا .. قامت مافيا قصر فاروق .. التى عزلته بصورة فعالة عن البلاد .. تقوم بدور مؤذى .. وبقي حيدر عن طريق انضبط الذى كان يمارسه إسماعيل شيرين .. كان دور حيدر يحوطه الفموض إذ كان يقوم بدور مزدوج على الملك .. فمن ناحية كان يبدو مخلصاً لصاحب الجلالة .. فى حين إنه من الناحية الأخرى كان يشن حملة ضده .. والأمور من ذلك إن حيدر كان يعرف جيداً نوايا الضباط الأحرار .. ومع ذلك فقد كان يهدى شكوك الملك » .

• ويقول حسن المراغى : « كان مرتضى الله يرجمه عين وزيراً للدخالية لكن الوزارة كلها ما قعدتش ٢٤ ساعة الللى هى قامت فيها الثورة .. فى الفترة دى أنا ما كنتش موجود .. إنما لما جيت التقيت بمرتضى وروى لى الرواية الآتية : أولاً الللى ساعد جداً على قيام الثورة تعيين اسماعيل شيرين وزير الحربية صهر الملك الللى كان متجوز البرنيسمة فوزية .. ده الللى عجل بالموضوع » .

• وأسأل الملكة السابقة ناريمان : نكريات ملكة مصر السابقة عن آخر ليلة قبل الثورة ؟

• « أيوه .. كنت في الإسكندرية » .

• كان كل برنامجكم عادى .. وكل حاجة عادية ؟

• « لأ .. طبعاً مش عادى هو كان بيتغيب برضه .. برضه لا أعرف كان فيه يومين تغيب وسألته فين هو ؟ لإنى طبعاً كنت قلقانة وحاسة فيه حاجة غير طبيعية تحصل .. وكانت فيه مناقشة .. وعشان أكلمه لازم أتعمش الساعة ٤ الصبح معاه .. كنت حاسة إن أحسن هو يبقى رمزاً ويعطى السلطة كلها لرئيس الوزارة » .

• وقبل الملك استقالة الهلالى وكلف على ماهر بالوزارة الجديدة .. في تلك الأثناء كان الجيش بعد نجاح الحركة .. قد أحكم قبضته تماماً على القاهرة ..

• وحمل على ماهر طلبات الجيش للملك .. ومنها تعيين محمد نجيب قائداً عاماً وتخويله السلطة لإعادة عدد من كبار الضباط للاستيداع .. وحل الحرس الملكي .. وفصل عدد من رجال الحاشية منهم بوللى مدير شئونهِ الخاصة .. وإلياس أندراوس مستشاره الاقتصادى ..

• وكانت القضية التى أثارت جدلاً بين الثوار هي قضية مصير فاروق ..

• ويقول عبد اللطيف بقداوى : « أصل مش ممكن تقوم بثورة وتعارض نظام وتخلّى رأس النظام قائم .. بنيل حسين ذو الفقار صبرى كان أركان حرب لقواتنا في السودان .. فكلمنى هو من السودان يوم ٢٤ .. قال لى ده فيه اتفاقية خاصة بالسودان .. علشان كده استدعيناه وجبناه وبقي مساعد لإصلاح سالم .. وقال لى إنتم .. قطعوا ذيل الحية .. ورأس الحية موجودة .. قلت له اطمئن يا حسين حنتخلص من رأس الحية .. دى واقعة تدل على إنه كان في ذهننا من البداية إننا لازم نتخلص بس إحنا أخفينا هذا ليه .. خوفاً من تدخل الإنجليز .. بقى ده هدف مستتر » .

• بس كان الإنجليز والملك على غير وفاق ؟

• « بصرف النظر .. بس ده بيعهم .. ده بتاعهم .. إحنا نظام جديد ما يعرفوش حيتعاملوا معاه إزاي .. ده على الأقل عارفين حيتعاملوا معاه إزاي » .

• ويقول كمال الدين حسين : « فكرنا الملك سوف يعمل فيه إيه ؟ إحنا من الأول خالص .. الللى يقول إنتم مش عارفين حنعمل إيه في الملك مش عارفين نظرده ولا نقله .. ده هو الحوار .. وبعدين استقر الرأى إنه لا يقتل لكن أن يتخلص منه وأمال كنا قائمين ليه ولا نعمل زى عرابى » .

• ويقول أحمد أبو الفتوح : « أثناء اجتماعى باللواء محمد نجيب دخل البكباشى زكريا محبى الدين وقتل نجيب » إن بقاء فاروق على العرش سيظل خطراً على حركتنا ومن الواجب أن نعمل على تنازله عن العرش .. وقابلت عبد الناصر وتباحثت معه في الأمر ولكنه لم ينته إلى رأى في هذه المسألة .. وعندئذ اتصل به القاتقام رشاد مهنا تليفونيا من العرش وأعلن انضمام حامية

العريش للحركة .. وقال مهنا : إذا لم تطردوا الملك فإني سأحضر بحامية العريش لأتولى هذا الأمر بنفسى .

• ويقول إسماعيل فريد : « وقعنا نطلب الخطوة الثانية .. اللى هى القرار اللى اتخذ بعد كده .. إننا نطرد الملك من مصر .. وسافرنا الإسكندرية » .

• فى هذا الوقت كلف الدكتور عبد الرزاق السنهورى وسليمان حافظ مستشار الرأى بمجلس الوزراء بإعداد وثيقة التنازل عن العرش .. وكلف الأخير بالحصول على توقيع الملك على الوثيقة ..

• وكانت لحظة رهيبة على الملك .. وهو يوقع الأمر الملكى رقم ٦٥ بالتنازل عن العرش ..

• ويقول المهندس سيد مرعى : « ررضخ فاروق وأمسك بالقلم ووقع لآخر مرة كملك .. ولم يكن توقيعيه منضبطاً فى أول مرة .. فوقعها مرة ثانية » .

• بينما يقول ماجد فرج : « الملوك فى العادة يوقعون أعلى الصفحة لا أسفلها .. وكانت هذه هى عادة الملك فاروق فقد وقع أمام اسمه أعلى الصفحة وفقاً للبروتوكول الملكى .. ولم يكن توقيعيه الثانى إلا بناء على طلب الحاضرين » .

• وأسأل الملكة ناريمان : ذكرتى منشوراً للضباط الأحرار كانوا يطلبون فيه ٢ مليون جنيه .. تفكرتى إن هذا كان هو السبب فى إن بعد كده طلبوا من الملك التنازل عن العرش ؟

• « معنى هو لو كان دفع كانت انتهت .. لكن ده واحد قدره كده » .

• إزاي طلبوا منه التنازل عن العرش ؟

• « أنا كنت بعيدة وسمحو بس للأميرة فوزية حرم وزير الدفاع أن تحضر .. وهى كانت حزينة جداً .. وأنا كنت قاعدة بعيداً عن الساحة دى » .

• وكان هذا اقتراح من الملك ولا كان طلب من رجال الثورة ؟

• « لا .. طلبه هو » .

• كتابة ولا شفوية ؟

• « أنا شفته مضى على التنازل » .

• ومين اللى كتب التنازل ؟

• « لا أعرف .. لازم رئيس الوزارة .. واختاروا الأمير محمد عبد المنعم وبركات ورشاد مهنا .. كان كريس .. الحقيقة على ما أذكر فتحت التليفون وجدت أن كل التليفونات انقطعت لكن الملك كان عنده جهاز لاسلكى .. كان دليل لومضة الذكاء الكبيرة بتاعته .. وكانت دى مفاجأة لى لأول

مرة أعرفها .. واتصل بكافرى سفير أمريكا .. هو كان يكره ستيفنسون .. وعلى العموم كلهم كانوا فى المصيف .. وطلب التنازل لابنه » .

• وانتقل الملك يوم ٢٥ يوليو من قصر المنقزة .. إلى قصر رأس التين ..

• وأسأل الملكة : لو حضرتك رجعتى بالذاكرة للوراء لآخر ساعة .. الملك كان بيعمل إيه وجلالة الملكة بتعمل إيه ؟

« ده كان يوم حزين جداً .. طبعاً نجيب باشا الهلالى وعلى ماهر ناس نظاف جداً نصحوه إنه يطلع فوراً من المنقزة .. وكان هو فى أوضة وجنبه التليفونات شفالة .. كل لما أخش يقول اتفضلوا برة .. ويتكلم بعصبية .. وطلع وقال لمليمان عزت ولا بوللى على ما أظن يمكن ييجى فى الميناء .. كان فيه ميناء صغيرة فى المنقزة سوف أنتظره وعاكف مش موجود ده اللى بيثق فيه .. وقال بسرعة انزلى إنت وأحمد فؤاد وإخوته .. وركبت جنبه .. وإهنا طالعين بسرعة فى اتجاه رأس التين .. دخلت الدبابات المنقزة » .

• وحاصرت قوات حركة الضباط القصر ...

• وتذكر الملكة ناريमान : « فوجئت الساعة ٥ الصبح وأنا طالعة فى البلكونة اللى بتطل على الميناء افكرونى يمكن أحداً ضربوا الرصاص .. ولم ننام .. كنت حاملة ابنى وكنا لابسين علشان تسليم الرجال اللى هم دائماً مكروهين سواء كان الحاشية اللى من أصل إيطالى أو المكروه من زمان .. وكان مصمماً يأخذ أنطوان بوللى معاه ليه مش عارفة » .

• مين اللى ضرب الرصاص .. الجنود ولا الحرس الملكى اللى هو فى القصر ؟

• « الحرس الملكى لم يضرب .. رجال الثورة » .

• وإيه رد فعل الملك ساعتها .. هل فكر يرد عليهم بالسلاح ؟

• « أنا لما طلعت البلكونة وجدت الرصاص رحت منبطحة .. بصراحة لم أعرف إيه اللى حصل .. هل كان فيه خيانة من الداخل أو من الخارج .. عموماً دى قسمة ونصيب وده قدر » .

• وأسأل الفريق أول عبد المحسن كامل مرتجى : حضرتك كنت فى الحرس الملكى ؟

• « كنت فى الحرس الملكى من سنة ٤٦ لغاية ما قامت الثورة » .

• وحضرت الثورة ؟

• « حضرت الثورة وضربت على الثورة كمان .. كنت أنا ضابطاً عظيماً وضربت على الكتيبة بتاعة عبد المنعم عبد الرؤوف لإنها داخلة من ناحية رأس التين وكلهم خرجوا ولولا إن الملك كان جباناً .. يعنى هو لو كان استمر كان احتمال يحصل حاجة فى ذلك الوقت .. لأن ما كانش الجيش كله مع الثورة .. البحرية كانت مع الملك .. الطيران كان نص ونص يعنى .. إنما هو سائب الأمور .. وبعث لنا مع النجومى باشا قال لنا : « مولانا بيأمر بإيقاف ضرب النار » ..

فأوقفنا ضرب النار .. راحوا واخذنى أنا ومحمد أحمد صادق .. أخذونا على مصطفى باشا لغاية ما خرج الملك .. رجعونا تانى » .

• ويقول عادل شايه : « إسماعيل شيرين قال لى لقد أراد الملك تجنب سفك الدماء وأن يقاتل المصريين المصريين .. وكان مصعباً على إحياء أى حرب أهلية دموية محتملة » .

• ويقول حسين الأثرى : « ورفض الملك أن يقوم الحرس فى رأس التين بالقضاء على الثوار .. تجنباً لإزاحة الدماء وقال مش ممكن مصرى يقتل مصرياً مثله .. وكان قد كلف الملك إسماعيل شيرين ولكن الأمر كان قد قضى » .

• وفى الخامسة والنصف غادرت الملكة ناريمان والأميرات وولى المهدي القصر ..

• وأسأل الملكة ناريمان : حضرتك قبل التسجيل قلتي لى عن حديث دار بين الملك فاروق وبين السفير الأمريكى .. قبل مغادرته على طول لمصر .. قال له إيه ؟

• « تكلم بالاسلكى واستدعاه وقال الملك للسفير إذا يمكن تحضر You are my best friend (أنت من أعز أصدقائى) وتعالى عاوز أشرفك لأن حصل كذا وكذا .. وكان يتكلم باللغة الإنجليزية .. وأنا بأنكلم بالفرنساوى » .

• طيب ماذا قال له ؟ .. هناك جملة أنا مستعد أقولها بس بما إن حضرتك اللي قابلة لى عليها .. أرجوكى تقولها لنا ؟

• « قال .. أنا فاكدة بالتأكيد .. Now, if I shall die, come my best friend, I want to go in Peace .. يعنى أنتنازل وأرحل بسلام .. وبمجرد ما وصل السفير الأمريكى لاحظنا إن الرصاص وقف » .

• وتضيف ناريمان : « هو أصله كان يحب النكتة وابن نكتة .. قال له « الآن وبعد ما عملنا .. تعالى بقى معايا .. لاني لو حأموت تموت معايا » .

• وهل يعنى هذا إن الأمريكان كانوا على علم مسبق ؟

• « لا .. الأمريكان .. لا أفكر هو السفير كان دائماً يتفدى معه ويتمشى معه .. وأنا حتى كان يقول لى ده واحد من العائلة ده واحد من أعز أصدقائى » .

• ويقول حسين الشافعى : « كان عمال يقول بغلاطة بالإنجليزى بقى « حكومة جلالة الملكة تريد أن تؤكد ما أعرفش إيه » وطبعاً حيحصل مظاهرات وحرصنا على الأقليات .. أقليات .. ده عالم الحمد لله لما يكون فيه حد زى جمال مالم يسد فى المواقف اللي زى دى .. فقام له .. كان معاه خزانة كده ومحمد نجيب قاعد على المكتب وراح ضارب فى المكتب بالمصايا .. وقال له إنت جاي بتعليمات من حكومتك ولا دى مبادرة منك .. الرجل التلخبط وقال له لأ دى مبادرة منى .. قال طيب بس .. ويعطين راح الإنذار للملك على أساس إنه يتنازل وقبل الساعة لازم يكون مغادر البلاد .. فالجزء الأول ده ما كنتش موجود فيه » .

• **وانتقل اثوار إلى الإسكندرية .. وكان هناك كل من محمد نجيب وجمال سالم وحسين الشافعي وأثير السادات ومجموعة أخرى من الضباط ...**

• **ويقول عباس رضوان :** « راحت القوة بالطريق البرى على أساس إنها تقوم بما كلفت به يوم ٢٦ من ناحية تنازل الملك فاروق عن العرش وحروجه من مصر .. وتمت بسلام .. كنت عاوز رُحع التوحدة .. وبعدين يوم ٢٤ كلفنى جمال عبد الناصر بالليل على إن يوم ٢٥ أرحل قوة من المدرعات والمدفعية إلى الإسكندرية .. وقد كان ورحلتها من محطة العباسية .. يمكن فيه سب كثير ما تعرفش إن فيه محطة سكة حديد فى العباسية .. اللى هى كان عاملينها الإنجليز عشان يوصلوا المعادى والحتت دى » .

• **وتقول الملكة ناريمان :** « الجزء الثانى اللى هو بتاع المغادرة ده إحنا رحنا لتوديعه فالناس كتيرة فى منطقة السلسلة والأنفوشى مظاهرات .. فعملونا وتأخرنا ٥ دقائق » .

• **ويقول جلال علوية :** « هو ودع إخواته والناس اللى كانوا يستقبلوه كلهم .. وكان ده فى السراى .. وبعدين جاء كافرئى السفير الأمريكى حوالى السادسة إلا ربع وقال « يلا بنا نروح » .. كان مفروضاً نستقى محمد نجيب .. تأخر شوية الساعة السادسة إلا عشرة قال لازم نروح المعاد جاء خلاص .. ركبنا للنش ورحنا للمركب هو والملكة والأمراء الصغيرين واستبيننا هناك .. أتأبى محمد نجيب كان تاه مش عارف بييجى على الرصيف .. وكان اليخت على التمتنورة فى وسط البحر فى وسط الميناء .. بعد شوية بصيت لاقيت محمد نجيب جاي ومعه جمال سالم وأحمد شوقي وسكرتيره إسماعيل فريد وجمال حماد وحسين الشافعي .. وقلت نحسب الشافعي وحماد بس كفاية عليكم كده .. محمد نجيب وسالم وأحمد شوقي يودعوا الملك .. راح محمد نجيب جرى أمامهم شوية وراح سلم على الملك بالتحية العسكرية وقال أنا أسف نصرى الملك باستعجاب .. الثانيين كانوا جم معاه .. فجمال سالم كان ماسك عصاها وكان بيخبط على رحله كده قام قال له شيل العصاها دى من إيدك .. برضه فضل يخبط .. شخبطت أنا فى جمال قلت له شيل العصاها دى .. محمد نجيب أخذنى على جنب .. قلت له الباشمهندس جاء بى ثلوث يقول لى إن فيه عطل فى الماكينات ومش حنقدر نقوم الساعة ٦ بالضبط يمكن ٦,١٥ و ٦,٣٠ .. قال بس أرجوك ما تتأخرش إعمل كل اللى تقدر عليه علشان تمشى فى معاداك مصبوط » .

• **ويقول الشافعي :** « فعلى ما وصلنا على الرصيف لاقينا على ماهر والوزراء والناس اللى هم بيودعوه راجعين من عند الرصيف .. فعلى ماهر قال إنتم أتأخرتم وده كان يود أن يراكم .. قلنا إحنا كمان كنا نحب نشوفه .. قال طيب ما بجهزوا لنش وتروحوا .. قلنا نروح .. جابوا نسى ونزلنا وركبنا .. وطلعنا على المركب فلطينا لفة حولها كده وأدينا للتحية ما ردش علينا .. فمينا تنمعة التتية رد علينا .. فطلعنا فرحنا سلمنا عليه كان وراءه مراته وبناته وطبعاً بيباشر «غلاصة» الملكية لأخر ثانية » .

• **هل تزلت دموع من إحدى الأميرات .. أو من الملكة السابقة ؟**

* « لآ .. ما شفاف .. كانوا على مسافة بعيدة وأنا بالذات كان قدامى جمال سالم .. سلم عليه وكان معاه عصايا حاطتها تحت باطه وأدى التحية فقال له نزل العصاي دي .. طبعاً جمال سالم تأفف وأبدى الامتعاض .. وبذل ما كان واقف انتباه وقف كده ونفخ نفخة كده زى : الله يطولك يا روح .. » .. وبعدين أنا دخلت .. سلم على قال لى اسمك إيه ؟ قلت له حسين الشافعى .. راجع فى بالله الاسم وما ريش على .. وقال إن شاء الله تخلوا بالك من الجيش .. لإن ده الجيش اللي بناه أجدادنا .. وشوية هلفطة كده .. وأخذنا بعضنا ونزلنا .

• وفى السادسة إلا عشر دقائق أنزل العلم الملكى من فوق قصر رأس التين .. وعزف لآخر مرة السلام الملكى للملك فاروق بينما كانت المدافع تطلق ٢١ طلقة ..

• وأسأل تاريخان : هل كان مع الملك طهينة عند مقابلته لرجال الثورة .. ولا كان أبعدوا السلاح عنه ؟

• « مش متذكّرة .. المهم أنا طلعت الأول وصلت المحرومة الحمد لله بأمان .. وهو نزل الراية .. أنا فاكّرة كويس قوى .. ورفع راية ابنه .. كل واحد له راية وبروتوكول وطبعاً معاه على الرصيف من بعيد مستر كافرى السفير مع وزير الدفاع إسماعيل شيرين وطبعاً الوزراء .. اصطفوا كلهم ومحمد نجيب .. وقال كلمة حلوة تمنى لكم النجاح والتوفيق .. ده اللي الملك قاله .

• هل كان مثلاً متأثراً .. عواطفه خائنه والدموع كانت فى عينيه ؟

• « لآ .. بالعكس كان ماسك نفسه .

• وأسأل تاريخان : مين كان ألطف رجال الثورة اللي راحوا يودعوكم فى نظر حضرتك ؟

• « على باشا ماهر .. وكان فيه واحد تانى لطيف من الثورة مش فاكّرة لكن ألففهم كان على باشا ماهر اللي الملك فاروق جابه .. لو كان كمل ؟؟ لكنه تنازل وطلع رسمى .

• وأسأل جلال علوية : هل قبل الملك فاروق أرض مصر قبل مغادرته ؟

• « أيوه .

• وهل تأثر أحد من رجال الثورة ؟

• « كل الموجودين حتى رجال الثورة .. محمد نجيب نفسه كان متأثراً .

• ويقول عادل ثابت : « سأل السفير الأمريكى كافرى .. أنور السادات عند رحيل فاروق : حسناً باقائهم هل سترمون صلحاً مع إسرائيل الآن ؟ .. فأجاب أنور السادات سوف نفعل ذلك بمجرد تطهير الفساد .. وقد فعل ذلك فعلاً بعد ٣٠ عاماً .

• ومع غروب الشمس تحرك البخت .. وعلى منته الملك المخلوع .. ولم يكن قد جاوز الاثنين والثلاثين عاماً إلا بشهور قليلة ..

• وتقول الملكة ناريمان : « بعد ما رحلت المركب وبعد ما طلعنا من المياه الإقليمية .. دخلت عليه .. كان حزينا جداً .. هو لا يحب بوري الحزن .. وأنا كنت أتمنى نتوجه إلى دولة عربية للجزء السياسي » .

• ويقول جلال علوية : « ويعدين كنا في البحر أول يوم طبعاً الكل حزانى وكانت ليلة عصية جداً .. ثاني يوم ابتدا يطلع على « الكوردة » ويكلمنا أنا والضباط .. ثالث يوم ابتدا يهزر زى ما يكون حاجة اتشالت من على صدره وقال لى أنا مش زعلان جداً إلا إن بوللى مش معايا .. بوللى ده ماسك لى كل حاجة .. أنا مش عارف حاجة أبداً .. نهايته .. وصلنا نابولى وافكرت .. أنا كنت رافع علم الملك .. الملك الصغير .. الملك فاروق كان منتظراً إن يقابلونا بالحفاوة الللى إحنا قابلتنا بها « إيمانويل » ملك إيطاليا .. لما جاء .. ضربت المدافع تحية .. ما ردوش علئى .. دخلت الميناء لاقيت عسكرى بوليس واقف على الرصيف ومنسوب وزارة الخارجية والسفير بتاعنا بدر والقتصل .. دخلت وربط .. بصيت لاقيت إشارات من مصر .. أنا عاوز أعمل ترتيب أنزله إزاي ؟ وكل ثانية تيجي إشارة باللاسكى .. עוד حالاً ورجع معاك كل الطقم والطلانية .. كان فيه مجموعة طلانية .. الحلاق .. مدرب الكلاب .. اثنين الحرس الخاص .. ٦ ضباط بوليس بتوعنا صمعو إنهم ييجوا معانا وحتى قالوا إحنا حنزل مع الملك مش حنرجع .. قلت لهم أحكام السجن ترجعوا معايا يعنى ترجعوا معايا .. كلنا كنا متأثرين لكن أنا أرجعكم بالقوة والحمد لله رجعتهم معايا .. لما جاءت الإشارات دى واحدة وراء الثانية وراه الثالثة قلت لضابط اللاسكى رد عليهم قول ما عنديش وقود ولا أكل .. كانوا عاوزين أنزل الملك وأرجع على طول .. قلت لهم لأ مش حارجع إلا بكرة .. قالوا لى اقبض على صيغة الملكة (المجوهرات) وهات الناس الللى معاك دول عاوزينهم يحاكموهم .. بصيت لاقيت واحد منهم راح ناطلت في البحر الللى هو بتاع الكلاب .. نط في البحر وهرب .. الباقي قلت لهم اتهم حرين إحنا في بلد الطلانية ودى بلدكم انزلوا .. نزلتهم وفضلت الإشارات تيجي وأنا ملخوم عاوز أعمل ترتيبى للعودة » .

١ هل كان الملك معه أوراقاً رسمية « پاسپور » مثلاً ؟

• « أبداً .. وجاء السفير بتاعنا لا أتذكر اسمه .. قال لى جلالة الملك يقول ممكن توصله لجنة بدل نابولى .. قلت دى الأوامر بتاعنى أنزله أول ميناء .. ما أقدرش إلا لما آخذ أوامر .. فى الوقت ده برضه ابنتت الإشارات تيجي .. « هات الذهب » .. قلت لبتاع اللاسكى اقلل المحطة وما تردش على حد .. ونزلت قلت للطلانية بأجروا لنا عبارة علشان الملك يروح فيها كابرى من نابولى .. جاءت العبارة ونزل الملك .. كان متأثراً جداً وأخذنى بالحضن وقال : يا جلال أنا مقاسف ما أيتلكش رتبة الباشوية إنت أول واحد كنت تستحقها .. قلت : ده مش وقته حتى لو إيتيها لى تبقى اتلقت .. حضنا بعض وأخذ بعضه ونزل راح على كابرى ومعه الحاشية الصغيرة .. فى الوقت نفسه كان عندنا بخت هناك كان يدخل سباق اليخوت اسمه « صيد البحار » .. ده خاص بالملك بتاعه الشخصى .. فكان يروح يجيب كل ما يتعلق بالطقم الللى عليه

فهؤلاء جم مع المركب .. وقعدت ليلتها أخذت الوقود بتاعى وجبت الأكل وثانى يوم قمنا بعد الظهر .

• وأسأل الملكة ناريمان : هل جاء عرض من دولة أجنبية لكم ؟

• « أيوه .. أفكر من الملك عبد العزيز .. وكان بعزه جداً .

• عرض الملك عبد العزيز إنكم تروحوا السعودية .. طيب الملك اعتذر ولا إيه ؟

• « كان علوبة يجيب الإشارة (التلفزيون) ويعرضها عليه .. أنا كان من رأى الخاص .. علشان تربية الأطفال تكون إسلامية .. نروح .. لكن هو توجه إلى إيطاليا .

• وأسأل جلال علوبة : كان يحرص على وجود ولى العهد فى جواره فى أثناء الرحلة الأخيرة (رحلة المنفى) ؟

• « أيوه كان كل الأميرات والملك الصغير معه .. كانت عائلة مترابطة قوى مع بعض .

• وهكذا انتهت قصة الملك فاروق مع عرش مصر .. وعاش الملك بقية عمره فى إيطاليا .. مع بناته اللاتى فى بداية الأمر رفضن الإقامة مع أمهن فى سويسرا ..

• وأسأل جلال علوبة : فى لحظات وصول الملك فاروق إلى أرض إيطاليا قال حاجة عمل حاجة تذكرها ؟

• « قال لى خليك معايا لأن ما عنديش حد يأخذ باله منى وأدى لك مليون جنيه .. قلت له يا مولائى .. أهلى وأولادى وبلدى فى مصر ما أقدرش أسببها وآجى أقعد بعيد عن بلدى ووطنى .. وأنا لى مأمورية أقوم بها .. وطبعاً أول ما رجعت .. طردونى .. فى الرحلة قلت له إنت حتعيش إزاي عندك قد إيه ؟ .. قال لى ما عنديش غير ٥ مليون فى الخارج أعيش بهم .. و٥ مليون وقتها زى عبود مثلاً مش حاجة كبيرة .. وفى أثناء الرحلة كان بيكلمنى وبيوصينى .. ويقول لى عارف إيه ده محمد نجيب عامل زى النمر اللى ماسك ذيله .. حييجى بعضه فى يوم من الأيام .. وبكرة شوف كلامى .. وقعدنا نتكلم كثيراً .. وكان متأثراً أول يوم .. ودخل نام بدى .

• وأسأل الملكة ناريمان : هل كان الملك موسوساً ؟

• « فى المنفى أيوه .. فى الآخر .. كان يحب اللبن وعصير الموز .. بدوى ، بترو ، كل حاجة قيل ما هو يدوقها .. لو حد قال له أى حاجة لو سمع بصندقها .. ما أعرفش .. هو شكاك .. لكن لا أفكر إن حد سوف يسمه .

• علمتم إيه فى المركب ؟

• « أنا بالليل دخلت عليه .. لاقيته كان حزينا جداً .. ولاقيت عينيه فيها بعض قطرات من الدموع .

- كان قال لحضرتك لازم تسافرى معايا ؟
- « سأل كل بناته تحبوا تقعدوا مع فريدة أمكم ؟ وقال أنا حآخذ الولد .. على ماهر بيقول خلى الولد ويبقى هنا تحت الرصاية .. وأنا نقيت محمد عبد المنعم .. لكن هو كان خائفاً على الولد وقال سوف آخذه .. وتلقائياً كلنا قلنا موافقين .. حنروح معاك .. ونسافر ونعيش حياة مستقرة كزوج وزوجة ، »
- « ودى كانت آخر مرة أهد يقول له رسمياً الملك فاروق ملك مصر والسودان .. مش كده ؟
- « لأ .. كانت تقال له بعد كده فى المنفى ، »
- « وكان طبعا يعامل كملك ؟
- « عاش برضه بحاشية كاملة وألبانيين .. كانوا ؟ وكان عنده حراس طبعا كمان ، »
- « مين كان معاه من رجال الحاشية .. بوللى ؟
- « لأ .. بوللى سلم نفسه ، »
- « إلياس أتدراوس ؟
- « كان معاه « بئرو » .. والتعليمات إن ما يكونش فيه أى مصرى ، »
- « تفكرى كان نادماً ؟
- « طبعا .. وكان بيمسترجع ساعة ما دخلت عنده فى الأوضة فى المحروسة .. لإنى أول مرة شفته كان منطوياً ومتضايقاً ، »
- « ويقول جلال علوية : « انحطيت من يومها فى الـ Black List .. ومنعت من السفر .. ولكن الحمد لله لما رجعت .. ماقيش حد قال لى ثلث الثلاثة كام .. لما جيت لاقيت إشارة مستثنائية تقول لى إن محمد نجيب طالبنى فى مصر فسافرت مصر ورجت لمحمد نجيب .. قال لى إن شاء الله تكون الرحلة كويسة .. قلت كويسة أى أوامر أنا ضابط وأخذ أوامر ماليش دعوة .. قلت له طيب دلوقتى عاوز منى إيه .. قال تشرب قهوة .. قلت أشرب قهوة .. بعد شوية تشرب ليمون .. وقتها عرفت إنه ليس له أية كلمة الملهوش أية حاجة .. قلت له عاوز منى إيه .. فى الآخر خالص دخل وطلع قال طيب يا جلال .. أنا كنت أعرفه قبل الثورة .. روح للليخت وحتيجى لك الأوامر .. بعد يوم لاقيت ، أطلع أجازة مفتوحة ، .. طبعا أنا كنت عارف إن الحاجات دى كلها تحصل .. رحت بينى فعدت .. بعد ثلاث شهور طلعتنى على المعاش .. بس ما كانش لى أى اتصال بالملك بعد كده لإنى كنت ممنوعاً من السفر لغاية بعدها بكام سنة لما صرحوا لى بالسفر !! ، »
- « وأسأل الملكة : دخلتم إيطاليا بجوازات سفر مصرية .. ولا بدون جوازات خالص ؟

- * « بدون جوازات » .
- * « رحتم على قصر معين فى إيطاليا .. ولا اخترتم على مهل القصر اللى حتعيشوا فيه ؟ »
- * « طبعاً وصلنا إلى كابرى .. كان لازم يكون فيه عبارة .. أخذنا العبارة ورحنا إلى جزيرة كابرى لإنهم ما حبوش نقعد فى روما نفسها .. الحكومة الإيطالية .. أفكر إن كان فيه بعض رجال السفارة المصرية فى استقباله عثمان كان ابنه ملك ولسه ملكية » .
- * « هل كان يتابع أخبار مصر وإثم فى إيطاليا ؟ »
- * « أول ما وصلنا طبعاً .. سمع من الراديو عن بعض الشخصيات البارزة . كان لسه النحاس ياشا فى المصيف .. وإنهم قبضوا على بعض الشخصيات .. وكان منطوياً على نفسه فى الفندق فى كابرى .. وبعدين كان فيه « دافلىو » محامى ملك إيطاليا السابق .. عمل ترتيبات بجوازات سفر دبلوماسية إيطالية .. واخترت أنا وهو فيلا من ٣ طوابق وجنية كبيرة تعيش فيها » .
- * « لم تدفعوا ثمنها يا قديم ؟ »
- * « لأ .. طبعاً دفعنا » .
- * « أيامه فى إيطاليا كانت بتمر إزاي .. هل تغير نظام حياته تماماً .. ولا بالعكس كان ما يفعله فى مصر يفعله فى إيطاليا ؟ »
- * « فضلنا شهرين ثلاثة .. أسعد زوجين .. ونخرج ونقعد مع الأولاد .. ورجع ما أعرفش أثر وعكة قال لى ساعات يتمم ويقول لى سوف تكونى أصفر أرملة فى العالم .. لكن رجع تانى اتغير .. يزور النوادى مرة أخرى .. وسهرات لوحده .. وأنا لوحدى .. سببت لى الغربة عن وطنى فى نفسى آثاراً سلبية .. وكمان أنكر عيد ميلاد الملك أحمد فؤاد الثانى .. كان فيه حفلة رسمية .. أمر إن ابنى لا أقعد معاه أكثر من ساعة يومياً » .
- * « كنظام ملكى يا قديم ؟ »
- * « لأ .. ولا نظام ملكى ولا حاجة .. تعليمات .. وكانت تعليماته دى من الأسباب اللى أبعدتني .. وافترقنا .. القدر .. ممكن أقول لإن الحكاية دى معروفة ولإن الغلطة إن هو سحب منى الجواز الإيطالى .. وكان عنده واحد تانى من « مونلكو » صديقه « ريتيه مونلكو » (أمير مونلكو) .. وأخذت « ليسيه باسيه » (Laissez Passer) وقررت العودة لبلدنا واللى كانت مريضة جداً اتصلت بها لكن كان عندى أمل آخذ الولد والبنت .. ونروح نعيش فى سويسرا » .
- * « أكثر حاجة كان بيجرص عليها فى الغربة إيه ؟ »
- * « السبعة وشنطة فيها كل العملات » .
- * « كنوع من أنواع جمع العملات .. ولا كثرة ؟ »

• « لا .. مش فلوس كثير .. يعنى أنا لم أعدنا .. وسبق أن قلت إنه لم يطلع بكثير .. على ما أظن مش أكثر من ٢ مليون جنيه مصرى !! » .

• هل ظننت على اتصال بالملك فى المنفى ؟

• « فى أوائل الأيام إلانى كنت قاعدة معاه وأتصل به دائماً .. ما كانش يحب أبداً يورى شعور، تحت ستار ضحكة معينة عنده كده .. وكان بيشتاق للضحكة .. يعنى لا يصرح .. وتحس دى بقت وراثية عند ابنى وإخوانه .. اتصالى بأخواته الأميرة فوزية وفايزة وفايقة عند وفاته . ولما تركته طبعاً نزلت « بالليسيه باميه » فوجدت ٣٠٠ صحفى فى المطار وتمالكت .. وكنت منتظرة نرجع تانى لبعض .. أو تتريث .. اتصلت بالسفير المصرى .. وانتظرت علشان خاطر الولد أن يتصل بالهاتف أو يرسل لى سكرتيره كوانى .. اللى بأحبه .. كان لطيفاً ومن أصل سويسرى .. لكن هى أكبر غلطة إنهم أخذوا الجواز وسحبوه منه .. وتكلم فى الصحف العالمية وقال « أرجعى لابنك » لكن طبعاً شفوياً .. أو فى الصحافة .. طبعاً كنت أتمنى إن يحصل .. الانتظار كان صعباً جداً وكان لازم أرجع بأية طريقة .. فكرت ساعتها وكنت تعبانة جداً .. فى الوسيلة .. كانت لسه ملكية والسفير المصرى قال ما أقدرش .. ما عندش تعليمات أخرى .. اتصلنا بمصر بمكتب الرئيس محمد نجيب .. رد .. فوجئت بصوت معبر جداً .. أتذكر قال تأخذى الوثيقة بشروط وهى عدم المطالبة بحقوقى السياسية والمالية .. والوثيقة جابه السفير فى الصالون عندى .. ومضيت » .

• وتنازلت ملكة مصر والسودان عن كل حقوقها وأخذت الجواز المصرى أيامها ؟

• « أبوه .. ورجعت إلى الوطن » .

• هل كان له علاقة بمجلس الوصاية على العرش ولا با كنش أحد منهم بيتصل به .. رغم إن واحد منهم كان قريب الملك ؟

• « آه الأمير عبد المنعم .. ابن عباس حلمى » .

• ومجلس الوصاية ما كانش على اتصال خالص بالملك ؟

• « لأ طبعاً » .

• معلومات حضرتك إيه عن آخر أيام الملك فاروق رغم إنك كنت بعيدة عنه ؟

• « كان برضه بيتكلم فى التليفون .. لما أروح أشوف أحمد فؤاد فى سويسرا .. اللى هو الحل اللى كنا قلناه وهو رفضه فى البداية .. وبعدين قعد فى روما لوحده .. وترك ابنى فى يدى المدرسة « تابوريه » الفرنسية و « إنشر سايد » الإنجليزية وأعطى كل المسئولية لهم .. وأنا كنت طبعاً معترضة على المربيكات .. وأنا فى اعتقادى إن المربيكات والمدربات لهن تأثير مباشر .. وكنت رافضة هذا » .

- * حصل إليه في الآخر .. يعنى هل كان ابتداء يهمل في صحته .. ويكثر من سهراته أو يعيش بالطول وبالعرض ؟
- * « أيوه .. أيوه » .
- * « ولا بالعكس كان ابتداء ينطوى على نفسه .. يعنى كيف كانت آخر أيامه .. رغم إن حضرتك بعيدة عنه ؟
- * « أيوه فعلاً زى ما حضرتك بتقول .. ودخل مصحة كمان » .
- * « يعنى كان منطوياً على نفسه ولا بالعكس ؟
- * « أيوه .. لعدة أسباب منها محاولة للتخسيس .. ثم حزنه على زواج ابنته الأميرة فادية في لندن .. وطبعاً أنا كنت في مصر » .
- * « هل الملك كان على اتصال بأى واحد من رجال الثورة ؟
- * « مواعيده ما كنتش أعرف عنها حاجة .. والله أنا مريت بظروف وحشة قوى بعد إلغاء الملكية .. يعنى أفكر الضباط اللي هم صغيرين لكن الكبار كانوا يتمنوا يعملوا حاجة كويسة .
- * « وأسأل الوصى على العرش القائمقام رشاد مهنا .. هل كان لك صلة أو اتصال بالملك فاروق في فترة الوصاية على العرش ؟
- * « لا .. أنا جاني مرة رسالة فقط عن طريق محمد عبد المنعم قال إن الملك بيوصيك بابنه إنما مافيش اتصال ولا بعد ذلك ولا قبل ذلك » .
- * « وأسأل الملكة ناريمان : هل كانت الدولة بتُرسل لحضرتك معاشاً ؟
- * « لا » .
- * « هل كان فيه من يساعد من الملوك العرب الملك فاروق ؟
- * « أنا لما كنت مع الملك الله برحمه .. كان دايماً على اتصال بالملك عبد العزيز » .
- * « هل الأمر الملكية الأخرى في العالم العربى غير الملك عبد العزيز كانت بتعامل معاكم وتتصل بكم وتعرض عليكم خدماتها ؟
- * « لا » .
- * « في الأوائل يافندم ولا في أواخر أيامك مع الملك فاروق ؟
- * « أنا أنكر مرة واحدة قابل سفير السعودية لكن لم يذكر لى المقابلة » .
- * « وكيف كانت علاقة ملكة مصر بالعائلات الملكية في الدول العربية ؟

• « ملك المغرب والملكة لطيفة طبعاً .. عرفتهما بابنى أحمد فؤاد .. والملك والملكة وبيعاموه كأخ وتولد حفيدى فخر الدين هناك وأفنكر إنه كان ببشجعه على الإقامة هناك .. وقال لى اطمئننى عليه حقيقى زى أخويا .. وشفت هناك طبعاً فرح ديبا الإمبراطورة السابقة .. لهم قصر كبير هناك ووالدتها فى فرنسا .. ولورقتى راحت لأمريكا .. بقى لى سنتين ما شفتهاش لطيفة جداً شخصية فرح » .

• وأسأل حسين الأترى : هل التقيت بالملك وهو فى المنفى ؟

• « لأ .. يعنى نادراً .. وكان فى أول قعدة لى معاه كانت فى باريس وهى عبارة عن خمسة دقائق .. أنا داخل لافيتة قاعد فرحت له .. وعمرى ما عملتها وبُست إيد حد لكن لأنه كان عزيز قوم ذل عملتها .. قال لى إنت مش خايف .. قلت له أخاف من إيه ما هى خربت خربت فضلت واقف علشان أمشى .. وقال لى علشان ما يؤنوكش .. فقلت له هل تؤذى أن أقعد .. وأنا كنت شايف الحرس الموجودين حوله فى كل مكان لكن فعدت معاه حوالى خمسة ستة دقائق .. سألنى عن أحوال مصر وأحوال العائلة .. وقال لى كفاية كده وقوم بأه » .

• ومات الملك فى روما يوم ١٧ مارس سنة ١٩٦٥ ...

• وأسأل عادل ثابت : هل قتلوا الملك فاروق ؟

• « دى حاجة لا أعرفها .. ببغولوا كده .. الأخ صلاح نصر الظاهر ببقول آه .. أنا قرأت كلاماً عن محاكمة صلاح نصر لما سألوه عملت إيه ؟ وإن كان فيه حيوب ساعة مخصوصة لدى المخابرات .. استعملتها مع عدة شخصيات .. والظاهر إنه اعترف إنه قتل فاروق .. هل صحيح ولا لا الله أعلم » .

• وأسأل إبراهيم بغدادى : بصراحة شديدة جداً .. هل قتل الملك فاروق ؟

• « بالقطع لأ .. لم يحدث » .

• فيه كتاب صدر ببقول عنوانه « كيف قتل الملك فاروق ؟ » وفيه عدة مقالات عنك صدرت بتقول « أنا بروى من دم الملك فاروق » .. ونحن لا نبحث عن إفشاء سر من أسرار المخابرات العسكرية .. أو نبحث عن خبر مثير ننكره الآن .. ولكن إحنا هدفنا البحث عن الحقيقة من أجل مصر وتاريخ مصر .. فماذا نقول ؟

• « ح أقول إن الملك فاروق مات موة رينا .. بالسكنة القلبية على وجه التحديد .. نتيجة التهمة .. وهو كان بيمانى من مرض القلب .. وليس صحيح إنه قتل » .

• قيل بانفهم المخابرات وحضرتك كنت بتعمل معها أو بتعمل لها .. أنك سافرت إلى روما فى هذا التوقيت وعملت جرسوناً فى أحد المطاعم .. والملك لما مات .. مات مسموماً بالمكرونة .. لم يظهر أثر سمها لأنه كان من النوع اللى ما بيبانش فى جسم الإنسان عند تشريح الجثة أو عند التحليل ؟

« في الواقع إنه أحسن ما في هذه الجملة كلمة « قيل » .. لأن كل هذا قيل .. ولكن ليس من المعقول أولاً أن يكون فيه جهاز مخابرات في العالم حتى ولو تولى القتل .. يعترف .. سواء عن طريق أحد أفراده .. إنه قتل .. ده شيء مفروغ منه .. الحاجة الثانية .. إن الملك فاروق من الثابت إنه مات موتة ربنا .. وحتى إذا كان لم يتم التشريح كانت واضحة للتحقيقات الإيطالية .. ويعدين ما المبرر بعد هذا كله للتخلص من الملك فاروق سواء كان بالموت أو بالقتل .. لأن الملك فاروق لم يكن يشكل أى خطر على النظام في مصر عام ٦٥ بعد حوالي ١٢ أو ١٣ سنة من إعلان النظام الجمهورى ولم يكن عنده طموحات بأنه يعود للملك مرة أخرى » .

• هل التفتت بالملك فاروق في هذه الأيام ؟

• « كلمة التفتت هذه .. هي بالتحديد كلام عائم .. كلام عائم أنا التفتت مع طارق حبيب وهو ماشى في الشارع إنما التفتت وقعدت مع طارق حبيب يبقى ده موضوع ثانى .. الملك فاروق كان بيمشى في الشارع وأى واحد مصرى أو غير مصرى كان عارف إن ده هو الملك فاروق .. وكلمة التفتت على وجه التحديد شفته يعنى .. شفته زى ما بتشوف أى واحد ماشى في الشارع .. وحضرت واقعة وفاته .. هنا نقول إن فيه الإثارة الصحفية لعبت دوراً كبيراً فى ترويج هذه الشائعة .. لما بيجي أهد الصحفيين بجمع معلومات أو مجموعة من الشائعات ويحاول يصيغها فى قالب فى صحفى مثير .. فطبعاً يحط عنوان « كيف قتلت الملك فاروق » .. بعدها علامة استفهام .. أو علامة تعجب .. اللي يأخذ الكلام سطحياً بأقول لك يبقى هذا اعتراف بلاني قتلت الملك فاروق .. إنما لو قرأ اللي جواه يفهم إنه بيجاول يحط كلاماً يمكن تكون فيه شبهات وإنما وصلت النتيجة إلى إن الملك فاروق لم يقتل » .

• ماذا كنت تعمل في روما في هذا الوقت بالذات ؟

• « طبيعة العمل في أجهزة الأمن بتفرض قيوداً من الناحية الأمنية البحتة وحتى من الناحية الأخلاقية .. ده بالإضافة إلى إن القانون يمنع أية معلومات متعلقة بالأمن أو بأعمال أجهزة الأمن أن تنشر في أى جهاز من أجهزة الإعلام » .

• أعود وأسأل سؤالاً واحداً .. هل كنت تعمل في روما جرسوناً ؟

• « أنا لا يمكن أن أقول إن العمل بتاع ضابط الأمن أو ضابط المخابرات يعتبر عملاً فيه تجسس » .

• لأ ده واجب وطنى ..

• « الضابط لا يعمل جاسوساً .. تعريف الجاسوس إنه الشخص العميل الذى يعمل لحساب دولة أخرى .. كون إنه يواجه ضابط من دولة أخرى فليس معنى ذلك إنه يعمل جاسوساً » .

• واشتغلت جرسوناً في فترة من الفترات ؟

- « برضه أستبعد الإجابة على هذا السؤال لأنى بأقول إن طبيعة عمل رجل الأمن المفروض إنه يتخذ ستاراً فى عمله حتى لا يتكشف العمل الأساسى اللى هو بيعمله » .
- طيب هل حضرتك تنفذاً للمطلوب منك .. اضطررت لإخفاء شخصيتك بعمل آخر ؟
- « قطعاً فى حالات كثيرة » .
- زى جرسون ؟
- « فى حالات كثيرة .. فى مهن مختلفة » .
- أنا أؤرخ لوجه الله ولعيون مصر .. تاريخ ثورة ٢٣ يوليو .. وأسجلها من كلام صناعها والرجال الذين عاصروها وعاشوها ..
- « هو ده عمل تشكر عليه وعمل عظيم فعلاً .. واللى أنا أتوقعه وأتوخاه إن كل واحد يحاول ألا يخرج عن دوره الحقيقى بدون إدعاء أو بطولات زائفة .. هذا ما أرجوه » .
- ما قتلش سبب وجوبك فى هذه الفترة بالذات فى روما ؟
- « سواح » .
- فى نفس الوقت ده بالذات صدفة ؟
- « تصادف » .
- ما كنتش رايح فى مهمة رسمية ؟
- « لأ » .
- ولعنت قد إيه ؟
- « على ما أذكر ٣ - ٤ أيام تقريباً » .
- والملك فاروق الله برحمه مات يوم إيه ؟
- « فى شهر مايو » .
- وحضرتك كنت فى أية فترة ؟
- « فى أوائل مايو » .
- وتقول الملكة ناريمان : « لما سمحوا لى أنا والأميرة فايقة نسافر بعد الجنازة .. وكان لازم إمضاء من الرئيس جمال عبد الناصر وهو كان فى برج العرب ولما طلع سأل محمد أحمد وصلاح الشاهد .. هى الأم ما طلبتش جواز سفر علشان تحضر العزاء ؟ قيل لى هذا .. ويعدين سافرت بره فقال لى بترو وطبعاً رايح جاي .. كانت موجودة كل الأسرة والأميرة فايقة وفؤاد

بك صادق زوجها .. وكان يلعب ابني .. وقال لي إن الوصية حتى التي كان لازم يتركها حسب الشرع لابني النص لم يمضيها .. ولقت نظري بند أمه .. كانت مكتوبة بالطلبايتي .. كان يجيب الكتابة بالطلبايتي » .

* هل سم أحد الملك .. أنا عارف إنك ما كنتيش موجودة .. لكن ما تقدرش تقولي هل قتلوا الملك ؟

* « لم أكن موجودة .. أنا كنت في القاهرة ولما سمعت النبأ .. قدمت طلباً رسمياً للرئيس عبد الناصر التي كان في برج العرب .. أنا والأميرة فايقة أخته لم نحضر الجنازة .. ولما سمحوا لي وصلت بعد ٧ أيام .. وسألت ابني كان ١٣ سنة صغير وأنا كان كل همي أشوفه .. سألته إيه اللي حصل ؟ سألت البوابين .. وسألت بناته .. كانوا في سويسرا ساكنين .. ما حنش عرف يقول لي حاجة » .

* وأسأل حسين الأترابي : هل قُتل الملك فاروق في رأيك ؟

* « لا .. إطلاقاً .. الملك فاروق كان عنده مرض .. هو عارفه اللي هو التشحم حول القلب .. ما كانش يشرب خمر إطلاقاً وإنما يشرب كمية عصير فظيعة ويأكل .. ما يبتلش أكل طول النهار .. وطول ماهو في السراي بالشورت يفتح الثلاجة حتى فرخة يأكلها أي حاجة يأكلها عصير وهكذا .. فحدث التشحم حول القلب وكانت المصيبة إنه لو خس بسرعة يموت ولو تركوه بسرعة يموت وكنا على علم بذلك قبل وفاته » .

* وأسأل عادل ثابت : لماذا حرص الملك فاروق على أن يدفن في مصر بناءً على وصيته ؟

* « دى قصة لازم أفتح بابها هنا .. فيه بعض الآراء العنصرية بتفرق ما هو أصله تركي أو شركسي .. إحنا في مصر معروفين إن إحنا استقبلنا جميع الشعوب ومصرناها .. والتي يدل على هذا العرب .. إحنا مصرنا العرب الآن اللي أصلهم عرب بقوا مصريين .. الأثران مصرناهم .. فكرة العنصرية دى غلط .. كل عائلة محمد على مدفونة هنا في مصر .. ومش في تركيا .. ليه لم يقرروا إنهم يدفنوا هناك إذن ؟! »

● ويعيش حالياً ابنه الملك السابق أحمد فؤاد في باريس .. ويرقد جثمان أبيه إلى الآن في جامع الرفاعي .. وهكذا عاد فاروق الأول إلى أرض مصر .. ليدفن في ترابها بناءً على وصيته مع أجداده ..



معالم الطريق

- علم الشعب بحركة الضباط الأحرار من الراديو .. ثم من الصحف .. وقابلتها الأغلبية العظمى بالارتياح والفرح ..
- وفي صباح ٢٣ يوليو استقل اللواء محمد نجيب واليكباشى جمال عبد الناصر سيارة مكشوفة من سيارات الجيش تتبعها عربات أخرى ، وسار الراكب فى شوارع القاهرة فاستقبلته جموع الشعب بالتحية والتصفيق والهتاف ..
- واسأل محمد على عبد الله : عندما قامت الثورة واختير الرئيس نجيب كرنيس لمجموعة الضباط الأحرار .. هل كنت على اتصال به ؟
- « طبعاً أنا كنت عايش تقريباً معاه فى بيته الأول فى تكات العباسية .. وإحنا اتخرجنا بعد الثورة بعدة أيام لأن دفعتنا كانت المفروض تتخرج فى ٣١ / ٧ أجلوها لغاية ٩ أغسطس ٥٢ .. وهو اللى خرجنا من الكلية الحربية كان قائد الثورة وقتها .. ولا أنسى إطلاقاً يوم الثورة اتلمت الناس وطلعنا على شارع الخليفة المأمون وشفت موكب الرئيس محمد نجيب وكانت العربية لا أنساها عربية « بلايموث » مكشوفة ببضاء وراكب العربية وبيشارور بالكاب بناعه والناس ملومة وقدمه حرس عربية جيب ووراء عربية جيب .. رغم إن الملك كان ما زال فى البلد والإنجليز مازالوا فى البلد وهو مضحى بحياته وحاطت رقبته على كفه وبيلف فى وسط البلد .. فى هذا الوقت كان من السهولة تماماً ينمس أحد فى وسط الناس اللى بنهتف ويضربوا عليه رصاص .. كان فيه حرس حديدى كان فيه بوليس سياسى .. يعنى كان ممكن يعملوا أى حاجة لكن الراجح كان فعلاً فى هذا اليوم مضحى بكل شىء فى سبيل الوطن وهذه وطنية فذة .. وكان ليس له أى مطالب غير مصلحة البلد » .
- ويقول أحمد أبو الفتوح عن يوم ٢٤ يوليو : « لأول مرة تتولى وزارتان حكم مصر .. وزارة عينها الملك فاروق برئاسة الهلالى باشا وتقيم بالإسكندرية .. ووزارة ثانية عينها الجيش برئاسة على ماهر باشا وتقيم فى القاهرة » .

• وأسأل جمال حماد : أول بيان ألقاه الرئيس نجيب في الإذاعة .. كنت معه كما في الصورة .. ما هي نكرياتك ؟

• « كان هذا الكلام يوم ٢٤ يوليو وتوجه اللواء محمد نجيب .. وكان في هذا الوقت قائداً للقوات المسلحة .. وكنت معاه وكان معاه الرئيس الراحل محمد أنور السادات .. رحنا إحنا الثلاثة إلى دار الإذاعة .. وأنا والرئيس أنور السادات كنا وراءه زى ما إحنا ظاهرين في الصورة .. وألقى الرئيس محمد نجيب بياناً إلى الشعب المصرى .. والذي بلغت النظر إن هو لما نادى الشعب ما قالش إنه بيكلم المصريين .. قال « إلى شعب وادى النيل » .. وهذه إشارة خطيرة .. تدل على أن هذا الرجل كان ينظر إلى مصر والسودان على إنها بلد واحد » .

• في اليوم التالى لقيام حركة الضباط (يوم ٢٤ يوليو) انتهالت برقيات التأييد على مركز مجموعة ضباط القيادة الذين كونوا فيما بعد مجلس قيادة الثورة ...

• وزار مساء يوم السبت ٢٦ يوليو بعض زعماء الأحزاب مركز قيادة الجيش وقابلوا اللواء محمد نجيب وتمنوا للحركة التوفيق ...

• ويقول سعد عيد الثور : « إنت بتسألني الوفد كان مؤيداً أو غير مؤيد .. في هذه الآونة أقدر أقول وللنازيخ إن الوفد كان مؤيداً لأن النحاس باشا أبلغ مجلس قيادة الثورة هذا التأييد عدة مرات .. مرة لما وصل بالليل بعد قيام الثورة قبل أن يذهب إلى داره .. وتوقف في مجلس قيادة الثورة وزار محمد نجيب وأبلغه تأييده للحركة .. وقال له الحركة مباركة وسميت « بالحركة المباركة » .. بعد كده النحاس باشا كان لديه من القنوات الشخصية مع مجلس القيادة ما يسمح له بالاعتقاد وفيه منكرات في هذا الموضوع .. يعنى أحمد أبو الفتح كاتب في هذا الموضوع .. ثروت عكاشة كاتب في هذا الموضوع .. إن كان فيه قنوات بين الوفد ومجلس قيادة الثورة .. تسمح بتكوين عقيدة عند مصطفى النحاس بأن لا داعى للصدام بين مجلس النواب والشيوخ وبين مجلس قيادة الثورة .. ومجلس قيادة الثورة تمهد باحترام الدستور فلا مقتضى من إثارة أى نزاع » .

• وأسأل حسين الأترى : هل تعتقد لو لم يسافر النحاس وسراج الدين رحلة الصيف إلى أوروبا .. كان الوضع اتغير ؟

• « نعم .. بنسبة ٨٥٪ لو لم يسافر النحاس ! الشعب كله مع الوفد .. بدليل إن الملك لما أراد سندا لحكمه توجه إلى الوفد .. وما كان الوفد يترك الثورة اللي سميت في البداية الحركة المباركة » .

• وأسأل فتح الله رفعت : كيف تكون مجلس قيادة الثورة ؟

• « جمال عبد الناصر زى ما بأقول لك من بعد حرب فلسطين غير النظام فاختر ممثلين من كل سلاح وهم اللي أصبحوا أعضاء مجلس قيادة الثورة » .

• يقول سعيد حليم : « بمجرد نجاح الثورة تسلم مجلس قيادة الثورة الحكم .. ولم يكن للضباط الأحرار بعد ذلك أى دور .. ولم يؤخذ برأيهم ولم يحدث اقتراح على أى عمل قام به سواء مجلس الثورة أو السيد جمال عبد الناصر » .

• وأسأل بغدادى : متى كان أول اجتماع لكم كنوار بعد نجاح الحركة ؟

• « كان يوم ٢٢ بالليل » .

• بعد قيام الثورة ونجاحها ؟

• « بعد ٢٦ يوليو فضلت الاجتماعات مستمرة كذا شهر ورأ بعض » .

• فى مجلس قيادة الثورة ولا فين ؟

• « فى القبة .. وبعدين رحنا محل الهيلتون كان فيه فـشلاق بتاع قصر النيل .. كان مكتنبا هناك وبعدين أخذنا المبنى بتاع البحرية اللي كان فى الجزيرة اللي على النيل اللي وراء الشيراتون دلوقت .. ده بقى مجلس قيادة الثورة » .

• ويقول حسن فهمى : « وبعدها بيوم أو اثنين بعثوا الطيارة أخذت رشاد معنا .. وسافر على مصر » .

• ويقول رشاد معنا : « لم أكن أتصور إنهم يعملوا للخلاص منى .. هذا كان مش فى ذهنى .. وبعدين سادت .. قصة .. إنت عايز تسمعها ؟ »

• أرجوك ؟

• « أنا عند رجائك يا سيدى .. لما قامت الثورة ٢٣ و ٢٤ و ٢٥ جامتنى أكثر من رسالة لاسلكية : احضر حالا للقاهرة .. صحتمت جداً وبدأت أقرأ الواقع بمجرد وصولى للقاهرة .. قابلنى ضباط المدفعية فقط .. لا حرج فى ذلك .. لما ذهبت للرئاسة لم يقابلنى مخلوق ولم يسلم على مخلوق إطلاقاً حتى مجرد السلام .. وهم مجتمعين فى الداخل » .

• طيب كانوا بيستدعوك ليه ؟

• « ده سؤال يجاب عليه بالآتى : فى يوم من الأيام وهم مجتمعين دخلت عليهم مجتمعين لوحدهم .. السلام عليكم عليكم السلام قيادتنى جمال عبد الناصر وهو على رأسهم .. قال لى إنت جاي تنقض على الثورة .. أنا بهت .. لأن معلوم الثورة عندهم فئة يلحقها أى مخلوق .. هذا هو معنى الثورة .. قلت له انقض عليها يعنى إيه .. قال لى مش كده ويس .. مين قال لك تعالى .. قلت له مين قال لى .. مين اللي يقول لى .. قال إحنا .. قلت له لا أحد يقدر يقول لى تعالى .. أنا آجى وأروح زى ما أنا عاوز .. أفهمته إنى أنا جيت بعد ظليكم لى ٣ مرات .. ومع كل .. سوف أسافر العريش زى ما كنت .. السلام عليكم .. قالوا لا تطلع .. قلت سوف أسافر العريش على شرط إن صلاح سالم لا يأتى إلا إذا كنتم عاوزين حاجة .. تبلغونى أو أسيب

الجيش مش عازز حاجة .. قالوا لأ .. وقع صلاح سالم مغضياً عليه فانشغلت دعتك له رجلية وإيديه إلى أن فاق .. وانتهت هذه القصة » .

• **ويقول مصطفى أمين :** « بعد قيام الثورة بـ ٣ أيام .. جم قبضوا على أنا وعلى أمين .. وأنا اعتقدت إن السبب إنهم خافوا أن ننشر إن فاروق سوف يطردوه يعنى يغادر البلاد .. لكن بعد كده عرفت إن واحد صحفى أبلغ ثروت عكاشة إن إحنا اتكلمنا فى التليفون مع وكيل الخارجية البريطانية فى لندن وقلنا له خلى الجيش البريطانى يوقف الثورة .. فقبض علينا .. وكانت فى ذلك الوقت التليفونات كلها مراقبة بين مصر وخارج مصر .. وبتمسجل الأحاديث .. فبعد ما خرج الملك فاروق راحوا مصلحة التليفونات وقالوا لهم عايزين الشرط للمحادثة التليفونية اللى بين مصطفى أمين وبين لندن .. مصلحة التليفونات قالت هو لم يتكلم .. قالوا طيب لم يتكلم قبلها بيوم .. قالوا لم يتكلم قبلها بشهر .. لا لم يتكلم .. دعونا إلى مجلس الثورة على أمين وأنا .. وقبلنا محمد نجيب واعتذر على إنه قبض علينا .. أنا قلت له الاعتذار الشغرى لا يكتفى .. يجب إن الناس تعرف لماذا قبض علينا ولماذا أفرج عنا .. وطلع بلاغ قال فيه إنه نسب إلينا اتهامات وظهر إنها غير صحيحة .. وإنهم يأسفوا لما حدث وأذاعوا هذا البلاغ فى الراديو » مرات » .

• **وقبل النظام الجديد بالترحيب من معظم الدول العربية ..**

• **ويقول توفيق عبده [إسماعيل] :** « بعد الثورة مباشرة بدأت أسجل ما حدث كتابة للضباط .. وكان مطلوب التسجيل فى هذا الوقت .. جاعنا بعد الثورة حسنى الزعيم فى زيارة .. والملك السنوسى فى زيارة .. فطلبوا منا إن الضباط الأحرار يأخذوا نياشين فى زيارة الملك السنوسى هو جاء الأول والزعيم السورى بعده .. واتقسمنا الضباط الأحرار على مجموعتين .. المجموعة الأولى مع الملك السنوسى أخذنا نياشين .. وبعد الثورة بدأنا نعمل اجتماعات للجان الضباط الأحرار المختلفة .. وبدأ يحضرها عبد الناصر وعبد الحكيم عامر وصلاح سالم وكمال حسين » .

• **ويقول خالد محبى الدين :** « الاتحاد السوفيتى كان يشن علينا حملة عنائية ويتهمنا بإننا انقلاب عسكري عميل لأمريكا » .

• **وكانت قد تشكلت وزارة على باشا ماهر .. التى كانت بمثابة وزارة الانتقال من العهد القديم أو العهد البائد ، كما أسماها رجال يوليو ، إلى العهد الجديد ..**

• **ووزع الضباط الأحرار فى مختلف الجهات والاتجاهات ..**

• **ويقول خالد محبى الدين :** « اتفقنا على أن يعمل عبد الحكيم وصلاح مديرين لمكتب القائد العام .. وكان عبد الناصر هو وكيل مجلس القيادة .. وبدأ عبد الناصر يستشعر حماسية خاصة إزاء الضباط الأحرار الذين يتدخلون فى كل شىء ويحدثون بصفتهم أصحاب الحركة .. وربما كان يخشى منهم لإنهم كانوا قد تدربوا على العمل السرى المنظم » .

* وأسأل توفيق عبده إسماعيل : أول قرار جماعي اتخذته هيئة الضباط الأحرار بعد نجاح الثورة كان متى وفيين ؟

* هو بعد نجاح الثورة كانت المجموعة التي موجودة في القيادة أساساً .. جمال عبد الناصر مدير مكتب القائد العام للقوات المسلحة محمد نجيب .. الذي عُين قائداً عاماً للقوات المسلحة ووزيراً للحربية يوم ٢٣ صباحاً .. وعلى ماهر جاء زارناً ٢٤ يوليو الصبح وزار الوحدات التي شاركت ومعه محمد نجيب كوزير للدفاع .. ورفق لرتبة فريق وتنازل عنها يوم ٢٦ .. فإلى كانوا موجودين في هذا الوقت كان بغدادى وكمال الدين حسين وزكريا محيى الدين وحسين الشافعى وخالد محيى الدين وثروت عكاشة .. المجموعة الأخرى كانت لسه موجودة في العريش .. صلاح سالم جاء بعد يوم ٢٥ وإحنا نتجه إلى الإسكندرية .

* ويقول أبو الفضل الجيزاوى : كان عبد الناصر بعد ما قامت الثورة أحب يطلع كل الناس اللي عملوا عملية عسكرية .. ومتصلين بوحداتهم .. يطلعهم خارج الوحدات العسكرية .. علشان يبقى نوع من الاطمئنان والأمان له هو .. فطلبوا إننا نمسب الجيش ونشغل في الإدارات المختلفة .. إدارة المخابرات .. إدارة شؤون العمل والقوات المسلحة .. إدارة التنظيم والإدارة .. إدارة التدريب الجماعى .. أى إدارة .. فقال لى عبد الناصر تخاف إيه .. فأنا في ذلك الوقت كنت في كلية الحقوق جامعة القاهرة .. فقلت أنا أروح الشؤون العامة علشان يبقى عندي فرصة أذاكر وأروح الجامعة .. وفعلنا وافق عبد الناصر ورحت أركان حرب الشؤون العامة .

* وأسأل أمين شاكى : عينت مديراً لمكتب الرئيس عبد الناصر أيام ما كان الرجل الثانى في بدايات الثورة ؟

* أنا اتعينت من يوم ٢٣ بوليه ٥٢ .. وعبد الناصر هو اللي عرض على .. لإني كنت في إيطاليا .. قال لى ارجع فوراً فرجعت هريانا لأن كان فيه تنبيهات على أحمد حسن النقي (الملحق العسكرى) إن أنا ما أخرجش بره روما فرحت دفعت رشوة للجماعة بتوع حجز التذاكر في إيطاليا وإدوني تذكرة .. ووصلت ٣ صباحاً .. قال لى عبد الناصر أنت رايح فين .. فقلت أنا رايح البيت أغير هدموى المذنية .. فقال لى لا بيت ولا غيط .. أقعد هنا .. قلت له أعمل إيه .. قال لى أنت تمسك مدير مكتبى .. وهكذا بدأت حكاية مدير مكتبه اللي استمرت ٩ سنوات .

● وفى ٢٨ يوليو سنة ٥٢ أعلن أنتونى إيدن في وزارة ونستون تشرشل أن الحكومة البريطانية أثبتت عدم رغبتها في التدخل في شؤون مصر الداخلية ...

● وترددت رنة أسى عند البعض بسبب ما حدث للملك السابق .. ولكن الأغلبية العظمى فرحت لهذه النتيجة ...

* ويقول صلاح شعراوي : أقول لحضرتك بعد كده .. حصلت .. للأسف يعني أحداث صغيرة كده .. نتيجة سوء تفكير .. تبص تلاقى عساكر البوليس الحربى كانوا يضايقوا العساكر بتوع

الحرس .. ضابط أو اثنان ضربوا الضباط فحصل نوع من الاستياء .. إحنا ضباط جايين من الجيش .. وندرج للجيش فلزاي يحصل هذا النوع من المهانة .. فجاء اللواء محمد نجيب .. وهذا أمرنا .. وهى كانت أصلاً الميب فى الحرب برضه أيام الملك فؤاد .. وكان محمد نجيب زمان فى الحرس .. وقال لنا أنا كنت فى الحرس وعارف وإجاباتكم إيه .. وهذا الأمور .. ولكن فى الحقيقة جم قالوا لنا كل واحد يختار الحنة اللي عاوز يروحها .. وأبدأ تشكيل الحرس يأخذ شكلاً آخر .

• وأسأل خالد محبى الدين : حضرتك فى الأيام الأولى للثورة كان لك دوراً محدداً ؟

• « إحنا بعد الثورة أول حاجة فكرنا فيها تأمينها .. فكان لابد من تولى حسين الشافعى رئاسة الفرسان .. وثرثرت عكاشة أركان حرب .. وأنا مسكت ضابط مخابرات سلاح الفرسان .. فبقت قيادة الفرسان آمنة .. بجانب إن عدداً من قادة القوات المدرعة أبعدوا .. فأمننا وجود سلاح الفرسان .. وكانت دى قضيتنا الأولى لغاية الملك ما خرج .. وبعد كده بدأنا حاجة أخرى . »

• ويقول سعيد سليم : « وبعد ذلك جاءت بالصدفة الحقيقة بعد ٣ - ٤ أيام من الثورة أمرت أن أروح للمخابرات الحربية .. مع بعض الضباط الأحرار .. فما عجبنيش العمل هناك .. وحسيت إنه مش من طبيعتي .. فرحت تقدمت بطلب إننى عاوز أرجع لوحدتى وهى الكتيبة ١٣ .. ففى نفس اللحظة .. قابلنى السيد زكريا محبى الدين وعرض عليّ أن أعمل معه سكرتيراً عسكرياً .. وهو مدير وكان يطلق عليه فى ذلك الوقت سكرتيراً عسكرياً .. وعملت معه كمسكرتيراً عسكرياً فى المخابرات الحربية .. والمخابرات العامة .. ووزارة الداخلية حتى سنة ٥٨ ففضلت أن أنضم إلى على اللي كان فى ذلك الوقت فى الخارجية .. وتركت عملية الثورة أو الحكم بمعنى أصح . »

• وأسأل حسن الدمهورى : إمتى اجتمعتم كضباط أحرار لتحتفلوا بانتصاركم ؟

• « ما حصلش .. إننا اجتمعنا علشان نحتفل بانتصارنا .. لأن كل واحد أدى دوره وقعدنا فى القشلاقات بناعتنا .. يعنى ويمكن ضباط الفرسان الوحيديين اللي ما حدث منهم خرج بره السلاح أبداً .. وأخى أصبح محافظاً . »

• هل الضباط الأحرار استمروا فى القيادة وفى الإدارة ؟

• « للأسف الشديد مدى علمي إنهم لم يستمروا أبداً .. لم يستمروا فى الإدارة ولا فى المناصب الخارجية .. يعنى الحقيقة كان شغلنا الشاغل تأمين هذه الثورة .. فلجنا كنا قاعدين فى قشلاقاتنا لا نغادرها إطلاقاً .. ده فى الفترة الأولى ثم إنت عارف إن دايمنا الناس اللي بيغفوا بالثورات ما همأش هم اللي بيوصلوا فى النهاية أبداً .. بالعكس دول بيععدوا من أول الطريق ما بيوصلوش أبداً .. يعنى معظم الناس اللي تولت الحكم فى مصر .. أو شاركت فى مسئولية الحكم .. ما كانوا ضباطاً أحراراً !! »

- باستثناء الـ ١٣ ؟
- « طبعاً أعضاء مجلس الثورة دول حاجة ثانية !! »
- وحوكم القادة العسكريون .. وعلى رأسهم حسين سرى عامر .. أما حيدر باشا الذى كان القائد العام للجيش .. فلم يحاكم .. وكذلك حسين فريد .. كما لم يحاكم يوسف رشاد وكذلك النحاس باشا ...
- « ويقول خالد محبى الدين : « اعترض صلاح سالم بشدة على محاكمة حيدر باشا .. »
- « ويقول حسن المراغى : « حيدر باشا كان يعلم علم اليقين عن الثورة وقيامها .. »
- « بحكم إنه قريب للمشير عامر ؟
- « أيوه .. أيوه .. »
- « يقول حسين الأتربى : « ذهبت إلى حيدر باشا فى مقر القيادة وأخبرته بأسماء الضباط الأحرار فقال لى دى « زوبعة فى فئجان .. وصلاح سالم ده مدير مكتبى والثانى قرييى .. »
- « اللي هو عبد الحكيم عامر ؟
- « آه .. وكانت الأسماء كلها مذكورة .. وفؤاد باشا عارفها والملك عارفها وحيدر باشا عارفها كل الأسامييين وقال لى أنا لا أريد أن أعمل هزة فى الجيش .. ولا أحب أن أذى ناس من أصدقائى .. ولما قابلت حيدر باشا مرة ثانية أخبرته بقبول فؤاد باشا له كوزيراً .. وتحدد سفر الوفد .. وحاولت أن أنتى النحاس باشا وفؤاد باشا عن السفر وتدخل الآخرون فسافروا .. وحدث ما حدث ووقع الانقلاب .. »
- « ويقول أمين شاكى : « فى بداية الثورة كانت أكثر حاجة بتشغلنى وكنت بأسعى لتحقيقها أن أجعل عبد الناصر على اتصال بالناس باستمرار .. وجبت له الناس من مختلف القطاعات .. جبت له أحمد عيود باشا .. ورئيس مجلس إدارة بنك مصر .. اللي هو جوز بنت طلعت حرب .. وجبت له ناس من البنك الأهلى ومديرين بنوك وشركات .. وجبت له عمال .. كمان فكنت باستمرار عامل ترتيب إن كل يوم لازم يقابل اثنين أو ثلاثة .. بقدر ما يتسع وقته .. علشان يسمع من الناس وبألسنهم إيه اللي حاصل فى البلد .. إيه القرارات اللي عملها مجلس قيادة الثورة .. وهم رايبهم إيه .. والعملية دى فى رأى تجتهد لدرجة كبيرة جداً فى أنها عملت لعبد الناصر شعبية كبيرة وجبت له النحاس باشا دى ما حدث يعرفها لغاية النهارده .. وصلاح الدين اللي كان وزيراً للخارجية .. وشغلته معايا فى مجموعة « اخترنا لك .. » وأحمد عبد الغفار .. وكنت من أوائل الناس اللي جابوا له الإخوان .. ابنة الهضيبي كانت زميلتى .. وعبد الناصر تعلم من جميع هذه الجهات .. وإحنا كنا حاسين إن الشعب مسروراً جداً بنجاح الثورة .. »

• وفي ٢ أغسطس تقرر إلغاء الرتب والألقاب المدنية .. وصدر مرسوم بالعفو الشامل عن جرائم العيب في الذات الملكية ..

• وعين مجلس الوصاية على العرش من ثلاثة .. الأول الأمير محمد عبد المنعم .. والثاني الباشا السابق بهي الدين بركات .. والثالث رشاد مهنا ...

• وأسأل رشاد مهنا - الوصي على عرش مصر : ولية اختاروك بالذات وقد كنت من كلامك مش من مؤيديهم أو إنهم موالين إليك ؟

• « يظهر إنى أخطأت التعبير أنا مش مبال إليهم أو ضدهم .. أنا لست معهم .. إنما أنا ليست عندى الروح العدائية إطلاقاً .. وإلا كانت حرب أهلية .. وهذا اللي تقاديتة لو كنت أنا ثرت كان لها وقع تانى .. إنما الحمد لله ربنا وهبنى العقل .. وفكرت علشان يتولى فلان أو علان تزهق أرواح بالأكوف قلت لا يمكن .. فلان تولى خلاص .. وقتلها صراحة فى سلاح المدفعية .. وهو ثائر .. وقتت إذا قام بهذه الثورة امباشى حتى لا دخل لنا لفلان .. ليست أساء .. وفكرة الثورة عندنا نحن كان لنا جانب آخر .. وهو أن يقوم الشعب بالثورة ويحميه الجيش .. ده كان معنى الثورة » .

• نتكلم عن مجلس الوصاية ؟

• « أقول لك ملخص كلام .. صلاح سالم اللي كتبه فى المجلة قال إحنا ورشاد مهنا فى الجيش لا يمكن نتعاون .. لابد من القضاء على أحدها .. ده كلام ؟ ولذلك إحنا جيبنا أن نخلص ونعطيه أعلى المناصب حتى إن معاونيه إذا تكلموا نقول لهم إحنا أعطيناه فكانت عملية الوصاية عملية خلاص منه وليست ديمة بين يديه .. يعنى الاختيار مرغمين عليه .. مش عضو فى الثورة ولا حاجة » .

• وحضرتك كنت لسه رجلاً عسكرياً ؟

• « رجل عسكرى .. على فكرة أول واحد طلعوه تانى يوم من الجيش .. كان أنا .. وأصبحت أيامها رجلاً غير عسكرى خلاص » .

• كنتم بتعملوا إيه فى مجلس الوصاية كوصى على العرش ؟

• « عملية المُلْك .. عملية رئاسة الدولة .. يعنى المراسم وما إليها الخاصة بالسرايا .. والتصديق .. تشكيلات لكن أنا كنت أعتبر غير هذا لأنى كنت أعتبر نفسى مندوباً للثورة .. وهم رأيهم يعنى يملك ولا يحكم قلت لهم مش عندى أنا » .

• هل النية كانت مبيتة لإعلان الجمهورية ؟

• « النية كانت مبيتة لإعلان الجمهورية فى الوقت المناسب .. عندما تستكمل مصر سنة أو ثلاثة والملك تحت الوصاية ويكون الشعب مؤهلاً وبعدين تعلن الجمهورية .. ولكن اللي حصل غير

كده .. اللى حصل عملية فعل ورد فعل .. يعنى أنا لما وقتت لهم مراراً فى بعض الحاجات حبوا .. مش عارف أقول إيه .. والله يحزننى أقول ما كان يُفعل .. وبعدين لما ينست من الإصلاح أعفيت نفسى وقدمت الطلب لعبد المنعم .. تانى يوم الصبح كان فيه إقالة .. وسمعنا فى لندن مش من هنا .. وأنا بأفتح الراديو وجنته يقول الوصى على العرش أقالوه !! وانتهت علاقتى بالوصاية وفضلت تحت الحراسة .. والوصاية استمرت لفترة بالتنين الثانيتين .. وبعدين واحد وبعدين انتهت .

• وكنت مبعداً أو مقضوباً عليك ؟

• لا مقضوب على لا أقبله أبداً .. ! لأن لما يغضب على بنى آدم يكون من واحد له قيمته .. مبعد صحح .. وكشرط الوصاية لابد أن أكون أميراً أو وزيراً لأكون وصياً .. فعينت وزيراً للمواصلات .

• ويقول جمال منصور : فى أحد اجتماعات الضباط الأحرار فى مكتبى برئاسة سلاح الفرسان قلنا يومها : نحن نرفض أى نظام سوى النظام الديموقراطى .. وإننا لم نخلع ، فاروق لكى نأتى فى مكانه بـ ١٣ فاروق .. وعقدنا اجتماعاً فى منزل المنهورى حضره حوالى ٤٠ ضابطاً حراً من سلاح الفرسان .. وحسين الشافعى وثروت عكاشة وخالد محبى الدين .. ثم اجتماعاً حضره جمال عبد الناصر الذى أعلن قراراً بنقل مصطفى نصير وعبد الحميد كفاوى إلى خارج السلاح .. كما حدث لى .. وسرعان ما أصدر مجلس الثورة قراراً بالغاء تنظيم الضباط الأحرار باعتبار إنه قد استنفذ أغراضه .

• وكان قد حدث شغب بين عمال شركة مصر للغزل والنسيج بكفر الدوار أدى إلى حدوث مظاهرات وإضراب عام بين عشرة آلاف عامل .. وحكمت المحكمة العسكرية على خميس والبقرى المتهمين بقيادة الشغب ...

• وأسأل رشاد مهنا : اللواء عبد المنعم أمين كان رئيساً لإحدى محاكم الثورة .. وحذا بالإعدام على خميس والبقرى .. فما رأيك ؟

• أسأل عبد المنعم أمين قول له إيه رأيك إنت .. كان يميلى عليك ولا إنت عملت كده من نفسك ؟ .

• ثم أسأل عبد المنعم أمين : هل حضرتك كنت أول رئيس لمحاكمات الثورة ؟

• لأول محكمة ثورة لأ .. كان هذا مجلساً عسكرياً عالياً لمحاكمة العمال فى كفر الدوار .. اللى قاموا بشغب وهدموا وبدأوا يكسروا فى المصنع بتاعهم نفسه .. ونتيجة هذا التعدى مات ١١ واحد : ٨ من العمال و ٣ من عساكر البوليس .. يعنى حصل تبادل إطلاق نار ما بين العمال بتوع المظاهرة والبوليس .. الموقف كان قدامنا كده وكان لسه لم نعمل أى حاجة .. أنا أكثر تجربة فيهم لا شافوا تجربة فى الحياة .. قليلى الخبرة .. أنا قلت لهم أنا أروح مع أعضاء

مجلس عسكري ونروح نحاكم الناس نول علشان إذا لم نعمل محاكمة عسكرية .. المحاكمة المدنية حتأخذ سنوات ..

• من كان معك أعضاء ؟

• « كان معي حسن إبراهيم .. عبد العظيم شحاته .. فتح الله رفعت .. وكان نائب أحكام عبد المنعم مراد .. »

• هل ده كان بداية مواجهة مع الشيوعيين في مصر ؟

• « آه كان بداية مواجهة الشيوعيين في مصر لأن عبد المنعم خميس ١٠٠٪ شيوعي .. لأ مش اسمه عبد المنعم خميس اسمه خميس والبقري أنا أعرف واحد اسمه خميس ثاني .. خميس تصرفاته وكلامه كلها في الجلسة وقال أنا مستعد أدافع عنهم فهو رفض كلامه كان شيوعي ١٠٠٪ .. »

• هل كانت الأحكام معروفة قبل صدورها عليهم بالإعدام ، يعني اتفقتوا على ذلك ؟

• « لا أبدأ لم نتفق على شيء بدليل أن كان الأول خميس هو المدان .. ليه لأن كانوا شابينه على أكتافهم وينادي « يسقط الظلم » .. كلام زي كده .. دي المظاهرة التي بدأت تثير النظام والقانون .. وأنا كنت لا أحكم بالقانون المدني .. ولكن الأحكام العرفية اللي كانت صادرة يومها وما زالت موجودة حتى الآن إن أي مظاهرة نتيجتها موت أحد من المتظاهرين القائد بتاعها يحكم عليه بالإعدام .. إحنا لا نعرف كم القوات ولا نعرف أي حاجة .. وبعدين موسى صبرى جاء وطوع أن يدافع عنه وكان فيه متهم واحد لذلك كان متهمًا بأنه يكسر مع الناس .. موسى صبرى كان اسمه متخرجًا من الكلية وليس له أي تجربة في الدفاع .. كانت زوجة البقري شاهدة علشان تقول ما لهرش دعوة وهو كان في البيت .. وهي جاءت قالت كان بابت عندي في البيت وبعدين في الصباح قلت له رايح فين قال مالكيش دعوة يا وليه .. ووجنته واقف مع عمال بيكسروا حاجات ويجمعوا حاجات .. لمسته كقائدًا من القوات يقول لهم يا أولاد كسروا وأحرقوا وما كاش قدامي غير أن أدخله .. لكن أحكام مسبقة لا أحد يعرف عن الأحكام دي حاجة .. كأى جلسة أو أي ناس عندهم نزاهة .. حكمت بهذا يعني أنا كنت سايب لهم الحرية خالص للأعضاء ولازم يكون حكم الإعدام بالأغلبية المطلقة أو بالإجماع .. »

• ويقول لطفى واكد : الرئيس نجيب كان لى معاه حوارات في هذا الموضوع .. هو بعد الثورة كلنا كنا عايزين إننا نرفع من شأنه إلا أن قضايا الإعدام هو وافق عليها .. وجمال عبد الناصر هو الوحيد اللي رفض يوافق على قضايا الإعدام !!

• وصدرت تشريعات مالية ترمى إلى الحد من الدخول الكبيرة .. وأغلقت البورصة .. كما خفضت الإيجارات ..

• وفي أوائل سبتمبر سنة ٥٢ حدث تعديل في وزارة على ماهر ودخلها فيمن دخلها المهندس مراد فهمي .. د . نور الدين طراف .. و د . إبراهيم بيومي منكور ..

• وأسأل د . نور الدين طراف : كيف بدأت صلتك برجال الثورة ؟

• « أنا يمكن لا أعرف ليه اختاروني ؟ يعنى لغاية بلوقت أنا مش واجد له مبرر .. يمكن السبب فى هذا تاريخى فى مجلس النواب .. وتاريخى فى حركات الطلاب .. أعطاهم فكرة عنى .. ولم يكن فى ذهنى أن أحاول أن أتصل بهم .. كانوا يجتمعوا فى كوبرى القبة لأنى ما كنتش عارفاً أحداً منهم .. حصل بعد عودتى بأيام .. إن الصديق الصحفى القديم حلمى سلام اتصل بى فى التليفون وقال لى إن فيه بعض الإخوان عايزين يشوفوك ويأدعوك لفنجان شاي عندى فى البيت فرحت بيته .. كان قريباً من كوبرى القبة فوجدت الصديق فتحى رضوان أيضاً مدعواً بنفس الطريقة .. ووجدت عدداً من الضباط كنت لا أعرف أحداً منهم إطلاقاً وقمنا نتكلم فى مسائل عامة .. هم بيتكلموا عن أحداث البلد وكلام عام زى ما يكون الاثنين المدنيين دول موضوعين تحت الاختبار الشفوى .. حاجة من هذا القليل .. النهاية دى كانت أول مرة أشوفهم .. أنا الللى لاحظته يومها إن فيه واحد منهم لم يتكلم إطلاقاً .. كان مكتئباً بالسبع .. سألت حلمى سلام ده مين ؟ قال جمال عبد الناصر .. ده أهم واحد فيهم ده هو لا يحب أن يتكلم يحب يسمع بس كده .. دى كانت أول مرة أشوفه » .

• وما لبث أن قدم على ماهر استقالة وزارته إلى مجلس الوصاية .. وكان من أهم أسباب الاستقالة .. قانون الإصلاح الزراعى ..

• وأسأل رشاد مهنا : إيه أهم قرار حضرتك مضيت عليه كوصى على عرش مصر ؟

• « أهم قرار هو الإصلاح الزراعى .. وهو له قصة .. لم يكن إصلاحاً زراعياً لأنه كان نيتاً شيوعياً .. بذرة شيوعية وضعها بعض إخواننا الشيوعيين ولا داعى لذكر أسماء .. تبنّاها جمال سالم .. وجمال سالم كان يشك فى قواه العقلية لأنه كان مصاباً بمرطان فى دماغه .. فكان أول ما عايزين يضايقوا واحد .. يسلطوه عليه .. أنا أذكر مرة إن واحد من الإخوة دول مسك جمال عبد الناصر قال له أبوك .. ومن هذه الأنفاظ .. الإصلاح الزراعى هم سموه كده .. ما كانتش الإصلاح الزراعى كان تحديد الملكية .. أنا وقتت وقتت ماقيش تحديد للملكية صمموها وقتت لهم لا يمكن هذا يتنافى مع الاقتصاد .. ومع الدين ومع كل حاجة .. تحديد الملكية .. لا إحنا مش شيوعيين .. كلمنى محمد نجيب الله يرحمه ويرجع أفعمه .. وهكذا إلى أن قلت لهم لا ينفع نجعل رجال الثورة واللى مختص من الوزراء وأنا معاهم ونتناقص ونصل إلى نتيجة .. ويومها حرص محمد عبد المنعم أن لا يأتى خوفاً من بذاءات إخواننا » .

• ويقول المهندس إبراهيم شكرى : « كنت أول من دعا إلى تحديد الملكية الزراعية فى مصر » .

• وأسأل المهندس سيد مرعى : حضرتك كنت من أول أو من أوائل من تانبوا بالإصلاح الزراعى فى مصر .. الفكرة جاءت إزاي .. وعبرت عنها إزاي .. قبل ٥٢ ؟

• « فى الحقيقة لا أقدر أقول إنى ناديت بالإصلاح الزراعى .. كإصلاح زراعى .. إنما بدأت فى حياتى الأولى وشغلت الظلم الواقع على الفلاحين فى وقتها من دفع القيمة الإيجارية .. تقدر تقول

إن التفكير بتاعى بدأ تفكيراً اجتماعياً للبيئة اللى أنا موجود فيها .. لم أكن أعرف فى هذا الوقت وأنا مستخرج إيه كلمة الإصلاح الزراعى إلى أن تطورت الأمور .. كان الله يرحمه على بك الشمسى رئيساً للبنك المركزى فى الوقت ده كنا بنتكلم مع بعض فى هذا الموضوع فهو أول واحد ترجم الناحية الاجتماعية التى كنت أفكر فيها إلى ما سُمى بالإصلاح الزراعى .. مش بس كده .. دعا واحدة اسمها « دون رينار » متكرر اسمها حتى الآن .. كاتبة إنجليزية كانت كتبت كتاباً عن الأرض والفقر فى منطقة الشرق الأوسط من ضمنها نادت بالإصلاح الزراعى .. من هنا تنبأت وتنبهت من زوايا محددة للى كان المرحوم محمد بيه خطاب فى مجلس الشيوخ ينادى بتحديد الملكية بـ ٥٠ فدان .. أنا ناديت فى وقتها بتحديد القيمة الإيجارية للأرض الزراعية فأصبح القانونين دول مكملين لبعض .. ده قبل الثورة » .

• ويقول محسن محمد : « قريت الاتصالات الأمريكية مع الثوار .. حتى أن قانون الإصلاح الزراعى نفسه عرض على كافرى .. وطلب منهم أن يهدنوا اللعب شوية .. وكانوا يستمعون إليه باهتمام شديد وكان هو مستشارهم رقم واحد » .

• وكيف عرفت ذلك ؟

• كل ذلك مذكور فى الوثائق الأمريكية والبريطانية التى أطلعت عليها .

• وأسأل سيد مرعى : هل وجدت أن الثورة تقضى على الإقطاع فعلاً ؟

• « هنا لازم أكون صريحاً معاك .. لما بدأنا .. اعتقادى كان راسخاً فى القضاء على ما يسمى بالإقطاع .. ولو قرأت كتابى اللى أنا مآلفه عن الإصلاح الزراعى أنا ما كنتش بأسميه إقطاع بأسميه ملكية كبيرة .. لأن الإقطاع ما كانش موجوداً فى مصر بالمعنى التاريخى للإقطاع .. وتقننا بحماس كبير جداً سواء فى عدالة التوزيع أو سواء فى عدالة الاستيلاء بقدر ما أمكننا أو سواء حطينا هدفاً أمامنا ألا يؤدى الإصلاح الزراعى إلى انخفاض فى الإنتاج .. وأمكننا فى الكمام سنة اللى إحنا توليناهم أن ننفذ القانون بشكل إنه حتى الهيئات الدولية اعترفت به .. لدرجة إنك تروح روما تجد إن ضمن المستندات الموجودة هناك .. يقول لك يعنى نظام الدورة الزراعية منظمة إزاي تجميع الحاصلات الزراعية .. إزاي تجميع الدورة الزراعية .. إزاي عدالة التوزيع .. نقادى نفتت الملكية .. هل الإصلاح الزراعى نفذ على جميع الملاك ؟! الإجابة نعم نفذ على كل ما هو أزيد من الحد القديم » .

• وأسأل الملكة ناريمان : رأى الملكة كان إيه فى قانون الإصلاح الزراعى ؟

• « رأى أنا إن كان لازم يعملوا قانون الإصلاح الزراعى فى صالح الفلاح » .

• تكلمتى مع الملك فى هذا الموضوع ؟

• « أيوه كان غرض عليه من فؤاد بلشا سراج الدين وسيد مرعى .. يعنى كان فيه كلام .. لكن مش ١٠٠ فدان لكل فرد .. فى الوقت ده كان عايزه لصالح الفلاح » .

• ويقول خالد محيي الدين : « كان كافرى سفير الولايات المتحدة يتصرف على أساس أنه نو نفوذ فى صفوف الثورة بالحق أو الباطل .. وكان يتحدث عنا قائلاً "My Boys" (أولادى) .. وأبلغ على صبرى جمال عبد الناصر أن السفير غير راض عن اختيار السنهورى رئيساً للوزراء .. وعلى أية حال اعتذر السنهورى حتى لا يسبب لنا حرجاً .. ولعل البعض قد أخرج له لكى يتخذ موقف الاعتذار » .

• ويقول د . يونان ليبيب رزق : « فلما حددت الملكية الزراعية بمائتى فدان وتأثر بهذا القانون أكثر من ألفين من الملاك الزراعيين .. حاول البعض مقاومة تنفيذه فكان الرد السريع بإقامة محاكمات عسكرية للمعترضين » .

• وألف اللواء محمد نجيب وزارة مدنية برئاسة ...

• تبع ذلك التوجه إلى التجمعات السياسية فى الأحزاب القديمة .. وبدأ ذلك برفع شعار « التطهير ، ومطالبة الأحزاب بتطهير نفسها .. وصحبتها حملة اعتقالات ...

• ويقول أحمد أبو الفتوح : « لقد كان التطهير سلاحاً مشهوراً على مستقبل كل موظف فى الدولة .. ولذلك اندفعت غالبية الموظفين تنافس فى النفاق والتجسس .. مئات من الموظفين فقدوا وظائفهم لا شئ إلا لإنهم يمتون بصلة القرى أو النسب لبعض كبار السياسيين القدامى .. أو لإنه سبق أن عرفوا يميل للأحزاب الميسية » .

• ويقول إسماعيل فريد : « الثورة أعطت مهلة للأحزاب تطهر نفسها كانت النتيجة إنها لم تطهر نفسها .. هى هى .. بالنسبة لنا إحنا وكان الشعب يعرف إن دول مرتشين .. أو الشعب يعرف إن لهم انحرافات .. هم استمروا فى الأحزاب كما هى فكان الطبعي أن تأخذ وضعاً إيجابياً ضدهم » .

• ويقول إبراهيم شكرى : « بعد قيام الثورة دعت إلى أن تطهر الأحزاب صفوفها .. وبالفعل حصلت تحركات وأصدروا قانون لتنظيم الأحزاب .. وهذا القرار لتنظيم الأحزاب استقر .. كما أذكر الحزب الوطنى الجديد .. وأيضاً حزب مصر الاشتراكي .. أمكنه أن يقدم أوراقه للاعتراف به وصدرت جريدة رسمية فيها تكوين للحزب الجديد .. حزب مصر الاشتراكي .. وهذا صدر فى يوم ١٥ يناير ٥٣ » .

• وأصدر المجلس قراراً باعتقال ٦٤ سياسياً .. وبدأت مرحلة جديدة من تاريخ الثورة ...

• وفى ١٤ أكتوبر سنة ٥٢ أقيمت محمد رشاد مهنا من منصب الوصى على العرش ...

• ويقول مصطفى كامل مراد : « رشاد مهنا كان فيه انقلاب فى يناير ٥٣ .. معنى كان فيه مؤامرة علشان قلب نظام الحكم فقبض على الضباط وحكموا » .

• ويقول فتح الله رفعت : « عندك رشاد مهنا حبوا يشيلوه من الوصاية .. جمال عبد الناصر عمل لنا طيارة مخصصة أنا ومحسن وكمال ورحنا العريش .. ورحنا رفع .. ورحنا

الإسكندرية .. علشان نمهد الطريق .. لإن رشاد مهنا رجل من المدفعية .. وكان محبوباً جداً ..
نمهد الطريق علشان بخرج رشاد مهنا » .

• وقمتم بذلك فعلاً ؟

• « قمنا بذلك فعلاً وهذا كان خطأ كبير .. اللي أنا أخطأت في حقهم كفتح الله رفعت ما لبش دعوة بغيري .. رشاد مهنا ومحمد نجيب » .

• وأسأل رشاد مهنا : محاكمات الثورة هل كانت صورية .. هل كانت الاتهامات ملفقة أو باطلة ؟

• « أضحكنتي .. سأحكى لك عن محاكمتي أنا شخصياً .. أنا أول واحد هو كمت الساعة ٣،٣٠ صباحاً .. أنا كنت في سجن الأجانب » .

• متى ياقدم ؟

• « سنة ٥٢ جاء لى حمزة البسيونى .. قال لى قوم يا عمى .. لأن علاقتى بحزمة البسيونى مهنا تقول عليه كان ربنا محنن قلبه على وكان يحترمنى .. ويوم جاء قال لى انتفضل رب علشان فيه محاكمة النهارده فى قصر النيل .. فكرنى بأحمد عرابى والجماعة دول .. فمت توصأت وصلبت ورحت معاه قصر النيل .. بعد شوية دخلت فى أوضة صغيرة وبعدين ندهوا لى وقالوا انتفضل .. دخلت السلام عليكم عليكم السلام وجدت كل بتوع الثورة موجودين .. ما فيش منهم غائب غير أنور السادات ومحمد نجيب .. مسك زكريا محبى الدين زى ما تقول كان سكرتير الجلسة .. وقال مش عارف إيه واتهاماتى أنا كانت دعوة إلى انقلاب بالقوة والألفاظ .. والسمات القانونية إنما هى كده .. سكت انتفضل أقعد .. فعدت .. جابوا الشاهد الأول .. سألوه عمل إيه شفت إيه طلع إيه .. زكريا محبى الدين بقرأ ويقول له ده صح يقوم يقول له لأ .. لأول مرة فى حياتى أشرفها .. طلع الشاهد الأول شاهد نفى وليس شاهد إثبات .. هاتوا الشاهد الثانى برضه .. مش كده .. طلع ليس شاهد إثبات .. أنا معاه حنة ورقة صغيرة كنت فاهم إنى أقدر أكتب ملاحظات علشان أدافع عن نفسى .. رفعت الجلسة .. كان رئيس الجلسة جمال عبد الناصر .. شوية سمعت موسيقى كلاسيك من أوضة الجلسة » .

• مين كان من هواة الموسيقى ؟

• « مش عارف .. فضلت أسمع موسيقى زى ما هم بيسمعوا كتر خيرهم لأنهم لم يحرشوها .. وبعدين انتفضل .. دخلت لاقيتهم جايين شاهدأ .. الشاهد بيقولوا له إنت شفت إيه أيام ما كنت عنده وكنت نظفر معه وكان يتكلم عن الدستور .. أيامها كان رجال الثورة قالت إن كل حزب أو كل جماعة عايزة تشترك فى السياسة تعمل دستوراً جديداً .. وأنا بصفتى فى مجلس الوصاية كنت بأخذ نسخة فكانت عندى نسخة من اللي عملوها الإخوان المسلمين زى أى واحد وخلص .. ودى الإدانة .. وخلص انتهت المحاكمة على هذا الأساس » .

- وماذا كان الحكم ؟
- الحكم ٢٥ سنة سجن تخفيفاً للإعدام ! ..
- وفى ١٠ ديسمبر سنة ٥٢ أعلن نجيب باسم الشعب سقوط دستور ١٩٢٣ ..
- وفى ١٨ يناير سنة ٥٣ حُلّت الأحزاب وصودرت أموالها .. وهكذا أغلق ملف الأحزاب لمدة ربع قرن ...
- ويقول محسن عبد الخالق : « كان الجيش قد تقدم للوفد وبعض الأحزاب بسؤال ملخصه ماذا تريدون لإعادة البرلمان ؟ وقيل هذا العرض بالرفض » .
- ويقول عبد المحسن أبو النور : « إحتا الأول خالص الجيش ما كانش عنده تفكير إنه يحكم .. كان التفكير إنه حترج الأحزاب تحكم تانى .. بعد ما تكون طهرت نفسها وبعدين بيتدوا يصلحوا فى الوضع السياسى والاقتصادى للبلد ولكن عرض عليهم قانون الإصلاح الزراعى .. رفضوه فكانت النتيجة إنه لا مفر من إن الجيش بيتدى يحكم .. وابتدا حل الأحزاب وابتدا ينفذ هذا القانون » .
- ويقول إبراهيم شكرى : « فى يوم ١٦ يناير سنة ٥٣ صدر قرار من مجلس الثورة بحل جميع الأحزاب .. لأنها شاركت فى فساد الحكم .. عند ذلك أقول إن هذا القرار لم يطبق على الإخوان المسلمين .. على اعتبار أنهم ليسوا حزباً إنما هم جماعة .. بينما التحليل الصحيح إنهم كانوا بالفعل لهم تنظيمهم .. ولهم أدواتهم .. ومن هنا وجد أنه لا بد من الفصل بين الأمرين .. ولا يؤخذ الأمر دفعة واحدة مع الكل .. وإن كان هذا جعل موقف الإخوان المسلمين يضعف شعبياً من حيث إنه إجراء اتخذ ضد الحريات قبلوا به .. ولكن بعد ذلك عندما أخذت صدهم كثيراً من الإجراءات .. لم يجدوا صدى شعبياً يقف بجانبهم » .
- وأسأل الملكة ناريمان : كان إيه شعور الملك فاروق فى موضوع إلغاء الأحزاب ؟
- « لا ما أقدرش أتكلم وأقول عن فاروق .. أتكلم عن نفسى .. إلغاء الأحزاب كان المفروض طبعاً لأن الأحزاب لم تتعاون .. وأنا أحترم جداً النحاس باشا كان كبير فى السن وكذلك أحترم حرمة .. ومش عارفة أقول إنهم خدعوا على باشا ماهر .. أظن إنهم خدعوه .. ومحمد نجيب اللى قالوا عليه الرئيس محمد نجيب .. يعنى ربما كان فيه تفكير .. وقال لهم إحتا مش اقتصاديين ولا سياسيين .. قمنا بالمهمة وحتملها لكم » .
- وهكذا امتلأت الأيام بصور التأييد وأشكال التغيير ...
- ويقول توفيق عبده إسماعيل : « بعد ٥ - ٦ شهور لما بدأت الخلافات على السطح بين عدد من داخل أعضاء مجلس الثورة وبين عدد من خارج أعضاء مجلس الثورة .. منهم أنا شخصياً .. بدأت خلافات كثيرة .. فبدأت علاقتى تبعد عما يدور داخل الجيش وداخل الثورة

إلى أن خرجت من الجيش خالصة في يونيو ٥٤ .. فاحتفظت بأوراقى وبعلاقتى بالناس ومتابعتى للأحداث .. وبعد الثورة اختلف الوضع تماماً .. عدد كبير مش من الضباط الأحرار اتضح أنه كان في التنظيم إنما لم يطلب منه المشاركة .. وأوكلت إليه مسئوليات بعد الثورة مسئوليات كبيرة مالهائش دعوة بمشاركته فى السلاح .. فى نفس الوقت المجموعة التى شاركت من الضباط الأحرار ليلة الثورة تصورت - وأنا منهم - كان سننا صغير يعنى حوالى ٣٠ سنة وأعضاء مجلس الثورة متوسط منهم من ٣٠ - ٣٣ سنة وإحنا كلنا فى العشرينات .. فتصورنا إن إحنا أصحاب حق فى إملاء الرأى ، .

* ويقول محسن عبد الخالق : « بعد ٥٢ دخل عبد الناصر ما يسميه الصراع على السلطة .. مقابل ومؤامرات ومناورات .. وده كان صراع على السلطة شديداً جداً ، .

* وأسأل خالد محيى الدين : أعضاء مجلس قيادة الثورة فى البداية كان عملهم عملاً مشتركاً جماعياً ؟

* « طبعاً كلنا كنا بنكمل بعضينا .. سياسياً وعملياً .. وذلك لما كان المجلس متعاوناً مع بعضه ويكمل بعضه .. وكان الجو ماشى .. أول ما حصلت الخلافات حصل الانقسام والخروج .. فهم كانوا أول ما قامت الثورة يعملون .. بروح طيبة وكانوا يكملوا بعضهم ، .

* وأسأل كمال الدين حسين : بمرور الوقت اختلفتم فى الآراء .. إلى أى مدى كانت هذه الاختلافات ؟

* « شوف هو وجود ١٣ بيتناقشوا فى موضوع معين لازم يحصل فيه خلافات فى الرأى .. وده موضوع طبيعى ويديهى .. وكان عزيز المصرى يقول لنا إيه يا أولاد اتخانقوا مع بعض واضربوا بعض .. وبعدين فى الآخر تستقروا على رأى .. هو ده الذى تطلعوا به على الناس .. واولعوا توروا الناس أنكم مختلفين .. وكان بيحصل طبعاً مناقشة فى كل حاجة .. وكل واحد يقول رأيه تمام .. وبعدين بالتدرج .. الأيديولوجيات والأفكار عند بعض الناس تختلف ولكن فى الأول يمكن .. يعنى لم نختلف على حاجة أساسية .. كل الأحزاب اتقبلت ضدنا وكل العالم الخارجى .. وللأسف العالم الداخلى معاها ضدنا .. ووصل الخلاف أشده فى مارس ٥٤ مع محمد نجيب ، .

* ويقول عبد اللطيف بغدادى : « قامت الثورة وكانت القيادة جماعية .. كل موضوع بينافس .. والمهم رأى الأغلبية .. وفضل مستمراً فترة طويلة من البداية .. وكانت تطلع القرارات مضبوطة مع الخلافات التى بتتوجد .. الخلافات فى الرأى .. جمال سالم كان عصبياً شوية .. وكان صلاح سالم كذلك .. لكن كان كلها فى الصالح .. لكن ما حصلش صراعات حول السلطة .. إلا فيما عدا موضوع محمد نجيب فيما بعد ، .

* ويقول أمين شاکر : « والله عبد الناصر كان رجلاً بيمعد جداً إنه أحد أفراد الشعب .. وكان يحترم الناس ويحبهم لأقصى حد .. وكان يكره أن يقع أى أذى على أى بنى آدم حتى لو كان

ألد أعدائه .. وكان يحب قوى يستمع لوجهات نظر الناس .. ولما تكلمه تلاقيه يشجعك إنك تسترسل في كلامك .. وكان يبحكم على إني أحضر كل الاجتماعات .. وكان بعد الاجتماع يقول لى نقطة كذا عاوزك تتصل بفلان تتوضحها لى واكتب لى تقريراً .. هى دى الديمقراطية فى نظرى ؟

● وإزداد القبول الشعبى لمجلس القيادة يوماً بعد يوم ..

● واحتفل الثوار بمرور ستة أشهر على نجاح الحركة ..

● وأنشئت هيئة التحرير فى يناير سنة ١٩٥٣ ..

● وأسأل أحمد طعيمة : ما الذى تذكره عن إنشاء هيئة التحرير ؟

● بعد نجاح الثورة .. كان التنظيم كله عسكرياً بحتاً .. كله ضباط الجيش .. ولم يكن للثورة قاعدة شعبية .. أو حزب سياسى .. أو تجمع مدنى .. فكان ده نقصاً شديداً بتواجهه الثورة .. فكانت مفاجأة للشعب كله .. إن ضباط الثورة قاموا بالثورة لصالح الشعب .. إنما ما فيش تنظيم يضم مبادئ الثورة .. أو يحتضن مبادئ الثورة .. كان فى ذلك الوقت فيه أحزاب سياسية كثيرة .. وكان هناك إخوان أيضاً .. ويحل الأحزاب .. أصبح هناك فراغاً سياسياً .. الفراغ السياسى ده .. تصور الإخوان أنهم الورثة الحقيقيين لثورة ٢٣ يوليو .. وأنهم أصحاب الحق فى أن يكونوا ممثلين للثورة .. وأن الضباط قد أنهوا مهمتهم بنجاح ثورة ٢٣ يوليو .. وأن عليهم تسليم مقاليد الحكم للإخوان المسلمين .. باعتبار الإخوان المسلمين هم الحزب السياسى للثورة .. أو القاعدة الشعبية التى تعتمد عليها ثورة ٢٣ يوليو .. وطلبوا جمال عبد الناصر بأن ده الوضع اللئى يجب أن تمير فيه الأمور .. يمكن أهم اعتراض اعترضه جمال عبد الناصر على هذا الموضوع .. وده يمكن لم ينكر من قبل .. إن الشعب المصرى فيه أقباط كثيرين .. وهم جزء من الشعب المصرى لا يمكن تجاهله .. فإذا اعتبرت الثورة إن الإخوان هم الحزب الوحيد الموجود فى مصر واللئى يمثّل ثورة ٢٣ يوليو .. إذن أين يذهب أقباط مصر ؟ ومن يريد منهم العمل السياسى وأن يكون له رأى فى تسيير دفة الأمور .. إلى أين يذهب .. هل ينضم للإخوان المسلمين ؟ هذا منطق غير مقبول لا شكلاً ولا موضوعاً .. فالرئيس جمال اقترح أنه يتم عمل حزب أو هيئة .. تمثل مبادئ الثورة .. وفى هذه الحالة إذا أراد الإخوان أن ينضموا إلى هذا التنظيم .. فالأبواب مفتوحة لهم .. وإذا أراد قبطى أن ينضم إلى هذا التنظيم فالأبواب مفتوحة له .. وتبقى البلاد كلها تسيح واحد .. وشعب واحد .. بتمثله « هيئة التحرير » .. اعترض الإخوان اعترضاً شديداً على هذا الموضوع .. واعتبروا أن ده قضاء على مستقبلهم مع ثورة ٢٣ يوليو .. وإن بهذا الشكل جمال عبد الناصر تخلص منهم نهائياً .. بقيام هيئة التحرير .. فى الواقع .. أى نجاح حققته هيئة التحرير .. لا يمكن أن ننسبه إلى هيئة التحرير .. أو لمن قاموا بهيئة التحرير .. وبالذات المؤسسين .. اللئى صدر بهم قرار التأسيس .. كان جمال عبد الناصر .. وصلاح سالم والطحاوى وأنا .. كنا ٤ أو ٥ .. الخامس أنا مش متذكره .. النجاح الحقيقى جاء من معنى واحد .. أن الشعب المصرى بأجمعه .. كان منتظراً ثورة تخلصه مما كان يمانيه ..

هذه الثورة بمبادئها .. استقبلت استقبالا عظيماً من الشعب المصري .. فأى واحد دخل أو انضم لهيئة التحرير .. هو فرحان بثورة ٢٣ يوليو .. ومش عارف ينضم لها إزاي .. هيئة التحرير فتحت له الباب أنه يكون أحد أعضاء ثورة ٢٣ يوليو .. وده مسبب النجاح الحقيقي لهيئة التحرير .

• ويقول أمين شاكر : « الواقع إحنا لما عملنا الثورة .. حسينا بتعاطف وتأييد من الغالبية العظمى من الشعب .. ولكن السياسة تحتاج دائماً ممن يتولى الحكم والإدارة أن يبقى له قاعدة شعبية .. القاعدة الشعبية دى كانت على مدى السنوات الطويلة .. من نهاية الحرب العالمية الثانية أو الأولى .. حتى سنة ٥٢ كانت الأحزاب السياسية هي الموجودة .. وبعدين جاء الإخوان المسلمين .. وبقي لهم قواعد ممتدة إلى القرية والكفر والنجع .. وبعدين جم الشيوعيين .. وكما تعلم كانوا بيتغلغلوا ويتدخلوا في مراكز حساسة كثيرة جداً .. إحنا ما كناش لنا قاعدة شعبية .. فكرنا أن نعمل قاعدة شعبية .. « هيئة التحرير » .. وكانت تجارب مش ناجحة .. والناس بقت تتساءل الثورة دى حتعمل إيه .. أهدافها إيه .. ومافيش إجابة .. فقلت لعبد الناصر .. لازم نقول للناس الثورة دى قامت ليه وعازوه تعمل إيه .. إحنا حسينا أن إحنا قاعدين على الهواء ومافيش تحتنا قاعدة شعبية .. نهركها وقت اللزوم .. وعبد الناصر فكر في تكوين حزب .. وأقدر أقول إن جزءاً كبيراً من مجلس قيادة الثورة وافق على هذا الرأي .. ولكن هذه العملية كانت Long Term لأن الحزب حيعمل إيه ؟ وحيت اختيار أفراداه إزاي ؟ ومن سيتولى أمره ؟ وما مدى العلاقة بينه وبين مجلس قيادة الثورة ؟ وطبيعة هذه العلاقة ؟ كل دى حاجات كان لازم تُدرس وتأخذ وقتاً طويلاً جداً .. وده اللي خلى محمد نجيب قدم نفسه للناس أنه عاوز يعمل حزباً .. أو يعيد الأحزاب اللي كانت موجودة قبل الثورة .. ويقود البرلمان .. والديمقراطية .. مع إن دى كانت فقرة إلى الخلف .. دى معناها أنك ترجع الأحزاب بالوضع اللي كانت عليه قبل سقوط فاروق .. كانت حترجع زى ما هي .. يعنى كنت لما حتعمل انتخابات .. كان الوفد طبعاً حيكتمسح هذه الانتخابات .. مش عاوزة أى شك .. واللى حيشكل الحكومة رئيس الوفد والوزارة من أعضاء الوفد .. أنا ما عنديش شيء ضد الوفد .. لكن الأحزاب السياسية في عهد فاروق .. انحرفت .. وكان جزء كبيراً من جهودها يتجه لإرضاء الملك على حساب الشعب .. وده اللي كنا عاوزين نمنعه .. لأن الملك كان له اتصال بالسفارة البريطانية .. وكانت السفارة بتشغله « بالزميلك » زى ما يقولوا .

• ويقول أحمد أبو الفتح : « عادت الرقابة على الصحف يوم ٢٨ من يناير عام ١٩٥٣ .. كانت أوامر جمال تقضى بالآي يعترض على نشر أى مقال أكتبه بتوقيعي .. وكثيراً ما كان يختصني بأخبار هامة .. فلما اندفعت أعارض اتجاهه إلى الحكم العسكري .. بدأت المضايقات .

• وصدر فيما بعد كتاب : فلسفة الثورة ...

• وكانت الثورة قد حاولت إرضاء الإخوان ولم تطبق على جماعتهم قانون حل الأحزاب ...

* **ويقول أمين شاكر :** « الإخوان المسلمين .. قلّ فيهم ما شئت .. ولكنهم تنظيم سياسى منظم .. ويتميز عن التنظيمات الشيوعية .. والتنظيمات السياسية الأخرى .. لأنهم مدرسين إلزاميين و .. و .. إلح .. إنهم واصلين للكفور والنجوع .. إلى آخر البلد فأى حاجة عاوزين يوصلوها للناس .. الناس بتوعهم يقدرُوا يوصلوها لنهاية النهاية .. أنا كنت أعرف سعد الهضيبى .. بنت الهضيبى .. ففلت لها أنا عاوز أقابل أبوكى .. علشان خاطر أنا عاوز أدعيه ييجى يقابل سيادة الرئيس عبد الناصر .. فعملت لى ميعاد معه .. ورحت وأحضرتة فى عربيتى .. وقدمته إلى عبد الناصر .. واتفق فى هذا الاجتماع .. إن الإخوان المسلمين يعتبرُوا أنفسهم القاعدة الشعبية للثورة » .

● **وبدأ الإخوان يقفون موقف الخصومة من الثورة .. وفسلوا الباقورى من جماعتهم لقبوله منصب الوزارة ...**

* **ويقول جمال حماد :** « طالب الإخوان بأن يكون صوتهم مسموعاً .. ويوم أن ألف محمد نجيب الوزارة كان بها بعض رموز الإخوان .. ومنهم أحمد حسن الباقورى .. عاد الإخوان ورشحوا بعض من لم تقبلهم الثورة » .

* **وأسأل أحمد كامل : ماذا تقول لنا عن الثورة والإخوان المسلمين ؟**

* « الإخوان المسلمين فى الحقيقة .. فى بدء الثورة .. كانوا من أعظم المؤيدين للثورة .. وبعد فترة من الفترات .. أرادوا أن يكونوا هم المسيطرين على الثورة .. وهذا لم يكن ممكناً » .

* **وأسأل فريد عبد الخالق : تفكر أصل الحكاية إيه ؟**

* « والله ده سؤال كبير ومهم .. وأنا لا أخفى عنك أننى فى أوائل ٥٤ .. اعتقلت كما اعتقل الكثيرون من القيادات .. والسؤال ده اللى تفضلت به .. سؤال يطرح نفسه .. لدرجة اللى حفقوا معى .. قالوا لى بصراحة إحنا ضباط فى الثورة .. بس لازال عنقنا غموض فى الحنة دى .. فى الأول كنتم حبايب قوى .. ويعدين مرة واحدة .. تطورت الأمور ١٨٠ درجة .. إيه الحكاية دى ؟ بيقال لنا كلام بس مش مقنع بينى وبينك .. وعلشان تطمئن إنها رغبة خالصة .. إحنا حفقفل التحقيق وخلينا إحنا نفهم .. فالسؤال مش بس النهارده .. من سنة ٥٤ .. وعلشان أخط النقط فوق الحروف .. وباختصار ويكون فيه كلام مقنع وواضح .. أقول الحقيقة .. إن الاتفاق بين جمال وبين الإخوان .. فيما يتعلق بالارتباط بالمبادئ بتاعة الإسلام ما كانت واضحة وضوحاً كافياً الحقيقة .. ولذلك لما حصلت الثورة .. وقربنا .. كان فيه ضباط أحرار وفيه ضباط لإخوان .. هو بدأ يقول فكره وأعلنها للإخوان وقال بصراحة أنا أرى أن من المصلحة .. ألا توصف الحركة بأنها إسلامية .. أو تبع الإخوان .. لأن ده حسيب لها منفصات من الخارج .. وقد يكون من الداخلى .. لأن البلد فيها انتماءات فكرية .. والخارج له نظرة معينة .. إنما كان بدأ يتعامل لأمر ما مع الضباط اللى هم من الإخوان أصلاً .. فهو كان أول صلته العملية بعبد الرحمن السندى ومن معه فى النظام الخاص .. توطدت الصلة لدرجة أنه بايع الإخوان

فيبدأ يحصل زى ما نقول طباع فى مسئلكه وفكره .. قال إنه مش لازم الارتباط ومسلكه أنه بدأ يجنب الإخوان .. فعلاً عبد المنعم عبد الرؤوف .. وهو أقنم منه .. وكذلك أبو المكارم عبد الحى .. نعاماً وأخرجهما من التنظيم .. فدى كانت علامة بداية الشرخ .. وبدأ يتسع وحصل الخلاف .. ودى نقط مهمة .. ليه حصل الخلاف ؟ لأن استكمال الصورة يستدعى مزيداً من البيان علشان يفسر المسألة دى .. لأن المسألة لها ما بعدها وعملت صداماً .. ولذلك للأسف هو الناس فى السلطة يظهر غصب عنهم حتى مع حسن النية يظهر السلطة لها مؤثرات قد لا يعرفها المحكوم إلا إنها بفوصله إلى أشياء محل نظر .. تجد الظاهرة دى مع محمد نجيب .. بهذا القدر وهذه المكانة دخل السجن .. ورشاد مهنا دخل السجن .. عبد الحكيم عامر بهذا القرب حصل له ما حصل .. فدى ظاهرة .. مش بس الإخوان .. بما يدل على أن فيه مسبب ثانى كمان .. يتعلق بشخص عبد الناصر نفسه ومنهجه .

• **ويقول مأمون الهضيبي :** « الخلاف بدأ بعد الثورة بفترة .. وده الشيء اللي كان منتظراً .. أن هو مادامت ثورة .. ويقولوا وضعنا رؤوسنا على أبيدينا .. مش حسيبوا لغيرهم .. وبعد فترة .. هو تخلص من باقى الأحزاب وبقي أمامه حركة قوية موجودة .. لا يريد لها أن تشاركه فى الوجود .. هي مادامت موجودة .. حاجة من اثنين .. إما تبقى نهمل .. وإما تشارك .. لتتخذ موقفاً معارضاً وتنتقد .. يا إما تشارك .. فهو مش علوزها خالص . »

• **بينما يقول أبو الفضل الجيزاوى :** « للأسف الإخوان .. عيهم الأساسى أنهم لا يعترفوا بأى قيادة أخرى غير قيادتهم الذاتية .. ولهم مخطط .. ولهم منهج هم بيرسموه .. فكان من المستحيل أن يتفقوا مع عبد الناصر فى مخططة .. وبصفة خاصة إحنا كان لنا مبادئ واضحة ٦ .. كانت بعيدة عن الدين إلى حد ما .. لأنه ما كانش فى صميم الدين .. الإخوان عاوزين كل حاجة دينية صرف .. فاختلفنا معهم .. على أساس أنهم حاولوا يخلونا نمشى فى طريقهم .. فكان مستحيلاً . »

• **وقام عدد من ضباط المدفعية بالدعوة إلى أن يتم تمثيل الضباط فى مجلس القيادة بالانتخابات ، وأدى ذلك إلى اعتقال عدد منهم فى ١٥ يناير سنة ٥٣ ...**

• **ويقول عبد المنعم أمين :** « طلبت صورة من التحقيقات التى أجريت مع الضباط المقبوض عليهم .. وقال لى عبد الناصر إن زكريا محيى الدين سيسلمها لك .. ولكن زكريا تجاهل الطلب .. وترزع صلاح سالم حملة هجوم على .. ثم وجه لى زكريا وجمال سالم عبارات عنيفة . »

• **ويقول جمال الدينى :** « كانت الأعصاب متوترة .. ده رأى الشخصى ما أعرض الحقيقة ليه .. فأى حركة فيها نوع من التذمر وأى حركة فيها اعتراض كانت بتتخذ بمعانى أخرى وإن حبيقتى فيه اعتقالات .. وإن حبيقتى فيه ثورة مضادة .. إلخ .. أدى كل الحكاية .. فقامت الثورة وكل الحاجات اللى حصلت كانت « زوبعة فى فئجان » .. أنا متصور كده .. أعتقد إن مافيش حركة

مدفعية ولا فيه حاجة .. كانت عملية أعصاب مشدودة .. يعنى محسن عبد الخالق جيعمل انقلاب ضد عبد الناصر وهو أخوه .. صديقه .. مش ممكن .. العملية كلها عملية تأمين للثورة .. والأعصاب مشدودة ومتوترة .. وما حدث متحمل يسمع كلمة فيها اعتراض ولا معارضة ولا كلمة نقد ..

* هل لذلك وزع الضباط وعادوا إلى ثكناتهم العسكرية .. أو أبعدوا خالص من الجيش ؟

* « يعنى ما حدثش ابتمد .. هو فيه ناس طلبت إنها ترجع الجيش .. وعادوا وقعدوا فى الجيش لغاية ما طلعوا معاش طبيعى .. وفيه ناس انتقلوا .. يعنى لو علوزين بيعتوا ناس فى حنة معينة .. محتاجة واحد يكون مخلصاً ومن التنظيم بيعتوه .. »

* ويقول خالد محبى الدين : « عندما بدأ زكريا محبى الدين التحقيق مع سامى شرف فى قضية المدفعية اكتشف أنه بإمكانه أن يتحول إلى « شاهد ملك » .. فأبلى باعترافات عديدة .. وبعد ذلك عُين فى مكتب زكريا .. ثم نُقل بعدها إلى مكتب عبد الناصر .. »

* ويقول جمال حماد : « أثار ضباط المدفعية موضوع الشائعات عن علاقة صلاح سالم بالأميرة فائزة شقيقة الملك فاروق ومساعدتها لإخراج مجوهراتها .. ونتيجة لانفضاح العلاقة بهذا الشكل أصدر مجلس القيادة قراراً بإخراجها من مصر فى ٢٤ ساعة .. »

* ويقول أحمد أبو الفتح : « سمعت أن أحد الأثرياء الأجانب المقيمين بالقاهرة كان قد دعى إلى حفل حضرته الأميرة فائزة .. وحضره صلاح سالم مع عدد من زملائه الضباط الأحرار .. وحدثت على ما يبدو مشادة انتهت بأن قذفت الأميرة ما فى كوبها فى وجه صلاح سالم .. ولا أعرف عن مدى صحة علاقتهما شيئاً .. »

* ويقول محسن عبد الخالق : « كلمة للضباط الأحرار أو حركة الضباط الأحرار الذى أطلقه مجموعة السوارى التى كانت تقوم بطبع المنشورات .. فمجموعة السوارى هى التى كانت تطبع المنشورات وتوزعها وهى التى كانت تكتب المنشورات .. وده كان اتفاقاً فيما بيننا وهى التى أطلقت اسم « الضباط الأحرار » .. وهذا الاسم الذى أطلقه جمال منصور وزملاؤه الذى هو مصطفى نصير وعبد الحميد كفاوى .. هذا هو الاسم واستمرينا نجند الضباط إلى ٥٢ .. »

* هل كان عبد الناصر يتخلص من أعدائه وشركائه واحداً بعد الآخر ؟

* « ده صحيح .. ولكن أخذت فترة .. وبدأت بعد قيام الثورة بشهر إنه تخلص من مجموعة قادة الفرسان جمال منصور .. لأنهم اجتمعوا وناقشوا تصرفات مجلس الثورة وقالوا مقولة معروفة « إنا ما شيلناش الملك نجيب ١٤ ملك » الذى هو لما كان محمد نجيب رئيساً للوزراء .. وإحنا بنتكلم نكر عبد الناصر كلمة عنوية ولكن يقصدها قال لى « إنت مثلاً لما تخش على لا تستأنن ومش ممكن أقدر أطلب منك إنك تستأنن ولما بتخش بتقعد .. ما أتصورش إنك تقف وأقول لك أقعد .. لما فلان بيخش علشان يخش لى لازم يدى تليفون ويستأنن السكرتير وما يقعدش

إلا لما أقول له .. فابتدا هو بحس بعدم راحة مع وجود شركائه فى الحركة الوطنية .. هو عاوز يقول عاوز يتجنب لما يكون قاعداً مثلاً ويقول أنشأت الضباط الأحرار وعملت كذا .. وأنا موجود .. سيجد حرجاً فى إنه يقول مثل هذه الأشياء .

• بينما يقول توفيق عبده إسماعيل : بدأ هناك صراع .. ظهرت فكرة فى ديسمبر سنة ٥٢ .. إن ليه ما نعملش انتخابات .. وليه ما نيقاش انتخابات النادى ومجلس إدارة النادى .. وهو ممثل الضباط .. فتحدى كمال الدين حسين إخواننا فى سلاح المدفعية فى هذه الفكرة .. وقال نقعد ونتفق مين يمثلنا .. وهو رشح نفسه .. فانهزموا هزيمة نكراء .. وكسب ٣ من المجموعة الأخرى اللى كانت بتناوىء كمال حسين وصلاح سالم .. ويتجادل فى وضعهم إنهم بنويوا عن سلاح المدفعية .. وكان مقررأ إن يوم ١٤ يناير سنة ٥٣ .. يبقى فيه انتخابات لنادى الضباط .. كمال الدين حسين طلب انعقاد مجلس قيادة الثورة .. ويقرر اعتقال حوالى ٤٥ ضابطاً من سلاح المدفعية ومعاهم رشاد مهنا .. ومجموعات من الإخوان .. ومعاهم مجموعات أخرى من الضباط الأحرار .. ومن الضباط المشاركين فى الوفد وخلافه .. مجموعات كبيرة اعتقلت فى ذلك اليوم .

• نقرر نقول تحت عنوان صراع على السلطة ؟

• فى اعتقادى كان صراعاً على السلطة .. يعنى صراع على القرار والمشاركة .. لأنه كانت الرغبة أن ننتخب أعضاء مجلس قيادة الثورة وده كان سلاح المدفعية بس .. أنا كان لى اتصال بهم .. فلما اعتقلوا .. أنا والضباط اللى معاى قررنا أن نحتج على اعتقالهم .. وأعلنا احتجاجنا لثروت عكاشة .. كان يوم جمعة .. قلنا له إحنا بنحتج على هذا الاعتقال .. وده أمر غير طبيعى .. دول مجموعة كبيرة منهم من الضباط الأحرار .. ولا يصح أن يعتقلوا .. المفروض يتحاكموا ويتحقق معاهم .. تحقيقاً سليماً بالنظام العسكرى .. فهو اعتبر لما أبلغ بهذا الكلام .. اعتبر إن إحنا عندنا استعداد للتمرد .. فأثر أن يبلغ .. وكان التبليغ للأسف الشديد نتيجته اعتقالنا أنا وحسن المنهورى وكان له أخ أكبر منه فى سلاح آخر .. بيتركب كثير .. وأنصور إن لنا علاقة به .. وإحنا اعتقلنا .. وحقق معاى .. الأخ الأكبر حكم عليه بالإعدام .. وحسن المنهورى حكم عليه بـ ٥ سنوات سجن وأنا طلعت براءة .. إنما أبعدت عن سلاح الفرسان فى ٢٦ يناير ٥٣ .

• واعتقل الإخوان المنهورى ...

• وأسأل حسن المنهورى : كان لكما موقعة شهيرة جداً .. وأخوك الذى لم يشترك مع الضباط الأحرار وقت قيام الثورة .. حكم عليه بالإعدام .. لماذا ؟

• بالفضل حسنى لم يشترك فى الثورة .. إنما كان على علم .. إنت عارف إحنا إثنين إخوان .. فدائماً ما بيقااش فيه اثنان مشتركان فى عمل ولحد أبدأ .

• باستثناء صلاح وجمال سالم ؟

« والله ده كان وضعاً غريباً شوية .. مش عاوز أخوض فيه .. لأني لا أعتبر جمال سالم مشتركاً في الثورة .. كان فين جمال سالم ؟ كان في العرش .. كان على بال ما وصل الوحدة بتاعته .. الساعة ١١ - ١٢ بالليل .. يعني أنا ما سمعتش عنه الحقيقة .. إنما .. إنت عارف بعد قيام الثورة ابتدئت للمسايل تأخذ شكلاً آخر .. اتجاه ديكتاتوري من الأول خالص .. يعني الثورة قامت لتحقيق عدالة اجتماعية .. لتحقيق الديمقراطية .. حكم الشعب بالشعب وللشعب .. إنما المسألة ابتدئت تأخذ اتجاه تاني .. أول حاجة اتعملت كان نادى الضباط .. ده بالانتخاب .. طول عمره بنسمع عليه بالانتخاب .. فكان مفروضاً نتحصل انتخابات نادى الضباط في ديسمبر ٥٢ .. طبعاً الانتخابات دي ألغيت .. لأن إحنا كنا بننادي وينسأل مين اللي جاب أعضاء مجلس الثورة دول .. هل هم الضباط اللي قاموا بالثورة .. هم اللي جابوا أعضاء مجلس الثورة دول بالانتخاب .. بأى حق أن الناس دي أصبحت هي قيادة الثورة .. وما كانوا مسميين أنفسهم كده .. فإحنا نادينا بأن يكون هناك مجموعة من الضباط بالانتخاب تساند القيادة في عملها وتمنعها من الشطط .. نادينا بهذه الفكرة وقلنا لازم يكون فيه ضباط منتخبين .. يقفوا بجانب القيادة اللي موجودة .. فطبعاً الكلام ده لم يعجب القيادة العامة .. وابتدئت في نقل بعض الضباط .. وحصل موضوع المدفعية .. كان فيه اتصال مع الجماعة بتوع المدفعية عن طريق محيي الخولي .. على أساس الفكرة بتاعة الانتخاب .. وبعدين جم حبوا يتخلصوا من الضباط اللي ساعدوهم في الثورة .. فقبضوا على بتوع المدفعية .. ولما قبضوا عليهم حصل أنه ابتدا تحرك في الفرسان على أساس أن إحنا نحاول نقف أمام القيادة .. ونحاول نشوف حل لبتوع المدفعية .. فقبضوا علينا .. أقصد القيادة .. في يناير » .

• هل كان الرئيس محمد نجيب مسئولاً في هذه الفترة ؟

« الرئيس محمد نجيب كان قائداً عاماً للقوات المسلحة .. والرئيس عبد الناصر ما كانش لسه ظهر » .

• إذن ما كانش واحد منهما مسئولاً .. لا محمد نجيب ولا عبد الناصر ؟

« هي أوامر بتصدر من القيادة .. والقيادة مين ؟ القيادة محمد نجيب وعبد الناصر وصلاح سالم وزكريا محيي الدين وحسين الشافعي وخالد محيي الدين .. هم دول أعضاء القيادة » .

• وحصل إيه بالذات لآل المنهوري ؟

« حصل أن صدرت أوامر بالقبض علينا .. أنا في حوالي الساعة ٣ - ٤ الصبح .. وأخويا .. في نفس الساعة تقريباً .. وحصل مجلس تحقيق .. ده يوم ١٧ يناير ٥٣ .. بعد القبض على رشاد مهنا وجماعة المدفعية في ١٥ يناير أو ١٤ يناير .. وقبض على جماعة المدفعية .. وحصل التحقيق في تكاتت قصر النيل .. كان موجوداً صلاح سالم وزكريا محيي الدين وعبد اللطيف بغدادى وحسن إبراهيم وعبد الحكيم عامر » .

• وبصدر الحكم بناء على التحقيق ؟

• لا .. التحقيق استمر لوقت طويل .. من ٥ صباحاً إلى يمكن بعد الظهر .. وبعدين انتقلنا إلى القيادة العامة للقوات المسلحة في كوبرى القبة .. حوالى الساعة ٢ - ٣ بالليل .. كانت المحكمة برئاسة جمال عبد الناصر وعضوية جميع أعضاء مجلس الثورة فيما عدا .. عبد المنعم أمين .. ويوسف منصور صديق .. والرئيس أنور السادات ..

• فيه الثلاثة دول ما كانوا موجودين ؟

• الثلاثة دول .. عبد المنعم أمين ويوسف منصور صديق كانوا أبعدا عن مجلس الثورة .. والرئيس أنور السادات الحقيقة ما أعرض ليه السبب ما كانش موجوداً .. وبصدر الحكم .. ما فيش أغلبية ولا إجماع .. المحاكمة ما أخذت من ١٠ - ١٥ دقيقة .. وجميع أعضاء المجلس ما عدا ٣ المذكورين كانوا موجودين .. وفيما عدا محمد نجيب أيضاً ما كانش موجوداً ..

• ونص الحكم كان إيه ؟

• الإعدام على محمد حسنى المنهورى .. والليمان لليوزباشى حسن المنهورى ..

• ويقول أحمد حمروش : كان هذا هو أول حكم بالإعدام يصدر على ضباط فى الجيش المصرى بتهمة أخرى غير الخيانة العظمى .. وقد رفض نجيب التصديق على الحكم وقال : « إننى لا أريد أن أمضى فى طريق مفروش بحماء الزملاء من الضباط » ..

• ويعود محسن عبد الخالق فيقول : « بداية الخلاف إن الثورة لها مبادئ .. إنها ٦ مبادئ .. القضاء على الاستعمار .. تنظيم رأس المال .. الإصلاح الزراعى .. العدالة الاجتماعية .. الديمقراطية .. وهنا أنت مسألة الديمقراطية .. التصرفات اللى تلت سنة ٥٢ لا تنم عن الديمقراطية .. تصرفات تقودنا إلى الديكتاتورية .. وقد ناقضت عبد الناصر مناقشات طويلة بحضور ضباط المدفعية .. لابد من تحديد واضح لعودة الديمقراطية .. تقول إن فيه سنة مرحلة انتقالية .. لإصدار التشريعات الأساسية .. سنة سنتين ثلاثة لكن لابد أن يكون هناك ما يطمئنا وما يضمن لنا عودة الديمقراطية .. وهنا نشأ ما نسميه بمشروع المدفعية لتنظيم الحياة بعد ٥٢ .. »

• ويضيف محسن عبد الخالق : « المدفعية والفرسان متجاوبين .. يوم أنا ما اعتقلت اجتمع ٥٠٠ ضابط مدفعية .. لماذا اعتقل محسن عبد الخالق ؟ .. ومحسن عبد الخالق يحمل نجمة فؤاد العسكرية وحياء القائد العام عندما انتهت الحرب .. يعنى مش ح أقول تواضعاً .. أنا كنت بطل حرب فلسطين .. »

• محاكمته كان مين اللى يرأسها ؟

• مجلس الثورة بكامله برئاسة جمال عبد الناصر اللى ما قدرش يفض لى .. والميوزال اللى سألته

هل أنا كنت مشتركاً معهم ولا لأ .. قلنا له إنا أكبر من إنك تشترك معنا .. إنا مش مستعدين نأخذ توجيهات من أحد .. لأن مجلس الثورة كان بينهم أنه مشترك معنا في حركتنا .. أنا ذكرت مشروع المدفعية .. هذا المشروع الذى كان مثار الخلاف ومثار المحاكمة .. مجلس الثورة يكون من ٥ .. طب ليه ٥ .. منتوب عن سلاح المدفعية .. وممثل عن سلاح الفرسان .. ممثل عن سلاح المشاة وهو عبد الحكيم عامر .. والطيران .. وجمال عبد الناصر الخامس .. وعلى مجلس الثورة الـ ١٤ .. يفتخب الخمسة من بينهم .. وحتى لا يتحول مجلس الثورة إلى ديكتاتورية .. لابد أن يكون جمعية وطنية مؤقتة .. لفترة انتقال .. تتكون نصفها من الضباط الأحرار الذين قاموا بالثورة حتى يكونوا قوة والنصف الآخر من الوطنيين الذين لا خلاف عليهم .. يحصل توازن .. محمد نجيب رئيساً للجمهورية ويتولى شئون المراسم .. مجلس الثورة يضمن أن الحكومة بتطبق المبادئ الستة .. حكومة وطنية مدنية تتكون من اثنين من الحزب الوطنى أو أكثر .. اثنين من حزب الوفد يمثل القوة الوطنية الحزبية .. اثنين من الإخوان .. والباقي من الشخصيات المصرية التى لا خلاف عليها .. ده كان المشروع الذى قدمه والذى يحدد سلطات مجلس قيادة الثورة .. التى برزت بعد كده إنها سلطات مطلقة .. وقادتنا إلى الشمولية .. وإلى كارثة ٦٧ .. وعيننى جمال عبد الناصر سكرتير الحكومة المشتركة .. وقال لى أنت نمره ١٥ بعد ١٤ .. قلت له المسألة مش ١٥ و ١٤ المسألة إن هناك مبادئ لابد أن نحافظ عليها .. إنا طالبنا بالديمقراطية .. وكل واحد ابتداء يأخذ من نفسه سلطة مطلقة .. وقادة السوارى تخلص منهم .. المدفعية قلقت وانزعجت لهذا الإجراء .. وبدأ التخلص من اليوم الأول منذ الشهر الأول .. ولكن حسب تطور الأحداث .. فى سنة ٥٣ أصبحت المدفعية تشكل خطورة كبيرة .. فتخلص من المدفعية فى ضربة ٥٣ .. وقال لى فيما بعد إن لازم كنت أعمل كده علشان أسكت الجيش .. يبقى ما كانش فيه مؤامرة .. دى اختراعات جهاز المخابرات .. يقدر على أى حاجة .. ولكن .. لإسكات صوت الجيش .. بعد كده جمال عبد الناصر قالها لى شخصياً عندما خرجت من السجن .. كنت فى مكتبه مسنولاً عن النواحي السياسية .. لأن كان فيه أكثر من مدير مكتب .. فكنت أنا مديراً للمكتب للنواحي السياسية » .

* إذن كان اصطلاح معاك ؟

* « ما هو بعث لى وأنا فى السجن .. قال الثورة سنتتهى .. ووافقنا على آرائكم التى إنتم قلتموها عليها إنا موافقين » .

* وهل أخذت تخفيف حكم ؟

* « أخذت تخفيف حكم .. هو أصلاً ما رضوش بمضى .. انزعج جداً من الحكم بالإعدام .. أخذت ١٥ سنة .. وصلنا إن هو لما خرجت بعث لى .. لأن كان الجيش فيه ثورة .. وقال لى إن الثورة بتنتهى .. واختاره لخالد محيى الدين أعطى للمدفعية إن هناك طعم ولون أحمر فى الأزمة بتاعة ٥٤ .. ودى كانت حركة نكية منه جداً .. معنى أبلام المدفعية .. خالد محيى الدين صواباً

أر خطأ .. أعطى الشكل الأحمر في ذلك الوقت .. فلئن دى حركة حمراء .. المهم رجعت وأخذنى من يدي في المكتب » .

• ويقول فتح الله رفعت : سنة ٥٣ يعنى إحنا كنا كضباط ليس لنا في السياسة .. غير إن البلاد كانت حالتها وحشة جداً .. ويعدين أردنا برضه نظام الديمقراطية اللي بيناؤا به دلوقتى بعد ٤٠ و ٤٥ سنة .. إحنا سنة ٥٣ أول من صمم على أن الديمقراطية لازم تمارس .. أخذنا الصدام الأول .. وحتى أنا في التحقيق قلت لهم .. إزاي مؤامرة .. دى لا تتعمل « جهجاهون » كده .. تتعمل سراً .. إنتم معتقلينا لأن بيقلوا إن إحنا عاوزين نعمل ثورة مضادة !! » .

• مين اللي كان معتقلكم ؟

• جمال عبد الناصر طبعاً .. رغم وجود الرئيس محمد نجيب .. كان لسه ما بقاش رئيس جمهورية .. ورئيس مجلس قيادة الثورة هو جمال عبد الناصر .. والحق يقال .. « ولا نكتموا الشهادة » .. جمال عبد الناصر هو المنظم للثورة .. وهو المفجر للثورة لا شك في ذلك » .

• وبعد ما اعتقلت ؟

• بعد ما اعتقلت اتحاكمت » .

• كان الحكم إيه ؟

• بعد ما رشاد مهنا أخذ إعداماً .. ومحسن أخذ ١٥ سنة وهكذا بقية الأفراد الذين كانوا معتقلين معانا أخذوا .. اللي ٧ سنوات واللى ١٠ سنوات واللى كذا .. أما اليزباشى فتح الله رفعت تأجلت المحاكمة لحين أن يشفى من مرضه .. أنا كنت في زنزانة .. كان في السجن بتاع الأجانب اللي عند المحطة .. وكان أحمد أنور قائداً لمسجن الأجانب .. قُمت الصبح لقيت دم من معدنى نصف الأوضة .. كتبت لذكريا محبى الدين على ما أتذكر أنه حولنى إلى المستشفى العسكرى » .

• ويقول أحمد أبو الفتح : « كان الشيوعيون يقفون موقف العداء من حركة الجيش .. وكانوا يعتقدون أنهم عن طريق أحمد فؤاد وخالد محبى الدين وبعض الضباط الشيوعيين سيستطيعون السيطرة على الحركة .. فلما اتضح لهم عكس ذلك .. كانوا في مقدمة من هاجموا الحركة في منشورات سرية .. وبدأوا الهجوم خلال سبتمبر وأصدروا أول منشور لهم ضد الحركة وضد زيارات محمد نجيب للأقاليم وكان عنوان المنشور « رحلة البهلوان في آخر الزمان » » .

• وترك يوسف صديق مجلس القيادة .. وأبعد إلى أسوان .. فكان ثاني المبعدين بعد عبد المنعم أمين ..

• ويقول أحمد أبو الفتح : « أصبح يوسف صديق سوكة في حلق جمال عبد الناصر يثير له المتاعب كل يوم .. فما كان من عبد الناصر إلا أن وضعه تحت المراقبة الشديدة » .

- « وأسأل أمين شاكرك : لماذا ترك يوسف صديق منصبه في مجلس قيادة الثورة ؟
- « يوسف صديق ترك لأن برضه مراته الله يرحمها بقي .. كانت شيوعية مطرقة ، .
- « وهو ألم يكن كذلك ؟
- « هو كان يسارياً .. لكن ما كانش شيوعياً عموماً .. وكان تفكيره إن إحنا ما نتعاونش مع الإخوان المسلمين .. نتعامل مع الشيوعيين .. وهنا نشأ الخلاف اللي كان من الصعب جداً أن تجد حلاً له في بداية الثورة » .
- « ويقول رشاد مهنا : « قامت الثورة كلها على أكتاف يوسف منصور .. كل الثورة دي .. وأول واحد أبعد بعدى كان يوسف صديق منصور .. اللي قامت على أكتافه الثورة لأن هو جاء ودخل القيادة وغلط .. ربنا له في ذلك حكمة .. جاء قبل الميعاد بساعة وغلط في الطريق » .
- « ومن الذى أبعد ؟
- « جمال عبد الناصر الذى أبعد الكل .. مش يوسف صديق ومش رشاد مهنا فقط ، .
- « ويقول جمال حماد : « علل عبد المنعم أمين الحملة الشرسة التي شنت ضده بأنها من تدبير عبد الناصر شخصياً .. فقد كان يريد التخلص منه بمبب ما يتمتع به من شعبية بين ضباط المدفعية .. كما إنه لم يغفر له أبداً إنه أرسل عدة إشارات لاستدعاء رشاد مهنا من العريش إلى القاهرة بدون علمه » .
- « ويقول خالد محبى الدين : « عبد المنعم أمين لاحظنا علاقته الوثيقة بالأمريكان .. وثارت أقاويل عن ثروة زوجته التي كسبت كثيراً من البورصة .. وكان لا يخفى عداءه للعمال » .
- « وأسأل عبد المنعم أمين : لماذا تركت .. ويمكن كنت أول الذين بعدوا ؟
- « أنا خالفت نصيحة .. سل عن الرفيق قبل الطريق .. وعن الجار قبل الدار » .. أنا لم أعرف الناس دول للأسف .. لو كنت عرفتهم قبل كده ما كنتش انضميت لهم ولا وضعت إيدي في أيدهم .. لكن أنا من أول يوم حميت باني أنا راجل متداخل زى ما أكون جاي أنتهز فرصة علشان أخذ حاجة .. شعرت بشعور غريب .. إنى أنا غريب فى وسطهم .. أنا طبعاً أقدم منهم كلهم ما عدا محمد نجيب .. وأكاد أعرف واحد أو اثنين فيهم .. لما حميت بهذا الشعور وحميت إن ليس هناك ألفة بينهم وبينى قلت لهم فى أكتوبر يا جماعة أنا عاوز أستقيل .. جمال عبد الناصر وعبد الحكيم عامر كانوا عندى فى البيت قلت لهما أسبكم وأمشى .. قالوا ليه ؟ وكلام زى كده .. قلت أنا حاسس إن أنا غريب وبغاملونى بشئ من الحذر .. قالوا لأ المسألة إن ليس عندك شغل كفاية .. أقول لك سافر إنجلترا واعمل اتصالات علشان عاوزين نعمل مفاوضات مع الإنجليز .. علشان الجلاء .. وبهذا الشكل سافرت إنجلترا علشان أعمل الاتصالات .. والمصألة إنى شعرت أن هناك شئ يحاك من ورائى بطريقة الدس والوقعة .. وأقدر أقول لك إن حاجة حصلت يعنى راح واحد من مجلس القيادة جمع ٣ أو ٤ ضباط من

المدفعية المتحمسين .. وقال لهم عبد المنعم أمين .. قالوا طيب ليه لم تطلعوه .. قال عنده المدفعية .. قالوا إذا كان ضباط المدفعية تعرف إنه عمل حاجات وحشة زى كده .. طبعا مش حيرضوا عنه .. وحيرضوا إنكم تطلعوه » .

• ومين كان هذا الضابط ؟

• « صلاح سالم .. هؤلاء الضباط اجتمعوا بعد كده مرتين أو ثلاثة .. وكان يقول لهم حاجات كاذبة .. من ضمن الحاجات الكذب كان فيه تعديل وزارى فى نوفمبر .. لما سافرت إنجلترا أخذت مراتى معايا وبعدين لما رجعت بعد أسبوع خلصت المفاوضات .. عملت الأساس بتاع مفاوضات الجلاء .. ورجعت على اعتبار يدرسوا المسألة ويعطونى خبر وجئت تعديلاً وزارياً .. وحضرت الجلسة بتاعة التعديل الوزارى .. فقالوا فلان وفلان يخرجوا ومرتشح بدلاً منهم فلان وفلان .. بعدما بيومين « روز اليوسف » كتبت هذا الكلام كأنهم كانوا معانا فى الجلسة .. يبقى لازم أحد من المجلس قال لهم هذا الكلام .. يا زكريا شوف المخابرات بتاعتك مين اللى طلع هذه الإخبارية الصحيحة ؟ جاء بعدما بيومين أو ثلاثة .. وقال مرآث عبد المنعم أمين هى اللى طلعت الإخبارية .. وقيل هذا الكلام بحضور كل الأعضاء .. قلت لهم مراتى فى إنجلترا .. يا ترى هى عرفت الخبر منين .. وأذاعته ثانياً إزاي فى نادى السيارات ؟ وكان قاعد معانا عضو مجلس قيادة الثورة اللى قال لإحسان عبد القدوس هذا الكلام » .

• وحضرتك كنت لسه عضو فى مجلس قيادة الثورة ؟

• « طبعا أنا قعدت عضواً لغاية مارس ٥٣ .. كان قاعد عضو منهم وهو اللى قال هذا الكلام .. واعترف لنا بهذا أو اعترف لى شخصياً .. قال : أنا خرجت من هنا وقت على إحسان عبد القدوس فى بيته وبعدين قعدنا قعدة « تجلى » .. وقلت له .. هذه الحقيقة » .

• اللى هو مين يا قديم ؟

• « أنور السادات .. وفضل يهر دماغه على إنه لا يعرف إن مرآث عبد المنعم أمين والكلام ده كله .. ولم يفتح يومها فمه بكلمة .. دى عينة من عينات العقاب .. طبعا شعرت إنى لازم أسيب الناس دول » .

• وإمتى سبت مجلس قيادة الثورة ؟

• « أخذت أجازة أو أعطونى أجازة فى شهر يونيو سنة ٥٣ .. أجازة مفتوحة .. إنى أروح سفيراً أو ملحفاً عسكرياً فى أى حة .. وبعدين بعد ٦ أشهر أرجع تانى يكون تم تهدئة الضباط .. قبضوا على الضباط بتوع المدفعية اللى كانوا مسيطرينهم يعملوا كده .. شوف الشغل الغير شريف .. إنهم يقولوا للضباط حاجة ويخلوهم يعملوا حاجة .. وبعدين بيدأوا يجتمعوا وبعدين يروحوا قابضين عليهم .. ويتهموهم بالمؤامرة .. وحكموا عليهم بأحكام ما بين مؤبد و ١٥ سنة سجن .. وقالوا فرصة إننا ندخل رشاد مهنا بالمرة معهم .. أخذوا الضباط دول وأخذوا رشاد مهنا على اعتبار إنه متآمر وياهم » .

- وأسأل أمين شاكرا : لماذا ترك عبد المنعم أمين منصبه في مجلس قيادة الثورة ؟
- « والله عبد المنعم أمين كان يهمنى ما أتكلمش عنه .. لأن اللي أساءت إليه زوجته .. زوجته كانت سيدة اجتماعية وكانت عضوة في الكثير من النوادي .. زى نادى السيارات ونادى الجزيرة .. وكانت تتكلم كثيراً شوية .. وكانت تحب تتكلم في السياسة .. إنت عارف فيه بعض السيدات يحبوا يتكلموا في السياسة علشان يوروك إنه على علم .. حاجات كثيرة من اللي قالتها اتحسبت على عبد المنعم أمين .. وبالتالى أمر عبد الناصر إنه يطلع بره كسفير .. وحتى وهما بره أساءت إليه برضه » .
- ويقول مصطفى كامل مراد : « بالنسبة لعبد المنعم أمين لم يحصل شيء .. عبد المنعم أمين عين سفيراً في لندن .. بعد ما انتهى دوره .. يعنى الأوضاع هي اللي رتبت الأمور .. مآكنش المقصود التخلص منه » .
- ويضيف عبد المنعم أمين : « المفروض اللي كنت داخل عليه .. إيهام ناس وطنيين إذن لازم يشتغلوا لمصلحة البلد .. وبعدين وجدت كل واحد بيشتغل لنفسه يعنى يعمل أى حاجة يسىء في علاقته أو كلامه أو أى حاجة ناظراً لأن يخرج الشخص علشان يحل محله » .
- ويقول خالد محيي الدين : « عبد المنعم أمين أول من تركه المجلس يليه يوسف صديق يليه أنا » .
- ليه ؟
- « عبد المنعم أمين بعد أحداث المدفعية في يناير ٥٣ كان فيه شكوى منه ومن تسخلاته .. فالضباط مآكنوش راضيين عنه .. والحركة تقريباً كانت موجهة بسببه .. فاستبعد واتعين سفيراً .. ويوسف صديق كان كثير الحركة والكلام والنقد لمجلس قيادة الثورة .. بصورة حركية ينتقل للوحدات والضباط رغم التنبيه عليه فطلب منه أن يلزم بيته وحددوا إقامته .. وبعدين طلبوا منه الاستقالة .. وحجوا يعينوه سفيراً مارشيش .. خرج بره شوية وبعدين رجع » .
- وكان ذلك إعلاناً عن بداية خلافات أعضاء المجلس .. مع ظهور أسباب الصراع ... كما أبعد من القيادات ثروت عكاشة ...
- وأسأل د . ثروت عكاشة : لماذا اختلفت مع الرئيس عبد الناصر ؟
- « الخلاف في الرأي لا يفسد للود قضية .. الخلافات موجودة في كل مكان بين الزوج وزوجته .. الأخ وأخوه .. بين الأب وابنه » .
- حضرتك بتقول « مقالاً كتبته في مجلة التحرير أخرجنى من مصر » ؟
- « ظهرت مجلة التحرير كأول عمل صحفى بعد الثورة .. وقد توليت رئاسة تحرير هذه المجلة منذ العدد الرابع .. وكان الغرض من هذه المجلة أن تعكس أهداف الثورة للرأى العام .. وأن تعكس لمجلس الثورة حقيقة إرادة الشعب التي قامت الثورة من أجله .. وظللت رئيساً للتحرير

حتى العيد الأول للثورة في ٢٣ يوليو سنة ٥٣ .. وكتبت في ذلك التاريخ مقالاً بعنوان « هكذا قمنا بالثورة » .. تحدثت فيه بالضبط عما قام به سلاح الفرسان من واجبات أساسية جوهرية ليلة الثورة .. وهي جزئية كنت أعلمها .. وكنت أحيط بها كل الإحاطة .. لأنني شاركت فيها وكان لي نصيب في العمل فيها .. ولذلك لم أكتب عن ما دار في غير سلاح الفرسان من أسلحة أخرى في ليلة ٢٣ يوليو لأنه لم يكن لي به علم فلم أكتب شيئاً عنهم حتى لا أظلم أو أجور .. وبعد ظهور هذا المقال إذا بمجلس قيادة الثورة يصدر قراراً بوضع مجلة للتحريض تحت الرقابة .. وهو قرار يعلم أصحابه سلفاً أنني لن أقبله .. وقد استقلت على الفور من العمل .. ولكني فوجئت بعد ٢٤ ساعة أخرى بإعادي من مصر .. لأكون ملحقاً عسكرياً في سويسرا .. وبطبيعة الحال ليس هناك علاقة بين مقال مجلة التحريض وبين نقل ملحقاً عسكرياً في أوروبا .. فالواقع أن هذا المقال قد اتخذ ذريعة لنقل من منصب كركان حرب لسلاح الفرسان في ذلك الوقت .. وليس المجال هنا هو المجال المناسب لشرح تلك الظروف ..

• د. ثروت عكاشة : تعدد الوظائف بالنسبة لحضرتك واختلافها ، هل ده كان خوفاً منك أم ثقة فيك ؟

• « المنصب الخاص بالملحق العسكري في سويسرا أو في باريس .. أعتقد وعندي الدليل على إنه كان تحسباً من مجلس الثورة من أن أقوم بجولة مضادة بواسطة سلاح الفرسان كما توهموا » .

• « ويصدر في ١٠ فبراير سنة ٥٣ دستور مؤقت قضى بأن تكون أعمال السيادة لمجلس الثورة الذي يكون له حق تعيين وعزل الوزراء .. وتقرر أن تكون هناك فترة انتقال ٣ سنوات تنتهي في ١٦ يناير سنة ٥٦ ...

• « ويقول كمال الدين حسين : « لا أحد يكره الديمقراطية .. ولكن لما نقول عندنا برنامج كذا .. والإصلاح الزراعي كذا .. والأحزاب تطهر نفسها .. ونخرج الإنجليز من مصر .. طيب إزاي ننفذ الكلام ده ومين اللي ينفذه ؟ قلنا نقعد فترة ٣ سنوات علشان نعمل العملية دي » .

• « وخطب عبد الناصر في الشعب قائلاً : ارفع رأسك يا أخى فقد مضى عهد الاستعباد » .

• « وفي ١٢ فبراير سنة ٥٣ وقع اللواء محمد نجيب اتفاقاً بين مصر وبريطانيا بشأن تقرير المصير للسودان .. وكان الدكتور محمود فوزي سفيرنا في إنجلترا في ذلك الوقت قد أصبح وزير الخارجية ..

• « ويقول أحمد حمروش : « كان أسلوب معالجة قضية السودان قد اتسم بأخطاء عديدة .. مما أدى إلى قيام حكم مستقل في الخرطوم .. وضاعت فرصة اتحاد مصر والسودان » .

• « وأسأل عباس رضوان : فيه رأى يقول .. « تركنا السودان وبحثنا عن سوريا » .. إيه تعليقك ؟

• « يمكن فيه اختلاف في المرحلتين .. أو في ظروف المرحلتين .. السودان كان مرتبطاً بالجلء عن مصر .. وطالما أنت بتطالب بالجلء عن مصر .. فإذن تترك السودان .. دى بالعكس كانت خطوة كويسة أن يقال للسودان : أنت تختار إيه .. على الأقل كان حقيقى مايقش نوع من العداء أو شبه العداء .. والموقف السياسى أو الموقف العام اللى بيننا وبين الإنجليز بخصوص الجلء عن مصر .. مع وجود مشكلة السودان .. كان يستدعى أن الحل الأمثل أن السودان متروك لظروفه .. يتوحد أو لا يتوحد .. إنما يستقل .. وتعمل استفتاء فى السودان والسودان اختار .. مش اختار الانفصال .. اختار الاستقلال .. إذن بقينا « حيايب » من غير مشاكل » .

• ويقول أحمد أبو الفتح : « ونشرت الصحف صباح ٢٢ مايو ١٩٥٣ مقالاً لى وعنوانه « نعم للدمشقره » قلت فيه : (١) إن مصر الآن وقد انقضى على الحركة قرابة عشرة أشهر لا تزال دون دستور .. (٢) إن الأحكام العرفية التى فرضت فى عهد فاروق لا تزال مفروضة حتى اليوم .. (٣) إن المعتقلات التى كانت مفتوحة منذ ٢٦ من يناير لا تزال مفتوحة حتى الآن .. (٤) إن الرقابة على الصحف مفروضة عليها .. أما رد الصاغ صلاح سالم على مقالى فقد قال فيه تحت عنوان « الباكور والمتباكور » : « ماذا أفاد الفلاح من سياستكم الماضية .. ومن برلمانات الماضى .. ودمانير الماضى .. إلا الوعود من تجار ومحترفى السياسة !! » .

• ولم يبق من كل أركان النظام القديم سوى الملكية ...

• وفى مساء ١٨ يونيو سنة ٥٣ قرر مجلس الثورة إلغاء النظام الملكى وإعلان الجمهورية ..
• ولخنع الملك أحمد فؤاد الثانى من على عرش مصر .. وصار يوم ١٨ يونيو من الأعياد الوطنية الرسمية .. وفى ٢ مايو ١٩٥٣ جلس الملك حسين على العرش فى الأردن ..
كما جلس الملك فيصل على عرش العراق ...

• وأسأل الملكة ناريمان : كيف تلقى الملك فاروق نبأ إلغاء الملكية .. كان متوقعها .. كان منتظرها ؟

« فى البداية كان بيقول مفاجأة .. وخانوى » .

• وماذا كان رد فعله أو انطباعه يومها ؟

« بالعكس .. بالليل كان عادياً جداً .. وكنا نخرج نتعشى فى أى مطعم شيك .. ونضحك .. وهو كان مايحبش يعبر عن شعوره » .

• وأسأل الملكة دينا عبد الحميد : حضرتك كنت على علاقة بالأسرة المالكة .. بالملك فاروق والملكة ؟

« لأ .. لكن كنت أعرف أفراداً من الأسرة » .

« والملك حسين كان مؤيداً لثورة يوليو ؟

- « أعتقد ما لمستش فيه عدم تأييد » .
- وهكذا حلت أحداث جمهورية محل أقدم مملكة في إفريقيا .. وأصبح اللواء نجيب أول رئيس للجمهورية المصرية .. كما تولى رئاسة الوزراء ..
- وأصبح جمال عبد الناصر نائبا لرئيس الوزراء ووزيراً للداخلية ...
- وفي اليوم نفسه عُيّن الصاغ عبد الحكيم عامر قائداً عاماً للقوات المسلحة .. ورقى إلى رتبة اللواء ...
- ويقول محسن عبد الخالق : « المشير عامر كان رجلاً طيباً .. صعيدياً وشهماً .. ولكن أقول حاجة بسيطة .. الشيشكلي جاء في سبتمبر بعد قيام الثورة في مصر .. واستدعانا عبد الناصر في سمراميس القديم وكان عامل حفلة للشيشكلي .. بعد الحفلة أخذني عبد الناصر .. وقال : الشيشكلي يقول لي حاجة .. « الخطر حييجي من الجيش .. مين اللي تثق فيه تمسكه الجيش ؟ » قال له : عبد الحكيم عامر .. وعبد الحكيم كان مدير مكتب محمد نجيب .. قال له : ده بس صاغ .. قال له : أنت في ثورة سياسية .. صاغ إيه .. ترقيه ويمسك عبد الحكيم الجيش .. وقد كان .. فهو كان يقول لي الكلام ده .. علشان يمهد لعبد الحكيم أنه يرقى ويمسك الجيش بعد إعلان الجمهورية .. ودي كانت معروفة من يوم ما مشى فاروق » .
- ويقول عبد اللطيف بغدادى : « أنا كنت أصلاً في البداية خالص ضد تعيين عبد الحكيم عامر قائداً عاماً .. كان عبد الناصر اللي اقترحه سنة ٥٣ .. وأنا اعترضت .. وأنا كاتبها في مذكراتي .. وخالد جابها في مذكراته .. اعترضت لأنى وجدت إن جمال عبد الناصر بيرسم على إن القوة تبقى في جانبه عن طريق الجيش وإحنا نبقي بره واللى يحقق له الغرض ده عبد الحكيم عامر .. بحكم الصداقة اللي كانت بينهم » .
- وكان عبد الحكيم عامر في الوقت ده صاغ ؟
- « كان في هذا الوقت صاغاً .. وبعدين اترقى اللواء .. فاعترضت .. لما اعترضت قلت لهم : أنا رأيي اللي يمسك الجيش ده حد محترف .. رد جمال عبد الناصر وقال : مش ممكن نمسك رقابينا لواحد مش مننا .. قلت له : ممكن قوى .. بس نجيب ناس حواليه تثق فيهم .. وهو بالنسبة جريح إيلنا .. قلت له : لأن فيه محصلة تاريخية معروفة إذا تدخل الجيش في السياسة .. فسد الجيش وفسدت السياسة .. قال لي : لأ مانقدرش .. أخذوا الرأي .. الكل وافق .. أنا الوحيد اللي رفض .. واتعين عبد الحكيم عامر قائداً عاماً .. وفي الوقت ده اتعينت أنا وزير حربية .. وجمال عبد الناصر وزير داخلية .. وقعدت منه في وزارة الحربية .. وبعدين سبيتها ورجت الشئون البلدية .. لما سبت الحربية مسكها حسين الشافعى .. وكان حسين الشافعى في السواري » .
- كما تولى صلاح سالم وزارة الإرشاد القومي التي أشرفت فيما أشرفت على الإذاعة والفنون ...

* ويقول أبو الفضل الجيزاوى : « أنا اخترت إدارة شئون العاملين .. لأنى كنت فى ذلك الوقت فى ليسانس الحقوق جامعة القاهرة .. وعاوز أخلص وأدرس دراسات عليا .. ولقيت نفسى الهواية بتاعتى إنى أشغفل فى ميدان الإعلام .. فرحت مع السيد وجيه أباطة أركان حرب الشئون العامة للقوات المسلحة لإدارة التوجيه المعنوى اللى كانت بتقوم بكل الأعمال لوزارة الثقافة .. الإعلام والإذاعة كل ده كان بيخضع لنا » .

* والفنانون ومشاركتهم ؟

* « شارك عبد الحليم حافظ وعبد الوهاب وأم كلثوم .. ولحنا اللى كنا بنحط الأغاني ويتعمل الحفلات .. وبنشوف السيناريو بتاع الأفلام .. ومافيش حاجة بتتعمل إلا بتصديق من الشئون العامة للقوات المسلحة .. فدى أعطتنى فرصة أنى أكتب فى بعض المجلات وبعض الصحف .. وكان لى دور كبير فى توجيه وسائل الإعلام .. دى كلها من أجل إنجاح الثورة » .

* ويقول جمال الليثى : « أنا شخصياً لما قامت الثورة .. وبعد نجاحها .. بعنوني إدارة الشئون العامة للقوات المسلحة بقيادة وجيه أباطة الله يرحمه .. كان عظيماً .. والشئون العامة للقوات المسلحة دى كانت وزارة الثقافة ووزارة الإعلام بتاعة الثورة .. كان كل العناصر اللى فى الثقافة والرقابة كانت تبع الداخلية .. الفنون الشعبية كانت تبع الشئون الاجتماعية .. كان مافيش وزارة ثقافة ولا وزارة إعلام .. فكان وجيه أباطة هو رجل الإعلام بتاع الثورة وعملنا أفلاماً دعائية للثورة .. وعملنا « بوسترز » بتعلق فى الشوارع .. وعملنا مهرجانات .. وعملنا احتفالات .. ده الدور اللى بتقوم به وزارة الثقافة أو الإعلام فى الوقت ده .. لغاية ما أول وزارة اتشكلت .. واتحط فيها المرحوم فتحى رضوان وزيراً للإرشاد القومى » .

* وأسأل فهمى عمر : هل كان الضباط الأحرار يوجهون الإعلام فى بداية الثورة ؟

* « بعد قيام الثورة بعشرة أيام .. جاء قائد الجناح (وجيه أباطة) .. وأصبح له مكتب فى الإذاعة .. وكان وزير الإرشاد القومى المرحوم صلاح سالم .. فياقلع كان للثورة هذا التأثير على الإذاعة حتى تتمشى الإذاعة مع الأهداف اللى نصبو إليها الثورة » .

* وأسأل على خليل : من من الفنانين كان أكثر تحمساً للثورة فى بدايتها وجاء علشان يغنى ويشترك فى الاحتفال ؟

* « فى الواقع إن الفنانين كلهم مثل الشعب المصرى .. مثلنا كلنا .. كانوا مبتهجين .. لأنه زالت هذه الغمة .. أم كلثوم قبل الثورة بشهور .. كانت بتسجل إسطوانات لشركة تجارية .. لأنها لم تكن مسجلة طول مدة الحرب .. لأول مرة بتسجل مجموعة أغانيها اللى طلعت طول مدة الحرب .. كان فيه أغنية لها « يا ليلة العيد » وفيها كورليه بيقول « عز وتمجيد لك يا ملكى » .. ففى بتسجل .. وأنا كنت حاضر التسجيل .. قامت غيزت وقالت « عز وتمجيد لك يا حبيبى » .. بعد ما خلصت .. قالت لى أنا قاصدة .. وكذلك عبد الوهاب كان متحمساً وغنى « كل ده كان ليه » .

- وأول أغنية وطنية غنيت للثورة كانت إليه يا فندم ؟
- « كانت » مصر التي في خاطري « لأم كلثوم .. وبعدين كان فيه أغنية للبللى مراد بنقول « الاتحاد والنظام والعمل » .
- بينما نقول تحية كاريوكا : « بفت شالية .. إنما الفنانين أيامها كان نفسهم الفن يفضل بالمستوى اللي هو فيه .. كمغنين .. إنما بصيت لبيت نفسى لوحدى .. كل واحد جرى وراء الحكم .. دلدول .. ومنهم ناس كنت بأحبهم .. أم كلثوم وعبد الوهاب .. وكانت آخر واحدة قلت لها إنت مشهورة .. إنت بنجى علشان جبانة .. الواحد لازم يقول رأييه ولو راح فى داهية » .
- ويقول صلاح أبو سيف : « لا أفكر أى نوع من تشدد الرقابة .. لكن أسوأ غلطة عملوها .. هى حذف صورة الملك اللي أيام الملكية .. لأنهم حذفوها .. أنا عملت فيلم « لا وقت للحب » .. وكان فيه عملية تعذيب لواحد من اللي مسكوه علشان يقول ويعترف على ناس تانية .. وكان ده المفروض قبل الثورة .. فطبعا عملت عملية التعذيب والبوليس وراه صورة الملك فاروق علشان أقول إن ده مش فى عهد الثورة .. ده فى عهد الملك .. ورفضوا المشهد وشطبوه .. علشان ما أطلعش صورة الملك فاروق .. ده غلط » .

● وفى سبتمبر عام ٥٣ قرر مجلس قيادة الثورة مصادرة أموال وممتلكات الملك السابق فاروقى ...

- وأسأل الدكتور الجوهري : إليه اللي حصل للثروة الكبيرة الضخمة ؟
- « والله إحنا لما بنجى نقول الثروة .. دى كلها جمعت فى خزائن الغرف المصفحة للبنك الأهلى .. اللي هو دلوقتى البنك المركزى .. كان هو بنك الدولة .. فيه غرفة مصفحة .. وكان شاهد على هذه العملية دكتور زكى هاشم .. وهو حى يرزق لا يزال .. كان سكرتير عام البنك الأهلى .. وكان كل الحاجات اللي بنستولى عليها .. أو بنفتحها من الخزائن .. نستلمها لجان .. مافيش فرد لوحده يتصرف فى حاجة .. ماحصلش .. وكان كل الحاجات دى بدروح البنك المركزى وتحفظ فيه » .

• أنا بأقول راحت فين النهارده ؟

- « فيه جزء منها لا زال فى البنك .. وجزء كبير جدا انعمل متحف .. وجزء كبير بيع فى مزاد علنى .. النهارده إحنا بنتكلم للتاريخ علشان الناس تبقى عارفة .. الحاجات دى كلها كانت تسجل تسجيلا دقيقا جدا فى محاضر .. وهذه المحاضر لا زالت إلى الآن النسخ الأصلية بناعنها موجودة فى مجلس قيادة الثورة .. كان حاول محمود بونس بأخذها معاه قناة السويس .. فالرئيس عبد الناصر مارضيش فى هذا الوقت .. وأصر إنها تفضل فى أماكنها .. فى القصور اللي آلت إلى وزارة الخارجية .. زى قصر الطاهرة وقصر الضيافة .. كانوا هم بيسلموا بعض .. وكان لما بحصل مشكلات .. تغيير فى شكل تحفة .. حاجه ناقصة .. كانوا بيرجعوا إلى هذه

المحاضر .. فيه ناس كثير جداً فاكترين إن العملية كانت سلبية .. وإن ماكانش فيه حصر للحاجات دى .. بالعكس .. دى الثورة جابت أكبر شركة فى العالم .. وحصرت الحاجات دى وموجودة فى كتالوجات دقيقة جداً بالتاريخ بتاعها .. بالمعنى التقديرى وقتها لكل حاجة .. وهو اللى اتباع فى المزاد العلنى سنة ٥٤ .. فيه بقى القصور زى أى حاجة فى الدنيا .. فيه حاجات ثمينة جداً .. وجنبها فيه موبيليا عادية .. وحاجات عادية كان بيتعمل لها مزايدات عادية .. وكان الشعب يشتريها .. ويلاقى حاجات عليها رسم التاج .. وتلاقى واحد يقول لك أنا رحت بيت فلان .. لقيت ستارة عليها التاج .. دول سرقوها .. ولقيت كرسيأ .. طيب ما كل ده اتباع .. الناس هى اللى اشتريته » .

* **ويضيف د . الجوهري :** جاء الرئيس عبد الناصر فى وقت من الأوقات وإحنا فى مجلس الثورة .. كان الحاجات بتعرض عليه .. قال العملية طولت جداً .. أولاً أموال الملك اتصفت فى ظرف سنة .. وأنا أنكر الفضل الشديد جداً للدكتور على الجريتلى الله يرحمه .. لأنه كان رجلاً حاسماً .. جابنى أنا ومحمود يونس وقد معنا .. قولوا لى كل الحاجات دى بتاعة الملك .. ده إيه وده إيه .. نقول دى تروح هنا .. ودى تروح هنا .. وكان يعتمد هذه القرارات الرئيس جمال شخصياً .. فكان بيعتمد هو التوزيع ده .. وأنا أنكر إن التوزيع كان أحياناً بيعترض عليه .. أنا أنكر كان فيه قصر حورية حمدي اللى هو موجود عند كوبرى الجامعة دلوقتى .. كان جاء مجلس الدولة .. وكان عاوز يعمل لمحنة القضاء الإدارى .. وكان اتوسط فى هذه العملية محمد فهمى السيد مستشار الرئيس للشئون القانونية .. وهو قريب للرئيس عبد الناصر .. وجاءت تأشيرة إن هذا القصر يملك لمجلس الدولة .. فكان من المشرف على الأموال المصادرة .. كان فيه لجنة عليا برئاسة عبد اللطيف بغدادى مرة .. وزكريا محيى الدين مرة .. وكان بغدادى رينا يديله الصحة والعافية .. كان هازماً جداً .. ولما جيت عرضت عليه الموضوع قال لى .. القصر حنديه علشان يقدوا فيه ٣ مستشارين مرة كل ١٥ يوم يحكموا فى قضية .. ما نعمله أى حاجة مهمة .. شوف أنت إيه دلوقت .. كان حصل زلزال وكانت مدارس كثير وقعت .. ومحتاجين للمدارس .. قال لى أنا رأيى يروح لكنا .. قلت له ده فيه تأشيرة من الرئيس إن ده يروح لكنا .. وفهمى السيد حييجى وبمألنى عملت إيه فى تأشيرة الرئيس .. قال لى مالکش دعوة .. كلم هو الرئيس .. وقال له أنا رأيى يروح لكمال حسين فى التربية والتعليم .. أفيد مما يروح لمجلس الدولة .. واتلغى القرار .. فيه حاجات طبعاً حصلت إحنا ما قدرناش نعمل فيها حاجة .. زى صلاح سالم ما أخذ جزء كبيراً جداً من قصر عابدين وعمله وزارة الإرشاد .. ده كان خطأ كبيراً جداً .. دى من ضمن المشاكل اللى حصلت بين الرئيس وصلاح سالم فى يوم من الأيام .. لأنه كنا قررنا أننا نعمل متحفاً .. وعملنا له فعلاً ترتيبات المتحف .. وكانت الناس بتزوره .. وضمناه إلى وزارة السياحة فى ذلك الوقت .. ماكانتش وزارة حتى .. كانت مصلحة السياحة » .

* **ألم يكن المفروض أن كل القصور تصبح متاحف ؟**

* **يعنى كان ممكن إن كل القصور تفضل متاحف .. وده كان أفضل .. ده من ضمن اقتراحاتنا ..**

وكان يصعب علينا جداً أنه يحصل أى تصرف .. يعنى قصر يتعمل مدرسة .. أو وزارة من الوزارات .. قصر يقعد فيه ناس يشغلوه يشغل غير مفيد .. كان ممكن يستفيدوا به .. استفادة بالغة .. هى كانت كمية كبيرة جداً من القصور .. ما أقدرش أقول إن الدولة تحتل تحويلها إلى متاحف .. لكن مين اللى قرر البيع .. هى دى النقطة اللى الناس يتسأل عليها .. مين اللى قال بيعوا ؟ اللى قال بيعوا وزير المالية د . عبد الجليل العمري .. اقترح هذا وأقنع مجلس الوزراء وأقنع جمال والمجموعة كلها .. أنه لا بد أنهم بيعوا الحاجة اللى زائدة عن الحاجة .. اللى مالوش أى قيمة تاريخية .. ودى اللى اتباع .. والتجربة بتاعة البيع ممكن أفتحت أكثر ... ليه .. لأن إحنا لما جيتنا .. عملنا مزاداً عالمياً سنة ٥٤ وجبنا دول العالم كلها .. علشان تشتري الحاجات المهمة جداً اللى اتكلمت عليها أنت .. طوايع ومجموعات وحاجات مهمة جداً .. اللى هى مقتنيات الملك .

• واللوحات والأسلحة والسجاجيد ؟

• لا .. الأسلحة دى ما اتباعتش .. دى فى المتحف الحربى .. لم يباع منها نهائياً .. وكان المشرف على المتحف .. يوسف السباعى اللى الرئيس اختاره .. وكان يوسف السباعى وقتها هو المسئول عن المتحف الحربى المصرى .

• والمجوهرات والتيجان ؟

• المجوهرات والتيجان والحاجات دى كلها .. موجودة .. جزء منها فى المتحف اللى اتعمل فى الاسكندرية .. وأنا شفت بعضاً منه .

• يمكن ١٠٪ ؟

• ما هو الباقي ما زال موجوداً لغاية دلوقتى .. موجوداً فى الغرفة المصفحة .. فى البنك المركزى .. الأهلئ سابقاً .. من أيام ما كانت اتعملت ومضى عليها محمود يونس .. فيه حاجات بأَمْضاء محمود يونس لحد دلوقتى .. كله موجود .

• فى كتب حضرتك اللى قرأتها .. بتقول مسئولية عبد الفاصر هى المسئولية الأولى فى كل هذا .. وأحياناً مسئولية عامر ؟

• « أبوه صحيح » .

• هل لأن الرئيس عبد الناصر كان يتدخل فى كل صغيرة وكبيرة ؟

• ده صحيح .. ما أقدرش أقول إن إحنا فى واقعنا كان فيه تفرقة بين الأوامر اللى بيعطيها المشير وأوامر الرئيس .. لكن أحياناً لما كان المشير يتدخل .. كنا بنعرض برضه على الرئيس .. وكان الرئيس يأخذ جانب المشير .. واللى بيقوله بيمشى .. يعنى أنا أذكر فى يوم من الأيام .. جاءت لى رسالة عاجلة من عابدين .. بتقول لى مطلوب الحضور عاجلاً إلى مكتب القائد العام .. فرحت مكتب القائد العام .. ولأول مرة وجدت المشير عبد الحكيم عامر .. اللى

ببقابلنى بترحاب فلقيته زعلتاً منى .. بيقول لى : إنت ليه ماطلعتش النظارات اللى فى قصر القبة .. إديت أوامر يطلعوها علشان إحنا عندنا مناورة وعندنا نقص فى نظارات الميدان .. قلت له : سيدتك عندك فكرة عن هذه النظارات بالضبط .. قال لى : شمس بدران راح شافها وقال تصالح .. وأنت اللى مارضيتش تطلعها .. قلت له : النظارات دى عبارة عن نظارات معظمة .. كلها مطعمة بالذهب الخالص والأماظ .. ودى تحف ماهياش نظارات ميدان علشان نطلعها الجبل علشان الملحقين العسكريين اللى جيجوا يحضروا المناورة .. فده غير ممكن .. فابتدا يقتنع .. قام قال لى : والخزن اللى أنت حايشها فى القبة ولم ترضى أن تعطيهها للمخابرات .. كان محمد على عبد الكريم رئيس المخابرات .. أنا كاتب الكلام ده فى كتابى .. وبعدين مدير مكتبه حافظ إسماعيل كان موجوداً فى هذا المكتب .. اللى هو أصبح مستشار الرئيس للأمن القومى فى وقت السادات .. قلت له : الإثنان طالبين هذه الخزن .. دى شغلة سيدتك أنك تقول مين اللى يأخذه .. والللى حقوله هو اللى حنفته .. فكان ده معروفأ .. وكان معروفأ مين اللى بيدى التعليمات .. وكان فيه مكتب القائد العام كان فيه ثلاثة : صلاح نصر وعباس رضوان وشمس بدران » .

* **ويقول د . حسن رجب :** .. قبل ما أسافر .. رحلت لجمال عبد الناصر .. قلت له إحنا الآن بنعمل علاقات كريمة مع الصين .. لا لينا هناك سفارة .. وليس هناك معدات .. كل هذه حاجات نحن محتاجين إليها .. علشان نعمل سفارة على الأقل نصف مليون حنيه إسترلينى علشان تليق بمقامنا .. وبمقام الصين أيضاً .. الرئيس جمال عبد الناصر قال لى روح قابل الدكتور عبد النعم القيسونى .. أنا أعطيت له تعليمات أنه يحل المشاكل دى .. فرحت أقابل الدكتور القيسونى .. قال لى شوف .. إن كنت بتدور على فلوس .. ماعندناش جنبها واحدا إسترلينيا نقدر نعطيه لك .. (إحنا مرتبطين بحاجات كثيرة جداً وبالتزامات كثيرة جداً .. ما أقدرش أعطى لك أى حاجة .. قلت له وإيه العمل .. قال لى شوف .. فيه عندك حوالى ١٥ قصراً مصادراً من بتوع النبلاء والأمراء والأسرة المالكة .. روح لم منها اللى أنت عاوزة كله .. فمكثت أنا ومراتى ٣ شهور ننقى .. فى الحقيقة نقينا أحسن الحاجات .. والللى يروح الصين النهارده يشوف الأثاث اللى موجود فيها .. يقول لك فى الواقع إن دى أفخر سفارة مصرية لنا فى الخارج .. إنما للأسف كل العلامات اللى عليها من عهد الملكية .. إنما ده لا يمنع أنه جزء من تاريخ مصر » .

- * **وأسأل الملكة ناريمان :** هل التحف النادرة مش موجودة دلوقتى فى القصور الملكية ؟
- * **» بيعت فى مزادات .. ودى خسارة .. وده ثراث كبير » .**
- * **هل كان فيه ممتلكات للملك بصراحة خارج مصر .. بحيث كنتم رايحين وعارفين أنه فيه ما يكفيكم وزيادة ؟**
- * **» لا .. الأسرة المالكة الإيطالية نصحوا الملك وقالوا إحنا كلنا طلعنا الفلوس .. متذكرة أماكن فيه المبلغ .. يادوب على القد .. وأنا اتكلمت بصراحة مع مدام جيهان أيام السادات .. ومدام**

سوزان قائلتها في منزلها .. أنا متذكرة .. كان الملك واضعاً كل ما يملك في أحسن مجاميع في العالم .. نقود مثلاً وساعات جميلة .. وكان غاوى المجاميع الفنية وساب مجاميع حلوة جداً .. تنفع للسباحة .. زى تركيا أو روسيا .. ماتضيض كده ..

• وقبل ذلك كانت قد تكونت « محكمة الفجر » التي حاكمت فيمن حاكمت عثمان محرم وكريم ثابت ومحمد حسن من حاشية الملك فاروقى ...

• وتشكلت محكمة الثورة في منتصف سبتمبر عام ١٩٥٣ ...

• ويقول أحمد أبو الفتح : « تألفت محكمة الثورة .. وكان القضاة الثلاثة أعضاء في مجلس القيادة وهم البغدادي وحسن إبراهيم والمادات .. وكان رئيس مكتب التحقيق والادعاء هو البكباشى زكريا محبى الدين عضو مجلس قيادة الثورة أيضاً » .

• وفى خلال ستة شهور تمت محاكمة ٢٤ شخصية .. وقد صدرت بعض الأحكام بالإعدام .. وغدل اثنان إلى المؤبد .. أحدهما على إبراهيم عبد الهادى باشا رئيس الوزراء الأسبق .. وقدم لمحكمة الثورة أيضاً شخصيات سياسية كثيرة مثل فؤاد سراج الدين ، وزينب الوكيل حرم النحاس باشا ، وإبراهيم فرج ، وعباس حلمي ، وعثمان محرم ، والإخوة أبو الفتح ...

• ويقول المستشار محبى الرفاعى : « لما جاءت الثورة أنشأت محاكم خاصة ومحاكمات سياسية بعيدة عن القضاء القملى والمحاكمات القانونية » .

• ويقول حلمى سلام : « الأستاذ أحمد أبو الفتح وطنى بلا شك .. لكنه عندما كشف عن رؤيته الخاصة للنظام التى اختلفت فى أزمة مارس عن رؤية الرئيس عبد الناصر تحول من صديق إلى نقيض » .

• ويقول أحمد أبو الفتح : « استطاع عبد الناصر .. ليس فقط غلق « المصرى » ومنعه عن الصدور .. بل أيضاً نهب كل ثرواتنا بحكم أملاه على محكمة الثورة .. وكانت أسرة أبو الفتح هى الأسرة الوحيدة التى صودرت أملاكها غير الأسرة الملكية » .

• وأسأل أبو الفضل الجيزاوى كرجل قانون .. ماذا يقول لنا عن محاكمات الثورة ؟

• « محاكمات الثورة فى ضوء قانون عسكرى ونظام عسكرى .. كلها تمت سليمة .. وكانت الأحكام فيها شىء من الردع .. علشان نخوف الناس .. كانت دائماً الأحكام تتراوح من ٣ سنين إلى ١٥ سنة .. فلحنا كنا نعطى أقصى العقوبات .. علشان نخوف الناس ونردعهم .. كانت محاكم ذات طابع خاص .. محاكم عسكرية » .

• ويقول سعيد حلمي : « محاكمات الثورة كان الهدف منها .. إظهار الفساد السابق .. وفى نفس الوقت الرجعية لا تعود » .

• ويقول إبراهيم شكرى : « محاكمات الثورة بلا شك كانت تنسم بنوع من الشدة .. التى كانوا

يعتبرونها إنها من مستلزمات الثورة .. إلى أن تستقر الأمور .. ولذلك حُكم على أناس ليس لأنهم اقتصروا ذنباً بقدر ما أنهم كانوا مهمين .. وكذلك بالنسبة لبعض من حُكم عليه من الإخوان بالإعدام أو غيره .. كانت لا شك أحكاماً .. ليس لأنهم ثبت إبتلاءً يقيناً .. أنهم يستأهلوها .. وإنما لأنهم لهم أهمية ولهم أثرهم .. كذلك بالنسبة للسياسيين .. حتى الناس حوكموا ووضعوا في معتقلات .. ليس لأنهم اقتصروا شيئاً بقدر ما هي يمكن أن يكون لهم خطورتهم .

• **ويعلق رشاد مهنا فيقول :** « محاكمات الثورة .. يعنى يكفى هذا اللفظ .. وهى عبارة عن أوامر تلقى وألفاظ تقال » .

• **وأسال كمال الدين حسين :** لماذا لم تكن عضواً من أعضاء محاكم الثورة ؟

• « أفكر أن جمال عبد الناصر خشى من صراحتي المطلقة .. وطبعي إن هذا صراط مستقيم .. فانبهوه .. ده قرآن .. والحاجات دى عاوزة شوية مرونة .. ولم أدخل في أى محاكمة » .

• **ويقول عبد اللطيف بغدادى رئيس محكمة الثورة :** « محكمة الثورة .. حتى الإعدام اللئى حكمته .. كان على واحد خائن تعاون مع الإنجليز ضد الفضائيين .. وحاجات محدودة جداً .. لكن ماكناش فيه تفكير باستخدام القوة » .

• **هل أنت راض بعد مرور كل هذه السنوات عن كل ما أصدرته من أحكام ؟**

• « الحمد لله .. كنت بأرضى ضميرى .. وكان الناس بيتراهنوا على الحكم اللئى حيصدر .. وكثير من القضاة سألونى إذا كنت دارساً قانون .. إدارتك للمحكمة وقدراتك .. وحصل خلاف كبير بينى وبين عبد الناصر حول بعض الأحكام » .

• **زى إيه يا فنهم ؟**

• « مثلاً محاكمة محمود أبو الفتح .. كتبت عنها .. أيام أزمة محمد نجيب .. كان فيه رقانة على الصحافة .. وبعدين ألغيت الرقابة على الصحافة .. وبعدين أحمد أبو الفتح كتب في المصرى « قوانين .. قوانين .. إلى أين » .. فقال لك نحاكمهم .. وكان أحمد أبو الفتح صديق عبد الناصر الذى طلب منى محاكمته .. قلت له شوف واحد تانى .. حأعمل عيان .. وتختار واحد تانى يقوم بالعملية .. قال إزاي نجيب حد تانى ؟ قصة طويلة عريضة .. تفاصيلها فى مذكراتى .. وأحمد أبو الفتح زى ما تقول .. كتبها فى الولد .. بالكامل » .

• **أشدت بدور فؤاد باشا سراج الدين .. فى أثناء ما كنت رئيس المحكمة ؟**

• « فؤاد سراج الدين حوكم أمامنا .. وكان يحاكم كمكرنير حزب الوفد .. حزب الأغلبية .. كانت الأسئلة كلها منصبه حول هذا .. هو بيشير لها دائماً .. يفخر بالحنة دى .. ولما اتكلم عن الذمة المالية .. قلت له لا .. ماحدش بيشتك فى ذمتك المالية .. لكن كنا بنحاكمه سياسياً » .

• **وأسال عبد المنعم أمين :** هل محاكمات الثورة كانت تتحرى الدقة وكانت منصفة فى أحكامها ؟

• أنا شخصياً أقول لأ .. أنا كنت بره ماليش دعوة .. ولكن مما كنت أقرأه فى الجرائد ومن الهيئة التى كانت موجودة بتحكم .. رئيس المحكمة من محاكم الثورة ببحاكم الإخوان المسلمين .. وبعدين ببقولوا له إن دى حاجات .. إحنا كنا نأكل الساندوتش ونقعد .. قال له « ها أوأو » .. « إحنا كنا نقعد على الأرض كما الآخرين » .. يعنى كانت مش محكمة .. لازم يبقى عليها الوقار .. أى محكمة يكون عليها الوقار وتشتغل بضمير مش « ها أوأو » وموجودة ومسجلة .. أنت لازم تعرف ده مين .. ما أنت عارفهم كلهم .

• مين يا هندم ؟

• جمال سالم ! ! ! .

• ويقول خالد محبى الدين : للتاريخ أسجل أن على ماهر والمنهورى ومليمان حافظ وفتحى رضوان كانوا يحرضون الضباط على تجاهل البرلمان والدمتور .. وطبعاً كانت أغلبية الضباط يستجيبون لذلك بحكم إنهم يستشعرون مصلحتهم فى الاستمرار فى حكم البلاد بأنفسهم .

• وفى ٨ نوفمبر سنة ٥٣ تقرر مصادرة أموال وممتلكات أسرة محمد على ...

• وأسأل د . محمود الجوهري : مين كان وزير القصر ؟

• أحمد حسنى وبعديه حسن إبراهيم .. أحمد حسنى فى أول الثورة .. وبعدين بعد كده كان حسن إبراهيم هو وزير القصر .

• وفى النهاية هل أنت راضٍ عن المصادرات الللى عملتوها بصراحة ؟

• لأ .. غير راضى .

• وبينما كانت عملية هدم الدعائم التى قام عليها النظام القديم قائمة على قدم وساق .. فإن الضباط من خلال جولاتهم أسعدتهم كثيراً الاستقبالات الشعبية فى كل مكان .. ونظمت الثورة المقاومة الشعبية وتعددت الحوادث ضد الجنود الإنجليز ...

• وبدأت المؤشرات تشير إلى أن الرجل القوى فى مجلس الثورة هو جمال عبد الناصر ...

• واتضح تدريجياً أن الرجل الثانى هو عبد الحكيم عامر ...

• وبدأ اقتراب محمد حسنين هيكل من عبد الناصر ...

• وأسأل أحمد سعيد : محمد حسنين هيكل ؟

• أحسن تعبير يقال عنه هو أولاً الصديق الشخصى فى أغلب لبالى عبد الناصر .. عبد الناصر لا ينام غير لما يشوفه .. الحاجة الثانية إنه هو الصحفى الذى إذا لم يقل الحقيقة كاملة وهو يعرفها فيبقى هو يجرم فى حق نفسه وفى حق البلد .

• ويقول محسن عبد الخالق : على أمين ومصطفى أمين عرفا أن عبد الناصر هو القوة

الحقيقية داخل ثورة يوليو .. فأرسلا محمد حسين هيكل علشان يلزم عبد الناصر .. كلام عبد الناصر له .. أنا لا أقول صح ولا غلط .. أدى مكتب عبد الناصر .. أدى مكتب السكرتارية .. أدى مكتب محمد نجيب .. محمد حسين هيكل بيقد هنا فى مكتب السكرتارية .. يخش عبد الناصر يلاقه قاعداً .. يطلع عبد الناصر الظهر يلاقه قاعدا .. يخش بعد الظهر يلاقه قاعدا .. يطلع الساعة الواحدة يلاقه قاعدا .. فيقول لى عبد الناصر : أنا مرة قلت له أنت عاوز إيه ؟ قال أنا عاوز حديثاً .. قال له طيب اركب معى .. وأخذته معى فى العريية .. ورحنا اتغدينا وقعدنا ندرش .. تانى يوم جاء لى بالحديث مكتوباً .. ده فعد فى مخى .. ده قال اللى أنا كنت عاوز أقوله وما قلتهوش .. أنا ماقدرش أستغنى عنه !! .

• ويقول د . عبد العظيم رمضان : « كانوا كلهم مضابطاً صغاراً اعتقدوا عندما وجدوا الناس نؤيدهم .. أن هذا التأييد لأشخاصهم فحكموا » .

• وقبل أن تنتهى سنة ٥٣ كان جميع الثوار يحكمون .. وكان جميع رجال « العهد البائد » مبعدين أو معتقلين فى السجون ...

يعيش نجيب .. يسقط نجيب

- احتككت مصر بأول عيد للثورة في ٢٣ يوليو سنة ١٩٥٣ ...
- وكان على رأس قيادة حركة الجيش اللواء محمد نجيب ...
- يقول د . ثروت عكاشة : كان الرئيس محمد نجيب رحمه الله قائداً مرموقاً في الجيش وذلك لأسباب ثلاث : أولاً خلقه الرقيق .. ثانياً ثقافته الواسعة .. فقد كان خريج كلية أركان حرب وحاصلاً على ليسانس الحقوق وكان يجيد أكثر من لغة .. وثالثاً شجاعته الفائقة في أثناء القتال في حرب فلسطين التي نال عليها أرفع الأوسمة كما ظفر بتقدير الضباط واحترامهم .. ما من شك بأن محمد نجيب كان على علم بتنظيم الضباط الأحرار وعلى علم بأسماء العديد من الضباط في التنظيم ولكنه لم يبيع قط باسم أي منهم .. وكان يعطف عليهم جميعاً ويعاملهم وكأنهم أبناءه .. وفي ١٩ يوليو ٥٢ .. توجه إليه جمال عبد الناصر وعيد الحكيم عامر .. ليلغاه أنه قد تقرر القيام بالثورة أو الانقلاب أو الحركة - أو كما نشاء - في اليوم الخامس من شهر أغسطس .. فيدون تردد وبدون تمحيص .. قبل المسؤولية التي أسندت إليه بشجاعة .. مما جعل موقعه في قائمة الأعمال البطولية التي يستحق عليها أن يلقب بقائد الثورة .. التي كان جمال عبد الناصر صانعها ..
- وأسأل إسماعيل فريد : التقى اللواء محمد نجيب بمن أسموهم برجال العهد البائد .. مثلاً التقى بالزعيم الراحل مصطفى النحاس كما التقى بالراحل الهضيبي .. وآخرين .. بحكم اقترابك منه ماذا تقول ؟
- دول كثيرين جداً .. البلد كلها جاءت .. يعني الكل كان يتقرب وهم ليسوا عارفين اتجاهاتنا .. كله يتقرب للثورة وده سبب من أسباب الفساد بتاع الثورة .. إن السياسيين لما دخلوا وكل واحد يتكلم على كفيه .. كل واحد يعطي توجيهات .. والقوانين وخلافه .. من جميع الاتجاهات .. وكله عاوز يركب وعاوز يسيطر .. الأحزاب الوحشة والأحزاب الكويسة .. كل ده من أسباب انفصال الثوار بعضهم عن بعض .. والخلافات بيننا وبين بعضنا ..

• وتتابع الأحداث .. واكتسب الرجل شعبية عريضة في خلال شهور قليلة .. وكانت الجماهير تهتف في كل مكان « يعيش محمد نجيب » .. واقترب اسم الرجل بالنجاحات الأولى التي أحرزتها الثورة في كل ميدان ...

* وأسأل إسماعيل فريد : هل كنت الباور أو سكرتيره العسكري في أثناء رئاسته لمجلس القيادة أم في أثناء رئاسة الجمهورية ؟

• انتقلت معاه في جميع المراحل .. وهو قائد عام .. وهو رئيس مجلس الثورة .. وهو رئيس مجلس الوزراء .. وهو رئيس الجمهورية .. بعد ١٨ يوليو ٥٣ لما صدر قرار الجمهورية .. وصدر بعدها قرار تعيينه رئيساً للجمهورية .. بعد فترة الوصاية والانتقال .

• ويضيف إسماعيل فريد : « طبعاً الكلام اللي يقول إن إسماعيل فريد كان ماسكاً العصايا من النصف .. إسماعيل فريد زى ما كتبها أحد الكتاب في « الآن أتكلم » .. أنى أنا كنت عينا على نجيب لصالح عبد الناصر .. ورفعت عليه قضية وكسبتها واعتذر فى المحكمة .. قال أنا لا أقصد حاجة ضد إسماعيل فريد .. إحنا عارفين وطنيته وعارفين مركزه ولكن ده اللي سمعته واللى شفته .. كان وضعاً غريباً من خالد محيى الدين إنه يتكلم مثل هذا الموضوع .. طبعاً خالد محيى الدين هو شيوعى وماركسى .. وخلق الشيوعيين هم اللي عملوا كل حاجة .. حتى دورنا فى توزيع المنشورات أنا وعباس رضوان لم ينكره إطلاقاً » .

• ويقول رياض سامى : « إسماعيل فريد فعلا كان عين على محمد نجيب .. وقلت لنجيب : كيف ترضى لسكرتير عسكري أن يقول لغواد وياسين سراج الدين ببساطة : « الرئيس مش فاضى ونحدد بعد ذلك ميعاداً » .. فرد نجيب : « أنا ما بأعملش أى حاجة غلط علشان أخشى منه » .. لكنه كان عين عبد الناصر على محمد نجيب » .

• ويقول حلمى سلام : « قيل إن إسماعيل فريد كان عين عبد الناصر على نجيب لأنه من أولاد عبد الناصر .. لكن إسماعيل أحب نجيب فأصبح ولاؤه أكثر لنجيب » .

• ويقول كمال الدين حسين : « محمد نجيب .. رجل حرب كويس فى حرب فلسطين وكان شجاعاً فى الحرب وإحنا كلنا احترماناه ورشحناه علشان يكون رئيساً للنادى .. وقيل ترشيحه ليكون رئيس للنادى .. دى شجاعة برضه .. وكنا عاوزين رمزاً .. إحنا كنا صغيرين .. أنا كان سننى ٣١ سنة .. أكبر واحد كان ٣٥ .. علشان فيه ناس نقول دول شوية عيال جابين يعملوا ثورة وحاجات من دى .. فكان محمد نجيب رمز للعملية دى .. وكنا بنقول إنه رمز .. وكنا لما بيمشى فى موكب كنا إحنا نركب على العربية زى الحرس اللي بيحرسه .. الموتور يلسعنا .. وتأخذ ضرباً ولم تكن نبص لنفسنا إطلاقاً فى هذا الموضوع .. لكن هو كان شغلته أنه يطلع من البيت إلى المكتب يعمتوسيكالات والناس تصفق .. ويروح مستشفيات ويروح الجمعيات ويفرق فلوس .. وإحنا هلكانيين من الشغل .. ولا أحد دريان .. هو بدأ يستغل العمليات دى .. وبدأ يظهر » .

* ويقول وجيه أباطة : « نجيب كان رجلاً عظيماً وكان طيباً قوى .. وأنا لا أقول هذا من فراغ .. أنا كنت مدير مكتبه للشئون العامة .. فى الوقت الذى كنت فيه مدير الشؤون العامة للقوات المسلحة .. كنت مدير مكتب محمد نجيب للشئون العامة » .

* وأسأل فريد عبد الخالق : علاقة الإخوان بالرئيس محمد نجيب ؟

* « كانت علاقة حسنة .. وكانت مع الثورة .. لأن محمد نجيب كان يتمتع باحترام وتقدير منهم .. وهو انضم للضباط الأحرار قبل الثورة .. مش بفترة طويلة قوى .. ومش قصيرة .. انضم لهم وكأنه منهم .. فهم وجدوا أنه صورة مطمئنة عند الجيش وعند الشعب .. فهم أسندوا إليه المسئولية ليمسر بالتجربة .. لما أسوا إليه » .

• وعقدت أول مباحثات مع الإنجليز للجلاء ولكنها توقفت .. وتوترت العلاقة بين مصر وإنجلترا ...

• وكانت العلاقة قوية بيننا وبين السودان .. وتعلق أهل السودان الشقيق .. باللواء نجيب .. لأنه من مواليد جنوب الوادى ...

* ويقول إسماعيل فريد : « كانت شخصية نجيب محبوبة لأن والدته سودانية وهو عايش فى السودان واختلاطه بالسودانيين كبير ومعرفته بهم كبيرة .. وكان من يحضر من السودان لازم ينزل عنده ولازم يأكل عنده الويكة والحاجات السودانية » .

• وكان اللواء محمد نجيب قد وقّع اتفاقية السودان ...

* ويقول أمين شاكر : « الذى جاب الاستقلال للسودان هو عبد الناصر فى أثناء المباحثات .. وأنا قاعد بجانبه .. رئيس الوفد البريطانى سأله سؤالاً .. أحب أن يرحبه .. قال له إحنا ما نقدرش ننسحب من وادى النيل كله فلما السودان وإما مصر .. فقال له السودان .. فكانت مفاجأة شديدة جدا للجماعة الإنجليز .. وخرجوا الجماعة الإنجليز من السودان .. وراح للسودان الاستقلال على طبق من ذهب » .

• وعرفت الشهور الأولى من عام ٥٣ بداية الخلافات والاختلافات بين محمد نجيب وأعضاء مجلس قيادة الثورة .. الذين نجح جمال عبد الناصر - مؤسس حركة الضباط الأحرار - فى تكتيلهم حوله ...

* ويقول مصطفى كامل مراد : « إحنا كنا بنحب محمد نجيب قوى .. لأنه كان شخصية لطيفة .. لما تعدد معاه كأنك تعرفه من ٢٠ سنة .. كان متواضعاً محبوباً .. كان يمثل جيل الآباء بالنسبة لنا .. يعنى كان فارق السن لا يجعل المقلبات متفكة .. وبعدين ثورة الشباب .. قلم يحدث انسجام .. كان لابد إن واحد فىهم يسيطر على الثورة .. عبد الناصر استطاع أن يسيطر وأن يبعد محمد نجيب .. وإحنا كنا معاه بالرغم من حبنا لمحمد نجيب .. لكن وجدنا أن مصلحة الثورة تقتضى إبعاده » .

• **ويقول كمال الدين حسين :** « يعنى نحن نقول ثورة .. يقول لا نقولوا ثورة .. قولوا حركة مباركة .. ليه ؟ علشان فى الثورة رأس المال الأجنبى يهرب .. عرفوا الناس إن فيه خلاف .. وإن فيه مركز القوة .. بدأوا اللي مش عاوزين نجاح الثورة ينضموا إلى نجيب وصنفوا له .. من الأحزاب كلها بلا استثناء .. بعض ضباط الجيش اللي لم يدخلوا فى العمليات .. قالوا الحكاية سهلة ننضم .. بدأ هو يعمل ويتعصب لنفسه أكثر من اللازم .. قال مش أنا قائد الثورة ؟ ضحكنا .. وبعدين لما عيناه رئيساً للجمهورية .. بكى وكان بيقول أنا عملت إيه علشان أستاهل أبقى رئيس جمهورية .. كان أقصى ما يتمناه أن يكون وزير حربية مثلاً ولأ رئيس أركان حرب .. لكن هو أدى الدور بتاعه .. لكن الذنب مش ذنبه .. فرق كبير فى السن بينه وبيننا .. فرق كبير فى التفكير بيننا .. لم يكن ممكن رأيته يتنفذ فى هذا الوقت .. واللى يقول لك هو كان مع الديمقراطية .. هو فى الأول لأ .. لم يكن مع الديمقراطية .. كان معانا لغاية آخر لحظة .. لدرجة كان موافقاً على « لا رجوع للأحزاب ولا عودة لل دستور .. » طيب ما إحنا أول ناس نتحاكم بمستور ٢٣ .. لأن إحنا شيلنا الملك و غيرنا النظام . »

ويقول أمين شاكر : « محمد نجيب مالوش دعوة بالثورة .. أنا كنت أركان حربه .. وأنا بأحبه جداً رحمة الله عليه .. إحنا صحبناه من النوم بعد ما نجحت الثورة .. وبعد ما احتلنا البلد عسكرياً .. القاهرة على الأقل .. إنما فى هذا التاريخ لملك تعلم .. الناس كان السن له عندها قيمة معينة .. فقلنا نجيب رجل كبير فى السن يكون مقدمة لنا .. هو الواجهة بتاعتنا .. فكرنا فى فؤاد صادق .. وفكرنا فى محمد نجيب .. أنا رحلت لفؤاد صادق لقيته متردداً جداً .. رحنا لمحمد نجيب .. فنجيب وافق فوراً .. بعدين .. « يحيا نجيب منقذ مصر .. يحيا نجيب منقذ مصر .. » وحصلت مصر « وهو يشاور بالبرنيطة .. فقام صدق أنه منقذ مصر وإن هو اللي عمل الثورة .. وحصلت أزمة بينه وبين مجلس قيادة الثورة .. مين اللي يبقى صاحب النفوذ وصاحب الكلمة العليا .. قام عبد الناصر بنفسه .. وبدون أى ضغط من أى جهة .. تنازل عن قيادة المجلس لمحمد نجيب .. فأصبح نجيب قائد مجلس قيادة الثورة ورئيس وزراء .. ويرضه اتضح إن ده لا يكفيه .. ليه ؟ لأنه عاوز يرجع الأحزاب القديمة .. وهو اللي يعين الحزب ده .. وهو اللي يشيل الحزب ده .. وهو يبقى يجمع الناس حواليه ويخلينا نظهر أمام الناس بأننا ضد الديمقراطية .. وهو كان تفكيره إن رجوع الأحزاب هو رجوع للديمقراطية » .

• **ويقول أحمد أبو الفتوح :** « كان الشيوعيون يعتقدون أنهم عن طريق أحمد فؤاد وخالد محبى الدين وبعض الضباط الشيوعيين سيمتطيون السيطرة على الحركة .. فلما اتضح لهم عكس ذلك نشطوا ضد عبد الناصر وضد حركته بل كانوا فى مقدمة من هاجموا الحركة فى منشورات سرية .. وقد بدأوا بالهجوم خلال شهر سبتمبر من سنة ١٩٥٣ .. إذ أصدروا أول منشور لهم ضد الحركة وضد زيارات محمد نجيب للأقاليم .. وكان المنشور تحت عنوان « رحلة البهلوان فى آخر الزمان » . »

• **وبعد إبعاد يوسف صديق وعبد المنعم أمين من مجلس القيادة .. وقضية ضباط المدفعية**

ومحاكمة الدمنهورى .. رفض نجيب التصديق على حكم إعدام إبراهيم عبد الهادى أحد كبار زعماء العهد الملكى ...

• وبدأت الانقسامات .. وحمل خالد محبى الدين لواء المعارضة فى مجلس قيادة الثورة ...

* ويقول خالد محبى الدين : حدث الخلاف فى أزمة مارس وهو صراع على قضية الديمقراطية كما هو معروف فى التاريخ .. بعدما انتهت أحداث مارس .. كان لا يمكن أن أنا أقعد .. لأنه فيه خلاف .. خلاف على منهج الحكم وعلى أسلوبه .. وإن لم يكن خلافاً على أهداف مصر ..

* حضرتك كلمتنا عن أزمة مارس فى سطر .. ونريد منك سطوراً كثيرة مثلما كتبت بقلمك
« الآن أنكلم » ؟

* « هو أنا أصلى من الأول كنت راغياً أن الثورة على وجه السرعة - وده الخلاف - تعود إلى الوضع العادى ونحكم بأسلوب تقليدى .. برلمان وانتخابات .. والزعماء كانوا يرون أن عليهم واجبات يؤدوها .. ودى وجهة نظر .. قبل أن نعود إلى الوضع العادى .. طبعا الفكرتان انتهت إزاء هذا إلى ما يسمى بفكرة الانتقال .. ليه فكرة الانتقال ٣ سنوات .. كانت فيه اتجاهات إنها تمتد .. فيه ناس بقول إنها نقل أو تقصر .. وبين الاثنين كان فيه صراع .. وفيه ناس كان رأيها إن الحكم يجب أن يكون ثورياً .. يعنى بدون الالتزام بالإجراءات الشرعية والدمشور والانتخابات .. وفيه رأى بيقول لأنه لابد أن يكون هناك دستور وقانون وانتخابات .. الخلاف كان موجوداً بين الاتجاهين .. والصراع دخل فيه جوانب أخرى .. محمد نجيب كان الأول مؤيداً للاتجاه الأول .. وهو البقاء والاستمرار والإجراءات الثورية .. لكنه لما اصطدم غير .. أنا كان موقفى واحداً من الأول .. كنت حريصاً أنه من الأول إن أحسن حاجة لمصر أن يعود الوضع بسرعة إلى الوضع الطبيعى .. ودى وجهة نظر .. ناس كان بيروا إنها تبقى غلط دلوقتى .. لكن أنا بأنكلم عن ساعتها .. بصرف النظر إيه الصواب وإيه الخطأ .. وكان رأيهم أنه كان لازم الثورة تؤدى واجبتها .. ونعمل الإصلاح الزراعى .. والتصنيع .. وكل ده .. وبمدين نتكلم عن الموضوع الآخر .. الديمقراطية .. فالصراع حصل .. »

* ويقول رياض سامى : « قرأت كتاب « الآن أنكلم » .. وذكر فيه حقائق كثيرة .. أما الفترة لما تازم الموقف مع نجيب .. وأبلغه قائد الحرس محمد رياض وقال له فيه مظاهرات حنطلع بكره .. وده كان آخر تحرك لإنهاء الوضع وإعادة الأحزاب .. وقالوا إنه فيه مبالغ دفعت .. وإن البلد حنطامر عليك .. وكان محمد نجيب يشعر أنه وحيد فى الميدان .. فى كفاحه لعودة الديمقراطية .. وعودة الأحزاب .. واستدعى خالد محبى الدين وقال له استعد .. وخالد محبى الدين وقف معاه .. لكنه لم يصمد للنهاية وسافر إلى الإسكندرية وقعد يومين ثلاثة .. وإن جاز أنكر للتاريخ أن الرئيس محمد نجيب كان جديراً بالتقدير من الشعب المصرى والسلطات المصرية .. ما كان يجب ما عمل فيه خصوصاً بعد التتحية .. أقولها لجميع إخوانى الضباط الأحرار ولأعضاء مجلس الثورة .. أن لب الخلاف بين محمد نجيب والآخرين من

زملائه أيام الثورة .. كانت الديموقراطية .. كان مصراً عليها لآخر أيامه قبل أن يعتقل في المرج ..

• **يقول إسماعيل فريد :** « كانت البلد حتروح .. كان الجيش حيزرب فى بعضه .. كان الطيران تحرك فعلاً .. علشان يضرب السوارى .. والدبابات كانت مدورة والمدفعية مصوبة مدافعها على سلاح الفرسان نتيجة الاختلافات بتاعة خالد محبى الدين .. اللى هو طبعاً كتبها حلو وكتبها له رفعت السعيد .. الرجل الماركسى .. ليس هذا كلام ثورة .. ولزام الناس تعرفه صراحة من غير تدخل الرقابة عندكم عن هذا هو الوضع .. كنا سوف نفتل مع بعض .. وبالتالى الشعب سوف يقتل مع بعضه .. وبالتالى الإنجليز سوف يدخلون من السويس ويحلوا البلد مرة ثانية .. إسماعيل فريد كان لا مع ده ولا مع ده .. إسماعيل فريد مع الجميع .. علشان نبغى كتلة واحدة زى ما نخلفنا كتلة واحدة .. وبما أنا أصلحت بين جمال عبد الناصر وعامر مع محمد نجيب .. بفضل الله وعون الله .. ولا يعلم هذا الكلام الكثير من الضباط أعضاء مجلس الثورة الكبار زى بندادى وزى زكريا .. لا يعلموا حاجات كثيرة أنا كنت بأعملها .. وأنا لا أبغى شهرة ولا حاجة .. »

• **وفى ١٤ يناير سنة ٥٤ أصدر مجلس الثورة قراره بحل جماعة الإخوان بتهمة التآمر مع السفارة البريطانية لقلب نظام الحكم ...**

• **ويقول أمين شاكى :** « والله اللى حدث إن عبد الناصر كان ماشى معاهم فعلاً بما يرمى الله .. وهم زى ما قلت لك لهم قدرات كبيرة جداً فى الاتصال بالمواطنين .. وكانوا ناجحين فى هذا إلى درجة كبيرة .. لإن الثورة كانت بتعمل كل حاجة بتعود على الناس بالخير .. لما أحسوا باحتياج الثورة لهم .. قام قال لك لازم بيغى لنا دور مهم ومعترف به .. فلقبت الهضبيى ببكلمنى فى التليفون .. وقال لى أنا عاوز أقابل السيد جمال عبد الناصر ضرورى وبسرعة .. فحددت له ميعاداً وجاء ودخل .. وعبد الناصر قال لى اقعد ففعدت .. وبعدين من ضمن الكلام .. لقيت الهضبيى يقول له : والله أنا جاى علشان أقول لك إن أى قرارات تعملوها .. وأنا ما بقولش إن القرارات دى سيئة .. لكن أى قرارات بتتخذوها ما تعلنوهاش ولا تنفذوها قبل ما تأخذوا رأينا .. لأن إحنا أمام الناس أصبחנו مسئولين عن اللى بيحصل فى مجلس قيادة الثورة .. فلازم تأخذوا رأينا .. فالرئيس حتى اتضايق .. وكانت دى بداية النهاية .. »

• **وكان حل جماعة الإخوان .. هو نقطة التحول فى موقفهم من الثورة .. واعتقلت الحكومة سنة ٥٤ المرشد العام حسن الهضبيى ...**

• **وأعلن زكريا محبى الدين وزير الداخلية أن عدد المعتقلين ٤٥٠ ، واتهم الإخوان بتدبير مظاهرة مسلحة فى جامعة القاهرة يوم ٢٨ فبراير سنة ٥٤ وأوقفت الدراسة فى الجامعات المصرية ...**

• **وكان تعيين الصاغ عبد الحكيم عامر - كما سبق أن ذكرنا - قائداً للجيش بناء على رغبة جمال عبد الناصر ضد رغبة نجيب ...**

● وشعر محمد نجيب باستحالة استمراره مع مجلس القيادة .. وشكا من تعرضه لمضايقات عديدة ...

● وكانت شكوى أعضاء مجلس قيادة الثورة من نجيب لأسباب مختلفة ...

● وأسأل إسماعيل فريد : أول خلاف كان بين الرئيس نجيب ومين ؟

* « هو في الواقع أول خلاف كان مع صلاح سالم .. كان إحدى اهتمامات نجيب باستمرار إن خطبه تذاع كذا مرة .. طيب ما أنت لك كذا خطبة .. فكان يهتم إن الخطبة دى لماذا لا تذاع .. صلاح سالم كان يبذع الخطاب اللي إحنا محتاجين لها كثورة ومحتاجين لها كشعب .. لم يكن يتصور أن ده حيزعل نجيب .. لدرجة إن ابنه يوسف قال له : أنا كل ما أفتح الإذاعة ألقى نجيب .. مايفش حاجة ثانية .. قلت له أهو شايف ابنك من دمك وزهق .. قال لا لازم الخطاب تذاع .. كان هنا الخلاف شديداً جداً .. وأنا قلت هذا الكلام فى اجتماع مجلس قيادة الثورة .. وينكر هذا بعض الذين كتبوا كتب النهارد .. إننى جيت استقالة نجيب .. وقلت له خذ أدنى الاستقالة بتاعتى .. أنا فضلت أترجى فيه وعيط .. والبلد ومش البلد .. إلى آخره .. وسلمت الاستقالة لكمال حسين باعتباره سكرتير مجلس الثورة .. لم أعطيها لجمال عبد الناصر إلا بعد ما تفاقم الخلاف واشتد خالص .. وقنمت استقالتي .. قلتم على نجيب إن هو العظيم المهدى المنتظر .. والشعب سمع كلامكم على أنه الرجل أعظم رجل فى العالم .. النهارد نقول عليه أوحش رجل إزاي ؟! إما فى الأول كنا كذابين .. يا إما دلوقتى إحنا بقينا كذابين . »

● ووقع فى فبراير سنة ٥٤ حادث مفاجئ هو استقالة محمد نجيب .. وفوجئ الناس بذلك المنشور فى الصحف .. وكان صلاح سالم مسئولاً عن الإرشاد القومى ...

* ويقول توفيق عبده إسماعيل : « هم كانوا يجتمعوا كثيراً بنون محمد نجيب .. كانوا بيتفقوا .. الجلسة بالليل .. وفيها محمد نجيب .. يقرأ على اتفاق قبل ما يدخلوا بحيث أن محمد نجيب ما يبقاش رأي له تأثير كبير فى القرار وكان يُبلغ بالاتفاق .. وإذا أحب يتناقش تبقى الأغلبية ضده .. وهو كان رجل ديموقراطى .. فيرضخ لحكم الأغلبية .. واستمرت الأمور فى الفترة التى عاشها بهذا الشكل إلى فبراير ٥٤ لما ما عجبوهش الحال واستقال .. والأزمة دى نشأت أساساً لما محمد نجيب قدم استقالته .. لاحظ المرحلة الأولى الـ ٥ - ٦ شهور الأولى من الثورة لحد يناير ٥٣ .. كان لنا اجتماعات دورية ببعضها جمال عبد الناصر وعبد الحكيم عامر وكمال حسين وصلاح سالم وحسين الشافعى وخالد محيى الدين وثروت .. اجتماعات مستمرة ودورية نتناقش فيها فى أمور البلد كلها .. إنما بعد حركة المدفعية بتاعة يناير ٥٣ أوقفت هذه الاجتماعات .. إنما كان فيه علاقات للضباط الأحرار ببعض .. واستمر الحال بهذا الشكل لسنة .. القيادة أو مجلس قيادة الثورة بيؤدى أدواره تمام .. مايفش اجتماعات إلى فبراير ٥٤ .. محمد نجيب قدم استقالته .. فيلجأوا لمين علشان يحاولوا يحموا ظهورهم فى الجيش .. فقالوا الضباط الأحرار .. فجابوا الضباط الأحرار فى مجموعات مختلفة .. مجموعة المدفعية .. مجموعة المشاة .. ومجموعة الفرسان أصرت على عدم قبول الاستقالة وطلبت

محاكمته إذا كان أخطأ يحاكم .. ولو لم يخطئ لازم نتعاونوا مع بعض ولازم نسرع بخطوات إعداد الدستور والديمقراطية .. وكانت الاجتماعات في مجلس قيادة الثورة وبعض الضباط .. رغم صغر سنهم .. كانوا يقولوا كلام كثير من اللي بسمعه النهارده بعد ٤٠ سنة من الثورة عن الديمقراطية وحرية الرأي .. وندى الشعب حقه أن يشارك ويختار .. في الحقيقة بعض أعضاء مجلس قيادة الثورة منهم جمال سالم اعتبروا ده تطاولاً واحتدموا في المناقشة على الضباط الأحرار .. انسحبنا ورجعنا أسلحتنا .. أنا كنت في الكلية الحربية .. بقية السلاح رجعوا .. إنما الضباط لم يعجبهم .. شافوا في الجرنال الصبح .. قبول استقالة نجيب .. طب احنا لا نقبل استقالته .. وبقلم الاستقالة ليه .. قالوا لأ .. يبقى إحنا لا يصح أن نقعد في الجيش .. لازم نستقيل .. مانستقلش لوحدها .. نخلى كل الضباط تستقيل .. فعملوا اجتماعاً ودعوا حسين الشافى يحضر .. ماجاش .. انفض الاجتماع وفيه نوع من التمرد ..

• **وأسأل عبد اللطيف بغدادى : هل كنت من المؤيدين لفكرة أنه يبقى رئيساً للجمهورية ؟**

• **محمد نجيب** عملناه رئيساً للجمهورية .. لكن حصل خلاف على السلطة .. وبعدين محمد نجيب جنباه .. عندما كنا ضباطاً صغيرين ماحدش يفتتح بينا .. فلحنا جنباه على إنه كبير .. وكنا عملنا انتخابات نادى الضباط وإحنا كنا وراه ونجفناه وبقي موجود .. ضابط كبير له سمعته الكويسة .. فى حرب فلسطين كان مقاتلاً .. هو اعتبرنا إحنا أركاننا حربه .. وابتدا يتعامل على هذا الأساس .. ولما حصل خلاف فى الأول وحصلت له شعبية ورد فعل الناس معه .. ابتدا يطلب سلطات ديكتاتورية .. باين كل ده تفصيلياً فى مذكراتي .. من هنا أخذنا موقفاً مضاداً له .. وحصلت صراعات .. وما أقدرش أحكى لك ٨٠ صفحة تفصيلياً شفها ..

• **ويقول حسين الشافى :** هو محمد نجيب رجل شجاع له دوره اللي أداه ولا أحد ينكره .. لكن هو كان الحلقة اللي ممكن تتجمع حولها العناصر المضادة للثورة .. يعنى لقوا الحلقة اللي ممكن من خلالها ينفخوا .. وهو بحكم تكوينه .. أصله كان رقيقاً وبشوشاً .. فهو أخذ المسائل بأسلوب طمع الناس .. وماfish شك أنه لما قدم استقالته يوم ٢٣ فبراير سنة ٥٤ .. كان بإيحاء من سليمان حافظ والسنهورى .. ليه ؟ لأنهم قالوا له إنت الكل فى الكل وإنت رئيس الثورة ..

• **ويقول إسماعيل فريد :** « الخلاف بدأ طبيعياً .. طبعاً فارق السن دى واحد .. السلطة ٢ .. وأنا لما أنكلم عن الثورة بأقول الحقائق لأنه لم يكن هناك تخطيط .. مش أكثر إن إحنا بننظف الجيش ونظهره .. كان كلامنا على هذا الأساس .. ولما نجحنا نجاحاً كبيراً .. وبدأنا نمسك الحكم .. بدأ يتعين كل عضو فى مجلس الثورة فى وزارة من الوزارات .. كمال حسين مسك التربية والتعليم .. صلاح سالم راح الإرشاد .. زكريا محيى الدين مسك الداخلية .. بدأ يدخل فى دماغنا السلطات من هنا .. هو بدأ الخلاف الفعلى الحقيقى ما بين أعضاء مجلس الثورة أنفسهم ونجيب .. لأن نجيب كان يحضر ١٧ حفلة فى اليوم أو ١٠ اجتماعات وفيه شغل ماشى فى الدولة .. والموظفين والجيش والطلبة والتعليم والصحة .. مين بيدير هذا الكلام ؟ وأصبحت سلطة القيادة لمجلس الثورة للى قاعدين بيعملوا .. وهو منفصل عنهم فى جانب آخر هام جداً ..

لا يمكن إنكاره .. ولا يمكن الاستغناء عنه .. وهم شغاليين .. هنا حصل الانفصال .. يبقى أصبح أنتم لماذا لا تقولوا لى على الحق دى وطيب إحنا نشوفك فين .. ثم أنت قلت تصريح كذا وكذا .. من هنا دب الخلاف » .

* ويقول أبو الفضل الجيزاوى : « هو أنا رأى بصريح العبارة .. إن كل واحد بيلعب دوره لازم يأخذ وضعه الطبيعى .. فمما لا جدال فيه وبدون مناقشة وبدون جدل أن القائد الحقيقى للثورة هو عبد الناصر .. وهو قائد التنظيم وهو الذى كان مع الضباط .. وهو الذى أعطى ساعة الصفر .. وهو الذى قال اخرجوا .. فالخطأ الأساسى لعبد الناصر أن هو جاء برتبة أكبر علشان تبقى أمام الرأى العالمى فيه واحد لواء .. هو كان بكياشى (مقدم) فجاب محمد نجيب وعمله رمز للثورة .. أو من ناحية الشكل العام هو قائد الثورة .. الحقيقة غير كده .. والحقيقة إن عبد الناصر هو المنفذ والمحرك .. محمد نجيب كان لا يملك شيئاً من أمره .. طبياً محمد نجيب وافق .. وهو رجل مهم قيل فيه فهو رجل عسكري مضبوط وشریف ونزيه وكان معانا فى حرب فلسطين مثلاً للجندى والرتبة الكبيرة العظيمة .. وأصيب فى حرب فلسطين وأخذ نياشين .. بعد كده ظهر الخلاف الحقيقى .. لابد أن يظهر وأن يطفو على السطح .. من قائد الثورة : عبد الناصر ولا محمد نجيب ؟؟ فاصطدم الاثنان .. عبد الناصر باعتباره هو المرتبط أكثر مع الضباط ومع التنظيمات كلها استطاع أن يكسب الجولة وأن ينتصر على محمد نجيب .. وأنا أريد عبد الناصر لاستمرار الثورة فقد كان القائد المحرك لهذه الثورة .. مش معقول حنينب محمد نجيب ونخله يمسك زمام الأمور .. وهو بعيد عن هذه الأفكار وهذه الأحداث كلها » .

* ويقول خالد محبى الدين : « لما تفجرت أزمات محمد نجيب .. والصراع على السلطة .. واصلت فيها عمل الديموقراطية والعودة إلى الحياة النيابية ووضع الدستور والإمراع به وفترة الانتقال تقصر .. العوامل دى بتفرض نفسها على الظروف ما حدش بيفرضها .. فانفجر الخلاف مع محمد نجيب .. انفجر باستقالة محمد نجيب وانفجر بالاتجاهات اللى كانت موجودة » .

* ويقول فتح الله رفعت : « هو الذى كان مؤيداً للرئيس نجيب هو خالد محبى الدين » .

* وأسأل خالد محبى الدين : هل كنت مع الرئيس محمد نجيب قلباً وقالباً ؟

* « كلمة » كنت مع الرئيس نجيب قلباً وقالباً دى مش صحيحة .. إحنا اتفقنا أنه الأول .. كان رأيه إن فترة الانتقال تبقى ٥ سنين ونمتد لأنه هو كان علاقته حسنة بالزملاء وما فيش مشاكل .. لما المشاكل بدأت بدأ يتجه اتجاهاً آخر .. هو وجد لأنه هو شخصية محبوبة إنه لو أجريت انتخابات .. الناس حتنتخبه .. فمايفش بقى من الديموقراطية .. لكن كان عنده الجانب الخاص بتاعه .. أنا مختلف عنه .. حتى لو بنتفق فى فكرة عودته هو بينظر لها نظرة وأنا بأنظر لها نظرة أخرى .. فلإحنا كنا بنلتقى ولكن ما نقدرش نقول قلباً وقالباً .. لأنه هو كان عنده اتجاهات أن يصفى المجموعة دى وأنا ما كنتش عاوزه يصفىها .. فمانقدرش نقول إننا معاه قلباً وقالباً ..

لكن التقينا فى أهداف بلا جدال .. والزملاء كانوا فى اتجاه آخر .. فمن هنا نقدر نقول إن أزمة مارس كانت خالد ونجيب فى حنة .. وباقي المجموعة فى حنة أخرى .

• وتذاعت ردود فعل الاستقالة .. داخل الجيش بحركة فى سلاح الفرسان .. وقامت محاولة لقلب نظام الحكم بقيادة أحمد المصرى ...

• ويقول جمال منصور : « دعى ضباط سلاح الفرسان إلى اجتماع عاجل فى الميس الأخضر .. حضره عبد الناصر ودارت مناقشات واسعة للمطالبة بعودة الحياة النيابية .. وأن يبتعد الجيش عن الحكم » .

• يقول خالد محيي الدين : « كون أنا فى سلاح الفرسان .. بأقول رأى ده مع الضباط .. والضباط الفرسان كانوا مقتنعين بوجهة النظر دى .. بأن من أنفسهم .. أنا من يمثلهم .. وكانوا مقتنعين .. فكان اتجاه الضباط الفرسان .. كانوا يمثلوا فى الثورة الاتجاه الديموقراطى .. بقى باين على طول الصراع اللي دار فى ٥٤ .. إن ضباط الفرسان كانوا يقصدوا اتجاهاً وبقية الضباط الأحرار للقوات المسلحة فى اتجاه .. ويعدين الوضع العادى إن الاتجاه الآخر هو اللي كسب .. إيه اللي كان حوصل .. ماحتش يعرف .. لتقديم حيود بالكامل ولا نص نص .. والجيش جيعمل إيه ؟ ماحتش يعرف .. يعنى كان فيه أوضاع صعب للتنبؤ بها .. بس إحنا بنحكى ما جرى .. الصراع ده جرى .. وانتهى بالنتيجة دى .. الناس تؤرخ بقى .. ونحن نحكى عن الحدث » .

• ويقول توفيق عبده (إسماعيل) : « عيد الحكيم عامر فى هذه الفترة مسك مسدس وقال أنا حانتحر إذا كانت الأمور فى الجيش اللي أنا بأقوده تحصل إلى هذا الحد من التناحر والتناذب والخناقات .. أوقفوا كل حاجة وأنا حانتصرف كقائد للقوات المسلحة .. فهدأت الأمور وطلع الناس المعتقلين .. وألغى الحصار الموجود أمام سلاح الفرسان .. وبدأت عملية اقترابه من ضباط سلاح الفرسان .. عاوزين كلنا نتألف مع بعض ومحمد نجيب حيرجع .. وإحنا نقعد معاه .. عندكم مانع .. لأ ماعندناش .. واستمرت الأمور إلى ٥ مارس .. ورجعت « ربما إلى عاداتها القديمة » .. طيب ما هو معنى كده .. إن إحنا حنسب محمد نجيب وبقى سلاح الفرسان مشى كلامه .. فطلع بيان ٥ مارس بيقول حنعمل أحزاباً .. ورجع تانى ٢٥ مارس استقالة مجلس قيادة الثورة ومانقشر نعملون مع محمد نجيب » .

• وأسأل أحمد المصرى : هل قنت انقلاباً ضد الرئيس الراحل جمال عبد الناصر ؟

• نعم .. حدث فى أبريل ١٩٥٤ .. ولعل هذا السؤال حيرنى إلى ملاسبات الحكاية دى .. القضية بدأت حين انتهى مجلس الثورة إلى قرار بعزل اللواء نجيب .. وماكانتش قضية نجيب فى حد ذاتها هى المحك .. إنما كانت عملية تفرغ الثورة أولاً بأول من رجالها وأبنائها وقيادتها .. وقد تكررت هذه المسألة أكثر من مرة .. ووضع أن مجلس الثورة بنتهج نهجاً بعيداً جداً عن أهدافها .. ولعل أهمها من وجهة نظرى هى الديموقراطية والحرية العامة .. وبدأ

الموضوع بالنقاش في مجلس الثورة .. استغرق حوالي ٨ - ٩ ساعات .. طلبنا فيه أنه يتراجع مجلس الثورة عن قراره بإقصاء نجيب .. مجلس الثورة أصدر قراره صبيحة اليوم التالي مباشرة من هذا النقاش لينهى فيه موضوع نجيب .. بل البيان الذي أصدره صلاح سالم إلى الأمة .. كان مليئاً بالمهاترات والثغرات وألفاظ لا تجوز .. وقررنا أن نقاش جمال عبد الناصر شخصياً في القرار الذي اتخذته مجلس قيادة الثورة .. ومحاولة الرجوع بالبلاد مرة أخرى إلى وضع طبيعي .. وبالتالي ينسحب مجلس الثورة من مكانه وينتخب رئيس جمهورية وتشكل وزارة ديموقراطية وطنية ويتعمل دستور للبلاد وتبدأ هذه الحكومة الانتقالية لـ ٦ شهور .. تكون كل هذه الإجراءات تمت وتعود البلاد مرة أخرى إلى النظام الديموقراطي .

• **عندما نقول قررنا وعملنا .. تقصد من ؟**

• **أقصد كتلة الضباط الأحرار في سلاح الفرسان بل وضباط سلاح الفرسان أيضاً .. الذين ناقشوا عبد الناصر في هذه الليلة .. كانوا حوالي ٤٠٠ ضابط .. واتفقنا إلى أن صباح الغد سيصدر مجلس قيادة الثورة قراراً في شأن نجيب .. إما بالإبقاء أو بتغييرات .. وانتهت هذه الأزمة باعتقال عدد كبير جداً من الضباط .. وتراجع جمال عبد الناصر عن ٥ قرارات أرضتنا .. أصدرها هو شخصياً .. وهي العودة إلى الحياة الديموقراطية وعودة نجيب رئيساً لجمهورية برلمانية وتشكيل حكومة وطنية بقيادة خالد محيي الدين وانسحاب الضباط الأحرار إلى الجيش .. وتعود الحياة المدنية للبلاد من جديد .. بعد ساعات من هذا القرار ألفوا هذا القرار مرة أخرى .. أثناء جمال عبد الناصر ومجلس الثورة .. وفي ظني أنه أصدر قرار بعد كده في ٥ مارس .. يتراجع فيه عن كل هذا الكلام .. وأصبح الموقف سيئاً جداً .. وظلت البلاد لمدة شهر كامل تتصارع .. الكتل السياسية في الشارع .. تضطرب .. الصحافة تقول ما تريد أن تقول .. ولم يعد هناك ضابط ولا رابط إلى أن قبض علينا .. سميت أقول قبض علينا صبيحة هذا اليوم .. التي هو انتهت فيه للقرارات الـ ٥ .. وأفرج عنا بعدها بساعات .. نتيجة الضغوط الشعبية في الشارع .. البلد كلها بقت في الشارع .. بتطالب بعودة نجيب مرة أخرى .. القضية ليست قضية نجيب بقدر ما هي قضية نظام الحكم .**

• **وقامت المظاهرات في الشوارع تهتف بحياة نجيب وضد عبد الناصر .. في كل من القاهرة والخرطوم ...**

• **ويقول أحمد حمروش : « انعمت خلافت مجلس الثورة مع نجيب على نفوس المودانيين ووصلت المشكلة إلى الذروة عندما استقال » .**

• **ويقول خالد محيي الدين : « كان عبد الناصر صامئاً تون حراك وإلى جواره حسين الشافعي يبيكي في صمت .. وقلت له : إيه يا جمال حنميب البلد يحصل فيها منجبة .. فرد بهدوء وقال : والله أنا مش فاهم حاجة !! » .**

• **ويقول كمال الدين حسين : « فعلا في مارس ٥٤ كان يحصل انقسام في الجيش .. وحصل انقسام نتيجة الآراء المختلفة » .**

• وأسأل محمد على عبد الله ابن شقيقة اللواء محمد نجيب : أزمة مارس ٥٤ .. هل حضرتها ؟

• « حضرتها .. وأنا جايب لميادتك صور منها .. كنت ضابطاً في القوات المسلحة برتبة ملازم ثاني بعد ما قدم استقالته .. هو استقال والجمهير قامت بروح عفوية لا بترتيب ولا بنظام ولا بأى حاجة من الحاجات دى خالص .. قامت بمظاهرات شديدة جداً أجبرت مجلس قيادة الثورة على رفض الاستقالة وإعادته ثانية إلى جميع وظائفه التى كان مستقلاً منها بالكامل وهو كاتبها بالنص فى الاستقالة » من جميع الوظائف الرسمية « .. يومها رحت له البيت وكان كوالدى تقريباً وقعدت معاه .. وكان الناس اثلمت وماكانش حتى بعثوا له عريية علشان يرجع بيها لمكتبه .. ما أمكنش وصولها من كثرة العالم الللى كانت موجودة فى الشوارع .. وحواليت بيته فى الزيتون .. أذكر ذلك اليوم تماماً » .

• ويقول رياض سامى : « أقول لك موقفاً .. عندما أطيح بمحمد نجيب فى المرة الأولى .. زارنى فى الصباح الباكر .. ٧ صباحاً .. الدكتور « هرنيزويك » وهذا مدير وكالة ألمانية ومعها باقة من الورود .. وقال لى : « ألم تقرأ جرائد الصباح وعلمت بإزاحة محمد نجيب ؟ » .. ثم ذكر لى قولاً أعجبني .. قال لى : « إذا أراد شخص أن يقتال محمد نجيب لا يمكن أن يقتله إلا من الخلف .. ولو نظر إليه لا يمكن أن يصيبه أو يحاول قتله » .. كان تعبيراً عن انطباع الشعب بمحمد نجيب وتعلقه به » .

• ويقول على خليل : « وقامت مظاهرات كبيرة جداً تؤيد نجيب .. ورجع نجيب واسترد .. وخسر الجولة عبد الناصر .. واستعد لجولة أخرى » .

• ويقول أحمد طعيمة : « إحنا فى هذه الفترة كانت المظاهرات تجوب القاهرة .. إلى المسجن يا جمال .. إلى المسجن يا صلاح » .. وعبد القادر عودة - الله يرحمه - ماسك قميصه الملوث بالدم والمطبخ بالدم وطلع به فى شرفة عابدين ومعاه الرئيس محمد نجيب .. الأمور كلها تجري فى غير اتجاه هيئة التحرير وثورة يوليو .. وطبعاً فيه تعليل لهذا الوضع .. إن كل الأحزاب القديمة بغض النظر عن أسمائهم .. والإخوان والشيوعيين لما اتصلوا بنجيب حاولوا إنهم يكسبهو لصفهم كل منهم بفرض محدد .. هو أن يستغل محمد نجيب كلافقة لحين أن يثبوا إلى الحكم ويحققوا أغراضهم ثم يتخلصوا منه .. محمد نجيب لم يدرى ولم يتصور أن كل المحيطين به دول واللى بيؤيدوه بحيالوا أنهم يجعلوه يأخذ موافقاً ضد مجلس الثورة وثورة ٢٣ يوليو الللى هم جابوه أصلاً .. وزى ما اعترف وقال : « إنتم جيتونى وقمتم بكل حاجة .. وإننا الللى ضحيتنا » .. ولم يتخيل إن هو مطعم لهم وإن هو خطوة فى سبيل كل منهم .. الشيوعيون علشان يوصلوا للحكم .. والوفد يسترد نفسه ويسترد الحكم .. أو الإخوان المسلمين يثبوا إلى الحكم .. فنجيب استغل استقلالاً كاملاً فى هذه الفترة الحساسة » .

• ويقول رياض سامى : « محمد نجيب قال لى روح للهيضى أسأله لو أصريت على عودة الأحزاب ما موقفه ؟ وكان موجود صحفى اسمه سامى الليثى .. وكنا فى الزوف .. وقلت له :

الرئيس محمد نجيب بعثني أنا .. في كفاحه لدولتي لعودة الديمقراطية موقف سيادتك إيه ؟ قال لي لكل وقت ظروفه .. فنقلت لمحمد نجيب اللي دار بيني وبينه .. فقال لي : مش معقول هو يوافق على عودة الأحزاب علشان الوفد بيحى خصمه المعتاد .

* ويقول إسماعيل فريد : أنا تركته بعد ما انتحاز للإخوان وعودة الله برحمه خطب في الشعب من شرفة عابدين .. قلت له هذا لا يصح .. لأن فيه خلاف مع الإخوان وأنت ومجلس الثورة وكل الثورة في جانب .. والأحزاب السياسية والإخوان في جانب آخر .. طبعاً إذا كانوا هم ببؤيدوك النهاردة لصالحهم ليس لصالحك وليس لصالح البلد .. لأنهم سوف يأكلوا الجزء الأول وسوف يدوروا على الجزء الثاني .. ده كان كلامي .. بعد هذا الكلام قلت له أحب أنرك .. كان فيه قرار صدر من مجلس الثورة بتنحية جميع هيئة المكتب إلا إسماعيل فريد .. قال لي أنا أفضلك كده يا إسماعيل علشان لا يبقى فيه كلام عليك .

* وأسأل مأمون الهضيبي : ما رأى الإخوان في عزل الرئيس نجيب ؟

* كان أيامها النزاع بين الإخوان ورجال الثورة كلهم .. محمد نجيب كان في الأول مع رجال الثورة ضد الإخوان وبعدين لما اتداروا عليه ولقي إنهم بيعزلوه ابتدا يحاول يقول إنه مع الحريات وإنه مع الإخوان .. ولكن طبعاً هو لم يكن في ذلك الوقت له قوة فعالة .. حتى إنه يستطيع أنه ينفذ شيئاً في هذا الوقت .. إنما هو أصلاً من رجال الثورة وكان معهم فيها .. وكان بالعكس .. ويقال إن الحل بتاع ١٤ يناير والاعتقال هو كان مؤيداً لهذا الإجراء .

* ويقول خالد محيي الدين : « قرار حل الإخوان صدر بالإجماع وتنصل محمد نجيب من موافقته وهذا ليس مطابقاً للحقيقة » .

● ولم يجد رجال القيادة بدأ من قبول عودة نجيب .. واستبعدت فكرة تشكيل خالد محيي الدين للوزارة ...

● وأعلن البيان على الشعب وجاء فيه : « يعلن مجلس قيادة الثورة حفاظاً لوحدة الأمة .. عودة اللواء أركان حرب محمد نجيب رئيساً للجمهورية .. وقد وافق سيادته على ذلك » .

* ويقول خالد محيي الدين : « وابتهج عشرات الآلاف بعودة نجيب وساندها في ذلك الإخوان وانحاز القسم الأكبر إلى جانبه » .

● ومثلت عودة نجيب انتصاراً كبيراً له ...

* وأسأل إسماعيل فريد : قالوا إن الثورة سابت السودان ثم بحثت عن سوريا .. فما تعليقك ؟

* « الثورة لم تترك السودان .. هو صلاح مالم كان متولياً السودان .. ومعه محمد أبو نار ومعه شلة كبيرة من الضباط وكانوا بيرحوا يعملوا زيارات هناك في السودان .. وكانوا بيحضروا علشان تعمل الوحدة وكان حزب الاتحاد ده حزب الوحدة .. وكانت العملية ماثية في هذا

الاتجاه .. اللى أجبر جمال عبد الناصر على ترك السودان .. إن يكون لهم حق تقرير المصير .. أنا قلت خذوا بالكم من السودان .. لما ضربنا نجيب .. فأصبح السودان قال إذا كان بيضروا الراحل بتاعهم منهم فيهم .. يبقى إزاي إحنا نتحد مع الناس دول .. اتفقوا على إعطاء حق تقرير المصير .. طبعاً انتصر استقلال السودان .. لكن مصر لا تسبب السودان وعمرها ما تسببه .. إحنا واحد .. مش ممكن .. فيه ٥ مليون سودانى هنا .. والإجراءات اللى بتعملها السودان النهاردة نخيلة وليس لها أى أساس من الصحة » .

• **ويقول محسن محمد :** « لا شك أن ابتعاد نجيب كان السبب الأول فى ابتعاد السودان وانفصاله » .

• **ويقول أحمد حمروش :** « إن مشاركة صلاح سالم لقبائل الدنكا بالرقص معهم » فرصة الحرب « قد جذبت إليه قلوب الجنوبيين .. وأطلقت عليه الصحافة البريطانية اسم « الصاغ الرافض » .. أراد صلاح سالم أن يذلل محاولته الأخيرة فى إنجاح الاتفاقية لصالح الاتحاد بين مصر والسودان .. وخطب إسماعيل الأزهرى قائلاً : إن لحم أكتافى من مصر .. وقد دخلتها لابساً « حذاء كاوتش » .. ولكن هل يرضيكم أن يحكمنا صلاح سالم والعسكريون فى مصر ؟ .. وكانت المعاملة التى عومل بها نجيب قد أثرت بالسلب على نفوس السودانيين وانعكست عليهم وأثرت على الوحدة معنا » .

• **وبينما كان نجيب يحاول أن يدعم موقفه .. ألغيت الرقابة على الصحف .. وألغيت الأحكام العرفية .. وتخلى ناصر لنجيب عن رئاسة الوزراء .. وتقرر حل مجلس قيادة الثورة والسماح بقيام أحزاب .. وكان ذلك فرصة لظهور اتجاهات جميع الأطراف علناً ...**

• **ويقول أحمد المصرى :** « بعد كده بشهر بدأ عبد الناصر يلغى قرارات ٥ مارس .. ويعيد ما يسمى بقرارات ٢٥ مارس .. اللى عطلت الحريات .. ورجعت الأمور إلى المستور المؤقت .. بعد كده انتهت حرية الصحافة .. وفرض رقابة صارمة على الصحافة فى مصر .. وكبلت كل الأصوات .. وبدأت الاعتقالات .. فى هذه الأثناء لم يكن بدأ أن نعمل عملاً من شأنه أن نزيح مجلس الثورة .. وده السؤال اللى سألته .. أيره أنا فعلاً كنت أريد أو على وشك إننى أنهى انقلاباً لصالح الديمقراطية فى مصر .. وقد تسألنى كيف تقوم الديمقراطية على انقلاب ؟ .. أفولك الوسيلة اللى بدأت بها للثورة ممكن تبقى هى الوسيلة اللى تنهى هذا الحكم العسكرى » .

• **وماذا كانت الخطة ؟**

• « أولاً نحدد هدفنا علشان نقدر نقول إحنا جنعمل إيه .. هدفنا هو إنهاء بصراحة شديدة حكم مجلس الثورة .. وبالعنصرية مجلس الثورة لم يشكله أحد ولم ينتخب ديموقراطياً من الضباط الأحرار ولم يشترك الضباط الأحرار اللى عملوا الثورة فى اختيار حتى ممثلهم .. إنما هو اختيار شخصى للرئيس عبد الناصر .. وكان الهدف تغيير النظام وتغيير الحكم .. وإسناد العملية

إلى رئيس جمهورية مؤقتة .. وكان في ذلك الحين محمد نجيب أيضاً .. على أن خلال ٦ شهور يكون وضع دستور للبلاد وأطلقت حرية تشكيل الأحزاب وتم إجراء انتخابات ديمقراطية تأتي بحكومة نيابية برلمانية .

• هل كنتم حثروا مجلس قيادة الثورة وتحتلوه ؟

• لا ماكنش مجلس قيادة الثورة هدفاً .. كانت كل الاجتماعات بتتم في القيادة العامة للقوات المسلحة في كوبرى القبة .. فكان يكفى جداً إن إحنا نحاصر القيادة لإجبارهم على الاستقالة .. كل هذه المسائل وضعنا خططنا في التغيير .. وكان معايا مش أقل من ٢٢ من ضباط سلاح الفرسان .. وفيه من ضباط المدفعية أيضاً ناس .. وفيه من المشاة ناس .. وفيه أسماء وقادة وحدات وقادة ألوية مدفعية وقادة ألوية فرسان .

• الحكم كان إيه بعد كده لما فشلت المجاورة ؟

• الحكم كان ١٥ سنة من محكمة ثورة خاصة .. من خمسة من كبار الضباط كلهم من رتب كبيرة وقضيت ٥ سنوات تقريباً .

• هل كان ده أول انقلاب بعد الثورة ؟

• لا .. كان فيه كثير قبل كده .. كان فيه حركة المدفعية اللي قبض فيها على رشاد منها ومحسن عبد الخالق .. ومجموعة من الضباط .. ودول كان طلبهم بسيط قوى ولينهم سمعوه .. إن مجلس الثورة يبقى بالانتخاب من الضباط الأحرار .. وأقم على هذه المجموعة رشاد منها لأنه لم يكن مشتركاً ولم يكن له أى علم بهذا الموضوع .

• هل كان هناك انقلابات أخرى ضد الرئيس عبد الناصر ؟

• « ١٨ انقلاب .. وبالصدفة في هذه اللحظة أحبي الأستاذ أحمد بهاء الدين باعتباره أحد كتابنا العظام .. هو اللي ذكر هذه الانقلابات .. وأنا بالصدفة بأقرأ العمود بتاعه راجعت فلفت في العمود لقيتهم ١٨ انقلاباً » .

• وهنا تحرك رجال هيئة التحرير بقيادة الطحاوى وطعيمة ..

• وفى ٢٧ مارس كانت المظاهرات تهتف بسقوط الحرية وسقوط المتعلمين ...

• وأضرب عمال النقل احتجاجاً على عودة الأحزاب مما شل الحركة في مصر .. ونزل الجيش إلى الشارع لحفظ النظام ...

• وأسأل جمال حماد : هل تقصد أنهم كانوا يخططوا ويرسموا ؟

• آه معظم ضباط الجيش .. العمال .. هيئة التحرير .. الناس اللي هم استفادوا من الثورة .. أو يخشوا إذا صغيت الثورة ورجعت الأمة إلى ممثلها للشرعيين حيث حكموا .. فالغرض كان من ٢٥ مارس إثارة هؤلاء الناس وإثارة للجيش علشان يلغى قرارات ٥ مارس .. وهذا

ما حدث .. لأنه عندما علقت قرارات ٢٥ مارس .. بدأت على طول المؤتمرات وتجميع الضباط في الأسلحة ويعملوا مؤتمرات مطالبين بأنه لازم إلغاء القرارات .

• وأسأل أحمد طعيمة : في مارس ٥٤ كان لهيئة التحرير دور مهم ومؤثر في مجريات الأمور ، تذكر عنه إيه ؟

• سأحدث عن دور هيئة التحرير من الناحية الفعلية في مارس ٥٤ .. ناس كثير اعتبروا إن هيئة التحرير هي التي قامت بانقلاب ٢٩ مارس ٥٤ .. الواقع أن هيئة التحرير فرض عليها التصرف .. وكان تصرفها رد فعل لفعل .. لأن الفترة دي كانت حساسة جداً وخطيرة جداً في تاريخ مصر .. كان الجيش فيه فلال كثيره سواء في الفرسان أو في المدفعية أو .. أو .. ما فيش استقرار في القوات المسلحة .. وفيه اضطرابات لا أعزوها لأخطاء بقدر ما أعزوها إن ده وضع طبيعي بعد أي ثورة .. أن تبدأ عناصر تتحرك لأسباب أو لغير أسباب لمطامع أو لغير مطامع .. الله أعلم بها .. قطعاً لو الشعب المصري كمان يصاب بمثل هذه القلاقل .. يبقى ضاعت مصر .. لا جيش مستقر ولا شعب مستقر .. فوجئنا في ليلة من الليالي أعتقد ليلة ٢٥ مارس .. بدخول الصاغ أحمد الصاوي .. اللي سموه بعد كده « صاوا صاوا » .. ومعا واحد اسمه محمدى عبد القادر .. الله يرحمهما الاثنين .. وكان سكرتير عام اتحاد النقل المشترك .. دخلوا علينا الساعة ١٢ بالليل .. أنا فوجئت بمجبئهم في وقت زي ده فسألنا الصاوي في إيه .. خير ؟ قال لي أنت عارف إهنا جايبين منين ؟ قلت له لا ما أعرفش .. قال إهنا جايبين من بيت محمد نجيب .. الله الله تعملوا إيه في بيت محمد نجيب ؟ .. قال لي أصل يوسف صديق .. اللي كان عضواً في الثورة في البداية .. قريبي وبعث لي .. فاضطريت أروح له .. فلما رحنا له قال لي تعالى حنروح بيت محمد نجيب .. رحنا هناك .. وهذا موضوع كما نقله لي الشهود الأصليين أن محمد نجيب ويوسف صديق .. وخالد محيي الدين كان يعلم علم اليقين بهذا .. لا أنكر إذا كان حضر في الجلسة أو قيل اسمه في الجلسة أنا لا أنكر .. إنما قالوا إنهم طلب منهم إن قرارات مارس بحل مجلس الثورة وعودة الضباط للثكنات وقيام جمعية تأسيسية .. الكلام ده المفروض تنفيذه في ٢٣ يوليو ٥٤ .. المطلوب منهم أن يطالبوا بتنفيذ هذه القرارات فوراً ومايقاش فيه انتظار من مارس إلى يوليو .. خوفاً من أن عبد الناصر أو مجلس الثورة يرجع يستعيد الأوضاع كما كانت .. هذا الخوف والقلق من جانبهم خلاهم يعرضوا على اتحاد النقل المشترك أن يبدأ بإضراب عام .. ثم اعتصام .. وتقلده جميع نقابات العمال على الاضراب والاعتصام إلى أن تستجاب مطالبهم .. بتنفيذ قرارات مجلس الثورة فوراً .. والعودة إلى الثكنات .. وتسليم البلد إلى الأحزاب القادمة .. وعرضوا عليهم ١٠ آلاف جنيه .

• مين اللي عرض ؟

• نجيب ويوسف صديق .. عرضوا عليهم ١٠ آلاف جنيه .. وقالوا إهنا رفضنا نأخذ مليماً وجينا لك علشان نعرف إهنا نعمل إيه .. الموقف أكبر منا .. ومش قادرين نقدر مصلحة البلد فين .. إهنا اشتغلنا معاكم الفترة اللي فاتت .. من أول الثورة لغاية دلوقتي .. وثقتنا فيكم ثقة

عمياء .. إحنا بصراحة لا نعرف محمد نجيب ولا جمال .. إنتم عاوزين منا إيه .. ومصالحة البلد فين ؟ كانت مفاجأة وصدمة بالنسبة لى .. إن الطرف الآخر وصل بالتأمر إنه يعرض ١٠ آلاف جنيه .. وإنه يقلق البلد ويعمل فتناً .. يبقى الجيش فيه قلائل وكمان الشعب فيه قلائل .. يبقى مصلحة مصر فين ؟ ربنا وقفنا بفكرة .. قلت والله ممكن نعمل اللي هم عاوزينه .. تعملوا اعتصاماً وتعملوا إضرابات ونعمل كل حاجة .. بس بدل ما نطالب باللى هم طلبوه .. حنطلب العكس .. قالوا إيه .. قلت لهم « إلغاء قرارات مجلس الثورة وحل المجلس وعودة الضباط للكنات » .. يلغى هذا الكلام .. ويعود المجلس كما كان .. قالوا خلاص إحنا موافقين .. حنعملوا إيه ؟ قالوا نجيب بقى رؤساء النقابات وهم بنفسهم عملوا اجتماعاً .. يمكن حصل حوالى الساعة ٣ صباحاً .. لموا مجموعة نقابات ضخمة واتفقوا على أنه يبدأ الإضراب .. بتوقف المواصلات العامة والخاصة .. حتى سواقين التاكسى .. علشان بنوا فكرة للشعب المصرى على إنه فيه حاجة فى البلد .. على أن يتبع ذلك زيادة الموجة .. بحيث يوم ٢٩ مارس .. يحدث إضراب كامل يشمل جميع مرافق الدولة بما فيها السكة الحديد اللي لم تضرب من سنة ١٩ .. ما عدا هذا يعنى المخازن والكهرياء والمياه .. لا يتم فيها إضراب .. علشان دى مرافق الدولة .. وأهم نقطة يهمنى أن أركز فيها .. إنه لو ماكلتنش مبادئ الثورة مقبولة للعمال ومطمئنين ١٠٠٪ إن مصالحهم ومستقبلهم مرتبطين بالثورة .. ما كانوا اقترحوا هم إنهم ييجوا ويضعوا أنفسهم تحت تصرف الثورة .. وهم جاءوا لى باعتباري كمان إحنا بنشتغل مساعدين .. أنا والطحاوى مع عبد الناصر .. وهم كانوا مع نجيب .. فجانبين لبتوع عبد الناصر يشوفوا إيه الموقف .. وعاوز أقول على النقطة اللي عملت نوع من اللبس الغريب .. والاستهانة بقلبية الشعب المصرى وبضمانه .. إنه بيدو فيه حديث بين جمال والأخ بغدادى .. أو بين عبد الناصر وخالد محيى الدين .. كما نكرا فى منكراتهما .. إن موضوع مارس ده كله كلف الرئيس ٤ آلاف جنيه ؟ فيبقى الشعب المصرى لا يستحق الحياة .. إذا كان يشتري بـ ٤ آلاف جنيه .. ملايين الناس يشتري بـ ٤ آلاف جنيه .. اشترينا السكة الحديد وعمال السكة الحديد بـ ٤ آلاف جنيه !! ولا دول مين اللي أخذهم ؟ شىء عجيب !! إنما الرقم صحيح وسليم .. بس أنا حأوضحه علشان اللبس ده ينتهى للأبد .. مافيش عامل فى مصر .. أقسم بالله .. تقاضى جنيهأ واحداً .. ولكن بمجرد ما جاءوا لى وأخبروني بمؤامرة يوسف صديق .. وإنهم عرضوا عليهم ١٠ آلاف جنيه .. أنا طلبت عبد الناصر فى التليفون فوراً وكان الوقت متأخراً من الليل .. قال لى فيه إيه خير ؟ قلت له حصل كذا وكذا ودلوقتى هم معنا .. وإحنا نجعل كذا .. رد على قال لى : محمد نجيب جاهز بمشتنتين لك والطحاوى .. أنا باعتبار أنك لم تكلمنى فى الموضوع ده .. وأنا بأقول لكم وبأحذركم من أى تصرف لأنه ناوى لكم .. وبعدين قتل التليفون .. ساعتهما قيل ما يقفل قلت له : والله أنا مش بأكلمك علشان أسألك أو أشركك معنا .. أنا بأكلمك لمسبب واحد هو إن لو قمت الصبح ولبقت البلد فيها إضراب لا تتصور إن هذا الإضراب ضحك .. ولكنه معنا .. وقلنا التليفون على هذا .. فوجئت به بعد ربع ساعة طلبنى .. قال لى عاوز أبعت لك ٥٠ ألف جنيه .. قلت له ليه ؟ قال هم مش بيقولوا عارضين ١٠ .. ندفع إحنا ٥٠ ألف .. قلت له : أنا لا أسمع أن أدخل فى مثل هذه المواضيع ..

وبشراء الذمم .. والضماير فى موضوع وطنى .. وإحنا لنا تجربة فى السودان .. لما وزعنا فلوس مع صلاح سالم الله يرحمه .. كانت النتيجة فيه إن غيرنا وزع أكثر .. أنا مش حاشش فى هذا المضمار إطلاقاً .. ده ضد مبدأى .. اللى عاوز يشتغل معانا بقلبه وبغيدنا بروحه أملاً وسهلاً .. واللى عاوز ما ينضمش لنا وهو له أجر فى حته ثانية بأخذها إنما أنا لأ .. قال لى : ما أبعتش لك الـ ٥ آلاف جنيه .. تعوزوا نعملوا يغط .. والله زى ما بأقول لك يغط وتأجروا عريية نقل مش عارف إيه .. أى مصاريف نثرية .. قلت له : خلاص ممكن .. قال لى : طيب حابعت لك ٥ آلاف جنيه .. قلت له : حاقترح أنا أبعت منهم ألفين لليشى عبد الناصر فى الإسكندرية .. لأن أنا مش حاعرف أنصرف فى الإسكندرية .. لكن أنا غير إسكندرية .. أمسكها لأسوان .. إنما الليشى نسيه فى إسكندرية .. ونبعت له ألفين .

• وهو كان فى هيئة التحرير ؟

• « أبوه كان فى هيئة التحرير فى ذلك الوقت .. وأنا حيفضل معايا ٣ آلاف جنيه .. لما جينا يوم ٢٩ مارس .. بأبلغه عن الحساب بنات الـ ٥ آلاف جنيه .. قلت له للعلم .. الليشى أخذ ألفين .. وإحنا كل اللى صرفناه من ٢٥ مارس إلى ٢٩ مارس ألفين جنيه .. يبقى جملة الإنفاق ٤ آلاف جنيه .. لما تنقل هذه الصورة فى مذكرات ويقال إن الرئيس عمل حركة مارس كلها بـ ٤ آلاف جنيه .. هذا أسر لا يصدق عقل ولا منطق . »

• هل المظاهرات قامت لتكول : لا ديموقراطية ولا دستور .. الخ ؟

• « شوف .. المظاهرات كلها كانت بتقول عاشت الثورة والكلام ده .. لكن إنت عارف فى بعض الأحيان عدو عاقل خير من صديق جاهل .. من كثر الناس وانفعالها إن إزاي الثورة اللى لم يبق عليها إلا سنة ونصف وعاوزين يقضى عليها .. فيه ناس كثير مستبئين الثورة دى .. مش ضرورى بس الضباط اللى كانوا بيفكروا فى الثورة .. أو مش عاجبهم الأوضاع اللى كانت موجودة .. ناس كثير مننيين .. من هؤلاء الشباب .. أنا متذكر أنه فيه أحد منهم الله يرحمه اسمه مأمون الباز .. توفى ده من كثر انفعاله .. هتف « تسقط الحرية » .. ده مش معناه إنه تسقط الحرية بمعنى تسقط الحرية .. هو يقصد تسقط الحرية اللى هم عاوزين يعطوها لنا .. ودى مش حرية .. حريتنا مع ثورة ٢٣ يوليو .. ده حقيقة الهتاف نفسه واسم صاحبه كمان . »

• واجتمع الثوار .. وقرر المجلس حمل المسؤولية كاملة مرة أخرى .. واستمر محمد نجيب رئيساً للجمهورية شكلاً فقط دون أية سلطة ...

• « ويقول توفيق عبده [إسماعيل] : ٢٦ مارس وحركة الصاوى أحمد الصاوى والإضراب العام للعمال وضرورة عودة مجلس قيادة الثورة .. و « تسقط الحرية والديموقراطية » .. مانشيتات كثير ظهرت فى الصحف فى ذلك الوقت .. والشعب كان له موقفاً معيناً .. وانتهت عملية مارس .. إن محمد نجيب رئيس شكلى .. جمال عبد الناصر هو الرئيس الفعلى .. وهو رئيس مجلس الوزراء .. واستمرت الأمور بعد كده لحد أكتوبر لما خرج محمد نجيب . »

• ويقول أحمد حمروش : « لكن الدور الذى لعبه الصاوى أحمد الصاوى لم يرفع له .. فقد اعتدى عليه أحمد أنور بعد ذلك بالضرب فى مطار القاهرة أمام المودعين أثناء سفر عبد الناصر لبانودنج .. وانتهى دوره بعد أن اعتصرت فائنته » .

• ويضيف جمال حماد : « وفى الآخر يوم ٢٩ مارس اجتمع مجلس الثورة وصدر القرار بتاع ٢٩ مارس بنص على إلغاء قرارات ٥ مارس الديمقراطية .. وتكوين مجلس وطنى من ممثلى الشعب والجمعيات .. ولكن عمره ما اتعمل المجلس الوطنى » .

• كان القرار الأخير لمصلحة مين من مجلس قيادة الثورة ؟

• « لمصلحة جمال عبد الناصر طبعاً » .

• ويقول خالد محبى الدين : « قابلنى صحفى فرنسى مرموق يدعى روجيه ستيفان كان بالقاهرة ممثلاً لجريدة « فرانس أوبزرفاتور » .. وهمس فى أذنى قائلاً سأبلغك بنياً هام : الدوائر الحاكمة فى الغرب قررت مساندة جمال ضد نجيب .. ومكنتى هذه الهمسات من أن أعرف الاتجاه الحقيقى للريح » .

• ويقول رياض سامى : « عرفت أن السفير الإنجليزى عزم مجموعة الثورة دون محمد نجيب .. وعلمت فيما بعد أن مدير الوكالة الفرنسية أبلغ شخصاً معيناً أن عبد الناصر اتفق مع الإنجليز لو تعاونوا معه .. يستأهل معهم فى اتفاقية الحلاء .. ومدير الوكالة الفرنسية قال إنهم انفقوا مع الإنجليز على هذا الوضع » .

• واستباح البعض إهانة د . السنهورى فى مجلس الدولة والاعتداء عليه ...

• ويقول جمال حماد : « نكر كل من خالد وبغدادى فى مذكراتهما إن فترة ما بعد أزمة محمد نجيب شهدت انفجارات متعددة فى القاهرة .. قال عبد الناصر إنها من تدبيره ليشرع الناس بحاجتهم لمن يحميهم .. ثم قام اليهود بتفجير أهداف أمريكية وبريطانية .. وعرفت مؤامرتهم باسم « لافون » واكتشفت بسبب قبيلة فى ملابس أحدهم » .

• ويقول أحمد حمروش : « وفى يوم ١٩ مارس انفجرت أربع قنابل فى أنحاء متفرقة من القاهرة .. وفى صباح ٢٠ مارس كان اجتماع المؤتمر المشترك .. وأثيرت قضية الانفجارات .. طلب جمال سالم وزكريا محبى الدين اتخاذ إجراءات صارمة بالضرب على أيدي هؤلاء المخربين » .

• وأسأل المستشار مدوح نجيب : لو عدنا بالذاكرة للوراء لسنة : « بالتحديد وما حدث للدكتور السنهورى رحمة الله عليه .. مع أنه كان مسانداً للثورة فى بدايتها .. كيف تفسر هذه الواقعة ؟

• « سلطان الحكم الشمولى أطلق أتناهه للاعتداء على السنهورى .. السنهورى ده له كتب ومقالات عن القضاء .. يعنى رجل فقيه الفقهاء .. السنهورى ده يعتدى عليه بالضرب داخل مجلس

الدولة .. كيف أفسرها إلا بأنها فوضى .. شملت الجميع للأسف .. ولم ينجو منها أحد .. لمجرد اعتراض أو قد يكون يقصد المشورة .. هذا غير مقبول .. ده يعتدى عليه ؟ هذا غير طبيعي وغير معقول ..

• ويقول المستشار يحيى الرفاعى : « الدلائل صورت أن الدكتور المنهورى يجتمع لمقاومة النظام ورفع راية العصيان .. وثبت أن هذا غير صحيح .. وقامت المظاهرات بمجموعة كبيرة من العمال - مثلاً قال عبد اللطيف بغدادى فى كتابه إنه قد تم دفع مبلغ أربعة آلاف جنيه لهم - وهجموا على مبنى مجلس الدولة .. ونصح أحد من الضباط السنهورى بأشأ بالطلوع لهم .. فهجموا عليه وفتكوا به وكانوا أن يجهزوا عليه .. وكان ذلك يوم ٢٩ مارس سنة ١٩٥٥ .. واجتمعت الجمعية العمومية لمجلس الدولة وكتبت بياناً أرسلته للحكومة .. ورد نائب رئيس مجلس قيادة الثورة وهو جمال عبد الناصر .. يستنكر هذا الاعتداء ..

• وبعد أزمة مارس سنة ٥٤ قررت الثورة تأمين نفسها .. وأعلنت تطهير الصحافة والجامعات ...

• ويقول أحمد حمروش : « وأصدر مجلس قيادة الثورة كشفاً بأسماء الصحفيين الذين تقاضوا مصروفات سرية ومنهم حسين أبو القنح .. إحسان عبد القنوس .. إدجار جلاذ .. كريم ثابت وكامل الشناوى .. وكانت هذه المصروفات تدفع قبل الثورة ..

• ويقول د . ميلاد حنا : « لحد مارس ٥٤ كانت الجامعة هى مصدر التحرك الرئيسى .. بانتهاء ٥٤ واستيلاء عبد الناصر على السلطة .. وطرد محمد نجيب .. وطرد أساتذة الجامعة فى سبتمبر وأكتوبر ٥٤ .. شالوا السياسيين على بعض الناس اللى مش كويسين .. وبقت حركة التطهير .. كله هس مافيش .. وكله مقهور فى الجامعة .. لحد ٥٦ ..

• وأسأل د . حلمى مراد : حضرتك كنت أستاذاً فى الجامعة عندما حدث ما يسمى بتطهير الجامعة ؟

• « تعليقى على هذا .. إن الله جنبنى أن أكون ضمن الذين أبعدوا من الجامعة وقتئذ لأننى قبض على واعتقلت وأودعت فى السجن الحربى فى سنة ٥٤ .. وقت أن نشب الخلاف بين الرئيس محمد نجيب وبين المغفور له جمال عبد الناصر ..

• كنت فى صف نجيب وليس فى صف عبد الناصر ؟

• « أنا كنت فى صف الديمقراطية .. لست فى صف أحد .. وقبض على وقتئذ فى قضية أسموها قضية « الجبهة الوطنية » .. وكان معتقلاً معى فيها بعض طلبة الكلية التى أعمل بها .. وكان معتقلاً أيضاً المرحوم الأستاذ إحسان عبد القنوس .. والأستاذ إسماعيل الحبروك ..

• وهل كانت حركة التطهير عادلة فى رأيك .. بصراحة ؟

• « لأ .. طبعاً غير عادلة .. لمبب بسيط أنه كل ما وجهوا من اتهامات ترجع إلى الفكر والرأى

واختلاف وجهات النظر وكيف تصامم البلد .. وكيف نحقق الآمال والأهداف التي أعلنت يوم قيام ثورة الجيش .. فإذاً ده خلاف فى الرأى وممكن من النقاش أو من الحوار إن أحد الطرفين يعدل فى رأيه ونستمر على وئام ووافق » .

• وأجبر بعض الوزراء الممنيين على الاستقالة .. وخرج سليمان حافظ من منصبه كمستشار للرئيس .. وحرم البعض من حقوقهم السياسية بقرار ١٥ أبريل ...

• ويقول خالد محبى الدين : « بعد سفرى إلى الخارج تعرض رجال الفرسان لعنت شديد وحدث ما سسمى « بانقلاب الفرسان » حيث قبض على أحمد المصرى وعدد من ضباط الفرسان وحوكموا .. ولكن لعل ضباط الفرسان وموقفهم الشجاع دفاعاً عن الديمقراطية .. هو خير رد » .

• وألف عبد الناصر الوزارة الجديدة .. واتفمس الضباط فى العمل السياسى من خلال منصب مندوب القيادة فى إدارات الحكومة ...

• ويقول إسماعيل فريد : « طلع جمال سالم يقول إحنا أعطيناك نيشان فى الإخلاص فى العمل والثورة وإنكار الذات .. علشان أبقى ملحق عسكرى .. وعينونى بعد ما سبت نجيب أن أمسك أركان حرب مخابرات القيادة أنعامه وده مركز خطير لأن كل شىء يصب عندى .. قلت لهم لأ لأن الكلام كتير حولى .. أنا أحب أبعد شوية علشان الناس ترتاح ورحت يوغوسلافيا » .

• ويقول صلاح الدسوقي : « بأفكر إن جمال عبد الناصر أول ما جاء وزير داخلية طلب منى حاجة .. قال لى يا صلاح أنا لا أعرف حاجة فى الداخلية وإنت مسئول عن الداخلية .. لأن أنا مشغولياتى كثيرة .. بس عاوز منك طلبين للثنين : (١) إنه لا يحصل لى زى ما حصل للنقراشى باشا .. قُتل فى حرم وزارة الداخلية (٢) لا تأتى معلومات من خارج أجهزة وزارة الداخلية اللى لازم تكون أقدر أجهزة على معرفة المعلومات فيما يتعلق بالأمن العام والأمن السياسى .. وفعلاً هذا حصل » .

• وأسأل أمين شاكى : الرئيس محمد نجيب فى جملة واحدة ؟

• « الرئيس محمد نجيب رجل كويس جداً .. وضابط شجاع جداً .. ونكى جداً .. ولكن للأسف الشديد .. كان فى مجلس الثورة له سلطات وله نفوذ وهو عاوز ينتزع هذا النفوذ لنفسه .. فهنا نشأ الصدام » .

• وتقرر حل نقابة المحامين والصحفيين وإغلاق « المصرى » ...

• ويقول أحمد الخواجة : « أحداث الجمعية العمومية لنقابة المحامين فى ديسمبر ٥٤ اللى كانوا يبتالبوا فيها بعودة الضباط إلى التكنات لازلنا نذكرها .. وحلت فيما بعد نقابة المحامين .. لما عبد الناصر حل النقابة سنة ٥٤ .. جاب أحسن محامين وعملهم أعضاء مجلس .. يعنى جاب

مؤرخ مصر العظيم عبد الرحمن الرافعي نفيًا وجاب كبار المحامين .. واختار رموزاً من الأقباط المحامين » .

• وأسأل لطفي واكد : المرحوم أحمد لطفي السيد .. خالك .. في أيام ما حدث خلاف بين الرئيس عبد الناصر وأعضاء مجلس قيادة الثورة وبين الرئيس محمد نجيب .. هل فعلاً رشحه الرئيس عبد الناصر لكي يصبح رئيساً لجمهورية مصر .. الكلام ده أعلنته الـ B.B.C ؟

• ، فعلاً أعلنته الـ B.B.C ومصطفى أمين كتبه في عموه .. إنما ح أقول لحضرتك حاجة .. على معلومة سابقة على دى .. فى مارس أو أبريل ٥٢ المرحوم عبد الناصر استدعانى وقال لى فيه خلاف بين القيادة حوالين التحرك وفيه ناس مش عاوزة تتحرك يقول إننا لو اتحركنا وفشلنا حنهد الحركة الوطنية فى مصر .. وناس وأنا من ضمنهم رأينا أن نمارع بالتحرك وإلا القصر وأناباه حيقضوا علينا وعلى الحركة الوطنية جميعاً .. فانا عاوزك تروح تستشير الأستاذ لطفي السيد خالك .. فذهبت لاستشارته .. قلت له أنا عاوز أعرف رأيك .. قال لى إنهم لو عاوزين تتحركوا خايفين من إيه ؟ فقلت له إحنا مش خايفين بس فيه ناس تتخوف من فشل الحركة ومن أن يكون فشل الحركة الوطنية له رد فعل .. قال لى روح بلغ إخوانك عن لسانى .. إنكم إذا تحركتم ضد هذا النظام ونجحتم فقد أديتم لمصر عملاً عظيماً .. وإذا تحركتم وفشلتم فقد أديتم لمصر عملاً عظيماً .. لأنكم إذا فشلتم لن تكون هى المحاولة الأخيرة .. دى كانت أول رسالة .. بعدها أصبح هناك فيه نوع من العلاقة الودية بين عبد الناصر ولطفي السيد .. لما حصل الخلاف بين مجلس الثورة ومحمد نجيب استدعانى عبد الناصر فى البيت .. وكانوا عاقدين اجتماعاً فى « أوضة السفارة » .. وقال لى الموضوع كذا وإحنا دلوقتي متفقين على إزاحة محمد نجيب .. ومختلفين على مين اللى بييجى مطرحه .. وإحنا متفقين على أن اللى بييجى رئيس للجمهورية يكون مدنياً .. زى الهند نهرو رئيس وزارة وفيه رئيس جمهورية كده رجل طيب .. فاتفقنا دلوقتي جميعاً على حل إن إحنا نعرض الأمر على لطفي السيد فإذا قبل فكلنا موافقين .. فرحت له وقعدت أتكلم معاه حوالى ساعة ونصف وهو رفض رفضاً باتاً .. وقال لى دى حاجة تضحك إن رجل كبير فى السن يشغل منصب النهارده .. فلما فشلتم معاه رجعت لجمال عبد الناصر تانى .. فقال لى ما فيش أمل تانى .. قلت له أنا عندى أمل .. قال لى لى إيه .. قلت له آخذ جمال سالم وصلاح سالم معايا وتروح تانى » .

• لإقناعه بأنه يصبح رئيس جمهورية ؟

• « آه .. قال لى ليه نقيت الاثنين دول .. إحنا بنتكلم فى أوضة بره .. قلت له لأن دول سمعتهم تخوف الناس فى التعامل معهما .. فلو راحوا وانكلموا معاه وهم يعرفوا يتكلموا كويس فيشعر إنه مش داخل على عصابية يعنى .. فراحوا معايا .. بعد ما قعد يقول لهما نفس الكلام اللى قاله لى .. وبعدين لما ينسوا قالوا له طيب ترشح مين ؟ قال لهم واحد منكم .. فقالوا له مين مننا ؟ هما الاثنين قاعدين بقى .. فقال القائد بناعكم مين فيكم ؟ فقالوا له لا القائد هو جمال

عبد الناصر .. فقال إذن أرشح جمال عبد الناصر .. فطبعاً أسقط في أيديهما هما الاثنان ..
ورحنا بلقنا مجلس قيادة الثورة إن الترشيح بتاعه هو لجمال عبد الناصر .

• كيف علم مصطفى أمين بهذه المعلومة ؟

• هو كان على علاقة مع جمال عبد الناصر لمدة طويلة .. وجمال عبد الناصر كان يعلم مزايه
وعيوبه ويتعامل معه على هذا الأساس .

• طبيب والد B.B.C عرفت إزاي ؟

• والد B.B.C عرفت من مصطفى أمين يمكن .

• وحاول الملك سعود مصالحة نجيب مع أعضاء المجلس وهم يودعون في المطار يوم
٢٩ مارس .. وبمجرد رحيل الملك اشتدت المشادة على مسمع من الجميع ...

• ويقول رياض سامي : « اتصل بي الدكتور حمني خليفة مدير وكالة أنباء مصر وقال لي فيه
مشادة عنيفة بين نجيب وأعضاء مجلس الثورة في مطار ألماتة والإنجليز يتحركون عند
الكيلو ٩٩ .. أخذت عربية جيب وتوجهت مباشرة إلى مطار ألماتة .. دخلت لقيت الرئيس
نجيب قانع الجاكيتة الرسمي وقاعد بالقائلة ووجهه شاحب جداً وأعضاء مجلس الثورة ملتفين
حوله .. دخلت وعظمته وقلت له سلامتك يا فندم .. سلم على وطلب منى الاستمرار في
الكلام .. أخذت عبد الناصر على جنب وقلت له : أنت مصرى ونجيب مصرى وأنا مصرى ..
بلغنى إن الإنجليز تحركوا عند الكيلو ٩٩ .. لكنه طمأننى وقال لى لأ ما تقلش . »

• ومرت الأيام .. ثم اعتقل نجيب وحددت إقامته في المرج ...

■ وأسأل وجيه أباطة : هل وافقت على عزله ؟

■ « أنا لم يكن لى دور فى هذا .. من أول ما دخلنا فى الناحية المدنية طلعنا معاش أنا والطحاوى
وطعيمة ومجدى حسنين .. ليه ؟ علشان ماكانش يصح أن نبقى بنشتغل فى أعمال مدنية وإحدا
ضباط . »

• وعاش نجيب سنوات طويلة فى المرج .. وكانت صورته وسيرته ممنوعتين .. وخروجه
أيضاً ممنوعاً ...

• وأسأل محمد أبو الفضل الجيزاوى : كُتِبَ التاريخ أنكرت وجود محمد نجيب كرئيس
للجمهورية ، ويمكن قال البعض إن معاملته وهو فى معتقله بعد عزله .. كان فيها شيء
من اللاإنسانية .. حضرتك موافق على الكلام ده ؟

• « موافق طبعاً .. القضية إن الثورة ما فيهاش عواطف .. الثورة عبارة عن أهداف محددة نضل
إليها .. دى معركة حربية .. أنا عاوزك تخلى الموقع ده .. فالثورة قامت علشان تحقيق مبادئ
معينة .. طبعاً محمد نجيب خالى الذهن عن هذه المبادئ وليس عنده استعداد إنه يطبقها ..

فكان لازم ولابد يحصل صدام .. محمد نجيب اختلف .. إحنا كنا سايينيه على أساس رمز ومائى .. لما اختلف مع عبد الناصر أو اختلف مع الثورة بمعنى أصبح لأن عبد الناصر هو كل الثورة .. فالأختلاف ده حيرتبه عليه إيه .. قطعاً حيرتبه عليه صدام .. وينتهى أمر محمد نجيب ويعزل .. بالطبع إحنا ماعملناش فيه حاجة .. هو كل ما هناك إننا عزلناه من قيادة الثورة .. حصدنا إقامته لأنه كان وجوده بره خطراً وفيه أعداء للثورة كثيرون .. إحنا حطمانا الإقطاع ووزعنا الأراضي على الفلاحين .. معنى أعداؤنا كثيرون جداً .. فمش ممكن نسييه علشان يبقى كارت يلعب به الغير .. فحددنا إقامته وانتهى أمره بهذا .. وكان لابد أن هذا بحث ..

• ويقول محسن عبد الخالق : لابد أن تخل ثورة يوليو من نفسها .. بمعاملتها لشخصيتين لعبوا أدواراً هامة .. رشاد مهنا ومحمد نجيب .. رشاد مهنا فضل معتقل فى منزله ٢٥ سنة إلى أن أتى أنور السادات .. ومحمد نجيب وضع فى المرح هذه المدة مع القبط والكلاب .. رجل محترم .. رجل قاد ثورة ونسبت إليه ثورة يوليو .. معنى لو كانت فشلت .. لأعدم هذا الرجل .. والرجل تقدم بمنتهى الشجاعة ليكون الوجهة .. هل يعامل مثل هذه المعاملة ؟ دى نقطة سوداء فى تاريخ الثورة ..

• وأسأل د . ثروت عكاشة : أتوافق أم ترفض ما عومل به الرئيس نجيب بعد تنحيته ؟
• أنا لا أوافق إطلاقاً على الطريقة التى عومل بها الرئيس نجيب .. وقد كان من الحكمة أن يعالج الأمر بطريقة أكرم من ذلك .. فثمان بين ما عومل به الملك فاروق يوم ٢٦ يوليو ٥٢ .. يوم ما غادر الاسكندرية من تبجيل واحترام .. وبين ما عومل به الرئيس نجيب .. وهو من هو شجاعة ونبل ..

• ويضيف إسماعيل فريد : كان لابد أن ينتصر جانب .. ولم ينتصر محمد نجيب .. لكن نهايته لا تليق به بالقطع ..

• قال البعض - لا تؤاخذنى - إنك كنت وراى نهاية الرئيس محمد نجيب المؤسفة ؟

• هذا القول غير صحيح وعارى من الصحة خالص .. لأننا كنت بأزوره فى المعتقل وأنا محافظ .. وهو كان فى المرح كنت أزوره كثيراً ويطلب طلبات وأنفذها له .. ويتصل بعبد الحكيم عامر وعبد الناصر .. وكنت بأزوره .. ولم يكن هناك شيء بينى وبينه ..

• ويقول فتح الله رفعت : أقول إن محمد نجيب كان ضابطاً ممتازاً .. وأنا حضرته فى حرب فلسطين .. وأنا بالمناسبة واخذ ترقية استثنائية فى حرب فلسطين كنت أظن ملازم بقيت يوزباشى قبل دفتى .. وكان القائد الوحيد كبير الرتبة الذى يبقف فى الأولوية فى الحرب .. وجمنا وأنت تعلم .. فى حكاية النادى ... الخ .. يمكن أنا ذكرت ذلك فى كتاب واحد صحفى جاء أخذ منى أنا وعشرة .. أنا وعبد المنعم أمين وعباس رضوان ومحسن عبد الخالق والجيزاوى .. علشان يكتب كتاب عن الضباط الأحرار .. قلت إحنا كنا فى السجن واللى كان

بیتعالج واللى كان .. والحاجات دى كلها حصلت ولحنا مش موجودين .

• وأسأل رياض سامى : فى أثناء فترة مرض الرئيس نجيب كنت حريصاً على زيارته بانتظام ؟

• « الحقيقة عندما كان يتردد مرات على مستشفى المعادى كنت أواظب على زيارته .. وما حركنى ما كُتِبَته الصحف العربية عن المعاملة الغير طيبة التى كان يعيش فى أحوالها الرئيس نجيب بين القلط والكلاب .. فذهبت لأمين رئاسة الجمهورية الصديق العزيز دى الخلق اللواء عز الدين مختار وأطلعته على بعض هذه الصحف .. وقلت له ليس يشرف مصر أن الصحف العربية بالذات تتأثر وتأسف لنجيب .. فساعدنى وكان ذلك فى أول عهد الرئيس مبارك فى إيجاد مقر له من المرج إلى القبة » .

• ويعلق مصطفى كامل مراد فيقول : « باعقد أنه ظلم .. لأن مجلس الثورة حاكمه محاكمة سرية .. وأعطى له ١٥ سنة سجن أو حاجة زى كده .. ولم يعلن هذا » .

• باى اتهام يا فلندم ؟

• « باتهام بأنه يحاول قلب نظام الحكم !! » .

• وهل كان يفعل ذلك ؟

• « لا أقدر أقول ذلك .. ولكن هو لم يكن متفقاً مع أعضاء مجلس الثورة .. يعنى كان يرى أن الجيش يعود إلى التكنات .. ولحنا كنا نرى لا .. كان يرى أننا نتفق مع الأمريكان وتأخذ منهم معونات ونسوى المشكلة الفلسطينية على أساس تقسيم ٤٧ .. ولحنا كنا رافضين هذا .. يعنى الكلام الذى كان يقوله فى ذلك الوقت لم يكن مقبولاً مننا خالص .. يعنى كان ماشياً فى اتجاه عكسى ومضاد .. وبعدين بدأ الاتصال بالأحزاب السياسية .. وكلهم اتفقوا الوفد وغيره إنه يبقى رئيساً برلمانياً .. يعنى لا يحكم .. دى أوجدت الصدام بينه وبين عبد الناصر .. أو بينه وبين ثوار الثورة بمعنى أدق » .

• ويقول أحمد حمروش : « كان للمودانيين دور فى منع محاكمة محمد نجيب .. ولكن عزل نجيب كان غلقاً لباب الأمل فى الوصول إلى اتحاد مصرى سودانى » .

• وأسأل محمد على عبد الله : تكلمنى عن أولاد الرئيس ؟

• « هو كان متجوزاً السيدة الله يرحمها زينب أحمد وخلف منها بنت واحدة اسمها سميحة .. هذه البنت كانت فى كلية الحقوق .. وتوفيت فى ريعان شبابها وكان عمرها حوالى ٢٠ سنة وهو كان مازال نقيباً أياها .. وبعدين زوجته الثانية المرحومة عيشة لبيب خلف منها ٣ أولاد .. فاروق وده بعد الثورة غيّر اسمه عمله صلاح .. وعلى ويوسف .. الثلاثة دول توفوا فى خلال حياة الرئيس .. فاروق مات بالقلب الله يرحمه .. على كان بيدرّس هندسة فى ألمانيا وكان قائماً برئاسة رابطة الطلاب العرب فى ألمانيا ضد اليهود وكانوا بيعملوا اجتماعات ويشتموا اليهود

فاغتالوه اليهود هناك فى ألمانيا .. كان راجعاً يوم من الجامعة بالليل وضربته عربية مجهولة وتوفى فى هذه الحادثة .. وأذكر تماماً لما جابوا جثته هنا فى مصر .. كان محمد نجيب فى المعتقل .. رفض إنه يعمل له جنازة أو يمضى فى جنازته .. وطلب منهم إنه يشوفه بس ويتأكد إن هذا هو ابنه فرفض هذا أيضاً .. واندفن عادى .. أما ابنه الصغير يوسف فمات من حوالى ٥ - ٦ سنين كده .. لكن أولاده ما زالوا موجودين دلوقتى فى المرح .

• قيل إنه عمل سواق تاكسى .. هل هذا صحيح ؟

• « أبوه عمل سواق تاكسى .. ماكانش فيه معاش ولا حاجة .. وكان رصيده فى البنك لما توفى ٧٠٠ جنيه .. وكان اشتغل فعلا سواق تاكسى .. والمهندس عثمان أحمد عثمان لما عرف كان مشغله فى شركة المقاولون العرب سواقاً .. وكانوا هم عايشين فى بيت محمد نجيب .. لما مات .. القصر اللي كان عايش فيه فى المرح فكوا عنه الحراسة ورجع لأسرة زينب الركيل .. وعثمان أحمد عثمان أعطى له فيلا فى شارع ولى المعهد فى كوبرى القبة هنا .. وكان عايش فيها هو وابنه يوسف اللي فضل .. ومعاه أحفاده أولاد يوسف .. هذه الفيلة يوم ما توفى محمد نجيب وفى أثناء الجنازة تم تقيفها .. شالوا منها الأولاد والعفش والمكتبة » .

• وراحوا فين ؟

• « لهم خالاتهم راحوا عاشوا هناك معاهم .. وعثمان أحمد عثمان أدى لهم بيت مازالوا عايشين فيه لحد الآن فى عين شمس فى مساكن الألف مسكن » .

• وانتهت حياة الرئيس نجيب وهو فى مستشفى المعادى على ما أظن ؟

• « هو توفى يوم ٢٨ / ٨ / ١٩٨٤ فى المستشفى العسكري بكوبرى القبة » .

• ماذا كان يقول لك الرئيس نجيب عن الأحداث التى حدثت وهو داخل المعتقل ؟

• « والله ماكانش يقدر يقول لى لأن كان معانا أحد دائماً حاضراً الزيارة نفسها .. بس الحاجات دى ظهرت فى كتب بعد كده .. يعنى الطريقة الاستفزازية اللي كانت بتحصل معاه وكده .. هو كان صبوراً لأقصى حد وبيتهيا لى مافيش أحد شاف اللي شافه هذا الرجل رغم إنه مافيش عليه حاجة .. هذا الرجل لو عليه أى حاجة ماكانوش حتى سابوه .. ونحن لا نعرف حتى إنه اتحكم ولا أدين فى أى شئ .. أسباب اعتقاله ١٨ سنة إيه ماحدث يعرفها لغاية النهارده .. الأساس إنه كان عاوز تعود الحياة الديموقراطية للبلد .. والضباط والعساكر تعود إلى تكتاتها .. والبلد يحكمها المتخصصون والجيش يراقب طبعاً طبعاً ويقوا عاملين حسابهم لو وقعت أى حاجة .. ده كان وجه الخلاف الأساسى لا كان طامعاً فى سلطة واستقال فى عز مجده وشعبيته .. ويرضه من الحاجات اللي أذكرها واللى بتحصل كانت خالتي فى مرض الموت وطلبت تشوفه فتأجلت المدة وأخيراً سمحوا له ييجى .. وأذكر تماماً هذا اليوم أنا كنت موجوداً .. شارع المنيل فى منيل الروضة فضوه من الناس كلها وشغلانة جامدة ودخل قائد الشرطة العسكرية .. وكانت

توفيت هي في هذا اليوم .. قام ورفع من على وشها المالية ولا احترام لحرمة موتى ولا حاجة .. خايف يكون هي مش موجودة .. وينكذب .. وبعدين سمح له يخش يشوفها نظرة أخيرة .. وقال بلا خلاص .. يعني برضه الإنسانية ماكانتش موجودة » .

■ هل تأثرت شخصياً بحكم كونك ضابطاً في القوات المسلحة وبحكم أنك ابن أخته ؟

■ « طبعاً أنا ما كملتش .. خرجت من الجيش وأنا مقدم وأنا عمري كان حوالي ٣٥ سنة وكان معاشي ٣٦ جنيه وكنت متجوزاً وعندي ولدين ولم أحاكم ولم أسأل .. واعتقلت مدة بسيطة حوالي ٢٨ يوم وأنا على المعاش .. ولا أعلم لغاية دلوقت السبب .. لأن أيامها كانت السكنية حامية شوية وأى واحد مش عاجبهم يمشى .. والرئيس أتور السادات أمر إن أى ضابط خرج من الجيش بدون محاكمة تأديبية يتساوى برتبة زملائه في هذا التاريخ وأنا زملائي كانوا عمداً فأخذت المعاش بتاع عميد وبأصرفه لحد دلوقت .. بس ربنا أكرمنى بعد كده وسافرت الكويت صحيح تعبت لغاية ما كُنت نفسي واشتغلت شغلة كويسة في شركة كبيرة قوى .. والحمد لله يعني ربك ما بينماش حد » .

● وهكذا كتبت الأحداث السقوط الدرامي لهذا الرجل الذي عاش وحيداً .. يكاد لا يرى أحداً .. أو يراه أحد ...

● وأسأل محمد علي عبد الله : كنت بتزور الرئيس نجيب في أثناء فترة اعتقاله .. أو نقدر نقول تحديد إقامته في المرج ؟

■ « كان مسموحاً للأسرة بزيارة السيد الرئيس بعد ما فرجت شوية .. بعد ما اتوفى الرئيس عبد الناصر » .

● لأ قبل وفاة الرئيس عبد الناصر ؟

● « لأ كان ممنوع الزيارة إطلاقاً » .

● يعني عاش وحيداً ولم يتصل به أحد ؟

■ « عاش وحيداً .. بس أخيراً سمحوا في بعض الأوقات له إن مراته راحت معاه وأولاده .. وكان فيه بعض الحاجات بتحصل ما فيش داعي أقولها » .

● لأ أفضل قول ..

● « كان دائماً أولاده يشتكوا لنا .. كانوا بيجيوا لنا أوقات يشتكوا من بعض الاستغزات .. يعني لواحد في سن كبير زى ده .. العساكر حواليه الحراسة كأنهم بيحرسوا معتمة كبيرة جداً .. مش شخص كبير في السن .. كانوا بيعملوا طوابير المشاة بتاعة العساكر فوق « أوضة التوم » بتاعته بالليل علشان يلقوا راحته .. يضربوا ناراً في وسط النهار كده جنب الشباك .. يعني حاجات لتحطيم الأعصاب وحاجات مش تمام .. وكان غير مسموح بالزيارة .. وبعد مدة طويلة

مش أقل من ٧ - ٨ سنين سمحوا بالزيارة للأهل .. وكنا بنروح يوم الأحد .. أنكر كنا نروح لمدة ساعة واحدة .. وكان يتواجد معنا باستمرار أحد الضباط من المخابرات علشان يعرف إيه اللي بنقوله له .. بعد كده السادات رحمة الله عليه سمح له بخرج بعد كده يوم فى الأسبوع .. كان بييجى يزور العيلة فى البيت ويلف على الناس » .

• وأسأل رياض سامى : من كان يتصل بالرئيس محمد نجيب فى أواخر سنوات عمره ؟

• « لا أحد .. عدم وفاء .. كنت عنده وهو فى المريج ووجدت القسط والكلاب تعيش معه .. والمجلات والصحف العربية تترت صوراً له .. وتحدث عن إهمال هذا الإنسان .. ونقلناه إلى مكان متواضع جداً فى القبة .. أما فى المستشفى فلم يكن يزوره أحد .. ورغم ذلك وجدت عنده صدفة عبد العزيز حجازى رئيس الوزراء .. جمال سالم جاء مرة فى مجلس الثورة قال لمحمد نجيب إحنا عاوزين ثلاثة بيعملوا عنك .. صلاح الشاهد وأنا (رياض سامى) ومحمد أحمد رياض .. فقلت له يا سيادة اللواء إحنا ضباط مكاننا الجيش .. وتانى يوم رحى لعبد الحكيم عامر كما طلب منى نجيب فأقسم يميناً بالله إن ما فيه سبب .. وقال لى حتشوف فيما بعد يا رياض .. وفعلأ بعد ما تركته بشهرين راح حسن إبراهيم وعبد الحكيم عامر وأخذوه إلى المريج .. وأنكر أنني ذهبت إلى محمد نجيب فى المعادى بعد التكملة فقال لى أنا رحى يا رياض إلى جمال سالم وهو عيان فى أيامه الأخيرة .. وفضل يقول لى : سامحنى يا ريس الشيطان هو اللي كان بيعرضنى عليك » .. وهذه شهادة منى أمام الله » .

• هل تصحوا الرئيس محمد نجيب بعمل كتاب ؟

• « د . عبد العزيز حجازى طلب من محمد نجيب أن يكتب ذكرياته أمانة للتاريخ .. قال له أنا كتبت كلاماً للتاريخ .. وأخذتها منه أمانة للتاريخ وجعلت محمد نجيب يهديها إهداء للرئيس محمد حسنى مبارك » .

• وماذا أطلق فيها على الثورة ؟

• « قال إنها عورة » .

• تؤكد نهاية الرئيس نجيب أن فى تاريخ الثورات لا تخضع الأحداث دائماً لمنطق الأمور ...

• وتوفى اللواء محمد نجيب فى ٢٨ / ٨ / ١٩٨٤ .. وكان عمره يناهز ٨٤ عاماً قضى منها فى الأضواء ٢١ شهراً فقط لا غير ...

• واختلفت الآراء حول الرئيس نجيب .. فالبعض من شهود العصر نكروه بالخير .. والبعض الآخر كان له عليه تحفظات مختلفة .. ولكن من المؤكد أنه كان أول رئيس للجمهورية فى تاريخ مصر .. ونترك الشهود يتكلمون ...

• يقول د . مصطفى خليل : « الثورة على وجه العموم كانت بتتغير .. قائد الثورة الحقيقى كان جمال عبد الناصر .. ومحمد نجيب أثير من بعض الناس أنه كان على علم بالثورة لكن ماحدث

يقدر ينكر دوره .. أنه لولا وجوده لماكنش قبول الناس لهذه الثورة بهذا الشكل قد تم .. ولكن وجود محمد نجيب ووجود صانعي الثورة الأساسيين أوجد نوع من الخلافات الداخلية اللي كلنا عارفيناها .. وتميزت الثورة في هذا الوقت بعدم الاستقرار الداخلي داخل نفس رجال الثورة .. لابد أن إحنا كمصريين نعترف بفضل ودور كل من الزعماء اللي كانوا موجودين والأدوار التي أدوها ..

• ويقول إبراهيم شكرى : الرئيس محمد نجيب لاشك أنه كان رجلاً مستقيماً صادقاً .. لاشك أنه أدى دوراً كبيراً جداً للثورة .. وفي اعتقادي لولا أنه أعلن أن الرئيس محمد نجيب هو رئيس الثورة ما كان يمكن أن يتقبلها الشعب .. لأن كانت هناك مقومات .. لأنه هو الذى انتخب رئيساً لنادى الضباط .. وهو يحوز على رتبة كبيرة وأيضاً فكرة أنه بأخلاقياته ممكن أن نفاهم معه ..

• ويقول أحمد المصرى : محمد نجيب أنكر له بالخير أشياء كبيرة .. إن هو اللي حال دون إعدامى .. لكن نجيب إنسان طيب القلب يصلح زعيم .. إنما لا يصلح قائد دولة ..

• ويقول د . نور الدين طراف : محمد نجيب أهم مميزاته أنه كان محارباً شجاعاً .. ده جرح مرتين .. وكان رجل عنده بساطة المصريين الفطرية ولا يعرف الخبث .. ولذلك هو كان من السهل عليهم .. يعنى محمد نجيب لو إنه عنده خبث أو مكر لماكنوش تمكنوا منه .. كان هو اللي تمكن منهم .. وهو البلد كلها كانت هاشية وراه ومعتبراه الزعيم .. وهو رجل فيه فجوة بين تفكيره وتفكير هؤلاء الشبان اللي قاموا بالانقلاب العسكرى ..

• مين كان الأحسن في رأيك بصراحة ؟

• جمال عبد الناصر قطعاً ..

• ويقول خالد محبى الدين : هو رمز .. لو كان فيه شخص تانى اتخط على رأس الثورة وهى قائمة .. لماكنش استقبال الناس لها يبقى كده .. مصر تحب رجلاً كبيراً وجهه صبوح باسم متعلم .. محمد نجيب ده رجل متعلم .. ضابط أركان حرب معاه ليسانس حقوق ومناه ماجستير .. سمعته القتالية كضابط فى حرب فلسطين جيدة .. فهو اسم حسن .. فده من حظ مصر إنه اتخط على رأسها .. هو يعنى لماكنش عنده القدرة للتنظيمية الفائقة .. ولماكنش عقلية سياسية ترتب وتخطط .. ولكن كان هو رجلاً طيباً .. يعنى « هلهلى » شوية .. ودى طبعاً فى السياسة لا تنفع .. ولكنه أدى دوره الضرورى وبهونه لماكنش ممكن ..

• ويقول مصطفى أمين : فى أزمة مارس أيدت جمال عبد الناصر ضد محمد نجيب لأنى أنا رأيى كان زعيم الثورة الحقيقى هو جمال عبد الناصر ..

• وماذا تقول عن اللواء محمد نجيب أول رئيس لجمهورية مصر ؟

• هو كان أول رئيس لجمهورية مصر .. إنما أول حاكم مصرى كان جمال عبد الناصر .. ومحمد نجيب كان رئيس جمهورية بلا جمهورية ..

• **ويقول رياض سامي :** « قائد عسكري مثقف .. وعلى دراية .. مارس الحياة .. ولولا هذا لما كانوا لجأوا إليه .. وكل الجيش وراءه في انتخابه رئيس نادى الضباط .. والملك فاروق عرف هذه الحقيقة .. وعندما جاء كان لا يتصور إنهم حيحكموا .. محمد نجيب عاش ومات يسعى للديموقراطية » .

• **ويقول د . حسن رجب :** « محمد نجيب كان في نظري أطيب رجل قابلته .. كان رجلاً ذوقاً وظريفاً .. وابن حلال .. وكل شيء كويس فيه .. لكن أشك أنه كان ينفع لو كان أصبح رئيس جمهورية لأن المثالية لا تكفى » .

• **ويقول أحمد مظهر :** « الحقيقة كان متمعاً بأخلاقيات عالية بنفكره .. فهو كان برضه من الأصحاب .. وكانت الأخلاقيات العالية عنده قبلية .. لأنه هو كانت أمه سودانية .. وكان على بك نجيب شقيقه ضابط سوداني من الخطيرين جداً .. أول واحد كان يبنط بالحصان عربيتين كارو يحطهم ويبنط من فوقهم بالحصان .. كان « خيالة » برضه .. فكانا بنتذكر على بك نجيب لحد ما شفا محمد نجيب » .

• **حضرته كنت مؤيداً أم معارضاً موقف رجال الثورة من الرئيس نجيب ؟**

• « أنا كنت بأهب الرئيس نجيب .. لكن أقدرش أمد سلاحى ناحية عبد الناصر بأى صورة .. يبنى هما أمران .. كلاهما مر » .

• **ويقول محسن عبد الخالق :** « الرئيس محمد نجيب .. مش ممكن جمال عبد الناصر كان يوافق إن الثورة تنسب إلى محمد نجيب وكان لجمال عبد الناصر طموحاته .. وهذا اصطدم مع محمد نجيب .. فكان لابد من إزاحة محمد نجيب » .

• **ويقول أحمد سعيد :** « محمد نجيب له خاصيتين رئيسيتين .. الخاصية الأولى : إن هو كان الرجل الفدائي أو الضابط الفدائي الأول .. الذى وضع نفسه فى وش المدفع يوم ٢٣ يوليو .. الخاصية الثانية : إنه كان أول رئيس مصرى من صلب مصرى من أجيال طويلة منذ أيام الفراعنة .. هذا محمد نجيب » .

• **وكانت نهاية نجيب هى البداية الرسمية العلنية لقيادة عبد الناصر ...**

• **ويقول أمين هويدى :** « محمد نجيب كان رجل يتمم بالطيبة وتم التأثير عليه بواسطة السياسيين القدامى .. وبدأ بالرغم من أن كان دوره هام ولكن لم يكن فى أهمية الآخرين .. كان يطمع فى الانفراد بالثورة .. عبد الناصر كان يرى ألا يجوز إن الثورة تتخلى عن نفسها وتسلم نفسها إلى نفس القدامى الذين تسببوا أو كانوا أحد أسباب هذه الثورة .. فكان صراعاً على مراحل .. انتهى بتجنيب محمد نجيب وانفراد عبد الناصر بالسلطة » .

• **وبدأت تدريجياً .. تتكوّن ملامح الزعيم ...**

وسطع نجم عبد الناصر

- رغم الانتصار الذي أحرزه عبد الناصر على نجيب بعد أزمة مارس سنة ٥٤ .. لم تكن شخصيته معروفة أو مقبولة جماهيرياً .. ولم يكن الزعيم الذي طبقت شهرته الأفاق بعد ذلك ...
- وقع حادثان هامان غيرا تماماً مجرى الأمور وأسهما في صناعة النجم : الأول جلاء الإنجليز عن أرض مصر .. والثاني محاولة اغتيال عبد الناصر ...
- الحدث الأول : كان موضوع الجلاء .. فقد استؤنفت المباحثات في يوليو سنة ٥٤ ...
- وفي ١٩ أكتوبر سنة ٥٤ وقع عبد الناصر على الاتفاق النهائي للجلاء الذي كان أمل كل المصريين ...
- ويقول عبد اللطيف بقدادي : « عملنا مفاوضات على الجلاء .. جمال عبد الناصر وصلاح سالم وعبد الحكيم وأنا .. كنا لجنة المفاوضات .. وكان مصطفى أمين الحقيقة متعاوناً وأدانا معلومات بناء على طلب عبد الناصر .. يعني الحقيقة مصطفى أمين قام بدور كويس في الحكاية دي » .
- وأسأل توفيق عبده (إسماعيل) يقول البعض إن التحرير كان سيأتي في موعد لاحق .. بناء على اتفاق سابق .. فما هو تعليقك ؟
- « هو ميعاد الجلاء كان سنة ٥٦ .. إنما بناء على معاهدة ٣٦ كنا حائضين في مفاوضات .. فلجنا عملنا المفاوضات دي سنة ٥٤ وخلصناها والجلاء تم سنة ٥٦ نهائياً وبلا رجعة .. ده أساسى .. ثانياً : إن المعاهدة ألغيت سنة ٥١ إنما ماكنش فيه ما يسمى الأثر التنفيذي بتاع الإلغاء .. ورقة انقطعت إنما الناس قاعدين .. فما كنش ممكن يطلعوا إلا بعمليات الفدائيين اللي تمت والمنظمات اللي قام بها عدد كبير جدا من الضباط الأحرار كلهم قبل وبعد الثورة .. أنا شاركت في مجموعات قبل وبعد الثورة كما شارك كمال رفعت وشارك وجيه أباطه وغيرنا » .

• وأسأل د . عبد القادر حاتم : نقدر نقول البداية كانت متى وكانت إزاي ؟

• « حينما بدأ الرئيس عبد الناصر في الثورة اختارني لكي أكون مدير مكتبه .. بدأت في العمل بالنسبة لنواحي الإعلام المختلفة في الصحافة والإذاعة والاتصالات المختلفة .. وكان هذا عملاً ضرورياً للثورة وخصوصاً إن الإنجليز كانوا موجودين في ذلك الوقت وكان الإنجليز لهم قاعدة في السويس .. لذلك بدأت في عمل محطة سرية كانت أصلاً هي محطة خاصة بالملك فاروق كان محضرها لنفسه .. وهذه المحطة كنا نخضع منها سريراً ولا يعلم عنها أحد من القوات الإنجليزية .. يعني حرب نفسية ضد الإنجليز في القناة . المحطة دى اللى سميت فيما بعد بمحطة « أم كلثوم » .. وناس كثير حتى أم كلثوم نفسها رحمها الله لم تكن تعلم إن إحنا بنخضع من هذه المحطة أصلاً ولا تعرف مكانها فين » .

□ الحدث الثاني : هو محاولة اغتيال عبد الناصر (حادث المنشية) اللى كانت بداية تبديد الشكوك الوطنية من البعض حول الرجل وبداية التعاطف الشعبى الكبير معه ..

• ويقول جمال حماد : « أدى حادث المنشية إلى التخلص من الإخوان .. وكذلك من الرئيس محمد نجيب » .

• وأسأل مصطفى كامل مراد : ألم تكن الثورة متعاونة مع الإخوان من البداية ؟

• « نعم .. في أول سنتين .. لكن بعد محاولة اغتيال الرئيس الراحل جمال عبد الناصر .. انقلبت عليهم الثورة انقلاباً شديداً » .

• ويقول خالد محيي الدين : « لما جاءت حركة الإخوان المسلمين وانضرب عليه الرصاص .. ما أعرفش لو كنت محله كنت أعمل إيه .. لكن أنا بأنكلم لغاية أنا ما مشيت وأنا لم أشارك في الحكم .. علشان كده ماقدرش أحكم عن نفسى .. لو جاء إالى الحكم وناس حاولوا بالقوة المسلحة يعملوا حاجة لازم كنت حاقم .. ماقدرش أحكم على ناس إلا بالظروف اللى كانوا فيها » .

• ويقول أحمد حمروش : « كان اعتقال محمد نجيب .. بعد محاولة الاعتداء على جمال عبد الناصر » .

• ويقول د . عبد العظيم رمضان : « حسن الهضبي لم يوافق على اغتيال عبد الناصر .. لكن الجهاز السرى هو الذى فعلها .. والأجهزة السرية عموماً حتى فى الدول العظمى يكون لها نفوذ وقرارات ولا يستطيع أحد منعها » .

• وأسأل عبد اللطيف بغدادى : هل حادث المنشية كان تمثيلية للإطاحة بالإخوان ؟

• « لا .. أنا كنت فى القاهرة فى الحادث ده .. كنت رئيس مجلس الخدمات .. وكنت قاعد فى المجلس ويرأس الجلسة وبعدين أبلغت وأنا فى الجلسة بمحاولة الاعتداء دى .. وبعدين قلت لإخواننا حصل كذا وكذا ولكن ما فيش خسائر وقلت أتصل بعبد الناصر فى التليفون وجدته

راح الاستراحة وقالوا نام .. وبعدين دليل إنها مش تمثيلية إن اللي جاتبه أصيب .. كان فيه واحد سودانى جنبه قاعد .. أصيب .. مش ممكن تكون تمثيلية .. هو طبعا الإخوان بيحاولوا يدعوا إنها تمثيلية الآن لكن غير صحيح .. وجمال عبد الناصر كان متعاوننا جدا مع الإخوان فى الفترة دى قبل عملية الاعتداء وكنا إحنا ضد الفكرة .. وكنا نهادنهم .. وكان لهم أطماعهم السياسية ؟ .

* وأسأل مصطفى أمين : حادث المنشية ؟

* « أعتقد أنه حقيقى » .

* ويقول أحمد طعيمة : « مما يؤسف له أن يحاول البعض أن يصور أن حادث المنشية مؤامرة مدبرة من عبد الناصر ومن الثورة ضد الإخوان .. وهذا قسم أقسم بالله العظيم إن هذا باطل باطل .. وإن الحق المجرد إن الإخوان هم مدبرى حادث اغتيال الرئيس عبد الناصر فى المنشية .. الإخوان غيروا طبيعة عبد الناصر بحادثة اغتيال المنشية .. لأنه بعد كده بدأت حملة الاعتقالات وكل الكلام اللي حصل للإخوان .. ده بشر .. أنت بنقتلى وعابزنى بعد كده أطيطب عليك .. كان أمرا طبيعيا إنه يحصل رد فعل لجمال عبد الناصر .. ولو كان الإخوان أخذوا وضع معارضة عبد الناصر دون النظر للاستيلاء على الحكم لكان مستقبل مصر قد تغير » .

* سيد قطب كان دوره إيه بافتندم ؟

* « سيد قطب من دعاة الإخوان المسلمين » .

* وسجن وحكم بمناسبة هذه الواقعة ؟

* « ما تقدرش تقول فيه واقعة للإخوان محددة .. وقائع الإخوان .. تصرفات الإخوان عموما .. وعلى كل حال كان فى حادثة المنشية أحد المتهمين اللي حوكموا اسمه « الرئيس » مش متذكر اسمه .. قال فى المحكمة حاجة أثارت انتباهي .. قال إحنا كان المفروض مش حنصطلم بالثورة فى تاريخ حادثة المنشية .. كان قدامنا لسه سنة علشان نستعد .. أنا استنتجت ليه هم استعجلوا .. لأن لما حصل الانقسام دخل الإخوان المسلمين .. هذا الانقسام ماكانش علنيا .. بس ابتدا كمان ينزل الشرخ إلى الجهاز السرى .. اعتقد الإخوان إنهم تعجلوا قبل استكمال التدبير بتاعهم فى المؤامرة .. لأن ما كنتش المؤامرة اغتيال عبد الناصر فقط وبعدين اغتيال آخرين والاستيلاء على الحكم ... هذا الشرخ خافوا إنه لو استمرت الأيام بالشكل ده الشرخ حيزيد مش حيقروا يسيطروا على الجماعة .. واعتقدوا إنهم لو تعجلوا بمؤامرة المنشية واغتيال عبد الناصر ونجاحهم فيها إنهم حتى المنشقين حيرجعوا يلتئموا وكأن لم يحدث شىء وترجع الجماعة موحدة مرة أخرى » .

* ويقول مأمون الهضيبي : « موضوع المنشية هذا هو الخاتمة فى عملية الإجهاز النهائى اللي بدأت بحل الجماعة فى ١٤ يناير عام ٥٤ واعتقال المرشد وجميع أعضاء مكتب الإرشاد وعدد كبير من الجماعة فى السجن الحربى » .

• هل لاقى الإخوان تعذيباً ما فى السجن ؟

• « هذه مسألة أصبح يعرفها الصغير والكبير والجاهل والعالم .. أنواع التعذيب اللى كانت بتحدث فى السجن العربى مسألة لا يتخيلها بشر .. يعنى مش مسألة انتزاع اعتراف من أحد .. لا .. هذه عملية تعذيب يومية .. يعنى يومياً طابور يقفوا من الصبح للظهر فى ساحة السجن الكبير والعساكر واقفة بالكرياج تضرب فى الناس .. لمدة أشهر .. يعنى الناس دول مش مطلوب منهم اعترافات .. اللى اتحاكم اتحاكم واللى اتعمل اتعمل » .

• ويقول أحمد أبو الفتح : « كيف يكون القاتل جالساً فى الصفوف الأولى الأمامية دون أن يعرفه أحد وهذه الصفوف مخصصة للشخصيات الهامة .. وكيف لا يعثر معه على المسمم الذى استعمله .. ثم يعثرون عليه بعدما بأيام ملقىاً على الأرض ؟ كل هذا يؤكد أن محاولة الاغتيال ما هى إلا تمهيلية ، على كل حال سواء صحت هذه الرواية أو صحت غيرها .. لقد حقق الحادث لعبد الناصر ما أراد .. واستغله أسوأ استغلال فى البطش .. وفى اعتقادي أن مصر لم ترى فى تاريخها الحديث .. أبشع مما شاهده على يد عبد الناصر » .

• وتأكد عداء عبد الناصر للإخوان ، وتكونت « محكمة الشعب » وأصدرت أحكامها ضد الإخوان .. نفذ الإعدام فى ستة منهم وعلى رأسهم محمود عبد اللطيف .. وتزايد عدد المعتقلين منهم .. وشنت الإذاعة والصحافة حملة شديدة عليهم .. بقيادة صلاح سالم ...

• ويقول د . عبد العظيم رمضان : « كان أمام الإخوان فرصة أن يلقوا مع القوى الشعبية .. التى تنادى بإعادة الجيش إلى ثكناته وسيادة الديمقراطية .. لكنهم خانوا الحركة وانضموا إلى عبد الناصر وبمجرد أن انتصر ضرب تنظيمهم » .

• ويقول طارق البشري : « ما مورس مع الإخوان المسلمين بعد تصفيتهم واعتقالهم فى أكتوبر ١٩٥٤ مما لم يكن سراً ولا خبراً مكتوماً حتى فى وقتها .. وكانت آثار ما لحق بهم ظاهرة على أجسامهم .. فكان ذبوع العلم بما حدث مما ترك فى النفس المصرية من الجراحات .. أكثر ما ترك فى جسد المتهم من آثار » .

• وأسأل فريد عبد الخالق : لما المرحوم سيد قطب سجن بعد محاكمات ؟ كتب كتاب اسمه « معالم على الطريق » ، رد عليه الهضبي بكتاب « دعاة لا قضاة » .. تقدر تقول إيه عن هذين الكتابين ؟

• « والله الحقيقة إن سيد قطب أصله أديب وتقف وأقبل على الإسلام وأقبل على الدعوة حتى فى أمريكا فهو كتب هذا الكتاب وفيه اجتهاد .. وكان يؤمن بأن الإسلام علشان يخدم عايز ناس يؤمنوا به إيماناً متماسك فده عمل نوع من التشدد عند الشباب .. لدرجة إن « معالم على الطريق » لما جاء نسخه لا أخفى عنك إنه بعثا لى من السجن لأطلع عليه عن طريق أخوه وأنا كنت آنذاك فى دار الكتب وقلت أنا لما اطلعت عليه إنه فيه مدخل قد يساء استخدامها خاصة بالنسبة للشباب .. فكلمت حسن الهضبي ورحت له البيت قلت له إننى أرى عدم طبع « معالم

على الطريق .. قال لى إن ده كلام إسلامى .. قلت له أنا أخشى إنه فيه نوع من التشدد قد يساء استعماله .. وجاءت الأيام ودخلت السجن وسئلت أنا : ه أنت ليه قلت للمرشد ما يطبعش الكتاب .. إيه اللي فيه ؟ .. أنا ما اتكلمتش ويعدين هو لما كتب الكتاب ده .. ولما الكتاب ظهر فى السوق .. كان له رد فعل لأنه كان بيحمل فكره نوع من التشدد .. يمكن أصوله سليمة والإسلام أصله يتسم بالرفق والاعتدال .. لما حصل أزمة فكرية فى الجماعة .. والكتاب ترك بصماته وتوجهاته .. خرجت من خط الاعتدال .. مبن بقي تولى العملية دى حسن الهضبي رحمة الله عليه .. كتب « دعاة لا قضاة » وهو فى السجن أيضا وقال يا إخوان لسنا محتكرين للحقيقة ولسنا راغبين فى السيطرة .. وإن إحنا مبينين للإسلام فقط ومش حنبقى أكثر من سيدنا محمد .. ربنا قال له عليك البلاغ وعلينا الحساب .. فغضوا الأمور بسعة صدر معهم .. فحن لم نبعث ولم تكلف إن إحنا نخطئ ونصوب وندخل الجنة وندخل النار .. دى شغلة ربنا .. إحنا علينا بكل تواضع كجماعة تؤدى رسالة إن إحنا نبين الإسلام بقدر اجتهادنا .. ده تقريبا فحوى الكتاب .. وأنا لا أخفى عنك أن المسجون وخصوصا فى سجون عبد الناصر .. دى حقيقة والناس لازم تعرفها .. كان فيها تعذيب .. هذه الضغوط هو شايف إن فيها محكمة ظالمة وسجان يتعامل بكل صرامة .. ده عمل رد فعل سببى لدرجة إنه قال إن دول مش ممكن يكونوا مسلمين بالطريقة البلدية كده .. لغاية ما انتشرت الحكاية إنها ليست بالإسلام وليست بمنهج الإخوان ..

* **ويقول مأمون الهضبي :** « أولا أحب أصلح حاجة تاريخية .. الأستاذ سيد قطب شهيد الإسلام والدعوة الإسلامية رحمه الله صاحب كتاب « معالم على الطريق » كان كتبه قيل المحاكمات وقيل كل شيء .. »

* **ودخل بسببه السجن ؟**

* « دخل بسببه السجن .. كان هو اتهم فى مؤامرة .. وكان من ضمن الأدلة عليه هذا الكتاب .. طبعنا الأستاذ سيد قطب فيلسوف الدعوة وله مقامه الكبير وهو صاحب التفسير الذى يعتبر فيه أعلى درجات الأدبية لتفسير القرآن الكريم والمعتمد لدى كل المجامع والفقهاء وعلماء الإسلام .. « معالم على الطريق » اختلف فى فهمه البعض .. أنا أشهد بكده .. أنا لم تأت لى الفرصة أن أتحدث مع سيد قطب .. هو كان فى الزنزانة اللي جانبى فى السجن الحربى وأخذ لإعدامه من جانبى فى الزنزانة .. ولكن لما ظهر كلام عن التكفير ودعوة التكفير .. أشهد الله أن الأستاذ عمر التليسمانى وهو إنسان صادق ولا يمكن يكذب أخبرنا وأخبر غيرى وأكثر من مرة إنه سأل سيد قطب رحمه الله فنفى له هذا الادعاء إطلاقا ونفى إنه يكون صاحب دعوة التكفير .. وه دعاة لا قضاة .. كُتب أساما ونحن فى معتقل طره السياسى فى أواخر ٦٨ تقريبا .. فوجئنا يوم الحملة زى ما إحنا بنسملها فى المعتقل .. فوجئنا إنهم حيجيوا المرشد حسن إسماعيل الهضبي من ليمان طره إلى معتقل طره السياسى .. وفعلنا جابوه وكانت مسألة التكفير دى وأخذة مناقشات حادة جدا بين الإخوة المعتقلين فى معتقل طره السياسى .. فلما جاء .. الناس مايقش متصورة إنه حيات ليلة واحدة وحيسيوه هنا فكانوا فى غاية الشوق إنهم يعرفوا آراءه فى الحكاية دى .. وفعلنا سألوه وهو بقى يستغرب من هذه الدعاوى وخاصة إنه كان منسوب إليه إنه كان أعطى

هذا الفكر ووافق عليه .. ولما سمع من بعض الناس الإخوة واللى مقبوض عليهم واللى معتقلين أو مسلمين هذا الفكر قال لهم إحنا دعاء مش قضية .. إنتم كأنتم الآن تقضون على الناس .. نحن دعاء ولما قضية ثم قال إن هذا الفكر له منهج فطلب إنه نجتمع ونعمل بحثا فقهيا للرد على هذا المنهج .. فهذا البحث عمل كمذهب فكرى فقط .. وليس للرد على إنسان معين .. ونحن لا ننسب لشهيد الإسلام وفيلسوف الدعوة سيد قطب هذا المذهب إطلاقا .. ولا نقبل أن ينسب إليه .. وخصوصا بعد الشهادات التى شهد بها عديد من الناس وفى مقدمتهم الأستاذ عمر التلمسانى بأنه سأل سيد قطب فنفى عنه هذا .. إذن هو الكتاب أو البحث كما قيل إنه بحث آنذاك واستغرق إعدادة نحو سنة .. ونحن فى معتقل طره الميائسى .. وانتهى .. ثم كان الناس الذين يعملون فى هذا البحث يعملون تحت إشراف المرشد حسن الهضبيى المرشد آنذاك وكان يتابع ويوجه ويأمر ويقول ويحذف هذا .. إلى أن انتهى جمع بعض أصحاب هذا المبدأ وأعطاهم نسخ من هذا البحث .. وقال لهم أنا مسئول عن كل كلمة فى هذا البحث .. بعد ذلك لما خرجنا من السجن والمعتقلات وبعد وفاة حسن الهضبيى سنة ٧٣ تجددت فى الساحة دعاوى التكفير فالإخوة رأوا إنهم يطعموا هذا البحث فى كتاب ويصدره للناس .. علشان أولا هداية الناس عموما .. وتأكيد على فكرة الإخوان المسلمين ونفهم لهذا الفكر وبعدهم عنه .. واجتمعوا به وسألوه نسميه إيه ووردت على أذهاننا عبارته رحمه الله « نحن دعاء ولما قضية » فأسمينا هذا البحث بهذا الاسم .. وطبع وابتدا ينتشر وأصبح هو المعتمد عندها .. وأكد إنه ليس رداً على سيد قطب إطلاقا .. ونحن نوهنا إلى ذلك فى مقدمة الكتاب وقلنا ليس رداً على إنسان معين .. وإنما هو مذهب لتأكيد المبادئ الفقهية وتأكيد لمذهب الإخوان ومنهج الإخوان وعقيدة الإخوان وفكر الإخوان ليس إلا » .

- وأسأل عباس رضوان : قلت توليك وزارة الداخلية هل استمرت عمليات التعذيب وما قيل عن السجون والمعتقلات أم توقفت ؟
- « هو يمكن الموقف يختلف لأنه من ٥٢ إلى ٥٨ الثورة ما فى شك قوبلت بدعارة .. لم يكن خلاف مع الإخوان المسلمين فقط ولكن مع الشيوعيين أحيانا .. مع كل هؤلاء .. وكان التصرف معهم اللى فى الجيش بيكون مع الشرطة العسكرية فى معظم الأحيان .. فى وقت كانت مشكلة الإخوان تعتبر منتهية لأن المحاكمات كانت خلصت والمعتقلين محددين » .
- ويقول عبد المحسن أبو النور : « يعنى ما حشس منك الإخوان المسلمين غير لما هم اعتدوا على الثورة .. وثاروا على رمز الثورة قطيعا مش ممكن أبدا إن دول يتسابوا .. وكان معروفاً أن الإخوان المسلمين لهم تنظيم عسكري معروف » .
- وأسأل عبد اللطيف بغدادى : هل رفضت محاكمة الإخوان المسلمين أيام ما كنت رئيسا لمحكمة الثورة ؟

- « لا .. لم يطلب منى ومن محكمة الثورة إنها تقوم بمحاكمة الإخوان المسلمين .. يعنى المجلس .. مجلس الثورة لم يطلب منى هذا .. إنما عملت محكمة جديدة يرأسها جمال سالم » .

- **بدونك فيه يافندم ؟**
- « لأننى لى مواقف بالنسبة للمحاكمات .. لأننى اعتبرونى عامل قاضى .. وأعامل ضميرى فى المحاكمات دون أخذ رأى المجلس فيها .. ودى محاكمات سياسية وأنا كنت ضد هذا » .
- **ويقول د . عبدالعظيم رمضان :** جمال سالم ومجموعته .. قضاة عسكريون .. ينظرون فى عشرين أو ثلاثين قضية فى ست دقائق بالإعدام .. هل هذا معقول ؟ لا شك أن صفحة القضاء بهذا الأسلوب أيام عبد الناصر كانت سوداء » .
- **وأسأل حسين الشافعى :** نعرف مدى تدينك وحبك لديننا الحنيف . هل هذا يجعلك إلى حد ما أسفاً على إنك كنت عضواً فى محاكمة الإخوان المسلمين ؟
- « ده موضوع حديث على بعضه لأن ربنا بيقول ﴿ ومن أحسن قولاً ممن دعا إلى الله وعمل صالحاً وقال إننى من المسلمين ﴾ ولم يقل من الإخوان المسلمين .. الإخوان المسلمين دى جاءت فى مجال الفرقة ﴿ واعتصموا بحبل الله جميعاً ولا تفرقوا وانكروا نعمة الله عليكم إذ كنتم أعداء فألف بين قلوبكم فأصبحتم بنعمته إخواناً ﴾ .. كلمة الإخوان بتعبر عن الانشقاق .. إنما المطلوب منا إن نكون مسلمين .. ﴿ ومن أحسن قولاً ممن دعا إلى الله وعمل صالحاً وقال إننى من المسلمين ﴾ .. الإخوان المسلمين هم اللى بتصرفهم وصلوا الأمور إلى أنهم يُحاكموا .. وبالعكس الثورة أبقت عليهم دوناً عن جميع التنظيمات السياسية والأحزاب تقديراً لدعوتهم وتقديراً لدور البعض منهم اللى شارك فى حرب فلسطين .. وحاكمنا إبراهيم عبد الهادى أساساً لتصرفه القليظ مع الإخوان المسلمين .. هم لهم دور ولهم جهد ولكن تجاوزوا حدودهم .. لأنهم تصوروا أنهم بيؤسسوا إسلاماً جديداً واعتزوا بالعدد والعملية مش عدد إنما العملية استعداد للبلد والتضحية .. فهم مارضبوش يشتركوا معنا فى الثورة لأن قال لك مسيب الناس دول يعملوا وإحنا بتنظيمنا وعددنا نقدر نحويهم .. ولذلك بيعتبروا إن إحنا خطفنا منهم حاجة .. إحنا ما خطفناش منهم حاجة » .
- **وتجلى اسم عبد الناصر فى أمرين :** أولاً مؤتمر باندونج .. ثانياً رفض الأحلاف ...
- **أولاً :** المشاركة فى مؤتمر باندونج الذى كُتبت فيه شهادة ميلاد مجموعة دول عدم الانحياز والحياد الإيجابى ...
- **وسافر جمال مع صلاح سالم ووزير الإرشاد ود . محمود فوزى ووزير الخارجية إلى باندونج فى أبريل سنة ٥٥ .. وقابل نهرو وشو إن لاي وتيتو إلى جانب سوكارنو .. وتكونت صداقات حميمة بين عبد الناصر وبينهم ...**
- **ويقول أمين شاكى :** مؤتمر باندونج كان ببخل أساساً فى إطار السياسة الإسلامية بتاعتنا .. كنا عايزين نخلى الدول الإسلامية على علاقة بينا .. لأن الإسلام كان فى تصورنا أقوى من الوطنية .. فإذا الدول الإسلامية اتحدت وتعاونت معنا حنقى قوة كبيرة جدا .. إندونيسيا أكبر دولة إسلامية فى العالم الإسلامى .. وباكستان وماليزيا .. ولكنها كانت دول متأخرة .. فبعتنى

عبد الناصر أنا وأنور السادات نروح هذه البلاد قبل مؤتمر باندونج .. وقبلنا نهرو .. وانتقنا لازم يتعمل مؤتمر علشان خاطر إن هذه الدول كانت بتستقل استغلاً بشعاً من الدول الاستعمارية .. ونقدر نخلي هذه الدول تتعامل مع بعضها .. ونقل من مدى الاستغلال الذي كانت تعرض له .. يعني حأعطيك مثلاً .. إندونيسيا أكبر دولة في العالم بتنتج البهارات .. كانت هولندا بتأخذ هذه البهارات وتعبأها وترجع تبيعها للهند وباكستان بأربع أضعاف ثمنها .. فمن الخسران ؟ شعب إندونيسيا الجعان . ماليزيا عندهم أحسن ملاحات في العالم وأحسن أنواع الأسماك كانوا مش لاقيين ياكلوا .. وللعلم أنا اللي بنيت لهم الجامعة واللى مؤلنى الأمير فيصل أيامها رحمة الله عليه .. ودى أول مرة بتنشأ جامعة في ماليزيا .. وكل المتولين المناصب الرئيسية في ماليزيا النهارده من خريجي هذه الجامعة .. ويعت ناس من الأزهر .. اتنين اتعينوا أستاذة في هذه الجامعة .

• وأسأل مبارك رفاعي : كنت ملحقاً عسكرياً على اتصال بالرئيس سوكارنو أيام الحياذ الإيجابي لما الذى تذكره عن هذه الفترة ؟

• هى الفترة دى في الحقيقة اللي أنا خدمت فيها في إندونيسيا .. يمكن من ٦٠ حتى ٦٤ كانت فترة نشطة جداً في إندونيسيا .. أولاً كانت الثورات الوطنية اللي قامت في الجزر كانت بدأت تخمد وبدأت تتحد كلها كدولة واحدة .. دى أول حاجة .. وكان النشاط فيها ضعفاً والحياذ الإيجابي اللي كان موجوداً .. وإسرائيل كانت عايزة تصل إليه ولم تتمكن والحمد لله في ذلك الوقت . كانت فترة غنية وفترة مثمرة في العمل .

• ويقول عبد اللطيف بغدادى : كان فيه القوة الشرقية والقوة الغربية والصراع بينهما .. جاءت دول العالم الثالث زى مصر والهند ويوغوسلافيا وقتها .. بقي لهم ثقل ووزن .. فابتدوا يعملوا دول عدم الانحياز وسوكارنو كان له نشاط في الناحية دى .

• ويقول سعيد كمال : أقول لك بأمانة .. أنا يتكرنى طبعاً بوثيقة هامة اطلعت عليها وأنا ذاهب إلى تونس لنصطلح مع اتحاد طلاب تونس .. بدعوة من هذا الاتحاد اللي طبعاً كان واقف مع الرئيس بورقيبة كما تذكر .. عندما دعا الفلسطينيين .. فاطلعت على وثيقة .. وثيقة في باندونج عندما كان عبد الناصر مع نهرو ونكروما ورئيس وزراء الأردن ويتو .. بطبيعة الحال وجدت إنه يطالب (أى عبد الناصر) أن لايد أن يتوجه المجتمع الدولي والفلسطينيين إلى قبول قرار التقسيم .. أنا حأقول كذا مرة وأكررها إن الفلسطينيين أخطأوا التقدير في سياسة مصر في عهد عبد الناصر .. وفي نفس الوقت في عهد السادات .. عبد الناصر هو من طلب التقسيم .. فهبت مظاهرات في منطقة المشرق العربى كيف يكون ذلك .. منذ ذلك الحين أدركت بإننا نسير في ظل ظروف بالغة التعقيد .. ولأن مصر مستهدفة من أيام محمد على ومازالنا .. وحكمة القائد دائماً هي في كيفية الخروج من المعطيات والمنعرجات .. فلما هو طالب بالتقسيم .. الفلسطينيون والعرب في المشرق العربى هبوا ضد هذا الموقف اضطر يقول أصحاب القضية هم اللي مش

عاوزين .. يعنى الحقيقة عبد الناصر كان يحس نبض الشارع .. ومشى وراء الشعب اللي كان بيطالبه ويطلب مصر بحكم موقعها بالكثير .

* وأسأل د . حسن رجب : حضرتك كنت أول سفير لمصر فى الصين واقتربنا من الصين على أيامك .. إيه اللي تذكره عن هذه الفترة ؟

* « إزاي أنا عيّنت .. وده موضوع أثار استغراب ناس كتير جدا .. ده راجل مهندس وبishtغل فى أسلحة ونخائر ومصانع حربية .. علشان إيه ده يختاروه .. وطبعاً ده كان متار نقد كبير جدا من بتوع الخارجية أنفسهم .. يعنى دى عملية دبلوماسية جابيين المهندس ده ليه .. وده راجل بيشغل فى عملية بعيدة خالص .

* اشرح لنا إزى كيف كانت البداية ؟

* « اللي حصل إنه فى سنة ٥٥ حصل مؤتمر باندونج .. ومؤتمر باندونج زى ما نقول جمع ما بين كل الجماعة الذين يحتضنون فكرة عدم الانحياز .. لما اجتمعوا هناك اللي حصل إن جاء أيضاً من الصين شو إن لاي علشان يحضر هذا المؤتمر .. كملت مع مش كعضو .. هناك نعرف على جمال عبد الناصر .. وجمال عبد الناصر فى ذلك الوقت كان بيستعد لتأميم قناة السويس .. إنما سرأ .. وما كانش حد عارف .. وظهر واضحاً من أحاديث إيدن أن جمال عبد الناصر بصد أنه ينوى تأميم القناة .. قال يعنى بيحذر إنه مش لازم تتمتع حاجات زى دى لأن الحروب قامت فى الماضى لأسباب أقل من كده بكثير .. فعرف جمال عبد الناصر أنه لا مقر من قيام حرب وابتدا بعد كده إنه يدور على أصدقاء .. يدور على ناس تساعدو .. يدور على ناس تعاونو .. تدبلة سلاح تدبلة نخائر تدبلة إمدادات تدبلة أى حاجة من الحاجات دى .. ولقى شو إن لاي الاثنين بيزمروا فى مزيكا واحدة واتفقوا على إنه يحصل تبادل فى التمثيل السياسى مابين مصر والصين .. طبعاً الصين فى ذلك الوقت لم تكن عضوا فى الأمم المتحدة .. كان علشان تبقى عضواً إنها تحصل على أكبر عدد من الأصوات .. ففكر مصر نجى وتتبادل التمثيل الدبلوماسى ده مكسب كبير جداً للصين .. وإحنا لما دولة زى الصين ناهضة وعندها سلاح تقدر تدى لنا ونخائر وحاجات كده .. طبعاً إحنا نرحب بها .. وإن لم تكن من الناحية المادية على الأقل من الناحية المعنوية فيه ناس بتساعدنا .. واتفقا على التبادل الدبلوماسى .. شو إن لاي على طول أمرع وبعث السفير بتاعه هنا .. وكان قبل ما يقوم جمال عبد الناصر من باندونج كان السفير الصينى وصل .

* وبدأت أول محادثات لبيع الأسلحة لمصر بعد المؤتمر .. وعقدت أول صفقة أسلحة تشيكية فى سبتمبر سنة ٥٥ ..

* ويقول أمين شاكى : « وإحنا فى إندونيسيا فى مؤتمر باندونج وقابلنا شو إن لاي فى بورما .. وطلب مقابلة عبد الناصر .. ولم يحضر هذه المقابلة غير صلاح سالم وأنا .. وفى هذه المقابلة وجننا شو إن لاي ده إنسان ذكى جداً ومهذب جداً وعازيز يفهم إيه هى مصر أولاً وإيه هى ثورة مصر ؟ وقامت ليه ؟ وإيه هى الأوضاع التى كانت موجودة قبل الثورة ؟ وإيه الأوضاع

اللى إحنا عاوزين نحققها بعد الثورة ؟ ده إنسان بيّفهم .. ده على عكس دالاس .. ده دالاس لما جاء سنة ٥٤ .. جاي يقول لنا اعملوا كذا وإذا لم تعملوا كانت عظامكم الأمور .. كما حدث .. وبعدين سأل شو إن لاي عبد الناصر ما هي أكبر مشاكلك ؟ قال له : مشاكلي إن بن جوريون لما عرف إن الضباط اللي عملوا الثورة هم اللي كانوا بيحاربوا في ٤٨ قال إن الضباط دول حيحاولوا علشان يقتصوا من الهزيمة بقاعة سنة ٤٨ .. فحب يقرض علينا اتفاقية سلام بشرطه .. وكانت دول الغرب والشرق الاتنين بيساندوه وإحنا مافيش أحد .. فعمل عدوان على غزة .. ودخل غزة مرتين ودخل خان يونس .. ومر هنا لغاية العريش واللى كانوا بيطلعوهم الأمريكان .. وكان السفير الأمريكي كافر ي كان بييجي هنا على الكنية .. وهو كان بييجي كل يوم ثلاثاء يقابل عبد الناصر .. وعبد الناصر كلمه عدة مرات علشان الولايات المتحدة تدبنا أسلحة دفاعية فقط ولكن بالنفوذ الإسرائيلي هناك ما أمكنش .. وكما تعلم راح عبد النعم أمين وعلى صبرى وقبولوا مقابلة سيئة جدا ورجعوا وما عملوش حاجة .. فقال شو إن لاي طيب لما الأهداف بتاعتكم دي تركز في كثير مما كان يحلم به القيصير وحكام روسيا زمان .. وأنتم عاوزينهم يعطوكم سلاح علشان تدافعوا عن أنفسكم .. قلنا له والله إحنا علاقتنا بالاتحاد السوفيتي علاقة شكلية ولا تصل إلى الحد الذي يسمح لنا نطلب منهم سلاحاً .. لأن طبعاً مثل هذا الطلب لن يؤخذ مأخذ الاعتبار .. فقال طيب تسمعوا لي أن أكلهم .. قلنا له والله يبقى أكثر خيرك جدا .. فقال دلوقت حنروح المؤتمر حنقعد حوالي أسبوعين .. وبعد ما نرجع من المؤتمر إدوني من أسبوعين لثلاثة .. وأنا حابعتكم بنتيجة اتصالاتي مع ستالين .. وفعلاً بعد مضي ثلاثة أسابيع بالضبط من عودتنا من باندونج .. جت برقية شغرية من ثلاثة صفحات على مكتبتي إلى عبد الناصر من شو إن لاي فعلت لها طباعة ودخلتها له وأنا كنت سعيداً جداً لأنه جاء فيها إنه تكلم مع ستالين .. وكانوا مترددين لأسباب كذا وكذا وفي الآخر قبلها .. على أن الإمدادات الأولى لهذا السلاح ماتجيش من روسيا نفسها .. تيجي من بلد من بلاد شرق أوروبا وبالذات اقترح تشيكوسلوفاكيا والمجر .. وجاء عبد الناصر وقال لي بمسرة تجيب لي ملحق جوي وملحق عسكري فجببت عز الدين رمزي من سلاح الطيران .. وجبت إسماعيل فريد من الجيش .. فقلت إسماعيل فريد أحل بيه مشكلتين .. مشكلتنا مع محمد نجيب .. ومشكلته هو لأن إسماعيل فريد طول عمره ضابط وياها ومن الضباط القدامى .. وما عملش حاجة يعني .. وبدأت تأتي الإمدادات من هذه الدول » .

• **ثانياً : النزعة الاستقلالية لعبد الناصر .. تأكدت في رفضه كل الاقتراحات الغربية بدخول مصر في أي تحالف غربي .. وهو الموقف الذي بلغ أشده في الحملة الضارية التي شنها الإعلام المصري على مؤتمر حلف بغداد .**

• **وقال أحمد سعيد : « بدأنا بعد العراق ما وقّعت حلف بغداد .. بدأنا حملة ضد الحلف .. بعنف .. عنف شديد .. وحاولوا إنهم يقرضوا الحلف على الأردن وقالوا سترسل الجنرال « تمبلر » .. وكان ده رئيس أركان حرب القوات المسلحة البريطانية .. وجاء علشان يحضر احتفال توقيع الأردن عليه .. يومها كان فيه ثقة في مشاعر الجماهير وإن بتكلمها .. ورغبته**

في ارتباطها بالقاعدة النضالية في مصر .. وفي الرئيس عبد الناصر .. وثقتنا في وجهة نظره .. كل هذه العوامل جعلتني أطلب من الشعب الأردني بعد صلاة الجمعة بكره تطلع مظاهرات في جميع أنحاء الأردن » .

* قال شمس بدران : كانت بريطانيا قد تبنت مشروعاً لعودة إسرائيل إلى خطوط الهدنة وحل مشكلة الفلسطينيين ورفضت إسرائيل .. وعرض إيدن على عبد الناصر الابتعاد عن دول الحياد ووعده بحل مشكلة إسرائيل ولكن عبد الناصر رفض » .

● وعلى الصعيد العربي .. في أوائل سنة ٥٥ عقد مؤتمر الحكومات العربية الموقعة على معاهدة الدفاع المشترك وانتهى بوحدة الفكر المصري السعودي في مواجهة الأحلاف .. ولعب صلاح سالم دوراً هاماً في تقريب وجهات نظر العرب .. وكان أول احتكاك مباشر بين عبد الناصر والحكام العرب ...

* ويقول مصطفى أمين : « في بداية الثورة كانت مصر علاقتها بكل الدول العربية كويسة .. كانت مصر زعيمة البلاد العربية بدون أن تتدخل في السياسة الداخلية لأي بلد عربي .. كان يكفي أن تقول في أي بلد عربي .. إنك إنت مصري .. حتى تفتح لك جميع الأبواب » .

● وعلى الصعيد الإسلامي أصبح القامقام أنور السادات سكرتير المؤتمر الإسلامي ...

■ وعلى الصعيد المحلي بدأ مشروع مصنع الحديد والصلب بالتعاون مع ألمانيا .. ومشروعات تابعة للشئون البلدية والقروية كإنخال الماء العذب إلى القرى .. وبناء كورنيش النيل الذي بدأ في مايو سنة ٥٤ وتكلف ٢ ونصف مليون جنيه تحت قيادة بغدادى ...

* ويقول وجيه أباطة : « بغدادى كسر الروتين » .

* وأسأل عبد اللطيف بغدادى : « هل تحاكيك هو اللي خلى الرئيس يغير منك زى ما قلت ؟

* « قالوا صاحب العصا السحرية .. وناس بيقولوا إن البغدادى لو مر من هنا تلاقى كذا .. كلام كثير عن إنجازاتى المريعة إني شغلت الناس ٢٤ ساعة .. كانوا بيشتغلوا وردية ٨ ساعات أنا قلت لهم لا .. المقاومين قلت لهم عاوز أشغلك ٢٤ ساعة ٣ ورديات .. قلت له بدل ما تشغلك وردية واحدة في عملية تقعد فيها ١٢ شهر .. حاتمعلها في ٤ شهور .. وقرسك ستدور أكثر ونفس المصاريف هي هي .. فابتدت العملية من هنا .. الكورنيش مثلاً ٦٥ كيلو من حوان ونفس الطريق للقناطر .. اتنفذ في ٣ شهور ونصف .. ٤ شهور .. واترمت قطع من النيل .. ومصانع ومطبعة الأهرام انشالت .. والكوبرى علشان المياه لا تقليه اتعملت خرسانة من تحت الكوبرى اللي بنعدي من فوقه السكة الحديد .. أهم حاجة أنا عملتها في شئون البلدية إننا عملنا كورنيش النيل .. وأهم حاجة عملتها في شئون البلدية والقروية تميم مياه الشرب الصالحة في الأرياف .. كنت في الأرياف بأشرفهم ببشربوا من مياه البرك .. ويجيبوا المياه من آخر الدنيا .. فتعميم مياه الشرب ده بالنسبة لصحة الناس » .

- ماذا نقول لنا عن عبد اللطيف بغدادى رئيس مجلس الأمة ؟
- « هي أحد المناصب التي نقلتها .. وزارة الحربية .. شئون بلدية وقروية .. مجلس الخدمات .. مجلس الإنتاج .. وزارة التخطيط .. وزارة الخزانة .. كل ده بسرعة بسرعة » .
- وتبنى جمال سالم فكرة إقامة السد العالى .. وكان من أشد المتحمسين للإصلاح الزراعى ...
- ويقول سيد مرعى : « كان جمال سالم يعتبر الإصلاح الزراعى مسألة حياة أو موت بالنسبة له .. ولذلك كان يقف بكل جهده وتفكيره وراء خطواته .. وكانت وجهة نظر جمال سالم أن الإصلاح الزراعى هو نقطة التحول الأساسية فى حياة القاعدة العريضة من الشعب المصرى .. ولذلك لابد أن تلقى الثورة بكل ثقلها وراءه .. وخرجت يوما من اجتماع مجلس قيادة الثورة بعد دعوة جمال سالم لى .. وأخذت على عاتقى المهمة الصعبة .. ليحضرُوا توزيع الأرض على الفلاحين .. وقد كان .. وأخذ مكعب رجال الثورة يشق طريقه بصعوبة وسط الاستقبال الحماسى الجارف .. وهنافات الفلاحين .. وتتابع زيارات جمال عبد الناصر لمناطق الإصلاح الزراعى بعد ذلك » .
- ويقول توفيق عبده [إسماعيل] : « جمال سالم فجر له دوراً فى الإعلام عن طريق قانون الإصلاح الزراعى ... ولكن تصرفات مثل الممنوع الذى يضعه على الترابيزة فى الاجتماع .. وبعد قانون الإصلاح بدأ اتجاه من أعضاء مجلس قيادة الثورة للإقلال من دوره » .
- ولكن جمال سالم خرج من التشكيل ...
- وكان د . عزيز صدقى وزيراً للصناعة ...
- ويقول د . عزيز صدقى : « رجعنا وقامت الثورة فى ٢٣ يوليو .. وعندما قامت الثورة حرصت على جمع أكبر عدد من الشخصيات التى أعتمد إنها تقدر نفيذ .. وأنا كنت من بينهم .. وحدثت اجتماعات فى مجلس الثورة .. وحضرها بعض المسئولين فى ذلك الوقت بما فيهم بعض أعضاء مجلس الثورة .. وكانت قد شكلت وزارة فى أول الثورة كان من بين أعضائها ناس أنا أعرفهم د . وليم سليم حنا .. الأستاذ فؤاد جمال .. نور الدين طراف اتصلوا به على أساس ممكن الاستعانة به .. وكان فيه حاجة اسمها المجلس الأعلى للتخطيط والتنسيق ، ومجلس الخدمات ومجلس الإنتاج .. وكلمنى د . سليم حنا علشان اشترك وعينت خبيراً فى المجلس الأعلى للخدمات .. الخدمات كان فيها حاجة اسمها الأموال المصادرة .. ١٤ - ١٥ مليون جنيه خصصت لعمل خدمات .. أساس العمل أن نعمل عملاً منظماً .. فعملت تخطيط إيه الخدمة الصحية التى موجودة .. وإيه التى يجب أن يكون .. ولابد نعمل إيه ؟ نتوزع إزاي ؟ أسلوب جديد فى ذلك الوقت .. فى ذلك الوقت كان رئيس المجلس عبد اللطيف بغدادى .. طبعا كنا على اتصال به .. ثم الرئيس جمال عبد الناصر الله يرحمه قرر أن يأتى ليحضر جلسة من جلسات المجلس .. فأحضرت له الخرائط التى عملناها .. قدم معى على مدى ساعتين وكان ببساطة فى كل صغيرة وكبيرة ويعدين عندما انتهينا عاد وحضر جلسة المجلس .. وقال أنا سعيد

بما شهدته لأنكم وضعتم أيديكم على أول الطريق .. طبعاً هذه كانت البداية .. ثاني يوم كلمنى محمد حسنين هيكل .. وكنت أعرفه لكن لم يكن صديقاً .. طلب مقابلتى .. أهلاً وسهلاً .. قال الرئيس كلمنى وقال فيه واحد ماسك الخدمات وعاوزك تروح تشوفها .. بأحكى لك إيه اللى حصل وأورى لك بداية العلاقة .. فى أول يوليو ٥٦ كانت الأسرة فى الاسكندرية وكلمنى سامى شرف فى التليفون وطلب حضورى .. أهلاً وسهلاً .. كنت فى بيت والدى .. قال لى بكرة فيه ميعاد فى منشية البركى .. سامى قال حنشوف بعض كثيراً إن شاء الله .. ذهبت هناك وجدت سيد مرعى ومصطفى خليل فى الصالون .. دخلونى الأول حسب الأقدمية كعضو سابق فى مجلس الخدمات لى الأولوية .. لقيت الرئيس .. كان هو جالس ويجانبه أنور السادات وكنت شفته كذا مرة .. قال لى أنا طالبك علشان إنت عارف عملنا كذا وكذا .. الحقيقة جيبنا نعمل حاجة فى الصناعة ومجلس الخدمات .. أنا عاوزك تمسك الصناعة .. ماكنش فيه حاجة اسمها وزارة الصناعة .. كان اسمها التجارة والصناعة .. والصناعة كانت مصلحة مع مصلحة التجارة .. شوف تقدر تعمل إيه .. دى البداية .. ده للشباب علشان يعرف التاريخ الذى لم يعاصره .. النهارده الناس بتتكلم عن الصناعة وكأنه أمر واقع كبير وهو كبير فعلاً .. كيف بدأت وزارة الصناعة .. أنا تانى يوم قلت فى مكتبى .. قالوا فى وزارة التجارة والصناعة .. كان فيه مكتب معى لوزير التجارة محمد أبو الخير .. فجاء لى وسلم على وقال لى الحجرة أهى .. مكتب وكمرسين .. أما المكتب ولا ورقة ولا بنى آدم .. قال لى إنت مت عنده أحد تحب يبقى سكرتير معك .. قلت آه .. قال فيه واحد كويس عندى هنا اسمه محمد مراد .. قلت ابعثه لى .. جاء قال لى أقعد فى .. قلت له دور لك على مكان .. مش عارف .. مافيش فى الوزارة مافيش غير حجرتى .. جابوا له ترابيزة صغيرة فى الطرفة بره علشان يقعد عليها .. هكذا بدأت الصناعة .. مافيش ورقة .. مافيش موظف .. مافيش وزارة شغالة .. يخش للوزير الكولاة ويقولوا له يا فندم الشىء الفلانى .. أنا ماحدث دخل قال لى إزيك حتى .. لإنى مافيش موظفين ..

• من هذا المنطلق نستطيع أن نقول إنك الرائد ؟

• ما أحكيه لكى يعرف ويفهم الشباب كيف قامت الثورة .. وكيف بدأ التصنيع فى مصر ..

• وكلف دكتور مصطفى خليل للمواصلات ...

• ويقول د . مصطفى خليل : « إن بداية علاقتى بثورة ٢٣ يوليو كانت اختياري عضواً فى مجلس الإنتاج فى لجنة كانت موجودة خاصة بالنقل والمواصلات لأنى أنا فى نفس الوقت ده كنت فى الجامعة فى نفس هذا المجال .. والفضل كله يعود إلى الدكتور عزيز صدقى فى مجال الصناعة .. قبل ذلك كان الهدف بدون شك إنه مافيش دولة تستطيع أن تقف على أرجلها أو تنافس فى الأسواق العالمية أو تستطيع أن تواجه متطلبات شعبها إذا كانت بتركز فقط على الزراعة .. بدون شك لن نستطيع أن ننسى دور شخص مثل طلعت حرب .. ابتداء التصنيع فى مصر من سنة ٢٣ وابتداء فى إنشاء البنوك وكان وقتها شيئاً متعذراً جداً فى ظل الاحتلال ..

ولكن لما جاء الرئيس عبد الناصر أراد أن يعطى تركيزاً كبيراً على التحول فى تصنيع البلد حتى يمكن النهوض بمستوى البلد والدخل القومى على وجه العموم .

• وكلف المهندس سيد مرعى بالإصلاح الزراعى ...

• ويقول سيد مرعى : « عبد الناصر قال لى لقد اخترتك لتكون وزير دولة للإصلاح الزراعى فى الوزارة الجديدة .. وكان هذا القرار آخر ما توقعته .. وقررت الاعتذار .. ولكن لم تفلح محاولتى لإبقاء الإصلاح الزراعى بعيداً عن قيود الروتين .. ولم تكن هناك وسيلة غير القبول .. وأصبحت وزيراً .. »

• وكلف الدكتور نور الدين طراف وزيراً للصحة ...

• ويقول د . نور الدين طراف : « قعدت وزير مدة مع رجال الثورة .. الواقع إنه كان فيه علاقة ود قوية لما تعرفت بجمال عبد الناصر .. كنت بأحبه جدا وهو يبحنى .. وكان كلهم أصدقائى وأعتقد إن ده سبب استمرارى لفترة .. »

• هل كان الرئيس جمال عبد الناصر مستمعاً جيداً ومنصتاً إلى رأى المعارض ؟

• « جدا جدا وكان بينافش .. وكان له حجة وكان يحتمل المعارضة .. ولم أشعر فى يوم من الأيام أنه غضب .. ماعرفش مناقشتهم هم مع بعض فى مجلس قيادة الثورة يوم ما كانوا يجتمعوا .. إنما فى داخل مجلس الوزراء هذه الصورة هى التى كانت موجودة .. »

• لماذا تركت المنصب بعد ذلك إذن ؟

• « الواقع أننى لم أترك المنصب .. أنا أنكر أننى استقلت مرة فى أثناء تولى وزارة الصحة .. والله كان محمد التابعى هاجم وزارة الصحة بمقالات اتكلم عن التقصير .. أنا أعتقد وكنت أعلم أن محمد التابعى صديق لهيكل وهيكى كان على صلة بعبد الناصر .. أنا حسيت إن ده قد يكون بإيعاز من عبد الناصر .. فكثبت الاستقالة له وأرسلتها له عن طريق الأخ محمود الجيار الذى كان يعمل معه .. وبعد يومين اتصل بى محمود الجيار وقال لى الرئيس عاوزك ضرورى تفوت عليه فى البيت النهارده .. ورحت منزله فى منشية البكرى .. قال لى إنت بعث لى جواب فهمت منه إنك تحملنى مسئولية ما كتب ضدك .. أنا يا أخى لا أعرف التابعى ولا أقبله .. وعمرى ما قلت لمحمد هيكى شىء من هذا القيل .. وده تفكير غلط منك .. وأنا شايف مافيش مبرر للاستقالة .. قلت له وهو كذلك وسحبت الاستقالة .. الواقع إنه كان لا يضيق بلن الواحد يقول له رأى .. »

• وتولى حسين الشافعى الشؤون الاجتماعية .. وتولى كمال الدين حسين وزارة التعليم ...

• وأسأل كمال الدين حسين : حضرتك كنت المسئول الأول عن التعليم فى بدايات الثورة .. هل حضرتك تستطيع أن تكلمنا عن التغيير الذى تم فى سياسة التعليم لكى يحدث التوافق ما بين ما يتعلمه الأطفال والشباب .. وبين مبادئ الثورة ؟

* أنا عمري ما أقول إنني أعرف كل حاجة .. وأنا بالعكس .. تقدير الموقف .. تعبئة الناس لعمل ما .. الناس المضبوطون علشان عمل معين .. دى هى وظيفة القيادة .. مش أنا أعمل بنفسى .. وأنا رحمت ووجدت الوزير بيعطى أمر نقل مدرس من أسوان أو جزاء لمدرس فى أسوان .. الكلام ده غير مطلوب إطلاقاً .. الوزير حاجة تانى خالص .. غير كده أنا كان دورى سياسى فى وزارة التربية والتعليم .. أن أدرس الحالة من باب المعلومات وأعرف الحالة شكلها إيه وبمدين أجيب كل المختصين اللى ممكن أجيبهم علشان يقولوا لى إيه الحلول .. أنا كنت جايب مستشار وزارة التربية والتعليم عميد من معهد التربية .. ومدير التعليم الابتدائى كان عبد العزيز السيد .. كان وكيل كلية التربية .. جايب فطاحل الناس .. جايب أساذ جامعة كويس جدا علشان يمسك التعليم الفنى .. يعنى كنت مختار مجموعة كبيرة من الناس وعاملين مجلس وكلاء ومجلس كذا علشان ينفذ السياسة .. والمجالس الكثيرة عيني جمال عبد الناصر أيضاً رئيسها .. كان مجلس الفنون والآداب أو مجلس العلوم أو لجنة الطاقة الذرية أو مجلس رعاية الشباب .. بالنسبة لوزارة التربية والتعليم كان موضوع أساسى موضوع المعلم .. مثلاً المدرسة عبارة عن أولاً معلم وبمدين مبنى مدرسة .. علشان تلم الناس .. وبمدين منهج » .

* وأسأل د . سليمان حزين عن مستوى التعليم عندما كان السيد كمال الدين حسين وزيراً للتعليم فى مصر ؟

* « بصراحة طبعاً إن ده تاريخ إذا بيتصف بالكذب الكلام دلوقت يبقى أنا لا أصلح أن أشتغل مربياً أبداً .. الصديق أهم ميزة تعلمتها من والدى .. السيد كمال الدين حسين أولاً كان ضابطاً ولكنه كان متفتحاً أكثر التفتح وكان مستعداً إنه يتعلم من مروضيه .. ويستمع إليهم .. مش مجرد استماع وإنما ليأخذ برأيهم .. أنا قلت له أمرين مهمين فى التعليم .. أولاً المعلم .. ثانياً التعليم الابتدائى فى ذلك الوقت، ماكنش لسه فيه إلزامى .. اجتهد وقرر إنه يعقد أول مؤتمر للتعليم الابتدائى » .

* وأسأل د . سليمان حزين عن رأيه فى التعليم فى ذلك الوقت بصراحة ؟

* « كنت دخلت بدلا من طه حسين فى ذلك الوقت .. وكان أستاذى وصلنى به كانت قوية جداً لأبعد الحدود .. وطه حسين كان له ميزة كبيرة جداً فى إنه أدخل المجانية واعتبر التعليم كالماء والهواء .. ودى صيغة جديدة جداً فى ذلك الوقت .. أنا خلفته .. ومنذ اليوم الأول أنا اعتبرت التعليم مش حق فريضة .. واجب يعنى .. إذا كان حق تأخذ حقه من التعليم وتسقط فى المدارس زى ما إنت عارز وتقع فى كلية الهندسة ١٢ سنة وتحرم غيرك بتضيق مبدأ آخر عمله طه حسين مع نجيب الهللى .. وعاصرتهم أنا فى ذلك الوقت سنة ٣٨ .. وهو مبدأ تكافؤ الفرص .. المجانية المطلقة .. وأنه حق كالماء والهواء وماحش يقدر يرفك منه .. وتقع ترسب فيه كما نشاء .. ده بترتب عليه أن تأخذ فرص غيرك وبالتالي أهدرت مبدأ تكافؤ الفرص ومبدأ التفاوت بين الناس » .

• **ويقول كمال الدين حسين :** طبعاً تاريخ ثورة ٢٣ كان لازم يدخل .. لكن نحن لم نلغى تاريخ أى حد .. لم يحدث .. لم يحصل إلغاء زعامات أو إلغاء إنجازات .. لأ لا لم يحدث .. حتى أنا سألت اللي بيتعلموا من القرايب قالوا كلنا شغنا سعد زغلول وثورة ١٩ .. كله كان موجوداً وإن لم يحدث هذا الكلام يصيح إجراماً .. أنا اللي بأقول لك .. وأنا نتاج ثورة ١٩ .. لأن التتكرر للماضى مش طبيعى .. مش ممكن نتتكرر للماضى أبداً .. بل بالعكس نأخذ منه عظة .

• **ويقول د . يونان لبيب رزق :** أنا عملت بالتدريس من سنة ٥٥ وأستطيع أن أقول إن كتب التاريخ غير مسئولة بقدر أجهزة الإعلام .. ولاحظت أن سعد زغلول عُين حقه .. بينما عرابى أخذ أكثر من حقه .. وأمره محمد على أسوأ إليها وهذا خروج عن الموضوعية التاريخية .. فأظهرت كتب التاريخ مثلاً أن إسماعيل كان أبله ومسرماً وسعيد أعطى امتياز القناة لحبه للمكرنة .. وهذا إخلال بالحقيقة التاريخية .

• **بينما كان عبد الناصر رئيساً للوزراء ...**

• **وزاد الاهتمام بجهاز المخابرات الذى أنشأه زكريا محيى الدين لحماية الثورة وتأمين الجيش ...**

• **ويقول توفيق عبده إسماعيل :** لما أعلنت الجمهورية فى ١٨ يونيو سنة ٥٣ فضل هو ماسك المخابرات وجمال عبد الناصر تولى وزارة الداخلية .. بعد شوية عبد الناصر بقى نائب رئيس الوزراء وزكريا محيى الدين تولى وزارة الداخلية .. وكان مشرفاً على جهاز المخابرات الحربية فى نفس الوقت .. فترة إلى سنة ٥٦ أنشأ جهاز المخابرات العامة على أساس مجموعة من ضباط المخابرات الحربية اللي تم تدريبهم على يد زكريا محيى الدين لتقوى العمليات الخارجية .. فى الحقيقة هو دوره كان محورى .. على صبرى قعد فترة بسيطة جداً فى الجهاز .. من أواخر ٥٦ إلى فبراير ٥٨ . وزكريا محيى الدين كان بيعرف التفاصيل ولازم يناقشها .

• **وأسأل محمد فائق : هل بدأت معه فى تأسيس وتكوين المخابرات العامة وأجهزة الأمن فى مصر ؟**

• **بالبسيط ..** بس أنا لم يكن لى أى علاقة بالأمن كأمن إطلاقاً لأن من طبيعتى مايش علاقة بجهاز الأمن كجهاز ولكن جهاز المخابرات لما قام فى بداية الثورة كان ده الجهاز السياسى للثورة .. تبص تلاقى على صبرى .. كمال رفعت .. شعراوى جمعه .. محمد فائق .. حامد محمود .. هم خريجو هذا الجهاز لأنه لم يكن هناك حزب صانع للثورة .. وكنا بنواجه المخابرات الإنجليزية أو المخابرات الفرنسية وعملية كبيرة جداً .. فكان الجهاز ده هو الجهاز السياسى لجمال عبد الناصر فعلاً .. فبدأننا من البداية خالص إنشاء هذا الجهاز مع زكريا محيى الدين .. لكن عملية الأمن نفسها لم يكن لى أى علاقة بها .

• **ويضيف سعيد حليم :** هذا الموضوع لا يخصنى إنما يرجع إليه ، والله هو ده مبدأ عنده وهو

رجل ذو مبادئ .. وده اللي أقدر أقوله إنه مادام يقرر شيء فهذه حاجته الشخصية .. ولولا صداقتي وإعزازي لك ما كنت أتكلم في موضوعات كهذه .. لأن ناس كثير قوى انكلمت فيها .. ولو الواحد انكلم حيثعرض لآراء مختلفة وبعدين ما يقدرش يرد عليهم لأنك مش حتميلينى فرصة أرد في التلفزيون تاني » .

• **تكوين الجهاز الأمنى لمصر من خلال عملك مع السيد زكريا محبى الدين .. كيف جاء وكيف بدأ ؟**

• « والله الثورة أو الانقلاب لما حدث كان فيه فترات من الضرورى تأمين الجيش علشان يبقى فيه استقرار .. وكان الهدف وطنياً وكان اختيار الضباط اللي عملوا فيها اختياراً دقيقاً .. ثانياً كان البوليس السياسى بوجهه القبيح وكان من الضرورى إنه تعمل تنظيم لتأمين البلد فدرست عدة مشروعات .. منها مشروع المخابرات العامة ونفذ .. وده كان الجهاز الأمنى الذى كان موجوداً فى ذلك الوقت .. ومع هذا تعددت الأجهزة .. يعنى كان هناك كثير من الأجهزة إلى أن انتهت بالتنظيم السرى فى أواخر حياة الرئيس جمال عبد الناصر » .

• **هل كانت أجهزة الأمن مسخرة لحماية السلطة ؟**

• « أى أجهزة أمن بتلبى الاحتياجات سواء للحكومة أو للشعب .. مش جاية بس للحاكم إنما للشعب .. وبعدين بها أنشطة معروفة .. نشاط مكافحة الجاسوسية .. ونشاط المعلومات بتقدمه للقيادة .. أما النواحي الداخلية فالمشغول عنها البوليس » .

• **وماذا كانت مسئولية السيد زكريا محبى الدين فى هذا المجال ؟**

• « هو إحنا عملنا جهاز المخابرات وخلص اشتغل » .

• **وتولى سامى شرف سكرتارية الرئيس للمعلومات ..**

• **ويقول جمال حماد : « وشاية سامى شرف بشيئته التى تناقض المبادئ الإنسانية وصلات الرحم كانت تستهدف الاستحواذ على ثقة عبد الناصر المطلقة » .**

• **وأسأل سعيد حلم : هل كانت هذه الأجهزة تتعارض أو تراقب بعضها البعض ؟**

• « هو جمال عبد الناصر كان يرمى إلى أن يجيء له معلومات من مصادر مختلفة .. للتأكد .. وإن كان يعنى أيضاً فيه بعض التضارب .. لا يوجد شك » .

• **ويضيف سعيد حلم : « هو شوف يعنى يجب الإنسان إنه يفرق ما بين عهد مجلس الثورة .. وما بين رئاسة السيد جمال عبد الناصر للجمهورية .. مجلس الثورة فى ذلك الوقت كان حكماً مبادئاً جماعياً فكان كل عضو فى مجلس قيادة الثورة من حقه يقول رأيه .. وكان يقول بصراحة ويناقش .. إنما عندما حل مجلس الثورة .. خلاص أصبح عملية عادية .. رئيس الجمهورية يشكل وزراء ويشكل كل حاجة .. خلاص » .**

- والسيد زكريا محيي الدين كان معه في ذلك الوقت ولا كان ترك في المرحلة التي حدث فيها أن الرئيس جمال عبد الناصر اتفرد بالسلطة ؟
- « انحل مجلس الثورة وطلب البعض من الأعضاء إنهم يكملوا .. فيه ناس رفضوا زى المرحوم جمال سالم .. وفيه ناس تعاونت معه في تشكيل حكومة والخ .. زكريا محيي الدين استمر زى ما كلهم استمروا » .
- وقبل ذلك كان خالد محيي الدين قد أبعد وغادر البلاد ...
- وأقول لخالد محيي الدين : سؤال محرج .. هل أبعدت أم ابتعدت ؟
- « والله الاثنين .. أولاً أنا قررت إني أمشي .. البقاء مع زملاء انشروحت العلاقة معهم .. لكن أنا كنت عاوز أقعد في مصر .. ثم بالمناقشة الهادئة وجدت إن البقاء في مصر حقيقي متعباً .. فالأفضل إني أغادر .. فخرجت وتركت مصر » .
- وفي أغسطس سنة ٥٥ قُبلت استقالة صلاح سالم من مجلس قيادة الثورة التي قيل إنها بسبب تعثر سياسته في السودان
- وأسأل أمين شاكر : لماذا ترك صلاح سالم ؟
- « صلاح سالم كان طموحاً جداً وبرضه كان يتكلم كثيراً وكان عايز الناس تعرف إن عبد الناصر لم يكن أحسن منه ولا أفتر على قيادة هذا البلد منه .. وكان لا يعرف حدوداً لتصرفاته .. سواء داخليا أو خارج مصر .. ومن هنا أصبح من الصعب بقاؤه في منصبه » .
- بسبب السودان كما قيل ؟
- « من أخطائه الخارجية السودان والعراق .. وكل البلاد التي زارها ارتكب فيها أخطاء كثيرة » .
- ويقول أحمد حمروش : « بدأ عبد الناصر يخلع أنصاره الذين استفنذوا أغراضهم .. والذين شوهت صورتهم أمام الجماهير .. وتماقطت في هذه الفترة أسماء كان الشعب قد قاض به الكيل من كثرة ما سمعه عنها .. وما لعمه من تصرفاتها .. جمال سالم .. أحمد أنور قائد البوليس الحربي .. إبراهيم الطحاوي وأحمد عبد الله طعيمة .. وكانت هناك انفراجة نسبية في موضوع المعتقلين والمعتقلات » .
- ولم يجتمع المجلس بعد ذلك حتى يناير سنة ٥٦ وذلك لمناقشة الدستور الجديد .. وتقرر إجراء استفتاء عليه بعد ذلك بشهور قليلة
- ويقول كمال الدين حسين : « كلنا مضينا على الدستور .. وهو كان لازم يعني نمضي على الدستور .. الدستور اللي فيه يصبح للمصريين اتحاد قومي .. علشان يبقى هو وسيلة ديموقراطية .. وكنا معتقدين بإخلاص إن ده سيستمر في حدود الاتحاد القومي .. وفي حدود المناقشة والانتخابات الحرة .. ده برضه كان حذر من عبد الناصر فقد أخذ درساً فظيماً في سنة ٥٤ وكلنا أخذنا الدرس ده .. بس هو اتحملة أكثر » .

• **ويقول أمين شاكِر :** « قلت له إحنا ضباط جيش مش بوليس .. وإحنا جايين من معسكرات نائية خلف أسوار عالية مش مخالفين المواطنين .. فلحنا مانقدرش نعرف إيه هم المواطنين على وجه التحديد .. ببفكرنا إزاي عاوزين إيه ؟ وإيه اللي يسمعهم ؟ فلأبد إنك تقابل بعض من هؤلاء المواطنين علشان تعرف الناس دى بتفكر إزاي ؟ وعازية إيه ؟ فرحب بهذا يعنى ما استعلاش ورفض .. جيت له عيود باشا .. جيت له سيد ياسين .. جيت له على باشا إسلام .. جيت له سبابا حبشى .. جيت له غالى .. كل هؤلاء الناس اللي كانوا بيمثلوا الطبقة الرأسمالية .. جيت له رشدى بك بتاع بنك مصر .. العسال .. وبعدين جيت له من الطبقة المتوسطة بعض رؤساء الإدارات والمصالح علشان يكلموه عن الجهاز التنفيذى ومشاكله .. وماشى إزاي ؟ ومين يتدخل فى عمله ؟ وجيت له من العمال وقعد معاهم .. وكان نيه على إن فى كل هذه المقابلات لازم أكون حاضراً وكنت بأحضر ومعنى نوتة وأكتب بـ SHORT HAND (الاختزال) ملخص المقابلة .. كان يطلب منى أن أنسخها وأعطيهها له .. أولاً كنت بالأحظ إن اللي داخل لعبد الناصر ركيه بتخبط فى بعضها .. لكنه هو كان وجهه مريح .. وكان يحسبك إنه سعيد بقلائك وعاوزك تتكلم فتلاقي الضيف بالتدريج كده .. لسانه ينطق ويندى يتكلم بحريته .. وكان هو ينصت بمنتهى الاهتمام .. وما كنتش يقاطع أبداً الضيف وهو يتكلم إلا إذا ظهرت نقطة هامة يجب أن يعلم عنها أكثر فيقوم بطلب من الضيف إنه يعطى له شوية تفاصيل عنها .. وينصت إلى آخر المقابلة .. ويقوم عبد الناصر يشكر الضيف على تفصله بالجنشور وعلى المعلومات الهامة اللي قالها .. وإذا كانت هناك بعض النقاط الهامة جاءت فى الحديث وهو بيهمه أن يعرف عنها معلومات أكثر .. يقوم يسأل ضيفه إذا كان لديه وقت أنه يكتب له تقريراً عن هذه النقاط .. وأعتقد إن دى من أكثر الحاجات اللي نفعت عبد الناصر وساعدت على تكوينه سياسياً .. يمكن أن يدير بلدأ ويتحمل مسئوليات هذا البلد .. ودارت الأيام وجاءت المشاكل الخارجية .. وإحنا فى بداية الثورة كل ما فى ذهننا من مشاكل خارجية الاستقلال اللتام أو الموت الزوام .. يعنى يوم ما نطلع الإنجليز يبقى خلاص انتهت مشاكل مصر .. بصينا لقينا إن المشاكل بتبتدى ولا تنتهى .. السودان ويعدين سوريا ويعدين السعودية ويعدين المغرب ويعدين تونس .. وثورة الجزائر أيضاً » .

• **وَكُونُ الاتحاد القومى ...**

• **ويقول أحمد حمروش :** « قال لى زكريا محيى الدين : إن جمال عبد الناصر كان يريد أن ينتزع من الثورة صفتها العسكرية .. لذا كانت محاولاته لتكوين تنظيم شعبى (الاتحاد القومى) » .

• **يقول إسماعيل فريد :** « الثورة قامت على مُثل وعلى أساس إننا نقوى الجيش ونطهر الجيش .. بعد كده لما وضح أنه لا يمكن نرجع لمواقفنا فى الجيش وأصبحنا قوة ذات سيادة .. مجلس الثورة أصبح ذا سيادة وأصبح يحكم .. وبعد كده زى ما ظهر كانت الخلافات تدب بين مجلس الثورة » .

• **ويقول أحمد حمروش :** « الاتحاد القومى مأخوذة برامجه من قوانين وضعها حاكم البرتغال

سألازار الذى مكث بحكم ربع قرن وكان رجلاً متخلفاً .. وبالتالي لم يكن ممكناً أن يكون تنظيمياً شعبياً بمعنى الكلمة » .

• وأسأل سعيد جليم : كيف حلّ مجلس قيادة الثورة .. طبعاً حضرت كل هذا ؟

• « آه طبعاً حضرته .. هو كان فى ذلك الوقت الأمور لازم تستقر .. طبعاً مثلاً ممكن الاستمرار فى الحكم الاستثنائى .. وبالتالي نوقش هذا الموضوع فى مجلس قيادة الثورة .. ووفق على أن مجلس الثورة يُحل أو يحل نفسه واللى عاوز يستمر يستمر » .

• وكان إيه وجهة النظر المسببة لذلك ؟

• « كما قلت إن دى كانت فترة استثنائية والأمور لازم تبقى مستقرة قوى وتأخذ الشكل الطبقي للحكم » .

• ويقول د . محمود الجوهري : « لما الرئيس جمال حب أن ينفرد بالسلطة فقال الطريقة الوحيدة .. وده كان بناء على نصيحة محمد حسنين هيكل على ما أعتقد .. بعد أزمة مارس .. كانت فكرته إن هو طول ما أعضاء مجلس الثورة موجودين وفيه خلافات شديدة جداً .. مع جمال سالم وصلاح سالم مثلاً .. وده طبقي .. الخلاف موجود فى أى مكان .. الخلافات اشتدت جداً .. وكان بيحس إن الخلاف ده عميق للمسيرة الثورية .. فقال لك إن أحسن حاجة أرتج الناس دول أعملهم وزراء .. ابتدا هو ينفرد بالسلطة وابتدا يجرب المجموعة الأولى .. عمل أربع وزراء .. وبعد شوية بعمل تعديل وزارياً يقعد الأربعة وزراء دول بره .. ويعين أربعة غيرهم .. لغاية ما عينهم كلهم وبعد كام سنة كان كلهم بره » .

• ويضيف إسماعيل فريد : « وتولى العملية جمال عبد الناصر المسيطر سيطرة تامة على مجلس الثورة .. ما عدا شوية خلافات مع صلاح سالم ومع جمال سالم .. لكن دائماً هو وفريقه وعبد الحكيم عامر هم الأغلبية .. وإن الضباط تبعهم .. وإن الجيش تبعهم .. وهو الأول والأخير .. يعين نواب رئيس الجمهورية ويشيل منهم من يشاء » .

• وبدأ عبد الناصر الانفراد بالسلطة .. واكتساب الخبرة السياسية إلى جانب السمعة الدولية ...



وانتصر عبد الناصر

- لما كان جميع الناس في حاجة إلى بطل قومي يشعل عار سنوات الاستعمار .. فقد لقي الزعيم جمال عبد الناصر هوى شديداً في النفوس ...
- وبدأ نجم عبد الناصر يسطع شيئا فشيئا أكثر فأكثر .. عندما تولى يوم ٢٥ يوليو سنة ٥٦ رئاسة الجمهورية ...
- وانتقلت السلطة إلى عبد الناصر دستوريا بعد أن وافق الشعب في الاستفتاء عليه بنسبة تكاد تصل إلى ١٠٠٪ .. كما استلقتي الشعب على الدستور الجديد ...
- وحلف عبد الناصر اليمين الدستورية في مجلس الشعب ...
- ويقول سامي شرف : « أعضاء مجلس قيادة الثورة بعد ٥٦ .. يعني بعد الاستفتاء وانتخاب الرئيس رئيساً للجمهورية .. كلهم قدموا استقالاتهم » .
- ويقول إسماعيل فريد : « في سنة ٥٦ أعطى عبد الناصر لضباط قيادة الثورة .. كل واحد قلادة النيل .. وهم أعطوا له تفويضاً بتولى الحكم كيفما يشاء .. وهنا بدأت فترة حكم جمال عبد الناصر .. وأصبح هو المسئول عن حكم الدولة وليس مجلس الثورة » .
- ويقول كمال الدين حسين : « في سنة ٥٦ برضه كانت الأحزاب مع الغرب .. ده خلى الدستور اللي اتعمل سنة ٥٦ فيه سلطات أكثر لرئيس الجمهورية .. وبصراحة اعترض على هذا جمال سالم الله يرحمه .. بس كلنا كنا متفقين .. إما نعمل الدستور بالشكل ده .. لكي لا تحدث الهزات اللي اتعملت قبل كده .. أو نخلى الدنيا ساينة .. وكان لنا ثقة كاملة في جمال عبد الناصر .. وكلنا مضينا على الدستور » .
- ويقول خالد محيي الدين : « أوضح لي صلاح سالم أنه عندما أبعد محمد نجيب وتولى عبد الناصر رئاسة مجلس الوزراء وأصبح الرئيس الفعلي للبلاد .. طلب هو بنفسه منا أن نعامله كرئيس أمام الآخرين .. لكن ما لبثت الأمور أن استقرت على أن نتعامل معه جميعاً على أنه « الرئيس » » .

• وأسأل جمال الدين حسين : كنت تقول إن الرئيس أنور السادات هو اللي ابتدع كلمة « ياريس » ؟

• « إحنا كنا دائماً نقول يا أخ جمال .. ويعنين يوم من الأيام وجدنا أنور السادات يقول « ياريس » .. ويقول لنا لازم نقول ياريس .. علشان أمام الناس ده دليل احترام وتقدير .. علم الرغم من إننى شايف لو أقول أخ جمال مافيهش حاجة أبداً .. تقلل من القيمة .. لكن طبع ما كانش ممكن جزء يقول ياريس .. وجزء لا يقول ياريس .. وسارت كلمة يا ريس » .

• **بينما يقول أحمد أبو الفتح :** « كان يوم افتتاح البرلمان يوم تطور جديد فى علاقة عبد الناصر بزملائه المقربين .. لقد كانت علاقته بهم علاقة صداقة ومودة ومساواة .. فكانوا ينادونه باسمه مجرداً من أى لقب .. وأراد عبد الناصر أن يضع فاصلاً بينه وبينهم فأصدر أمره بأن يدخل وحده من الباب الرئيسى للبرلمان .. واستطاع من ذلك اليوم أن يخلق لنفسه مركزاً وهو مركز الرئاسة .. وأصبح اسمه يقتدر بالرئيس » .

• **ويقول لطفى واكد :** « كنت أقول لعبد الناصر فى الفترات الأولى « يا أخ جمال » وبعد لما بقى رئيساً وبدأ يأخذ سمات الرئاسة والكل يقول له ياريس .. بقيت أقول له ياريس » .

• **مين اللي بدع هذه الكلمة ؟**

• « الله أعلم ما أعرفش .. إنما كل المحيطين به يتوخ مجلس الثورة .. والموظفين اللي كان جايهم علشان يهرلهم إلى زعماء فى المستقبل هم دول اللي كانوا يقولوا له ياريس » .

• **ويقول أمين شاكى :** « كنا ننادى عبد الناصر ونقول له « يا جيمى » .. وشيناً فشيناً بدأت أشعر بالخرج معه ومنه .. ولنا اللي مشيت كلمة ياريس دى » .

• **وشغل مشروع الرى الطموح (المد العالى) ذهن عبد الناصر وتصدر قائمة مشروعاته ..**

• **وضغطت أمريكا على البنك الدولى فسحب مشروع تمويله للمد العالى ...**

• **ويقول جمال حماد :** « كان إعلان البنك الدولى هذا بشكل فظ من جانب وزير الخارجية الأمريكى دالاس » .

• **وأقدم عبد الناصر كرد فعل لهذا .. على العمل الذى صنع نجوميته فى يوم ٢٦ يوليو سنة ٥٦ بعد شهر وبضعة أيام من جلاء آخر جندي بريطانى عن التراب المصرى .. وكان القرار الجمهورى ٢٨٥ لسنة ٥٦ بتأميم قناة السويس ...**

• **ويقول خالد محبى الدين :** « ٥٦ .. دى حقيقى فى الجزء الثانى من مذكراتى لكن أقولها لك .. أنا كنت رايح أزور جمال عبد الناصر .. وكان أعلن إلغاء قرض المد العالى لقيته قاعد فى حالة متوترة .. ويكلم عبد الحكيم عامر فى التليفون .. وقال له أنا درست الموضوع وحأخذ قرار بتأميم شركة قناة السويس .. ماعرفش الناحية الثانية بيرد يقول إيه .. قال له أنا دارس

لكل الوضع واحتمالاته .. وقُتل .. فأنا طبعاً قلت له أيوه ده خير جامد قوى .. قال وإحنا ماقدمناش حل ثاني .. رداً على إلغاء القرض .. كانت أرباحها ١٠٠ مليون استرليني .. ونحطها فى بناء السد العالى .. وهو كان رايح يومها يزور بيت أحد الشهداء اسمه الصاغ مصطفى حافظ .. ده كان ضابط مخابرات غزة .. بعثوا له شحنة فيها متفجرات انفجرت فيه .. وأنا قمت رحت معاه .. وركبنا العربية وبدأ يتكلم فى السمكة .. ووصلنا البيت عزيزنا الأسرة ورجعنا .. علشان كده جمال عبد الناصر لما جه يخطب خطبته المشهورة فى ميدان المنشية .. أصر على أنه يجيب أعضاء مجلس الثورة السابقين ويحضرهم ويقعدوا معاه على المنصة .. إعلاناً منه أن مصر موحدة وراء هذه الخطوة .. ده فى ٥٦ .. وعدت معاه فى القطار من الإسكندرية للقاهرة .. طبعاً بعد الإعلان عبد الناصر أخذ شعبية ضخمة .

• **ويقول د . حسن عباس زكى :** أنا كنت مدير عام النقد .. وكنت ساعتها على أن أدبر بقى المشاكل بقاعة النقد لما تأملت واتصادرت أموالنا .

• **هل تأميم قناة السويس كان خطوة بلا داع . لأنها كانت ستعود إلى مصر بعد قليل من يوم تأميمها .. أم كانت خطوة شجاعة وضرورية ؟**

• **أ ل هى مش ضرورية ..** دى كانت اضطرارية .. لأن هو مكانش فى تفكيره إنه يعمل دى .. لكن اتعملت لما أمريكا أوقفت عنا تعاونها فى السد العالى .. وعاوز فلوس .. ووقت عن إنها تسنده بالقرض .. فالرد الطبيعى إنه يحاول يلاقى أموالاً .. قاله تأميم قناة السويس .. القول بإنها حتمود إلينا .. ده كلام ليس اللي كنا نخيله هو ده اللي حيدثت فعلاً .. طبيب ما هو إحنا الآن كلنا بنشوف حاجات صغيرة بنوعدها وما بنتمش .. والصلح وإسرائيل نقول كذا وما فيش حاجة .. وبعدين اتفاقيات آهى اتمضت وتمت ولا بنتنفش .. وأنا أشك أن الغرب كان حيسلم القناة .. لكن الحمد لله أخذناها وكسبناها .. وأفادت الشعب لأنه أصبح فى إيده قناة السويس .. ووجدت ناس يديروها أحسن مما كانت .

• **ويقول د . ميلاد حنا :** ٥٦ هو الميلاد الحقيقى من وجهة نظرى لثورة يوليو .. تأميم قناة السويس .. أنا بقيت بأسمع الخطاب وأتنتط .. قاعد على مكتب وأتنتط مش مصدق عبد الناصر وهو يقول « رئيس الجمهورية .. تأميم قناة السويس » .. ده كان بالنسبة لنا حدث لا يقل عن أحداث ثورة ١٩ بقاعة معد زغلول .. فى هذا الإطار أخذت الثورة تأييد الشباب وفضل هذا التأثير طويلاً .

• **وأسأل المهندس عبد الحميد أبو بكر :** الرجل الثانى فى هيئة قناة السويس بعد التأميم .. كيف عرفت بقرار التأميم ؟

• **أ ل هى نها قصة ..** كان الرئيس جاء يفتح خط أنابيب البترول من السويس للقاهرة .. وأثناء الاحتفال قال لمحمود يونس أنا عاوزكم تأتوا لى الساعة ١٢,٣٠ .. رحنا .. كان فى مجلس الوزراء .. دخل محمود يونس وبعدين استدعانى .. دخلت له سألنى سؤالاً غريباً قوى قال لى :

تعرف إليه عن قناة السويس .. قلت له : والله فيه نادى هناك اسمه النادى الفرنساوى .. ولما يأتى ضيوف أجانب بنظم فيه الخوارجات فى النادى .. لأن فى ذلك الوقت الرئيس خلانا مسئولين عن الإيترول .. دى كل معلوماتى .. ضحك وقال : « والله أنا قررت تأميم قناة السويس .. وأنت سوف تذهب مع المهندسين محمود يونس علشان تنفذوا قرار التأميم » .. الكلام ده كان قبل تأميم قناة السويس بـ ٥٥ ساعة .. طلبنا منه أن يبقى معنا واحد ثالث اللي هو كان المهندس محمد عزت عادل اللي هو رئيس القناة .. وقال لنا إن ده سر ماجدش يعرف عنه حاجة .. وأعطانا بعض الكتب كانت بجواره .. وقال : أنا فى الإسكندرية يوم الخميس سوف أقول خطبة .. وكلمة المر سوف تكون « ديليمبس » .. ساعة ما تسمعوا كلمة « ديليمبس » تروحوا تنفذوا الفعلة وتنتولوا على قناة السويس .. كان قبل التأميم بـ ٥٥ ساعة .

• **بعد كلمة « ديليمبس » .. بعد ما الرئيس عبد الناصر قال كلمة السر .. وبعد ما أعلن جهاراً نهاراً تأميم القناة .. كيف كان تصرفكم مع المرشدين الأجانب والمرشدين المصريين اللي حلوا محلهم ؟**

• « كان المفروض إن الخطبة تبدأ الساعة السابعة تأخر الرئيس إلى ٨,٣٠ لأن كان فى اجتماع مجلس الوزراء فى الإسكندرية .. وكلمة « ديليمبس » قالها حوالى الساعة ١٠ .. إحنا كنا مقسمين أنفسنا ٣ مجموعات .. مجموعة لبورسعيد ومجموعة فى السويس .. لكن المجموعة الثالثة الرئيسية فى الإسماعيلية .. وركبنا عربية من العربيات طلعتنا بها .. العربية الأولى كانت فيها المهندس محمود يونس وأنا ومحمد رياض اللي هو كان محافظ القناة .. ووراءنا العربيات الثانية .. وصلنا مدينة الإسماعيلية المبنى بتاع هيئة قناة السويس .. وكان بيقول « الآن إخوان لكم يقومون بتأميم قناة السويس » .. فى هذه اللحظة .. كنا إحنا أمام الباب .. بدرجة إن الناس فى البيوت المحيطة بمنى هيئة القناة فتحوا الشبابيك .. علشان يشوفوا الناس دول .. والإسماعيلية زى ما أنت عارف الساعة العاشرة ليلاً ما فيش حد .. فجأة لقوا عربيات .. وساعة لما دخلنا أنا كان معى واحد اسمه سلطان ده كان الوحيد منا اللي دخل قناة السويس قبل كده .. إحنا كنا مجموعة عبارة عن ٢٤ واحد اللي قمنا بعملية التأميم .. شاور لنا قال هنا مكتب بتاع رئيس الهيئة اتجه إليه محمود يونس والقلم معاه .. وقال تعالوا مكتب حركة العمل .. هو بيدبر مكتب الحركة فى القتال أخذنى أنا وهو ومعنا المهندس عزت عادل والمهندس مشهور ورحنا إلى المكتب » .

• **المهندس عبد الحميد أبو بكر : من كان رئيس هيئة قناة السويس وقتها ؟**

• « مش متذكر اسمه كان فرنساوى .. وكان كل المديرين الأربعة فرنسيين » .

• **وهل كنتم مسلحين ؟**

• « اللي كان مسلحاً محمود يونس وأنا وعادل بس .. أنا بأعتبر من أسباب نجاح عملية التأميم بالذات أن الرئيس اختار الشخص المناسب .. محمود يونس .. كان أستاذ الإدارة فى كلية أركان

حرب .. لما الرئيس كان موجودا فيها أعطى محمود بونس سلطات رئيس الجمهورية فى منطقة القتال .. خلاه يختار معاونيه ولم يفرض علينا شخصاً فى قناة السويس » .

• كان لهذا العمل الجرىء رنود أفعال واسعة فلم يكن التأميم مجرد عمل اقتصادى .. بل كان عملاً وطنياً بالدرجة الأولى .. لما كانت تمثله القناة فى ضمير المصريين كرمز لعهد الاستعمار .. وفرح الشعب المصرى .. وامتدت الفرحة إلى سائر الشعب العربى ...

• وغضب الغرب وأعلنها صراحة فى كلمات قاتنه .. ومانششتات صحفه .. وكان إيدن رئيسا لوزراء بريطانيا .. وجى موليه رئيسا لوزراء فرنسا .. وانضم إليهم منزيى رئيس وزراء أستراليا الذى زار القاهرة بمشروع لتدويل القناة ...

• ويقول سامى شرف : « سكرتارية الرئيس للمعلومات فى أرشيفها جميع التسجيلات للقاءات واجتماعات الرئيس جمال عبد الناصر .. وبدأنا هذه العملية من سنة ٥٦ على وجه التحديد منذ بدء زيارة منزيى .. لما جاء منزيى يعطى إنذاره بتأج لجنة المنتفعين .. من يومها الرئيس أعطى هذه الأوامر » .

• وزاد من الفرحة القومية .. الموقف الصلب الذى التزم به عبد الناصر فى مواجهة المحاولات الغربية لدفعه إلى الرجوع عن موقفه .. وكان أشهرها مؤتمر هيئة المنتفعين بالقناة فى لندن ...

• وقرر الغرب سحب المرشدين الأجانب يوم ١٤ سبتمبر بعد تجميد أموالنا فى باريس ولندن ...

• ويقول عبد الحميد أبو بكر : « بدأنا نشعر أن المرشدين اللئ كانوا فى الإجازات بره .. لم يحضروا .. وبدأوا تدريجياً ينسحبوا .. وإحنا شعرنا إن هم ناويين ينسحبوا .. فحطينا من أول دقيقة خطة : كل واحد إنجليزى أو فرنساوى أو أجنبى .. كنا نضع معاه واحداً مصرياً خصوصاً المديرين الكبار .. كل مدير معاه واحد من المجموعة بتاعتنا ملازمه .. وبدأ كل واحد يعرف العملية .. وكان باين عليهم قوى .. وجاء يوم ١٤ ، ١٥ سبتمبر وقرروا ينسحبوا إحنا كنا مستعدين لهذه العملية » .

• وصدر أمر عسكري بفرض الحراسة على المؤسسات والأموال البريطانية والفرنسية .. ثم صدرت فى يناير ١٩٥٧ قوانين تمصير المؤسسات الاقتصادية وتحريرها من السيطرة الأجنبية ...

• ويقول د . عبد العزيز حجازى : « المرحلة الأولى اللئ هى من ٥٢ إلى ٥٩ هى مرحلة تمصير فعلاً .. وهنا يمكن أن نركز على مجموعة عناصر أساسية فى الواقع .. أولاً محاولة أن يملك المصريون إرادتهم .. ٥٦ تعتبر نقطة ترتب عليها تأميم قناة السويس .. نقطة فى هذه السبع سنوات بما حدث فيها من حرب ثم تأميم بعض البنوك والتجارة الخارجية بوجه خاص .. لرفع السيطرة الأجنبية عن الجهاز المصرفى والتجارة .. وهم عنصران أساسيان فى المرحلة

الأولى .. وأيضاً ظهور هيئة التحرير .. كجهاز سياسى .. يلعب دوراً فى الفترة الأولى فعلاً .. وكان الرئيس عبد الناصر يقود فكرة الاستقلال الوطنى ثم تحرير الشعوب .. ثم التفكير فى أن يدار الاقتصاد لصالح المواطنين » .

• وحضر عبد الناصر مؤتمر بريونى بدعوة من صديقه الرئيس اليوغوسلافى المارشال تيتو تأكيداً لسياسة الحياد الإيجابى .. وجاءت قراراته امتداداً لقرارات مؤتمر باتونجج ...

• وأسأل محمد نسيم : اشتركت فى حرب ٥٦ وكنت ملازماً أول .. وقبلها على طول .. حدثت وفاة أخيك فى حادث طائرة .. تحكى لنا تفاصيله ؟

• « فى ٢٨ أكتوبر كان المشير عبد الحكيم عامر فى سوريا .. هو ومجموعة من القيادة .. وكان أخويا فى الوقت ده .. ضابط شرطة فى الحرس الموجود مع المشير .. أو مع الرئيس عبد الناصر .. فكان المشير فى مأمورية هناك .. وابتدت العملية تبان بالنسبة للخطة الإسرائيلية البريطانية الفرنسية .. واتضح إنه كان فيه تركيز كبير على اصطيد القوة المصرية .. وبعد ما اتضحت الأمور دى .. صدرت تعليمات عاجلة أن لازم المجموعة ترجع تانى إلى مصر .. أو تمر القناة وتيجى داخل البلاد .. أنا فى الوقت ده ماكنتش أعرف حاجة عن موضوع أخويا إلا لما رجعت إلى القاهرة وبعدين عرفت طبعاً اللي حصل » .

• وكم شهيداً كان فى الطائرة ؟

• « لأ كان فيه عدد .. وده كان عددًا غير بسيط ومنهم ٢ أو ٣ كانوا بيسعدوا ليصبحوا أبطالاً عالميين .. مثلاً أخويا اللي كان فى الـ Water polo (كرة الماء) والسباحة » .

• كان اسمه إيه يا فندم ؟

• « أحمد فؤاد نسيم .. يوسف عباس مثلاً كان فى فريق الباسكيت فى غزة .. يعنى كان فيه مجموعة » .

• فى مساء يوم الإثنين ٢٩ أكتوبر بدأ العدوان الإسرائيلى على مصر .. وهوجمت الكونتيل .. ثم هوجمت أبو عجيل .. ودارت المعارك فى رفح وشرم الشيخ ..

• ولم يكد يبدأ الهجوم الإسرائيلى حتى وجهت بريطانيا وفرنسا إلى مصر إنذاراً بوقف إطلاق النار وسحب القوات إلى مسافة ١٢ كيلو متراً من قناة السويس ..

• ورفض عبد الناصر الإنذار .. وبناء عليه بدأ هجوم الدولتين الكبيرتين ..

• وأسأل د . ثروت عكاشة : حضرتك أيامها كنت ملحقاً عسكرياً فى الخارج .. وحصلت على خطة الهجوم على مصر .. وأبلغت بها القيادة المصرية .. ماذا تقول لنا عن هذه الواقعة ؟

• « هذا موضوع طويل أنا ذكرته بالتفصيل فى مذكراتى .. ولكن إليك نبذة .. فى مطلع عام ٥٦ أحسنت وأنا فى موقعى بباريس ملحقاً عسكرياً إن الحكومة الفرنسية قد تلجأ إلى خطوات غير

ودية تجاه مصر .. بالإضافة إلى اشتداد أوار الحملة الصحفية الموجهة ضد مصر وضد الزعيم جمال عبد الناصر وقتذاك .. فقد نجح العسكريون الفرنسيون المستعمرين في الجزائر .. واليمن المتطرف .. والصهاينة .. في إشغال النفوس ضد مصر وسياسة مصر .. ولأسف انضمت إليهم أخيرا وزارة الخارجية بعد أن قاومت هذا الاتجاه المضاد لمصر فترة طويلة .. وذلك بعد أن فقدت الأمل في إقناع الحكومة المصرية .. بالتخلي عن مساعدة أو تقديم العون المادى والمعنوى للجزائر في ذلك الوقت .. وفي ٢٦ يوليو على وجه التحديد أعلن الرئيس عبد الناصر قراره الشهير بتأميم قناة السويس .. فقامت الدنيا ولم تقعد .. وكان طبيعيا في ذلك الوقت أن ينصب كل اهتمامى على رصد كل تحركات القوات المسلحة البرية والجوية والبحرية والتحركات العسكرية بهذه القوات ومراكز احتشادها .. وفي نفس الوقت المضى فى عملى أو مهمتى الأساسية وهى تتبع النشاط الإسرائيلى فى فرنسا .. وعلمت فى ذلك الوقت من بعض مصادرى أن هناك اجتماعات مريبة تجرى بين مسئولين فرنسيين وإسرائيليين فى باريس .. يشتم منها خطة موجهة ضد مصر .. ومرعان ما ربط بين هذه الاجتماعات وبين ما أعلن عنه فى الصحف والإذاعة والتلفزيون من اجتماع « جى موليه » رئيس الوزراء بالسفير الإسرائيلى اجتماعا مطولا .. وفى نفس الوقت حدث فى يوم ٢٧ أكتوبر أن وفتقى الله فى الحصول على خطة العدوان .. وعلمت أن الأوامر قد صدرت بالفعل بالتنفيذ على أن ينتهى منها فى موعد أخصاء ٤ نوفمبر حتى يكون هذا التاريخ قبل الانتخابات الرئاسية فى أمريكا .. وبطبيعة الحال كان لابد من إرسال هذه الخطة إلى مصر .. فعمدت إلى الأستاذ عبد الرحمن صادق الملحق الصحفى بسفارة مصر فى باريس لما كنت أتوسم فيه من وطنية وحسن التصرف وسعة الحيلة .. أن يحمل هذه الرسالة إلى الرئيس جمال عبد الناصر شخصيا .. وقام بدوره والتقى بالرئيس عبد الناصر فى مكتبته ظهر يوم ٢٧ ليبلغه بهذه الرسالة » .

- ويضيف خالد محبى الدين : « حرب ٥٦ .. كان فيها تقديرات مختلفة .. فيه حرب أو مافيش حرب .. فيه رأى كان يرى أن الإنجليز إذا عملوا مغامرة الحرب يخسروا كثيرا لأن قناة السويس حنقتل .. وفيه رأى آخر يقول مهما كان لازم حيمملوا خطوة .. وإلا حيشجع آخرون ويعملوا إجراءات ضد إنجلترا .. فطبعا بان على طول إن إنجلترا بتهمد وحصلت الحرب » .
- وكانت مصر قد قطعت علاقاتها بكل من فرنسا وإنجلترا .. واعتدت الطائرات البريطانية والفرنسية على القاهرة ...
- ويقول توفيق عبيد إسماعيل : « نشيد مصر الأولانى اتغير سنة ٥٦ ولخترنا « والله زمان يا سلاحي » بتاع السيدة أم كلثوم .. ده النشيد اللي استمر معانا فترة طويلة » .
- كما أغارت الطائرات على مدن القناة والإسكندرية .. وأغارت على محطة الإذاعة فى « أبو زعبل » .. وبلغ عدد الغارات الجوية على بورسعيد الباسلة نحو ١٠٠٠ غارة .. واستبسلت بورسعيد فى الدفاع وصمد العنوان .. واضطر عدد كبير من سكانها إلى هجرتها ...

• وبدأ نشاط الفدائيين على طول القناة ...

• ويقول كمال الدين حسين : « عبد الناصر نادى على .. وكان بغدادى بايت يومها معنا .. وقال لى أنا عاوزك نروح نشوف إيه اللي بيحصل فى القناة .. وتمسك المنطقة بتاعة القناة علشان الجيش المصرى ناوى يتمسح غرب النيل .. بالتالى أنا ومجموعة من الضباط بتوعى اللي كانوا معى فى ثورة ٢٣ يوليو .. رحنا من غير ما أسأل رتبة أو مش رتبة وده كان غلط منى أنا .. علشان أنا لما أروح ألاقى قوات جيش هناك أتعامل معهم إزاي ؟ أنا رحنت « بأوفرو » .. بس كان من غير رتب .. المهم كان فيه طائرات جوية عاملة تأثيراً مش تمام .. رحنت بقيت أمشى فى الخنادق أمام الناس كأن ما فيش أى حاجة .. المهم نظمنا المقاومة الشعبية هناك .. وبعدين رجعت مركز القيادة فى الاسماعيلية .. علشان هى وسط بين بورسعيد والسويس .. وكان فيه احتمال إنهم يأتواهم السويس .. المهم .. فى يوم من الأيام وجدت جمال عبد الناصر هو وبغدادى .. إنتم جايين تعملوا إيه هنا ؟ قالوا إحنا جايين علشان نشوف بورسعيد .. نشوف القوات .. وإذا كانت سوف تقوم حرب نموت مع قوتنا هنا .. وبعدين قالوا لى عاوزين نروح بورسعيد .. كانوا جايين متأخرين قبل الفجر بحاجة بسيطة .. قلت لهم الفجر سوف يؤذن الآن والنهار يشفق والطريق من هنا إلى بورسعيد حقيقى مضروب .. أرجو أن تباطوا معى الليلة دى ونقضى طول النهار هنا .. وتشوفوا البلد شكلها إيه .. ونبقى نروح الليلة الجاية بورسعيد فى الفجر .. كانوا الإنجليز والفرنسيين يبنزلوا .. دول فى بورسعيد ودول فى بورفؤاد وبدأ الضرب .. بلغتهم البلاغات اللي كانت تأتى إلنى من بورسعيد .. ولما أصبح الصباح انتفضل أنت يا ناصر على مكانك فى مصر وقلت إطمئن هنا .. إحنا نقاتل لآخر قطرة وآخر رجل وكلها موتة .. هو شاف المواقع بتاعة العساكر وحولهم المدنيين ومعاهم السلاح .. والطرق والعربات المكسرة والديابات المكسرة وحالات من الهرج والمرج .. هو رجع .. ورجع مطمئن يعنى إنها مش حتحصل كده زى السكنية فى الزبدية .. وهو برضه كان ناوى ينالكف فى هيئة الأمم .. رجع مصر وبعدين خطب فى الأزهر .. وبعدين حصل إن الناس كانوا يقولوا له سلم .. ده حتى قبل الإنذار .. لما سليمان حافظ بعث لعبد الحكيم عامر وقال لهم : أنا عاوز أقابل جمال عبد الناصر .. وجمال عبد الناصر لم يرضى وقال روحوا شوفوه عاوز إيه ؟ وهو قال إن إحنا نسلم .. نروح الكنتية ٦ ويسلم لمحمد نجيب ويتفق معهم محمد نجيب ونخلص من العملية دى » .

• ويقول محمد فائق : « دخلت بورسعيد على أنتى صياد .. وكنا دخلنا كمجموعات كثيرة .. فكان فيه بعض الوحدات من الحرس الوطنى .. وبعض العمليات الفدائية حتى من الأحزاب القديمة المختلفة .. الحقيقة كل مصر كان لها امتداد داخل بورسعيد .. وأنا كنت رحت مع الأخ محمد عبد الفتاح أبو الفضل للواء سمير غانم لعملية التنسيق بين كل الأجهزة .. والحقيقة كان شيئاً راعاً إن شعب بورسعيد والمقاومة وفيه تعاون وتفانى الناس هناك .. كان الهم كله يوم الإنجليز ما نزلوا بورسعيد .. وبمجرد ما الواحد دخل جوه أصبحت العملية كلها عملية مقاومة .. كنا ننام كل يوم فى بيت وننقل الأسلحة والأجهزة اللاسلكية .. لغاية ما وأنا خارج

مسكنى الإنجليز .. وكنت لابس ملابس صياد والدنيا كانت برد .. فكنت لابس بالطلو .. وبلوفر كشمير تحت لبس الصياد .. وساعة معقدة شوية فقالوا لى إنت مش صياد .. لكن الحقيقة أنا كنت مرتباً قصة إن أنا مدرس وداخل أوصل فلوس لأبويا جوه بورسعيد .. مسكونى يوم وأخيراً سابونى فى مركب من المراكب اللى بتروح المطرية من حتة اسمها « بوز القرد » .. القصص دى كلها بقت للتاريخ .. إنما المهم إننا اشتركنا فى العمل الفدائى مع الكثير جداً من السياسيين والقيادات المختلفة .. كانت مصر الحقيقة بنقاوم .. وكل واحد كان عاوز سلاحاً أخذ سلاحاً ..

• وكسبت مصر تعاطف الدول العربية اللى اشتعلت سورة غضبها تضامناً مع مصر بناء على إذاعة صوت العرب .. ودمرت أنابيب البترول فى كل من السعودية والأردن والعراق وسوريا .. وقامت المظاهرات فى الكويت والبحرين .. ورفض الملك المنوسى فى ليبيا استعمال مطاراته كقاعدة للهجوم على مصر ...

• ويقول أحمد سعيد : « كان فيه فكرة عندنا إننا نوقف الإرسال ساعة ما يتندى الإنذار أن فيه طائرات جاية .. الرئيس جمال رفض وقال يستمر الإرسال .. ننضرب ننضرب .. دى معركة .. قائد الطائرة كان من الغباء زى ما قلت لك بحيث إنه ضبط قتاله والقتال زمان ما كانتش صواريخ زى دلوقتى .. ضبط قتاله وموقع طائرات السرب بتاعة اللى جيهدهم القتال كلها .. على المكان الذى فيه الإريالات « أنتينات » .. مش على المحطة اللى فيها الأجهزة الغالية .. يعنى زى ما نقول ضبطها على حديد .. وعلى الإريالات الأخرى اللى بيتبث النبذات .. فكانت النتيجة أن الآريال اتكسرت والبنات كلها سليمة .. لذلك استطعنا فى خلال ٤٨ ساعة أن يعود إرسالنا مرة أخرى .. من المقطم .. وقبل المقطم .. من جهاز كان خاص بالثورة الجزائرية موجود فى مبنى المخابرات القديم الذى كان وراء مبنى مجلس الثورة الحالى » .

• وعاد صوت العرب أو صوتك بمعنى أنقى ليدوى ؟

• « لحسن الحظ أن قبل العدوان كان لنا سبعة مزيين من مصر واستعنا بالبرنامج العام ومذيعيه .. لإن ما كنش عندنا .. كنا بندربهم فى الوطن العربى .. كان فيه إضراب عام فى المنطقة العربية قبلها بيوم احتجاجاً على منع الولايات المتحدة تفريغ السفينة كليوباترا فى ميناء نيويورك .. كمقاطعة لمصر .. قيل العنوان .. فالمذيعون كانوا موجودين .. فوجئوا بأن جميع الإذاعات العربية يتكلمهم وبشلمهم الميكرفون .. والإستوديوهات بتقول لهم اعلنوا إنكم صوت العرب بالقاهرة .. فكان يومها إحنا اتضربنا لمدة ساعتين وما كنش فيه إرسال بتاعنا .. بس طلع صوت العرب من لبنان .. صوت العرب من دمشق .. صوت العرب من عمان .. صوت العرب حتى من تونس .. من جميع البلاد العربية اللى طلعوا فيها مزيين .. مفاجأة بدل ما تكون صوت العرب من القاهرة بس .. بقيت المنطقة العربية كلها صوت عرب والحمد لله » .

• واستقال همرشولد سكرتير عام الأمم المتحدة احتجاجاً على الموقف .. وبدأت تصريحات استفزازية لبن جوريون فى إسرائيل ...

• وصنعت إنجلترا وفرنسا أكبر أزمة سياسية عرفها تاريخ الحرب الباردة بين الكتلتين

الشرقية والغربية مما وضع العالم كله على حافة حرب عالمية ثالثة .. ووجهت روسيا بقيادة خروشوف وبولجانين وزير الخارجية إنذاراً بعد قرار الأمم المتحدة الذي جاء بالأغلبية لوقف إطلاق النار واتسحاب المعتدين .. وتدخلت أمريكا لإجبارهم على الانسحاب ..

• وكانت هناك بداية خلاف بين القائد العام اللواء عبد الحكيم عامر والرئيس عبد الناصر بسبب الحرب ووضع الطيران ...

• ويقول كمال الدين حسين : « حصل شوية خلاف بين جمال عبد الناصر وعبد الحكيم عامر .. عبد الناصر لم يكن متبعاً الموقف كويس ويمكن عبد الحكيم عامر لم يكن يبلغه أولاً بأول بالذي يحدث » .

• وتولى عامر تنفيذ خطة انسحاب الجيش المصري من سيناء .. وكانت النتيجة أن سلم الإنجليز لليهود رفح والعريش وشرم الشيخ .. وتلكأت إسرائيل في الانسحاب إلى سنة ٥٧ ...

• ويقول شمس بدران : « والاقبال اللي حصل بعد كده مع المشير إن عبد الحكيم عامر .. لما ابتدت الطائرات تضرب .. قال عبد الحكيم عامر لعبد الناصر عاوزين نقعد نبحث الموقف .. ولا نسيبهم يضربونا ويكسروا محطات الكهرباء ويضربوا محطات المية ويخربوا البلد .. مش نقعد نتكلم .. فاعتبر عبد الناصر .. ده من دعاة الهزيمة .. وكما قال لكمال رفعت : ده أنا جالي اثنان هنا مستعدين يروحوا يقتلوه .. أنا استغفريت جداً إنه يقول لى هذا الكلام .. هو كان بيعتبرنى كاتم أسرار .. طبعاً ما قلنش أنا الكلام ده لعبد الحكيم عامر ومش ممكن أقول له الكلام اللي اتقال » .

• ويقول الفريق محمد فوزي : « الكلام ده كان ظاهراً لى .. كان فيه صراع موجود خفى .. وأنا أقول خفى ليه .. لأنى أنا شايغه ولكن لا الرئيس عبد الناصر ولا المشير عبد الحكيم عامر لهما مصلحة إن أى واحد إن هو يذيعه أو ينشره .. المصألة كانت على الضيق بعد العدوان الثلاثى مباشرة .. واستمرت كل هذه السنوات .. والله .. البارز فيها العدوان الثلاثى وكان عاوز يشيل ٢ قادة من الكبار .. المشير لم يوافق » .

• وأسأل عبد اللطيف بغدادى : حضرتك كنت معترضاً أيامها على عبد الحكيم عامر - الله يرحمه - ودارت الأيام والرئيس عبد الناصر قال لك بعدها عن الخلاف ؟

• عبد الناصر فيما بعد قال لى .. كنت على صواب .. لأننا جينا ٥٦ قلنا عبد الحكيم بسبب الجيش .. ملخص .. ولقبناه رفض إنه يشيل صدقى من الطيران » .

• وأسأل سامى شرف : ما هو القرار الذى اتخذته الرئيس وبعد كده ندم على إنه اتخذه ؟

• هو لم يندم لكن زعل أو تمنى لو كان أصر عليه .. قرار تعديل شكل القيادة العسكرية بعد

٥٦ .. كان من رأى الرئيس جمال إن القيادة العسكرية أو المؤسسة العسكرية كان لازم تبقى محترفة » .

• ويقول حسين الشافعى : « حرب ٥٦ بقى كان فيها أخطاء عسكرية .. فكان لازم يبقى فيه محاسبة عليها .. ولكن للأسف النجاح السياسى اللى ترتب على إن العملية دى اتعملت من تحت ذقن الدول الكبرى .. اللى فى يدها الحل والربط .. طبعا لم يكن لها مصلحة إن الاستعمار القديم الممثل فى إنجلترا وفرنسا يرجع ثانية لهذه المناطق فكل من أمريكا وروسيا تخلا عن العملية بعد ما حموا إن فيه مقاومة فى مصر » .

• ويقول جمال عامر : « واحد كاتب على العدوان الثلاثى يقول لك مصر هُزمت فى العدوان الثلاثى .. طيب أنت عاوز إيه يعنى ؟ دى مصر بتحاربها فرنسا وإنجلترا وإسرائيل .. ده لو جابوا مونتجرى مش جيعرف يهزمهم لوحده .. ما هو شىء بالعقل .. وعاملين يحلوا ويقولوا كلاماً غير منطقى .. بلد طالعة من احتلال من فترة قصيرة .. فوجئت بعدوان عليها .. وظروفها كانت صعبة جداً .. إزاي النهارده تيجى تقول هزيمة ٥٦ هزيمة عسكرية ؟ أقول لك دى حاجات غير مفهومة » .

• ودخلت القوات الدولية مصر لأول مرة فى نوفمبر ...

• ويقول د . يونان لبيب رزق : « وبلغت خسائرنا من الأرواح أثناء الكفاح فى سيناء وبورسعيد ٢١٠٠ من العسكريين ونحو هذا العدد من المننيين .. واستشهد فى بورسعيد وحدها ألفان من المواطنين » .

• ويقول شمس بدران : « صلاح سالم .. قال لعبد الناصر .. الإنجليز دلوقت عاوزين رأسك أنت .. روح سلم نفسك وخلص البلد » .

• ولكن فى النهاية انتصرت الإرادة المصرية .. وجاء فشل العدوان الثلاثى ليصنع زعامة عبد الناصر ويدعم مكانته كأحد كبار زعماء العالم الثالث .. ويتلأأ نجم عبد الناصر فى سماء كل العالم العربى ...

• ويقول محسن عبد الخالق : « بعد ٥٦ بقى بطل قرمى .. وقلت لجمال عبد الناصر فى وقتها لقد حققنا كل شىء : إصلاح زراعى .. تحديد ملكية .. العدالة الاجتماعية .. رأس المال الأجنبى مشى .. وتحرر الاقتصاد المصرى وتحقق الاستقلال .. دلوقتى تحقق الديمقراطية .. فقال لأ مش دلوقتى .. لسه شوية » .

• ويقول د . عبد العظيم رمضان : « كان عبد الناصر يعمل وهو جالساً على « حجر » أمريكا .. ويقوم بضرب الاستعمار القديم بالاستعمار الجديد .. وكان يجيد ذلك بمهارة .. ولذلك كانت أمريكا تؤيده » .

• وانسحب المعتدون .. وأعلن إيدن استقالته فى أوائل سنة ٥٧ لفشله .. وأعلن عبد الناصر إنهاء شروط اتفاقية الجلاء .. وعادت الملاحة فى قناة السويس ...

• **ويقول د . مصطفى خليل :** « حرب ٥٦ طبعاً كلنا عارفين انتهت إلى إيه .. ولابد أنى أكون فى منتهى الصراحة إن حرب ٥٦ انتهت بمواقفة مصر على مرور البضائع الإسرائيلية فى غير السفن الإسرائيلية .. وفى نفس الوقت فتح خليج العقبة .. ووصلت قوات الأمم المتحدة بس مش على الحدود بين مصر وإسرائيل .. وإنما وضعت بين تقريباً طابا النهارده وجنوباً لغاية شرم الشيخ الللى هو الضفة الغربية لسيناء .. الللى هى ليست حد ما بينى وبين إسرائيل .. ولكن مصر قبلت فى ٥٦ هذا الوضع » .

• **ويقول عبد اللطيف بغدادى :** « حرب ٥٦ كانت نقطة تحول بالنسبة لشخصية عبد الناصر .. ثلاث دول تهاجمتنا منهم دولتان عظيمتان إنجلترا وفرنسا .. وبعدين لم تستسلم إرادتنا لهذا الاعتداء .. وصمدنا وقاومنا وحققنا الهدف بتاعنا .. وكان نصراً سياسياً كبيراً جداً .. ولأنه مش معقول كنا سنتنصر عسكرياً .. فهذه أعطت لجمال عبد الناصر مكانة عربية ودولية » .

• **ويقول مصطفى أمين :** « كان موقف جمال عبد الناصر كويس جداً .. لأنه رفض هذا العدوان وقاومه .. واستطاع أن يصمد أمام هذا العدوان » .

• **ويقول نجيب محفوظ :** « الحقيقة .. الغلطة كانت خارجية .. واللى نجانا الفارج برضه .. رد على نفسه » .

• **وفى يناير سنة ٥٧ كشرت أمريكا عن أنيابها .. وأرادت بالضبط ضم العرب إلى حلف بغداد .. وجمدت أموال مصر ورفضت تزويدنا بالأغذية والأدوية .. وصرحت أن هناك بعد انسحاب فرنسا وإنجلترا فراغاً فى المنطقة ترى ضرورة ملته .. وأعلن أيزنهاور مبدأه هذا .. ورفضه عبد الناصر ...**

• **وبدأ بناء السد العالى بأموال وسواعد المصريين .. وبلغت تكاليف هذا المشروع الضخم حوالى ٤٠٠ مليون جنيه مصرياً .. الخمس للمعدات والأجهزة المستوردة .. وقد استوردناها من روسيا .. والباقى لتكاليف المشروع محلياً .. وكان المهندس عثمان أحمد عثمان والمقاولون العرب وراء هذا الإنجاز الكبير ...**

• **ويقول المهندس عثمان أحمد عثمان :** « كان السد العالى من العمليات الضخمة .. استغرق العمل فيه عشر سنوات كاملة .. كان أكبر عملية فى مصر والعالم كله فى ذلك الوقت .. وكان اهتمامى الكبير بالسد واحداً من أسباب تصفية معظم أعمالى فى السعودية والكويت .. لأسفد بجهود كل العاملين من عمال ومهندسين لبنى لبنة ذلك الصرح الكبير .. وكان الفضل كله إلى الفريق المتألف الذى تضمه « المقاولون العرب » .. وكان السد العالى مدرسة كبيرة بالنسبة للمقاولون العرب .. وأعطى لمصر الكثير .. ويكفى أن أقول أنه لولا المياه التى يوفرها السد العالى ما كان يمكن أن نفكر فى مشروعات غزو الصحراء التى نعلق عليها أمل مصر كلها الآن » .

• **وهكذا انتصرت الإرادة المصرية .. وانتصر جمال عبد الناصر ...**

تحيا القومية العربية

- كانت هزيمة العرب في حرب فلسطين سبباً في انقسام الحكومات وفقدان الشعب المصري إيمانه بالعروبة .. وجاءت ثورة يوليو ولم يكن في مخطتها في البداية فكرة القومية العربية ...
- ويقول جمال حماد : « كان موقف الثورة من القضية الفلسطينية موقفاً معتدلاً في بادئ الأمر .. لاقتناع الثورة بصعوبة حل مشكلة فلسطين طالما أن مصر مازالت مستعمرة » .
- ويقول أحمد حمروش : « كان برنامج « هيئة التحرير » بلا كلمة واحدة عن « القومية العربية » أو الاشتراكية » .
- ويقول د . عبد العظيم رمضان : « لم تظهر فكرة القومية العربية قبل الثلاثينات .. وكان ذلك نتيجة لسقوط فكرة الجامعة الإسلامية .. وبعد نجاح القومية المصرية في ثورة ١٩١٩ وتحقيها لبعض المنجزات .. وكانت القضية الفلسطينية عامل جذب للقومية العربية ضد الخطر الصهيوني .. وتحققت فكرة الوحدة في الحرب العالمية الثانية في شكل تجمع حكومات وليس تجمع شعوب .. ثم ظهر فشلها بعد هزيمة حرب فلسطين سنة ٤٨ » .
- ويقول صلاح الدسوقي : « زكريا عمل « وزارة الداخلية » .. وعينى أركان حرب لها .. وكان منصّباً جديداً .. وأنا افكر وأنا سكرتير الحكومة المركزية .. فوجئت . وده كلام يمكن ماحدش كثير يعرفه . وأنا مع الرئيس بالليل يوم كنت أمر عليه على الضياء ونتكلم .. قال لى سزاًلأ غريباً جداً .. قال لى إيه رأيك إن إحنا نتفاهم مع إسرائيل ؟ .. ونبدأ نتجه للبلد ونبطل « الهوسة » اللي إحنا فيها دى ؟ .. دى ماحدش كثير يعرفها .. وجمال عبد الناصر نفسه قالها وأنا فوجئت مفاجأة غريبة جداً .. قلت له والله باريس .. الحقيقة دى مفاجأة كبيرة .. وده خط سياسى جديد أتصور إن سيادتك إن حبيت أن تأخذه .. لابد إن جميع أجهزة الإعلام فى مصر تأخذ الاتجاه ده من ٣ إلى ٥ سنوات .. ويبقى واضح أمامها إن إنهاء الصراع فى الشرق الأوسط يقابله ارتفاع مستوى المعيشة فى مصر وإلا سيبقى انتحاراً سياسياً .. قال لى يعنى إيه ؟ قلت له يعنى إن جميع أجهزة الإعلام فى مصر وخارج مصر والوطن العربى بتقول وتعبد إن إنت

عندك القوة الضاربة التي سوف تطهر الأراضي العربية من إسرائيل .. وانتقل إلى موضوع ثاني .. بس أنا قلت .. فسألت صديق عزيز علي .. عم مراتي الدكتور نور الدين طراف .. كنت اتفق فيه جداً وأتفق في تقديره السياسي .. قلت له أنا إمبارح فوجئت بسؤال غريب جداً وكذا .. فضحك وقال لي أنا عارف .. والمارشال نيتو .. كان جمال عبد الناصر وقتها مقتنعاً جداً بنيتو .. قال مهما اتكلمنا عن عدم الانحياز .. إن لم يكن الشعب يحس نتيجة هذه السياسة وارتفاع مستوى المعيشة .. في الآخر للشعب مش حيصدق كلمة نقولها له .. وقد يقوم علينا وينتهي .. ويشوف قيادة أخرى غيرنا .. قال لي ده كان تأثير المارشال نيتو على عبد الناصر .. لكن بعدها لم يقل شيئاً ..

• ولكن الاعتداء الإسرائيلي المتكرر على غزة ابتداء من فبراير سنة ١٩٥٥ أجبر الثورة على اتخاذ موقف إيجابي من الوجود الإسرائيلي .. وحرك بالتالي الشعور الكامن في ضمير الشعب ...

• ويقول جمال الدين حسين : « في أوائل الثورة .. إحنا نحاول ألا نكون أعداء لأحد .. وبعدين طلبنا من أمريكا ومن الغرب إنها تعطينا سلاح .. ولكن لم يرضوا أن يعطونا أى سلاح .. بن جوربون راح له واحد إنجليزى كبير فى تل أبيب .. وكان هنا فى مصر قبل كده .. فيقول له إيه أحوال مصر ؟ وإيه رأيك فى جمال عبد الناصر ونوابه بالنسبة لليهود وبالنسبة لإسرائيل ؟ قال هو لم يأتى بسيرة إسرائيل .. وهو مهتم اهتماماً مطلقاً بالتنمية بتاعة بلده .. قال ده أسوأ خبر سمعته فى حياتي .. بن جوربون يقول إن هذا أسوأ خبر سمعه فى حياته .. ليه لأنه عازف التنمية فى مصر ورفاهية مصر .. دى ضده .. على الأقل مش هيقدر ينال اللي هو عاوزه .. بدأ بعمل حركات تحدى .. عملية الصابحة .. عملية غزة .. وقتل فيها مصريون كثيرون .. وبعدين بعثوا قوة كبيرة تهاجمهم وتقضى عليهم وتمشى .. الغرض من ده إيه ؟ هدم ثورة ٢٣ يوليو .. إننا ندافع عن سيناء أو عن بلنا .. اضطررنا أن نطلب سلاحاً من أمريكا .. وبعدين اضطررنا أن نأخذ السلاح من الكتلة الشرقية .. القيامة قامت ولم تقعد تانى .. طيب نعمل إيه يا ناس ؟ ده كان الكلام ده فى مؤتمر بانثونج .. »

• ويقول د . ميلاد حنا : « أول من ابتكر وصياغ حزب البعث والقومية العربية .. كان المسيحيون بتروخ سوريا .. وعندما جاء عبد الناصر .. رفع شعار القومية العربية .. دى حجة تاريخية مهمة قوى .. »

• ويقول د . عبد العظيم رمضان : « حزب البعث سمي كذلك على اعتبار إنه حزب لبعث فكرة القومية العربية .. وكان عدوان غزة قد أشعر الثوار بخطورة الوجود الصهيوني على مصر .. »

• وفى نفس الوقت استغل حلف بغداد للثورة المصرية .. وكان قائماً فى ذلك الحين لخدمة المصالح الاستعمارية .. وكان مكوناً من العراق وتركيا « مع بريطانيا » .. ثم انضمت إليه كل من إيران وباكستان ...

● وقد أدى ذلك إلى صدام بين ثورة يوليو أو بين مصر .. وكل من إسرائيل والغرب .. وزاد التحدي باعترافا بالصين الشعبية ...

■ وأسأل عارف عبد الرزاق : حلف بغداد أعلن الرئيس عبد الناصر عداؤه له .. تفكر فيه ؟

■ « حلف بغداد كان حلفاً سياسياً يتكون من ٦ دول .. إيران والعراق وتركيا وباكستان .. وأمريكا وبريطانيا بصفة مراقب أولاً وبعدين دخلوا أعضاء .. الغرب في حلف بغداد أن تركيا عضو في « الناتو » وباكستان عضو بالـ « سيو » .. فالتركية كانت قائمة على العراق وإيران .. فعبد الناصر طلع للمسرح السياسي طبعاً الهدف كان عرض على عبد الناصر قبل تشكيله في ٥٥ .. ورحب بالدخول لأن ما كان هناك هدف لمعاداة بدون ثمن .. فده التي أعتقده بالنسبة لعبد الناصر »

■ وأسأل أحمد سعيد : ماذا تقول عن حلف بغداد ؟

■ « القوى الاستعمارية حاولت أن تفرض على المنطقة ما يسمى في ذلك الوقت حلف بغداد .. حلف بمقتضاه يتم على شرعية للتواجد العسكري وللنفوذ الاقتصادي والسياسي بالتبعية .. في المنطقة العربية كلها . وكانت فكرة القوى الغربية في ذلك الوقت إن هذا سيكون جداراً أمام الامتداد الشيوعي .. كان في العراق نوري السعيد .. وبدأنا حملة ضد الحلف بعنف .. عنف شديد .. فهم حاولوا أن يدخلوا بعض البلاد العربية الأخرى وخاصة الأردن .. وحاولوا إنهم يفرضوا الحلف على الأردن .. فبدأنا نضع الحملة لغاية ما جينا يوم الخميس .. وربة في ربطها بالقاعدة النضالية في مصر .. كل العوامل هذه جعلتني أطلب من الشعب الأردني بعد صلاة الجمعة .. بكرة تطلع مظاهرات .. راديو الأردن ما نقلت صلاة الجمعة .. ففهمنا إن فيه حاجة مضطربة .. وربنا سفر والجمابير كانت عقد حسن الظن وقامت بالواجب » .

● وتغير اسم وزارة الإرشاد القومي لتكون وزارة الإعلام ..

■ * ويقول د . عبد القادر حاتم : « أول ما جاءت الثورة قالت نعمل وزارة اسمها وزارة الإرشاد القومي .. وبعدين كلفتنى أن أكون وزيراً لها حوالي سنة ٥٨ .. فأول شيء قلته لا يمكن يكون حاجة اسمها وزارة إرشاد قومي لأن الشعب لا يمكن أن أرشده .. لأن إحنا خدام الشعب .. فيجب أن أعلمه وليس أرشده .. والإعلان العالمي لحقوق الإنسان ببناي بأنه يجب على الشعب أن يكون لديه المعلومات الكافية .. فلذلك قلت نغير الاسم ونسميها « الإعلام » .. من الطريف بقي إن بعض الناس التي أرادت أن تؤيدني في هذا الرأي كانت تقول أه فعلاً ضروري نعمل وزارة « للإعلام » .. لأن « الإعلام » ده رمز كبير قوى للوطنية .. أقول له « الإعلام » يعني Information باسميذي مش « الأعلام » اللي هي Flags !! » .

● واختلف عبد اللطيف بغدادى مع عبد الناصر .. واستقال ..

■ وأسأل أول رئيس لمجلس الأمة ، عبد اللطيف بغدادى ، عن أول تجربة ديمقراطية تحت القبة ؟

* لغاية ما حصل خلاف بيني وبين جمال عبد الناصر .. كان المجلس مرتبطاً بى شخصياً فى الحقيقة .. فعدت فى المجلس كذا شهر .. بس جاء يوليو وأجازة الصيف بعدها .. وبعدين بدأ فى نوفمبر واتحل فى فبراير .. لما حصلت الوحدة مع سوريا .. اتحل واتعمل مجلس اتحادى بعد كده ومسكه أنور السادات .. ولأنه جاء المجلس وأنا رئيسه يناقش مسألة مديرية التحرير .. زى ما تقول كان فيه كلام كتير بين الناس عن مديرية التحرير ومجدى حسنين .. كانت أول مشروع استصلاح أراضى فى أرض الصحراء .. ومصر لم تكن لها خبرة فى العملية دى قبل كده .. لما كنت أنا بحكم منصبى ماسك وزارة الشؤون البلدية والقروية .. عضواً فى مجلس إدارة مديرية التحرير مع عبده الشرباصى وكمال حسين .. كنا ماسكينه جامد .. ولما فى المجلس اتكلموا عن مديرية التحرير .. أنا قلت لهم بدل ما الكلام يبقى مثن مبنى على أساس .. يستحسن تعمل لجنة لتقصى الحقائق وتروح المديرية .. وعلى الطبيعة تشوف هناك وييجى تقول لنا إيه الموقف ؟

* وده زعل مين يافتم ؟

* وأنا جاي لك .. اتعملت لجنة .. بعدها بيومين جالى سيد جلال الله يرحمه .. سيد جلال كان نائب قديم من الناس الرأسمالية اللي بنوا أنفسهم .. فقال لى أنا سمعت إن مجدى عين ناس من لجنة تقصى الحقائق بتوع المجلس .. فى المديرية .. وأنا عاوز أقدم استجواب فى الموضوع ده .. قلت له حقك وأنا أساعدك فيه ولم أسأله عين مين وقلت له اكتب .. ثانى يوم نشر فى الأهرام أسماء اللي مجدى عنهم .. قرأتهم فى الجرنال زى أى واحد قلت ده انحراف .. ولا بد أن نعمل كمجلس كريم له وزنه وله سمعته .. لازم نضرب الانحراف من البداية علشان ما يتكررش .. فكرت نعمل حاجة .. نسقط عضوية الأعضاء دول .. وكلمت جمال عبد الناصر لإننى لا أشتغل من ورائه .. وقلت له الموقف وجنعمل كذا .. قال لى بس دى عايزة ترتبياً .. كلم الأعضاء يقوموا يتفقوا مع أعضاء المحافظة بتاعتهم .. وبعدين جالى جواب من لجنة الصناعة وكان فيه بعض اللي عَيَّنوا فى المديرية ومن ضمنهم مجدى ومحمود القاضي وكام واحد .. هم كانوا أربعة .. وانتشر فى الجرائد « إهانة أعضاء المجلس » .. وعابزين رئيس المجلس يتخذ موقفاً لحماية كرامتنا .. حاجة عابمة كده .. أنا قلت دى فرصة أقدم الاستجواب .. حياخذ دوره وندخله .. فقلت فى بداية الجلسة فيه رسالة جاية موجهة لوم لى .. وهاتوا فلان من لجنة الصناعة .. كرامة المجلس من كرامتنا .. ومطلوب منا أن نحافظ على كرامتنا قبل ما نطلب إننا نحافظ على كرامة المجلس .. والصحافة حرة لو أخطأت نحاسبها والقانون أمامها .. لكن أنا مثن فاهم باعنين الجواب ليه .. قولوا لنا إيه الحكاية .. يقوموا يتلخبطوا .. ضغط من هنا لينا .. انتفتح الموضوع ومديرية التحرير وللتعيين واللى حصل .. طب إزاي تقبلوا حاجة زى كده .. دى عملية ممنوعة قانوناً .. ابتدوا اللي يعتذر واللى يعطى .. أنا اعتبرت ده درساً كافياً .. وإن ملتكررش العملية دى .. جمال عبد الناصر أخذ موقفاً .. كان موافقاً وبعث لى إبراهيم الطحاوى وطعيمة .. وأوامرك إيه ؟؟ وكلم على صبرى اللي جاب وجيه أباطة من الشرقية .. لقيت ده كله فى يوم .. أنا كلمته قلت له حصل كذا .. وبأكتفى بلومهم .. لأن

الأعضاء أنفسهم حصل لهم هلع .. وابتدؤوا يعتذروا ويعطوا .. قال مر عني .. فمريت عليه لقيت عنده الأعضاء التي هم كلهم عسكريين في المجلس .. الطحاوي وطعية .. وكان زكريا عنده ويعدين خرجنا ورحت على المجلس .. في المجلس جالي سيد جلال .. وكان داير في المجلس يقول الرئيس مايعرفش الموضوع ده وهو ضد ذبح الأعضاء .. بجيلي الأعضاء نعمل إيه ؟ وأقول لهم إنتم الشعب .. كل واحد يتصرف كما يملئ عليه واجبه وضميره .. يعني مش عاوزة توجيه مني .. ويعدين كلمت عبد الناصر في التليفون قلت له فيه أعضاء يقولوا كذا وكذا ويضغطوا على اللجنة الدستورية .. كذا أحالنا الموضوع على اللجنة الدستورية على أن مديرية التحرير قطاع خاص .. وسألته هل أنت أعطيت تعليمات بكده .. قال هو أنا لم أقول لك ولا إيه ؟ قلت له لا أنا كنت عندك وشايف فلاناً موجوداً وفلاناً موجوداً وماقتلش .. ولما إنت لك رغبة في كده ماقتلش ليه ؟ شوف تفكر إزاي تصلح الموقف اذا كنت عاوزة بأسلوب ثاني .. بدل ما تخلي الأعضاء يقولوا علينا شغل عيال .. متشكرين .. وقلت السكة .. وهو طبعاً أنا فاهمه بقي .. المجلس بقي قوة وهذه المجلس التي بيرشح رئيس الجمهورية ويمكن بعد كده يرفضه .. بحكم إن عقلية عبد الناصر .. بأقولك تأمرية .. ومتهاي لي إن ده تفكيره .. ويعدين لجنة تقصى الحقائق قمت تقريراً بأن مديرية التحرير بتعتبر قطاعاً خاصاً والقانون يسمح بهذا .. قلت التي موافق مين .. قامت الأغلبية رفعت إيديها فأنا قلت إجماع .. عندئذ أنا قلت المجلس ده لا يصلح ويعدين قمت استقالتني .

* وسألت أحمد طعية : حصلت مشاكل بين بغدادي وبين الرئيس عبد الناصر .. تذكرها ؟

* والله كان الموضوع كما فهمته من الليثي عبد الناصر .. أخو جمال .. إنه كان فعلاً الرئيس جمال اتكلم مع الأخ عبد اللطيف بغدادي فيما يختص بمديرية التحرير ومجدى حسنين .. ويعدين لما تقدم لاستجوابه .. وفهم إن الموضوع واخذ حدة شديدة داخل المجلس وإن أي تصرف كان حبيبي ضد مجدى وحبيبي يعني زيادة عن المطلوب .. الرئيس كلمني أنا والطحاوي .. وأتني بنا وقال لنا اتصرفوا دلوقت فيه مشكلة بغدادي والاستجواب .. إحنا ما نعرفش إن بغدادي عنده « جرين لايت » (مطلق الحرية) من عبد الناصر بإنه يتصرف في هذا الموضوع مع مجدى حسنين الله يرحمه .

* إزاي ؟

* « ما كانش عندنا فكرة وإلا الرئيس ما كانش استدعانا وقال لنا الحقوا أفرقم مجدى .. وطبعاً كنت أنا والطحاوي ومجدى نعتبر زى ثلاثة أخوات وكنا أعضاء مجلس الشعب .. أنا والطحاوي طبعاً رحنا جمعنا الأعضاء التي تبعنا في هيئة التحرير وقلبنا الجلسة سرية وباظ موضوع الاستجواب ده .. فهذا عمل شبه زعل بين بغدادي وبين جمال كما فهمت من الليثي .. لإنه قال له لما إنت مش عاوز نعمل حاجة قلت لي ليه ؟ » .

* ويقول أحمد حمروش : « كان جمال عبد الناصر قد أظهر تخليه عن مجدى حسنين .. فتحمس ضده عدد كبير من أعضاء المجلس .. ثم غير رأيه .. وعندما شعر عبد اللطيف بغدادي بهذا

التحول .. ترك منصة الرئاسة وخطب قائلاً : « إن هنالك خللاً دستورياً وتدخلاً من السلطة التنفيذية في شئون السلطة التشريعية » .. وقرر أن يستقيل .. وقدم كمال الدين حسين إلى عبد اللطيف بغدادى استقالته من عضوية مجلس الأمة .. احتجاجاً على تصرفات مجدى حسنين .. وأدت هذه المواقف والاستقالات المرفوضة إلى زيادة اعتماد عبد الناصر على عناصر جديدة من العسكريين » .

• **ويضيف سيد مرعى :** « قال لى عبد الناصر : « اسمع ياسيد .. تقرر إن مديرية التحرير تتبع وزارة الزراعة .. وأنا « حاشيل » مجدى حسنين » .. وكان السبب الحقيقي هو الانحراف والمخالفات التى اكتشفها الرئيس عبد الناصر فى المديرية وكذلك « الفوضى المنظمة » التى يدار بها المشروع » .

• **ويقول محمد أبو الفضل الجيزاوى :** « لما اتعمل مجلس الأمة سنة ٥٧ وأنا كنت عضواً بمجلس الأمة .. حصل اختلاف بينى وبين عبد الناصر .. قلت له عايزين بقى تحقق هذه الشعارات إلى واقع .. اصطلمنا مع بعض .. وانتهى الأمر باعتقالى » .

• **ومن ناحية أخرى كان قد بلغ صدام عبد الناصر مع الغرب الذروة .. بسبب قضيتين هامتين فى تاريخ مصر .. وهما - كما علمنا - قضية تسليح الجيش .. وقضية تمويل السد العالى .. ليشد الشعب العربى إلى الزعامة المصرية التى تتحدى الاستعمار ...**

• **وانعقد أول مؤتمر للشعوب الإفريقية الآسيوية فى نهاية ١٩٥٧ ...**

• **ويقول أحمد حمروش :** « وانعقد المؤتمر فى القاهرة يوم ٢٦ ديسمبر ١٩٥٧ .. انتخب المؤتمر أنور السادات رئيساً له .. وانتخب يوسف السباعى سكرتيراً عاماً » .

• **ودخل الأسطول الروسى مياه البحر المتوسط لأول مرة ليؤازر عبد الناصر الذى أصبح الزعيم الأول فى العالم العربى ...**

• **ويقول محسن عبد الخالق :** « عبد الناصر قبل الثورة كان رجلاً ودوداً طيباً .. ولهذا اخترناه .. بعد ٥٢ دخل ما نسميه الصراع على السلطة .. مقالب ومؤامرات ومناورات .. ده صراع شديد على السلطة .. بعد ٥٦ بقى بطلاً قومياً وقتلت لجمال عبد الناصر فى وقتها لقد حققنا كل شيء .. الإصلاح زراعى .. تحديد الملكية .. العدالة الاجتماعية .. دلو قسى تحقق الديمقراطية .. قال لأ .. ده الدور لسه بعيد .. آمال دور إيه ؟ قال لى الآن دور الثورة العربية .. ولأول مرة أسمعاها « من الخليج إلى المحيط » .. ودخلت مصر فيما أسميه عصر المغامرات .. كان ممكن أن نحقق الإحساس العربى لإبنى مختلف أصلاً مع إن البلاد العربية تبقى دولة واحدة .. عمرها ما كانت دولة واحدة خالص .. كان ممكن أن نحقق الانتماء العربى بإعطاء النموذج .. لو كانت مصر دولة ديمقراطية .. مؤسسات .. نظم .. والنظم الإدارية والنظم القانونية » .

• ويقول عبد اللطيف بغدادى : « هنا بدأت شخصية عبد الناصر تتغير نتيجة الشعبية التي أخذها .. وحاول أن ينفرد بالسلطة .. وتمكن من هذا » .

• حضرتك كنت رئيس مجلس الأمة سنة ٥٨ ؟

• « المفروض كنا قررنا إنه بعد الاستقلال .. فترة الانتقال .. ثم يجي مجلس الأمة .. علشان تبقى الحياة ديموقراطية وفيها برلمان .. وبعدين جاء الاعتداء الثلاثي ٥٦ .. فجاء مجلس الأمة في يوليو ٥٧ .. كان متفقاً إن أنور السادات يمسكه .. فجاء جمال عبد الناصر على آخر لحظة .. قبلها بيومين ثلاثة بس .. قال لى مجلس الأمة جاي .. ٣٥٠ عضو كل عضو جاي يمثل نفسه .. يعنى ٣٥٠ حزب إحنا مانعرفش أحداً منهم .. أنور السادات حبيبي غير قادر على إنه يقود المجموعة دى .. فتولاها إنت .. قلت له ماشى .. أنور ذكر فى « البحث عن الذات » وقال فى حديثه برضه الحنة دى اللي كانت مضايقه .. أنه فوجيء بإسناد المهمة لى .. المهم مسكت المجلس .. الحقيقة حظيت فى ذهنى التوازن بين المجلس وجمال عبد الناصر .. إن المجلس يبقى له وزنه وله ثقله وله رأيه .. فابتديت أعمل على هذا الأساس .. ولازم أبني له شخصيته المستقلة .. فاعتبروها مدرسة .. كان أى واحد عاوز يقابل وزيراً يجي مكتبى ويأخذ ميعاداً ترشح بفتح باب مكتبه وتدخل على طول ماتنتظرش عند السكرتير .. أنا أيعت له وهو يرد علينا كتابة .. مثل عاوز كمان يبقى هو محتاجاً للوزير .. مادام الوزير حيعمل له خدمة .. يبقى خلاص يفوت .. وابتدينا ننظم أنفسنا فى تكوين اللجان .. وإزاي الاستجابات وإزاي الأسئلة .. باختصار .. المجلس ظهر أنه بقى له شخصية .. وكان مصطفى أمين يحضر كل جلسة ويكتب ما تحت القبة » .

• وأعطى التأييد الكبير الذى اتفق عليه العرب .. الأمل فى قيام وحدة بينهم .. وقد تهايا الطريق للوحدة عندما تعرضت سوريا لضغوط خارجية ...

• ويقول جمال حماد : « اضطر عبد الناصر إلى إرسال قوات مصرية إلى سوريا لمساندتها وتأكيد الدعم المصرى لها .. وقبل وصول القوات المصرية فى أكتوبر سنة ٥٧ كانت الحشود التركية تتجمع على الحدود السورية .. وكان لبنان يتعرض لغزو عسكرى من الأسطول الأمريكى السادس » .

• وكان السوريون هم المقبلون على الوحدة والطالبون لها ...

• ويقول خالد محبى الدين : « أنا كنت عضواً بمجلس الأمة .. وكنا سافرن سوريا أيام التهديد بالحدود .. وهناك لاحظنا الخلافات العميقة اللي بتجرى داخل سوريا .. والرغبة من الضباط السوريين إنهم يعملوا وحدة .. فلما رجعنا وجمال عبد الناصر خرج من المعركة منتصراً ٥٦ .. جاءوا له وعرضوا عليه إن مصر يجب أن تقود .. وعرضوا عليه فكرة الوحدة .. وطبعاً هو الاتجاه العربى كان هاماً جداً عنده .. فمشى فى الخطوات .. وكان قد ترد أولاً خوفاً من الظروف .. لكن إزاء إصرار الضباط السوريين .. وبعض القيادات السياسية فى سوريا على أهمية الوحدة .. هو قبل » .

• ويقول عبد الهادي البكار : « لما صارت الوحدة كنت أنبئ الأخبار في إذاعة البرنامج العام في القاهرة ومعلقاً سياسياً في صوت العرب .. كنت أول موري يأتي إلى هذه البلد بعد قيام الوحدة .. الوحدة لم يطلبها عبد الناصر ده لازم يكون مفهوماً ولا عبد الناصر كان رايد يعمل اغتصاباً لنول ولا إمبراطوريات في الحقيقة .. الذي حدث إن مصر المحبوبة اندلق عليها الشعب السوري لأسباب تاريخية وثقافية وفنية .. طه حسين اللي خلانا نطلب الوحدة .. عباس العقاد .. أم كلثوم .. ألمع وعبد الحامولي .. المسرح والكتاب المصري .. وبعدين جاءت الإذاعة والسينما فكانك أنت فقير عم بتخطب بنت سلطان السلاطين .. السوريين خطبوا ود مصر ونرجوها .. عبد الناصر قال لأ .. ده في البداية .. إحنا مجتمع فردى الإبداع فردى .. ومجتمع مش جماعى اجتماعى مثل عنكم .. والمصالح فردية تتصارع فحصل خلافات سياسية وأحزاب وحزب سوريا في حلف بغداد وتركيا صارت عم بتهدد .. فكانت عملية تعالى يا مصر انقذنا .. وعبد الناصر كان حرام أقول لك كلمة معبود في الحقيقة كان الناس بيقتروه النبي المؤجل ظهره .. عبد الناصر اللي هو رمز مصر .. اللي هو ٥٦ .. اللي هو جاء من قاع الشعب المصري .. وأقولها صراحة الذين ذهبوا إلى سوريا من مصر لم يكونوا مؤهلين قط للتعاون مع شعب عربى آخر وخاصة من خلال صبغة الحاكم أو الطرف الأقوى .. هذا النوع في بلاد الشام القريب إلى الصحارى والبادية فيه ديموقراطية .. ماقدرش أوصفها لك بإها .. مختلفة عنكم هنا .. ديموقراطية نفسية إدارية .. يعنى أنا مراقب برامج للتلفزيون فيه وزير الإعلام جنبى يروح يقرب عليه مرحباً فلان ويقول له : خش أنا هنا » .

• وأسأل عارف عبد الرزاق : ألم يكن عبد الناصر رائداً في مجال اجتماع كلمة العرب ؟

• عبد الناصر قبل ٥٨ ماكانش بي فكر في جمع العرب .. في ٥٨ العرب هم اللي جاءوا عليه .. يعنى الوحدة مع سوريا هي اللي جاءت مش هو اللي راح » .

• وأجرى الاستفتاء على الوحدة يوم ٢٩ فبراير وانتخب جمال عبد الناصر .. رئيساً .. وأصبح رئيس سوريا شكرى القوتلى « المواطن الأول » .. وتكونت الجمهورية العربية المتحدة من الإقليم الشمالى « سوريا » والإقليم الجنوبى « مصر » .. وتغير السلام الجمهورى والعلم .. وتغيرت أسماء الرتب العسكرية في مصر .. وألغيت الأحزاب في سوريا ...

• وسألت د. محمد الذكورى : حضرتك كنت مديراً لمكتب الوزير السوري الكيالى أيام الوحدة .. ماذا تذكر عن هذه الفترة ؟

• الوحدة حينما قامت في سنة ٥٨ كان أول انتصار وانطلاقة عربية وكان صداها عميقاً في مصر .. وفي سوريا كان صداها أقوى .. حيث كان السوريون أكثر سعادة من المصريين .. بدأت وكل الآمال متعلقة بها » .

• ويقول توفيق عبده [إسماعيل] : « اخترنا العلم أبيض وأسود وأحمر .. سنة ٥٨ مع الوحدة .. العلم اتغير مع الوحدة » .

• ويقول أحمد أبو الفتح : « أمني أشد الألم وأعتقد أن كثيرين من المصريين يبادلونني نفس الشعور .. أن يتغير علم مصر الأخضر الجميل .. بسبب الوحدة » .

• ويقول عبد اللطيف بغدادى : « الوحدة مع سوريا أنا باعتبارها كانت ضرورية وأساسية .. لأن الأمة العربية لن يكون لها كيان إلا إذا توحدت وبقت إمكانياتها موحدة .. غير كده حقتضل ضعيفة .. وقوى أخرى حقتضل مهيمنة عليها » .

• وأسأل الملكة بينا : ماذا كان رأى الملك حسين فى الوحدة بين مصر وسوريا ؟

• « ما أعرفش مش قادرة أتذكر بالتحديد .. لكنى لا أعتقد إنه كان سلبياً .. لأنه فى وقتنا كنا بدون استثناء متحمسين لأى وحدة .. ولكن ليست وحدات مجزئة .. يعنى مرحلية .. أيوه مش تكون وحدة على حساب وحدة ثانية .. وحدة على حساب بلد آخر .. طبعاً ده صعب جداً أن يكون الوافق عاماً والتفاهم عميقاً بالشكل ده .. لكن أعتقد إن مشاعرنا جميعاً كانت إيجابية فى ذلك الوقت » .

• ويقول أحمد حمروش : « لم يتورع خروشوف عن القول بأن عامر يعيش فى سوريا فوق « خازوق » فى مقعده .. كان ذلك فى أواخر العام عندما ذهبنا لمناقشة المرحلة الثانية من السد العالى أنا وصلاح سالم لمقابلته » .

• وأبلغ السراج ناصر بخطة مؤامرة تكدير ضده .. من ورائها المملكة العربية السعودية والد CIA ...

• ويقول عبد الهادى البكار : « المهم عبد الحميد السراج عمل شغلة كبيرة فور قيام الوحدة .. صار أحد الملوك العرب عمل معاه اتفاقاً أوهمه إنه متفق معه .. على أساس إنهم يسقطوا طائفة عبد الناصر وهو جأى على سوريا .. فهو دخل بالعملية وأخذ شيك بالملايين .. المفروض بقبضه إذا قتل عبد الناصر .. وإجبه على سوريا فأعطاه إلى عبد الناصر .. وانفضحت القضية فى سوريا وعبد الناصر خطب خطبة أول ما راح هناك .. هذه جعلت عبد الناصر مسلم رقبته إلى عبد الحميد السراج .. ثم تبين إن عبد الحميد السراج عم ينشط أيضاً لمصلحته .. والحقيقة عبد الحميد السراج سيطر أيضاً على المباحث والمخابرات فى سوريا .. إذا واحد عم بيتنفس عم ببسجل له .. إذا عم ببشوف واحد حاله فى المراية يخاف يكون بيتجسس على نفسه .. زرع فينا هذا الهول فأوضح الناس » .

• ماذا تقول عن السيد عبد الحميد السراج ؟

• « أنا عارف عبد الحميد السراج وأنا ألتقى السؤال بكل جسارة .. لأن أنا لست من الذين يصمون على مواقف السراج .. وأنا رفضت وأرفض حكم المباحث والمخابرات فى أى دولة .. أرهقنا جداً وأرهق الشعب السورى جداً وأرهق المباحث والمخابرات وكان له تطلعات شخصية جداً .. وأنا أعرفه ليس بشكل حميم بأنه أبيض اليد يعنى مش بتاع فلوس .. والحقيقة ترعرع وولد فى مدينة حماة ابن عامل بسيط خباز .. أنا مش عم أقولك هذه تعنى أشياء .. أنا بزمانى جارى

عربية كارو وبائع قوطة وخيار فى قريتي فى طغولتى .. نحنا طلعلنا درجات السلم .. هو هكذا .. ثم دخل الجيش .. عبد الحميد السراج عندما استطاع أن يسيطر سرأ على سوريا ما قبل الوحدة من خلال الشعبة الثانية يعنى المخابرات والمباحث .. كل حاجة تؤيده سرأ .. نسق مع مصر لأن كان فيه صراع على سوريا بين السعودية والعراق .. ثم دخلت مصر .. أرسل محمود رياض .. الله يرحمه صديقى .. وكانت سوريا وحدها تعبانة .. فيه نهش عليها وأطماع .. وكل واحد عاوز يصير رئيس جمهورية ..

• وبدت معالم التغيير والمشروعات المشتركة تظهر فى البلدين .. وكان تعداد سكان مصر ٢٣ مليوناً وسوريا ٥ ملايين نسمة ...

• وزار عبد الناصر دمشق يوم ٢٤ فبراير ١٩٥٨ فاستقبله الشعب السورى بمظاهرات منقطعة النظير .. وسعد ناصر لذلك جداً ومكث شهراً ...

• ويقول عبد الهادي الكبار : « بالمناسبة أنا كنت إلى جانب جمال عبد الناصر والرئيس السورى السابق شكرى القوتلى رحمهما الله أول يوم راح عبد الناصر على سوريا بعد معنى كام يوم من قيام الوحدة الدستورية .. فأنا أنكر جيداً كان معى ميكروفون وكنت منيعاً فى إذاعة دمشق .. فى الجامع الأموى .. فيه جانب منه أظنه الشمال فيه ضريح صلاح الدين الأيوبي وهو سورى مولود فى تكريت .. كردى زى عبد الرحمن الكواكبي ده كردى سورى .. الرئيس القوتلى رحمه الله قال كلمة أهتم فيها جداً وكانت حلوة كثير .. للأسف ماعدش منها نسخة الآن .. شكرى القوتلى قال له أسلمك يا فخامة الرئيس سوريا .. يعنى فوق ضريح رأس صلاح الدين الأيوبي .. أسلمك شعباً فيه ٥ ملايين زعيم .. وكان عدد الشعب السورى كله ٥ ملايين » .

• ويوم ١٤ يوليو سنة ٥٨ قامت ثورة العراق ، وكان أول قرار لها هو اعترافها بالجمهورية الوليدة التى كانت الملكية تعارضها ...

• وأسأل عارف عبد الرزاق : ماذا تقول لنا عن كل من : عبد الكريم قاسم وعبد السلام عارف ؟

• ابتداوا مخلصين لهدف وغاية ينشدها الكل .. لكن للأسف بتأثير بعض الناس انحرفوا عن الخط الثورى للمنافع الشخصية .. وتخوف أحدهما من الآخر جعلهما ينقسمان .. واعتقد إنهما تلاميذ مدرسة واحدة .. يعنى مدرسة المراوغة ومدرسة الخط غير الصحيح .. مأكناوش صادقين لا مع أنفسهم ولا مع أصدقائهم ..

• هل هناك وجه للشبه بينهما وبين بعض من كانوا فى مصر ؟

• النفوس البشرية تختلف .. البشر عبارة عن مخ وأعصاب وشوية دم وهذه تنوب نوبانها كثيراً .. فالإنسان يتأثر بالكتاب اللى يقرأه والجلس اللى يقعد معاه .. بابنه المريض .. بزوجه .. بالعيشة .. بالمنطقة اللى يعيش فيها .. كل هذه الأشياء تؤثر على شخصية

الإنسان .. والإنسان نفسه يتغير بين فترة وأخرى .. فلا بد من وجود شبه ما يس أرجوك اعينى » .

• ويقول عبد المجيد فريد : « أنا كنت لسه ضابطاً .. فى ٥٨ قامت ثورة العراق المعروفة بـ ١٤ تموز (يوليو) .. كنت فى ذلك الوقت ضابطاً بالقيادة العامة للقوات المسلحة .. وأنكر الأخ حافظ اسماعيل كان فى ذلك الوقت مدير مكتب القائد العام للقوات المسلحة .. وطلبنى وقال لى فجر اليوم حصلت الثورة فى العراق وإحنا عاوزين واحد يمثل ٢٣ يوليو ويبقى على اتصال بنا لأن من أيام مشاكلنا مع نورى السعيد ماكانش فيه سفير .. وفى نفس الوقت عاوزين تأخذ جهاز لاسلكى علشان يربط الثورة بالإقليم الشمالى » سوريا » .. ففعلاً رحلت المطار لقيت طائرة .. نزلنا مطار دمشق أخذنا جهاز لاسلكى وأخذنا أحد ضباط الإقليم الشمالى وعدينا الصحراء لأن المطارات كانت مقفولة .. الثورة حصلت الصبح قفلوا المطارات وقفلوا الحدود .. فوصلت مبنى وزارة الدفاع فى بغداد ظهر ١٥ يوليو ٥٨ وطلعت فوق قابلت الانثين اللى كانا قائمتين بالثورة عبد الكريم قاسم وعبد السلام عارف .. وقلت لهما أنا مرسل من الرئيس عبد الناصر ومن ثورة ٢٣ يوليو .. وتكعدوا أننا ندعم هذه الثورة .. وإن التهديدات التى تواجهها هذه الثورة .. لأن كان فيه إنجليز فى مطار الحلبانية .. وكان فيه الأسطول السادس فى البحر الأبيض .. ونورى السعيد كان صديق الغرب وصديق بريطانيا وصديق ملكة بريطانيا .. فلحنا مستعدين ندعم هذه الثورة .. وأنا معاًباً جهاز لاسلكى على اتصال بالأسراب الجوية بالإقليم الشمالى .. فطبعاً رحبوا بى ترحيباً كبيراً جداً وأخذت الغرفة المجاورة لإقامة عبد السلام وعبد الكريم .. إقامة ومكتب .. وقتحنا الجهاز اللاسلكى واتصلنا واستمرت علاقتنا مع القيادة العراقية » .

• وصدر الدستور المؤقت ..

• ويقول د . نور الدين طراف : « وبعدين لما حصلت الوحدة .. اخترت أنا رئيساً للمجلس التنفيذى لمصر .. ويرضه ماكنتش أعرف ليه اخترت رئيس المجلس التنفيذى » .

• على أن الوحدة بين دولتين تتطلب فى الأساس قيام نظام اقتصادى متشابه .. وهو ما لم يكن قائماً ...

• ويقول جمال حماد : « عبد الناصر اختار طريق الاشتراكية وكانت سوريا بطبيعتها دولة رأسمالية » .

• وكان الصدام الفكرى قد بدأ منذ الأسابيع الأولى .. وهكذا كان عمر الوحدة قصيراً .. ولم يدم طويلاً ...

• ويقول د . عبد العظيم رمضان : « وشعر السوريون وهم القطر الأصفر بأن مصر تحاول أن تفرض إرادتها .. واعترضوا على قانون الإصلاح الزراعى .. ولم يفتتخوا بإعلان الاتحاد

القرمى .. وأدى ذلك إلى النفور من الوحدة .. واستقال بعض الوزراء السوريين وهم في مصر فجأة .. وشعر عبد الناصر إنها طعنة له من الخلف » .

- ويقول محسن محمد : « قُتل فيما بعد أحد وزراء الوحدة في القاهرة على يد شاب سوري » .
- ويقول أمين هويدى : « هل تعلم وقت الوحدة لم يكن يسمح للمخابرات العامة المصرية أن تتواجد في الإقليم الشمالي » .

• وكانت التأميمات مصدر خلاف ..

- وأسأل د . حسن عباس زكى : بدأت مع الدكتور القيسوني وحضرت التأميمات ؟

• « آه بدأت معه .. وكملت بعد كده .. الله يرحمه .. في الواقع في هذه الفترة الرئيس قال لى : أنا حاسل تأميم لإن ماعندناش فلوس .. قلت له : مانعمل الزكاة ونحصلها ودى ضريبة على رأس المال .. قال لأ .. قلت له : العملية دى حتعمل لنا مشكلة مع سوريا .. مشكلة كبيرة .. لإن السوريين تجاراً وأحراراً .. وفيه حرية تجارة ودى دولة شبه رأسمالية .. قال : لأ إحنا ملايين ايدينا من هذا الموضوع بالنسبة لسوريا » .

- ويقول جمال عامر : « السوريين مجتمع تجار ونتيجة تطبيق القوانين الاشتراكية هناك حصل نوع من الاستياء » .

- وأسأل أحمد كامل : نهيت المشير عامر لتبليغ الرئيس عبد الناصر باحتمالات الانفصال .. تفكر هذه الواقعة ؟

• « كنت منتدباً لتدريب وحدات الدفاع الجوى في سوريا كلها .. جميع وحدات الدفاع المضادة للطائرات .. هم كانوا عندهم الحاجات دى وماكانش عندهم القدرة على تشغيلها .. فأنا اختارونى رحت مسكت رئاسة التدريب في الحنة دى .. أولاً .. سوريا تختلف عننا تماماً لأن الإخوة السوريين متمكنين في الميامة من زمن بعيد جدا .. وهم اعتبروا أنفسهم وطنيين وعرب قبل كل شيء والعربية في دماغهم .. وكانوا متصورين أن وجود القوات المصرية في سوريا وإن إحنا اللي بتدرب وبنعلم أحياناً .. كانوا بيقولوا علينا « جيش الاحتلال المصرى » .. بعد ما خلصت التدريب وكانت عملية شاقة جدا .. لأنى كنت بأدير ١٧ دورة تدريبية في وقت واحد .. قلنا لى تشغل معنا فرفضت .. من قائد المدفعية لقائد الجيش الأول يرجونى إنى أقدم .. قلت لهم أنا خلاص علمت الناس بتوكم وأنا حارجع القاهرة .. من كتر عشرين للضباط السوريين والجنود السوريين حميت فيه فرق كبير جدا بيننا .. كان واضح إنه مثلاً بدل السفر اللي بيأخذه الضابط المصرى هناك يمكن يعادل مرتب قائد الجيش .. والضابط السورى مرتبه زى الضابط المصرى الموجود هنا في مصر .. اللي بيأخذ مرتبه بس ما بيأخذش بدل سفر .. وهنا كان فيه بعض الوحدات السورية وكانت بتأخذ بدل سفر .. بس مصر باتساعها وبقدراتها .. الضباط السوريين مابوش .. إنما بلد زى دمشق صغيرة اللي كل الناس عارفة بعض فيها بان الأثر ده .. الضابط المصرى بيصرف ببذخ .. فأحدث بعض الغيرة بين الضباط الموجودين » .

• ويقول شمس بدران : « السبب الرئيسي للانقلاب هو القرارات الاشتراكية .. ماتمشيش عندهم .. فلسطين التي كان فيها اليهود يشتغلوا عمال أجريين .. اليهود في أى حقة في العالم أصحاب رأس مال وجواهرجية .. الحقبة الوحيدة في العالم التي ملكش يتدروا يأخذوا فيها حاجة .. كانت سوريا لإن السوريين أحسن منهم » .

• وأسأل د . محمد الكروى عن ظروف الانفصال ؟

• « الوزراء السوريين كان لهم تركيبة غريبة شوية .. فكان أغلبهم من البعثيين .. على رأسهم السيد أكرم الحوراني .. وكانوا هم الأغلبية .. وكانت هناك عناصر قليلة وطنية تعشق الوحدة أكثر من نظرة حزب البعث للوحدة .. والوزير فخري الكيالي - وكنت أعمل في مكتبه - كان يعشق مصر ولكن كنت أحس دائماً إنه يحس ببعض المرارة لأن الوزراء البعثيين كانوا أقرب إلى الرئيس عبد الناصر .. وكان مثلهم في سوريا .. وهذا من أحد أسباب الانفصال بين سوريا ومصر .. وكان وزير العدل آنذاك نهاد القاسم .. وحاول أكثر من مرة أن يلتقى بالرئيس عبد الناصر حتى يبلغه ما حدث .. والذي لم يكن لصالح الوحدة العربية .. وفي النهاية كتب استقالة وأتى بها إلى زميله السيد فخري الكيالي .. واستعرض فيها أن البطانة التي حول الحاكم تحول بينه وبينهم .. وقال فيها « ولا أضرب بالحاكم في علاقته بالحكوم من ضعف الذاكرة » .. وكانت من ضمن مظاهر عدم نجاح السياسة المصرية في الوحدة مع سوريا » .

• وبدأت اللامبالاة في سوريا .. وكثرت الروايات والمبررات .. وأعلى عبد الناصر عبد الحميد السراج من منصبه لتهدئة الجو ...

• ويقول عبد الهادي البكار : « انفرضت الوحدة على عبد الناصر فرضاً لطيفاً .. ومصر قبلت الزواج بسوريا التي خطبتها .. كان بائع الشراب بالشارع عنده وهم بينه وبين نفسه نوهم إنه الأعظم والأقوى .. عندنا مجتمع ديموقراطى يعنى أنا الوزير أقدر أقابله بسهولة .. أنا لما جيت ليهون شفت محمد أمين حماد الله يرجمه رئيس الإنذاعة كان عنده صديقتنا وزميلنا الله يرجمه سعد زغول نصار .. واقف أمامه .. ينحنى إلى السلطة .. ثم مرت ربع ساعة وصادفت أن وجدت سعد زغول نصار أمام مذبح جديد مش عارف اسمه .. واقف كالفرعون .. عندكم مجتمع هرمى في العلاقات الإدارية والنفسية .. شوف هذا غير موجود عندنا .. نحن عندنا مجتمع أفقى » .

• إلى جانب القرارات الاشتراكية ؟

• « مش هي الأساس .. فيه أبعد يا أستاذ طارق بكثير .. فيه المزاج الجغرافى - أنا بانفرد بهذا التعبير وأرجو أن يكون جائزاً - مزاج المجتمع .. التي عايش في مجتمع صحراوى غير مزاج التي عايش في المناطق الباردة غير المجتمع التي فيه حوض الأنهار غير المجتمع التي عايش في الجبال .. فيه مزاج مختلف .. ده التي حصل .. أنا مسئول كبير في التلفزيون وعندى فراش .. أقعد أنا وياه إذا ماغيش أحد وكل يوم نطفر سوا .. ماغيش هرمية أنا فوق وهو تحت .. هو يؤدى واجبه .. عندما تأتى المواجهة رأساً يلتزم فيقف يحترمنى » .

• أليس هذا من النظام الاشتراكي ؟

• « نحنا أول من نادى قبل لينين وماركس وإنجاز بالنظام الاشتراكي .. ولم يكن قد حصل ثورة الاتصال .. وأدوات أو وسائل الانتقال .. فكنا نعرف بعض من بعيد لبعيد .. هذا الاحتكاك العملي الميداني النفسى أدى إلى أن يكتشف الموريون أن هناك بعض الاختلافات فى المزاج .. والمصريون كذلك » .

• هل أصبح الاتهام توجه نحو القادة العسكريين وبالذات اللى كانوا فى سوريا ؟

• « لا .. لا .. أنا لا أحمل لا عبد الناصر ولا الانفصاليين خراب الوحدة .. لأنه لابد أن ندرس قضايا هامة جدا .. وحدة عربية ما يتصور .. نحن مجتمعات مختلفة .. أنا سورى .. خليجى الآن .. ولكن عندنا فى بلاد الشام الصراحة فضيلة أنا لما باقول لك ما بحبك يا أخى وزعلان منك .. ده اكتشفته بعد ٢٨ سنة .. خربت كل علاقتى من أجل الصراحة .. عندهم عيب فى الخليج هذه الصراحة .. هذه وقاحة .. هم عارفتى تماما ما يعضبوا من صراحتى لأنها فضيلة .. ولو أنا يعرفهم تماما ما يزعل من كتمانهم وحرصهم على عدم البوح بما يحسونه ويشعرون به .. إنما أقول إذن إن كان حصل تصادم على مستوى الجماهير المصرية والجماهير الشامية .. من خلال اختلاف المزاج الجغرافى .. فكان الشعبان ما يعرفوا بعضهم بالقدر الكافى .. جاء مرة إلى هنا عفيف البرزى .. مرة المراج بده يقابل عبد الناصر إجت الهرمية الإدارية انتظروا عند السكرتير وحتى يطلع ده مافيش .. نحن لا نقبل هذا .. أنا ند معاك .. أنا زميل ثورة معاك .. أنا مثلك .. وإن كنت أنت أعلى » .

• **ويقول مصطفى أمين :** « الوحدة مع سوريا حصل فيها نفس الخطأ .. إن إحنا فكرنا إن معنى تحرير سوريا أن نحكمها .. ودى أكبر غلطة عملناها .. لأن كان يجب إن إحنا نعمل وحدة مع سوريا دون أن نتدخل فى شئوننا الداخلية .. ونضع أسماء .. ونعين أشخاصاً .. ونرفض أشخاصاً .. ونتدخل فى كل شئونها .. طبعاً يرفضوا هذا فقاموا ضدنا » .

• **ويقول نجيب محفوظ :** « الوحدة مع أى بلد عربى أهلاً وسهلاً .. لكن مش بالطريقة دى .. بأن ٥ أو ٦ يقولوا عاوزين وحدة .. يجب أن يسمعوا رأى العروسة قبل عقد الجواز .. فيطلع شىء ثابت .. ثم فى رأى الوحدة بين العرب .. مش وحدة بلاد .. دى وحدة ولايات .. يعنى يبقى فيه قومية عربية .. فيه جامعة متعاونة اقتصادياً وثقافياً .. وحاجات زى كده .. وعلى المهمل .. إنما ده كل عربى عاوز يبقى رئيس تقوم تدمج الدولة .. ماكتنش له لازمة أبداً » .

• **وأسأل د . الجوهري :** قللت فى كتابك « من أجل الزعامة ضحى عبد الناصر باسم مصر » ؟

• « آه فعلاً وأنا ماكتنش أحب قوى إن مصر تبقى الإقليم الجنوبى .. كنت أحب إن مصر تفضل مصر .. يمكن أنا لما كنت رئيس وفد مصر للإعلام فى أيرلندا .. رحنا علشان خاطر نعيد الحجز بتاعنا فى شركة « إير لينجوس » اللى هى شركة الطيران الأيرلندية .. مارضيوش إنهم يحجزوا لنا قالوا « اليونانيد أراب ريبابلك » دى تبقى إيه ؟ قلنا لهم مصر مع سوريا عملوا كذا ..

قالوا يعنى انتم منين ؟ قلنا لهم .. تعرفوا الهرم ؟ قالوا آه .. تعرفوا أبو الهول ؟ قالوا يعنى إنتم من EGYPT .. ووافقوا لنا على التنكزة وركبنا .. لكن علشان نقول الإقليم الجنوبي كان مافيش أحد فى العالم يعرف الإقليم الجنوبي من الإقليم الشمالى ولا اسم « اليونانيد أراب ريبابلك » يعنى الجمهورية العربية المتحدة » .

• ويقول عبد اللطيف بغدادى : « وجاء انفصال سوريا .. عبد الحكيم كان هناك ويعدين سابع العملية وجاء .. ولما سابها وجاء قلنا العملية انتهت وخلص .. لأن الناس كانوا اسمهم متمسكين بالوحدة .. لقوا القيادة بتاعتهم سابهاهم ومشية حيسلموا إلى القيادة الجديدة .. وانتهدت فعلا العملية .. وعبد الحكيم نفسه قال أنا ماقدش أولجه الجيش ولا الجنود ولا الضباط .. غيرونى وشوفوا واحد تانى غيرى .. وجمال عبد الناصر برضه وافق ورجع تمسك به » .

• بحكم الصداقة ولا إيه ؟

• « بحكم الصداقة .. لكن لما تمسك منكراى وتبص فيها .. تجد العلاقات اللي موجودة جايها بقى كلها وإزاي المجلس أخذ القرار .. وإزاي رجع بقى فى القرار ده » .

• وأسأل د . محمد الدكرورى : ومن الذى كان وراء هذه الأمور ؟

• « كل هذه الأمور أنت إلى خلق رأى عام فى سوريا .. السياسة المصرية كانت متروكة للمشير عامر .. الذى كان يترك للسراج الأمور كلها .. وأعتقد أن القوات المصرية فى سوريا كانت تتعامل معهم بشكل يجعلهم يعتقدون أنهم محتلون .. فأصبح الرأى العام متأكد أن الروابط المصرية السورية ضعفت .. حتى جاء الانفصال » .

• ويقول عبد الهادى البكار : « جاءت القرارات الاشتراكية وكانت مرتجلة .. وكان فيه جفاء فى التصرف .. أنا كنت فى الإستوديو فى التلفزيون فى هذا اليوم .. وجاءت القرارات الاشتراكية فى ظرف مقفول وكان مطلوباً من عبد الحميد السراج وأكرم الديرى الله يرحمه وزير الاقتصاد .. بأنهما يعملوا المؤتمر الصحفى .. وما حدش عارف شو حيصير .. فتحوا الظرف وجدوا قرارات اشتراكية معدة فى القاهرة .. يا سيدى فى سوريا يعنى ما فيه إقطاعيات .. صادروا معامل صغيرة للناس .. ولحد عامل معمل سكر .. صار فيها انتقام .. لأنهم عملوا قرارات هنا .. وهنا غلط .. هنا مش زى هناك .. نحن مجتمع تجارى حق قائم على المتاجرة الفردية مافيش إقطاعيات إلا قليلاً » .

• وبعدها بأيام حدث المتوقع .. فُبِضَ على المشير عامر ورحل إلى مصر .. وهكذا حدث الانفصال يوم ٢٨ سبتمبر على أيدي بعض فرق الجيش السوري .. ومنهم منير مكتب المشير نفسه .. عبد الكريم النحلاوى ...

• وأسأل شمس بدران : هل المشير كان سبباً من أسباب انفصال سوريا عن مصر كما قيل ؟

• « سوريا أصلاً لا يمكن أن تحكم .. لأن هى فيها اضطرابات وخلافات » .

- **طبيب المشير إزاي كان أحد الأسباب ؟**
- « ما كنش أحد الأسباب .. هو كان فيه خلاف بينه وبين السادات .. لأن السادات على عبد الناصر لهم شلة » .
- **بس كان موجوداً في سوريا أيامها وقبضوا عليه ؟**
- « هو له شلة ثانية آه .. وطلع واحد ماهواش من المثلتين دول .. عبد الكريم النحلاوي .. وكان مش من شلة عبد الحكيم كان مش من الشلة اللي هي تبع الناس اللي بيشتغلوا في القيادة .. عمل انقلاباً وهو هناك .. فبعد الحكيم عامر مش مسئول عن الانقلاب » .
- **ويقول عبد اللطيف بغدادى :** « أخطاء الوحدة هي تصرفات السراج في سوريا والطرق البوليسية اللي كان يتبعها وتنمر الشعب السوري منها .. حتى أطلق عليه اسم « السلطان عبد الحميد » .. وكان هناك خطأ آخر جسيم هو طريقة إدارة دفعة الجيش .. وعبد الحكيم عامر كان عادة يترك الأمور لمساعديه .. وهم كانوا لا يحسنون التصرف لدرجة إهانة وجرح كرامة كثير من الضباط السوريين » .
- **ويقول أحمد كامل :** « قابلت المشير عامر .. قلت له بصريح العبارة : الجماعة السوريين دول لو بيجربنا حيحنونا على مراكب .. لو ميجربناش حيجمعونا ويضربونا بالرصاصة .. ولم يقتنع بهذا الكلام .. وبرضه من الشلل المحيطة .. كانت النتيجة إنه قُبض عليه هو شخصياً .. وأنزل بالطائرة إلى القاهرة » .
- **ويقول جمال عبد الحكيم عامر :** « الرئيس عبد الناصر كلف والدى إن هو يكون مسئولاً عن سوريا في هذه الفترة وكان تقريباً مقيماً هناك .. كان السوريين جيشهم فيه عدم استقرار ودائماً فيه انقلابات .. طبعاً هو كان موجوداً في الفترة دي في سوريا وهم هاجموا البيت بتاعه وضربوا غرفة النوم بتاعته كسروها خالص .. وشاء القدر إن هو كان قد أبلغ وراح القيادة ونجا من الموت .. وبعدين حصل نوع من التسوية ورجع مصر .. فده كان تكليفاً من الرئيس للمشير إن هو يتولى سوريا في هذه الفترة .. وهو اتهم المشير إنه هو السبب في الانفصال .. طبعاً مش ممكن يكون هو السبب .. لأن هو كان علاقته كريمة وكان محبوباً هناك وكان فيه ظروف ثانية خارجة اللي سببت الانفصال في تلك الفترة » .
- **وأسأل كمال الدين حسين : هل اختلفت مع الرئيس عبد الناصر بخصوص الوحدة مع سوريا ؟**
- « لا أنا لم أعترض .. لكن تخوفت من موضوع الوحدة .. هو طبعاً العملية كانت مفاجئة جداً .. وأنور السادات راح مرة مجلس النواب ما أعرفش عمل إيه بيننا وبينهم .. ولازم نحن نكون متصلين ويبقى فيه وحدة .. بعدين التيار جارف .. عبد الناصر قال مش إحننا اللي نبقي السبب .. فيه فرصة للوحدة .. وإحننا نعترض عليها .. ونحن ننادي بالقومية العربية والكلام

اللى بالشكل ده .. إحنا كنا غلطانين فى هذا .. يعنى مما لا شك فيه إن الحوادث مبققتنا وحصل ضغط ويمكن حزب البعث كان له تأثير فى هذا الموضوع .. وكان لهم مصلحة .. وأنا بأقول لك حزب البعث اللي عمل الانفصال وحزب البعث اللي أراد الوحدة .. لغاية ما استولى على الحكم فى سوريا .. بعد ما عمل كذا انقلاب وكذا تطهير .. وبقي هم فى أيديهم الجيش .. ويتوع العراق نفس الموضوع وبعدين اختلفوا كما هى طريقة الأحزاب .. المهم هو كان موضوع سابق لأوانه .. لكن كان استجابة لعمليات روحية ونفسية للشعب المصرى والسورى .. ولكن السياسة فيها ألعيب كثيرة بيلعبوها السياسيون .. وإحنا كنا لسه بنتمرس فيها .

* **ويقول عبد المجيد فريد :** «المشير عامر نائب رئيس الجمهورية والقائد العام كان شبه معتقل .. والمدرسون يبطروا ويحبسوا .. فكان موقف تعبانا جدا .. وبدأ جميع زملائه .. كمال حسين ونواب الرئيس وأعضاء مجلس الثورة .. بدأوا يفكرون فى كيفية مواجهة الموقف .. ولاسيما إن جزء من الإقليم الشمالى فى حلب كان ومازال ينضى .. وإنه مازال جزءاً من الجمهورية العربية المتحدة وإن اللي قاموا بالعملية دى هم من يتوع الشام فى دمشق .. ولذلك بدأوا يخططوا على أن من الممكن إعادة الجمهورية العربية المتحدة من حلب .. والتحرك جنوباً .. فبدأت فى إعداد قوات مظلات ومركب تشيل تشكيلات .. وحتى قصة ما قلتهاش قبل كده .. وهى إن الرئيس عبد الناصر طلب منى مع ٣ ٤ زملاء إن إحنا ندخل سوريا من طريق بيروت .. لنتحرك سياسياً مع القوى السياسية فى الوقت اللي الجنود والتشكيلات بنصل اللاذقية .. والمظلات تنزل بواسطة جلال هريدى قائد المظلات فى ذلك الوقت .. ووصلت بيروت وتحركت للحدود .. وطلعت مشاكل فى الحدود لأن كانت الثورة أو الانقلاب الجديد قفلوا الحدود .. وسهل التعامل معهم بشكل أو بآخر .. وبدأت أدخل وياتصال تليفونى من السفارة ارجع فوراً .. لأن الرئيس عبد الناصر وجد إنها حقيقى فيها عملية دم .. وتغير تفكيره .. وأنا كنت غادرت ورحت بيروت إنما حضرت الجزء الأول بتاع التخطيط العسكري .. الجزء الثانى عرفته لما رجعت إن حقيقى فيه عملية دم والموضوع يتحول إلى نزاع سياسى وليس عسكرياً .. ورجعت التشكيلات .. وكان حتى المظلات وجلال هريدى وفريق الاستطلاع الأولى نزل على الأرض .. واتمسكوا واعتقلوا ومجنوا .. وأنا قدروا يسحبونى من الحدود اللبنانية السورية فى آخر لحظة وبعدين كلفت أن أروح الحدود .. استقبل المصريين العائدين .. كان فيه قصص غير مريحة من المصريين العائدين من سوريا .. لاسيما فى الأيام الأولى .. من معاملة سيئة .. والسبب وجود الجيش هناك والعسكريين والمشير عامر من أسباب الانفصال .

* **ويقول جمال عبد الحكيم عامر :** « كان فيه قرآن من الرئيس أن يحاولوا يستردوا الوضع تانى بالقوة .. لكن تراجعوا عن هذا .. وجدوا إنها مش حقيقى عملية .. وسيكون فيها خباياير ومواجهة بين الشعب السورى والمصرى ففضلوا الانسحاب .

* **ويقول عبد الهادى البكار :** « عبد الناصر كان نائماً وقواته أبحرت ناحية سوريا .. وطلابع ٧ طائرات مليئة بالكومندوز المصريين .. بقيادة جلال هريدى .. عم يقاوموا الانفصال عسكرياً

وتثبيت الوحدة بالقوة .. بعد ما اطمعنوا وصارت كل البواخر بالإسكندرية هنا محملة .. فاتصل به السفير الروسي بالليل - أنا نشرت هذا في جريدة الشرق الأوسط من كام سنة - قال السفير الروسي لسكرتارية عبد الناصر : ضرورى تصحوه .. صحوه وقال له : « لدى برقية من الكرملين يا سيادة الرئيس ناصر .. دع سوريا وشأنها .. وهكذا حدث إن الروس وقوه » .

* **ويضيف عبد الهادى البكار :** قدمت استقالتى على شاشات التلفزيون .. بعدما اتبخت الوحدة وحصل الانفصال .. وأتيت إلى هنا .. ليس كمنيع .. كنت أنا جاي أودى واجبى السياسى اللى أنا مقتنع به .

* **لأجناً سياسياً ؟**

* **أنا ما جئت لأجناً سياسياً .. جىء بى .. بعد أن أدبت واجبى على شاشات التلفزيون وهاجمت الحكومة الانفصالية أمام الناس كلها وأهنتها وأعلنت استقالتى .. وأنا ما فيش معاى أكثر من أربع جنبيات .. وصلت وتمكنت قبل اعتقالى من الوصول إلى بيروت .. وعلم عبد الناصر من الصحف إننى موجود فأرسل لى طائرة وقالوا لى تعالى فجئت .. والحقيقة بدهم يعطونى بيت .. وعبد القادر حاتم وسامى شرف والجميع عايشين .. أنا خيرت فى أى مكان أسكنه وأى راتب .. فقلت أبداً أنا جاي كمناضل وحدوى .. نعيد الوحدة اللى إحنا ناضلنا من أجلها .. رفضت أى راتب كبير أخذت ٨٠ جنيه لأننى طلبت ٨٠ جنيه .. وندمت فيما بعد لإنهم كانوا مش كافيين .. وصرت أعيش فى شقق مفروشة » .**

* **واستطاع السراج الهروب من سجن المزة بدمشق .. ووصل إلى القاهرة لأجناً سياسياً ..**

* **وأسأل محمد نسيم :** كنت ضمن مجموعة تهريب السيد عبد الحميد السراج من دمشق فى عملية اسمها جمال ؟

* **فعلا ..** وكان فيه أزمة بين المشير عبد الحكيم عامر والسراج .. وبعد كده السراج استأذن الرئيس ورجع على سوريا .. بقعد شوية .. وبعد كام يوم حصل الانقلاب .. وتخيلنا إن عبد الحميد السراج وراء هذا الكلام أو تردد هذا .. الحقيقة بقى شخص زى عبد الحميد السراج رجل قومى جدا ومؤمن بالوحدة .. لكن المفاجأة خلت أى أفكار تيجى للواحد .. لكن اتضح العكس .. المجموعة اللى قامت بالانقلاب أيامها كانت مجموعة متناقضة .. كان فيه مجموعة فى تصورهما قابلة إنها تصحح زى مهيب الهندى .. دى مجموعة مؤمنة .. وفيه مجموعة ثانية انفصالية جدا زى مثلا الكزبرى وموفق عصابة دول مجموعة ضد الوحدة من زمان .. لذلك هم أنفسهم اختلفوا مع بعض .. لكن فى الفترة دى طبعاً حاولوا يكسبوا جانب السراج .. ولما ما وافقت سجنوه فى سجن المزة » .

* **وخُكم عليه بالإعدام ؟**

* **لا أتذكر ..** لكن هو كان فى سجن المزة .. وكانت عليه حراسات شديدة .. لكن فى نفس الوقت ما هو عدد كبير من الناس وعدد كبير من الضباط كانوا وحدويين إلى آخر مدى .. تم

التخطيط لتحرير السراج بالتنسيق بين القاهرة وبينى .. وكنت أرسلت إلى بيروت علشان أشتغل هناك .. وتم التنسيق والتخطيط لعملية طويلة ..إنت ممكن تتخيلها .. نائب رئيس الجمهورية فى سجن المزة وعليه حراسة .. ثم إذا اتهرب يأتى إلى بيروت زى الأخ سامى شرف ما قال فى كتابه .. وأنا كنت متولياً الإخفاء بالنسبة له .. جنبه عندى .. الكل ماكانش عارف فى هذا الوقت لما جاء إلى بيروت .. الناس كانوا متعاونين معنا .. أسأل عبد الحميد السراج فى ؟ ويقولوا عند الروس أو الأمريكان .. وهو عندى فى البيت مستخفى .. وأولادى والمدام قاسوا معى كثيراً .. إلى أن تم التنسيق لإعادته إلى القاهرة تانى يوم .. وفوجيء الناس بمائنشيت هيكل يقول « عبد الناصر يستقبل عبد الحميد السراج » .

- وجاء عن طريق البحر أم عن طريق الجو ؟
- « جاء عن طريق الجو » .
- وفى ديسمبر أصبح ناظم القدسى رئيساً للجمهورية السورية ...
- وأسأل نور الدين طراف : إيه شعور عبد الناصر بعد الانفصال .. وحضرتك كنت رئيس المجلس التنفيذى ؟
- « كان شعور إحباط شديد .. ولكنه لم يكن ييأس إطلاقاً .. كان يقول إحنا بنغلط ولازم نسوى الغلطة » .
- ويقول محمود فهم : « انفصال سوريا .. ده اللى خلى الرئيس تأثر جامد جدا » .
- ويقول كمال الدين حسين : « لما تيجى فى الآخر يحصل الانفصال ويتعمل فى عبد الحكيم عامر اللى اتعمل فيه وبعدين تقوم إذاعات الانفصال تشتم فى عبد الناصر .. وفى مصر .. وفى الوحدة .. وفى كل الناس .. ده طبعاً أثر فيه كثيراً جدا » .
- ويقول حسين الشافعى : « إطلاقاً ما كنتش معترضاً على الوحدة .. بس الواحد تبين له بعد كده .. أن قد تكون من ضمن الخطوات اللى اتخدت علشان يخرجوك من خطك .. ويوجهوا إلك لطة سياسية بالانفصال .. لأن اللى عمل الوحدة هو اللى عمل الانفصال .. وبالتالي مصر تلقت طعنة أثرت فيها تأثير فظيع جدا معنوياً وسياسياً » .
- ويقول خالد محبى الدين : « أنا رأيى إن الوحدة كانت مهمة تاريخياً .. لكن مادام فيها عيوب فى الدراسة .. والتطبيق .. أدت إلى الانفصال » .
- ويقول د . محمد الدكرورى : « أنا أعتبر إن نهاية الوحدة بين مصر وسوريا .. كانت هى بداية هبوط أسهم ثورة ٢٣ يوليو .. ومن مراحل العثرات الشديدة التى قابلها الرئيس عبد الناصر .. وكانت بعدها سلسلة التخطئ التى انتهت بالنكسة .. وللأسف كانت تجربة لم يقدر لها النجاح » .
- وأسأل عبد الهادى البكار : قال الرئيس عبد الناصر رحمه الله « أنا شفت من البعث ما لم يراه أى إنسان » .. إيه رأيك أو تعليقك على هذا الكلام ؟

• « الحقيقة إذا كان قول عبد الناصر هكذا فهو قول ليس دقيقاً .. لأنه مش من البعث .. ربما كان قصد عبد الناصر من بعض البعثيين .. شوف أنا بكل صراحة بأقول لك وبأعتقد هذا الكلام هام .. لقد سجت عام ٦٣ في دمشق لما بدأ يسيطر حزب البعث .. وعذبت جسدياً وآثار التعذيب مازال .. كهرياء في حلقى .. وشربت عن وطني .. حتى الآن صار لي ٣٤ سنة .. ولازم نفرّق بين حزب البعث كفكر .. وأنا ذهبت إلى بغداد أرسلني عبد الناصر كمصري بطلب من عبد السلام عارف .. قدت حملة إعلامية من إذاعة بغداد سنة ٦٤ إلى سبتمبر ٦٦ وتوجتها بالكشف عن اليهودي « كوهين » من شبكة للتجسس الإسرائيلية .. أنا كاشف الشبكة هذه واسمى وارد في المحكمة وبقيت سنين أعوى .. الكلب ينبع إنما أنا أعوى كالذئب .. ضد نظام الحكم البعثي في دمشق .. شوف حزب البعث هو اللذي الذي رضع فيه عبد الناصر مبادئ الحرية والوحدة والاشتراكية .. دى طلعوها سنة ٤٧ قبل عبد الناصر .. الآن أنا مش زعلان منهم .. لكن الحقيقة طبعاً كان فيه صراع .. طبعاً حزب البعث .. وهو برضه عذبهم جداً .. لكن شوف .. أنا أحمل كل مسؤولية في تلك الفترة للجميع .. بما فيهم عبد الناصر وبما فيهم كل قادة حزب البعث قاعليين ومؤثريين .. كل ما تعاني منه أمتنا العربية من سنة ٦٧ .. سببه حزب البعث مع عبد الناصر وعبد الناصر مع حزب البعث .. لو ماحصلش هذا التصادم وأمكن إنجاح تجربة الوحدة بين سوريا ومصر لتحولت إلى بستان زرعت فيه أشجار كل الأنظار العربية الأخرى .. بلطف مش عن طريق المباحث والمخابرات والتآمر والقتل لا .. لأن كأي عربي في أي قطر عربي إن كان مسلماً أو نصرانياً ولا كان أي حاجة .. شيعي ولا سني ولا أرثوذكسي .. إحنا كبلاد عربية يا أخى إذا توحدا أحسن .. نحنا مختلفين على أسلوب التوحد مش على الفكرة .. حصل تجربة وفشلت نعاودها بشكل أفضل .. ما فيش واحد بالوحدة العربية راح يفسر .. شوف الوحدة قوة لكل الأجزاء .. وهي أمنية مشتركة .. ولا خلاص لأمتنا العربية من هزيمتها الحضارية ونظامها الحضاري إلا بالتوحد » .

• وأسأل سامي شرف : هل كانت النكسة سبب مرض الرئيس الشديد ولا كان الانفصال قبل ذلك ؟

• لا .. الرئيس أول مرة جاء له السكر كان سنة ٥٧ .. حتى قبل الوحدة .. بالمنازمة أنا عندي كل الأوراق بناعة مرض الرئيس جمال عبد الناصر .. السكر اللي كان عنده زى السكر العادي .. مش كما ادعى البعض البرونزي والزنقي .. لا سكر عادي .. إنما الجهد العصبي والمجهود العصبي وحرقة الدم والحرب الشعواء من الداخل ومن الخارج .. والتي لم تنقطع يوماً .. كانت دى تهد جبل » .

• يقول عبد المجيد فريد : الرئيس كان في الحقيقة متأثراً .. أذكر في ذلك اليوم أنه كان مصدوماً صدمة كبيرة جداً .. وبدأت مشاكله الطبية منذ ذلك الوقت .. صحيح الأزمات القلبية جاءت فيما بعد .. بس مشاكله الطبية عامة بدأت من ذلك الوقت .. وكانت صدمة بالنسبة له لأنه ماكنش يتصور إلى هذا الحد .. وبدأت تأتي البرقيات عن سوء معاملة المصريين .. وسوء معاملة القيادة » .

- وتقول د . هدى عبد الناصر : « الانفصال كان نكسة لكن والدى بحكم طبيعته تحرك .. وزاره ضيوف كثيرون .. كنت أيامها فى الجامعة وكان نراقب من بعد .. ونشاهده مع الضيوف من شباك « الفراندة » وطالت المقابلات .. ووجه بياناً للناس وقرر عدم التدخل » .
- وهل كان ثائراً أم حزيناً ؟
- « كان حزيناً للغاية » .
- وأدى الانفصال إلى إضعاف فكرة الوحدة العربية .. وأصيب الرئيس عبد الناصر بالإحباط الشديد .. وأثر فى صحته وشخصيته ...

ويسقط الاستعمار

- كان دعم حركات استقلال الشعوب في كل من العالم العربي والعالم الإفريقي خطأ سياسياً رئيسياً في السياسة المصرية ...
- ويقول خالد معوي الدين : « هو كان مقتنعاً بهذا الدور .. قيادة الأمة العربية .. وكان مقتنعاً إن الأمة العربية هي قيادة العالم الإسلامي .. وذه صحيح .. ومصر لها أيضاً دوراً إفريقياً .. يعني كان عنده الدوائر الثلاثة دي واضحة جداً في ذهنه لمصلحة مصر » .
- وكان أروع إنجازات السياسة المصرية الخارجية .. هي المشاركة في تحرير الجزائر وإنجاح ثورة المليون شهيد .. التي كان يقودها بن خدة وين بيلا وباقي القادة الوطنيين الجزائريين ..
- ويقول الفنان كمال الطويل : « كما أصبح نشيد « والله زمان يا سلام » من ألحاني .. هو السلام الوطني المصري .. أصبح السلام الوطني الجزائري من ألحان الفنان الراحل محمد فوزي » .
- يقول أمين شاكور : بن بيلا جاء قال لنا في أوائل سنة ٥٤ إن الفرنسيين لا ينووا الجلاء أبداً عن بلادنا ومحتلين بلادنا .. تونس والجزائر والمغرب مدة ١٢٨ سنة .. ولغوا الذاتية الخاصة لهذه البلاد .. لم يعد هناك شيء اسمه الجزائر أو تونس أو المغرب كانوا يطلقون عليها (Territoire Francais D'outre Mer) أي « أرض فرنسا عبر البحار » .. وكانوا يتملكون كل حاجة تقريبا .. فبن بيلا قال مافيش فائدة خالص أن نستقل ونستعيد حريتنا إلا بالثورة .. الكلام ده لعبد الناصر .. فبعد الناصر وافقه وقال له توكل على الله .. فقال له ما عندناش سلاح .. فقال له أقسمي ما يمكن من سلاح سوف أرسله إليك إما بالبر أو بالبحر .. وبدأت الثورة على هذا الأساس » .
- حضرتك كنت قلت لي إن كان هناك مراكب مصرية غرقانة في الجزائر ؟
- ٧ مراكب .. كان الفرنسيون عرفوا إننا نرسل الملاح .. وكان في تونس في ذلك الوقت

رئيس تونس التي كان عندنا ورجع .. نرسل الشحنة يأخذ نصفها تقريبا .. طلب يا أخى لو كنت أنت بتحارب مطهش .. لما جاء الاعتداء عليك فى بنزرت بتعنا جيشاً يحارب معك .. لكن دول ناس يقاتلون الفرنسيين .. الذين كانوا يبيحوا الجزائريين ذبح .. تقوم أنت تأخذ السلاح ده ليه ؟ والبحرية الفرنسية تبينت هذا .. فاضطرونا أن نرسل السلاح بالمراكب التجارية على اعتبار إنها شايلة بضاعة .. لكن الفرنسيين تبينوا هذا فابتدوا يفرقوا هذه المراكب .. وغرق لنا ٧ مراكب أمام ساحل الجزائر .

• وأسأل أحمد سعيد : ماذا قلت وماذا تقول عن ثورة الجزائر ؟

• يجب أن نضع فى الاعتبار ما قلناه نحن لثورة الجزائر إحتنا قلنا إيه لثورة الجزائر .. ثوروا لتتحرروا .. الجزائر لها طبيعة خاصة وكنا دائما نكلمها من المنطلق الإسلامى .. لأن هناك فيه منطقة إسمها منطقة القبائل .. ودى منطقة ليست عربية الأصل .. ونسمى فى المراجع التاريخية منطقة البربر .. فكان لابد أن تكون جميع توجهاتنا ونداءاتنا إسلامية المنطلق .. فكنا نقول لهم ثوروا لتتحرروا وآيات قرآنية مثل ﴿ فَضَّلَ اللَّهُ الْمَاجِدِينَ بِأَمْوَالِهِمْ وَأَنْفُسِهِمْ عَلَى الْفَاقِعِينَ دَرَجَةً ﴾ .. وانتصروا وتحرروا بعد أن قتموا مليون شهيد .. وقدمت مصر تضحيات ضخمة على رأسها أجهزة مخابرات من مصر اشتغلت فيها .. إلى أن استقلت الجزائر

• ويقول الفريق سعد الشاذلى : « من المعروف أن مصر كانت تساعد وتؤيد ثورة الجزائر وتدعمها بالسلاح ... وبعد محدود من الأفراد .. الذين يقومون بتعليم الجزائريين .. مصر كانت فاتحة المدارس بتاعتها للجزائريين .. علشان يجوا يتدربوا هنا ويعودوا مرة أخرى » .

• نقصد حضرتك المدارس العسكرية ؟

• نعم المدارس العسكرية .. يعنى نقدر نقول إن المساعدة كانت فنية .. وإن جاءت بالسلاح ولكن لم نرسل مصر قوات مقاتلة إلى الجزائر .. هم لم يكونوا فى حاجة إلى هذا لأن عندهم المقاتلين .. بس هم كانوا عايزين الخبرة الفنية وعايزين السلاح .

• وقتموا المليون شهيد ؟

• آه وقتموا مليون شهيد .. مليون ونصف .. الأول كان مليون وبعد ما حصرهم طلعوا مليون ونصف المليون شهيداً .

• ويقول عبد اللطيف بغدادى : « الثورة كانت مهمة بحالة الأمة العربية ككل .. وكان لها دور كبير فى ثورة الجزائر فى تمويلهم بالسلاح .. وفرنسا لم تدخل حرب ٥٦ إلا علشان ثورة الجزائر .. علشان ضرب ثورة الجزائر فى مصر » .

• وساعدت الثورة المصرية العراق .. فى إلغاء الحكم الملكى فى سنة ١٩٥٨ .. وسقط حلف بغداد وأُشِلَّ الملك فيصل والأمير عبد الإله ونورى السعيد ...

• **وتقول الملكة بينا :** «الذاكرة تخونني .. ثورة العراق حصلت لما رجعت إلى مصر سنة ٥٨ .. وأعتقد مهما كان التغيير اللي حصل لصالح الشعب أو غيره .. ولكن لازم للتاريخ نقول إنه كان خطأ فاحشاً بالطريقة التي قتل بها الناس » .

• **وماذا قال لك الملك حسين في هذه الفترة عن الرئيس عبد الناصر ؟**

• « أنا أتصور إنه كان وكنا جميعاً متحمسين لخير البلد .. ويعمل بتقديم وحماس .. وبعدين طبعا العلاقات اتغيرت وطرأت عليها غيوم وتباعد » .

• **لماذا طرأت هذه الغيوم زى ما حضرتك قلتي .. والولام لماذا لم يستمر ؟ هل كان بسبب حلف بغداد ؟**

• « طبعا لأ .. لم تكن مؤيدن له .. هي حاجة انقضت علينا وللأسف مع احترامي للأهل في العراق .. لكن كانت حاجة فرضوها علينا جامد .. وبعدين الحمد لله إن جاءت بعدها فترات قومية » .

• **ويقول عارف عبد الرزاق :** « معركة ٥٦ سرعت بالثورة في العراق خاصة بعد أن تمت الوحدة بين سوريا ومصر .. وكان الهدف الأول من ثورة العراق هو الدخول في الوحدة العربية اللي بين سوريا ومصر .. باعتبارها دخول قطر ثالث إليها .. الضباط الأحرار في العراق كانوا قبل هذا التاريخ .. الضباط كانوا يتحينون الفرص أن يظهروا للوجود .. لكن ثورة يوليو سرعت في وجودها » .

• **ماذا تقول لنا عن نوري السعيد ؟**

• « نوري السعيد سياسى عراقي مخضرم .. يؤمن بمصلحة العراق .. لكنه يعتقد أن مصلحة العراق يجب أن تقتن بموافقة إنجلترا .. تخوفه من نفوذ الإنجليز ومطورتهم في المنطقة جعلته يثق بهم للنهاية .. لكن ليس هناك شك أنه وطنى ويعرف مصلحته لكن بمقدار صداقته وتعاونه مع الإنجليز » .

• **وتولى عبد الكريم قاسم الحكم .. وبعد إعلان الجمهورية .. وجد الشيوعيون الفرصة سانحة لكي يحلوا محل الغرب .. بعد استمالة عبد الكريم قاسم إليهم ...**

• **ويقول محسن محمد :** « حمل خروشوف في مارس سنة ١٩٥٩ على القومية العربية ومصر ووصف الرئيس عبد الناصر بالزعيم الصغير » .

• **ويقول أحمد حمروش :** « أطلقت إذاعة عمان على جمال عبد الناصر ألقاظ (مجنون - عميل - فاروق الصغير - ديكتاتور - متأمر) وصحب ذلك اعتراف الملك حسين بنظام عبد الكريم قاسم في ١٩٦٠ .. وشن عبد الناصر هجوماً على الملك حسين في دمشق .. وقال يعتمد الاستعمار على الملك الأجير ويعتمد على حفنة قليلة من العملاء الذين يستغلون الشعب

ويجمعون الأموال .. ووقع الانفصال في ٢٨ سبتمبر ١٩٦١ وتبين أن بعض الضباط الذين قاموا به كانوا على صلة بالأردن » .

• ويقول د . مراد غالب : « جمال عبد الناصر بعد ٥٦ بعد الانتصار وبعد الوحدة مع سوريا .. كان يحرك جماهير الشعب كلها من الخليج إلى المحيط .. ونشأ صراع بين قائد شاب معتز بنفسه بانتصاراته وعنده طموحاته وأماله وبين زعيم معسكر بحاله وأحد رؤساء إحدى قوتين في العالم وزعيم الأحزاب الشيوعية في العالم كله .. وبالتالي كان فيه في الأول مش صراع .. مواجهة بين الشخصيتين .. المواجهة دى ازدادت أكثر من ٥٨ » .

• ويقول عارف عبد الرزاق : « عبد الكريم قاسم هو الأقدم في الجيش .. وشاف نفسه معزولاً من الرجل الثاني .. التي تقدم بالطلب عبد السلام عارف .. الشيوعيون التفوا حول عبد الكريم قاسم وقالوا إن هذا سيعتقل عليك ويجعلك في الصف الثاني .. وأنكر إن أنتوني ناتج كان وزيراً للمستعمرات البريطانية .. جاء وحضر عبد الكريم قاسم .. وقال له إن الجماعة حيسبوا لك مثل ما أساءوا لمحمد نجيب .. وبعد الكريم قاسم تلقى رسالة من سفارة الجمهورية العربية المتحدة موزعة في ١٨ / ٧ أى بعد الثورة بأربعة أيام وأضيفت إليها جملاً لم تكن في أصل البرقية .. والذي أضاف الجمل هم الشيوعيون .. الظاهر كان عندهم مكتب استخبارات .. ينتلقى المخابرات من السفارة .. وأضافوا هذه الجملة « أن الجماعة يبيتوا لك للخلاص من عبد الكريم قاسم .. فهنا حدث الانشقاق .. وجاء الشيوعيون وكسروا موجات الوحدة .. وأعلنوا نحن ما نريد وحدة بل اتحاد فيدرالى .. لم يكونوا يؤمنوا بالوحدة ولا بالإتحاد الفيدرالى لكن حتى يكسروا الموجة .. يعنى اعتقد الأطماع الشخصية بين الشخصيتين هي التي قادت إلى الابتعاد » .

• ويقول أحمد حمروش : « دخلت العلاقات مع الاتحاد السوفيتي في مرحلة فتور .. خروشوف يقول « لا تبصق في بئر قد تحتاج إلى مياهه » .. واستأنفت أمريكا مساعداتها الاقتصادية لمصر .. وعادت العلاقات مع بريطانيا » .

• ويقول طارق البشري : « في ختام عام ١٩٥٨ بادر حسين عرفة فور سماعه هجوم عبد الناصر على الشيوعيين في خطبته في ٢٣ ديسمبر باعتقال الضباط ذوي الميل اليسارية قبل أن تصدر إليه أوامر بذلك » .

• ويقول عبد المجيد فريد : « وبعد أشهر زاد نشاط الشيوعيين في بغداد وبدأ يؤثر على العلاقات القومية ما بين مصر ومندوبها وبين القيادة العراقية .. وتصور الشيوعيين في ذلك الوقت أنه ممكن يبقى الاتحاد السوفيتي بدلاً لعبد الناصر .. تحركوا من القاهرة إلى بغداد .. والثورة العسكرية ما عندهاش مساندة في الشارع فهم أعطوها المساندة من الشارع .. مظاهرات في الشارع .. لوح .. هتافات شعبية .. قطعوا أخذت مساندة من الشارع .. واستمرت علاقتنا لعدة أشهر .. بعدها ساءت العلاقات .. وحصلت ثورة داخلية « ثورة الشواف » ساندوها .. واتحاکم

هناك في العراق .. وعندنا من بغداد قعدت ستة أشهر .. ثم توليت منصب أمين عام رئاسة الجمهورية » .

• ويقول عبد اللطيف بغدادى : « كنا نسمى أن العراق تنضم إلى سوريا وتبقى وحدة عربية شاملة .. وعبد الكريم قاسم كان ضد هذا .. سيطر عليه الشيوعيون وحدث صدام بيننا وبينهم » .

• وفى هذه الأثناء .. وكما وقع خلاف بين ناصر وبعض زملائه .. وقع الخلاف بين ناصر وعامر بعد أن قرر ناصر تكوين مجلس للرئاسة ...

• ورفض عبد الحكيم مجلس الرئاسة شكلاً وموضوعاً .. وقبل عبد الناصر الأمر الواقع .. وهذا الصراع بين الرجلين ...

• ويقول محمد فائق : « فى ٦١ بعد الانفصال عن سوريا .. كان حصل أزمة فى داخل مجلس الرئاسة وقتها ... وانفرد عبد الحكيم عامر بالجيش تماماً وأغلق الجيش عليه .. لدرجة أنى سمعت الرئيس عبد الناصر نفسه يقول هذا الكلام : بأعتقد إنه حصل إنقلاب جزئى .. كان المفروض يعنى عبد الناصر كان عاوز أن التعيينات فى القيادات كلها تتم بمجلس الرئاسة وكان عاوز يعمل تغييرات جذرية فى قيادات الجيش .. وعبد الحكيم عامر غضب وقعد فى الصعيد .. وبطبيعة الحال كان الوضع دقيقاً جداً وكان ده يعتبر نوع من الانقلاب الجزئى لعبد الحكيم عامر .. وبطبيعة الحال الموضوع ده طال شوية ولم يعالج العلاج الحاسم فى وقتها لأسباب كثيرة .. كان فيه أسباب كثيرة جداً » .

• وأسأل الفريق أول مرتضى : أساس الخلاف بين المشير وبين عبد الناصر ؟

• « كان الأساس كله إن مجلس قيادة الثورة كان عاوز المشير لا يدخل فى أى مهمة تنفيذية .. المشير كان القائد العام للقوات المسلحة .. وعبد الناصر هو الذى كان يقول لى هذا الكلام .. فبعد ما وافق المشير على هذا الإجراء أن هو ما يقلش دعوة بالقوات المسلحة .. رجع ثانى فى كلامه وأصر على إنه يستمر قائداً للقوات المسلحة .. ده السبب » .

• ثم عاد المشير ؟

• « آه عامر رجع فى كلامه وقال أنا لا أترك القوات المسلحة .. علشان كده عبد الناصر عمله علشان يغطى هذا الموضوع نائب القائد الأعلى .. وليس قائد القوات المسلحة » .

• ويقول محمد أحمد : « هو لما كان عمل مجلس الرئاسة بعد الانفصال .. وعلشان عبد الحكيم عامر يترك الجيش .. والثانى غضب وراح إلى مرسى مطروح .. وبدأت المشاكل .. وهو كان حريصاً على عدم حدوث أى انقسامات أو مشاكل فى الجيش بالذات » .

• وأسأل د . الجوهري : حضرتك ذكرت فيما ذكرت « قرارات مجلس الرئاسة كانت حبراً على ورق لأنها كانت تصدر بالتمرير » ؟

• هذا صحيح .. الحقيقة القرارات بتاعة مجلس الرئاسة كانت بتتعمل فى إدارة شئون الضباط .. وكان فيه مجموعة منهم طلعت خيرى بتاع الشباب .. القرارات بأخونها يمرروها على الأعضاء .. اللى يوقعوا عليها .. ماحصلش اجتماعات فى مجلس الرئاسة » .

• ويقول أحمد حمروش إن زكريا محبى الدين قال له : « مجلس الرئاسة كان تشكيلاً يستهدف إبعادنا عن السلطة التنفيذية الفعلية .. وإنه لم يتحول أبداً إلى قيادة جماعية » .

• وأسأل عبد المجيد فريد : هل كان الرئيس يعلم كل شيء .. ولا بعض الأشياء كانت مخفية عنه ؟

• الرئيس قال لعامر أحنا دلوقت فات على الثورة ١٠ سنوات .. ففى رأيي أن موضوع القيادات العسكرية نجيب فيها ناس فنيين لهذا الموضوع .. إحنا بقى سياسيين .. مثنين فقط .. بما فى ذلك وزير الحربية .. بمعنى إن المشير عامر .. لا يبقى وزيراً للحربية لكن مسئولاً مندياً فى داخل الحكم .. نائباً للرئيس .. إنما لا يقود التشكيلات والقيادات العسكرية .. المشير عامر فى ذلك الوقت اعتبرها إنه بيجاول يزحلقه فزعل .. كان فيه اجتماع لمجلس الرئاسة وكان طلب منى الرئيس عبد الناصر كسكرتير الاجتماع أن أحضر قراراً جمهورياً يحد من سلطة وزير الحربية والقائد العام .. فى الترقية وتولى المناصب القيادية الكبرى .. بمعنى رتبة عقيد فقط فما فوق تبقى سلطة مجلس الرئاسة .. اعتبرها المشير سلباً لسلطاته وغضب ومشى وبعدى حصل فترة كان فيه انفصال ما بين القائد العام ووزير الحربية والجيش ورئاسة الجمهورية .. أحس عبد الناصر ذلك من بعض المعلومات وبعض الاتصالات .. وبدأ الزملاء اللى فى مكتب عبد الحكيم عامر يومسوا إلى التشكيلات العسكرية يقولوا لهم لو حصل خلاف بين عبد الناصر وعبد الحكيم إنتم حثبقوا فىن ؟ تكررت فى المنطقة المركزية .. وتكررت فى المنطقة الشمالية .. تكررت فى منطقة أسبوط من القيادات العسكرية .. فهنا الرئيس خاف على أن تحدث حرب أهلية لو استفحل هذا العداء .. فوطى رأسه وقبل ما طلبه عبد الحكيم عامر بأن يبقى الوضع كما هو ويبقى هو المسئول الأول والأخير .. ومنذ هذه اللحظة بدأ لا يعرف كثيراً عن الجيش .. لأنه كان هذا من ضمن شروط عبد الحكيم فى ذلك الوقت .. إن المعلومات من الجيش ما تجيش إلا عن طريقه .. فهو المسئول وهو اللى يعطيه المعلومات » .

• ويقول الفريق أول محمد فوزى : « فى مجلس الرئاسة وقت ما الرئيس عبد الناصر وزملاؤه كانوا عابزين يخلوا لمجلس الرئاسة شئنا من الكيان من ناحية السلطة بأنهم يعينوا القادة الكبار للقوات المسلحة .. بدأت الأزمة .. من الصعب الشعب يعرف هذه الأحداث ولا القوات المسلحة تعرف حاجة من الاثنين .. بالرغم من إنهم كانوا أصدقاء جدا .. طبعاً » .

• وأسأل أمين هويدى : هل كان هناك صراع على السلطة بين القادة ؟

• « أنا سأقول لك حكاية .. مرة لما مات الرئيس عبد السلام عارف أنا كنت وقتها وزيراً للإرشاد .. الرئيس عبد الناصر كلمنى فى التليفون الساعة ٧ صباحاً .. وكان الرئيس

عبد السلام راكباً طائرة وقيل إنها تاهت أو أن العاصفة حجبته .. الرئيس قال لى إيه أخبار طائرة عبد السلام ؟ قلت له الأخبار حتى الآن مش واضحة .. الرجل قال لى .. يا أمين .. عبد السلام مات وشبع موت .. وصوته إنكسر .. وكأنه كان يبكي على الطرف الآخر من الخط .. وقال لى فوت على لأنك سوف تصافر مع عبد الحكيم فى بعثة علشان التتعية .. فت عليه قبل الميعاد اللى كان مخصصاً للمشير بنصف ساعة .. تكلمنا وقال لى اللى هو عاوزه .. جاء الموعد بناع المشير ولم يحضر .. حببت أستاذن من الرئيس قلت له أسبق على المطار .. قال لى ما إنت قاعد شوية .. فأت عشر دقائق .. ربع ساعة .. ثلث ساعة .. نصف ساعة ولم يحضر المشير .. الرئيس قام ولونه كان متغيراً وقال لى يأخى .. المشير حتى المواعيد أصبح لا يحترمها .. شىء غريب .. عبد الحكيم اتخذ سياسة بعد الانفصال الذى تسبب فيه .. بإذنه حجب أى تدخل من أى جهة داخل القوات المسلحة .. وأنا أؤكد أن الرئيس عبد الناصر لم يكن قادراً على أن يبذل أى جهد أو يتخذ أى إجراء ضد القوات المسلحة .. تقول لى هل يصح هذا .. حاقول لك لا .. من المسئول على أن يوصل الأمور إلى هذا الكلام .. أقول لك الرئيس .. ما كان يجب عليه أن يسمح لقائده فى القوات المسلحة أن ينفرد بالقوات المسلحة بهذا الشكل ..

● ونادت مصر بالقومية العربية من المحيط إلى الخليج ..

● وكما ساعدت مصر العراق والجزائر .. ساعدت أيضاً المغرب ..

● ويقول حسن فهمى : « إحنا ساعدا المغرب فى بعض النواحي .. أسلحة للقطاع الشمالى .. ومن حسن حظ المغاربة أن الأسباب كانوا يحتلون الجزء الشمالى والمنطقة الجنوبية .. والفرنسيين فى الوسط .. السلطان فى الرباط .. ونائب السلطان فى المنطقة الشمالية فإحنا أرسلنا سلاحاً .. وأرسلنا ضابطاً اسمه عاطف عبده سعد .. قدم معاهم علشان يعملوا حركات ضد الفرنسيين .. وكان زميلى أحد الضباط الـ ١٩ اللى اتقبض عليهم معي .. لكن المغاربة قاموا بثورة كبيرة بيسمونها ثورة الملك والشعب ضد الفرنسيين .. حتى لما قامت حرب ٥٦ وإسرائيل هجمت على مصر .. جاء بعض المغاربة وقفوا معنا وذبحوا كام واحد .. »

● وأسأل أحمد سعيد : لو رجعنا بالذاكرة للوإراء ماذا تقول لنا عن ما قلته أيام زمان عن لى الملك محمد الخامس من المغرب ؟

● « أتذكر شيئاً مهماً جداً .. عندما قامت الثورة قررت أن نعمل برنامجاً .. يعبر عن وجهة النظر العربية الثورية والتحررية والوحدوية .. بدأ البرنامج تقليدياً لمدة نصف ساعة يومياً .. يعنى مواد تقليدية .. إلى أن فوجئنا بعد شهر من بداية صوت العرب وإحنا لمة نصف ساعة .. فوجئنا إنه حصل صدام بين مستعمرة فرنسا اللى فى المغرب .. وبين الملك محمد الخامس .. وإن الملك محمد الخامس رفض المطالب الفرنسية لدرجة إنهم عزلوه وعرضوا العرش على ابنه الحسن .. الملك الحالى .. ورفض الحسن أيضاً هذا رغم صغر سنه .. وعدم إدراكه للوضع السياسى بصفة عامة .. فكانت النتيجة محمد الخامس وإبنه ومراته وولاده وبناتهم إنشالوا هبلا بيلا أرسلوهم إلى المنفى فى المحيط الهندى .. وإحنا بنقول إننا إذاعة ثورية وحدوية تحررية

فوضع طبيعى إننا نعبر عنها .. وهذا محسوب للحقبة الناصرية فى المنطقة العربية لأن عبد الناصر اعتبر فى العالم زعيماً للمنطقة وأصبح له تأثيراً فى دول إفريقيا .. ودول آسيا .. ودول أمريكا اللاتينية .. وخرج عبد الناصر من تحت العباء المصرية .. إلى العباء العربية .. إلى العباء الإفريقية .. إلى العباء العالمية .. فهذا أهم حدث » .

• ويقول أمين هويدى : « بوجه عام أنا أعتقد أن الخدمة فى جهاز المخابرات العامة .. هى من أشرف الأعمال والمسئوليات التى أت إلى ويمكن لمواطن أن يتحملها .. وأنا أعتبر نفسى أحد الذين بنوا هذا الجهاز من أوائل نشأته وتدرجت فيه إلى أن وصلت لرئاسته .. حدث وزى ما قلت .. أنا أقول إن المخابرات العامة قامت بأعمالها فى البلاد العربية .. يعنى مثلاً أول من اكتشف المفاعل النووى لديمونة بتاع إسرائيل كان المخابرات العامة المصرية وإحنا الللى اكتشفناه » .

• وأصبحت مصر .. تتزعم الدول العربية .. وأصبح ناصر زعيم العرب ..

• وأسأل حافظ إسماعيل : ألم يكن يريد الرئيس عبد الناصر كما يقول البعض أن يصبح زعيماً لكل العرب ؟

• عبد الناصر كان زعيماً لكل العرب شئنا أو لم نشأ .. وكان زعيماً حياً أو ميتاً .. لأنه تحدى النظام الحاكم للمنطقة ولم يكن يريد أن يتغلب على الملك فيصل أو إمام اليمن .. كان يريد الزعامة بمعنى أن تصبح الهيمنة فى المنطقة العربية للإرادة العربية .. ولكن ترجمة هذا إلى أفعال فى عالم تسيطر عليه أمريكا .. ثم روسيا .. كان عملية صعبة جداً .. إن الحقيقة إن العرب كانوا يحترموا عبد الناصر ... حتى لما يكرهوه .. فيه احترام شديد جداً .. وكانوا يريدوا الشخص القوى الللى يستندوا إليه .. وفى نفس الوقت ما يتبعهوش » .

• ويقول أمين شاكر : « أبوه إحنا عملنا الحزب الوطنى الاشتراكى .. وعملنا له قواعد فى السودان .. وانتخابات برئاسة إسماعيل الأزهري ودى الللى أثارت علينا حزب الأمة .. ويعدين سوريا .. ويعدين العراق .. ويعدين السعودية ويعدين المغرب .. لإنك عارف إن الفرنسيين كانوا عاوزين يخلعوا الملك محمد الخامس من على المركب وإحنا نزلناه فى السويس .. ويعدين تونس وعدوان بنزرت .. وثورة الجزائر » .

• ويقول خالد محبى الدين : « هو كان فى أعماقه إن مصر لا تقدر أن تعيش بدون سياسته .. وهو يمارس هذه السياسة سواءاً كانت صحيحة أو خاطئة فى جرة .. والصدمات كان يمكن تجنبها ولكن هذه قصة ثانية .. ولكنه كان مقتنعاً أن مصلحة مصر مع مصلحة الأمة العربية أمناً .. اقتصاداً .. سياسة .. وأن مصر قيمتها فى أنها قيادة .. والا ٣٠ مليون مصرى هم الللى بيقتودوا لأن دورهم قيادى فى الأمة العربية » .

• وأسأل أحمد كامل : يقولون تدخل الرئيس عبد الناصر فى شئون الدول العربية كان أحياناً لمصلحة الدول العربية .. وأحياناً أخرى لمصلحته الشخصية .. هل هذا الكلام صحيح ؟

■ لا .. الكلام الصحيح إن عبد الناصر كان يتدخل في الشؤون العربية أحيانا .. دفعاً للاستعمار بعيداً عن الدول العربية .. ولو نظرنا إلى الخريطة قبل ٥٢ .. وشفت الاستعمار الفرنسي والبريطاني في كل الدول العربية وحتى الإفريقية ستجد أن شكلها تغير بعد عبد الناصر كثيراً جداً .

• وأسأل لطفي واكد : حضرتك قادت إنقلاباً ضد عبد الناصر .. ألهذا سجنك ؟

■ أنا عمري ما قدت إنقلاباً ضده .. ولا كنت أرضى أن أشارك في إنقلاب ضده .. أنا كنت بأعمل إنقلاباً لمصلحته .

• اللي هو إيه ؟

■ اللي هو أنا أنبيه دائماً إلى مخاطر الديكتاتورية .. إذا كانت المسائل كانوا ببوصلوها خطأ .. تبقى الأجهزة هي المسئولة إلى درجة تصويرها بالتأمر .. هو من المؤكد إنه كان متأكد إن مافيش تأمر .

■ في أي فترة يافندم ؟

■ ٦١ بعد انفصال سوريا مباشرة .

• وحوكمت وسجنت ؟

■ وحوكمت في محاكمة مع الدجوى .. وكان متخصصا في إصدار الأحكام الباطلة ويحلف على المصحف ويحكم ضده .. فأنا أعطاني ١٥ سنة ما قعدتش منهم غير ٢٧ شهر وخرجت .. وأنا فضلت سديناً حقيقياً له حتى جئنا بعد الوحدة .. بدأت الصداقة تتحول إلى علاقة رئيس بواحد مرؤوس .. إنما قبل كدة كانت علاقة اثنين من الأصدقاء .. كانت عملية تجريده من الصديق دى قضية مؤامرة ضده .. فالإنسان لا يستطيع أن يكون معتقراً نفسياً وليس له صديق .

• ويقول حلمي سلام : تدخل عبد الناصر كان دائماً من أجل تحرير الدول .. وهذا بحسب له .

• وحدث خلاف جزائري مغربي على الحدود .. كما حدث خلاف عراقي كويتي ...

• ويقول سامي شرف : لما عبد الكريم قاسم وهو نظام جمهوري .. بغض النظر إنه كان شيوعياً ده مش موضوعنا .. لما حاول يعتدي على الكويت جمال عبد الناصر .. لم يتردد أن يدافع عن الكويت .. الحكم الملكي .

• كان إمتي يافندم ؟

■ بعد سنة ٦٠ .. وراح إبراهيم عبد الغفور العراقي اللي هو كان رئيساً لأركان القوات المصرية أيام حرب الخليج .. قائداً لكتيبة المدرعات اللي راحت دافعت عن الكويت .. ضد محاولة

عبد الكريم قاسم .. فالمسائل دى لم تكن تؤخذ بشكل شخصى ولم تكن مزاجية .. لكن كانت مبدأ .. المبدأ حائضه فى كلمتين .. « نحن مع التحرر » .

• وأسأل الفريق سعد الشاذلى : واشتركت قواتنا المصرية العسكرية فى العراق .. ماذا تتذكر عن هذا ؟

• « أرسلت كتيبة إلى العراق لأن كانت فيه مشكلة أثرت بين العراق والكويت .. وكان هناك تهديد بالتدخل الغربى فى هذه العملية .. فى هذه البقعة .. جمال عبد الناصر سبق الأحداث بأنه قال إن الموضوع يسوى عربيا .. وأرسل قوة كتيبة على ما أنكر بس أنا لم أكن موجوداً فى القاهرة كنت ملحقاً عسكرياً .. أرسل قوة إلى العراق علشان تشرف على هذه المنطقة .. وتمنع التدخل الأجنبى » .

• وساعت مصر دول القارة الإفريقية مساعدة كبيرة .. وكانت بصماتها واضحة فى كل من كينيا .. وتجانينا وزنبار .. وفى محاربة الانفصال فى نيجيريا .. ودعم الحكم الجديد فى الكونغو ...

• ويقول د . حاتم : « الشعب المصرى بطبيعته إنه يقول نكت ولو على نفسه .. لأنه يحب النكتة .. وهذه طبيعة من قديم الزمان .. فكان مثلاً نتيجة الإذاعات الموجهة كان عندنا إذاعات موجهة لجميع أنحاء إفريقيا .. ٣٤ لغة .. كل يوم تطلع ثورة نتيجة الإذاعات المصرية الموجهة .. ثورة فى غينيا وكنت أنا المتحدث الرسمى .. فيقولوا صرح عبد القادر حاتم بأن الحكومة المصرية تؤيد ثورة غينيا .. ثانى يوم ولا ثالث يوم تقوم ثورة فى غانا .. صرح فلان الفلانى بأنه يؤيد كذا .. وهكذا كل دولة إفريقية .. وكانت الثورات مستمرة .. ففى يوم من الأيام كان فى فيلم اسمه « ثورة على السفينة باونتى » فقالوا صرح عبد القادر حاتم بأن ثورة مصر تؤيد الثورة على السفينة باونتى !! »

• وأسأل د . مراد غالب : ووقفت مصر إلى جانب أكثر من حركة تحريرية أخرى فى إفريقيا ؟

• « مصر كانت مركزاً لتحرر إفريقيا .. وكل الزعماء الكبار اللى إحنا بنشوفهم لا ينسون مصر .. ولا ينسون جمال عبد الناصر .. ولا ينسون الأستاذ محمد فائق .. وأنا بأقول وبأفخر به لأنه كان المسئول عن الشؤون الإفريقية .. وهو كان حلقة الوصل بين الرئيس وبين إفريقيا .. أحدهم مثلاً يكى مرة وهو يتكلم علينا .. قال بعد ٦٧ نحن لا ننسى جمال عبد الناصر .. مصر كانت بتعلب دوراً مش بس فى إفريقيا .. يمكن فيه ناس ما يعرفوش إن الثورة المصرية كان لها تأثير كبير جداً فى العالم الثالث كله ولها تأثير حتى فى أمريكا اللاتينية .. وكانت مجموعة من الضباط فى الأرجنتين كانت مسمية نفسها « ناصريزم » بالنسبة إلى عبد الناصر .. دى كانت مجموعة من الضباط الأحرار .. عاوز أقول إن الثورة أعطت الكثير لحركات تحرير إفريقيا .. وكانت نموذجاً بالنسبة للعالم الثالث فى التطور السياسى والاجتماعى .. وخصوصاً فى معركة الحرية » .

• **ويقول تحسين بشير :** « مصر كانت تؤيد تأييداً سياسياً الحركات الجديدة .. فكان الوفد المصرى فى نيويورك .. وكان يستقبل زعماء الحركات السياسية التى بعد كده أصبحوا زعماء الدول .. ولما كانوا يبيجوا إلى مجلس الوصاية ويتقدموا بطلبات يطلبوا الحرية وإحنا كنا بنساعدهم سياسيا .. وكان الرجل المختص بالعملية دى فى مصر وفى إفريقيا السيد محمد فائق .. وكان يقوم بعمله بكفاءة شديدة جدا .. وكانت الأجهزة المصرية بتساعدهم دون أن تملئ عليهم أى شئ » .

• **يقول محمد فائق :** « كنت فى الرئاسة .. كنت مدير مكتب رئيس الجمهورية للشئون الإفريقية لكن كنا بنجد إنه من المهم أن نعمل علاقات ومصالح اقتصادية ونتاجر مع إفريقيا .. فيه عقبات صغيرة جدا لا يمكن تمشى مع الروتين العادى .. لازم يتكسر هذا الروتين .. وأنا كنت بأحاول أكسر هذا الروتين .. مثلا « شركة النصر » لما بعثناها إلى إفريقيا .. تأخذ عملية التجارة مع إفريقيا كلها .. فكلنا بتدعمها بهذا العمل فاستطاعت أن تلعب دوراً مهماً جداً حتى فى تسويق البضائع الإفريقية .. مش بس لها .. ولكن العمليات الأخرى .. بإعتبار شركة النصر كان لها مكاتب فى كل أنحاء العالم .. وباعتبار إننا كنا فاتحين على الكتلة الشرقية وما كنش أى بلد من دول تستطيع أن تتعامل معها .. فكان المهم إيجاد مصالح مشتركة مع الأفارقة باستراتيجية معينة .. إحنا نحاول أن ندعم هذه الدول من غير أن نتدخل فى شئونها أيضاً » .

• **ويقول جمال حماد :** « كانت شركة النصر للاستيراد والتصدير بمكاتبها المختلفة فى إفريقيا متعددة الأغراض » .

• **وأسأل سعيد حليم :** هل كانت فيه أموال مرصودة لتأمين الثورة وكان فيه شركات تتكون لأغراض سياسية ؟

• « هو المفهوم خاطيء .. المعروف إن أى جهاز مخابرات فى العالم لا يمكن للحكومة أن تمول نشاطاته وبالتالي لأداء عمله .. بيسموها محطات .. إن أنا أعمل مثلا شركة يبقى فيها أفراد المخابرات من الخارج علشان تغطى إن هؤلاء مخابرات .. وهى شركة تجارية .. إنما لم يكن أصلا الهدف منها الربح .. بل هو تغطية لعمل المخابرات .. ومع هذا عملية إنشاء الشركات لتغطية أعمال المخابرات دى موجودة فى كل العالم .. يعنى مثلا شركة ثل فى مصر زمان كانت للإنجليز » .

• كانت شركة إيه بالنسبة لنا إحنا ؟

• « مش فاكّر بس الذى أعرفه إن مثلا فيه مكاتب تجارية اتعملت فى بعض الدول الشرقية .. حتى عملية « الحفار » .. كان مندوب الشركة هو الذى كان أصلا بيعمل فى هذا الموضوع » .

• **وأسأل الفريق سعد الشاذلى :** كنت قائداً للقوات المصرية التى شاركت فى الكونغو بالتحديد ؟

• « فى هذا الوقت كانت هناك وحدة بين مصر وسوريا .. وعندما وافق جمال عبد الناصر أن

يرسل قوات تحت علم الأمم المتحدة اختاروا كتيبة مظليين مشتركة من المصريين والسوريين .. وكانت تسمى الكتيبة العربية بالكونغو .. وكنت أنا القائد لها .. هذه الكتيبة كانت مكونة من حوالي ثلثين من مصريين .. والثلث سوري .. وذهبنا إلى هناك .. وكان في هذا الوقت الحكم في يد لومومبا وكانت اتجاهات لومومبا كقائد ثوري تتماشى مع اتجاهات عبد الناصر .. ولكن بعد أن مكثنا هناك بضعة أشهر حدث انقلاب موبوتو .. وكان موبوتو معادياً للسياسة المصرية .. ومن هنا خلال هذه الفترة كانت هناك مشاكل بيني كقائد للكتيبة العربية وبين قيادة الأمم المتحدة .. هذا من ناحية .. ومن ناحية أخرى العلاقة بين الكتيبة والقوات الكونغولية .. قدمت هناك حوالي ٧ أشهر .. وعندما اشتد الخلاف بين جمال عبد الناصر من ناحية وبين القيادة الزائيرية أو القيادة الكونغولية في هذا الوقت تقرر سحب القوات .. وحصل خلال هذه الفترة ما كان له أثر على العلاقة بيني وبين أحمد إسماعيل الذي عين فيما بعد ذلك وزيراً للحربية وقائداً عاماً للقوات المسلحة .. في خلال المرحلة الأولى لما كانت العلاقة طليقة بين مصر وبين الكونغو .. طلب لومومبا إرسال بعثة مصرية لتقوم بالإشراف على تسليم الجيش الكونغولي .. وعين أحمد إسماعيل في هذا الوقت رئيساً لهذه البعثة .. وكان برتبة عميد وأنا كنت وقتها قائداً للكتيبة عقيد .. فلما وصل أحمد إسماعيل إلى الكونغو وحصل الانقلاب بتاع موبوتو وأصبحت عملية البعثة المصرية مرفوضة رفضاً باتاً - أصبح أحمد إسماعيل في الكونغو بدون عمل - فحاول أن يجد لنفسه عملاً يدير بقاءه فحاول أن يتدخل في شئوني كقائد للكتيبة العربية بصفته إنه عميد وأنا عقيد .. قلت له لا إنت جاي في مهمة ... وأنا هنا قائد القوات ورفضت هذا .. واشتد الخلاف بيننا .

* ويقول أحمد حمروش : لم يتردد جمال عبد الناصر في مساعدة لومومبا .. وثار الكونغو .. وجعل من القاهرة مقراً لحركات التحرر الإفريقية .

* ويقول د . مراد غالب : « وقت إفريقيا معاً أو معظم الدول الإفريقية .. وطبعاً آسيا أيضاً .. الهند والصين وقتوا أيضاً مع لومومبا .. وبالتالي كانت معركة كبيرة جداً .. ماقمناش مدة طويلة فيها لأنه أخرجونا من الكونغو بعد لومومبا بعد ما قبضوا عليه .. لأنه هرب من مكانه .. لكن إحنا استطعنا على كل حال - وأنا أقدر أقولها دلوقت - تهريب أولاد لومومبا وزوجته بعد كده .. وطبعاً ده خلاهم بشيطوا غضبا .. لأننا استطعنا إن إحنا نهربهم تحت أعين المخابرات البلجيكية والأمريكية .. وكان معي المشير أحمد إسماعيل كمستشار عسكري في السفارة .. وكان معي مجموعة كبيرة من الضباط على جانب كبير من المعرفة والدراية .. منهم من أصبحوا سفراء زى مدوح مصطفى حنفي .. فدل كانوا معي في الكونغو .. كانت معركة واتعرضنا فيها لهجمات بالأسلحة المختلفة .. وأنكر إنهم هاجموا السفارة ودخلوا المكتب بتاعى بالسنتي ولكن استطعنا إن إحنا نفلت من كل هذا .

● وانتهجت مصر (عبد الناصر) الطريق الاشتراكي ...

* ويقول د . عبد العظيم رمضان : « ترتب على الطريق الاشتراكي تغيير مفردات الوحدة ..

وهى التى عبر عنها عبد الناصر بتعبير « وحدة الهدف قبل وحدة الصف » .

• **ويقول د . حسن عباس زكى :** « الواقع إن فعلاً بالنسبة للدول العربية النظام الاشتراكي لا يناسبها .. لأنه نظام ما يتمشاش مع تفكيرنا الإسلامى ده من ناحية .. بعض الدول ترى أن هذا النظام فيه بعد عن الأسلوب والتقاليد والعادات فى حرية التجارة وحرية التحولات وحرية أن يختار الإنسان لنفسه أى شىء وإن ده فيه تدخل أكثر مما يلزم .. وبعبدين فيه خوف أن تطالب الطبقات الكادحة فى هذه الدول - وهى طبقات لها قوتها - بحقها إن هذا النظام يؤثر فيهم .. النقطة المهمة أيضا إحنا لازم نسلم مثل علشان إحنا مصريين يعني .. إن ما يسرى فى مصر يؤثر على المجتمع العربى كله .. مصر تبقى اشتراكية .. المجتمع العربى يميل إليها .. ولذلك بعد كده تلاقى سوريا والسودان وليبيا تحولوا .. وتلاقى إتحادات كثيرة حصلت فى إفريقيا .. لإن عبد الناصر كانت له قيادته الحقيقية وكان له اسم .. والناس كانت بتطمئن إلى الخطط التى يضعها .. فهذه أثرت طبعاً على الدول العربية وما كانتش مستريحة لهذا الوضع » .

• **وأصبح من العسير إقامة وحدة بين مصر وأى دولة عربية لا تأخذ بالنظام الاشتراكي ...**

• **ويقول محمد فائق :** « هذا لا يمنع إن الوحدات التى تمت كانت نموذجاً جيداً .. لأنها ما فيش شك حلت بعض مشاكل هذه الأقطار .. لكن كان فيه اعتقاد إن الوحدة علشان تتم وتبقى .. لابد إن مثلاً من توحيد الجيش .. التوحيد الثقافى .. التعليم .. الخ .. لكى تبقى الفكرة قائمة معنى .. قد تختلف الأساليب .. طول عمرنا بنقول إن الوحدة بتديك قوة ما فيش شك » .

• **ويقول عبد الرحمن النبضاني :** « الخطأ كان فى التدخل فى الشؤون الداخلية للدول العربية الأخرى .. وأعتقد أنه عندما ينادى بالوحدة العربية فلا بد أن يهاجم العناصر التى تعارض الوحدة العربية .. لكن الخطأ الأكبر فى نظرى أو الخطأ الوحيد .. إن الدعوة إلى الوحدة السياسية سبقت الدعوة إلى التكامل الاقتصادى العربى .. كان المفروض أن تبدأ الدعوة بالتكامل الاقتصادى العربى .. معنى لا حل إلا أن نوحّد الاقتصاد العربى طبقاً لاتفاقية الوحدة الاقتصادية التى وقعناها فى أبريل ٥٣ فى « بجمدون » فى لبنان .. كنا ٧ دول وقعنا هذه الاتفاقية للتبادل والتعريفية الجمركية .. لو تكاملنا اقتصادياً .. التكامل الاقتصادى سيفرض التكامل السياسى وليس العكس .. ولذلك .. الخطأ الوحيد إننا بدأنا بالتكامل السياسى والوحدة السياسية وحاربنا التكامل الاقتصادى بالاشتراكية والتأميمات وما إلى ذلك .. مع احترامى لكل ما حدث فى مصر .. لكن هذا رأى الشخصى » .

• **وأساءل حسين الشافعى :** يقال إن الثورة بدأت تتدخل فى شئون الشعوب المجاورة .. ودخلت فى معارك كلفت المصريين الكثير .. ما رأيك ؟

• **« شوف يا طارق .. التى إيده فى النار مش زى التى إيده فى الماء .. ودى تبقى التقديرات التى ما بقدرش عليها إلا التى حاسس بالمسئولية الكاملة لأن إحنا كبدا لها تاريخها .. وأنا بأعتبر إن مصر دى المكان القاعد فى العالم العربى إذا ما كانتش أهلها على مستوى القيادة فى دورات**

الزمن فلا بد وأن تتصارع أقوى القوى ليكون لها موضع قدم فى هذا المكان .. هى جعبة السهام .. كنانة الله فى أرضه .. من مسها بمسء قسم الله ظهره .. ولما يقول الرسول ﷺ : « إذا فتح الله عليكم مصر فاتخذوا منها جندا كثيفا فإنهم خير أجناد الأرض » .. فيسأله أبو بكر لماذا هم خير أجناد الأرض يا رسول الله ؟ .. فيقول : « لأنهم هم وزوجاتهم فى رباط إلى يوم القيامة » .. رباط اجتماعى .. فلازم يكونوا حملة سلاح لأنهم فى المكان القادد .. هذا قدرنا .

• أدى ذلك إلى إنقسام العالم العربى إلى قسمين .. قسم يتبع المنهج الاشتراكى ويعتمد خارجياً على الاتحاد السوفيتى .. وقسم يتبع النظام الرأسمالى ويعتمد سياسياً على الولايات المتحدة الأمريكية .. وهنئت الجمهورية العربية المتحدة بالانحساب من مؤتمرات القمة وكانت حرب اليمن إحدى ظواهر هذا الانقسام ...

• ويقول محسن محمد : « فى أواخر سنة ١٩٦١ هاجم الإمام أحمد القوانين المصرية الاشتراكية وانتقدتها فى قصيدة .. فأعلن عبد الناصر حل اتفاقية للدفاع مع اليمن .. وبدأ الإعلام المصرى بهاجم الإمام » .

• وكانت اليمن تعيش فى العصور الوسطى عندما قامت بها الثورة التى دعمها عبد الناصر ...

• ويقول عبد اللطيف بغدادى : « حرب اليمن جاءت صدفة .. للحق وللتاريخ .. وأول طائفة نزلت فى تاريخ حياتنا كنت أنا سنة ٤٨ مع ثورة الوزيرى وقالوا بعثوا وفدين للجامعة العربية .. وأنا الذى رحلت بالوفد ده .. كنت عارف طبيعة اليمن .. عصر ما قبل التاريخ .. وحصلت ثورتهم .. كان أنور السادات يعرف البيضانى .. وعن طريق البيضانى قالوا يظهر حيحصل ثورة فى اليمن غير ثورة الوزيرى ودى سنة ٦٢ .. جمال عبد الناصر الحق يقال قال مالناش دعوة .. لأنه كان حصل الانفصال وكان فيه مؤتمر شتورة فى لبنان .. وسمع بقى العرب بيهاجمهم .. والصحفيون اللى كانوا بيقيموا يمدحوا فيه .. يبسبوا ويلعنوا فيه .. فقال لك ماليش دعوة .. وبعدين حصلت الثورة .. طالبوا بقوة رمزية مساعدة .. علشان تأييد الوضع .. وقالوا البدر ولى العهد فى ذلك الوقت .. قُتل .. من هنا إلى هنا .. جمال عبد الناصر بعث بقوة بسيطة .. فصيلة على مركب بعد ١٥ يوم » .

• وقد وجد عبد الناصر عند إرسال الجيش المصرى بقوات كبيرة إلى اليمن أن اليمنيين منقسمون فيما بينهم .. فالبعض مؤيد للثورة بقيادة السلال ورفاقه .. والبعض الآخر مثل قبائل الشمال تعادىها .. وزار ناصر اليمن ...

• وأسأل الفريق أول عبد المحسن كامل مرتضى : كنت قائداً لحملة اليمن .. تكلمنا عن ظروف الحرب فى اليمن ؟

• « حرب اليمن من ضمن الحاجات التى كانت لها تأثير مش كويس على القوات المسلحة .. فى حربها مع إسرائيل .. ليه ؟ فى اليمن طيران عنقنا ودبابات وعربات مصفحة وهم

ما عندهم .. إذن كل حاجة كانت فى إيدنا .. يعنى العملية كانت عبارة عن حرب عصابات ..
بظهورها فى حته نروح نضربهم يعنى المناورة والديناميكية بتاع المعركة ما كنتش موجودة ..
كل الناس اللي كانوا موجودين أخذوا فكرة خاطئة عن الحرب .. يعنى التصميم للمعركة اللي
إحنا بنعملها فى وقت السلم إن إحنا نخلى القائد والعسكري تحت ظروف الحرب .. دى ماكانتش
موجودة .. وأثرت تأثيراً كبيراً جداً على التدريب .. علاوة على كده كان الناس لما ييجوا من
مصر القيادة بتدلمهم .. أسوأ وقت مر على القوات المسلحة ..

* سيادة الفريق .. هل حرب اليمن كانت خطأ ؟

* « مائة فى المائة كانت خطأ .. كنا عاوزين إيه من اليمن ؟! كل اللي هناك .. قائم بالأعمال
محمد عبد الواحد .. وكان فيه ناس كثير من الثورة موجودين هنا .. زى البيضاني والزيبر ..
فاللى كان قائماً بالعملية دى السادات .. فقال خلاص الثورة قامت وأى قوات تيجى بس تكون
رمزية .. فبعتنا سرية من اللصاعة .. هذه السرية وصلت من ٢٠٠ عسكري إلى ٥٥ ألف
عسكري .. بحدين ... ياما كتبتنا للرئيس وقلت له إن اليمن لا تفيدنا .. إنما هو كان متصوراً
إزاي يخرج من الحصار الاقتصادي اللي حواليه .. بلان هو يبقى ماسك قناة السويس .. البحر
الأحمر من فوق وخليج باب المندب من تحت .. أنا أفكر إحنا لما كنا فى اليمن .. وبعدها جمعنا
ناصر فى المنتزه .. وكان البعض قد طالب أن نهاجم منطقة جيزان .. اللي هي حدود السعودية
واللى هي أصلها يمنية .. المثير ومعه البعض كان بيحذرن إن إحنا نهاجم جيزان .. فانا فاكرو
الرئيس يقول لى إنت رأيك إيه ؟ أنا عارف اليمن وخدمت فى اليمن .. قلت له إحنا دخلنا اليمن
بسرية ... بقى فيه ٥٥ ألف دلوقتى .. لو دخلت جيزان حادخلها بقى إيه .. كان معمول حسابهم
أن ندخل بلواتين .. قلت له حتقدر تصمد إلى متى خصوصاً إن الأمريكان لأيد إنهم حيساعدوهم
بالطيران .. فالبعض منهم رد وقال إن الأمريكان ملخومين فى فيتنام .. قلت لهم بالعكس دول
عاوزين يثبتوا وجودهم فى الأرض المكتشفة هنا بالطيران بتاعهم .. فانا من وجهة نظرى
العملية فى بدايتها ممكنة لكن ما بعدها هو اللي حيبقى متعب .. فهز دماغه وقال لى شوف إحنا
ما نعملهاش كده .. زى ما هم بيقولوا إحنا نعملها واحدة واحدة .. نروح نضرب بالطيران
ونرجع نشوف حيحصل إيه .. تمسك فى حته وتثبت فيها شوية وترجع .. يعنى عملية « step
by step » (خطوة بخطوة) .. على العموم أنا رايح أقابل فيصل وإن شاء الله نحصل موضوع
اليمن ..

* ويقول الفريق سعد الشاذلى : « اليمن كان لها عيوب .. ومن ضمن العيوب بتاعتها إن الضباط
والجنود اكتسبوا عادات سيئة .. لأن الحرب لم تكن نظامية .. لأن الحرب لم تكن جيش ضد
جيش .. ده جيش ضد عمليات فدائية .. مافيش طيران معادى .. دى أكسبت القوات النظامية
بعض العادات اللي تضرهم عندما يدخلوا فى حرب نظامية .. لكن تقدر تقول برضه إذا نظرنا
إلى الفوائد .. إنه إحنا فى اليمن كنا بنساعد كل الحركات التحررية فى عدن والخليج ..
وهكذا كانت حرب اليمن استنزافاً لموارد مصر .. وسبباً فى الخلاف مع السعودية ...

• وأسال عبد الرحمن البيضاني : الوحدة مع مصر .. هل كانت مجرد فكرة ؟

• « فعلا كانت الوحدة أمل جميع اليمنيين .. وأذكر أن اليمنيين كانوا يشترون أجهزة الراديو الترانزستور من عدن .. ويضبطوها على إذاعة صوت العرب .. ولا يحركون المؤشر عن صوت العرب أبدا .. ولذلك كان لحسن الحظ .. أن سمع الرئيس عبد الناصر في ٢٢ / ١ / ١٩٦٢ سمع لى بالإذاعة من صوت العرب داعيا الشعب اليمنى إلى الثورة وإلى الجمهورية .. وأذكر إننى قبل سفرى إلى صنعاء مع الثورة التقيت بالرئيس عبد الناصر وتكلمنا فى موضوع الوحدة بحضور المشير عامر والسادات .. وكنا كلنا متحمسين للوحدة .. إلا أن الرئيس عبد الناصر أصر على أن الوحدة لا يمكن أن تتحقق بين اليمن ومصر إلا بعد أن ينسحب آخر جندى مصرى من اليمن .. وبعد أن يتم استفتاء شعبى على مستوى شعب مصر من أقصاه إلى أبنائه وشعب اليمن من أقصاه إلى أبنائه .. وبعدئذ يفكر فى قيام الوحدة .. وأعلنت هذا فى مؤتمر شعبى فى تعز فعلا لأن الجماهير كانت تتادبنى « الوحدة الوحدة » .. فأجبتهم - وهذا الكلام منشور فى الأهرام - بأن الوحدة أمر مطلوب وهدف وأمنية لجميع مجلس قيادة الثورة إلا أن الرئيس عبد الناصر هو الذى يريد تأجيل إعلان الوحدة إلى أن يتم كذا وكذا .. فى نفس هذا الوقت .. موسكو أجلت عودة القوات المصرية من اليمن .. هذا التأجيل كان فى يونيو ٦٣ .. ولكن الخطاب الذى ألقيناه فى تعز كان فى أكتوبر ٦٢ » .

• وأسال عبد اللطيف بغدادى : إذن حرب اليمن لم تكن ضد المملكة العربية السعودية ؟

• « لأ .. هى جت بعد ذلك .. لما راحت مصر وبعدين ظهر إن البدر ما انتقلش .. إنما ظهر إنه حرب على الحدود السعودية .. فى بلد إسمها جيزان .. وبعدين تبنته السعودية .. فالسعودية من وجهة نظرها وأمنها .. إن مصر بقت على حدودها فى اليمن وده لا ترضى به .. ثورة هنا وقاعدة تساعد وتعمل على مماندة الثورات فى الدول العربية .. كانت مصر عملت فى الوقت ده ضد السعودية منشورات ... فمن هنا فيصل تبنى البدر وقوى البدر .. وابنتوا يشتروا القنابل ضد الوجود المصرى فى اليمن .. وابنتت عملية العند بقى بين جمال عبد الناصر وبين فيصل فمن يتقلب على الآخر ١٩ اللخبطة جاءت من هنا » .

• والمحصلة النهائية فى حرب اليمن كانت لصالح مصر ولا بالعكس كانت نكسة أخرى كما قيل ؟

• « هو كان سنة ٦٣ .. سافرت لندن لأعمل عملية المראה .. كان جمال عبد الناصر مر على يشوفنى قبل ما أسافر .. فكان لى رأى قلت له نخرج من اليمن بأقصى سرعة لأن ده بيشتبهنى بأسبانيا أيام نابليون لما عملوا له بؤرة قلاقل داخل أسبانيا .. وكان عمل أخوه ملك أسبانيا .. فانشغل بها واستنزفته .. أنا قلت له نخرج بقدر المستطاع هاودنى .. لكن اللى فى ذهنه كان حاجة ثانية .. لأن بعد ٦٧ يوم .. ما حصل وكمال حسين راح له فقال له كمال : نمسب اليمن للبدر .. لكن هو عنيد .. والعند ينفع فى حاجات وماينفخس فى حاجات .. لازم يبقى فيه مرونة .. فهو كان ضد الخروج من اليمن » .

- وأسأل الفريق أول مرتضى : خسائر حرب اليمن قد إيه يا فندم ؟
- « أنا بأصور إنها فى حدود ١٠ - ١٥ ألف عسكرى » .
- وضابط طبعاً ؟
- « آه طبعاً .. ده فيه ضباط برتب كبيرة ماتوا » .
- ونذكر هنا فيمن نذكر من أبطالنا للشهداء فى اليمن .. عبد المنعم سند وسامح مرعى ونهيل الوفاة وآخرين كثيرين بالمئات ...
- ويقول كمال الدين حسين : « حرب اليمن كانت من سوء الطالع لمصر .. عجيب جداً فى حرب اليمن .. قطعاً إحنا خَرَجْنَا شعب من القرون الوسطى للعصر الحديث .. يعنى فيه ناس لحد النهارده تقول لك إحنا عملنا خبراء لكن على حساب إيه ؟! هو ده الذى يمكن مناقشته .. العملية لم تجد اعتراض الأول شوية سلاح ونفزين ثلاثة يروحوا يودوا السلاح فى طائرة بس عملية بسيطة .. تطورت العملية دى لغاية ما بقى فيه جيش علشان يقاتل فى اليمن .. استغلت العملية دى استفلاً سيناً .. وطبعاً لما يكون جيشنا ببجارب مكان ما لكن إعلان المعارضة دى عملية غير مستحبة .. وأنا قلت لجمال عبد الناصر إن إحنا نورطنا فى حرب اليمن .. زى الأمريكان ما نورطوا فى حرب فيتنام .. ويجب أن نسحب قواتنا من هناك فى أسرع ما يمكن .. لكن لم يكن سهلاً على جمال عبد الناصر بعد عملية الانفصال بتاعة سوريا .. كان عاوز جو يتنفس فيه شوية .. الانفراج بتاع حرب اليمن كان نتيجة الانفصال عن سوريا .. وبرزنه انفصال سوريا عن الاشتراكية .. والاشتراكية لا بينها إلا الاشتراكيون .. وتعمل ذنباً للاتحاد القومى لأن هو المسئول فى هذا الموضوع » .
- ويقول د . ثروت عكاشة : « كانت مفامرة غير محسوبة .. لها إيجابياتها ولها سلبياتها .. أما إيجابياتها فهى تحرير اليمن من أغلال القرون الوسطى .. وأما سلبياتها فهى فى رأى ودون الدخول فى التفاصيل .. كانت أحد العوامل الأساسية فى هزيمة ٦٧ » .
- ويقول صلاح الدسوقي : « الضباط والجنود المصريين راحوا يدافعوا عن الاشتراكية .. وأكبر كارثة هو الإغراء .. إغراء جمال عبد الناصر بأن اليمن لو بعثنا قوات بسيطة سوف ترد اعتبار وزعامة عبد الناصر فى العالم العربى بعد الانفصال المورى .. وكانت النتيجة أن اليمن تبثلق قوة وراء قوة .. وبقت منبجة للجيش المصرى » .
- وأسأل الفريق أول مرتضى : فى النهاية ماذا نلوق فى جملة واحدة عن حرب اليمن ؟
- « الحملة التى لا داعى لها » .
- طيب نفقت التعليمات أو الأوامر ليه ؟
- « أنا قائد .. ببقولوا روح كده .. بنروح وحاضر .. وبعدين أنا ما كنتش قائد اليمن فى الأول .. الفريق أنور رياض الله يرحمه هو الذى كان قائد اليمن » .

• **ويقول مصطفى أمين :** « أكبر أخطائنا .. لأن لا يمكن إنك تدخل تفرض حكم بالذات .. اترك الشعب اليمني هو الذى يقرر مصيره بليده لكن لا ترسل قوات مصرية تحارب .. نتج عن هذا أن كثيراً من البلاد العربية خافت إن احنا نعمل لها زى ما عملنا فى اليمن .. ونتيجة لهذا اليمن بعد ما كانت صديقة حميمة لنا .. تعمل اللى إحنا عاوزينه .. أصبحت ضننا »

• **هل أضافت حرب اليمن إلى رصيد الثورة المصرية الدائن أم إلى رصيدها المدين ؟**

• **أعتبر أنها رصيد دائن وإيجابى وحضارى ..** وسوف ينكر ذلك التاريخ .. قد يكون هناك آلام نتجت من هذا ولكن سيذكر التاريخ إنه بفضل مصر صحت الأمة العربية وتحررت من الاستعمار وتحررت من بعض أنواع التخلف .. نبئت فى مشاعر المواطنين العرب فكرة القومية وفكرة الحضارة الحديثة والارتقاء العالمى .. بلا جدال إنه لولا ثورة مصر ولولا دعم مصر لثورة اليمن لم تكن لليمن أن تقوم ثورة حضارية فيها »

• **ويقول أمين شاكى :** « عبد الناصر كان مؤمناً إيماناً راسخاً لا يتزعزع أن العالم العربى وحدة والتجزئة التى فرضت على العالم العربى تجزئة استعمارية .. فلما اليمن كان فى جزء استراتيجى مهم .. على الساحل الشرقى للبحر الأحمر .. وعلى مدخل البحر الأحمر .. لكن الجماعة الإنجليز والأمريكان قدروا إنهم يخلقوا عداوات بين اليمن وبين المملكة العربية السعودية .. فده وده بقوا يلجأوا للأمريكان علشان يساعدوهم .. فاليمين عنده إمكانيات كبيرة .. لكن الجماعة الإنجليز ما إدولهوش الفرصة علشان يستغل هذه الإمكانيات »

• **وهل كان دخولنا حرب اليمن تجربة ناجحة ؟**

• « أعتمد هذا .. لأن دخولنا حرب اليمن ترتب عليه إخراج النفوذ الأجنبى خروجاً كاملاً .. وبعدين الوحدة الوطنية ظهرت .. وللأسف الشديد إن بعد كده ظهر قسم يفسر الوحدة الوطنية بصورة معينة اللى هى اليسارية .. وقسم يفسرها بالصورة الليبرالية .. والعداء بينهم امتد إلى الصدام المسلح .. وانتهت للحرب الحمد لله .. ودلوقتى فيه عملية تنمية كويسة فى اليمن .. وإن شاء الله بعد مدة قصيرة سيكون لليمن وضع ملموس فى الأمة العربية »

• **ويقول خالد محيى الدين :** « حرب اليمن كانت رداً على انفصال سوريا .. وأن دور مصر العربى لم ينتهى .. لإنه فعلا انفصال سوريا .. كان فيه ضربة لدور مصر القيادى العربى .. فلما حصلت ثورة اليمن وجد عبد الناصر فيها اتجاه إنه يعيد إلى مصر دورها القيادى فى دعم الثورة فى بلد متخلف .. وفعلا حرب اليمن مع كل خسائرها وتضحياتها .. ثبتت إن اليمن شماله وجنوبه .. ساعد مصر بعد ذلك فى حرب ٧٣ .. وقفل خليج باب المندب عن طريق اليمن »

• **ويقول حسين الشافعى :** « إذا اعتبرنا أن الوحدة مع سوريا دى أول خطوة لاستدراجنا وإخراجنا من خندقنا لتوجيه الضربة لنا .. فحرب اليمن كانت التدبير الثانى لاستدراجنا فى العملية وكانت للتأكد من أن رد الفعل حستجيب للدعوة بالنسبة لحرب اليمن لأن اتعملت وأعلنت يوم ٢٦ سبتمبر سنة ٦٢ أى قبل الذكرى السنوية الأولى للانفصال بيومين .. فطبعا كانت

بالحساب الميكولوجى تبقى ومييلة للتغطية بالنمسة للوضع الميامسى فى المجال العربى .. علشان يبقى لنا عزوة فى البلاد المتحررة .. ولو عزوة معنوية لأن إحنا مالفناش سند تانى .. طب هم قوة كبرى عندهم أسلحة بالشىء الفلانى ... طب إحنا سندنا إيه .. إلا قاعدة الأحرار .. كل ما نتسع كل ما يبقى لنا سند .

• **ويقول سعد الشاذلى :** جمال عبد الناصر بدأت شعبيته فى العالم العربى تزيد .. وبعث قوات فى اليمن .. يعنى إحنا رجعنا من الكونغو سنة ٦١ فى فبراير أو مارس تقريبا .. وبعدين قبل نهاية سنة ٦١ أرسلت قوات إلى اليمن على طول .

• **وماذا تقول لنا عن حرب اليمن ؟**

• **« الحقيقة قيل الكثير عن حرب اليمن .. وهوجم جمال عبد الناصر من أعدائه بخصوص حرب اليمن .. لكن تقدر تقول إن حرب اليمن كانت لها فائدة أكثر من عيوبها .. قيل الكثير إن مصر صرفت ملايين الدولارات فى اليمن .. حسب علمى إن المصاريف الفعلية كانت فى اليمن حوالى ٤٠ مليون دولار .. بخلاف الميزانية الأساسية بتاعة وزارة الدفاع .. لأن وزارة الدفاع عندها الضباط والعساكر بيقضوا الماهيات بتاعهم ويبأكلوا ويبلبسوا زى ما بلبسوا .. ولكن الـ ٤٠ مليون دولار كانت تغطى المصاريف الإضافية التى يترتب عليها النقل والمكافآت الإضافية وخلافه خلال هذه السنة .. فهذا مبلغ بسيط ٤٠ مليون دولار فى خلال ٥ أو ٦ سنوات لم تكن مشكلة .**

• **٤٠ مليون دولار فى السنة باهظ ولا فى الست سنوات ؟**

• **« لأ ٤٠ مليون دولار فى السنة .. لكن أستطيع أن أقول إن لولا حرب اليمن .. لم تكن منطقة الخليج حصلت على استقلالها حتى الآن .. وإحنا فى اليمن كنا بنساعد كل الحركات التحررية الموجودة فى عدن .. وفى المناطق دى ضد الوجود البريطانى .. من غير وجودنا فى اليمن .. لم يكن ممكناً أن نوصل هذه المساعدات والأسلحة إلى كل هذه القوات .. يعنى الدول الخليجية أخذت استقلالها بعد نجاحنا فى اليمن .. لأن مصر لم تكسب حاجة بالعكس خسرت .. أعتقد أنه يكون ألف قتيل فى اليمن وكذا ألف من الجرحى .. وخسرت اقتصادياً زى ما قلت لك .. يعنى حوالى ٢٠٠ أو ٢٥٠ مليون دولار .. ولكن المكسب الحقيقى إن الدول الخليجية حصلت على الاستقلال بتاعها وما كان هذا ممكناً بدون حرب اليمن .**

• **إحافاً للحق .. هل كان هذا يفضب المملكة العربية السعودية ؟**

• **« صحيح كان فيه خلاف بين مصر وبين المملكة العربية السعودية فيما يتعلق بحرب اليمن .**

• **وذهب عبد الناصر إلى جدة بعد أن تبين له أن استمرار القتال فى اليمن يؤدى إلى تمزق عربى .. وتوصل إلى اتفاق مع الملك فيصل سنة ١٩٦٥ يقضى بانسحاب الجيش المصرى ...**

• وأسأل عبد الرحمن البيضاني : قلت فيما قلت ، عبد الناصر لعلمه أن القوات المصرية تستنزف في اليمن سافر سنة ٦٥ للاتفاق مع الملك فيصل .. ووقعا معا اتفاقية جدة ؟

• نعم .. ثم بعد أن وقعا اتفاقية جدة .. الاتحاد السوفيتي طلب المشير عامر إلى موسكو .. وسمعنا أن الاتحاد السوفيتي عرض دعماً مالياً جديداً لاستمرار القوات المصرية في اليمن .. وتعرضت أهداف مؤتمر « حرز » التي أدت إليه اتفاقية جدة .. وفوجئنا أيضاً بأن هناك عراقيل من جانب بعض الجهات .. التي كان لا يعنىها السلام في اليمن .. وفي السياسة لا يوجد عنصر واحد ينفرد بالتأثير على مجرى الأحداث إنما هنالك عناصر كثيرة تتداخل مع بعضها وتكون النتيجة النهائية تفاعل هذه العناصر .. فكان موقف الاتحاد السوفيتي أحد العناصر التي تدخلت ولكن الرئيس عبد الناصر كان فعلاً مخلصاً في استعادة القوات من اليمن .. لا سيما أنه في يونيو ٦٧ أعادها فعلاً .

• ويقول محسن محمد : « إلا أن الخلاف بين اليمنيين أدى إلى عدم تنفيذ هذا الاتفاق بين الملك فيصل وعبد الناصر في جدة .. وفي هذا الوقت لجأت بعض الطائرات السعودية إلى مصر .. ولم تنسحب مصر من اليمن إلا بعد سنة ١٩٦٧ » .

• ويقول عبد اللطيف بغدادى : « هو خرج أظن بعد مؤتمر الخرطوم .. اتقابل مع فيصل هناك .. وحصلت فيه اشتباك .. ومن أيام كندى كانوا يسمعون لك الاشتباك بيننا وبين السعودية في اليمن .. جمال عبد الناصر كان اشترط شرطاً إننا ننسحب ونفضل قوة هناك لتدريب جيش اليمن .. زى ما تقول مسمار جحا .. فمأجسل اتفاق » .

• وأسأل عبد الرحمن البيضاني : رحلة المشير عامر والملك سعود رحمة الله عليهما إلى اليمن سنة ٦٧ بالتحديد .. إيه ذكرياتك عنها خاصة إن بعدها أعلنت اليمن الحرب على السعودية ؟

• أتذكر أنه في يوم ٢٠ / ٤ / ٦٧ استدعاني الرئيس عبد الناصر .. وكلف المشير عامر بأن يطلعني على تقرير هام جاء من صنعاء على يد اللواء طلعت حسن قائد القوات المصرية في اليمن .. وكان يطلب بعونتي إلى اليمن .. وفوجئت أثناء الحديث مع المشير عامر .. بأن الملك سعود سيعود معنا إلى صنعاء .. كان الملك سعود في تلك الأيام قد عُزل عن العرش ... ولجأ إلى اليونان .. ثم جاء لزيارة مصر .. فوجدت أن سفرى معهم لن يحقق الهدف المقصود من بعونتي .. وهو العمل على تحقيق الاستقرار واستعادة موقف اليمن الدولي .. وما إلى ذلك من الأمور التي وجدوا أهل الحل والعقد المصريون واليمنيون ضرورة البدء فيها .. لما علمت أن الملك سعود سيكون معنا وجدت أن هذا سوف يحرق هذه المهمة التي طلبت من أجلها فاعتذرت عن السفر معهم .. سافرا مع الرئيس السادات إلى اليمن يوم ٢٢ / ٤ / ٦٧ .. وفي يوم ٢٤ / ٤ / ٦٧ أعلن الملك سعود وهو معزول عن العرش اعترافه بالنظام الجمهوري اليمنى .. وأعطى مساعدات للحكومة اليمنية .. ثم أعلن أنه سوف يسعى بكل جهد لاستعادة عرشه مهما كان الثمن .. ثم أعلن بعد ذلك المشير عامر في نفس المؤتمر الشعبي المنعقد في صنعاء : أن

الحرب الدفاعية عن الجمهورية اليمنية قد انتهت .. وقد بدأنا الحرب الهجومية على السعودية .. وهذا منشور في جريدة الأهرام على ما أتذكر يوم ٢٨ / ٤ / ٦٧ وأعتقد أن دى كانت أكبر جنز من جنزور عنوان ٥ يونيو ٦٧ » .

● وبعد عودة عبد السلام عارف للحكم في العراق .. ظهر في الأفق مشروع اتحاد ثلاثي بين مصر وسوريا (بعد الانفصال) والعراق ...

● ويقول د . يونان : « ولم يكتب النجاح لهذا الاتحاد فلم ير النور نتيجة اختلافات وخلافات حزب البعث مع عبد الناصر منذ ٦٣ .. وتعهد الرئيس عبد الناصر بإظهار محاضر المفاوضات الخاصة بهذا المشروع .. وإعلانها للناس حتى يظهر رغبة العرب في الاتحاد .. وإحجامه عن تنفيذ الفكرة » .

● وأسأل أمين هويدى : كنت سفيراً لمصر في العراق بعد ثورة عبد الكريم قاسم وبعد وفاته بالتحديد .. إيه ذكرياتك عن هذه المرحلة ؟

● « في تلك الأيام كان هناك مد قومي من المحيط للخليج .. كانت الشعوب العربية تتطلع إلى تحقيق الوحدة .. ولم يثنها عن عزمها هذا حركة الانفصال التي تمت بين الإقليم الشمالي والإقليم الجنوبي ... وكان عهد عبد الكريم قاسم قد انسم بانحراف عن هذا الخط .. الذي كان يعتبره القوميون العرب في تلك الفترة حاجة مقدسة .. الكل يسعى إلى تحقيقها .. لما رحلت كان الجميع يظن أن العقبة الوحيدة لتحقيق التطلعات العربية قد زالت » .

● ويضيف أمين هويدى : « للأسف الشديد في أول أيامي في بغداد شعرت أن هناك محاولات للوقوف أمام هذه الأحلام .. كانت المرحلة صعبة جداً وفي تلك الفترة قامت ثورة سوريا أيضاً لكي تصبح ما أسموه تصحيح الانفصال .. وبدأ ما كان يسمى مباحثات الوحدة الثلاثية التي انتهت باتفاقية ١٧ أبريل ١٩٦٣ وكان هناك وحدة بين الأقطار الثلاثة .. وعمل لها مباحثات وجولات أنا كنتها بالتفصيل .. في كتاب لي « كنت سفيراً في العراق » .. صورت فيه المرحلة تماماً .. ولكن للأسف الشديد كان هناك عدم تقدير لمثل هذه الأمور وانتهت هذه الاتفاقية إلى لا شيء .. ثم توالت الانقلابات في بغداد .. وعاصرتها كلها .. ويمكن الواحد يتذكر وأنا سفير هناك كنت أأصل إلى المطار قادماً من القاهرة لكي أستقل عربة مصفحة أو دبابة علشان نوصلنى إلى بنى .. وكانت السفارة دولايها أو أحد دولايها مليون بقماسط وعلب محفوظة تحسباً للظروف .. لإن دائماً كان فيه منع تجول .. وكنا أحياناً كثيرة بنات على الأرض .. كان العمل بعكس ما يظن الآخرون عمل السفير في تلك الفترة .. خصوصاً في البلاد العربية .. كان عملاً شافاً .. ولكنه كان جليلاً .. تعلمت منه الكثير .. وقد صقلتني هذه التجارب .. ولست أدري هل الجهد الذي بذل في تلك الفترة ذهب هباء ؟ وده سؤال يلح على الإنسان بعد ما تجاوز السبعين من عمره .. هل ضاعت هذه الأمور سدى ؟ أنا أعتقد يعني فيه نعمة النهارده تكفر بالعروبة .. إزاي أنا مش عارف .. يعني العروبة دى لم يخلقها عبد الناصر .. ولم يخلقها البعث .. ده شيء موجود في المنطقة إتريننا عليه .. إحنا وآباؤنا وجدوننا .. إزاي الإنسان

يكفر بهويته وأصله أو بجنونه .. أنا لست أدرى .. المحاولات كانت جادة أصبنا فى بعض النقط حقناًها .. ولم نحقق البعض الآخر .. ولكننا رفّعنا العلم ولن نسمح لأى فرد أن يسقطه من أيدينا » .

• ولم يكن حزب البعث هو من عادى عبد الناصر فقط .. بل كان هناك عدد من النظم وثيقة الصلة بالدول القريبة تعاديه أيضاً .. وهكذا بدأ نوع من المناورات والتآمر بين الدول العربية .. وشنت إذاعة صوت العرب هجومها على أعداء عبد الناصر .. وشعرت كل الدول ذات النظام المخالف لنظام مصر بأنها مهددة بالخطر فعلاً ..

• وأسأل سامى شرف : الرئيس كان فى بعض الحالات نكده لأذع لبعض الرؤساء والملوك العرب .. هل كان بإيعاز من شخص ما .. ولا ده كان من تلقاء ذاته .. ولا كان ذلك لأجه مضبوط ؟

• « عمر ما جمال عبد الناصر حمل ضغينة لشخص .. ولكن جمال عبد الناصر كان صاحب رسالة وقضية .. ولو نتاح الفرصة فى تسجيل آخر أو لقاء آخر نقدر نجمع كل الشعارات اللى طرحها جمال عبد الناصر من ٥٢ إلى ٧٠ .. نجد الشعارات تحوى مضموناً وقيمة .. وهى قيمة لصالح الإنسان ولصالح قضايا لم تكن فى يوم من الأيام شخصية .. ولم تكن فى يوم من الأيام بغرض فرض رأى أو لوى ذراع أو إهانة .. ولكن عندما تكتشف .. إنت كرئيس دولة .. وتمت وحدة بينك وبين سوريا مثلاً .. إن أحد الملوك دفع ٢ مليون جنيه استرليني لنائب رئيس الجمهورية ليحدث انقلاباً ضد الوحدة » .

• اللى هو عبد الحميد السراج ؟

• « حتقول له بس .. ولا حتقوله قف مكانك .. ده مثلاً .. وعندما جاء اليمين يتحرر من العصور مش القديمة .. ما قبل التاريخ .. ده من العصور الحجرية .. اليمين سنة ٦٢ كان عايش فى عصر حجرى .. يتحرر هذا الإقليم .. لما تلاقى قوم يعادونك وقوم بيجاربوك فى اليمين .. حتطلب عليهم حتقول بس متشكر إنك إنت بتحاربينى .. متشكر إنك إنت تحول دون تحرر وطن عربى وشعب عربى وإنسان عربى .. ليعيش فى القرن اللى إحنا عايشينه .. قول لى أنا حارضى بالحكم اللى إنت حتحكمه .. كون إن يبقى فيه اللفظ قاسى .. إحنا كعرب مع بعضنا لما نحب نمدح واحد بنمدحه بشيعة .. مش عاوز أفرك يعنى إيه هى الشتيمة .. إنت بقول فلان ده كذا .. وده مدح كبير قوى .. لا إحنا كعرب .. إحنا فى سنة ٩٦ عندما تتأزم المسائل وتستدعى أن يلتزم العرب .. وهم كانوا يلتزموا بمنتهى السهولة » .

• ويقول محمد أحمد : « هو كان حريصاً جداً على علاقته بالعرب .. إنما كانت تبصل إليه بعض المعلومات إن فيه مؤامرات ضده وضد ثورته .. حيمعمل إيه ١٩ » .

• وهل كان نكده لأذع ؟

• « للأسف الشديد كان فيه بعض الحاجات نكده فيها كان لأذعاً .. بس أنا شخصياً عقيدتى من

جوه ومازلت مؤمناً بها .. هو كان لا يقولها دفاعاً .. إنما كان ييقال له هذا الكلام .. وكان فى النقد ببيكون موضوعياً .. إنما بعض ساعات كانت بتيجى بعض الألفاظ فى خطبه أو حاجة بتعتبر لاذعة وقاسية » .

• ويقول عبد اللطيف بغدادى : « جمال عبد الناصر كان بخطبة يسقط وزارة .. أى وزارة فى أى دولة عربية .. ليه ؟ لأنه أصبح أمل للشعب العربى » .

• بس كان بيزعل بعض الحكام العرب .. ولا إيه رأيك ؟

• « آه ما هو كان بأسلوبه بخوفهم ويشتمهم .. وكنا نقول له لا يصح .. لكن هو كان مقتناً بالأسلوب ده .. ولو شخبط فى واحد فيهم .. يرقص !! » .

• ويقول عباس رضوان : « فى خطب الرئيس عبد الناصر كان بيؤخذ عليه هذا الكلام .. يؤخذ عليه مافيش كلام .. وإن مرة قال حاجة بخصوص الملك فيصل رحمه الله وأنا أخذتها عليه .. وعلى الملك حسين كمان » .

• ويقول رشاد مهنا : « نتذكر إن رئيس دولة يقف ويسب رئيس دولة بالفاظ لا يقولها السوفى .. عاوز أقول لك رئيس دولة يقف ويصف الملوك والرؤساء دول بالفاظ لا يقولها السوفى .. يبقى مين .. ويبقى إيه ؟ ! » .

• وأسأل تحسين بشير : علاقة عبد الناصر بالملوك والرؤساء العرب ؟

• « الملوك والرؤساء العرب حتى الذين كرهوا عبد الناصر .. كانوا يحترمونه .. فلولا قيام مصر وقيام عبد الناصر .. بتحدى الإمبراطورية الإنجليزية لما استقلت معظم الدول بما فيها الدول الخليجية » .

• وأسأل د . حاتم : وما هو رأيك بصراحة فى الإعلام .. الذى بدأ بوجه نقداً قاسياً لبعض الملوك والرؤساء العرب ؟

• « هو شرف هو فيه مزج بين النقد والدعوة للإصلاح .. يعنى إنت لما بتقول إن بعض الملوك فى ذلك الوقت أو بعض الأشخاص فى ذلك الوقت كانوا بيتعاملوا مع الاستعمار .. فكان لابد إنك إنت وإنت تقوم بثورة تهاجمهم وتبين للشعوب هذه العمالة لكى تسقط .. خصوصاً إذا كانوا هم بيهاجموك .. فده نوع ثانى من الحرب الوقائية فى ذلك الوقت .. لكن تعجب من تاريخى كله وأنا كنت حريصاً عليه .. وحتى الملك فيصل الله يرحمه قال « لم نسمع من وزير الإعلام المصرى كلمة نابية إطلاقاً فى حياته » .. إذن ليس للإعلام كلمات نابية .. إنما الإعلام أن تبين وتشرح بأسلوب مهذب .. لأن حتى لما سيينا موسى وأخوه هارون ومعهم الرسالة النبوية .. الله سبحانه وتعالى أرسلهما لمين ؟ لفرعون .. وقال لهما « اذهبا إلى فرعون إنه طغى فقولا له قولاً ليناً لعله يتذكر أو يخشى » .. إذن هذا الإعلام ليس شتائم .. لا يمكن أن نوافق على الشتائم .. وبعدين مين كان يقدر يقول للرئيس .. « لا تقل هذا الكلام ! » .

• نجحت في جمع شمل العرب دون أن يراك أحد .. لأن أيامها لم يكن هناك تلفزيون ..
والآن تمشي قبل العين أحيانا .. لكن هل الحماس الجارف يعني أن اللسان اللاذع أو نقدر
نقول حتى السليط مستحب ؟

• د هو ما كنش فيه سلاطة .. أنا لا أنكر إنه كان فيه سلاطة بمعنى سلاطة .. إنما هو اللسان
اللاذع ليه ؟ أنت في مرحلة صدام وصراع غير محتاج إلى إنك تغلف الأشياء بورق سلوفان ..
الاستعمار يعني استعمار .. عميل يعني عميل .. حقول عليه ليه صاحب فكر في التعامل
والخضوع للمخابرات الإنجليزية ولا الأمريكية ولا الفرنسية .. وبعدين فيه نقطة مهمة جدا ..
الراديو للجماهير .. والقطاع العريض مش المثقفين .. القطاع العريض أغلبه أمي ويستهويه
اللفظ الفخم الواضح المعاني .

• ويقول د . يونان ليبب رزقي : في هذا الوقت عرف الناس الراديو الترانزستور الذي يستطيع
الإنسان أن يسمعه في كل مكان .. فكان العرب يستمعون إلى صوت العرب وأحمد سعيد ..
وحتى الوثائق البريطانية والأمريكية تبين أن الشكوى كانت مرة من قسوة ما يقمه صوت
العرب .. ولكن في أى صراع دولي عام أنت تلعب بكل أدواتك .. والإعلام أحدها .. فعليك
أن تلعب به لأقصى درجة .

• وهكذا أصبح وجود النظام الناصري .. ومخابراته .. وإعلامه الملهب للمشاعر .. خطراً
على بعض النظم العربية الموجودة ...

• ويقول مصطفى أمين : « حلت سياسة أخرى .. وهى التدخل فى سياسة كل بلد عربى ..
أصبحنا أعداء لهم لأن هم كأي بلد ترفض إن أى دولة تتدخل فى شئونها .. إنا نتدخل ..
ونقول إن ده يبقى رئيس وزارة وده يخرج من الوزارة .. مثلاً فى سوريا .. فى لبنان .. فى
ليبيا .. أى مكان نتج عن هذا أن أصبح لنا أعداء فى كل بلد عربى .. وهذه غلطة لأن مصر
بدون أن نتدخل فى أى شيء .. هى زعيمة البلاد العربية » .

• ويقول أحمد حمروش : « قام صوت العرب بحملات شهيرة ومؤثرة فى كل الوطن العربى ..
لكن الواقع كانت فيها تجاوزات .. والدليل على ذلك أن عبد الناصر لم يتحدث عن إزالة إسرائيل
الذى كان يُعلن فى صوت العرب .. ولا شك أن الإعلام كان يحتاج إلى شيء من المراجعة » .

• ويقول د . يونان ليبب رزقي : « كانت هناك حملات عنيفة متبادلة .. تشتم وتلمح ..
« وتلقح » .. وعبرت الحملات الإعلامية الخطوط الحمراء .. فكانت إذاعة الأردن تنيع يومياً
أكثر من مرة أغنية « البوسطجية اشتكوا » .. وإذاعتنا ترد بأغنية « سونة يا سنن جنتك أهو » !!

• ويقول أمين شاكر : والله عبد الناصر .. ما كنش عاوز يتدخل فى الدول العربية .. إنما كانت
السياسة العربية بقاعة الثورة .. أن تصبح كل دولة عربية مستقلة وحره وفيها الحد الأدنى من
النظام الديموقراطى .. وأن تكون القرارات لمصلحة الشعب أولاً وأخيراً .. الدول الاستعمارية
كانت ضد هذا .. ومن هنا نشأت الخلافات بيننا وبين الدول الاستعمارية إنجلترا وفرنسا وبعدها

للأسف أمريكا .. وربنا وقتنا وقدرنا نوقف كل المشروعات الاستعمارية والإمبريالية بتاعة الدول الثلاثة الكبرى .. الحاجة المؤسفة جدا أن جزءاً غير قليل من حكام الدول العربية لقيناهم منحازين للدول الاستعمارية ضدنا زى نورى السعيد مثلاً .. والأسناد اللي إحنا جنبناه من على القهوة بتاعة بديعة وعملنا له حزب اللي هو الحزب الوطنى السودانى .. وعملنا انتخابات وراح هناك وبقي رئيس وزراء وألف أول حكومة بعد الاستقلال .. لأنه اللي جاب الاستقلال للسودان هو عبد الناصر .. وخرجوا الإنجليز من السودان .. وراح لهم الاستقلال على طبق من ذهب .. وأخونا اللي كان هنا فى مصر لاجيء راح هناك ألف أول وزارة وكان اسمه الأزهرى .. رحى لقيته قاعد على قهوة بتاعة كازينو بديعة قالوا لى ده بيغفلر هناك كل يوم .. فلما شافنى ركبته خبطت فى بعضها .. لما قلت له الرئيس عبد الناصر عايز يشوفك .. كان حيقع من الكرسي .. فقلت له ده خير وأخذته معى فى العربية .

* ولماذا اخترتوه ؟

- * انتقال لعبد الناصر إن ده رجل كويس ووطنى .. وكان لاجئاً هنا .. بياخذ مرتب من وزارة الأوقاف .. واللى ساعدنى فى الوصول إليه الله يرحمه الشيخ الباقورى وكيل وزارة الأوقاف .. بعد ٦ أشهر راح إنجلترا .. بيسألوه سؤالاً هل السودان سينضم إلى مصر ؟ قال لهم لا إطلاقاً السودان حريص جدا على استقلاله وسيبقى مستقلاً عن جميع الدول الأخرى .. طبعاً دى كانت صدمة كبيرة بالنسبة لنا .. لأن إحنا كنا معلقين آمالاً كبيرة جداً على إقامة دولة وادى النيل .
- * وأسأل مصطفى أمين : التدخل كان من مصلحة الدول العربية .. يعنى مصر ساعدت الجزائر واليمن والسودان .. ساعدت غيرها علشان تكلف على قدميها وتطرد الاستعمار ؟
- * إنما نتيجة تدخلنا فى السواحات .. حولنا هؤلاء الناس من أنصار .. إلى أعداء .

* ويضيف أمين شاكر : « البلد الثانى اللى تعبنا معه هو العراق .. لأن العراق له وضع خاص كما تعلم .. هو البوابة الشرقية للعالم العربى .. لكن نورى السعيد كان مقتنعاً اقتناعاً كاملاً بأن العرب من غير إنجلترا حيزيعوا وأنا قعدت معه فى بيته .. وفهمته .. إن مايفش إطلاقاً ما يشير إلى أن الجماعة السوفيت حياولوا إنهم يعتدوا على دول الشرق الأوسط .. يبقى الإنجليز لزمهم إيه .. الإنجليز خلاص الفترة بتاعتهم خلصت .. وهناك فى بلدهم بياكلوا الكرنب مسلوفاً .. فلحنا نننهر الفرصة ونستقل ونبقى دول مستقلة .. إطلاقاً ما أمكنش إقناعه .. السعودية .. كما تعلم كان الملك سعود علاقته وثيقة جداً بالأمريكان وكان ثمن البترول بيطلع بشيك باسم الملك .. وكان هو يظهر بيحب الفلوس فقروته تضخمت تضخماً كبيراً جداً من هذا .. وكان علشان يبقى الملك هناك أى مكان فيه قبيلة يبقى كل ما فى هذه الأرض يبقى ملك الملك .. لذلك فى السعودية هناك يقولك إيه « أرض عبد العزيز » .. ما يقولك المملكة العربية السعودية .. فلحنا جيبنا بكل طريقة نقنع الملك سعود يعمل مجلساً استشارياً علشان الشعب يحس إنه بيشارك فى اتخاذ القرارات .. ولكنه لم يرضى واعتبر هذا تدخلنا منّا فى شئون المملكة وبقي فيه نوع من العداوة بيننا وبينه .

- وأسأل حافظ إسماعيل : ما رأيك في موضوع التدخل المصري في شئون الدول المجاورة .. هل هذا التدخل كنت توافق عليه أم ترفضه ؟
- كنت أوافق مع الجزائر .. مع اليمن .. مع سوريا .. مع الفلسطينيين .. مع السودان .. مع الدول العربية .. لكن الدول غير العربية لدى اعتراضات على التدخل .
- وأسأل عارف عبد الرزاق : هل حدثت فجوة بين العرب وبين مصر في يوم من الأيام في رأيك .. يعني كان فيه خلاف بين الثورة المصرية والثورة العراقية .. هل كان هناك مثل هذه الخلافات بين مصر والدول العربية ؟
- والله العرب بصورة عامة لا يحسدوا على موقفهم .. فهم دائما مختلفون .
- وأسأل أنيس منصور : هل حدثت شروخ في الجدار العربي .. في هذا الوقت ؟
- ده في كل وقت .. يعني زمان « برنارد شو » له عبارة مشهورة عن الأمريكان والإنجليز .. يقولك إنها أمة واحدة تفصل بينهما لغة واحدة !! إحنا بقى أمة جغرافية وتاريخية ودينية ومصالحية .. لكن اختار أى دولتين عربيتين متجاورتين .. وقل لى إيه اللي بينهما دلوقتى .. وفى أى وقت ؟ يمكن أيام عيد الناصر كانت الواقعة أشد وكانت الناس بتخاف منه أو بتخاف من سلوته ومن لسانه أو من جواسيسه .. والعرب إذا كان اتجهوا إلى مصر فده خوفا منه وليس حبا له .. بعد كده العرب .. اتفقوا واختلفوا .. اتفقوا واختلفوا .. وسوف يختلفون دائما ، !!
- وكان هذا هو ما أوجد الحرب الباردة بين مصر وشقيقاتها يوماً بعد يوم .. وهو ما أحدث في الجدار العربي شروخاً ...

التحول الاشتراكي

- فكرة الاشتراكية ربما كانت أقدم في مصر من فكرة القومية العربية ...
- ويقول د . يونان لبيب رزق : « وبعد ثورة سنة ١٩١٩ ظل الفكر الاشتراكي يمثل عنصراً هاماً في الفكر السياسي المصري وأملأ طموحاً تصبو إليه أذهان بعض المصريين وبعض الجاليات الأجنبية » .
- وعندما حدث الانتقام بين عبد الناصر والاتحاد السوفيتي .. كان هناك تخاصم من الرأسمالية المصرية عن عملية التنمية الاقتصادية بسبب خوفها من النظام العسكري المصري ...
- وبدأت مصر تتأثر بسياسة روسيا وفتح الباب لها .. ولم يكن للاتحاد السوفيتي أي نفوذ في الشرق الأوسط أو حتى إفريقيا .. لولا أخطاء الغرب ضد العرب ومصر ...
- ويقول أمين شاكز : « إزاي الشيوعيون أصبحت لهم سلطة سياسية في مصر ؟ في الأول كان لهم سلطة عسكرية نتيجة اتفاقية السلاح .. أنا مابلومش عبد الناصر على إنه وقع اتفاقية السلاح .. كان على حق .. لأن بن جوريون طلع عينينا ونزل مرة لغاية العريش .. ولكن هم حولوا هذه العملية إلى نفوذ اقتصادي أولاً .. ومن نفوذ اقتصادي إلى نفوذ سياسي .. وإلى خلاصهم نجحوا في المخطط بتاعهم .. الأمريكان ودالاس بغيانه .. لكن اللي حصل إن الشيوعيين توصلوا إلى أن يصبحوا القوة السياسية الأساسية في مصر » .
- متى يافندم ؟
- من سنة ٦٠ كده .. كان فعلا هم أصبحوا القوة السياسية .. وحطوا عبد الناصر نموذجاً محطوط كده وهم بيعملوا كل حاجة .. ففي هذا الوقت طلّعوا له حاجة جديدة .. إن أهم حاجة في أي ثورة هي الأمن أي security لقائد الثورة .. وفي سبيل هذا الأمن مايفش مانع تعمل أي حاجة .. فشمس بدران في ناحية .. وصلاح نصر في ناحية ثانية .. وسامى شرف في ناحية

ثالثة .. كل يوم يبتهموا جهة من الجهات إنها بتعمل على إسقاطه .. وهو عبد الناصر يجيى يتخذ ضدهم إجراءات مغالياً فيها .

• إذن دى كانت بداية علاقتنا بالاتحاد السوفيتى والشيوعية ؟

• « أنا عاوز أقول لك على التغيير اللى حصل فى عبد الناصر .. الناس دول أدونا سلاح فى الأول .. ومافانش حاجة أبداً .. كانت كأنها عملية تجارية بسيطة .. أنا بأشترى منك السلاح زى ما أكون بأشترى منك أى حاجة أخرى وبأدفع لك ثمنها .. هم ابتدوا .. يفرضوا رأيهم .. الأول بالراحة مش بالعنف .. ويعدين بعد كده ابتدوا يصروا على وجهة نظرهم ،

• ويضيف أمين شاكر : « مع الوقت ابتدوا يترجموا عملية الإمداد بالسلاح إلى نفوذ سياسى .. فيقروا يقولوا لعبد الناصر فى المشاكل العالمية مصر ينبغي أن تكون موقفها كذا .. مع إن عبد الناصر كان حريصاً جداً على أن تتحرر الإرادة المصرية من أى ضغط أو توجيهات شرقية أو غربية .. وأن يصبح لمصر ولأول مرة منذ أيام محمد على ومن قبله كمان من أيام الحكم التركى .. رأيها التابع من ضميرها ومن تفكيرها هى .. لمصلحة شعبها وليس لمصلحة أى شخص آخر .. مش ضد مصلحة الآخرين .. لأ .. الآخرين ممكن أن يكون لهم مصلحة .. إنما مانكونش متعارضة مع مصلحتنا .. لكن هم ابتدوا يفرضوا رأيهم ،

• وأسأل نجيب محفوظ : السياسة الخارجية لمصر فى عهد الرئيس عبد الناصر كيف تراها ؟

• « كان العالم منقسماً إلى قسمين .. وكان عبد الناصر له أحلام .. فكان لابد تأخذ أحد الطرفين .. والظروف بتاعتنا حتى الاجتماعية خلته يتجه نحو الشرق .. الشرق عمل لنا الكثير .. ولكن كان مش ممكن يحسم حاجة ... وده اللى فهمه بعد كده السادات ،

• وأسأل د . عبد العزيز حجازى : هل كان الفكر الاشتراكى فى ذلك الوقت مدروساً بعناية ، وهل كان لأهداف سياسية .. ولا كان لأهداف اقتصادية ؟

• « لما نرجع للوراء الحقيقة .. فيه خلفيات .. وده سمعته من أكثر من شخصية عامة من الخارج .. إن عدم تمويل السد العالى كان البداية .. والرئيس عبد الناصر اضطر أن يلجأ إلى الشرق للحصول على السلاح .. وبالتبعية كان الموقف الغربى بالنسبة لمصر واضحاً إن لا مساعدة حتى لما جينا فى السنوات التالية اللى هى فى الفترة الثالثة .. تقريبا كان هناك توقفاً حتى فى التعامل الاقتصادى .. وكان تمويل القمح توقف .. ده معناه الضغط على مصر فى ذلك الوقت .. وكان هناك أسباب لا شك .. إنما أنا أعتقد إن التحول الاشتراكى كان فيه أخطاء ،

• ويقول صلاح المصوقى : « إنت عارف الثورة تأتى عليها بعض التيارات السياسية .. والتيار السياسى لما يجيى قوياً يؤثر على البوصلة السياسية .. ولما تخرب البوصلة السياسية يجوز الإنسان يصل إلى منطقة الرمال المتحركة اللى يطلع منها الخطورة .. اللى حصل فى فترة

المتبنات والدخول في تيار الاشتراكية ده .. بداية من العلاقة مع المارشال نيتو .. ثم انتهت بالعلاقة الخطيرة مع الاتحاد السوفيتي .. وكان أحد السفراء اللتي يحضر إلى في فنلندا وأنا سفير هناك .. كان اسمه صلاح للترزي سورى وكان سفيراً أيام الوحدة وأنا كنت سكرتير الحكومة وكان متخصصاً في البلاد الشيوعية .. وكان كل ما عبد الحكيم عامر يحب يروح رحلة لازم يأخذه معاه لأنه كان مستشاره الأول .. قال لي أنا حذرت مصر من الدخول مع الاتحاد السوفيتي في المسائل العقائدية والتنظيمات الحزبية .. لو دخلوا فيها مش حيطلوا .. وفعلنا ده اللتي حصل .. البوصلة اهتزت واستمرينا ..

• هل اختلفت مع أحد من رجال الثورة ؟

• أنا ما كنتش لي اختلاف مع أحد .. فيه اختلاف في السياسة .. يعني أنا ضد حاجة اسمها الاشتراكية .. وأنا محافظ .. أحد رجال الدين كان مرشحاً أكثر من مرة يكون شيخ للأزهر .. هوجم أنا دافعت عنه بمقالين في أخبار اليوم .. وكان أحمد بهاء الدين هاجمه لأنه يظهر هاجم بهاء الدين في مجلة صغيرة .. واحد قابلي قال لي إنتم بقتم شيوعيون .. قلت له زاي ؟ قال أكبر رجال الدين يهاجم ولا أحد يدافع عنه .. فجاني كمال رفعت وقال لي إنت بتعمل إيه إنت بتدافع عن الشيخ .. قلت له مهما قلت الاشتراكية بتاعتكم دون العنصر الأخلاقي والروحي .. تبقى مصر ليس لها قيمة والأزهر في مصر له قيمته الكبرى .. وكان عزيز المصري دائماً يقول هذا الكلام لو فهمنا الدين الإسلامي على حقيقته نبقى أحسن بلد في العالم .. ده كان الخلاف مع كمال رفعت .. لكن كتبت برضه مقالاً مرة والأخ عبد القادر حاتم قال لي الرئيس قال إن ده يُمنع لأنه مقالاً سياسياً .. وكان أفكر خاصاً بالإعلام لأن أحد رجال الإعلام هوجم وأنا دافعت عنه وانتهت العملية .. دون خلاف شخصي ... ولم يكن هناك خلاف شخصي ..

• وأسأل د . مراد غالب : يقال إنه كان لا دخل لروسيا في إفريقيا أو الشرق الأوسط .. لكن سياستنا أتاحت للرب الروسي الأحمر فرصة الاقترب منا ومن مصادر البترول .. فهل توافق على هذا القول ؟

• معركة التحرير كانت معركة كبيرة جداً في إفريقيا .. معركة التحرير أصلاً كانت ضد المستعمر والمستعمرين الغربيين .. وبالتالي إذن كان الاتحاد السوفيتي هو الحليف الطبيعي لحركات التحرير بتاعة آسيا وإفريقيا .. وبالتالي هم مش جم مصر علشان ينفذوا إلى إفريقيا أو إنا اللتي نفدناهم إليها .. لكن اللتي خلاهم يتواجدوا في إفريقيا هي حركة التحرير الكبيرة اللتي حدثت فيها .. ودخل مش بس الاتحاد السوفيتي .. الصين أيضاً .. وبالتالي صحيح فيه حاجة هنا لازم أقولها .. إنهم كانوا بيساعدوا مصر أو كانوا يجبروا أن تكون مصر مثلاً ناجحاً بالنسبة لإفريقيا كلها والعالم الثالث .. في العلاقات اللتي بيننا وبين الاتحاد السوفيتي اقتصادياً وعسكرياً وثقافياً ..

• وأسأل أبو الفضل الجيزاوي : اليسار والثورة ؟

• عندما قامت الثورة لم يكن هناك يسار مطلقا .. كلنا كنا منضمين للإخوان واتجاهاتنا دينية .. وكنا مساييسين الإخوان .. إنما اللي حصل لما دخلنا حرب فلسطين .. وأمريكا أيدت إسرائيل تأييداً مطلقاً .. ومدتها بجميع الأسلحة .. واستشهد عدد كبير جداً من الضباط زملانا من الأسلحة الأمريكية أو المصدرة إلى إسرائيل .. فابتدينا نحتاج إلى قوة خارجية .. تساعدنا في مواجهة هذا العدو الإسرائيلي .. فاتجهنا بعد قضية العدوان الثلاثي وبعد مؤتمر « باندونج » للتحالف مع الثورة الاشتراكية العالمية .. وعلى رأسها الاتحاد السوفيتي .. هنا ابتدت حركة اليسار تدخل في الجيش .. وبعد العدوان الثلاثي وبعد موقف أمريكا من تأييد العدوان الثلاثي .. ابتدت تظهر تنظيمات يسارية في داخل أفرع القوات المسلحة المختلفة .. منهم الأستاذ أحمد حمروش وخالد محيي الدين وإسماعيل صبري عبد الله وأسماء كثيرة .. وكانوا ناس أشرف واتجاهاتهم سليمة ومتقنين .. فابتدت الثورة تأخذ اتجاهاً جديداً .. واتجهت إلى اليسار .. وابتدت تعمل تنظيمات يسارية .. مش شيوعية .. يسارية بالمعنى الأوضح .. علشان نخلص على الثورات اللي كانت مسيطرة على الجو العام في مصر » .

• ورأى عبد الناصر أنه لم يعد أمامه من بديل لإتمام عملية التنمية الاقتصادية سوى السيطرة على وسائل الإنتاج ...

• ويقول خالد محيي الدين : « أنا كنت بره .. معنى في البيت أيام قرارات سنة ٦١ .. أصل هي لها سبب .. كان ما فيش أمام عبد الناصر غير هذا الطريق .. ليه بقى ؟ لأن عبد الناصر حاول أن يجعل الرأسمالية المصرية تسهم في مشروعات التنمية لكن هي ما كانتش عايزة .. هو الأول عمل قرار سنة ٥٩ بالتدخل في البورصة .. فالرأسمالية المصرية حسنت إن ده تدخل في شئوننا .. تضررت وقررت الامتناع عن المساهمة في المشروعات .. فجاءت أول سنة في الخطة الخمسية ٥٩ / ٦٠ الرأسمالية المصرية ما ساهمتش بحاجة .. فأخذ إجراءاته بتاعة تأمين بنك مصر والبنك الأهلي .. وسنة ٦١ إجراءات بالتأميمات الشاملة علشان بقدر يسيطر على المدخرات الموجودة ويقوم خطة تنمية .. وفعلاً عمل خطة التنمية الأولى .. دي ضرورة كانت بتواجهه إذا كان يريد أن يتقدم .. إذن كانت فيه ضرورة سياسية وضرورة اقتصادية » .

• ويقول د . حسن عباس زكي : « والله إحنا نتكلم في الموضوع ده بشيء من الصراحة .. التحول الاشتراكي ده لم يأتى إلا من صاحب الثورة .. قامت الثورة .. وبذه يحمي الثورة ولقى إن الشعب فقيراً .. ٩٠ ٪ من الشعب فقير و ١٠ ٪ يملكون ٨٠ ٪ من ثروة البلد .. وما يملكونهاش نتيجة جهد .. لا .. زى ما شقنا في الأراضي الزراعية .. الملك يوزعها والإبداعات وما إلى ذلك .. وكانت نفس البنوك تشارك في خلق طبقات .. فكانت دي الوسيلة اللي يقدر بها يحط إيده عليها .. هو نوع من أنواع التحول الاشتراكي اللي الدولة تبقى فيه لها اليد الطولى في كل شيء .. ليه ؟ وجد في وقت من الأوقات مثلاً إن المتاجر تصتورد السلع اللي هي عايزاها .. عملت حصة .. طيب عملت حصة واستوردت .. ويبقى بيع بالسر اللي يحبه ويكسب .. يبقى أنا اللي جبت له النقد الأجنبي وهو اللي بيكسب به .. قال الله طيب

يبقى أنا الذى أوزع أو أأم أو أحط إيدى على هذه المحلات .. بحيث إن يبقى فيه سياسة معينة للتحويل الاشتراكى .. لكن هذا علشان يتم يحتاج فلسفة وفكر .. الواقع يمكن دى كان فيها عيب شوية .. لأن حينما تكون الفكرة بنت شخص .. وهو صاحب الفكرة .. ولذلك فأنا أنكر فى وقت من الأوقات بعض الصحفيين للأسف .. ده اللي بيصنع الدول .. تلاقى واحد عاوز يناقش يقول الاشتراكية دى ما فيش أحسن منها .. دى كذا وكذا ويشرحها .. نسمع ثانى يوم أن رئيس الجمهورية جابه وقال له الكلام ده إزاي ؟ فأنا مرة حتى قعدت قلت له طيب ما تقوللى بالضبط .. عاوزين تفسير لهذا علشان يبقى فيه أسلوب فى الاشتراكية .. أنا نفسى بمأله مرة .. قلت له يا سيادة الرئيس ليه أخذت الناحية الاشتراكية دى ؟ أنا فاهم الأسباب الاقتصادية لكن إيه اللي دفعك لهذا ؟ زى كل شىء فيه أسباب مباشرة وأسباب غير مباشرة .. قال لى فى كل مكان أحضر حفلة لأم كلثوم وتقول « الاشتراكيون أنت إمامهم .. الشعب كله يصق .. قلت الله ده الشعب عاوز اشتراكية » !! حقيقى حصل هذا .. فأحس إن ده مطلوب .. يقول لك .. نبض القائد الصبح اللي هو يكمن إحساس الشعب له وسائل الإعلام فى الصحافة والإذاعة أيضا .. الناس بتصفق له وبتفرح .. من هنا استوحى الفكرة ودرسها فعلاً وخرج منها إلى إن ده السبيل الوحيد اللي يمكنه يحط إيدى على كل شىء ويحسن التوزيع .. فمثلاً يقولك لازم بالبطاقات .. أضمن إن كل واحد أخذ حقه .. الفقير أخذ حقه والغنى اللي هو قادر يأخذ حقه بقدر معين .. والباقي يدفع الثمن المطلوب .. الناحية الأخرى ودى أيضا مهمة أنه لا ننسى إن الدول الغربية بتعاضد النظام وتعاوى الثورة .. وكان فيه كثير من المؤامرات وكثير من المشاكل اللي خلقتها لنا زى المد المالى .. وزى محاولة عدم إقراض مصر زى تجميد الأرصدة فى وقت من الأوقات .. لما كانت عندنا أرصدة .. وخلقنا أنظمة اقتصادية خاصة .. وكانت فيه اتفاقيات ثنائية مع بعض الدول الاشتراكية لأن هى اللي بتقتنع بهذه الاتفاقيات الثنائية كانت تتيح لنا فرصة إا نستورد سلع وما ندفعش ثمنها .. أحط ثمنها فى البنك يشتروا به سلعا .. يعنى فى الوقت نفسه لقيت مجالاً للتصدير .. فهذا الأسلوب يفيد الدولة داخلياً .. يفيدها فى تجارتها الخارجية .. ويفيدها فى التعامل المالى .. وأيضاً التأييد السياسى أو العسكرى .. أو النقطه اللي كانت تهمة أيضا وهى الحصول على السلاح اللازم .. وما كانش فيه سبيل للحصول عليه إلا من هذه الدول .. ويندفعه فى الحسابات اللي بتشتري منها سلع فى مصر ،

● وبدأت القرارات الاشتراكية والتأميمات ...

* ويقول د . حسن عباس زكى : « أنا أذكر لما اتعمل التأميم والناس حسبت إنه هناك إتجاه لهذا الوضع الاشتراكى .. أنا واحد من الناس اللي طلب منى أن أنفذ هذا .. ويمكن أنا كنت أول واحد أعرف قبل ما يعلنها الرئيس » .

* ويقول سامى شرف : « شوف موضوع التأميمات لم يكن له معنى لا أول ولا ثانى ولا مليون .. إنك تضر أشخاصاً .. لكن كان معناه بالدرجة الأولى والمليون .. إنك بتعيد توزيع الثروات .. لا يمكن دين أو أخلاق أو قيم أو مبادئ تقبل إن واحد يعيش وواحد لا يعيش ..

الرسول عليه الصلاة والسلام قال إن الناس موساسية كأسنان المشط .. سيدنا عمر قال الناس شركاء في الماء .. والأديان يقول كده .. وأنا ما أقدرش أقولك إن أنا متبحر في الأديان الأخرى .. لكن أكيد الأديان خطها الرئيسي واحد .. لإنها منزلة من الخالق سبحانه وتعالى .. فأكيد إن جميع الأديان الأخرى يتحضر وتدعو إلى المساواة وإلى التوازن على الأقل .. معنى دائما يقول لك إيه خير الأمور ؟ الوسط .. معنى إيه الوسط ؟ .. الوسط في كل شيء معنى لا أبقي متطرفاً في دى .. ولا متطرف في دى .. الوسط معنى التوازن .. أحد أهداف هذه الثورة اللي اتفق عليها وأقرت في المعايير إقامة مجتمع الكفاية والعدل .

• ويقول أمين شاكرك : • وبعدين بعد كده ابتدا الروس يصبروا على وجهة نظرهم في موضوعات معينة . وبدأوا يقترحوا على عبد الناصر أن يطبق في مصر بعض النظم المطبقة عندهم زى التأمين .. ده ما كانش تفكير عبد الناصر ده تفكيرهم هم .. أن تصبح الدولة هي المالكة .. ما هو أصل التأمين ده معناه ملكية الشعب لمصادر الإنتاج .. ده معنى التأمين يبقى ملك للشعب .. هذا المصنع أو وحدة الإنتاج دى اللي ملك الفرد تبقى ملك المجموعة .. الواقع هو ده اللي موجود في روسيا وأن كل أجهزة الإنتاج ومصادر الإنتاج أصبحت ملك للدولة .. عملت رأسمالية للدولة وهي أسوأ أنواع الرأسمالية .. ودى ضارة جدا بالعمال .. لأن العامل لما يكون أنت المالك يبقى أنت شخص بقدر يكون خصماً معاك .. ويروح معاك المحكمة .. ويأخذ حقه .. الخ .. لكن لو الخصم بتاعه الدولة .. ما يقدرش يأخذ منها حاجة .. لأن الدولة لو لقت إن العامل ده حيقدر يأخذ منها حاجة حتطلع قانون توقفه وتوقف الإجراءات اللي هو بيعملها وهكذا .. ففرضوا عليه عملية التأمينات .. صحيح في سنة ٥٧ و ٥٨ هو عمل تأمين المؤسسات المالية وده كان ضرورياً جدا .. لأن إحنا ما كانش عندها غير بنك مصر وبنك القاهرة .. كل البنوك بخلافها حتى البنك الأهلي كانوا تحت السيطرة الأجنبية .. فقطاع المال ماكانش في إيدنا ودى عملية خطر جدا .. لأن قطاع المال له دور أساسي في التنمية الاقتصادية والاجتماعية في البلد .. لكن ما كانش في تفكير عبد الناصر إنه يأخذ الوحدات الإنتاجية اللي هي ملك أفراد وينقلها للدولة .. وما كانش في رأى عبد الناصر أيضاً مركزية التخطيط .. لأ .. هو كان علوز يعمل تخطيط علشان المصانع الكبرى التي لا يمكن للقطاع الخاص أن يقوم بها زى صناعة الحديد والصلب .. زى .. كيما .. في أسوان دى أكبر صناعة سمد .. زى السد العالي .. دى حاجات ما يقدرش يعملها القطاع الخاص .. ده كان تفكير عبد الناصر .. لكن مع الوقت فضلوا وراءه .. وطبعاً قدروا يصطادوا على صبرى ومحمد أبو نصير اللي كان وزير التجارة وخلوه بأمر كل ممتلكات القطاع الخاص .. لأنهم دخلوا في ذهنه إن الشخص المالك اللي عنده إمكانيات مالية ممكن أن يكون خطراً على الثورة وأن أهم حاجة يجب أن يفكر فيها هي أمن النظام .. وهكذا انتقل عبد الناصر من النقيض إلى النقيض .. وهم عندهم نظام محكم لا يمكن لأى إنسان أن يغيره .. معنى سكرتير الحزب يتغير أو رئيس الحزب يتغير فلان يتغير فلان .. لكن الـ « System » (النظام) ما يتغيرش أبداً .. وبذلك عبد الناصر عمل هذا النظام الخطأ اللي أخذ ضررته من اللي موجود في الاتحاد السوفيتي .. ولذلك دى ما كانتش اشتراكية .. الاشتراكية

هناك دى اسمها شيوعية .. لأن كان فيه اشتراكية فى السويد وفى الترويج وفى إنجلترا لكن غير هذه .. هذه بتحرمك من الملكية وتحرمك من الحرية .. من الاثنين .. وهذا ما حدث فى مصر .. وكان غير مسموح لأى إنسان مهما كان وفى أى منصب إنه يحاول تغيير هذا النظام .

• كما صدر قانون تنظيم الصحافة ...

• ويقول أحمد حمروش : « حرية الصحافة تأثرت بعد الثورة أو بعد التأميم لأن فى السنوات الأولى من الثورة التأييد كان جارفاً لثورة ٢٣ يوليو والناس كلها كانت حاسة إنها فعلا تححر من الظلم ومن القيود الاجتماعية .. لكن مع تطور الوقت أصبحت الصحافة .. تحت ضغط منالأة الحاكم ومحاوله إرضائه » .

• هل لأنها مؤمنة ؟

• « مافيش شك إن التأميم كان ضربة لحرية الصحافة .. يعنى لو إن الصحافة بقيت كما هى وأصحاب الصحف استمروا فيها لكان فيه ديمقراطية .. لأن الديمقراطية لا تختلف ولا تتفصل عن حرية الصحافة .. فحزب الديمقراطية يعنى ضرب حرية الصحافة » .

• وأسأل شمس بدران : موضوع تنظيم الصحافة حصل إزاي .. هل أوحى أحد للرئيس به ؟

• « آيوه .. طبعاً هيكل .. وكان هو الوحيد فى الدولة اللي بيأخذ فى الوقت ده ٥ آلاف جنيه .. الوحيد فى الدولة اللي بيأخذ مبلغاً أكبر من أى واحد فى الدولة » .

• أكبر من رئيس الوزراء ؟

• « آه .. كان وقتها يعنى .. الوحيد اللي كان مستثنى من الحد الأعلى للأجور والمهيات » .

• تقول فى مذكراتك إن « الأستاذ هيكل كان حريصاً على أن يصنع من الرئيس عبد الناصر أسطورة » .. توضح لى هذه النقطة ؟

• « هو كان زى ماوتسى تونج مثلاً .. أصبح زعيماً وله تأثير على العالم كله .. فكان جمال عبد الناصر له تأثيراً على العالم العربى على الأقل .. فمن هنا نشأت الفكرة بتاعة خلق الأسطورة .. فكون هيكل ببطلق الأسطورة .. ما نقدرش نقول إنه كان بيعمل كده تزلفاً فلما مات عبد الناصر أصبح هيكل فى موقف الدفاع .. وده لا يعيب الأستاذ هيكل .. أنا مش بادافع عن هيكل أو بأهاجم هيكل .. أنا بأقول الوقائع .. وطبعاً حينكر الكلام ده لو أحد قال له .. هو طبعاً مش حيرد على الكلام ده .. آه خلق الأسطورة وده موضوع لا جدال فيه » .

• ويقول د . عبد العظيم رمضان : « أنا رأى الشخصى فى الأستاذ هيكل أنه لا يكتب بموضوعية المؤرخ ولكنه يوظف الوثائق والأحداث حسب رأيه السياسى .. ويستطيع أن يغير رأيه وبالتالي يغير استخدامهم للوثائق والأحداث » .

• **ويقول خالد محيي الدين :** « أنا كنت الأول رئيس تحرير « المساء » .. وبعدين كنت رئيس تحرير « أخبار اليوم » ، ٦٤ / ٦٥ .. لكن سنة ٦٠ وهو بيجيز للسيطرة رأى إنه يجب أن يسيطر على وسائل الإعلام .. أخذ بنك مصر وأخذ البنك الأهلي وجعل الشركات ملكية عامة للشعب وعمل قانون سلطة الصحافة .. علشان يقدر يتحكم فيها .. دى كانت ضرورة من الضرورات .. ما هو مادام يخطط إنه يعمل مجتمع موجه .. فالتوجيه يشمل الإعلام .. عاصرت فترة التأميمات كلها .. فترة التأميمات فى سورية وفترة التأميمات فى مصر » .

• **ويقول مصطفى أمين :** « كان فيه رقابة شديدة على الصحافة وعلى الإذاعة والتليفزيون طوال الثورة .. يعنى كان فيه عندنا رقيب فى الجرنال .. الأول كان رقيباً عسكرياً وبعدين بقى رقيباً مدنياً .. مصر زعيمة البلاد العربية فيها أقوى صحافة وفيها أقوى مسرح وفيها أقوى سينما وفيها الكتاب المصرى وهو الكتاب الأول .. كل ذلك فقدناه .. على سبيل المثال إحنا مثلاً لأخبار اليوم كانت تبيع فى بيروت ٢٥ ألف نسخة .. بعد التأميم تبيع فى لبنان ١٥٠٠ نسخة » .

• **ويقول أنيس منصور :** « دى حكاية طويلة .. تأميم الصحافة ده خط سياسى .. بلد اشتراكية شيوعية إلا شويه .. طبيعى إن الدولة تسيطر على كل وسائل الإعلام أو المعرفة .. فتأممت الصحف كلها واتخط فى كل صحيفة رقيب .. أنا أنكر أول اجتماع عمله الرئيس عبد الناصر لرؤساء تحرير الصحف .. أنا كنت رئيساً لتحرير مجلة الجيل .. فرحنا قافلنا الرئيس .. فدار الكلام أشكالا وألواناً .. فسال الرئيس عبد الناصر .. عاوزين الصحافة حرة ولا عاوزين تكونوا إنتم رقباء على الصحف ولا أحط لكم رقيباً ؟ .. مصطفى أمين وعلى أمين وفكرى أباطه مدوا أيديهم .. وقالوا لأ حططنا رقيب .. ليه بقى .. لأن الرقيب عارف إيه اللى يتنشر وإيه الذى لا ينشر .. لكن عندما مايقاش فيه رقيب .. نحن اللى نتولى الرقابة وما نعرفش إيه اللى يصح وإيه اللى لا يصح .. فطالبنا أو طالبوا أكبرنا سنا وقدرنا بالإبقاء على الرقيب فى كل صحيفة » .

• **وأسأل صلاح أبو سيف :** « والسينما ؟

• **أ :** « .. السينما لم تزم حتى فى الستينات لما عملوا القطاع العام .. برضه كان مسموحا للقطاع الخاص إنه يشتغل لكن ده باتجاه الفنانين أنفسهم .. اقتناعهم بالثورة واقتناعهم بأن فيه تغيير فى المجتمع .. وأن النظريات الاجتماعية أبدت تغيير فابتدت المواضيع كلها تتغير » .

• **والهدف من التأميم لم يكن خدمة الجماهير العمالية فحسب .. لكنه كان أيضاً لهدم الطبقة الرأسمالية التى تستطيع التحرك ضد نظام الحكم فى مصر .**

• **ويقول عبد اللطيف بقداوى :** « التأميمات دى ماكانش لينا خبرة فيها .. عبد الناصر كان عنده اتجاه للسيطرة الكاملة على أدوات الإنتاج على أساس إنك مادمت بتسيطر اقتصادياً يبقى بتسيطر سياسياً .. ده كان فكره » .

• **ويقول مصطفى كامل مراد :** « التحول الاشتراكى حدث بعد ميثاق العمل الوطنى فى سنة ٦٢ .. لكن التحول الأكبر بدأ بعد ٦٧ .. هى كانت الفكرة مزيداً من التأميم ومزيداً من الاستيلاء على

أموال الناس ومزيداً من المصادرة بشكل لم يكن منظماً .. بفرض إن مصر دولة اشتراكية مثل الاتحاد السوفيتي » .

• **مشن لكسر رأسمالية المصريين وأصحاب المال ؟**

• « كانوا اتكسروا من زمان لكن الفكرة إني يعني مصر تتحول إلى نظام اشتراكي محكم .. والحمد لله لم يتم » .

• **ويقول د . عبد العزيز حجازي :** « أنا عاوز أقول حاجة حقيقية لابد أن نضعها في دماغنا .. لأن النقد سهل .. ٧ سنوات من ٦١ إلى ٦٧ حتى لم يحصلوا ٦ سنوات .. فترة التأميم .. كانت شاملة .. ودي كانت الخطورة .. ده كان القرار الصعب بتأميم كل القطاعات .. وبالتالي رأس المال المصري خرج لم يبق فيه مشاركة من مدخرات الأفراد .. هذا العمل للأسف بقدر ماخدم المعركة من توفير الملغ والخدمات اللازمة للمعركة في ذلك الوقت .. بقدر برضه ما خدم توظيف العاملين في الدولة .. برضه نعتبر كانت هناك أخطاء في الضغط على القطاع الاقتصادي .. هو حقق إيجابيات ولكن كان له سلبيات .. والرئيس نفسه اعترف بذلك » .

• **ويقول عبد المحسن أبو النور :** « عاصرت فترة التأميمات كلها وعاصرت فترة التأميمات في سوريا وفي مصر » .

• **ويعلق د . مصطفى خليل فيقول :** « ثورة يوليو .. أهم إنجازاتها .. الأفكار اللي بشرت بها قبل سنة ٦١ » .

• **وأنشأ عبد الناصر الاتحاد الاشتراكي ...**

• **ويقول أحمد حمروش :** « كان الاتحاد القومي خاضعاً لنفوذ العسكريين .. كذلك كان الاتحاد الاشتراكي كما هو واضح في تشكيل الأمانة (٩ ضباط) .. ونص قانون الاتحاد الاشتراكي على عضوية أفراد القوات المسلحة في الاتحاد الاشتراكي .. كما نص أيضاً على عضوية رجال الشرطة ورجال القضاء » .

• **ويقول محسن عبد الخالق :** « سمعت راشد البراوي .. يقول لعبد الناصر لكي تبقى ثورة لابد أن يعطى لها أيديولوجية فكرية .. لتحقيق أهدافها .. والأيديولوجية التي يمكن أن تعطى للثورة هي الاشتراكية التي تحورت بعد كده إلى الاشتراكية العلمية .. الخ . وتلى ذلك إجراءات .. يعني تحديد الملكية الزراعية لا خلاف عليه .. لكن بعد ذلك المصادرات والحراسات والسجون وامتهان الإنسان .. هذا ما كان يجب ألا تفعله ثورة يوليو » .

• **وكان عبد الناصر قد أصدر ما أطلق عليه « الميثاق » من متعلق أن كل ثورة اشتراكية لابد أن يكون لها فكر يعبر عنها .. وتم الاستفتاء على الميثاق ...**

• **ويقول أحمد حمروش :** « عهد عبد الناصر إلى محمد حمنين هيكل بالصياغة في الصورة التي عرفت باسم الميثاق » .

• وأسأل مصطفى كامل مراد : ماذا نقول عن الاتحاد الاشتراكي ؟

• « هو حزب واحد طبعاً .. حزب الثورة تحت مسميات مختلفة .. هيئة التحرير حتى سنة ٥٧ .. ثم الاتحاد القومي من ٥٧ إلى ٦٣ .. ثم الاتحاد الاشتراكي العربي من ٦٣ حتى ظهور المنابر في سنة ٧٥ .. حزب الثورة مازال شغافاً لحد النهاردة تحت مسميات مختلفة .. حزب مصر ثم الحزب الوطني وإحنا كلنا منيعنا حزب واحد .. فيما عدا طبعاً الوفد والإخوان المسلمين .. ودى لم تكن من أحزاب الثورة » .

• وأسأل سامى شرف : ما الذى تأخذه على الاتحاد الاشتراكي ؟

• « أنا لى مآخذ على التنظيم الطليعى وعلى الاتحاد الاشتراكي .. نمرة واحد .. البيروقراطية .. نمرة ٢ الانتهازية .. بمعنى جيد مش بمعنى سيء .. أى واحد فى المجتمعات النامية وفى دول العالم الثالث بيخوف السلطة عايزة إيه » .

• يراضيهما ؟

• « ما أعرض أظن الإجابة واضحة مش محتاجة تفسير .. معنى دول يمكن العنصرين الأساسيين اللي باعتبارهم سليات بالنسبة لتجربة التنظيمات السياسية فى مصر .. بدأ من هيئة التحرير فالإتحاد القومى فالإتحاد الاشتراكي .. وهذه العدوى انتقلت إلى حدأ ما إلى التنظيم الطليعى بشكل أقل أو أدنى .. يمكن أقدر أقول إن البيروقراطية تحكمت بشكل ما فى آليات وطبيعة عمل التنظيم الطليعى .. ولكن هذا التنظيم الطليعى نشوفه النهارده .. من تدرب فيه وتعلم فيه واستفاد منه وأصبح إيه ؟! » .

• ويقول كمال الدين حسين : « يمكن آخر الحاجات لللى قلتها لجمال عبد الناصر « لكم دينكم ولى دين » فى مفهوم الاشتراكية طبعاً وما يستتبعه من حاجات مالية وحاجات فى السلطة .. يعنى الديمقراطية أو عدم الديمقراطية والحكم المطلق علشان كل الثورات والانقلابات التى حصلت فى إفريقيا والعالم الثالث .. كلهم تبخوا موضوع الاشتراكية علشان البقاء فى السلطة .. علشان نفوذ حزب واحد .. هو الذى بيحكم .. ولو إحنا فى الميثاق وتقرير الميثاق حددنا ملامح الاشتراكية اللى الناس موافقة عليها علشان كانت تقال فى الميثاق كلمة كده الناس أخذوا بالهم منها على طول وانزعجوا لها كلمة « الاشتراكية العلمية » .. بالمفهوم الماركسى فى كتب ماركس نؤدى إلى الشيوعية فى الآخر .. لكن سألوه فى المؤتمر .. لشتراكية علمية يعنى إيه ؟ قال لهم إحنا بنحل مشاكلنا بأسلوب علمى .. طيب افقتعنا بكده ، ولجنة تحضيرية عملت حاجة اسمها تقرير الميثاق .. وحددت فيه ضوابط الاشتراكية والمجالس الشعبية والحاجات دى .. وبعدين وجدت الضوابط دى مش ماثية وحصل مناقشة فى مجلس الوزراء .. كنا راجعين من الجزائر .. المفروض إنتنى استقبل قبل كده قال لى تعال معايا رحلة الجزائر ويوغوسلافيا وحضرنا ورجعنا .. ولم نتكلم فى الموضوع أبداً .. وبعدين حضرت جلسة مجلس الوزراء .. وتكلمت عن تأميم ٣ لوارى وتأميم محليج مش هو ده اللى متفقين عليه .. اللى شاف يقول كده

ما فيش حاجة تتعمل أكثر من اللي اتعمل بعد قوانين الاشتراكية غير لما المجالس الشعبية المنتخبة تقرر .. وإحنا كان لسه ما فيش مجالس شعبية منتخبة اتعملت .. وفلما كان ميادها ٢ نوفمبر سنة ٦٢ ولم تعمل في ٢ نوفمبر ولا سنة ٦٣ كلها .. وبدأ يفكر فيها في مارس ٦٤ لما اتعمل الدستور المؤقت .. ومع ذلك طلع معاها القانون ١١٩ .. المهم إحنا بنتناقش في هذا الموضوع يقول إحنا ملتزمين بالميثاق .. قال لا ما فيش حدود للاشتراكية .. يعني إيه ما فيش حدود للاشتراكية ؟ يعني الاشتراكية ثم الاشتراكية ومزيد من الاشتراكية انتم إيه فاهمين إيه .. ده الجزائر سبقتنا في الاشتراكية .. ده إحنا ملتزمين بالميثاق وتقرير الميثاق .. طيب مين اللي قال إن الجزائر سبقتنا في الاشتراكية ؟ ومين قال إن إحنا في سباق مع الجزائر ؟ ومين قال إن الجزائر نجتحت في الاشتراكية ؟ وأنا أعلم إن الجزائر بتعثر في الاشتراكية رغم كل البترول اللي طلع لهم .. وبعدين إحنا متفقين مع الناس على نوع معين من الاشتراكية .. قال لا ما فيش هنا الكلام ده .. وبعدين حصلت مناقشة ثاني في مارس ٦٤ آخر مناقشة حصلت بيننا يعني كان هو يسرنضيني وكنت قاعداً في البيت .. وبدأنا نتكلم تناقشنا ومن ضمنها موضوع الاشتراكية قلت له .. والبقال والورشة حتأمهم برضه ؟ قال آه .. أنا قلت كلمة ما فيش داعي نقولها .. ولو إن مصطفى أمين كتبها ..

• مصطفى أمين قال إيه ؟

• « قال ، في المشمش !! وبعدين يقول لي عبود أحسن ولا ستالين .. هو إحنا أتباع عبود .. أنت بتسألني الشيطان أحسن ولا إبليس ؟ ما هو ده شيطان وده إبليس !! أنا ضد الرأسمالية اللي بتظلم الناس .. ويبقى ناس عندهم أموال لا حصر لها بدون وجه حق .. وناس آخرين بيموتوا من الجوع .. مش ممكن أن أكون مع الرأسمالية بالشكل ده وأنا برضه مش مع الاشتراكية .. إحنا مفهوم الاشتراكية هو مفهوم العدالة الاجتماعية في الإسلام .. وكنت دائماً أقول كده وهو تقريبا اللي اتقال في تقرير الميثاق .. الميثاق لم يصدق عليه كميثاق من الشعب أو مندوبى الشعب .. يمكن ألف واحد أو ألفين انتخبوا انتخاباً حراً مباشراً في جميع طوائف مصر .. موظفين وتجار وصناع ومعلمين وكل طوائف مصر مثلت في هذا .. ده مكتوب ده يعني الإنسان يستمد قوته من التقرير .. ولكن اتلغى التقرير واتلغى الميثاق واتلغت كل حاجة » .

• ويضيف كمال الدين حسين : « لينين قال إن لعبة الديمقراطية نلعبها علشان نستولى على الحكم .. وبعدين تأتى ديكتاتورية البروليتاريا .. النظام الشيوعي وديكتاتورية الحزب وديكتاتورية اللجنة المركزية والمكتب السياسي .. وبعدين ديكتاتورية ستالين في الآخر .. لما تيجي تناقش الواحد فيهم زى ما تناقشنا كثيراً مع الماركسيين سواء قبل الثورة أو بعد الثورة يقول لك ما هي دي المرحلة وما يقدش يقول إيه .. ومع ذلك الماركسيين دول في آخر الأيام بعد إحنا ما خرجنا حتى والاتحاد الاشتراكي هو اللي ماشى .. وهم قالوا إن إحنا خلينا الحزب الشيوعي إنحل .. وراحوا داخليين في الاتحاد الاشتراكي كماركسيين .. وهم ركبوا الموجة وأخذوا السلطات وكل حاجة ولم يعملوا حاجة بالنسبة للديمقراطية .. وبعدين في رسالة من الرسائل كان أحمد فؤاد في المكتب يتاع الأخ خالد محيي الدين وكان بعت لخالد قبل الثورة

ويقول له إنت لازم ترجع قريباً علشان سننقل بره السلاح .. لازم ترجع قريب علشان العملية استوت وبعد سنين قليلة جدا سوف نستولى على الحكم .. معنى العملية فى الآخر نستولى على الحكم .. مش الوصول للحكم بالطرق الشرعية .. قال أنا مش مصدق الكلام الللى اتقال والللى بسببه حصل الانتقام ده .. إن كان فيه ديمقراطية حقيقى منتظر إنها تتم على يدى أحد من السلطة .

• ويقول نجيب محفوظ : الميثاق فى الحقيقة مادة تنفع للمنور قومى لو نفذ صح .

• بينما يقول د . ميلاد هنا : جاء الاتحاد الاشتراكى ٦٢ .. هس .. كلنا اتحاد اشتراكى .. الللى يخرج من الاتحاد الاشتراكى يبقى فيه عليه كلام .. وفضلت الحركة الكلامية ناتجة وتحت الإبطار والمظلة بناعة الناصرية .. ما حنش يخرج عنها .. اليسار لا يقدر يخرج عنها .. واليمين لا يقدر يخرج عنها .

• وأسأل فكرى مكرم عبيد : بماذا تسمى هذه الفترة ؟

• أسميها نكسة للديموقراطية .. لأن الديمقراطية بغير أهازب ديكتاتورية .. الديمقراطية هى رأى والرأى الآخر أيا كانت تفاهته .. أيا كانت ضلالتة .. أيا كانت أخطاؤه .. فهو رأى آخر إنما يجب أن تقارن الحجة بالحجة .. أنت لما تكون ملاكماً فى حلبة لابد يكون أمامك واحد تلاكهم ويلاكهم .. تتغلب عليه أو يتغلب عليك .. إنما يوم ما تكون فى الحلبة لوحدك منظر لك تقول غير مقبول .. لا يمكن أن تجمع بين الوطنية .. بمعنى التمسك بأهداف الوطن وبين الاشتراكية الللى هى عالمية كما كانت أيام الشيوعية .. لأن الشيوعية والاشتراكية مقاربة .

• وأسأل عبد اللطيف بغدادى : ماذا نقول لنا عن الاتحاد الاشتراكى ؟

• تنظيم سياسى واحد .. فاشل .

• وأسأل د . ثروت عكاشة : موافق ولا لا على الميثاق ؟

• اشمط هذا السؤال .

• والاتحاد الاشتراكى ؟

• بالنسبة للاتحاد الاشتراكى .. كانت سلبياته تزيد على إيجابياته .. إن كانت هناك إيجابيات أصلاً .

• وأسأل عبد المحسن أبو الثور : لو تكلمنا عن الاتحاد الاشتراكى وقد كنت أميناً عاماً له .. هل تقدر نقول إن التجربة حققت ما كانت تصبو إليه من أهداف ؟

• ما كنش ممكن بأى حال من الأحوال إن التنظيم الشعبى يجمع ضمن عناصره ناس أضيقروا من هذه التأميمات .. فكان لابد أن يكون هو الوعاء السياسى للكادحين .. فئة العمال وفئة المثقفين والجنود والرأسمالية الوطنية الللى هى قامت الثورة فعلا لصالحهم فتكون منهم الاتحاد

الاشتراكي .. الاتحاد الاشتراكي يمكن بعض الناس تقول لك لم يكن له فاعلية كبيرة ، دون شك إن الاتحاد الاشتراكي حزب كبير كان فيه أعداد بالملايين .. هذا الاتحاد الاشتراكي خلق سياسيين كباراً .

• هل كانت هناك معارضة ؟

• لا .. ماكنش فيه أحزاب قصاده بس كان فيه داخله عناصر أيضاً لها رأيها .. كان يحتمل الآراء المختلفة .. وكان فيه كلام وردود على هذا الكلام .. فيه الآراء المختلفة حتى إن مثلاً في اللجنة المركزية اللي كان بيرأسها عبد الناصر .. كان فيه أخذ وعطاء في المواضيع السياسية والاقتصادية لا أول لها ولا آخر .. معنى لم يكن عملية ناس يقولوا أمين .. لأ ناس ببيحثوا الأوضاع المختلفة الاقتصادية والسياسية والمسكرية في البلد ويقولوا رأيهم فيها ورأى الأغلبية بيمشي .. دون شك إنهم دربوا أعداداً كبيرة .. عايز أقول كل العناصر اللي تنتمي للأحزاب الموجودة حالياً على اختلافها كلهم كانوا أعضاء في الاتحاد الاشتراكي .. وانبروا داخل الاتحاد الاشتراكي .

• ولماذا إذن نسمع بعض التشنيعات على الاتحاد الاشتراكي ؟

• طبعاً العناصر النهازدة اللي بتهاجم الثورة بتهاجمها عن طريق الاتحاد الاشتراكي .. وتقول إن الاتحاد الاشتراكي كان سلبياً وما كنش بيعمل حاجة وكان بالعكس بيبليغ عن الناس ويكتب تقارير .. أه كان الاتحاد الاشتراكي يكتب تقارير بس تقارير في المشاكل بتاعة الناس اللي في القرية .. في المدينة .. في خلافة .. بيطالب بتصليحها لكن ماكنش بيقول فلان الفلاني قال على فلان كذا والله امسكوه .. ما فيش حاجة من هذا القبول .. هذه تشنيعات بتنتقل من الناس اللي هي مضادة للثورة أصلاً .. فطبعاً تخترع أي كلام من هذا القبول .. تقدر تقول لى العناصر اللي باقول عليها دلوقتى اللي هي مكونة للأحزاب الموجودة حتى الحزب الوطني .. أعضاء تربت وترعرعت وتعلمت السياسة داخل الاتحاد الاشتراكي .. دى كانت بكتب تقارير هي الأخرى .. عاوزين نفهم من رئيس الحكومة إلى أصفر وزير وأصفر وكيل وزارة وخلافه كانوا أعضاء في الاتحاد الاشتراكي وتنظيماته ولا واحد فيهم ما كنش كده ؟ .

• كلمة اللجنة المركزية أليست من النظام الروسي ؟

• أى تنظيم سياسى يبقى متدرجاً بهذا التدرج .. سواء كان مسمى بهذا الاسم أو مسمى باسم تانى .

• ويقول عبد المجيد فريد : « كان عملاً جماهيرياً كبيراً بغض النظر عن الملاحظات اللي قُلت عن الاتحاد الاشتراكي إنما كانت القيادات الموجودة في ذلك الوقت بتحاول تخدم الناس خدمة كبيرة جداً .. وكانت المباشرة وقتها لهذا الموضوع » .

• وأسأل د . سليمان حزين : معلوماتي إنك كنت أحد كتّاب الميثاق .. ما الذى تذكره عن هذه الواقعة ؟

• والى أنكره إنه عندما قرر الرئيس عبد الناصر أن يُدخل الميثاق .. كان سنة ٦٢ هو اختار ١٢ شخصا أنا كنت واحد منهم ليضع كل منهم تصوراً للميثاق .. هو يعلم عنى بالذات إن أنا لا أقول أن يملئ على رأى ولا أن أوجه وإنما شعر إن الصديق والأمانة تقتضى أن أتحمّل مسئولية .

• ومين كان مع حضرتك ؟

• لما تكلمنا فى الموضوع ده مع عبد الناصر .. جم عرضوا علينا الميثاق .. كما وضعه عبد الناصر وأعتقد إنه ساعده فى كتابة الميثاق محمد حسنين هيكل .. ده اعتقاد منى إنما كانت فيه كثير من الأفكار التى ذكرتها واللى ذكرها غيرى .. وأنا لا أعرف الآخرين .. لإن كان عندنا تعليمات .. يعنى أول واحد كلمنى فى ذلك الوقت كان كمال الدين حسين .. وكان أيضاً على صبرى .. وأنا كنت واحداً من الأعضاء فى التنظيم الللى دخلوا .. وأنا كنت أول واحد رئيس جامعة .. رأيت أن أدخل فى السياسة محتفظاً باستقلالى .. وألا أكون تابعاً .. وأنا لما دخلت فى السياسة كان فى الاتحاد القومى لم يكن فيه أحزاب .. وإنما لو كان أحزاب ومنابر كنت احتفظت لنفسى بمنبر خاص .. أنا مش مع الأحزاب .

• وهل طبق الميثاق فعلاً يا د . هزین ؟

• الميثاق لم يطبق .. لإن أنا كنت متصوراً بعض أشياء مختلفة تماماً .. وهو كان له اثنين سكرتير علم .. واحد هو المرحوم السادات .. والثانى كان كمال الدين حسين .. أنا كنت أقرب بالاتصال بكمال الدين حسين منى للسادات .. إنما أنا عينت مقررًا للميثاق بقرار خاص من عبد الناصر .. وجدت إنه من واجبى أن أتصل بالنائب الآخر الللى هو السادات .. اتصلت به اتصالاً رقيقاً خلال الفترة كلها .

• وكما علمنا من قبل أن سنة عبد الناصر بالفكر الماركسى قديمة ترجع إلى ما قبل الثورة سنة ١٩٥٢ .. وجدير بالذكر أن عبد الناصر كان مؤمناً بتعاليم الدين الإسلامى .. ويكره التفكير الخائفى ..

• ويقول محسن محمد : إن بعض منشورات الضباط الأحرار كانت تطبع فى مطبعة التنظيم الشيوعى المعروف « حتو » .. وقد صايرها الرئيس عبد الناصر بعد ذلك .. وهاجم الشيوعية بشدة .

• وأسأل سامى شرف : ماذا تقول عن عبد الناصر والكنيسة ؟

• الرئيس عبد الناصر كان دائماً يرفعى الكنيسة .. وكان فيه علاقات خاصة وشخصية بينه وبين البابا كيرلس .. وأنا كان لى لقاء إسبوعى كل يوم إثنين مع الأنبا صموئيل الللى هو أسقف الخدمات .. كنا إما بتلقى عندى فى المكتب يا إما بأروح له فى الكاتدرائية .. وفى يوم من الأيام جاء لى أحد رؤساء مجالس إدارات شركة بناء وقال لى إن فيه فكرة عند البابا - هو

مسيحي يعنى - إنه يعمل كاتدرائية جديدة ومحتاجة إلى دعم مادي والكنيسة مش حقتدر .. أنا قلت للرئيس .. فحضر شيك بمبلغ أياها كان يساوى النهاردة أرقام فلكية ولو قلته دلوقت حيقى متواضعا .. وأنا سلمته للأتبا صموئيل وصله للبابا كيرلس وجاء لى الأنبا صموئيل ثانى يوم وقال لى البابا عايز يقابل .. كان تعباناً حتى إنه كان راقداً على السرير .. قال لى أنا كنت عاوز أنزل أقابل الرئيس علشان أشكره لكن إنت شايف أنا راقد .. وراح مساكنى حضنى وبليسنى من هنا ومن هنا وقال توصل دول للرئيس جمال عبد الناصر .. العلاقات فى المجتمع العربى .. بين القبطى والمسلم كانت ممتازة طول الوقت وما كانتش فيها مشاكل .. ولما كان فيه مشاكل كانت بتتحل فى نفس اليوم سواء فيه كنيسة بتتبنى أو كنيسة بتتهد .. كانت بتتحل فى نفس اليوم » .

• وأسأل البابا شنودة : كانت علاقة البابا كيرلس بالرئيس عبد الناصر إيه ؟

• « فى الأول لم تكن تمام .. وبعدين أصبحوا أصدقاء .. والعلاقة أصبحت كريمة » .

• ليه ما كانتش تمام فى الأول ؟

• « ربما لم يكونوا يعرفوا بعض ! » .

• إذن نستطيع أن نقول إن عبد الناصر تأثر بالفكر الماركسى لكنه لم يتبناه .. وكان لابد من الخروج بنظرية جديدة لأننا دخلنا فى مرحلة الاشتراكية ..

• **يقول د . عبد القادر حاتم :** « لكل وقت ظروفه علشان تشرح الوضع فى ذلك الوقت .. الاتحاد السوفيتى كان عاوز ينشر الشيوعية أبوه كان عاوز ينشر الشيوعية والمنطقة كلها مشتتة وكلها بتمول بأسلحة مختلفة .. فكان لابد لعبد الناصر أن يبحث عن السلاح فى كل مكان .. وهذا ما بدأه فى أوائل الثورة .. هو لجأ للاتحاد السوفيتى ليه ؟ .. لما طلب الأول من أمريكا ما أعطوش وكان فيه أخطاء فى السياسة الخارجية من الأمريكان أو من بعض الدول مما جعله إنه يتجه إنه يجيب سلاحاً يحمى نفسه وده حماية لمصر .. أما إن إحنا نقول الظروف دلوقتى تنطبق على اللي فات لأ .. الوضع مختلف تماماً فى هذا » .

• **يقول د . حلمى مراد :** « اشتراكية عبد الناصر بدأت بالرغبة فى إعادة توزيع الثروة العقارية بالذات .. والزراعية بصفة أخص .. حتى إنه ما سماه الإقطاع تحول إلى مساحات محدودة وتوزع على صغار الفلاحين .. يمكن المعنى جميل والصورة طيبة .. ولكن كان المفروض أولاً لا نزع للملكية إلا بتعويض .. ولو بتعويض مغطى على فترة طويلة .. النقطة الثانية إنه يجب أن يعطى هؤلاء الفلاحين الإمكانات التى تمكنهم إنهم يزرعوا هذه الأرض دون تدخل من جانب السلطة .. أما إنها عملية إنهم ينتقلوا من عاملين أو شغالين عند كبار الملاك .. إلى شغالين وعاملين عند هيئة الإصلاح الزراعى .. أى موظفين فى الدولة ويعاونوا نفس المتاعب ولا يحصلوا على حقهم كاملاً .. يبقى ما غيرناش فى الواقع شيئاً .. وبذلك إحنا بنجد ثمن محصول القطن اللي كان وقتها المحصول الرئيسى اللي بتستولى عليه الدولة من الفلاحين أقل

بكثير من السعر اللى يتصدر به الدولة .. هذا الفارق كان من حق الفلاحين .. ولكنه أصبح ضريبة ممتنرة مفروضة عليهم .. إذن هنا الفلاح ما تغيّرش وضعه .. ولذلك حتى الآن .. إحنا بنجد القرى لازالت فى الصورة الاجتماعية والعمرانية والمعيشية القديمة .. ما حصلش تحسن فى المجتمع الريفى .. ويمكن هذا أوضح فى الصعيد من وجه بحرى .. السؤال الآن كيف ننقل الاستثمارات إلى الصعيد .. علشان ننقذه من هذا الوضع المتردى والفقر الشامل الذى يسوده » .

• والاستيلاء على الأموال ؟

• « كل هذا ينطبق عليه هذا المعنى .. إحنا بننقل السيطرة من فئة إلى أخرى ولكن هذا لم يؤدى إلى تحسين حال الشعب فى مجموعه .. ومن هنا بنجد إن إحنا دلوقتى بنتكلم عن الخصخصة بدلا من القطاع العام والتأميم .. ليه ؟ .. لأنه تبين لنا عمليا إن هذا لم يحقق الآمال المنشودة من حيث نهضتنا الصناعية .. وإن إحنا بقينا ننقل المصانع اللى نشترىها من الخارج بآلاتها .. دون أن نحاول أن نقلدها ونصنعها ولذلك إذا أصابها البوار .. أو إنها تحتاج إلى قطع غيار نرجع نلجأ للمصدر اللى اشترينا منه هذه الآلات .. فبقينا مرتبطين بدول معينة وننبعها اقتصاديا .. ولم نستقل صناعتها عنها كما نرى فى النمرور الآسيوية أو فى سنغافورة أو فى اليابان .. فبذلك لم نتحول إلى دولة صناعية إنما بقينا إحنا بنشغل مصانع أجنبية لحسابنا .. ونتبع هذه الدول فى تجديدها أو تغييرها » .

• وأسأل مراد غالب : موسكو .. هل كانت فى فترة من الفترات تحكم مصر ؟

• « الحقيقة أنا عاوز أقول لكم بمنتهى الأمانة إنها لم تكن فى يوم من الأيام تحكم مصر .. الرئيس جمال مؤكد إن الناس عارفينه كويس قوى .. هذا الرجل كان حريصاً حريصاً شديداً جداً على كرامة مصر وعلى كرامته هو شخصياً كزعيماً لمصر .. كان حريصاً جداً على استقلاله بالقرار » .

• وجدير بالذكر أن عبد الناصر كان يوماً على استعداد لتقريب المسافة مع الرئيس كنيدي .. إلا أن كنيدي اغتيل سنة ١٩٦٣ وخلفه جونسون المؤيد لإسرائيل .. وهكذا ازدادت العلاقة فتوراً ..

• ويقول د . يوتان لبيب رزق : « خلف جونسون كنيدي الذى كان قد اختلف مع إيزنهاور فى وقتته ضد العدوان الثلاثى سنة ١٩٥٦ » .

• وفى العيد العاشر للثورة شهدت مصر استعراضاً عسكرياً كبيراً للقوات المسلحة .. واحتفلت بإنتاج صواريخ « الظاهر » و « القاهرة » ...

• ويقول د . حلمى مراد : « يعنى مثلاً الرئيس عبد الناصر كان مهتماً بشعار « من الإبرة إلى

الصاروخ .. هذا لا يمكن أن يتأتى .. مافيض دولة فى العالم تستطيع أن تنتج كل شيء وتستغنى عن العالم بأسره .. مش ممكن » .

• ولم يؤثر الخلاف الذى كان قد وقع بين عبد الناصر وعامر .. على الأكل فى الظاهر .. على العلاقة بينهما .. واستمر الرجلان معاً .. وعين عبد الناصر عبد الحكيم عامر على رأس لجنة « تصفية الإقطاع » ...

• ويقول شمس بدران : « شككت ٣ لجان وعبد الحكيم عامر كان رئيسها .. رئيس هذه الثلاثية » .

• متى ؟

• « دى حصلت بعد حادثة .. الحادثة بقاعة إنهم ضربوا واحداً وموتوه .. فى « كمبش » .. الإقطاعيون ضربوا واحد .. الواحد ده كان صاحب حسين عبد الناصر .. أخو جمال .. فالعملية بقى تجسمت وعبد الناصر ما صدق لقي حاجة بيمسك فيها علشان بيتدى يخلص على الإقطاعيين .. لأنه أحسن إن دول لسه لهم سلطة » .

• كان لسه فيهم الروح ؟

• « آه .. فمسك فى الموضوع ده .. وعمل بقى لجنة تصفية الإقطاع .. وكنت أنا فى اللجان دى كلها » .

• ويقول د . محمد الذكرورى : « لجنة تصفية الإقطاع كانت من الإجراءات التى تمت فى مصر .. وكانت تهدف إلى تصفية لما يمكن اعتباره قوة ثانية قد تكون مضادة للثورة فى مصر .. قانون الإصلاح الزراعى عندما جاءت الثورة سنة ٥٢ .. كان مقبولاً على اعتبار إنه فيه الحد الأقصى للملكية .. وهذا ما كان يسمى بالإقطاع السياسى والزراعى .. والثورة حتى تؤمن نفسها كانت تضرب كل القوى حتى لا يمكن أن يكون هناك من يقف أمام الثورة .. وأعتقد إن هذا لم يكن فكرة مصرى خالصاً فاختلقت قضية تصفية الإقطاع ولم يكن لها هدفاً حقيقياً .. والدليل إن كل من خضعوا للجنة وأخذوا أحكاماً ... اللجنة المشكلة لإعادة النظر برأئهم جميعاً » .

■ ولماذا كان المشير عبد الحكيم عامر على رأس هذه اللجنة ؟

■ « فى الفترة الأولى من الثورة حتى وفاة المشير .. كانت هناك ثنائية فى الحكم .. ناصر وعامر .. وكان كل شيء مختلفاً فقد كانا رفقاء سلاح وعمداء الثورة .. وكان دائماً يحاول أن يصبح فى يده أكبر قدر من الخيوط التى تحكم البلد .. ولجنة تصفية الإقطاع طلب المشير عامر أن تكون تحت إشرافه .. وللتاريخ إن الرجل كان دائماً يلوم الأجهزة .. ويقول لهم إنتم عاوزين تصفوا البلد كلها .. وأنا أؤكد أن الرجل عندما طلب أن يرأس هذه اللجنة كان من أجل منع

• حدوث تجاوزات .. ورغم ذلك حدثت تجاوزات كثيرة .. لكنه كان أحد صمامات الأمان فى اللجنة ، .

• وأسأل إبراهيم بخدادى : اشتركت سنة ٦٥ فى أحداث « كمشيش » .. ما الذى تذكره عن هذه المرحلة ؟

• « أحداث كمشيش الحقيقية بدأت بمقتل مواطن نتيجة خنافة على محطة سكة حديد بتاعة كمشيش .. زى ما بيحصل فى أى قرية مصرية ، ناس من قرية مسافرين اتخانقوا مع بعض فى الصباح .. رجعوا فى القطار بعد الظهر كلوا الخنافة .. طلعت طلبة مات صلاح حسين .. لغاية هذه اللحظة ما فيش ولا إقطاع ولا أى حاجة .. صلاح حسين كان له أخ ضابط طيار زميل حسين عبد الناصر أخو الرئيس جمال عبد الناصر الذى كان متزوجاً بنت المشير عامر .. فمراته اتصلت بعبد الناصر وأبلغته إن الاقطاعيين بتروع كمشيش قتلوا جوزها .. الحقيقة غير كده ... الحقيقة إنها مجرد خنافة عادية .. طبعا حسين أبلغ المشير عامر والرئيس جمال عبد الناصر .. وبعثوا المباحث الجنائية العسكرية علشان تحقق فى الموضوع علما بأن الموضوع كان تم عن طريق النيابة العامة .. كأى جريمة قتل أو ضرب أفضى إلى موت ، .

• وكان المشير أيامها رئيس لجنة تصفية الإقطاع ؟

• « ما كانت لسه اتعملت لجنة تصفية الإقطاع .. وقالوا الإقطاع هو الذى قتله وبالتالي صدر قرار بتشكيل لجنة لتصفية الإقطاع .. واللى حصل إن المباحث الجنائية العسكرية تدخلت بناء على تعليمات المشير طبعا وشمس .. أنا حضرتت بنفسى العملية وما كانتش ماشية فى التحقيق بطريقة سليمة .. وأنا الذى بأقوله إنهم لما جم شكلوا لجنة الإقطاع .. طيب لقد صدرت قوانين بتحديد الملكية وأصبح كل عيلة عندها الحد الأقصى ٢٠٠ فدان .. طيب ٦٦ لما حصلت الحادثة دى .. هل الدولة ماكانتش حاسة إنه فيها إقطاع موجود .. كان فيه إقطاع بس إقطاع نفوذ .. وكان داخل الاتحاد الاشتراكي واستنادا على التنظيم السياسى الوحيد .. كانت الناس اللى لهم مركز فى بلادهم أو كانوا من أصحاب الأرضى .. كان لهم قوة فى المركز بتاعهم .. ولم تتغير .. اللى حصل إن البوليس الحبرى أو المباحث الجنائية العسكرية على وجه التحديد .. أساءت التصرف فى الإجراءات اللى اتخدتتها .. وكنا معزومين فى فرح بنت شعراوى جمعة .. كنت أنا أيامها محافظ المنوفية .. والشيوخ حسن مأمون كان شيخ الأزهر اشتكى للرئيس جمال والمشير عامر بأن فيه شيخ من الأزهر ضربه واحد من المباحث الجنائية العسكرية رغم إنه لا علاقة له بالإقطاع .. فالرئيس جمال استاء جداً وقرر فوراً تشكيل مجلس عسكرى عالى لمحاكمة الضباط اللى اتسببوا فى هذه الواقعة .. وقومونى من الفرح ورحت شبين الكوم .. وجاء ورايا الفريق عبد المحسن مرتجى كان رئيس المجلس العسكرى العالى لمحاكمة ضباط البوليس الحبرى .. أنا من الأول قلت إن العملية دى لا علاقة لها بالإقطاع .. إنما لما جم شكلوا لجنة الإقطاع أصبحت عملية تصفية حسابات .. واحد متضايق من واحد يبلغ عنه إنه عنده أكثر من ٢٠٠ فدان .. وعملوا تشكيلة فى الإقطاع .. بقى ده إقطاع أرض ، وده نفوذه إجرامى ،

وده تلجر مخدرات ، لا علاقة لها بالإقطاع بمعناه الحقيقي .. أما بالنسبة لقضية كمشيش .. اللي حصل المحكمة برأت الناس اللي اتهموا بأنهم قتلوا صلاح حسين .. والشيوخيون أشعلوا الواقعة وكانوا في هذا الوقت يتبوعوا مراكز الصحافة والإعلام وهيجوا الدنيا .. واستمرت لجنة تصفية الإقطاع في إجراءاتها وما يقتش بس في المنوفية .. بل شملت القطر كله .. وفيه ناس كثير أضيروا ظلماً في هذا الموضوع .. إلى أن بدأت عملية ٦٧ فماتت عملية تصفية الإقطاع وانتهت قضية كمشيش .

• ويقول د . محمود جامع : « الذي أثير في قضية كمشيش أن صلاح حسين قتله الإقطاعيون .. ولكن الحقيقة إنه قتل للأخذ بالثأر .. وأنكر هنا عندما حضر كل من المفكرين مارتر وسيمون دي بوفوار .. زارا المنطقة وعقدت اجتماعات شعبية خاصة بالاشتراكية لكي يثبتوا لهما إنها حركة جماهيرية وليست مجرد جريمة فردية » .

• ويقول توفيق عبده (إسماعيل) : « أى واحد حتى مش إقطاعى وفيه عدد من الناس مش إقطاعيين اتظلماو علشان مقولة إن دى تصفية إقطاع .. ما كانوا إقطاعيين إطلاقاً ما كانوا عندهم أراضى .. ظلماو بسبب تصفية الإقطاع » .

• وأسأل د . ثروت عكاشة : قرأت في كتابك أنك تقول : « أقحمت المؤسسات العسكرية نفسها في كل المجالات وأصبحت مصر إقطاعيات .. (إقطاعية الجيش وإقطاعية الاتحاد الاشتراكي وإقطاعية مجلس الأمة .. وإقطاعية الحكومة) ؟

• « نعم » .

• وانشغلت المؤسسات العسكرية عن مسارها الأصلي .. وكان شمس بدران مديراً لمكتب عامر الذي بدأ يهيمن على أكثر من هيئة مدنية ...

• وأسأل شمس بدران : هل عهد الناصر كان يطلب من المباحث الجنائية العسكرية مراقبة أجهزة الدولة المدنية .. وكنت أنت المسئول عن الرقابة ؟

• « آه ناصر قال لى أنا غلبت من وزارة التموين .. لا المباحث العامة نافعة .. ولا مباحث التموين نافعة ولا جهاز الرقابة الإدارية بتاع الدولة نافع .. فلحنا ما فيش حل قدامنا غير إن إحنا نجيب المباحث العسكرية بتاعة البوليس الحربي .. فهو اللي كلفنا بالعملية دى .. مش بس التموين .. والأنوبيسات لهيئة المواصلات .. وأصبحتا مسئولين عن الأنوبيسات بتاعة القاهرة .. وكلفنا بتوع الصيانة بتوع القوات المسلحة يصلحوا جزءاً كبيراً منها ومشييت الأنوبيسات واتصلحت فعلاً » .

• بس ده مش كان على حساب حاجات ثانية .. الاهتمام بالعسكرية في المقام الأول ؟

• « لا مش على حسابه ده بيتعمل في جميع الدول .. معنى الجيش ساعات بيبنى فيه قوات قاعدة

ما يتشتغل فبيكلوها بمهام مدنية بدل ماهى قاعدة من غير شغل .. ومش أول مرة يتعمل فيها .. ده بيتعمل فى العالم الغربى دايما فى أمريكا وإنجلترا .

• وأسأل الفنانة برلنتى عبد الحميد : إزاي اتعرفتى على المشير عامر ؟

• « هى المعالبة كانت سياسية فى الأول .. لأنه كان فى الفترة دى فيه اجتماعات متنوعة .. وكانت التنظيمات نشطة جداً .. فكان لى صديقة صحفية كان لها علاقة بالتنظيمات .. فقالت لى على اجتماع منهم فأنا قلت لها إيه الغرض من الاجتماع ده ؟ قالت لى لأ ده غرض عظيم جداً .. القادة عاوزين يعرفوا رأى الناس فى المشاكل وإيه اللى مضايقهم .. لأن التقارير الرسمية أحياناً ما بتناقش دقيقة بالشكل الكافى .. ففعلنا رحنا .. ودى كانت أول مرة أقابل المرحوم المشير عبد الحكيم عامر .. وأعتقد إنه هو أخذ باله منى .. لإننى أثرت سؤالاً عمل شبه توتر .. كان لى صديقة والدها اعتقل وماحدش عارف طريقه .. أنا كنت قلقانة قوى علشان الموضوع ده .. فقلت له إذا سمحت ممكن تدبني الأمان وأتكلم بصراحة .. قال لى معاكى الأمان .. قلت له .. صديقتى كذا كذا .. طبعا حصل هرج ومرج فى الاجتماع لأنه كلام جرىء إنى أقول معتقل ومخفى وماحدش عارف طريقه .. فيمكن الصراحة والشجاعة دى كانت عجبته » .

• وأسأل برلنتى عبد الحميد : متى تزوجتما ؟

• « فى مارس ٦٣ » .

• وفرضت الحراسات واستمرت التأميمات ...

• وأسأل هدى عبد الناصر : كان والدك الرئيس عبد الناصر يحضر لكم لعباً وأشياء ثمينة أو كمالية .. تستطيع أن تقول إنها كانت عكس ما نادى به من أفكار ومبادئ اشتراكية .. فماذا تقولين عن ذلك ؟

• « لقد جامنى اللعب وأنا كبيرة .. كانت إمكانياته لا تسمح وأنا صغيرة بشرائها .. العبرة ليست بالأشياء التى نستخدمها ولكن بالفكر .. والذى كان يركب سيارة كاديلاك وعاشين فى بيت كبير فى منشية البكرى » .

• وكان بلبس كرافات « سولكا » ويخفن سجاثر « كنت » ؟

• « أبوه لكن كل بدله كانت صناعة مصرية .. وكنا نمضى الصيف فى المعصورة لكن كان فيه توجيه فكرى إن دى حاجات ملك للدولة مش ملكنا .. وبالتالي والذى جاء ولا يملك شيئاً وترك المنصب وهو لا يملك شيئاً .. العبرة ليست بممارسة الحياة اليومية أو بما نملكه .. ولكن كيف ننظر إلى هذه الأشياء .. هذه وجهة نظرى » .

• وأسأل شمس بدران : قرارات التأميم حصل عليها خلافات ليه ؟

• « أنت عارف بقى اللى كانوا ملكيين أكثر من الملك .. مجلس الثورة ما كانش اسمه مجلس

الثورة سنة ٦٢ كان مجلس الرياسة في الوقت ده وببعملوا طبقات اشتراكية جديدة .. فكان بي فكر في تخفيض الحد الأدنى لملكية الأرض الزراعية من ٢٠٠ فدان لإنه كان سنة ٥٢ بعد الثورة الحد الأدنى ٢٠٠ فدان وانتال في الوقت ده إن ده آخر تخفيض .. فجاء فكر في تخفيض تاني .. اللي موجودين بقى ملكيين أكثر من الملك .. هو عاوز يخفض ١٠٠ يقولوا له لا ١٠٠ كثير قوى ٥٠ فدان كويس ياريس .. ٢٥ فدان كويس ياريس كلام بالشكل ده ..

• وأسأل د . الجوهري : شقق الحراسات أين ذهبت ؟

• شقق الحراسات .. الشقق التي لم تخصص لأغراض حكومية سمح للناس إنهم يأخذوها بالدور المطلق ..

• مش كبار رجال الدولة وكبار الضباط ؟

• لا بالدور المطلق .. حصلت إعلانات .. حتى لما جم يعملوا هذا النظام على المصايف حصل إن شخصيتين يمكن أنت تكون تعرفهم .. محمد التابعي كان عاوز يأخذ بيت إلهامي حسين اللي في المعجم .. وكان معمولاً عنه إعلان .. الإعلان اللي يقدم عطاء أكبر .. كمان ، مقار ، بناع العربات .. فآثر جينا مقار إنه يدى البيت ده للتابعي .. حصل تنازل لكن ما حصلش أمر .. كله بالدور ولم يخرج عن الدور إطلاقاً .. حصل مرة واحدة أو اثنين والرئيس صلح الخطأ .. الناس اشتكوا له قالوا له إحنا كنا فلان قبل فلان .. قال صلح الخطأ وإدى لفلان اللي يستحق قبل فلان .. ما حصلش إن فيه تخصيص لواحد وقال له خذ البيت الفلاني أو الشقة الفلانية ..

• ويقول عبد اللطيف بغدادى : د . رشوان فهمي - الله يرحمه - كان تقبب الأطباء وصديقنا .. اللي هو أول من بعث برفقة تأييد للثورة في يوليو ٥٢ باسم جامعة الإسكندرية .. ومن هنا تقرر عمل الاحتفال في الإسكندرية كل يوم ٢٦ يوليو بسبب برفقة الدكتور رشوان فهمي .. وبعدين كانوا بيحتفلوا بتعيين مدير للقصر العيني وقام اتكلم وقال لو يقولوا القصر العيني ويتكلموا على تطويره يقارنونا بقناة السويس .. قال إدونا الإمكانات اللي منحوتها لقناة السويس .. فجاء على أثر هذا قرار بفصله من النقابة .. وكان صديقي واتحط تحت الحراسة وهو ما عندهوش حاجة .. راح اللي بيعمله الحراسة قال له .. حطيتك تحت الحراسة وإننت عندك حجرة وصالة في الاسكندرية .. قال له إسأل جمال عبد الناصر ..

• وأسأل د . مصطفى خليل : حضرتك حضرت التأميمات والحراسات ولابد إنك لك رأى فيها ؟

• حضرتها .. وأستطيع أن أقول إن كل قرار بيتأخذ طبقاً لوقت معين ولظروف معينة .. ولا يمكن إننا نحكم على قرار من هذه القرارات إلا طبقاً للظروف والأوضاع اللي كان يتخذ في ظلها ..

• حدث عديد من الاعتقالات وبعض التجاوزات ...

• يقول طارق البشرى : كانت ظاهرة العنف تشدد في معاملة الخصوم السياسيين سواء في

المعتقلات أو خارجها .. على ما حدث في ١٩٥٩ و ١٩٦٠ مع المعارضة الشيوعية من وقائع التعذيب أثبتتها فيما بعد الكتب وأحكام المحاكم .. وعلى ما حدث مع معارضة الإخوان المسلمين في أعوام ١٩٦٥ و ١٩٦٦ .. وما تلاهما من اعتقالات وتعذيب الآلاف المؤلفة .

• ويقول إبراهيم شكرى : «معنا الكثير عن أوضاع يمكن تكون فيها التجاوزات تخرج عن المعاملات التي يمكن أن تكون طبيعية بالنسبة لسجون بها قواعد يجب أن تُحترم .»

• ويقول مأمون الهضيبي : «هذه مسألة أصبح يعرفها الصغير والكبير .. والجاهل والعالم .. أنواع التعذيب التي كانت تحدث في السجن الحربي مسألة لا يتخيلها البشر .. بمعنى مش مسألة انتزاع اعتراف من أحد .. لأ .. هذه عملية تعذيب يومي .. يعنى يوماً طابور تقف من الصباح للظهر في ساحة السجن الكبير .. والساكر واقفة بالكرايبج تضرب الناس .. لمدة أشهر .. يعنى الناس دول مش مطلوب منهم اعترافات .. اللي اتحكم عليه اتحكم واللى اتعمل اتعمل وخلص .. وهذا أيضاً تكرر سنة ٦٥ وأنا أعققت وعذبت في ٦٥ وأنا عارف بالضبط ما حدث .. وأنا لا أستطيع أن أكذب نفسي .»

• وماذا كان سبب الخلاف في ٦٥ ؟

• «يقال فيه مجموعة أعادت نشاط الجماعة .. ثم قيل إنها فكرت في اغتيال جمال عبد الناصر .»

• للمرة الثانية ؟

• «وقيل نجيب أسلحة .. لأ .. نخاف .. لأن هم حينئذ يعملوا فينا زى ما عملوا عام ٥٤ .. هذه القضايا كلها حقت من جانب واحد .. من جانب السلطة التي كانت قائمة بكل إمكانياتها وبكل ضغطها وبكل جبروتها .. ولكن حقيقتها إيه ؟ دى عاوزة باحثين يهودوا ويبحثوا ويعملوا تحقيقات جديدة علشان نعرف الحقائق إيه .»

• هل أجرى معك تحقيق ؟

• «أنا أولاً أخذت من بيتي بالليل .. وبعدين حطونى في إدارة المباحث العامة على البلاط كذا ساعة .. وبعدين عرفت إنى رحى «أبو زعل» .. لما وصلت هناك غمرنى طبعاً .. ولقيت رجلاً فوق ورأسى تحت والضرب يينزل .. وبدأت أسئلة غريبة وعجيبة .. أنا فى ذلك الوقت لم يكن لى اتصالات بالتنظيمات الإخوانية .. يعنى يمكن ميولى إخوانية .. ولكن لم يكن لى نشاط داخل الجماعة .. ولم أعرف تنظيماتها ولم أكن متداخلاً فيها .»

• وهل كنت على علاقة مثلاً من قريب أو من بعيد بمسئد قطب ؟

• «لا أبداً ولا كان لى أى اتصال به .. أعرفه كشخص .. مشهور .. معروف .. لكن عمرى ما ترددت عليه ولا عمره جاء زارنى ولا أى حاجة .»

• وحكم على كم شخص ؟

• « دى حاجة معروفة هم ٨٣ واحد .. حكم عليهم أيامها .. لكن المجموعة مظلومة .. أصلهم هم أخذوا فى الساعة دى كل اللي قابل التانى أو قعد مع التانى .. قالوا يتحكمم .. اللي دفع قرش بقى يتحكمم .. أنا حوكت لأنى كنت بأوصل مبالغاً من المال اللي بتأتى من بعض الجهات للجهة المسئولة عن بيوت الناس المسجونين والمعتقلين من الخارج ومن الداخل .. كانت بتدفع فلوس علشان الأسر اللي تريد أن تأكل وتلبس وأبناؤها يروحوا المدرسة » .

• ويقول عبد المحسن أبو الثور : « انكرت سنة ٦٥ على نطاق ضيق جداً بسبب أن الإخوان المسلمين بدأوا تانى يتحركوا داخل الجيش .. بدون شك أن بعض الناس منهم حصل معهم شىء من التجاوز .. لكن قلة قليلة للغاية » .

• ويقول د . هاتم : « هو فيه حاجة يجب إن إحنا نقولها عن هذا الموضوع .. عبد الناصر كان ضد التعذيب .. الإعلام لم يكن يعلم إطلاقاً بأى نواحى من التعذيب .. وأنا طبعا كنت المسئول عن الإعلام وما كنتش أعرف إن فيه تعذيب وماحدث بيقر التعذيب .. بعض القضايا أظهرت هذا الاتجاه .. لكن كان فيه رقابة .. أيوه كان فيه رقابة .. أقر هذا .. لمصلحة مصر وكل مرحلة ولها ظروفها الخاصة .. لأن طبعا أنت عندك دول كبيرة فى المنطقة ودى منطقة الشرق الأوسط كان يقال عليها منطقة فراغ كأننا لسنا شعباً فى هذه المنطقة » .

• ويقول أحمد كامل : « الإنسان الذى لا يلتزم بالحقوق الإنسانية للفرد فى عملية تحقيق أو فى عملية استجواب .. ده خطأ كبير جداً .. وأنا دائماً - لما يقال أعمال التعذيب - أعيد هذا إلى ضعف النظام فى التحقيق .. الإنسان البدائى يستخدم يديه إنما الإنسان المثقف الواعى يستخدم رأسه وفكره » .

• طيب حالات التعذيب والاعتقالات مش دى كلها كانت فى وقت من الأوقات منسوبة للمخابرات العامة كما قيل ؟

• « والله المخابرات لا تقوم إلا بضبط واقعة وهذه الواقعة تمس أمن الدولة .. بعد كده التحقيق بيتم بواسطة القيادة العامة وبواسطة أجهزة التحقيق .. إنما المخابرات ليست وظيفتها إطلاقاً القيام بالتحقيق .. فيه بعض الناس بتقول لك إن عملية التحقيق دى يستلزم فيها إنك أنت تهز وجدان الشخص اللي أنت بتحقيق معاه .. فترتكب شوية حاجات كده .. ما يعتبرش فى عرف أجهزة المخابرات إن ده خارج عن القانون .. إنما هو بده يصل إلى الحقيقة من الفرد اللي أمامه اللي بتحقيق معاه .. بس تجاوز هذا الحد يعتبر خطأ .. لا يمكن التسليم به ولا يمكن الدفاع عنه » .

• وأسأل أحمد الخواجة : كانت هناك تجاوزات مع المتهمين .. وبعض المعتقلين السياسيين .. وبعض من كانوا يدعوا بأعدام الثورة .. من الذى كان مسئولاً عن كل ذلك ؟

• « الثورة هى الحكومة .. ومادام بتقول فيه اعتقال طيب بتدور على تجاوز تانى ليه ؟ ما الاعتقال

في حد ذاته تجاوزاً .. الاعتقال إن الإنسان موجود بغير ذنب في سجن بغير حكم المحكمة المختصة .. البلد كانت في أول الثورة يعني شأن أي ثورة .. لكن أن تستمر هذه التجاوزات فترة طويلة في بلد زى مصر صعب .. ولذلك كانت النتيجة الللى إنتم شوقته .. يعنى ابتعاد الناس عن العمل السياسى .. وسلبية الناس » .

• وأسأل سامى شرف : هل كان الرئيس جمال عبد الناصر على علم بكل الأحداث التى تجرى فى مصر ؟

• وكونه رئيس الجمهورية لازم يعرف ما يدور فى الداخل .. وما حوله وفى الخارج .. أنا بأعتبرها حتمية من حتميات العمل .. ليه ؟ كل ما وسعت قاعدة المعلومات وكل ما كانت الصورة واضحة بالنسبة لرئيس الدولة .. كل ما كان القرار سهل اتخاذه ويكون القرار بقدر الإمكان قرار أقرب إلى الصواب .. فكل ما اتسعت قاعدة المعلومات وقاعدة المعرفة بصفة عامة يسهل على الرئيس أو القائد عموماً .. ودى تنطبق على رئيس الدولة وعلى رئيس العمل .. وعلى القائد فى الميدان وحتى عمل الضابط الصغير بالنسبة للصلابر » .

• ويقول سامى شرف : « عبد الناصر كان بشراً إنساناً لا يعلم شيئاً ولكن فور ما يعلم بشئ يضر شخص .. أو شخص أضره كان بيتخذ إجراء .. وعمر ما جمال عبد الناصر علم إن هناك شخص مضار أو قضية أضرته بشخص أو جهاز أضره بشخص ولم يأخذ إجراء .. الشواهد على كده كثيرة وحاضرب لك أمثلة .. ودى ممكن نحكى فيها كثيراً .. قضية الشرفاوى عندما علم بالموضوع .. أحيل للنايب العام على طول واتحقق مع جهاز المخابرات ومع كل الناس الللى اتهموا فى هذا .. وفيه قضية عبد المنعم الغزالى قريب زينب الغزالى .. فى عملية ٥٦ بتاعة الإخوان المسلمين جاء اتهام لزينب الغزالى .. إنها داخله فى مؤامرة بتاعة الإخوان المسلمين .. عبد المنعم الغزالى أخو زينب الغزالى .. والأجهزة قبضت عليه باعتباره أخوها .. وعندما علم عبد الناصر إن عبد المنعم الغزالى قبض عليه ضحك .. ليه ؟ لإن عبد المنعم الغزالى شيوعى .. مش ممكن يكون إخوان مسلمين .. وأفرج عنه فى الحال .. سيف الغزالى أخوها الثالث وفدى أفرج عنه فى الحال .. عندما يعلم بضرر أو بلجراء ما خطأ .. كان بيأخذ قراراً فوراً بتصويبه أو بتعديله أو بمحاسبته من اتخذه هذا القرار » .

• ويقول توفيق عبده إسماعيل : « جهاز المخابرات كان لا يصح أن يشارك فى الأمن الداخلى ولا فى أمن النظام .. الأمن الداخلى دور الشرطة .. أمن النظام المفروض الشعب الللى يعمل ما يفرض من النظام .. كان نظاماً منتقراً وكان نظام راضية عنه الناس لفترات طويلة جدا .. جهاز المخابرات العامة مشاركته فى الناحيتين دول هم الللى أساءوا للجهاز بإساءة بالغة .. وبدأت بعض الأمور زى حركة الإخوان المسلمين فيها تعذيب .. مافيش سلطة بتراجعهم .. النيابة ما كاش عندها إمكانية إنها تراجع وتتابع المعتقلين زى ماتابعهم فى أقسام الشرطة أو فى السجون العامة .. فتمادى الجهاز فى أخطاء كثيرة » .

• ويقول محمد أحمد : « دى إحدى أئلة الإضطباط .. بس عبد الناصر ما كانش غاوى البطش ..

لأنما كان فيه ثورة قامت .. قضية مافيش شك .. بتقاومها من الداخل ومن الخارج وهو يحاول يمنع فشل هذه الثورة .. وكان جنبنا متلاً قريباً اللي هو كان سوريا وما حصل فيها من ثورات وانقلابات .

* ويقول د . عبد القادر حاتم : فى ذلك الوقت الحالة نفسها اللي كانت موجودة كانت بتتطلب نوعاً من التقييد على الحريات العامة censorship .

* الرقابة ؟

* « آه وخصوصاً الرقابة على الصحف .. كان فيه ١٢ محطة سرية ضدك عاوزين يهدموا النظام الموجود .. والنظام الموجود كان يشع بثورات مختلفة فى إفريقيا وفى البلاد العربية .. فكان النظام يحاول أن يحمى نفسه .. وكان لابد أن يقضوا على هذه الشعلة المتقدة التى تثير ده .. من الإذاعة بتهاجم الاستعمار من المغرب إلى الخليج .. فى إفريقيا رئيس غينيا سيكوتورى كان يقول إن مصر تمتلك سلاحاً قوياً جداً يجعلنى أنا متين فى حكمى .. وهو سلاح الإعلام المصرى .. فإذن كان لابد منها لأن الاستعمار كان موجوداً فى المنطقة . »

* وأسأل أمين هويدى : هل كان يحدث تجاوزات قبل ٦٧ ياقتدم ؟ وهل كان الرئيس عبد الناصر على علم بأخبار وأسرار المخابرات العامة ؟

* « قبل ٦٧ أشك .. لأن الأخ صلاح نصر كان أقرب للمشير منه إلى الرئيس .. وكان يخبىء ويغشى بواسطة أعوانه .. عن كل ما يحدث بالتفصيل داخل الجهاز .. ولكن تسرب بعض هذا الكلام قبيل النكسة .. وكان من أول الحاجات التى صدمتنى .. أول ما مسكت رئاسة الجهاز .. كانت مثل هذه الموضوعات . »

* وأسأل الجوهري : قلت المرحوم الليثى عبد الناصر كان حاكم الاسكندرية ؟

* « ده حقيقى حتى فى وجود حسن إبراهيم أمين عام الاتحاد الاشتراكي كان الليثى موجود معاه وكان حسن إبراهيم يعنى راجل decent وظريف جداً .. لكن الليثى كان هو مركز القوى اللي موجود فى الإسكندرية .. دى حقيقة . »

* هل كان مستغلاً كونه شقيق للرئيس ؟

* « مافيش كلام .. من غير هذا كان حقيقى إزاي مركز قوى !؟ . »

● وقامت محكمة الدجوى بالحكم على الإخوان وأحد زعمائهم سيد قطب .. بعد تجدد الصدام معهم واتهامهم بعبادة النشاط السرى .. ووقع أكثر من حادث تعذيب ضد الإخوان والشبوعيين والإقطاعيين ..

* ويقول د . عبد العظيم رمضان : « محاكمات الدجوى .. أو محاكمات هلال .. للإخوان أو الشيوعيين .. كانت كلها فبركة . »

• ويقول عبد المحسن أبو النور : « الكلام حقيقى أنا لا أنفى هذا .. ودون شك إن وقت الإخوان المسلمين سنة ٦٤ حصل شيء من التجاوز فى السجن الحربى .. للإخوان المسلمين بس مش لهذه الدرجة » .

• ويقول أحمد سرحان : « أيام الرئيس عبد الناصر فيه أحداث كثيرة جداً تستدعى رفع درجات الاستعداد فى الأمن .. على سبيل المثال لا الحصر سنة ٦٥ أيام حركة الإخوان المسلمين والقبض على بعض المنتمين إلى هذا التنظيم » .

• وأسأل سامى شرف : ألم يكن على علم بالأحداث التى تقع فى السجن الحربى فى فترة الحراسات والاعتقالات ؟

• « مش ممكن رئيس الدولة يبقى قاعد زى ما ادعى البعض فى الكتب التى صدرت .. إنه كان عنده جهاز تصوير وكاميرا وخط تليفونى .. كل ده كلام فارغ يدل على إن رئيس الدولة فاضى .. إنما فيه مؤسسات بتعمل وأنت دولة مؤسسات .. هذه المؤسسات بتأخذ التكليف أو لها مسئوليات بتطبق هذه المسئوليات المنوطة بها .. قد تخطيء وقد تصيب .. إذا أصابت فلها أجرها .. ولو أخطأت بتحاسب .. فعندما كان عبد الناصر يعلم إن هناك خطأ ارتكب لم يكن يسكت عليه » .

• وأسأل الفريق أول عبد المحسن مرتجى : هل كان الرئيس عبد الناصر يعلم بالتعذيب ؟

• « ما هو إذا كان يعلم فهذه مصيبة . وإذا كان لا يعلم تبقى المصيبة أكبر .. أنا شخصياً ما كنتش متصوراً إن عبد الناصر يكون يعلم .. لكن بعض الشهود يقولوا إنه كان يعلم .. بمعنى أحاول لك زينب الغزالي قابلتها مرة فى مستشفى المعادى .. وأقسمت إنهم كان بيجيولها كلاب علشان تهاجمها .. وهى كانت بتقول الله الله .. وجابولها فى يوم من الأيام .. عبد الحكيم عامر وعبد الناصر وشمس بدران .. فشمس بدران قال لها قولى عبد الناصر وشوفى حيحصلك إيه .. فهى رفضت فكل كلامها كان « الله الله » .. فهل هو كان يعلم أو ماكانش يعلم .. مائة فى المائة كان يعلم » .

• ويقول سامى شرف : « مسألة دبة النملة » .. أثيرت وأنا قصدت أثيرها فى الحوار مع أخونا الأستاذ عبد الله إمام وأكررها هنا تانى لسبب .. هى أثيرت مش بشكل بناء .. أثيرت فى شكل إلقاء نوع من الظلال أو تلوين الصورة بالرمادية .. بمعنى إنه كان بيتقال إن هذا الحكم كان حكماً بوليسياً وإنه هو حكم فيه تجسس وفيه الأب بيتجسس على إبنه .. والبنيت بتجسس على أبوها .. وإن ده فيه مראقات تليفونية وتكميم الإخوان وكل الشعارات التى أطلقت .. وأطلقت بعد ما مات جمال عبد الناصر .. ويضوء أخضر ويشكل معين مش عاوز تعرض له لبلوقتى وحأتعرض له فى حديث آخر .. لكن كان الغرض منها تنفيذ مخطط الغرض منه هو مسح وغسيل مخ لحقبة ١٨ سنة كانت فيها إيجابياتها وسلبياتها .. لكن ببساطة وبجملة مختصرة اتغير المجتمع ١٨٠ درجة من مجتمع النصف فى المائة إلى مجتمع ٩٩ % بس كانت الطريقة فى بعض

الأحيان يقولوا لك ٩٩,٩ ٪ .. نرجع لموضوع « دبة النملة » .. دبة النملة أترجمها أنا ترجمة علمية مش ترجمة سوقية زى ما أريد أن تكون بها الصورة .. الترجمة العلمية إن ده شىء يشرفنى إن إحنا كنظام وكمسولين فى هذا النظام لما هذا النظام يستطيع أن يعرف دبة النملة على أرضه إذن يستطيع أن يبنى وأن يقاوم وأن يضع رجله أين .. وأين يسير وإلى أين يصل .. لكن إذا كنت أنا باشتغل بالمجهول واشتغل عفوا فى اللفظ بطريقة الـ ٣ ورقات .. دى ماتيقاش دولة ومايقاش نظام .. لكن الـ system دائما القائم على النظام العلمى .. هو ما يبنى على قاعدة المعلومات الصحيحة .. عبد الناصر كان يعلم وكان لا يعلم » .

• وتقول هدى عبد الناصر : « أعتقد أن « دبة النملة » لأنه لم يكن عنده وقت لكل شىء » .
• ألم يكن يعرف بالمعتقدات والسجون ؟

• طبعا كان يعرف ويتتبع القضايا .. وكل جهاز كان يتخذ إجراءاته بمعرفة الجهاز نفسه لكنه هو شخصيا كان لا يصدر قراراً بالاعتقال » .

• وأسأل أمين هويدى : هل المخابرات كانت تبلغ الرئيس عبد الناصر بحيث تجعله فى الصورة ؟

• « كنت أبلغه حتى عن عائلته .. وكنت ألاحظ فى هذا الخطأ الكبير الذى ارتكبته بعض الأجهزة أنها كانت بتغطى على الحقيقة لغاية عبد الناصر .. وعبد الناصر وقف فى اللجنة المركزية وقال الآتى .. أمين هويدى يقول الحق ولو على نفسه .. ويبلغنى كل شىء حتى عن نفسه .. هذه كانت علاقتى كرئيس جهاز مع جمال عبد الناصر رئيس الدولة » .

• بتقول جهاز واحد نسلم له ذقنا لا .. لكن تعدد الأجهزة ده مش ببخيلها فى الآخر تتصارع وتتضارب ؟

• « هذا جيد » .

• ليه جيد ؟

• « لأن إذا سبت تقدير كل شىء لعين واحد أو فرد واحد هذا خطر جداً .. لكن عليك أن تبص للمسألة من وجهة نظر واحد أو اثنين وإنت تحكم فى النهاية .. لأن صاحب القرار له البصيرة بناعته اللي يقدر يحكم بها على ما يريد » .

• المخابرات دائما يقال فيها ما قاله مالك فى الخمر .

• « مش عندنا بم .. يعنى تعالى شوف اللي تعرضت له الـ C.I.A (المخابرات المركزية الأمريكية) .. والمخابرات البريطانية فيها فضائح أخلاقية دائمة .. بس اللي كويس أن تنشر هذا الكلام .. وبعدين إذا كان يقال هذا عن المخابرات طب ليه تستنى المجالات الأخرى ؟ » .

• ويقول أنيس منصور : « شوف كتب الإخوان المسلمين .. شوف كتب اللي كتبوا المذكرات

السياسية .. وأنت تجد أشكال التعذيب اللي كانت عندنا زى اللي كانت فى ألمانيا النازية .. بالضبط .. أشكال وألوان .. كل أنواع التعذيب .. يعنى هو عُرف فى أجهزة الأمن القومى .. إن هى تنزع الحقيقة أو المعلومة بالكراياج أو وسائل أخرى يعنى بالأجهزة الكهربائية .. بالصدمة ... يعنى عاوزه تعرف بأى شكل .. علشان تصل للمعلومة بالتخويف والترهيب والبهلة للشخص ولزوجته ولبيته ولأمله .. وأنا لا أعتقد إنه حدث فى تاريخ مصر ما حدث من تعذيب زى اللي حصل أيام عبد الناصر .. أنكر أن كامل الشناوى كان له عبارة هاجم بها حكومة النجاشي باشا أيام إبراهيم عبد الهادي أيام حزيه ما كان بيحكم .. قال لك إنه همّ بيحطوا الناس فى السجون علشان يطوا مشكلة السكن .. أنا متهاى لى إن ده لا ينطبق إلا على عهد جمال عبد الناصر » .

• وأسأل سعيد حليم : ما قيل عن التعذيب وعن الاعتقالات ؟

• « التعذيب فى أى فترة » .

• فى فترة الرئيس عبد الناصر ؟

• « فترة عبد الناصر دى لم أحضرها .. وبأقول لك حتى بعد ٥٨ .. ما فيش تعذيب على الإطلاق حصل لغاية ٥٨ .. التعذيب حصل فيما بعد مع الإخوان المسلمين .. إنما الإفطاع لا أعرف بأسمع زيك » .

• ويقول طارق البشرى : « جاءت أحداث اعتقالات الإخوان المسلمين ١٩٦٥ وتولتها فى الأساس الشرطة العسكرية على يدى شمس بدران .. فى ظروف شاء فيها شمس بدران أن يسحب اختصاص مباحث أمن الدولة التابعة لوزارة الداخلية » .

• ويقول أحمد أبو نار : « لا يعيب شمس بدران إلا تحقیقاته مع الإخوان المسلمين .. حيث إنه المسئول عن التعذيب » .

• وأسأل شمس بدران الإخوان وشمس بدران .. توليت محاكمتهم .. وتعذيبهم ؟

• « لأ .. ما تولتش أنا محاكمتهم .. ولا تعذيبهم .. همّ اتعذبوا آه .. الناس اللي حققوا معهم .. فيه ناس منهم اتعنبروا .. التحقيقات دى كانت فى أنحاء كثيرة جدا من الدولة .. المباحث العامة كانت بتحقق والمباحث الجنائية العسكرية كانت بتحقق .. وكان التحقيق بتاعها فى السجن الحربى .. والسجن الحربى ده مسئولية سياسية .. يعنى كان اللي بيديروا السجن الحربى سياسيين .. المسئولية كلها سياسية » .

• تكفد وزارة الداخلية مثلاً ؟

• « لأ الرئاسة .. فالسجن الحربى كان تقريبا تابعاً للرئاسة .. رغم تيمته لوزارة الحرية الشكائية لكن تقريبا كان تابع للرئاسة .. فلذا كان بيحصل تعذيب طبعاً فى السجن الحربى .. ما تمش قدامى .. بمعرفتي آه .. أما موضوع الإخوان بقى .. جت قضية الإخوان دول وكان فى

تقديرهم إنهم ينسفوا كل المرافق الحربية بتاعة الدولة .. وكان عندهم فتوى من الشيخ سيد قطب بالكلام ده .. إن ده حلال .. وواحد منهم تغالى وقال طيب المد العالى لو ضربنا السد العالى وغرقنا الدولة كلها .. قال لهم اللى حيفرق الكفار مافيش مسلمين فى الدولة إلا إحنا .. إحنا المسلمين الحفيين والباقي كله كفره !! .. وبعدين اتتمسكوا الإخوان المسلمين .. وهم فى البيت ومعاهم السلاح ومعاهم الذخيرة والقنابل وراحين فعلا ينفذوا عمليات نفس كبارى ومحطة الإذاعة ومحطة توليد كهرباء وخلافه .

• وكان عبد الناصر قد سحب السلطة من مجلس الرئاسة تدريجياً .. وسلمَ فيما بعد سنة ١٩٦١ السلطة التنفيذية لعللى صبرى مدير مكتبه السابق والذى عمل أيضاً مديراً للمخابرات .. واختار عبد الناصر زكريا محيى الدين نائباً له .. وأصبح السادات رئيساً لمجلس الأمة ...

* وأسأل كمال الدين حسين : حضرتك قلت للرئيس عبد الناصر .. « اتقى الله » ؟

* « أنا كنت بره فى الفترة دى سنة ٦٤ .. فترة المحاكمات .. وكان فيه ناس بيتقبض عليها وتحتبس .. وأسمع إنهم بيتعذبوا حتى الموت .. سمعت الكلام ده وأنا فى بنها .. وفيه عمدة أخذوا ابنه واتعذب ومات .. وقالوا له ابنك تعالى استلمه .. مخطوط فى رقم كذا فى حنة كذا .. الحقيقة أنا ماقدرش أطيق .. وأنا مصرى .. إذا لم أقدر أقول لعبد الناصر حاجة .. مين يقول له ! نبعت له جواب وقلت له « اتقى الله » .. وقلت له إن ربنا قالها للنبي .. والنبي قالها للصحابه .. والصحابه قالوها لبعض .. واتقالت لعامة المؤمنين .. وبعدين كلمة « اتقى الله » كان أى واحد مسلم يقولها للخليفة .. ولم تلقى إلا بعد معاوية .. « اتقى الله » أخذ معناها بمعنى آخر .. وبعدين حصل اللى حصل .

* ويقول عباس رضوان عن مجلس الأمة : « الحقيقة أنا لم أحضر أكثر من مجلس واحد يمكن اللى هو بعد الانفصال .. وده كان المجلس اللى تولاها على ما أنكر يمكن المرحوم أنور السادات » .

* إذن لم يكن هناك تلاعب فى الانتخابات ؟

* « مقدش أجزم ١٠٠ ٪ .. على المستوى المحلى محتمل .. الانتخابات فى مصر طول عمرها مرتبطة بعصية .. قيادة محلية .. هى التى تقود الناس للمرشح الفلانى أو الآخر » .

• وظهرت وجوه جديدة قديمة .. إلى جانب على صبرى وسامى شرف .. منهم عبد المحسن أبو النور وكمال رفعت وعبد المجيد فريد .. وصلاح نصر الذى حل محل على صبرى فى المخابرات .. واتسع نفوذهم ...

* ويقول توفيق عبده إسماعيل : « جهاز المخابرات تولاها صلاح نصر حتى ٦٧ .. صلاح نصر كان بيدى حريات كاملة للناس العاملة معه بطريقة مختلفة عن زكريا محيى الدين » .

• وأسأل مرتجى : هل صلاح نصر كان مظلوماً .. لإلها تعليمات الرئيس .. كما قلت .. وهل كانت تعليمات بدون تأشيرة كتابية ؟

• « أنا عاوز أقول لك حاجة .. عبد الناصر زى ما كان بيقول لى لو اجتمعوا ٢ وانضم عليهم الثالث أنا أعرف .. فإذن عبد الناصر فى تصويرى كان عارف .. وله شبكات تجسس فى كل مكان .. فيعرف كل صغيرة وكبيرة بتحصل فى البلد » .

• ويقول أمين شاكور : « شخصية عبد الناصر شخصية طاغية .. وكان ذكياً ولماحاً .. وكان بطبيعته طيب القلب جدا .. ويكره الأذى .. لغاية ما جم الجماعة الشيوعيين واستولوا فعلا على البلد .. فابتدوا يأتروا على عبد الناصر ويغيروا فى أخلاقياته » .

• تكلمنا عن على صبرى ؟

• « على صبرى الحقيقة لما جابه عبد الناصر وعينه رئيس التنظيم اللي أنا بنيتة .. بصيت لقيت أعداء عبد الناصر اللي كانوا لا يطيقوا إنهم يبصروا فى وشه .. هم اللي خلوه جاب على صبرى .. أول من جاء به جمال سالم وعينه سكرتير فى مكتب أعضاء القوات الجوية اللي كانوا أعضاء فى الحزب .. كان سكرتيراً وكان لا يجرؤ إنه يخط على الباب بتاعى .. فلما جابه قلت له لا يمكن أبداً .. لأن أنا عامل إدارة اسمها الإدارة الثقافية والإدارة السياسية وأنا المدير بتاعها على درجة وكيل وزارة .. قلت له أنا اشتغل بدرجة وظيفتى تحت على صبرى .. قلت له أنت حر وده مكتبك جيب فيه ما شئت .. لكن ده إنسان سيء .. وأنا اعتبر إن علاقتى بهذا المكتب انتهت .. فعلا صممت ومشييت وطلعت سفيراً فى جنيف » .

• وصلاح نصر ؟

• « صلاح نصر كان كذاباً إلى أبعد حد ممكن .. لأن تقاريره اللي كان بيعيها لعبد الناصر كانت بتجبنى أنا الأول كنت بأشطب عليها كده وأقول إن هذا الكلام لا يمكن أن يكون صحيحاً والمقصود به كذا وكذا وكذا .. وكان عبد الناصر بيقول لى ده لو قدر بمسكك حيقطعك » .

• وهل كان صلاح نصر من مراكز القوى ؟

• ده كان مركز قوى جدا . .

• بس صلاح نصر طلع ٦٨ مع النكسة ؟

• « آه .. إنما قبل كده كان من مراكز القوى .. لعب دوراً كبيراً واتصلوا به الشيوعيين وجندوه وأصبح عميلاً كبيراً للموسوفيت فى مصر » .

• وأسأل توفيق عبده (إسماعيل) : دولة المخابرات كانت تحكم مصر ، .. هل هذا الكلام فيه افتراء .. ولا كان فيه شيء كبير من الصحة ؟

• « إحنا عملنا جهاز المخابرات الموجود حتى الآن سنة ٥٦ .. السيد زكريا محيى الدين تولى

إدارة المخابرات الحربية ويتولى الدور الذى أداه جهاز المخابرات فى تأمين الثورة وتأمين مصر فى نفس الوقت .. إنما ده عمله سنة ٥٢ وتولى أول وظيفة له فى ٢٣ يوليو الصباح .. زكريا محبى الدين قد فيها لحد ٥٦ .. و ٥٦ أنشأ جهاز المخابرات العامة وتولاه على صبرى .. ثم صلاح نصر ٥٨ .. هذا الجهاز كان مختلطاً عليه الأمور .. واجباته كانت مختلطة .. أمن النظام ثم الأمن الداخلى ثم الأمن الخارجى .. أدى أدواراً بطولية فى الأمن الخارجى .. جهاز المخابرات بتاعنا .. اخترق أجهزة مخابرات كثيرة جداً وعمل مهاماً فائقة البراعة .. وكان على مصاف أى جهاز مخابرات أخرى فى العالم زى الـ « K.G.B » (المخابرات الروسية) والـ « C.I.A » .. وعمل حاجات متميزة حتى الآن لما بنتكرها نفتخر بها .. والعرب كلهم يفتخروا بها .. إنما لما يجى دوره فى الأمن الداخلى .. ده كان خطأ كبيراً .

• **نتكلم عن الأمن .. جهاز المخابرات والداخلية .. وبعض الأسماء .. ونبدأ بالسيد زكريا محبى الدين ؟**

• « أنشأ جهاز المخابرات العامة على أساس مجموعة من ضباط المخابرات الحربية التى تم تدريبهم على أيدي زكريا محبى الدين لتولى العمليات الخارجية .. وفى الحقيقة هو دوره كان محورياً .. على صبرى بعده قد فترة بسيطة جداً فى الجهاز من أواخر ٥٦ إلى فبراير ٥٨ .. إنما زكريا محبى الدين كان بيعرف التفاصيل ولازم يناقشها » .

• **ويضيف توفيق عبيد إسماعيل :** « عباس رضوان كان ماسك مدير مكتب المشير ... وما يسمى بالشئون العامة .. وكان صلاح نصر مديراً للمكتب .. وبعده عباس رضوان .. وبعدين شمس بدران .. كانوا الثلاثة مع بعض من أول يوم .. كانوا فى القيادة بس مسئولين عن الشئون العامة .. أعمال الإعلام .. الاتصال بالناس .. الاتصال بالجامير .. الاتصال بالضباط .. راح تولى عباس رضوان الجهاز إلى أن دخل الوزارة بعد منها بشهر أو اثنين جاء وزيراً للداخلية سنة ٥٨ برضه » .

• **وأسأل نجيب محفوظ :** المخابرات العامة ؟

• « المخابرات العامة ده جهاز إنشائى وبناء من غير إرهاب ورعب .. إنما مش زى ما كان ماشى » .

• **وأسأل أحمد طعيمة :** تقول (إن مجموعة على صبرى عملت حاجزاً على الرئيس عبد الناصر ؟

• « ما هو على صبرى أنا بأعتبره أهد المسئولين عن ضياع ثورة ٢٣ يوليو وانصرافها عن أهدافها .. كفاية إنه كان بيكتب مقالاً فى الجمهورية كل أسبوع .. حياهم محلات الحلاقة والصالونات والبقالة والمكوجية وكله !! .. ما خلاص حاجة إلا خيضةها للتأميم .. وكان له بطاقة طبعا وأعاون ودول أنا بأعتبرهم أكبر شر حاق بعبد الناصر .. بطاقة سوء .. وكمان سامى شرف .. كل دول كانوا بيحاولوا يعزلوه » .

• **ويضيف أحمد طعيمة :** « فيه أمور كانت بتجرى فى البلد من على صبرى وعبد المجيد فريد .. وكانوا عاملين نشاطاً زائداً جداً فى معسكرات الشباب والطلبة والعمال والكلام ده .. ومحاضرات ماركس ولينين بتطبع وتوزع .. وهذه المحاضرات .. وصلت السفارة الأمريكية فى مصر .. وشباننا دلوقتى بتعرض لمحنة ومبادئ ماركس من غير ما يطلق لهم الاختيار فى أمور أخرى .. فلما أنا أخذته فى معسكر وأعلمه هذا الكلام حتكون النتيجة إن أنا بأنشر الشيوعية .. أنا كنت معزوماً عند المهندس صدقى تركى اللي كان نائباً لوزير السد العالي وكان واحد من السفارة الأمريكية موجوداً .. فواحد قريبه موجود قال .. ليه جونسون وعبد الناصر ما يتقش هما الاثنان كويسين مع بعض ويضعا إيديهم فى إيد بعض .. رد بتاع السفارة الأمريكية وقال له وعلى صبرى كده .. فطبعا الكلمة أنا فهمتها .. معنى هم حتى لو كانوا بالنسبة لعبد الناصر عارفين إنه مش شيوعى .. إنما الجهاز بتاعه ببشر الشيوعية فى مصر .. قلت له إذا كانت هذه المعلومة موجودة عندهم يبقى الحكومة الأمريكية بنظامها كله مكانها مستشفى الأمراض العقلية .. لو إنهم ما يضر بوناش .. دول يستمروا فى حرب فى فيتنام ١٠ سنين يضحوا بالدم الأمريكى .. وبالمال الأمريكى ويخسروا الراى العام .. علشان محاربة الشيوعية » .

• **وأسأل مصطفى كامل مراد :** **قيل إن على صبرى كان يوزع فى معسكرات الشباب وبين الطلبة محاضرات ماركس ؟**

• « آه كان فيه محاضرات اشتراكية .. معنى كان دائما التنظيم الطليعى ده والكوادر اللي بيعدهوا كانوا يلقيهم ما فيش شك بمبادئ الاشتراكية والماركسية وإلى آخره .. وإن كان النظام فى مصر لم يكن ماركسياً ولا حاجة .. معنى كان نظام اشتراكى » .

• **وأسأل شمس بدران :** **هل كان فيه خلاف بينك وبين سامى شرف ؟**

• « لأ ما فيش علاقة بينى وبين سامى شرف .. علاقتنا علاقة عمل » .

• **وكنتم على وفاق ؟**

• « ما أعرفش تقصد إيه .. ما كانت فيه حاجة تدعو إلى وجود عدم وفاق .. معنى علاقة .. هو ببحوال لى التقارير وهو كان سكرتيراً لرئيس الدولة » .

• **وصلاح نصر ؟**

• « كان يعطى حريات للضباط اللي معاها .. كان عنده أجهزة .. فيه هيئات مختلفة فى المخابرات العامة لها تنظيم معين يبصدر بقانون ما يبصدرش بقرار من رئيس المخابرات .. ولوائحه ونظمهم بتصدر بقانون .. نقاش فى جلسات سرية .. إنما بتصدر بقوانين » .

• **وقيل عن المرحوم صلاح نصر الكثير ؟**

• « قيل عنه كثير .. قد يكون صدق .. وماكنتش قريب فى هذه الفترة .. كنت باشتغل فى شركة خاصة » .

- وأسأل حافظ إسماعيل عن سامى شرف ؟
- « مرسوم وفى » .
- وأسأل د . محمد الذكروى : على صبرى ؟
- « السيد على صبرى كان أكبر شخصية مفكرة فى مجموعة مجلس الثورة .. وكان يساوى أعضاء مجلس القيادة .. وقد كان مفكراً ومخططاً .. لكن لم يكن حركياً .. لم يكن بالصورة التى صور بها سياسياً .. وكان أحد العناصر الأولى التى تلقت نوع من الأحاسيس العدوانية من مجموعة المشير .. وكانوا يطلقون عليه إشاعات منها إنه كان شيوعياً .. وهو كان تقدماً ولم يكن شيوعياً » .
- وأسأل أحمد سعيد : على صبرى .. الله يرحمه ؟
- « هو على صبرى أنا كنت أتمنى إنه يعنى ما يكون ضابطاً وما يكون له علاقة بالثورة .. متبهاً لى كان يحفد عبد الناصر ويخدم مصر ويخدم الثورة كثير » .
- وأسأل د . الجوهرى : تقول سامى شرف كان معه « كاش » فى الشنتطة باستمرار .. فماذا تعنى ؟
- « يعنى سامى دى طبيعة عمله بتقتضى هذا .. إنهم يأخذوا ويسحبوا أموالاً للصرف بطريقة معينة .. وتبقى معاه .. لكن ماخدش من أسرة محمد على حاجة ولا أخذ منا حاجة .. دى أموال كانت تحت تصرف الدولة .. يعنى أنا أذكر إن القيسونى كان فى سنة من السنين نسي يحط مبلغاً فى ميزانية الدولة .. للمصاريف السرية بتاعة رئاسة الجمهورية .. وقتها مليون ونصف ما حظهاش .. وعلى صبرى راح اشكى للرئيس وقال له إنه حاول أن يخفى هذا المبلغ عمداً .. وعملت أزمة بين القيسونى وجمال .. وإنتهت بأن القيسونى طلع .. لكن المبلغ أعيد طبعاً وكان فى ميزانية المخابرات العامة هذا المبلغ » .
- ويقول أحمد حمروش : « كان جمال عبد الناصر يعتمد على أجهزة الأمن ولكنه يشك فى سلامة موقفها وإخلاصها للثورة .. كانت هذه الشكوك تعيش فى نفسه وتنمو مع الوقت .. ولعل هذا الشعور هو الذى دفعه إلى الموافقة على تعدد أجهزة الأمن والمخابرات بقيادات مختلفة .. بحيث نصب كافة معلوماتها فى النهاية عنده وحده .. بل إنه أنشأ فى مكتبه فيما بعد جهازاً خاصاً للمخابرات والعمليات والاتصالات الخاصة .. كان يشرف عليه سكرتيره الخاص للمعلومات سامى شرف .. دون تبعيته لأى جهاز آخر من أجهزة الأمن » .
- ويقول جمال حماد : « تضمنت الصفحات من ٥١ إلى ٥٣ من كتاب « K.G.B » من إصدار ريدرز دايبيست سنة ١٩٧٤ لجون بارون .. ما يلى « كان سامى شرف فى ذلك الوقت عميلاً من أهم عملاء المخابرات السوفيتية فى العالم كله » .
- وأسأل سامى شرف : قيل إن سامى شرف الصديق الصديق للروس .. إيه تعليقك ؟

• « يعنى إيه الصديق الصدوق للروس ؟ » .

• « يعنى كنت قريباً منهم ؟ »

• « نقلا عن كتاب الـ K.G.B ، ولا نقلا عن مين ؟ .. هذا الموضوع أثير فى كتاب مجهول بتاع واحد مجهول اسمه جون بارون .. عمله وأنا كنت فى السجن .. أثار الموضوع مرة ثانية الأخ جمال حماد .. رفعت قضية عليه فى محكمة الجنايات .. جناية بقى ومحكمة الجنايات .. كان مفروض .. تنظر فى الموضوع .. لم تنظر محكمة الجنايات فى الموضوع ونظرت فى الشكل ، .

• « وقضت بعدم الاختصاص ؟ »

• « لا ده من اختصاصها .. رفضوا ينظروا فى الموضوع .. والموضوع لم يبت فيه وأنا أصريت على أن ينظر الموضوع .. مسألة الصديق الصدوق ومش الصديق الصدوق .. يعنى إيه أنا مش فاهم .. يعنى إيه صديق صدوق ؟! مثلاً أنا مش سنة ٥٢ لغاية الستينات أو الآخر لغاية ٧٠ ضابط الاتصال مع الـ C.I.A ، وكل يومين تلاقينى فى الـ C.I.A .. لإتهم بيجوا ويلتقوا معايا وتعاملنا معاهم فى تبادل المعلومات .. وعملية الـ C.I.A ، كانت فى الرئاسة ما كانتش فى المخابرات .. يعنى يمكن كمان سنة سنتين أو النهاردة واحد يقول لك .. ده سامي شرف عميل الـ C.I.A .. العبرة فى هذه المسائل أولاً بالإثبات .. ثانياً بالتوجه .. ثالثاً ما يبقاش الكلام علناً .. مصر كلها من أصغر مواطن لأكبر مواطن فى الفترة من ٥٦ لغاية ٧٣ أو لغاية ٧٢ كانت صديقة الاتحاد السوفيتى .. ليه ؟ لأن الاتحاد السوفيتى ساعدك فى بناء السد العالى .. الاتحاد السوفيتى ساعدك فى التصليح .. الاتحاد السوفيتى دعمك سياسياً فى المحافل الدولية .. فيه مبدأ نحن نصادق من يصادقنا ونعادي من يعادينا .. لكن نعمل عمالة .. لأ ما بنعملش عمالة .. اللي عنده ما يثبت غير هذا بيحى يتفضل يواجها .. ويتكلم معنا » .

• « ويقول جمال حماد : « تدخلت الحكومة فى علاقة المستأجر بمالك الأرض الزراعية لمد أجلها وتثبيت القيمة الإيجارية .. وحددت المرتبات بحد أقصى خمسة آلاف جنيه .. وصدرت قوانين لحماية العمال .. ووقعت أحداث فى قضايا رد الخلوات .. ونسب إلى محافظ القاهرة سعد زايد قوله « القانون فى إجازة » .

• « وأسأل أحمد الخواجة : هل كان القانون فى عهد الرئيس عبد الناصر فى إجازة كما يدعى البعض ؟ »

• « صحيح .. واللى طلع الحكاية دى المحامين مافيش حد تانى .. أنا سوف أقول لك شيء .. على سبيل المزاح .. أنا فى أول انتخابات اترشحت فيها .. لقيت ناس رافعين ٣ صواب كده طيب واحد يرفع صابحه كده واحد .. إنما الثلاثة دول ليه .. أنا كنت سكرتيراً لإتحاد الجامعة .. كنت رئيساً لاتحاد طلبة كلية الحقوق .. وعلاقتى بجيل الطلبة كويسة جدا .. سألت إيه الحكاية .. قالوا القانون ١١١ لسنة ٦٤ .. قلت لهم ماله القانون ده .. قالوا شوفه .. رحت جيت

المجموعة .. كان فيه فى الوقت ده قانون موظفى الدولة .. من يشترك فى وظيفة إدارية يكون حاصل على مؤهل على .. لقيت القانون بيقول استثناء من أحكام قانون موظفى الدولة رقم كذا لسنة ٥١ واستثنى طارق سليمان عزت ويعين بالدرجة السادسة الفنية بالبحرية .. يعنى يطلع قانون علشان أعين واحداً فى الدرجة السادسة .. يعنى ده مش غياب الحاكم ده غياب المستشار أيضا .. لأنه فى سنة ٦٤ كان عندنا قطاع عام كان يقدر يعينه مديراً فى قطاع عام ولا يشترط مؤهلات وينقله مديراً مش فى الدرجة السادسة ينقله مديراً فى البحرية .. لكن .. ماحدث بيستشير حد .. واحد قال علشان يتعين فى الدرجة السادسة لازم يكون معه مؤهل على .. مين اللى يقول الكلام ده .. القانون طيب يطلع قانون بالاستثناء من قانون .. طبعا فيه حاجات من دى حصلت كثير .. شوف حيث تغيب الديمقراطية .. خلاص » .

• وأصبح للمعامل والفلاحين ٥٠ ٪ من مقاعد مجلس الأمة .. وانطلق القطاع العام ...

• وأسأل إبراهيم شكرى : ماذا نقول لنا عن الثورة الاشتراكية والتحول الاشتراكي ؟

• والقوانين التى اتخذت .. ومنها قانون تحديد الملكية الزراعية ثم بعد ذلك التأمين للشركات الكبرى .. كل هذه أمور تدخل كلها فى إطار النظم الاشتراكية .. ولم يكن هذا غريباً فى العالم لأنه كان جزءاً كبيراً من العالم يأخذ بهذا النظام .. هو المهم إنه لا يكون هناك نقل كامل لبعض الأنظمة وبعض الطرق إلا بقدر ما هو مفيد لنا .. لكن تأمين الدكاكين الصغيرة إلى الشركات الكبرى .. هذا كان نوع من التجاوزات التى يمكن إنها مست الفكرة .. يمكن أن يكون التوجيه فى يد الحكومة وفى نفس الوقت إعطاء فرص كبيرة جداً لكثير من المهنيين العمال الصغار أن يجتهدوا ويعملوا .. وليس الأمر إن الكل سيصل فى هذه المصانع المؤممة لكى لا تنتزخم بعد ذلك الأعداد التى تعمل أو أن تأخذ الحكومة على نفسها أن توظف كل إنسان يخرج من الجامعة » .

• ويقول د . عبد العزيز حجازي : « الفترة من سنة ٥٩ نضيف عليها ٧ سنين تبقى ٦٦ .. نجد أنفسنا أمام حرب اليمن .. مرة أخرى معركة يقصد بها التحرير .. ثم التحول الاشتراكي اللى حصل سنة ٦١ بالميثاق .. وطبعا جر معه مجموعة من التأميمات فخلق قطاعاً عاماً ضخماً .. وقد يكون لذلك أسباب .. قطعاً كانت النظرة إلى دعم الطبقة المتوسطة بالذات وبالتالي كان الهدف منها الحصول على موارد من القطاع العام بهدف التوسع فى التكافؤ الاجتماعى فى البلد .. سواء كانت من مراكز ثقافية أو صحية أو التعليم .. الخ .. أما الفترة الثانية طبعا الميثاق يلعب دور أساسى فى المياسة الاقتصادية فى مصر » .

• ويقول د . مصطفى خليل : « سنة ٦١ كانت نقطة التحول إلى الأخذ بأسلوب الاقتصاد الاشتراكي .. إنما الجزء الأكبر اللى هو كان ابتدا يلور مياسة اقتصادية على فلسفة قيام الاقتصاد على أساس سيطرة الدولة حدث ابتداء من عام ٦١ .. وكانت فكرة الرئيس عبد الناصر .. القطاع العام يستطيع أن يكون الركيزة الأساسية للاقتصاد فى تطوره وفى دفعه .. طبعا عمليات التخصيص فى حد ذاتها مش كان مطلوب منها على وجه الإطلاق إنها تكون

مصادرة للأموال أو إفقار للناس .. ولكن كان المقصود منها إن الدولة تسيطر .. وكانت الأمثلة كثيرة أمامنا في الدول الاشتراكية .. وكان الاتحاد السوفيتي أول دولة أرسلت سفينة فضاء إلى الخارج .. فكان ده النموذج اللي معظم الدول في ذلك الوقت وخاصة الدول النامية بتتخذه .. نستطيع أن نقول إن ما يصلح في فترة ما وما يصلح في ظرف ما ربما لا يصلح في فترة أخرى ولا يصلح في ظرف آخر .. لكن في اعتقادي إن ما تم في ذلك الوقت كان مبنياً على أساس اعتقاد وطني قائم .. على ضرورة دفع اقتصاديات البلد إلى الأمام .. في ظل هذه السياسة في ذلك الوقت بدون شك تدخل القطاع العام وأوجد نوعاً من سيطرة البيروقراطية ووجود موظفين لم يسبق لهم العمل في هذا المجال .. وكذلك الحياة الاقتصادية كلها .. اهتمت الدولة أن تسيطر عليها .. ده له ضرر من ناحية معينة إن أرزاق الناس نفسها ارتبطت بالدولة .. وده انعكس على الوضع السياسي وطبعاً ترجمته كان وجود التنظيم السياسي الواحد وهو الاتحاد الاشتراكي .. وطبعاً أن عدم وجود أحزاب سياسية في ذلك الوقت كان فيه شيء مقبول من عامة الشعب على وجه العموم .. وبعد ذلك تطورت الأمور ..

* ويقول د . عزيز صدقي : « التأميمات كما ذكرت .. إن ما كانش فيه صناعة بالقدر اللي نتكلم عنه علشان أفهمك قصدى إيه .. شركة زى المحلة .. شركة عظيمة جداً .. شركة المحلة بدأت بـ ١٢ ألف عاملاً لما أنشأناها .. النهارده فيها على ما أعتقد حوالي نصف مليون .. لغاية تأميمها كانت ١٢ ألف كانت وصلت مثلاً ٧٠ - ١٠٠ ألف .. القطاع العام اللي إحنا كمان أنشأناه .. الحديد والصلب .. السماد .. مصنع الأسمنت .. الألومنيوم .. كل المصانع اللي من الإسكندرية إلى أسوان .. أنشئت من جديد ولم تكن موجودة وكانت بتمول من الدولة .. طيب من يديرها .. أنت النهارده لما تنشئ شركة النصر .. مش من حقا أن تدير .. هو ده .. لذلك موضوع القطاع العام ده شيء لزوم الشيء .. علوز تصنع .. إنت إذن الصباح يبقى قطاع عام .. هل الإنجليز مثلاً شيوخين .. طيب هم لما جم في مصر .. مش هم اللي عملوا التليفونات .. مش هم اللي عملوا السمكة الحديد .. طيب ما عملوهاش ليه قطاع خاص .. الشيء لزوم الشيء .. علوز تعمل هذه الخدمة ما كانش فيه حد يعملها إلا الدولة .. »

* وتكون لأول مرة ما عرف بالتنظيم الطليعى الذى ثارت حوله الكثير من الأقاويل ...

* ويقول سيد مرعى : « بدأت أنا وكيل مجلس الأمة أشعر بمظاهر غريبة تحت قبة البرلمان .. اجتماعات سرية وخلايا يجرى تكوينها .. وتنظيم سرى يتم الترتيب له .. هذا تنظيم غير معلان .. »

* وأسأل سامى شرف : التنظيم الطليعى .. الرئيس عبد الناصر كان شخصياً مشرفاً عليه ، وكانت الأسماء سرية وتعرض عليه .. الكلام ده صح ولا غلط ؟

* : صح ! ..

* وأسأل د . محمد النكروى : لماذا لم ينضم الرئيس السادات لهذا التنظيم ؟

• « التنظيم الطليعي لا علاقة له بضم السادات .. لأن الرئيس السادات وغيره من عمالة مجلس قيادة الثورة لم يكونوا أعضاء فيه .. وكان هذا التنظيم خاص بالرئيس عبد الناصر .. وكان المسئول عنه السيد شعراوي جمعه .. وكان التنظيم سرى وهدفه إيجاد قوة أخرى منظمة تنقل الرأي العام .. وكان وقتها بدأت بوادر صراع بين مجموعة المشير ومجموعة عبد الناصر تأخذ شكل أكثر وضوحا .. وكان الجيش بتشكيلاته المختلفة في ناحية والمشير هو المسيطر عليه .. وكان لابد من ظهور تنظيمات سياسية أخرى والتنظيمات المستحدثة غير الاتحاد الاشتراكي لأنه لم تكن فاعليته واضحة .. وكانت التشكيلات هي الشباب والتنظيم الطليعي » .

• وأسأل د . الجوهري : تقول إن على صبرى كان يشرف على تنظيم سرى مع شعراوي جمعة والدكتور لبيب شقير ؟

• « آه .. ده التنظيم الطليعي .. ماهو منه لسه ناس بنشتغل لحد الآن موجودين فيه .. منهم وزراء .. التنظيم الطليعي ده هو كان من ضمن التنظيمات اللي كانت خطأ لأنه أنا لما جاء لي لبيب شقير بعث لي علشان أدخل التنظيم .. قلت له أنا لا يمكن أتلقى تعليمات من الثوار .. وأنا واحد منهم .. دى مرة ١ .. مرة ٢ أنا ما اشتراكتش في حياتي في تنظيم سرى مرتين .. أنا أخذت دورى في هذه العملية واعتذرت لأنى ما كنتش أحس إن له فاعلية » .

• ومين كان على رأس هذا التنظيم ؟

• « على صبرى هو اللي كان متولى هذه العملية » .

• وأسأل د . مراد غالب : حضرتك كنت من مؤيدى التحول الاشتراكي في مصر ؟

• « بكل صراحة كنت من مؤيدى التحول الاشتراكي في مصر .. ولكن هنا يجب أن نكون واضحين تماما .. وحتى بالنسبة لجمال عبد الناصر .. ليس معنى هذا بناتنا إن إحنا نعمل نظام زى الاتحاد السوفيتي .. وليس معنى هذا أن نتخلي عن قيم محددة بالنسبة لمصر .. كجزء من العالم العربى وإفريقيا والعالم الإسلامى .. الدين كان بالنسبة لنا مهما جدا .. استقلالية الفكر المصرى كانت مهمة جدا .. وأنا بأقول لك إن كان فيه منظمة الشباب وكان يرأسها الدكتور حمين كامل بهاء الدين رجل فاضل وله مواقف رائعة » .

• وأسأل د . ثروت عكاشة : ماذا تقول لنا عن التنظيم الطليعي ؟

• « لقد تفاديت الاشتراك فى التنظيم الطليعى .. لعدم إيمانى بجدوى مثل هذا التنظيم السرى فلم تجرى العادة أو ليس من المنطقى أن تتولى السلطة إعداد أو تشكيل تنظيم سرى من أعلى إلى أدنى » .

• ويقول أحمد كامل : « التنظيم الطليعى كلمة بسيطة جدا .. لولا التنظيم الطليعى ما كان هناك عمل سياسى فى مصر » .

• إزاي ياقتندم ؟

• انظر إلى جميع الموجودين النهارده .. وكثير منهم فى أعلى مناصب الدولة .. كانوا فى التنظيم الطليعى .. وهو كان تدريب وخبرة لإنشاء حزب .. وليس للكلام الفارغ الذى ينتقال .. كتابة التقارير .. والتصنت والتسجيلات .. كل ده خطأ » .

• بينما يقول صلاح السوگلى : « أنا كنت ضد الأسلوب الشيوعى .. ضد نظام طليعى يتجسس على بعض .. وقلت لجمال عبد الناصر .. يا سيادة الرئيس أنا بعيد عن الموضوعات دى .. لأنى لا أؤمن بأن شخص يتجسس على قريبه .. قال لى أنا عارفك وعارف أخلاقك أنت بره الموضوع .. ده خلاص .. لما رحنت سفيراً وأنا فى فنلندا كتبت تقاريرى كلها أخطر من الدخول أكثر من اللازم مع الاتحاد السوفيتى .. وكان الله يرحمه الشبراوى قال لى كل التقارير التى بعثتها كانت بتروح السفارة الروسية .. قلت أنا لا يعنينى من ينقلها للسفارة الروسية أنا برضه وطنى .. أرضى ضميرى .. الدخول زيادة عن اللازم بهذا الشكل ده فى المنطقة .. اللى أسميها الرمال المتحركة .. من الصعب الخروج منها » .

• وأسأل تجميع محفوظ عن منظمة الشباب ؟

• منظمة الشباب نجحت فى تجميع الشباب .. وفى اللعب والرياضة .. لكنها فى الحقيقة لم تربي الشباب كما يجب .. الشباب اللى عاوز يربيه علشان ينتمى ويبقى عندنا شباب منتمى .. يجب أن يربطه بسياسة بلده من الابتدائى .. مش يمنعوا السياسة من المدارس والجامعة .. منع السياسة من هنا يعنى منعك من الحياة العامة .. فتطلع غير منتمى إليها تبقى منتمى لنفسك .. منظمة الشباب كان يجب تكون هى اللى بتدرس على طريقة تجريب كل مشكلة فى مصر .. وتبدى رأيها فيها » .

• وأسأل عباس رضوان : قالوا وصلنا لدرجة أنه كان أى واحد يقعد مع أى واحد من أصدقائه فى مجتمع عام .. ممكن يكون الصديق ده بيراقبه أو ببسجل كلامه ثم يفتن عليه ؟

• والله حتخلينى أدخل فى موضوع التنظيم الطليعى .. التنظيم الطليعى أنا كنت عضوا معاهم .. جمال يرأس اللجنة اللى ماسكة هذا التنظيم يرأسها وأنا معه .. وعلى صبرى وانبين ثلاثة آخرين .. التنظيم ده مش مخبرات ومش معلومات ومش بيفتن على الناس بالعكس .. التنظيم ده كان فيه خيرة شباب مصر وأساتذتها سواء كان على مستوى الجامعات أو على مستوى أى أنشطة أخرى .. كون واحد أو جهاز من أجهزة الأمن زى ما تقول مثلاً .. توسع أو اهتم أكثر من اللازم بلن ده لازم يبقى كده .. مش معناه إن كل واحد كان بيتجسس على الآخر .. أنتكر إنه كان التنظيم الطليعى فيه وزراء لم تُعرف إلا من التنظيم الطليعى .. الدكتور مصطفى كمال حلمى وكل من تولى الوزارة ابتداءً من عبد الناصر ثم أنور السادات إلى الآن جزء كبير منهم كان فى التنظيم الطليعى سواء كانوا أساتذة جامعة أو فى وظائف أخرى .. هذا لا يمنع إن أى حاكم أياً كان يبقى عرضة لناس متسلقين .. إن لم يكن حربياً جداً .. فيحاولوا يثبتوا له إنهم أحرص عليه من نفسه .. يمكن بعض شخصيات أو بعض الأفراد .. حاولوا أن يظهرها هذا إنما كان عبد الناصر مخه كبير » .

• وأسأل نجيب محفوظ : التنظيم الطليعى ؟

• « التنظيم الطليعى ده فكرة لم تتحقق .. وأنا شخصياً .. يوسف السباعى قال لى فى يوم من الأيام إحنا هنعمل تنظيماً طليعياً .. وأنا اخترتك معى .. واجتمعنا مرة واحدة .. ولم أعرف ما هو التنظيم الطليعى هذا » .

• وأسأل أحمد الخواجة : كنت فى التنظيم الطليعى .. نتكلم عن هذه التجربة ؟

• « هذه التجربة مرتبطة بالناس الذين يمارسون العمل فى التنظيم الطليعى .. وسلوك الناس يختلف وأخلاق الناس يختلف .. وأنا كنت فى التنظيم الطليعى مسئولاً عن مدينة الجيزة .. أنا أستطيع أن أقول إننى خلال ٣ سنوات لم ألق تقريراً فى شخص ولم يقدم من التنظيم الطليعى حتى أكتوبر ٦٨ تقريراً فى شخص .. بالعكس كانت التقارير موضوعية .. وكان العمل موضوعياً لأن التنظيم كان مختاراً وكان معظم اللي فيه من كبار القامين على العمل التنفيذى .. وأذكر إنهم فى مرة قتموا خدمة للناس .. زرعوا محافظة الجيزة خضار وصدره لباريس .. فتعلق الفلاحين بهم تمام التعلق .. إنما نتيجة الأمر فى السنة التالية الفلاحين ما عرفوش لا يصدروا ولا يعبروا ولا يغفلوا .. طبعاً كان فى التنظيم الطليعى سلوكيات كثيرة مختلفة وطموح البشر فى ظل أى نظام ليس له حدود .. إنما المهم بنشرف على العمل .. بنعمل فيه إيه .. إذا كان الذى يشرف على العمل أميناً مع نفسه وأميناً على الناس وأميناً أمام الله .. يستطيع أن يحمى أى مسيرة .. لأن هو قيل إن التنظيم الطليعى ده القصد منه هو إخفاؤه عن الناس .. فيه ناس لا تحب مهمأ أخفيئها كانت تباهى إنها أعضاء فى التنظيم الطليعى .. أكثر من كده التنظيم الطليعى كان كثيراً ما يجتمع فى أحد الأبنية .. فى الزمالك مثلاً كان فيه ناس بعدما تخلص صملها فيه .. تستنى على الباب علشان تعرف مين اللى جاى .. مع إنه المفروض يبقى أميناً على هذه الأمور فيما يتعلق بذاته .. فلا يجوز أنه يتطلع على أسرار الآخرين » .

• وأسأل مبارك رهاوى : التنظيمات السرية كانت تكلف ميزانية الدولة أموالاً طائلة .. إيه تعليقك ؟

• « تنظيمات الضباط الأحرار السرية لم تكلف الدولة أى شىء .. حتى التنظيم الطليعى اللى بيقال عليه .. هو يعنى فيه آراء بتتناوله بالإيجابية والسلبية .. والنقد والتجريح .. لكنه لم يكلف الدولة شيئاً » .

• كنت رئيس التنظيم الطليعى فى محافظة كفر الشيخ .. وقبل كده كنت فى محافظة الإسماعيلية ؟

• « لا أنكر ذلك .. وكان فيه ناس كثير أفاضل .. لم يكن هناك أحد يبنضم إلى التنظيم الطليعى ككرد .. التنظيم الطليعى كان يختار العضو ويفتح على إنه عضو فى التنظيم الطليعى .. يعنى مايفش أحد يجيى ويأخذ استثمار ويقدم ويقول لك عاوز أروح التنظيم الطليعى .. لا ده بمستدعى نتيجة اختبار ونتيجة متابعة ونتيجة أن القيادة السياسية ترى إنه عضو صالح .. يمكن الاستفادة

به .. فيه أسماء كثيرة .. مشهور أحمد مشهور .. عزت عادل .. دكتور عبد العزيز حجازى .. دكتور فؤاد محبى الدين .. كل دى أسماء لامة وأسماء طيبة وخدمت فى مجالها بمنتهى الأمانة والصدق .. الدكتور محمود شريف .. دكتور حسين كامل بهاء الدين .. وأنا لا أدافع عنهم أنا أقول الحقيقة .. استدعينا للتنظيم الطليعى بالاختيار .. وهدفه إن مجموعة من الأفراد فى مجالات وتخصصات مختلفة يقدروا يقدموا للقيادة السياسية بصدق رؤى صادقة عن المشكلات أو مطالب المجتمع أو الجماهير » .

• هل حصل إنحراف من البعض والتجسس على البعض واستغلال البعض للعضوية .. وأكد هذا أساء إلى هدف التنظيم الطليعى ؟

• « أى عمل أو أى تنظيم .. سواء سياسى أو تنفيذى أو إدارى قد يحدث فيه هفوات .. وقد يحدث فيه تجاوزات .. لكن إحنا نتحاسب على الهدف .. أنا لا أدافع عنه .. يعنى سمعنا أنه فيه تجاوزات .. أنا يمكن فى مجموعتى ما شفتهاش .. أو فى المجموعة اللي كنا فيها .. عموماً هذه التجاوزات لا تعيب الكيان نفسه أو التنظيم نفسه أو الفكر نفسه اللي وراء التنظيم » .

• واحتفلنا فى مايو ١٩٦٤ بتحويل مجرى النيل .. ومما هو جدير بالذكر أن مشروع السد العالى قام على أكتاف رجال ، المقاومون العرب ، بقيادة المهندس عثمان أحمد عثمان ...

• ووجه عبد الناصر خطاباً لخروشوف يقول فيه : « شعب الجمهورية العربية المتحدة لن ينسى على الإطلاق ومهما طال الزمن الجهد الذى بذلته شخصياً فى عملية بناء السد العالى » .

• وكان هذا إعلاناً عن نهاية خلاف عبد الناصر وخروشوف ...

• ويقول أحمد أبو الفتح : « رأى عبد الناصر أن يسرع بإصلاح ما بينه وبين خروشوف .. فأرسل إليه فى نوفمبر ١٩٦٣ صلاح سالم .. وكلنت إسرائيل أعلنت بدء عملية تحويل مجرى النهر التى تلحق أضراراً بالغة بالأردن وسوريا » .

• ويقول إبراهيم بغدادى : « هم الشيوعيون كان مقبوضاً عليهم لغاية سنة ٦٤ وكانوا معتقلين من أوائل ٦٠ ولما جاء خروشوف علشان يفتح السد العالى طلب من الرئيس عبد الناصر إنه يفرج عن الشيوعيين علشان ييجى .. وتم الإفراج عنهم فعلاً .. وتوعيصاً لهم أخذوا مراكز فى الصحف والإذاعة وكان لهم اليد العليا فى توجيه رأى العالم باعقائهم إن إحنا متجهين إلى الاشتراكية المتطرفة .. وده كان الوضع للقادم سنة ٦٦ » .

• ويقول أحمد أبو الفتح : « وكسبت الكتلة الشيوعية اعتراف مصر .. وانتهزت هذه الفرص الذهبية .. فنظمت وسائل دعائيتها المعارض .. ووفدت فرق الفنون والرياضة .. وأصبح من الطليعى أن نجد الأفلام الروسية تعرض فى دور السينما المصرية » .

• وهاجر كثير من العقول المصرية .. وهاجم عبد الناصر الارستقراطية والارستقراطيين ..

• وأسأل سامي شرف : فى إحدى خطب الرئيس هاجم الاستقراطيين اللى هم فى نادى الجزيرة والأندية الأخرى .. هل هذا صحيح ؟

• لا مش نقد وهجوم .. فيه ناس بتبقى معزولة عن الطبقات الحقيقية للشعب ورجل الشارع اللى هو صاحب المصلحة الحقيقية .. وبيقعدها فى أبراج عاجية .. وزى أنت ما بتقول فيه بحث أكاديمى علمى على الورق وفيه بحث ميدانى على الطبيعة وده أسلوب علمى فى التعامل مع الأشياء والأشخاص .. أستاذ الجامعة اللى بيبقى عامل دراسة ميدانية بتبقى « More Efficient » وأكثر قيمة فى التطبيق وفى التنفيذ وفى التدريس عن النظرية الجامدة .. فيه ناس الواحد يفضل معاك لغاية لما تحصل جيبه إذا حصلت جيبه يقول لك لأ « Stop » .. هى العملية عملية التمهيد دى عملية نقدية الأسهم .. كان فيه ناس بتتكلم فى هذا الموضوع على أساس إن ده مش لصالحهم ومش لصالح البلد .

• دول من أندية معينة ؟

• « كان Mainly (أساساً) فى نادى الجزيرة .. أصل أيامها كان معروف فى ظل نظام ثورة ٢٣ يوليو لغاية وفاة الرئيس جمال عبد الناصر نادى الجزيرة ونادى هليوبوليس .. والناديين الأهلى والزمالك كانوا أندية رياضية لم تكن أندية تجمع جماهير وشغل » .

• ويقول أحمد أبو الفتوح : « قال عبد الناصر عندما أخبر أن فؤاد سراج الدين جالساً يضحك فى نادى الجزيرة .. هو لسه له نفس يضحك !؟ .. وهذا الكلام محض افتراء لأن واقع الأمر أن جميع السياسيين القدامى كانوا ممنوعين من دخول الأندية » .

• ويقول د . يونان لبيب رزق : « عبد الناصر من الطبقة الوسطى كأغلب الشعب المصرى .. وكان الباشوات والباكوات يمثلون الطبقة الاستقراطية .. لذلك كان يعاديههم باعتبارهم ممثلين للإقطاع » .

• يقول أحمد حمروش : « وانتشرت فى مصر لأول مرة مظاهرة هجرة الشباب إلى الخارج » .

• وأعيد انتخاب عبد الناصر رئيساً للجمهورية وحلف اليمين فى مارس سنة ١٩٦٥ ...

• واستكمالاً للأحداث المحلية تولى النائب زكريا محيى الدين رئاسة الوزراء سنة ١٩٦٥ من على صبرى بعد أن تعثرت بعض خطوات وزارته نتيجة التضخم ..

• وأسأل شمس بدران : زكريا محيى الدين ماذا تقول عنه ؟

• « رجل كفء فى عمله جداً .. اتجاهاته كانت دائماً أمريكانى .. وعلشان كان ماسك دائماً المخابرات والحاجات دى .. فكانوا الإخوة بيتريقوا بقى .. وجمال عبد الناصر كان مسميه « بريون » « برياً » اللى هو رئيس مخابرات السوفيت أيام ستالين » .

• وأسأل د . محمد الدكرورى : ماذا تقول لنا عن زكريا محيى الدين ؟

• « زكريا محيي الدين رجل فاضل وتاريخه في ظل الثورة من بدايتها حتى اليوم .. لا ينكر له إلا إنه كان رجلاً وطنياً .. وكان رجلاً عاقلاً وهادئاً .. ده كل ما نسب إليه بكل الأمانة والصدق » .

• ويقول أحمد سعيد : « هو زكريا محيي الدين بتجى سيرته دائما مع المخابرات وحاجات كده .. هو فيه مثل بيقول ماقدروش على الورد قالوا عليه يا أحمر الخدين .. هو المطلوب إيه من وزير الداخلية .. المطلوب إيه من رجل المخابرات ؟ أولاً حفظ الأمن وإذا كان فيه ثورة حفظ الثورة من أعدائها من الدخل والخارج .. إذن لازم إيده تكون ثقيلة على دول .. ثانياً رجل المخابرات لازم يكون « صاحى » ومفتح .. فإلى حد ما الرجل ده مظلوم » .

• وأسأل أحمد طعيمة : هل قال الرئيس مرة « زكريا عزلى » ؟

• قلت له مرة لازم تسبب السبيل للمعارضة .. فرد بتقول لى أحزاب ؟ ده أنا زكريا محيي الدين عملته رئيس وزارة .. فى ظرف ٦ أشهر كان عزلى .. ما بتقش دريان البلد جاية منين ورايحة فين .. ده كان رده فى هذا الموضوع » .

• ويقول أمين هويدي : « كيف كانت الأنظمة قبل الثورة تضمن بقاءها .. أجهزة المخابرات العامة لم تكن موجودة .. لكن كان موجوداً الجهاز السياسى .. البوليس السياسى .. وكان موجوداً المخابرات الحربية وموجود الجيش الإنجليزى وكانت موجودة مخابرات القصر إلى آخره .. إنشاء المخابرات العامة كان مجازاة لما كان يدور فى الدول الأخرى من وجود جهاز يقوم بهذا الواجب .. أقول لك على حاجة .. جهاز المخابرات العامة شغله خارجى أكثر منه داخلى .. يعنى يهتم جداً بالحصول على معلومات من الخارج ولا يهتم كثيراً بالناحية الداخلية .. صحيح بيشتغل فيها للأمن بتاع البلد لأنه لا يصح أن تسلم ذقك لجهاز واحد .. جهاز المخابرات بيشتغل فى مجال خارجى أكثر منه داخلى .. يعنى جاسوس .. يحصل على معلومات عن العدو .. وكان فيه أجهزة سياسية موجودة .. ليه بنشغل الأجهزة السياسية .. ما هى الأجهزة السياسية .. أى رئيس بيثبت حكمه بإيه ؟! » .

• وفى هذه الأثناء قبض على الكاتب الكبير مصطفى أمين سنة ١٩٦٥ بتهمة التخابر مع الأمريكان ...

• بينما يقول عبد المنعم أمين : « معلوماتى أن مصطفى أمين كان مكلفاً بشوية حاجات من عبد الناصر .. والمقابل دى كانوا دائماً يعملوها .. دى كانت خطة عبد الناصر مع كل الناس » .

• وأسأل مصطفى أمين : هل الخلاف مع الرئيس عبد الناصر كان شخصياً أم كان فكرياً ؟

• « أنا رأيى كان فكرياً .. يعنى أنا لم أكن موافقاً على التعذيب واعترضت عليه .. وقالوا لى ما فيش تعذيب وأكندوا لى هذا .. وعندما سمعت من راديو إسرائيل أن معركة قامت فى سجن

طرة وقتل فيها ٢١ واحد .. أنا كلمت الرئيس عبد الناصر وقتلت له راديو إسرائيل يقول إنه حصل معركة وقتل ٢١ من الإخوان المسلمين .

• كنت مؤيداً للثورة فى البداية .. ولكن حصل خلاف بينك وبينهم .. نقدر نعرف سبب هذا الخلاف ؟

• السبب إنى كنت أطالب بتطبيق المبدأ السادس من الثورة .. وأطالب بحياة ديموقراطية صحيحة .. كان رأيى إن مادام الحركة أعلنت هذا المبدأ يجب أن تنفذه .. ولكن وجدوا إن الحكم الديكتاتورى أسهل .. لأنه يعطى أوامر وتنفذ .. وإنما حكم الشعب ثنائى وثقن وهم غير مستعدين لهذا .. لجأوا إلى الحكم الديكتاتورى قالوا يعملوه لمدة ٣ سنوات وبعدين مدوا إلى ٣ سنوات إلى مالا نهاية .. عبد الناصر قال لى التعذيب غير صحيح .. قلت له غير صحيح خالص ؟ قال لى آه .. فصدفته .. إلى أن دخلت السجن .. دخلت أوضة عشان أقعد فيها .. رجنتها ملجأة خروم فى السقف وفى الجدران .. قلت للعسكرى إيه ده .. قال ده لما حصلت معركة الإخوان المسلمين .. جم وقتلوا ٢٢ داخل الزنزانة .. فعرفت إن الخبر لم يكن صحيحاً وإنهم لم يكونوا ٢١ كانوا ٢٢ .

• وكنت همزة الوصل أو حلقة الاتصال بين الثورة وأمريكا .. فما الذى حدث ؟

• أنا شخصياً مش عارف هو عمل كده ليه .. أنا كنت مكلفاً .. وعبد اللطيف بغدادى شهد أمام المدعى الاشتراكى أن جمال عبد الناصر كان يقول لهم إن مصطفى أمين أرسلته يقابل سفير أمريكا وقال له كذا وكذا .. كانوا عارفين .. وبعدين قال لا بعنا ولا سألنا عليه .. هو من نفسه .

• تفكر ليه ؟

• أنا أعتقد إنها دسائس داخلية إنه كان فيه ناس بتصيد لى قوى لأنى كل مناسبة أكتب عن الديموقراطية .

• مين .. من رجال الثورة ولا من رجال الصحافة ؟

• من الاثنين .. مش عاوز أحكم على هذا .. أسبها للتاريخ .

• وأسأل عبد اللطيف بغدادى : الرئيس عبد الناصر كان بيطلب من مصطفى أمين معلومات ؟

• أيوه .. كان بيستمع به .

• وبعدين اتهمه بالتجسس ؟

• عملية التجسس دى أنا كنت مستقياً فى مارس ٦٤ .. والمدعى الاشتراكى سألنى بالنسبة لمصطفى أمين من الناحية دى .. قلت لهم مصطفى أمين كان جمال عبد الناصر بيستفيد منه .. ومن المعلومات اللي بيحبها من السفارة الأمريكية أو الإنجليزية .. ومصطفى أمين بالتبعية

لازم يديهم حاجة علشان يأخذ مقابلها معلومات .. أمر طبيعى .. وفى ٥٦ كان مصطفى أمين أول واحد خرج من هنا بالطيارة وسافر أمريكا فى الأمم المتحدة علشان يعلن الاعتداء الثلاثى .. والخصائر اللي فى بور سعيد والقنلى وكلام من ده .. عبد الناصر كان مستفيداً منه .. لكن ٦٦ بقى دى ما أعرفش عنها حاجة .

• وأسأل شمس بدران : الأستاذ مصطفى أمين كان أدلى بمعلومات وأخذها من مجلس الأمة وأعطاهم للسفارة الأمريكية .. بتقول ذلك فى أوراقك ؟

• آه .. هو كان متهماً بالتجسس لحساب أمريكا وكانت المخابرات العامة بتعمل له تسجيلات عن طريق واحدة كان بيحبها هو .. والمخابرات خلقتها تعمل له تسجيلات .

• واحدة إيه ؟

• واحدة مثلة أو مطربة .

• وأسأل د . الجوهري : ماذا تقول عن خلاف الأستاذ محمد حسنين هيكل والأستاذ مصطفى أمين ؟

• والله أنا يمكن باعتبارى برضه عندى دكتوراه فى الصحافة .. وعشت مع الناس دول قبل الثورة وبعد الثورة .. أقول إن مصطفى أمين مافيش شك شيء كبير جدا فى تاريخ الصحافة المصرية .. وخلافه مع هيكل أنا لا أحيدهِ إطلاقاً وكنت أتمنى إنه هو يكون وفيماً لمصطفى أمين أكثر من كده .. ده أنا قلته فى كتابى .. لأن الكتب بتاعة هيكل فيه جزء كبير منها صفقات نشر تجارية .. ما أعتقدش إنها تهدف إلى هدف معين .. وأنا أحب الوفاء جدا .. الوفاء ده عملية مهمة .

• ويقول تحسين بشير : « الاثنان عباقرة .. الأستاذ مصطفى أمين والأستاذ هيكل .. والاثنان اتهمتا بأن لهما علاقة بالمخابرات الأمريكية .. ولكنى أعتقد أن كلاهما حتى إذا تعامل مع أى جهاز من الأجهزة .. كانا يبنظرا إلى مصلحة مصر لا إلى مصلحتهما الشخصية .. والخلاف بين « فرعونين » الصحافة .. هيكل وهو طاووس كبير جدا .. والأستاذ مصطفى أمين اللي بيعمل بطريقة أخرى .. يعمل عن طريق تفريغ صحفيين جدد يستمروا فى المدرسة دى ويعاونهم بغض النظر بيشتغلوا مع الوفد أو الإخوان .. كلاهما من الشخصيات العملاقة اللي نشأت فى مصر .. أنوا دوراً مهماً ولعل فى خلافتها ما يثرى الصحافة المصرية . »

• وأسأل أتيس منصور : إيه الإشكال أو الخلاف الذى حدث بين الأستاذ هيكل والأستاذ مصطفى أمين ؟

• برضه دى قصة طويلة عريضة .. يعنى أنا أعتقد أن هيكل له دخل كبير فيها .. طبعا هيكل الصديق المفضل والمتحدث الرسمى باسم الرئيس عبد الناصر .. أو بالأصح الرئيس عبد الناصر المتحدث باسم ما يكتبه هيكل .. لإنه رجل فصيح ومبين فكان لا يريد أحداً أن

يقترب منه .. كان فيه حادثة معينة معروفة عند كل الصحفيين .. فى يوم من الأيام جلال الحامصى قابل عبد الناصر وقال له يعنى إيه هيكل ده اللي أنت مقربه منك .. فبعد الناصر استمع واستمع وقال له يا أخى عاجبنى .. وأذكر أنى وجلال الحامصى اترفدنا فى ورقة واحد وفى يوم واحد .. فهيكل طبعاً الصديق الأثير المفضل عند عبد الناصر .. ولم يكن يسمح لأحد أن يقترب منه .. وسواء كان مصطفى أمين أو على أمين كانوا بيكلّموا جمال عبد الناصر لكن هو ماعندوش ثقة فيهم أبداً .

• هل هو ما عندوش ثقة فيهم أصلاً ولا يعنى الأستاذ هيكل نعى هذا الشعور .. كما قال البعض .. وأبعد بينهما حتى كان ما كان ؟

• « كل الأرقام حطمت وكسرت وانفرد به وبنا .. كاتب صحفى كبير هو الأستاذ هيكل » .

• « قبض على بعض من اشترك فى تشييع جنازة النحاس ...

» ويقول أحمد أبو الفتوح : « قبض على عدد من السياسيين لمشاركتهم فى تشييع جنازة الزعيم مصطفى النحاس » .

• ويقول د . يونان لبيب رزق : « شيع عدد كبير من الجماهير جنازة الزعيم الراحل مصطفى النحاس .. الذى أكد يوم وفاته أن شعبيته كانت لا تزال فى قلوب الناس .. ولم يسعد هذا التجمع أولى الأمر » .

• وتوالت الأحداث خارج مصر .. وكانت أمريكا وراء معظمها .. فقامت مجموعة من الانقلابات .. انقلاب الجزائر الذى قاده يومين ضد زميله بن بيل يوم ١٩ يونيو ١٩٦٥ ، والانقلاب الذى حدث على الرئيس الإندونيسى أحمد سوكارنو ، ثم شهدت إفريقيا الانقلاب الأخطر الثانى وهو الانقلاب على نظام الرئيس الفانى كوامى نكروما .. ثم توالت الانقلابات فى آسيا وإفريقيا وأمريكا اللاتينية .

• ويقول د . يونان لبيب رزق : « كانت علاقتنا مع القبارصة أفضل من علاقتنا مع تركيا بحكم أن عدونا مشترك وهو الإنجليز .. وكانت اليونان وكذلك قبرص لم يعترفوا بإسرائيل .. وكانت مصر تساعد حركة التحرير المعروفة باسم « أيوكا » .. وكان عبد الناصر صديقاً للأسقف مكاريوس » .

• ولجأ الملك سعود المعزول إلى مصر .. وتمت إزاحة عبد الكريم قاسم من الحكم فى العراق .. وفى اليونان تنازل الملك قنستنتين عن العرش .. وقبل ذلك أعلن إنشاء منظمة التحرير الفلسطينية .. واستمررنا فى الاحتفال سنوياً بعيد الوحدة ..

• ويقول عارف عبد الرزاق : « وصارت حركة التصحيح اللي سموها « حركة الشواف » .. لكن مع الأسف لم يتم لها النجاح إلى أن تهيأت الظروف سنة ٦٣ وتم إزاحة عبد الكريم قاسم » .

• وسألت عبد المجيد فريد : تصانف وجودك في الجزائر يوم قيام الرئيس بومدين بثورته ضد الرئيس بن بيللا ؟

• أنا موعود بحولث في الأفطار العربية .. رحلت الجزائر كان فيه مؤتمر عدم انحياز حيكون هناك ولخبرتنا لإننا كنا في عام ٦٤ عملنا ٣ مؤتمرات وكنت أنا المستول عنها : المؤتمر الإفريقي .. مؤتمر القمة العربية .. ومؤتمر عدم انحياز .. فكان فيه مؤتمر عدم انحياز على ما أذكر في يونيو ٦٥ وكان معانا مجموعة من المترجمين اللوريين ومجموعة وزارة الخارجية ومجموعة من الأمن نعاونهم في إعداد المؤتمر في ذلك الوقت .. تذكر في ذلك الوقت كانت الثورة نجحت وبن بيللا هو الذي تولى وكان أصلاً موجوداً في القاهرة .. فكان محسوباً أيضاً على جمال عبد الناصر وعلى الجمهورية العربية المتحدة .. الجيش قام بثورة داخلية أو انقلاب داخلي برئاسة بومدين فكنت موجوداً أذكر جيداً في فندق في عاصمة الجزائر .. وبعدين في الفجر سمعت طلقات رصاص وضرب هاونات .. لبست قميص وبنطلون ونزلت وعرفت إنه حصل انقلاب عسكري .. وبعدين قلت موقف بن بيللا إيه وموقف مساعديه إيه .. لغيت على المساعدين اللوريين لبن بيللا وجنتهم ببغفلوا شنتهم ومتحركين إلى خارج العاصمة الجزائرية إما بعيداً عن الموقف أو بعيداً عما يحدث في العاصمة الجزائرية .. فقلت إذن الانقلاب الجديد بتاع بومدين ماحدث حيثحرك ضده .. إذا كان هم دول اللي المفروض بيحوا مساعدين بن بيللا أو المؤيدين لبن بيللا .. مافيش مؤيدين لبن بيللا وبومدين مفرج الموقف فبعثت برقية شفوية إلى عبد الناصر أقول له الموقف الحقيقي وأنا بأنصح أنه إذا كان لنا موقف مع بن بيللا موقفاً إنسانياً .. لأن الجماهير العادية متحركة مع الانقلاب الجديد .. وفيه أخطاء من نظام بن بيللا .. والحقيقة عرفت بعد كده من الرئيس عبد الناصر إن البرقية دي لمبت دوراً جيداً لأنه هو عاطفياً كان متأثراً لموقف بن بيللا لأن هو اللي عمل الثورة الجزائرية وتحمل جزءاً كبيراً منها .

• ويقول أحمد حمروش : « ساعد على اشتعال الحماسية بين الجزائر ومصر ما كتبه محمد حسنين هيكل في جريدة الأهرام عقب عودته مع المشير عامر في يونيو سنة ١٩٦٥ .. ويشابه هذا الموقف ما سبق أن حدث في السودان بعد ثورة ٣١ أكتوبر كرد فعل على مقال محمد حسنين هيكل .. ولكن الأمور لم تتطور إلى الأسوأ حرصاً من جمال عبد الناصر وهوارى بومدين على الملائمة الطيبة بين البلدين » .

• وشكلنا مع العراق مجلس وحدة .. وتحسن الموقف العربي مع الملك حسين والملك فيصل الذي تولى الحكم في السعودية .. كما شهدت هذه الفترة بداية استقلال الخليج .. وثورة كوبا .. وحرب فيتنام .. في عهد يوثانت سكرتير عام الأمم المتحدة .. وكان ليفي أشكول في ذلك الوقت رئيساً لوزراء إسرائيل .. وكان ويلسون في بريطانيا .. وديجول في فرنسا .. كما توفي نهرو في الهند .. وأبعد خروشوف من حكم روسيا ...

• ويقول الفريق سعد الشاذلي : « وإحنا في اليمن كنا بنساعد كل الحركات التحريرية الموجودة في عدن .. وفي المناطق دي ضد الوجود البريطاني .. من غير وجودنا في اليمن .. لم يكن

ممكناً أن نوصل هذه المساعدات والأسلحة إلى هذه القوات وكل القوات دى .. يعنى الدول الخليجية أخذت استقلالها بعد نجاحنا فى اليمن .. وبعد سنة ٦٧ ء .

• ويقول سامى شرف : « إن تحرر اليمن ترتب عليه بما شمله من شهداء أو أرض ارتوت بدمائهم مكسباً كبيراً .. كان المكسب أكبر بكثير جداً من تحرر اليمن والإمارات كلها .. وزال النفوذ البريطانى من عدن ومن مدخل البحر الأحمر وأصبح لأول مرة البحر الأحمر بحيرة عربية ء .

• ويقول د . يونان : « سنة ٦٣ حدثت أزمة « خليج الخنازير » .. فقد أعطى الاتحاد السوفيتى كوبا صواريخاً .. وكان كاسترو صاحب موقف ضد الغرب .. وكان على علاقة بعبد الناصر لأنهما أصحاب مبدأ مشترك وهو التحرير .. وكانت هذه الحركات ذات وهج خاص فى تلك الفترة .. وكانت أن تصل الأزمة إلى حافة حرب عالمية ثالثة ء .

• وكان عبد الناصر قد اقترح قيادة عسكرية مشتركة للدول العربية .. أسهمت فيها مصر ودفعنا حصة تساوى حصة السعودية بعد مؤتمر القمة العربية ...

• واقدمت مصر الدعم للمناضلين فى اليمن الجنوبي ضد الإنجليز .. وكانت يد مصر سباقاً فى رفع علم الاستقلال ...

• وتدفلت الأسلحة على إسرائيل من أوروبا ..

• وفى نفس الوقت أعلن عبد الناصر اعترافه بألمانيا الشرقية ...

• ويقول د . يونان : « كانت إسرائيل دائماً وراء سوء العلاقات بين مصر والعرب من ناحية والغرب من ناحية أخرى .. وطلبت إسرائيل ألمانيا بتعويضات كبيرة وأسلحة .. ونتيجة للضغوط وافقت ألمانيا مما مثل خطورة علينا ء .

• ولم يجد عبد الناصر مفرأ من الاعتماد على روسيا .. وحضر عبد الناصر اجتماعاً ثلاثياً مع تيتو وأندريلا غاندو لحماية دول عدم الإنحياز من المد الأمريكى ...

• ويقول د . أشرف غربال : « أول مرة التقيت بجمال عبد الناصر كان فى سنة ٦٦ فى مؤتمر ثلاثى فى الهند .. كنت أنا مع محمود رياض كمستشار .. وكنا مراقبين للرئيس عبد الناصر ء .

• فى هذه الفترة كان النظام فى مصر يعانى من أزمة اقتصادية وسياسية .. وظهرت آثارها على المصريين ..

• ويقول جمال حماد : « وظهرت مشاكل فى التموين .. وبدأت ظاهرة الطوابير أمام الجمعيات الاستهلاكية .. ورفضت أمريكا تجديد المعونة لمصر ء .

• ويقول د . حسن عباس زكى : « مثلاً تيجى تطلب قمح من أمريكا لا تعطينا .. أنا مسافرت مخصوص مرة من المرات مثلاً لروميا .. لكى نتفاوض على إننا نحصل على كميات قمح لإن

ماعندناش قمح كفاية .. وكانت أكبر دولة عندها قمح هي أمريكا وامتنعت .. والإمتناع كان سياسة .

• ويقول أحمد طعيمة : بدأت معركة القمح .. وكان ذلك مقصوداً منه تجويع مصر .. ولعبت دوراً هاماً وأنا في المكسيك للحصول على كميات منه أرسلناها لمصر .. كما لجأت مصر إلى أستراليا لتحصل على كميات أخرى .

• واشتعلت المواجهة مع أمريكا ...

• وأسأل د . حسن عباس زكى : هل الخطة الخمسية الأولى نجحت أم فشلت ؟

• الخطة الخمسية .. ده أنا أكاد أقول إن دى كانت الخطة الحقيقية اللى اتعملت فى البلد .. ده إحنا لما اتعملت الخطة الخمسية أنكر إن قبلها بمستين راحت بعثات الهند وبلاد مختلفة لكى تدرس كيف نضع خطة .. واتعملت وزارة للتخطيط وجابوا خبراء .. الدكتور حلمى عبد الرحمن كان من كبارهم .. وكان هو أول من تولى عملية التخطيط واتوضع له سياسة وأسلوب علمى صميح .. وكان فيه خطة ومخلات ومخرجات بالتعبير العلمى الصحيح .

• إذن ما كانش فيه أزمة ؟

• لأ .. أشك .. بدليل حاجة بسيطة قوى إحنا بنبحث عن النمو .. الناتج القومى .. كان بيزيد فى سنوات الستينات كان ما بين ٥ ، ٧ ، ٨ % .. الآن ماہوش ٣,٥ أو ٤ % .. يعنى طبعاً فيه أسباب قلته مشروعة أو مقبولة .. لكن فى ذلك الوقت كان وصل إلى قدر كبيراً .

• وأقبل بعد ذلك إن مصر ابتدت تباع الذهب بتاعها وهو احتياطى الجنيه المصرى .. فهل كان هذا القرار قراراً صائباً ؟

• أولاً هذا القرار غير صحيح .. أنا كنت أول وزير خزانة فى مصر وأنا اللى أنشأت وزارة الخزانة .. وبعد كده كنت وزيراً للاقتصاد والتجارة الخارجية وأنا دخلت الوزارة عدة مرات .. لكن إحنا لم نبيع أبداً .. إحنا فى فترة واحدة صحيح بيع حوالى ١٠ مليون فقط .. اتباعت لأن لا تنسى إنه فيه وقت من الأوقات إحنا كان لينا عشرات ومئات وملايين وجمعتها إنجلترا .

• عشرة مليون باقندم زمان يعنى مليارات النهارده ؟

• لأ ماتسويس عشرة مليارات أنا بأقول عشرة مليون جنيه مش دولار .. واستخدمت ليه ؟ ما كانش عندنا حاجة تمكنا أن نستورد .. ماعندناش فلوس جمدت أرصدتنا .. وأرصدتنا موجودة لكن بعد كده استردينا الذهب وزاد .. لكن ما حصلش إننا نقول الذهب بيع .. ده جزء من الذهب أظن لا يزيد عن ١٠ % أو ١٥ % أظن كده .

• وهل كان الاتحاد السوفيتى صديقاً لمصر فعلاً بمعنى الكلمة .. ولا كان له مصالح هي التى جعلته يؤيدنا فى بعض الحالات ؟

• أنا شعوري الشخصي إن الاتحاد السوفيتي فعلا كان يساعد مصر إلى حد ما . لكن لا شك إن ذلك تنفيذاً لسياسة تخصصه وتهمه .. يرى أنه يجب أن دولة انتهجت النهج الاشتراكي وفتحت باب الاستيراد لملحه .. ودولة تقدر تؤثر على دولة أخرى فتحت سوقاً له وتجارته .. فتحت سوق لبيع السلاح له .. ويعدين بقت تعامله .. لكن ما ندرش نقول روسيا دولة صديقة بمعنى الصديق .. وإلا ماكانتش تتوقف أيام الرئيس السادات تمنع عنه السلاح أو قطع الغيار في أهم الأوقات اللي كنا فيها .. يبقى إذن ده ماكانش خدمة لمصر .. لكن هو توافقت مصلحتها مع مصلحتنا .. الصديق مش كده يساعد في جميع الأوقات .

• جنيه بدل السفر ومنع التعامل في العملة الأجنبية .. هل ده كان عملاً عادلاً بالنسبة للشعب ؟

• لأ شوف هو كان فيه نوع من التقيد أكثر من اللازم ما فيش شك .. أنا حاقول لك شيئاً يمكن ما تقاتلش في البلد دي من قبل .. إحنا في وقت من الأوقات ماكانش عندنا ٣ أو ٤ مليون .. اسأل البنك المركزي .. عمل حديث مع بتوع البنك المركزي اللي عاصرونا بفكره .. إحنا ماكانش بنام .. ما فيش في إيدنا أموال مش ملناش لكن في البنوك بره وصادرتها إنجلترا .. فلازم تقيّد الاستخدام لكن ليس معنى هذا أنه كان مثلاً فيه واحد بيأخذ جنيه وواحد بيأخذ نصف مليون جنيه .. لأ كان الكل ما يندرش على السفر .. وما حدش يقدر يهاجر .

• من منطقي أن المساواة في الظلم عدل ؟

• لأ مش ده .. من منطقي أنه طالما الظروف تقتضي هذا في ذلك الوقت .. لكن اللي حصل إنها زادت شويتين .. إنك تيجي لأسرة ورجل فقير بقول لك « كلوا يا أولاد على فكم » .. فأعطاك أقل شوية من اللي تقدر عليه خوفاً من إنه ما يندرش يعطيك غيره .. بس الظروف فعلاً كانت قاسية .. ده مش معناه تبرير .. لأ .. لكن الظروف لما بتزول .. عملنا معارض هنا في مصر .. معارض دولية ما ننسهاش .. وإحنا أول من عملنا المعارض حتى في العالم العربي كله .. المعارض الصناعي الكبير في أوائل الستينات كنا بنسمح بالتعامل بالعملة الحرة بدون السؤال عن المصدر .. بس بقى بعض الجهات إياها تقول للناس لأ ممنوع .. ففيه طبعاً صراع بين الفكر الحر وبين الاشتراكية وأصحاب التقيد في طريقة التفكير .

• وكان الإعلام المصري الملعب للمشاعر مستمراً في طلفاته النارية ضد أعداء النظام ...

• ويقول د . عبد القادر حاتم : « كل من قال كلمة نابية ببيقي هو مسئول عنها .. لكن أنا لست مسئولاً إلا على ما أقوله أنا .. أو جهاز الإعلام » .

• وكان كل الإعلام موجهاً بالطبع .. والرقابة محكمة على كل ما ينشر أو يعطى .. ومنعت الصحف الأجنبية من الدخول إلى مصر .. مما حجب الكثير عن عيون المصريين ...

• ويقول الفنان زهدى : « مثلاً في فترة الرقابة في سنة ٥٩ كان ممنوع الحديث عن الرقابة ..

ومع كل .. كان الرقيب اسمه موفق الحموى كان رجلاً متفهماً .. شاف نكتة كنت عاملها أنا لواحد ماسك باترون بتاع خياطة وماسك جرائد وماسك مقص ويقول : إليكم الأنباء بالتفصيل .. دى طالعة مباشرة ضد الرقابة ومع كل فاتت إنما هى كانت كل شوية بتشد ..

• وهل جراً أحد الفنانين والرسامين على كاريكاتير كان له ضجة .. أو كان له ذكرى فى نفسك ؟

• لا أظن ..

• ويقول حمروش : « وامتدت بد عبد الناصر تلتقى من جديد مع أيدى الماركسيين .. وأصدر قرارات بتعيينات كبيرة فى الصحافة .. وأصبح المسئولون عن الصحف جميعاً أعضاء عاملين فى طليعة الاشتراكيين .. »

• ويقول د. يونان : « هل الحزب الشيوعى نفسه وقرر أن ينضم إلى الاتحاد الاشتراكى والانخراط داخل النظام .. والسؤال هو : هل حصل اليساريون على الكوادر الكبيرة نتيجة لأنهم من صفوف المثقفين .. أم أن ذلك كان لترويضهم واستئناس اليسار .. أعتقد أنه كان للسبب الأخير .. »

• وأسأل مصطفى كامل مراد : وهل توغل اليسار فى الإعلام المصرى فى هذه الفترة ؟

• نعم توغل فى الإعلام المصرى صحيح .. ولكن عبد الناصر لم يعطى للشيوعيين فرصة .. بالعكس كان بيمتثلهم وقت اللزوم .. لكن فيه عناصر يمارية طبعاً تمسرت فى الإعلام والصحافة وفى أجهزة الحكومة كلها .. ده صحيح ..

• هل الإعلام كان موجهاً ومستمناً للحقيقة فى وقت من الأوقات ؟

• طبعاً الإعلام كان موجهاً مافيش شك فى هذا .. ده شىء طبيعى .. ومافيش شك أن بعض الحقائق لم تكن تذكر كأى وضع ثورى .. فيه إعلام يحاول أن يبرز الثورة .. ويبرز أعمالها .. ويحاول أن يغطى على كل ما هو ضد الثورة ..

• وأسأل نجيب محفوظ : علاقة حضرتك كانت إيه مع رجال الثورة ؟

• والله علاقتى كانت على أحسن ما يكون .. لإنى اشتغلت معاهم فى القطاع العام .. واللى فتح لى الطريق وقدمنى هو ثروت عكاشة .. أحد رجالهم .. وطبعاً بموافقة عبد الناصر .. وكل التكريم اللى أخضته فى حياتى فى عهد عبد الناصر .. والعلاقات بينى وبين رجاله كانت حسنة جدا وما تزال إلى الآن على هذا النحو ..

• هل لجأت للرسم فى رواياتك تجنباً لأذى بعض رجال الثورة ؟

• لا فى عهد عبد الناصر كتبت بعض الروايات رمزية مكشوفة .. لكن رواياتى كانت ضد التحاجات اللى أعتقد إن عبد الناصر نفسه كان ضدها زى الفساد .. زى التسيب والديكتاتورية ..

هم أنفسهم قالوا الديموقراطية .. ولذلك لم يمينا سوء .. لأنهم يعرفوا الأعداء من الأصدقاء .. لا بأعمال لحساب حزب ولا سفارة ولا مش عارف إيه .. ولا بتجيني قلوب من بره ولا من الداخل .. لذلك لم أمس بسوء بل بالعكس كُرمت رغم إن أنت عارف في عهد عبد الناصر طلع « الشحات » والحاجات والبلاوى دى كلها » .

• وكيف كانت حرية الصحافة ؟

• « الصحافة بناعة رأى وخبر .. وفي الثورات الرأى والخبر تابع للثورة ولذلك إحنا عننا مش صحافة إنما موظفين فى الصحافة » .

• وأسأل أمين شاكى : علاقة الرئيس عبد الناصر بالاستاذ هيكى ؟

• « والله شوف أنا مش عاوز أتكلم عن هيكى .. لكن أنا فى تصورى إن هيكى أخطأ فى حق هذا البلد من ناحية إيه ؟ كلنا بنخطيء أو نصيب .. هيكى كان كل وظيفته إنه يقول للناس وبصفة مستمرة إن ما يقوله عبد الناصر وما يفعله عبد الناصر .. هو صحيح .. وما خلاف ذلك فهو خطأ .. ده غلط ليه .. لأن ده خلى مع الوقت عبد الناصر يصدق نفسه .. ويتصور فعلا أن هو رأييه هو الصواب .. وأن أى رأى ثانى يبقى خطأ .. وده غلط جدا لأنك علشان تأخذ قرارات سليمة اسمع إلى أكثر من رأى حتجد فى الآراء الأخرى بعض حاجات حتفعلك لتكون رأياً صحيحاً .. هيكى قعد ١٨ سنة يقول للناس إن الذى بيعمله عبد الناصر هو الصبح .. واللى يقول عبد الناصر هو الصبح .. وأى كلام على خلاف هذا يبقى غلط .. حتى لو كان الذى يقول ناس مخلصين وعاززين مصلحة البلد ومصلحة عبد الناصر » .

• « ويقول محسن عبد الخالق : « أنا ألوام الإعلام فى فترة عبد الناصر والصحافة التى آلهته تأليهاً شديداً لدرجة إنى دخلت عليه كان أحد الكتّاب لا ينكر عبد الناصر إلا الملهم العبقري البطل .. الخ .. فأنا كنت عنده فقال لى أنا ملهم .. فظهر الاندهاش على وجهى .. فقال لى تنكر إن عندى إلهام الوقت أو إلهام الحوادث .. قلت له لا .. فأذن مصر كانت سيئة الحظ وكان يمكن لثورة يوليو أن تنجح بحب وتنجز برضا من الشعب .. وقلت مرة لجمال عبد الناصر أنت لو دخلت الانتخابات لوقتى حتتنجح لمرة ثانية وعندك فترة انتقال ٣ سنين يبقى ١٣ سنة دون أن تنزلق للديكتاتورية .. إذا لم تحقق شيئاً فى ١٣ سنة .. من الخير لمصر أن تترك الحكم » .

• وأسأل أحمد المصرى : هل الثورة كانت بتملئ على الفن إرانتها .. ولا الفن من منطلق ذاتى بيهتم بها ويشجعها ؟

• « علشان نحسم القضية دى فى جملتين .. مايفيش أحد بيملى على الفن شيئاً .. لا يستطيع أى إنسان أن يملئ فناً .. قد يملئ خطبة .. قد يقول مقالة .. قد يضبط لإصدار جرنال مثلاً .. إنما أن تملئ على كاتب السينما أن يقول شيئاً خاصاً مش ممكن .. أن تملئ على كاتب مسرح أن يكتب مسرحاً غير ممكن .. الذى تم فى ٦٧ من كتاب كبار جداً .. « بلدى يا بلدى » لرشاد رشدى .. « المسامير » لسعد الدين وهبه .. « العرض الحلى » لميخائيل رومان .. وغيرها من

المسرحيات التي ناقشت أوضاعاً ولم يكن يعترض عليها عبد الناصر بالعكس .. ده أنا رحيت المسرح أساساً علشان أخلى الناس تنفص .. ده التعبير اللي قاله عبد الناصر .. يوم أن كلفت أرواح هيئة المسرح .. قال عاوز الناس تنفص .. وإحنا عندها فنانين وكتاب مقتدرين » .

• وأسأل محمد فائق : هل الفن يافندم كان بيساير الحكم بحكم أنه دائماً فى كل عصر حتى أيام الملك كان يساير الملك .. ثم ساير الرئيس عبد الناصر ثم ساير الرئيس السادات ؟

• « أقول لك حاجة .. فى كل عهد ممكن تلاقى أغنية بتمدح .. لكن الإبداع مش ممكن .. مستحيل وده ما يجيش بتعليمات أبداً .. معنى الكلام اللي كان بيطلع من صلاح جاهين وأغانى عبد الحليم حافظ .. مستحيل تكون بتعليمات .. لازم واحد منفعل بها .. وده الفرق .. أغانى الثورة فى الفترة دى الناس كانت منفعة تماماً .. اه معاك إن بيحصل أغانى مجاملة .. لكن الإبداع لا يحدث إلا من تفاعل الشخص وتفاعل الفنان وده اللي حصل فى بداية الثورة .. علشان كده .. فيه أغانى عبد الحليم حافظ عن الثورة .. مؤرخ الثورة كلها .. كلام صلاح جاهين وغيره وغيره كثير جداً .. ما كانتش تعليمات أبداً .. عمر ما حد جاب الفنان وقال له طلع لى أغنية إطلاقاً » .

• وأسأل سامى شرف : خطاب جمال عبد الناصر .. هو كان بيتدخل فيها بحرقيتها ولا بيكتبها له شخص هو بيتقئ فيه ؟

• « كل خطبة كان لها شكل .. وفيه خطاب الرئيس عبد الناصر ارتجلها ما حدش محضرها له : .
• زى إيه يافندم ؟

• « زى خطبة الأزهر فى عدوان ٥٦ دى مش متحضرة .. فيه خطاب أخرى فى مناسبات فى زيارته للأقاليم فى مصر .. بيزور قرية أو بيفتح مشروعاً وخلافه .. يبقى فيه تجمع سكانى كبير يلقي خطبة مافيش تحضير تبقي مرتجلة وتقال .. خطبه اللي كانت فى أول الثورة لغاية يمكن سنة ٥٥ كلها كانت مرتجلة اللي هي كانت فى زيارته للمحافظات أغلبها كانت مرتجلة » .

• ومين اللي كان بيكتب له خطبه بعد ذلك ؟

• « ما أنا واخذ الموضوع على مراحل .. لما ابتدأت مرحلة تحضير الخطاب .. الإطار العام والعناصر الرئيسية للخطاب .. وزى ما بتسموه أنتم فى الإعلام الخط الدرامى بتاع الخطاب .. كان بعده جمال عبد الناصر .. فى أحيان كان بيشترك فى الـ « Editing » التحرير معنى .. للصديق الأستاذ محمد حسنين هيكل .. وكان الرئيس بيعطى هيكل العناصر الرئيسية للخطبة اللي كانت محتتال .. وهيكل يدها وبعدين ترجع نانى تراجع .. فيه حاجات كانت بتتشطب وفيه حاجات كانت بتضاف .. وفى أحيان كان الرئيس يقول لهيكل سبب فجوة لإنى حاكم فيها بطريقتى أنا وبأسلوبى أنا عما أريد أن أقوله » .

• وتولى المهندس صدقى سليمان الوزارة بعد أن استقال زكريا محيى الدين ..

• **ويقول د . عبد العظيم رمضان :** « استقال زكريا محيي الدين عقب إعلان رفع بعض أسعار السلع .. وكان على خلاف مع الرئيس في سياسة مصر الخارجية .. كما كان يريد إعطاء الأولوية لتصحيح الأوضاع المالية بينما عبد الناصر يريد المحافظة على المكاسب الاشتراكية » .

• **وأسأل شمس بدران :** اختيارك وزيراً للحربية .. متخطياً رتباً كثيرة .. ده كان ليه ؟

• « والله يُمَال عبد الناصر في الموضوع ده » .

• **هو كان اختيار الرئيس عبد الناصر ؟**

• « آه .. طبعاً .. أمال مين اللي بيختار ؟ » .

• **يعنى ما كانش فيه إيعاز من المشير مثلاً ؟**

• « لأ .. لا .. بالعكس .. ما أفكرش المشير كان محبذاً الخطوة دى .. هو عبد الناصر جاء بعد الحكومة اللي كان زكريا محيي الدين رئيسها ... وحصل حاجة في التموين .. زود أسعار حاجات تموينية والبلد هاجت .. على طول كان عاوز يغير الحكومة .. فأنا كنت عنده فقال لي .. أنا محتار بلوقتي أجيب حكومة جديدة .. ما أعرفش أجيب مين ولا جاعمل إيه .. فكان عنده حالة تردد كده .. فقلت له الدولة بلوقت عبارة عن دولة مؤسسات .. الدولة عبارة عن مؤسسة كبيرة .. فسيادتك إذا كنت عاوز رئيس حكومة ناجح .. فشوف واحد مسك عملاً كبيراً وحققه بنجاح وبسرعة .. فقال لي زى مين .. فقلت له زى صدقي سليمان .. بعد السد العالي ما اتلخبط بين كذا وزارة وما اتنفذش .. لما راح له صدقي سليمان نفذ السد العالي « In No Time » بسرعة وكفاءة تامة .. فقال لي طيب .. وقال لي مين تاني تفكر ينفع .. قلت له أنا شوف برضه السياحة بالنسبة لنا ممكن تحقق دخلاً كبيراً إهنا مش مستغلين السياحة خالص لأن مافيش وزير متطوع .. وأمين شاكرا اللي كان سفيراً في أوروبا في دولة ما .. قلت له أنا أعتقد أن أمين شاكرا لو معك وزارة السياحة حيحيها .. وحيعمل دخل من السياحة » .

• **كان بيستمع إلى رأيك ويأخذ به لثقته بك ؟**

• « آه .. ما هو جاب الاثنين اللي قلت له عليهم .. عمل صدقي سليمان رئيس وزارة .. وجاب أمين شاكرا وزير سياحة » .

• **وعملك إنت وزير حربية ؟**

• « عملني وزير حربية غصب عني .. بجد .. أنا كنت عاوز أمشي .. ماكنشش عاوز أقعد !! » .

• **وأسأل أمين شاكرا :** حضرتك اتعينت وزيراً للسياحة إمتى ؟

• « اتعينت وزيراً للسياحة يوم ١ يناير سنة ٦٧ » .

• **وهل شمس بدران هو اللي كان رشحك للرئيس عبد الناصر ؟**

• « كذب .. التي رشحنى لهذا المنصب هو جمال عبد الناصر شخصياً .. ليه ؟ لأن الوزير اللي قبلى اللي ده اسمه إيه أساء للوزارة أكبر إساءة .. وكان سمعته فى الوزارة سيئة .. وعلاقته بالموظفين سيئة وطلع من الوزارة أغلب الناس الكوميين .. فالوزارة انحرفت لدرجة إن أنا لما حيت أممك الوزارة كان إجمالى دخل السياحة فى مصر ٢٣ مليون جنيه .. لو كان القيسونى عايش كان قال لك هذا الكلام .. أنا وصلت بها لقرب المليار فى سنة ونصف .. لأن إحنا عندنا إمكانيات سياحية ضخمة .. يكفى أن تعلم أن مصر فيها ٣٠ ٪ من الـ « Monuments » (الآثار) فى كل العالم .. بس أيام ما اتعينت وزير سياحة ماكانش فى مصر فندق واحد نجوم غير الهيلتون .. لذلك لما جبت بتوع شيراتون علشان يكملوا .. عبد الناصر قال إيه الحكاية حتجيب فلوس منين .. قلت له مالكت دعوة أنا حاجيب القرض .. آمال حاجيب السواح وأنيمهم فين » .

• وتولى على صبرى أمانة الاتحاد الاشتراكى .. وزاد التقارب مع روسيا ...

• ويقول أحمد حمروش : « كان ثروت عكاشة يستعين فى وزارته بالماركسيين أيضاً .. وهكذا استقرت الثقافة فى أيدى أكثر العناصر اقتناعاً وقدرة على خدمة التطور نحو الاشتراكية » .

• وأسأل د . ثروت عكاشة : طالبت الرئيس عبد الناصر بتعدد الآراء والاتجاهات .. فهل أدى ذلك إلى خلاف شخصى بينكما ولا كان دائماً خلاف فى الراى ؟

• « لا لم يؤدى أبداً إلى خلاف بيننا » .

• واستقال عبد اللطيف بغدادى من مجلس الرئاسة ...

• وأسأل عبد اللطيف بغدادى : لماذا استقلت .. لماذا تركت المنصب والمسئولية ؟

• « إحنا كنا عملنا مجلس رئاسة .. مجلس الرئاسة ده .. يمثل قيادة جماعية .. تناقش المسائل العامة كلها وتأخذ فيها الراى بالأغلبية .. على أن يصدر رئيس الجمهورية القرار المنفذ لراى الأغلبية .. استمرينا المرحلة الأولى كويس .. كام شهر .. ويعدين جمال عبد الناصر جمدها تقريباً .. وأنا اعتبرت إننى مسئول تاريخياً أمام الراى العام .. فبعثت استقالتى ومنطوقها واضح فى مذكراتى .. أنى باستقيل لأن القيادة الجماعية فشلت .. وأنا مسئول أمام التاريخ وأمام الراى العام على أى قرار يُتخذ وتكون غير مشارك فيه .. ولا يمكن الاستمرار وتحمل هذه المسئولية » .

• وابتعد كمال الدين حسين ...

• وأسأل كمال الدين حسين : رفضت سياسة الرئيس عبد الناصر وهى السلطة المطلقة والاشتراكية ؟

• « خلى بالك الاثنان مرتبطين ببعض .. طبعا كان خروجى النهائى رسمياً .. كان فى مارس

سنة ٦٤ .. فى ٦٤ عمل الدستور المؤقت .. وقال نشيل الأحكام العرفية ونخلي الحرية تسود .. ولكن عمل قانوناً اسمه القانون ١١٩ لسنة ١٩٦٤ .. هو عاوز يضمن الزمام لا يقلت من إيده .. وهو طبعاً كان عاوز الدنيا لا تسقط عليه .. فالقانون ١١٩ بيقول لرئيس الجمهورية أن يضع فى مكان أمين الأشخاص اللي يعملوا كذا وكذا .. وعدد جملة حاجات إن لو عملها أى أحد .. رئيس الجمهورية له الحق أن يضعه فى مكان أمين .. ويعدين قال إيه لا يجوز الطعن فى قرار رئيس الجمهورية بخصوص هذا القانون أمام أى جهة كانت .. يعنى أنا لو دخلت مكان أمين أشككى لمين .. ما فيش أحد أبداً .. قلت ريتا هو اللي نمشكى له .. يعنى هو كان بيراد به إن اللي أعطى باليمين .. يؤخذ بالشمال .. وعاوز أقول برضه علشان لا أعظم جمال عبد الناصر قوى .. فى سنة ٦٤ لما أتأليت الدنيا كلها ضد جمال عبد الناصر وثار العنف بتاع الأحزاب .. وناس اعترفوا لى من أحزاب معينة إن كان فيه اتصالات أجنبية إنجليزية وأمريكية وشيوعية .. ويعدين اعتقلت .. وأهلى تم القبض عليهم وراحوا السجن الحريبى .. والوالد فى بنها اتعمل عليه تحديد إقامة .. واللى كانوا عندى فى المكتب ليلة ما قبضوا على كلهم راحوا السجن الحريبى .. طيب ليه لم تتأفشنى فى هذا .. برضه الواحد لا أشعر بمرارة قوى .. ده كريس يعنى فضل برضه من ثورة ٢٣ يوليو إنها لم يحصل فيها مثل الثورات الثانية .. يعنى كمال أتاتورك راح لأصحابه اللي قاموا معاه بالثورة علشان اختلف معاهم فى الراى .. ضربهم بالطبنجة فى بيوتهم وموتهم !! الثورة الروسية موتت كل الناس .. الثورة الفرنسية أصحابها كلهم اتعلقوا فى المشاقق أو فُطعت رقبتهم على المقصلة .. والثورات والانقلابات اللي حصلت .. ما اتعملتش انقلابات وقتلوا بعض وضربوا بعض وموتوا بعض وكله راح .. إحنا الحمد لله لم يحصل .. مش علشان إحنا بس وعلشان الناس .. حتى يعنى أنا لا أؤيد التعذيب ولا القتل .. لأن كل شيء لا يرضى الله .. أنا ضده .. ولكن عاوز أقول إننا حماسين زيادة عن اللزوم .. وحصل ظلم مما لا شك فيه .. حصل ظلم على ناس معينة لكن لا يقارن بالظلم اللي حصل فى الخارج .. وفى الثورات الأخرى .. نجد أن إحنا أقل الناس ظلاماً .. أنا لا أبريء شخصاً أو شيئاً .. ولكن دى الحقيقة .

• ويقول محسن عبد الخالق : « فضل البعض مع عبد الناصر لأنه كان مثلاً واحداً منهم يقول لك .. ده ملهم .. ده بيسبح بحمد جمال عبد الناصر ليل ونهار .. وقعد لحد ٦٢ - ٦٣ وعندما شاله بعث له جواب يقول له .. « اتقى الله » .. طلب ما اتفتش الله ليه فى العشر سنين » .

• كما ابتعد حسن إبراهيم ..

• ويقول أحمد حمروش : « وصارح حسن إبراهيم عبد الناصر بلن على سبرى يوقع بينهما .. فقال له عبد الناصر : « هل تتصور إن على سبرى يقدر يمشينى ؟ .. إنه لا يزيد عن سكرتيرى مهما كان فى أى منصب » .. ولم يجد بدأ من تقديم استقالته الثالثة والأخيرة فى ١٨ يناير ١٩٦٦ .. وقال لى حسن : سبب استقالتي أن عبد الناصر عايز يحكم لوحده » .

• وأسأل أمين شاكور عن حسن إبراهيم ؟

- حسن إبراهيم ما أبعده .. حسن إبراهيم الجماعة بتوع الطيران أقتعوه بإنهم يظلموا مع بعضهم ككتلة .. فلما أبعد جمال سالم .. وأبعد البغدادي .. أخذوا حسن إبراهيم ويأهم .. إنما حسن إبراهيم ما أبعده .. وكان عبد الناصر يحب حسن إبراهيم جدا ويثق فيه جدا » .
- وأسأل محسن عبد الخالق : تخلص عبد الناصر من أعوانه وشركائه واحداً بعد الآخر .. هل توافق على هذا ؟
- « ابتدا يتخلص من أعوانه .. هو كان له شخصية قوية .. وتخلص على مدى السنوات من كافة الأعوان أو الزملاء » .
- وأسأل أبو الفضل الجيزاوي : كنت مؤيدا لعبد الناصر .. ثم أصبحت معارضا لدرجة أنك سجننت .. إيه تفاصيل هذه الحكاية ؟
- « كل إنسان يأخذ سلطة بلا حدود لابد أن ينحرف .. فوضع الضوابط والقيود على أى إنسان فى مركز قيادى مهم جدا .. وعبد الناصر لما انتصر على محمد نجيب وأخذ سلطة مطلقة .. ابتدا هو يعمل اللي هو عاوزه .. بدون أن يرجع إلى أى أحد .. حتى مجلس الثورة لم يكن يأخذ برأيهم .. فبدأ من المبادئ الأساسية فى الثورة الديمقراطية .. كيف يمكن أن يتحقق مبدأ الديمقراطية بهذه الصورة .. دى حالة ديكتاتورية مطلقة وما يريد عبد الناصر « كن فيكون » .. فانا اختلفت من هذه الزاوية .. لابد أن يكون هناك ضوابط وأن يكون هناك ديمقراطية حقيقية لأن هذا العصر هو عصر الديمقراطية .. فاختلعت مع عبد الناصر على هذا الأساس .. فاضطرر أن يقبض على ويعتقلنى » .
- وأسأل أمين شاكر : لماذا تركت عبد الناصر ؟
- « أنا تركته لعدة أسباب .. ولكن السبب الرئيسى أظنك تعلم أنني كنت رئيس « جمعية الوعى القومى » .. دى جمعية أنا عملتها علشان تقف فى وجه الاتحاد الاشتراكى .. الاتحاد الاشتراكى كان بيلم اللامعة وكان واجهة زائفة لديمقراطية زائفة .. أنا جمعت الناس أصحاب الفكر والرأى وقتلت لعبد الناصر إن فى هذا الوجود عالم وعامل ماقدرش أقول إن العامل زى العالم .. العالم بيعمل ماكينة بتشغل ألف عامل .. أنا جمعت الناس دول لما كان فيه وحدة بيننا وبين سوريا .. كان عندى عمداء الكليات ومديرين الجامعات والأساتذة ووزراء سابقين وإلى آخره » .
- وأسأل عبد المنعم أمين : يقال ياقتدم إن الرئيس عبد الناصر أبعد تدريجيا كل من حوله للتخلص منهم واحدا بعد الآخر .. هل فى هذا القول ظلم ؟
- « لا ليس فيه ظلم .. بالعكس » .
- وتقول هدى عبد الناصر : « أنا لا أعرف لماذا ابتعد هو وزملاؤه .. يمكن اختلاف التوجهات والسياسات .. لكن ظلت العلاقات الإنسانية بينه وبينهم مستمرة » .
- وبابتعاده عن مجموعة أخرى من زملاء الأمل .. أحاط أكثر بالرئيس رجاله المقربون ..

* ويقول لطفي واكد : « طبعاً كان فيه مجموعة حواليه بتحاول تدم بينه وما بين الناس اللي هو بيحبهم » .

* زى مين ؟

* « يعنى بعض أجهزة المخابرات .. وعلى رأسهم صلاح نصر .. وبعض أجهزة الصحافة ولا داعى لذكر أسمائهم .. وبعض الأجهزة الأخرى .. لكن كان فيه ناس معينين بتتعمدوا يجرّدوا عبد الناصر من علاقة الصديق الحقيقى » .

* وأعمال د . عبد القادر حاتم : لماذا ابتعدت ؟

* « والله حافول لك حاجة .. أنا لقيت اتجاهات موجودة فى ذلك الوقت .. الشيوعيون كانوا منفشرين - بصراحة متناهية - كانوا موجودين فى الإذاعة والتلفزيون .. وأنا ضد الشيوعية وهذا الاتجاه الشيوعى .. ولذلك الحمد لله النهارده الفكرة بقاعة انتهاء الشيوعية تحققت .. هـى فى الشيوعية النهارده !! انشقت الأرض وابتلعنها مش كده ولا إيه .. أنا كنت دائماً أعمل على أن أبعد الشيوعية عن جهاز الإذاعة والتلفزيون اللهم إلا إذا كانوا لا يثبتوا هذه المبادئ فى الإذاعة والتلفزيون .. ولذلك كان مثلاً يهاجموا النواحي الدينية .. فرحت عامل إذاعة القرآن الكريم .. أول إذاعة للقرآن الكريم فى البلاد العربية بل فى العالم .. وكان لها صدق جيد جداً فى الرأى العام .. من هنا أقول كان لابد إن أنا ابتعد ولا أسير فى هذا الاتجاه وكان الله معى فى هذا ووفقنى كل التوفيق .. وأنا ابتعدت من ٦٦ .. حتى ٧١ » .

* إذن ابتعدت مش أبعدت ؟

* « لأ .. أنا ابتعدت لإن حصل تغيير فى الوزارة .. وزارة ٦٦ .. جابوا وزير رئيساً .. الرئيس عبد الناصر رحمه الله جاب وزير من الوزارة وعمله رئيس وزارة .. وأنا كنت نائب رئيس وزارة وكلنا مجموعة من نواب رئيس الوزارة فلجنا سبنا مراكزنا .. لكن عينى أنا فى الاتحاد الاشتراكى .. الوحيد اللى عينى فى الاتحاد الاشتراكى من الجميع .. لإنه كان علاقته بى طيبة وفاهم الاتجاه بتاعى فى هذا الموضوع .. إلا أن الاتحاد الاشتراكى كان مليان عناصر من العناصر إياها دى الشيوعية .. ويعدين كانوا بيتكلموا بأسلوب غريب لا أنت فاهمه ولا الرأى العام فاهمه .. لدرجة حصلت نكت كثيرة على الاتحاد الاشتراكى .. واحد فلاح جاي من البلد فجابوه فسحوه فى مصر وودوه المتحف وودوه الهرم والبرج وشاف القرص اللى بيلف ورجع بيقلوا له يا عم فلان أنت شفت مصر .. قال لهم آه .. طيب شفت إيه .. قال لهم كذا والهرم وكذا وكذا .. قال لهم بس شفت حاجة أنا مش فاهمها خالص .. قالوا له زى إيه .. قال لهم زى الاتحاد الاشتراكى ده !! .. يعنى كان الاتجاه لا يتلائم معى » .

* ويعطى أمين شاكراً قائلًا : « وطبعاً عملوا عليه الدائرة وقعدوا .. طبعاً سامى شرف .. وعبد الناصر لا يسمع إلا ما يريدون أن يسمع .. ولا يرى إلا ما يريدون أن يرى .. رغم إنه

كان قبل كده مصدر سعادته الكبرى إنه يختلط بالناس وإنه يشوفهم ويقابلهم .. دول عزله عن الناس تماما .

• وأسأل د . حاتم : الاتجاه ده .. إيه اللي كان خلاه يتوغل ويتنشر ؟

• شوف .. هي فيه ظروف سياسية كانت بتجبر السياسة على هذا الموضوع .. جاء خروشوف هنا فى مصر طبعا وطلع جميع الشيوعيين من السجون فى ذلك الوقت .. وطبعا كنا بنأخذ سلاح من الاتحاد السوفيتى .. والاتحاد السوفيتى كان بيعمل كل جهده إن هو سلاحه يبقى قوى .. الخ .. فطبيعة الأمور لا يمكن كنت أقدر أمشى مع هذا الاتجاه .. يعنى طبيعة نفسى ما نتفكش مع هذا لكن كانت النتيجة إن فيه الاتجاه السياسى اللي موجود .. عاوز يستثمر العلاقة دى لكن أنا كإعلام ما أقدرش أدخل فى الإعلام بتاعى هؤلاء الشيوعيين .. ولو إنى أعرفهم كأفراد كويسين .. فيه عدد منهم كويس جدا وبينكلموا كويس .. لكن فيه بعضهم لا يتفق ولا أسمع له بصفتى المسئول عن الإعلام أن ينشر الشيوعية وإلا كانت اتخربت البلد فى ذلك الوقت .

• وأسأل مصطفى كامل مراد : هل غابت الديمقراطية فى عهد الرئيس عبد الناصر ؟

• هو فيه ديموقراطية مع ثورة ١٩٠٩ مش ممكن لا تبقى ثورة .. تبقى أوضاع سياسية مستقرة .. لكن الثورة هي انتفاضة و انقلاب على الأوضاع الموجودة .. سواء كانت سياسية أو اجتماعية .. وبالتالي بنحتاج إلى نظام مطلق حتى يمكن أن نحقق أهدافها .

• ويضيف مصطفى كامل مراد : وبدأت تصدر قرارات حراسات .. يمكن بدون علم عبد الناصر .. وفى بعض الأوقات كان فيه قرارات من اللي هو أخذها لم تكن تنفذ .

• بسبب مين يافندم بهسراة ؟

• بسبب نظام الحزب الواحد .. يعنى ميطرة قائد أو زعيم على الحكم .. وبالتالي ده يعطى انعزال عن الشعب .. ويعطى فرصة للمجموعة اللي حواليه .. أن تسيطر عليه وتعطيه ما تريد من المعلومات فقط .

• مين المجموعة دى يافندم ؟

• ما هي المجموعة دى اللي اشتبكت مع السادات سنة ٧١ .. هي مجموعة على صبرى وسامى شرف والفريق فوزى وكل المجموعة دى .. وضياء الدين داود وشعراوى جمعة .. وكل هؤلاء .. وكانت المجموعة اليسارية .

• ويقول محسن عبد الخالق : الحكم الديكتاتورى عبارة عن ديكتاتور واقف فى منتفع .. ده فى العلوم السياسية واقف فى منتفع ملهى بالمداينة والمراوغة والسلبية والنفاق .. وكل شىء سيئ وكل مرض سياسى موجود .. ده من ناحية .. الناحية الثانية جمال عبد الناصر كان ممكن يحكم لو لم نجد هؤلاء .. يعنى أحاط به ناس كثيرون .. خصوصا فى الإعلام .

• **بينما يقول سامي شرف :** « كان جمال عبد الناصر يطالب جميع المؤسسات التي تعمل معه بالمعارضة الصريحة .. وكانت له عبارة يقول عازر واحد يحط رقبته قصادي وعازر اللي يقول لأ .. ولكنه أرجع ثاني وأقول لك نحن في العالم الثالث .. صدقا ، ظلما ، كذبا ، توها .. إن ده يرضى عبد الناصر .. وكل الصفات دي حطها على بعضها ودى مش غلطته .. هي دي غلطة الطرف الآخر المتعامل معه .. إنما هو من جواه وبصرache وفي الغالب كان يريد لأ .. »

• **هل عشنا الحكم الشمولى فى عهد الرئيس الراحل عبد الناصر ؟**

• « ماذا تعنى كلمة شمولى ؟ »

• **الحكم الديكتاتورى ؟**

• « عمال أتكلم بقالى سنين لما نشفت ريقى .. وتقول لى ديكتاتورى .. أنت نشفت ريقى عمال أقول لك وترجع تقول لى ديكتاتورى تانى .. والله أنا بقدر الإمكان بأحكى لك بما يرضى الله ويرضى ضميرى .. أحكامى على ما عشته وعلى ما شفته .. وعلى ما سمعته .. لكن حافول لك فى آخر الآخر أنا منحاى .. أنا منحاى لجمال عبد الناصر .. منحاى لنظام ثورة ٢٣ يوليو .. منحاى لمصر .. منحاى للوحدة العربية » .

• **بس حضرتك لم ترد على السؤال .. هل كان الرئيس فيه الطابع الديكتاتورى ؟**

• « يعنى إيه ديكتاتورى ؟ كل اللى قلته لك ده كان إنساناً يزعل ويفرح .. ويكي ويضحك .. يثيب ويعاقب .. الديكتاتور ما « ييمتقش » .. عمال على بطل زى المنشار .. ذبح حتى يذبح .. زى مش عارف إيه الحيوان ييموت أولاده خوفا عليهم .. ذبح مين يعنى ؟ أو تكتر دكترة على مين ولا على إيه ؟ » .

• **أنا أقصد نظام الحكم فى مصر فى هذا الوقت ؟**

• « هو فيه شرعية ثورية .. الثورة مرت بمرحلتين .. المرحلة الأولى من سنة ٥٢ إلى ٥٦ شرعية ثورية .. وبعد كده شرعية دستورية فيه مؤسسات موجودة والنظام الديكتاتورى بيلغى كل المؤسسات .. ولا يتعامل مع المؤسسات .. جمال عبد الناصر عمره ما تعامل مع الأشياء متجاوزا المؤسسات .. نرجع إلى محاضر اللجنة التحضيرية للاتحاد الاشتراكى العربى سنة ٦٢ .. قمة الديمقراطية فى المناقشات .. وشارك فيها الله برحمه خالد محمد خالد .. ويمكن قصة الحوار اللى دار بين خالد محمد خالد والرئيس حول الديمقراطية تغينى عن إن أنا أجابك على سؤالك .. الحوار اللى دار بين الدكتور حسين كامل بهاء الدين وكان أيامها أمين منظمة الشباب بالاتحاد الاشتراكى .. وما بين بعض أساتذة الجامعة .. قمة الحوار الديمقراطى وقمة الصبر » .

- وأسأل د . هدى عبد الناصر : ماذا تقولين تحت عنوان « عبد الناصر والحكم الفردى » ؟
- « كان الرئيس ضد الحكم الفردى وكان يدعو لأى منصب بالانتخاب .. وكانت الدولة دولة مؤسسات .. كون إنها كانت ذات أداء مش بالدرجة المطلوبة هذا شيء .. لكن وجودها فى حد ذاته ووجود قاعدة انتخابية شيء آخر .. وكلمة الحكم الفردى ليس له مكان هنا إطلاقاً .. ثم ماذا عن التأييد الشعبى سنة ١٩٦٧ .. لم تحدث هزيمة رئيس وحدث له ما حدث وطالب الشعب بعونه فى مصر والبلاد العربية » .
- ليس فى وقفة الشعب عند الهزيمة أى تعارض مع سياسة الحكم الفردى ؟
- « وقفة الشعب فى لحظتها كانت معه لأنه لو كان حكمه فردياً كان سيكون على غير رغبة الشعب » .
- إذن ترفضين من يقول على والدك إنه كان ديكتاتوراً ؟
- « أرفض ذلك لكن من يعتقد هذا هو حر .. كل ينظر من وجهة نظره وتقييمه الشخصى » .
- ولكن ما هو دفاعك عنه ؟
- « أى نظام حاكم يفرض قرارات سياسية سيضر البعض من قطاع المجتمع .. ويجب أن ينحاز إليه فى قراراته قطاع آخر .. ليس فى عهد والدى فقط ولكن فى جميع العهود والأنظمة .. قرارات الخصخصة وبيع شركات القطاع العام بأقل من قيمتها .. لمصلحة من إذن بيعت .. أى قرار سياسى يجب أن يكون هناك سؤال لمن هذا القرار .. ولا يمكن أن يكون فى مصلحة جميع قطاعات الشعب .. نظام والدى من البداية كان واضحاً أنه ينحاز للشعب وينحاز للفقراء » .
- بينما يقول نجيب محفوظ : « الإنسان لم يصب من يوم ما تولدت الثورة الفرنسية والشعوب عرفت حقوقها قد من الشمولية .. مافيش مصيبة تصيب شعب زى الحكم المطلق والنظام الشمولى » .
- وهل أصبنا من هذا الجانب ؟
- « أصابنا كل المصائب اللتى عانيناها من يونيه والفساد والتسيب والخسارة الاقتصادية .. البلاء الشديد للذى نعانى من جراء هذا الحكم » .
- ويقول يحيى الرفاعى : « أصبح يطلق على الأوامر اسم قرار جمهورى وبعضها قرار بقانون أو قانون .. المسألة متروكة بيد الحاكم مش بيد القاضى .. هذا السيل العارم من القرارات ترتب عليه تهميش دور القضاء إلى حد الاعتداء على بعض رجال القضاء .. مثل الاعتقال بدون التزام بنصوص الدستور والقانون .. حراسات فرضت وتوسع فى الاعتقالات الادارية .. كل ده كان يستغفر عند كل قاضى الشعور بالظلم عند كل مواطن .. القضاء جزء من كل يشعر بما يشعر

به الشعب المصرى ... إن صلح الشعب المصرى يصلح هذا القضاء .. وإذا أصيب الشعب المصرى بأى كارثة تصيب القضاء أيضاً .. للأسف كان فيه إيجابيات فى هذه المرحلة .. لكن السلبيات أكثر .. مثل القضاء على الحريات .. واستئثار السلطة التنفيذية بالسلطة التشريعية تحت مظلة حكم فردى وحكم شمولى .. والشعب لا يحكم نفسه بنفسه .. يضع القانون الحاكم الفردى .. حرية الاجتماع معدومة .. وحرية الرأى غير موجودة .. والغلبة أصبحت لكتبة التقارير السرية » .

• وأسأل محسن عبد الخالق : كيف تحول عبد الناصر إلى ديكتاتور فى رأيك ؟

• « مجلس الثورة كان مع الديكتاتورية .. ومن خرج من مجلس الثورة أصبح ديموقراطياً .. وهو استطاع أن ينخلص من الوطنيين وأتى بجملة فرسان السلطة وهؤلاء كان لهم مصلحة » .

• ويقول طارق البشرى : « كان القرار الجمهورى هو أداة التعيين فى كل الوظائف الكبيرة .. رؤساء الهيئات والمؤسسات والشركات وكذلك الأعضاء .. وكلاء الوزراء والمديرون ومن يماثلهم فى القطاع العام .. وكان رئيس الجمهورية هو من يضع للاتحاد نظامه وقانونه ويرسم له تشكيلاته .. وقد ظلت مصر منذ سنة ١٩٥٨ تحكم بدمائير مؤقتة .. تصدر بقرارات من رئيس الجمهورية .. وتعديل بقرارات منه .. بحسبان إنه هو نفسه مستفتى عليه من الشعب وحائز على ما يشبه الإجماع » .

• وهكذا انفرد عبد الناصر ورجاله بالسلطة ...

الملف الحادى عشر

النكسة

- النكسة التى حدثت يوم ٥ يونيو سنة ١٩٦٧ هى محصلة لأوضاع خاطئة فى الجيش المصرى .. ونتيجة لاشتغاله بالسياسة وانشغاله بالحكم .. والاختصاصات المدنية الغربية التى أسندت إليه .. النقل العام .. الثروة السمكية .. الجمارك .. وحتى الحراسات .
- ويقول جمال حماد : « مبدأ اشتغال الجيش بالسياسة مبدأ مرفوض .. وكان الجيش مشغولاً أيضاً باختصاصات مدنية غريبة متعددة منها مثلاً النقل العام والجمارك وغيرها » .
- وكان جزء كبير من الجيش مشغولاً بحرب اليمن ...
- ويقول نجيب محفوظ : « ٥ يونيو كانت خبطة شديدة جداً .. الحقيقة يعنى مهما صورتها لك مش على أساس الهزيمة .. أى جيش يصح أن ينتصر .. ويصح بهزم .. وكل بلد لها انتصاراتها ولها هزائمها .. إنما إحنا كنا وصلنا إلى درجة تهاى لنا إننا دولة عظمى .. وحتى حرب اليمن خيلتى مش خايف إن إحنا نضعف أمام إسرائيل .. قلت للى بيعت حملة زى دى .. وأماننا العدو الأول .. ده لازم عنده جيش لايقاوم .. مش واخد بالك .. يعنى اتخذت منها دليل للاطمئنان مش للخوف .. لأنه مش معقول أبعت جيش فى اليمن .. يضعفى أمام عدوى الأساسى .. لما حصلت الهزيمة كانت الحقيقة ممكن تسميها دوخة .. مش قادرين نفهم أولها من آخرها وإنت عارف إنها دوخة لإن حتى الآن الناس دايفة فيها » .
- ويقول صلاح اللسوقى : « القوة الضاربة للجيش المصرى كانت فى اليمن .. وباقى الجيش اللى هو مش مدرب كان موجوداً .. أى واحد يعرف إن فتح جبهتين فى وقت واحد .. كان حاجة خطيرة جداً وكانت النتيجة الهزيمة .. ولا أعتبرها هزيمة عسكرية بقدر ما هى هزيمة سياسية » .
- بينما أسأل عبد المجيد فريد : كان جزء كبير من الجيش موجوداً فى اليمن ؟
- « لأ ماكنش جزءاً كبيراً إنما كان فيه عدد ٣ لواءات أظن موجودة فى اليمن كان طبعاً يبقى

وجودهم هنا أفضل من أجل المعركة .. بس لا أعتقد إن وجودهم كان سيؤثر كثيراً على المعركة لإنها معركة طيران » .

• وأسأل شمس بدران : هل الجيش المصري كان مستعداً في هذا الوقت لهذه الحرب ؟

• « آه كان مستعداً ... مش معنى وجود فرقة في اليمن .. إن الجيش كان مش مستعد » .

• وكان الجيش يعاني من ضعف في التدريب وعدم استكمال المنشآت لقلة الميزانية .. ويقاع قياداته لمدد طويلة في مناصبهم .. يصرف النظر عن كفاءاتهم ..

• وأسأل سامي شرف : هل كان الرئيس عبد الناصر على علم بحالة الجيش قبل هزيمتنا في ٦٧ ؟

• « معرفة حقيقية زى معرفته باللى بيدور في البلد .. لأ » .

• ليه .. اشمعنى العسكرية ؟

• « المؤسسات العسكرية وصلت إلى نوع من أنواع الدولة داخل الدولة .. ده موضوع كبير قوى ومش حيتجاوب في دقيقة أو دقيقتين لأنه إذا تجاوب إجابة سريعة حتكون إجابة مخلة .. وقد تؤول وقد تُفسر .. لكن أقدر أقول لك إن ما حدث بعد ٥ يونيو ٦٧ وتولى الرئيس جمال عبدالناصر المسؤولية كقائد أعلى ورئيس جمهورية .. باننت نتيجة .. أنا آسف مش بجواب .. لأ أنا بأجواب بالطريقة التي تؤدى لتفادى الاختصار في الإجابة » .

• ويقول د. مراد غالب : « طبعاً كانت القوات المسلحة جزءاً كبيراً منها في اليمن .. عدد كبير من الاحتياطي جنباه .. وجايين بالجلاليب وخلافه .. يعنى ماكناش في أحسن أوضاعنا العسكرية بدون شك » .

• ويقول الفريق سعد الشاذلى : « النكسة بتاعة سنة ٦٧ .. الحقيقة كنا نستحقها لأن طبعاً ماكانش يجوز إن إحنا ندخل الحرب بهذا الشكل .. وهذه الهرجلة .. وهذه التعبئة المموجة .. إزراى إحنا ننتصر .. عساكر يأتوا إلينا في سيناء لابسين جلاليب علفان يدخلوا الحرب .. دون أى تدريب ودون أى تجهيز » .

• ويقول شمس بدران : « كان فيه ٦ أو ٧ فرق وفرقة مدرعة .. مش معنى وجود فرقة في اليمن إن ده حيعجز الجيش المصري عن إنه يدخل حرباً مع إسرائيل .. الجيش المصري في هذا الوقت كان متوقفاً على الجيش الإسرائيلي .. بنقول الجيش بالتعبير الدارج على القوات المسلحة ماعدا الطيران .. الطيران الإسرائيلي قائم على أساس طائرة هجومية دفاعية .. طائرة يتمشى مسافات طويلة فيها صواريخ في نفس الوقت لو تعرضت لها طائرات مقاتلة تقدر تدافع عن نفسها .. إحنا الطيران بتاعنا كان عبارة عن طائرات ميغ .. طائرات ماهيانش هجومية وطائرات مش مقاتلة يعنى دفاعية .. مخصصة أصلاً لحماية المطارات .. وكان عندنا قاذفات قتال لكن قاذفات القنابل ماتقدرش تدافع عن نفسها .. وكان عندنا طائرات سوخوى .. طائرة

قاذفة مقاتلة بس كان مداها صغيراً وحمولتها صغيرة بالنسبة إلى طائرات إسرائيل .. وإسرائيل كان عندها ٥٠ طائرة ميراج وصلتها حديثاً من فرنسا .

• وأسأل عبد المجيد فريد : هل الصراع على السلطة بين الرئيس والمشير كان السبب في هزيمتنا في ٦٧ ؟

• السبب في الهزيمة عدم الاستعداد العسكري لمواجهة هذا القدر من العمليات .

• ويقول د . الدكتورى : « الأسلوب الذى كان يدار به الجيش لم يكن أسلوباً يواكب العصر .. التسليح الحديث بالنسبة إلى التطور العلمى .. والاتحاد السوفيتى لم يكن صديقاً فى التسليح .. وكان إمداده لنا بالملاح يغلب عليه الطابع التجارى .. ولم يكن هناك اتفاقاً للسلاح أو الذخيرة .. فالسوفيت لم ينزعجوا لهزيمة ٦٧ بل استثمروها .. وزادت من شدة قبضتهم على الأمور فى مصر . »

• ويقول الفريق أول عبدالمحسن مرتضى : « القوات المسلحة بتاعتنا .. بتعتمد على الاحتياط علشان تقف أمام إسرائيل .. هذا الاحتياط عمره ما استدعى .. إن حالة القوات كانت فى الحضيض والدفاعات بتاعتنا فى ميناء ماكانتش مستكلمة .. الخُمس بس مستكلم لأن فكرة الحرب ماكانتش موجودة فى دماغ أحد ولا فى أذهان الرئيس .. لما تحصل حرب .. مش مفروض القادة دول يستدعوا وتقول لهم والله منتظرين يحصل حرب أو حنصعد عمليات علشان تحصل حرب أو حاجة زى كده .. لم يستدعى المجلس الأعلى للقوات المسلحة .. ولم يأخذ رأى أى أحد فى القوات المسلحة .. الرأى الوحيد اللى أخذه مرة لما هيئة قوات العمليات طلبت بعث قوات إلى شرم الشيخ خوفاً من إن اليهود يسبقونا وينزلوا شرم الشيخ .. المشير الله برحمه بقى جمعنا .. وتعالوا ندرس هذا الموقف نبعت أو مانبعتش .. فكان فى دراسنا لهذا الموقف طلعلنا بقرار إن إحنا مانبعتش .. ليه .. لانه لو بعثنا معناها حرب .. وإحنا غير مستعدين للحرب .. معنى واضحة .. معنى القائد العسكرى عليه أن يبين وجهة نظره .. ومين اللى يتخذ القرار ده .. القرار سياسى .. فأنا دخلت الحرب بقرار سياسى .. مش بناء على قرار عسكرى .. القرار العسكرى ده متخطط و .. و .. الخ . لكن للسياسة هى اللى بتدى أوامر علشان أنفذها .. أنا القائد العسكرى .. رئيس البلد ورئيس الجمهورية يعرف كل الحاجات دى عن القوات المسلحة .. ويعرف إن القائد بتاعه مش على كفاءة .. وهو قالها فى كتاب The Game Of Nations اللى هو لعبة الأمم مع كوبلاند .. قال له أنا عارف إنه قائد القوات اللى موجود عندها متخلف بالنسبة للحروب الحديثة .. طيب وبعدين قال له إن الجيش مايقدرش يقف أمام إسرائيل .. الجيش بتاعنا اللى هو منهمك فى اليمن .. ومش عارف بصد شوية عصابات .. حبيجى يحارب إسرائيل إزاي .. إذن كل المعلومات دى موجودة عنده .. إزاي هو يتخذ الإجراءات اللى تخلى الحرب لايد أن تقع .. وكانت قوات الاحتياط غلبانة لدرجة إن بعضهم كان بالجلايب أو بعضهم باللبس الملكى .. تقول لهم حنوصل اللبس العسكرى ببعدين .. وبعضهم وأنا بأمر مش لاقين فأسا أو جاروفاً يحفروا به .. حتى أنا بأقول لعبد الحكيم عامر ..

يعنى هو جاء وزار الجبهة يوم الهجوم .. كنت أنا طليبا اللي معه .. يقول لى خلى بالك ده حيحصل حرب .. قلت له إنت سيدتك عاوزنى أحارب بالقش ده ؟ .. مين يحارب بالقش ده ؟ .. مين يقبل إنه يدخل فى عمليات بالاحتياط غير المسلح ؟ .. قال معلش المهم تفهم الناس كلها إتنا حنحارب علشان الناس كلها تستعد .. زادت فكرة الحرب .. كانت فى دماغهم مافيش فكرة حرب .. جتنا من اليمين تعبتين ده علاوة على الحالة الاقتصادية : مافيش بترول ومافيش بنزين وماتقدش تعمل لكم مناورات .. حتى لدرجة لما يقال لهم بإجماعة ده إحنا حنحارب إسرائيل .. رد محمد فوزى وقال لما نحارب إسرائيل يجيلك الفرج .. الكلام ده كان فى مارس ٦٧ .

• **وبالتالى فلدينا مسئوليتان : أولاً دفع مصر إلى الحرب .. ثانياً هزيمة مصر فى الحرب .. ولنبدأ هذه القصة المؤسسة من البداية ...**

• **يقول أمين شاكى :** « قرار إرسال الجيش المصرى إلى سيناء سنة ٦٧ .. ده قرار الاتحاد السوفيتى وأنا قلت لعبد الناصر ده .. دلوقتى الحلف الأطلنطى نقل من باريس إلى بروكسل حيث كنت أنا سفيراً .. وطلب منى أن أتابع أعمال حلف الأطلنطى .. وكان الحلف يعتبر الشمال الإفريقى والشرق الأوسط من أهم المناطق خارج أوروبا .. وكان بيدرس هذه البلاد من جميع النواحي ومن ضمنها الجيش .. فكان مقدار كفاءة الجيش المصرى به ٣٤٪ فقط وكفاءة الجيش الاسرائيلى به ٦٦٪ » .

• **هل كان الرئيس عبد الناصر يعلم ذلك ؟**

• **أنا قلت له بالضبط كده .. هو ماتقدش يعمل حاجة .. لأنه ماكانش عنده فى هذه الأيام حق اتخاذ أى قرار على عكس ما يريده الاتحاد السوفيتى .. قلت له إن ٥٥٪ من القوة الضاربة بتاعتنا موجودة فى اليمين ونحن لسنا فى موقف يسمح لنا أن نمسح من هذه القوة عسكري واحد .. لأن فيصل كان حاطط الجيش بتاعه على الحدود الشمالية لليمن .. فإذا سحبنا إحنا قواتنا يدخل هو .. فقلت له ده إحنا جيشنا بحاله اللي كفاءته ٣٤٪ ماتقدش يحارب إسرائيل .. فتحنحارب إسرائيل بنصف الجيش .. قلت له تأكد أن كل عسكري حيروح سيناء مش حيراجع .. وكل بداية حتروح سيناء حتنكسر .. قال لى أنا بأتكلم مع عبد الحكيم وهو بيقول إنهم جاهزين وعلى أتم الاستعداد أن يلقنوا إسرائيل درساً .. قلت له هذا الكلام فارغ .. وعبد الحكيم بيقول لك كده لأنه كل اللي بيهمة التهارده هى الفلوس اللي بيأخذها وطريقة المعيشة اللا أخلاقية اللي هو عايشها والنفوذ اللي هو بيتمتع به .. ده اللي بيهمة .. فأنت قلت له ابعت قوات إلى سيناء .. فقال لك حاضر باريس .. هذا اللي حصل » .**

• **ويقول مصطفى كامل مراد :** « ٦٧ فى الواقع كانت هزيمة أو كما سميت نكسة ماكانش حد يتوقعها أبداً من المسئول عنها » .

- من المسئول عنها ؟
- المسئول عنها طبعاً قيادة الجيش وعبد الحكيم عامر باعتباره كان قائد عام القوات المسلحة .. ولا نقدر أن نخلى مسئولية عبد الناصر منها برضه .. يعنى القيادة السياسية والعسكرية مسئولة عن هذه الهزيمة أو النكسة .
- وأسأل توفيق عبده إسماعيل : قال البعض إن الصراع على السلطة بين الرئيس عبد الناصر والمشير عامر هو السبب فى هزيمتنا فى ٦٧ ؟
- ما أقدرش أخذ هذه الجملة أقول إنها صحيحة ١٠٠٪ إنما أقول إنها صحيحة ٥٠٪ .. الصراع على السلطة بين رجال جمال عبد الناصر ورجال عبد الحكيم .. مش بين الاثنين .
- ويقول محسن عبد الخالق : عبد الناصر أخطأ .. كنت أيامها فى لندن مبعداً واستدعانى السفير الأردنى .. قال لى استدعنى الخارجية البريطانية اليوم - وكان يوم ٢٦ مايو - لتبلغنى إن الحرب ستقوم يوم ٥ يونيو فنرجو أن تبلغ الملك حسين علشان يبلغ جمال عبد الناصر .. ولما استدعانى قال لى أرجوك إبعث لجمال عبد الناصر بطريقتك تقول له كده .. لانى خائف إن الملك حسين مايلغش عبد الناصر .. فقلت له ما طلبتش الخارجية البريطانية ليه تبلغ ؟ طبعاً مش حبا فينا .. قال سألت هذا المؤال قالوا إنكم حتقولوا إن الغرب هو المسئول .. وإحنا لنا مصالح ويادوب إحنا صالحن الأوضاع .. فنرجو إن إحنا مانخلص المنطقة نعود إلى حالة الغليان والصراع .. وأبلغت ذلك لعبد الناصر .. بعثت له .. وعبد الناصر هو القائد الأعلى للقوات المسلحة وقرار الحرب والسلام لا للوزير الحربى ولا لقائد الجيش .. دائماً .. لرئيس الجمهورية .
- وهو مش مفروض إن القائد العام يقول للقائد الأعلى إن الجيش غير مستعد ؟
- إحنا بنتكلم فى ظل نظام شمولى وله عيون داخل الجيش .. وشמש بدران بتاعه .. جمال عبد الناصر المسئول الأول .
- وأسأل الفريق أول عبد المحسن مرتجى : من المسئول فى النهاية المشير أم عبد الناصر عن النكسة ؟
- صاحب القرارات السياسية .. رئيس الجمهورية .
- أحمد أبو ناز قال لى حضرتك وضعت الخطة مع الرئيس والمشير وأثور القاضى ؟
- لأ ما كنتش أعرف حاجة عن الخطة .. أنا عرفت الخطة بعدين .. بدأت أقرأ فى الخطة .. ومع ذلك الخطة دى كان فيها قصور .. لأنه فيه حتت أنا مریت فيها فى الفترة بتاعة الاستعداد للحرب .. دى كانت بتعتبر مواقع مائعة .. كانت أرض زى ملعب كورة .. الخطة كان فيها قصور كل ده ليه .. لأن الحرب كانت غير متوقعة فى ذلك الوقت .

• لماذا قبلت إنك تبقى قائداً للجهة ؟

• أنا حأقول لك .. القائد أو الضابط ده رجل منفذ مايقدرش فى وقت الشدة أبدا يستقيل .. لما نفهم من المشير إنه حيجبى قبل العمليات بـ ٤٨ ساعة وحيكون موجود معك وحيجيبك ال Staff اللي ناقص .. وحيجيبك المواصلات الناقصة والحاجات دى كلها وحندير المهركة .. يبقى ليه لآ ؟! ..

• وأسأل المشير الجمسى : هل الصراع على السلطة بين الرئيس عبد الناصر والمشير عامر كان وراء هذه الهزيمة ؟

• أنا باقول إن ثقة الرئيس جمال عبد الناصر فى المشير عبد الحكيم عامر دى سبب من أسباب الهزيمة .. لأنه لما جاء فى مايو وسأله وقال له أنا حأقل مضيق تيران هل القوات المسلحة جاهزة يا عبد الحكيم .. قال له « برقبتي ياريس » .. والكلام ده لايقال من قائد عام للقوات المسلحة إطلاقاً .. ولو لم يكن جمال عبد الناصر يثق فية ثقة مطلقة ما كان .

• وأسأل الفريق أول مرتضى : هل المشير فعلاً قال للرئيس « برقبتي ياريس » ؟

• بيقال إنه قال كده .. حتى لو قال معناها حاجات لرفع المعنوية .. رقبتي يعنى أنا خلاص مسئول عن كل حاجة .. طيب إنت ياريس عارف إن قوائك بالشكل ده .. والمشير بالشكل ده .. إزاي يعنى تقول قوله « برقبتي ياريس » .. إزاي تحارب وهو يعنى القائد لما أقوله كده يزج بالبلد فى حرب .

• وأسأل شمس بدران : هل المشير قال « برقبتي ياريس » ؟

• لا أعتقد لأن ده مش كلام المشير .. مش أسلوبه يعنى فى الكلام .. وهو ماقلش كده .

• ويضيف مرتضى : « قرار الحرب مين اللي بيأخذه .. الرجل السياسى .. مش الرجل العسكرى ولا الرجل الاقتصادى .. هو اللي يتخذ قرار الحرب .. وبعدين إنت بتدخلنى حرباً وعارف حالة قوائنا إيه .. صفوة القوات بتاعتنا موجودة فى اليمن » .

• كنت بتقول الرئيس عبد الناصر هو المسئول الأول ؟

• المسئول الأول .. هم بيقولوا خيانة ومش خيانة .. وأنا بأعتبر إنك إنت بتدخل البلد فى حرب وهى مش مستعدة لها .. دى مش خيانة ؟! تدخل بلد فى حرب وأنت تعلم مثلاً إن زى ما قال إن القيادة العسكرية غير كفوة .. وأنا كنت قائد القوات والمشير عامر ده كان متخلفاً عن أى قائد عصرى كذا سنة ورا .. وتسييه .. وبعدين لما بأقول لعبد الناصر إنت حتى لم تجمع المجلس الأعلى للقوات المسلحة علشان تسأله ندخل الحرب ولا ما ندخلش .. تأخذ رأينا يعنى ما هو ده مش رأى إلزامى لك .. قال لى أنا كان بينى وبين عبد الحكيم عامر حساسية .. هل مصر ثقاد بهذا المنظر ؟ .

- ويقول د . محمد الذكورى : : النكسة أنا عبرت عنها وقتها قلت إنها لم تكن نكسة عسكرية .. وإنما كانت نكسة وطنية ومصيرية وكان لابد أن يظهر فى الجيش المصرى مؤشرات .. فجاءت النكسة العسكرية لأسباب كثيرة كتب عنها كثيرا .. أولا إن الرئيس جمال عبد الناصر كان يترك أمور الجيش لعبد الحكيم عامر .. والمشير عامر كان تارك الجيش فى يد شمس بدران ، .
- وأسأل الفريق مذكور أبو العز : القيادة العسكرية كان مسئوليتها إيه (إلى جانب القيادة السياسية) ؟

• « الرئيس عبد الناصر للأسف الشديد ديكتاتور .. وليس بعد رأيه أى رأى ثانى .. صحيح هو كان فيه علاقة قوية بينه وبين المشير عبد الحكيم عامر .. إنما مش ممكن المشير عامر يقرر يعمل حاجة من غير ما عبد الناصر يقول » .

• بس قيل إنه قال له إحنا جاهزين ومستعدين ؟

• « قد يكون هذا تم .. أنا معرفش تأكيداً .. إنما فى نظرى إن المسئولية الكبيرة تقع على جمال عبد الناصر .. ولا أخلى كمان مسئولية المشير عامر من العملية لإبنى كوني قائد عام للقوات المسلحة برضه دى مسئولية سياسية ومسئولية حربية .. فهو لازم يعرف يقدر .. هل ممكن إتى أعطى قرار حرب من غير ما أعمل مثلاً تقديراً للموقف يعنى مثلاً أشوف الحالة الداخلية شكلها إيه .. أشوف الاقتصاد بتاعى شكله إيه .. أشوف الحالة التموينية شكلها إيه .. الروح المعنوية للشعب شكلها إيه .. نمرة واحد .. أبص للحاجات الخارجية والدول العربية علاقتى بها إيه .. أشوف أمريكا موقفها شكله إيه .. أشوف روسيا موقفها شكله إيه .. أشوف الدول الللى فى مدار هذه البلاد الكبيرة شكلها إيه .. لازم أدرس كل هذه الحاجات من الأول علشان أشوف الوقت مناسباً ولا مش مناسب .. جيشى كله موجود هنا ولا نصفه فى اليمن .. وبهين كمان أنا لما آجى أحط تقديراً للموقف يجب أن أحدد العوامل الرئيسية اللتى تؤثر فعلاً على تقدير الموقف .. ماجيش لعامل مهم أتجاهله وأعطى لعامل مالوش أهمية الأهمية الكبرى وأعطى عليه قرارى .. زى الللى حصل عننا » .

• وأسأل د . عزيز صدقى : هل كان الاستعداد لحرب ٦٧ غير كافى .. وهل كانت الثقة قد اهترت بين الشعب والحكومة ؟

• « نعم .. بدليل النتيجة .. أقول لك حاجة .. مش أنا وزير الصناعة فى ٦٧ طلب ماحنش جاء طلب منى أن أعمل إعداداً استراتيجياً .. أنا مش عاوز أخش فى هذا .. لكن الرئيس جمال عبد الناصر قال أنا مسئول .. إنما المسئولية الحقيقية فى قيادة القوات المسلحة فى ذلك الوقت .. أنا قلت إحنا نعد العدة علشان لو حصل حصار الجبهة الداخلية بتكمل .. لكن للأسف القوات المسلحة دخلت المعركة وظهرها غير محمى .. ووقائع كثيرة كانت موجودة تزكده هذا .. فطبعا إنت لك حق إن هذا الاستعداد لم يكن موجوداً وبالتالي كانت الثقة بين الناس والدولة فى ذلك الوقت مفقودة » .

• وأسأل أمين هويدى : بصراحة شديدة جدا هل المخابرات العامة المصرية تتحمل جزءاً من المسؤولية ؟

• « إنت بتقلب على المواجه يا أخ طارق .. موضوع النكسة ده موضوع يسبب للإنسان ألماً شديداً لإنها هزيمة بكل معنى الكلمة .. وأنا لا أتكلم عن نفسى .. أنا رجل كنت فى تلك الفترة وزير دولة لشئون مجلس الوزراء .. لذلك حينما أتحدث عن الموضوع .. أتحدث عنه بمنتهى الموضوعية .. بعض الناس يختلف .. هل الهزيمة سياسية ؟ هل الهزيمة عسكرية ؟ اللي أنا أحب أقوله شئنا أم لم نشأ .. عبد الناصر نفسه اعترف بأنه مسئول عن هذه الأوضاع .. وهذا حق .. لكنه لا يمس جوهر ولا جذور الموضوع لأن النكسة كانت ساقطة لدرجة ما أقدرش أقول إنه تم فيها قتال بالمعنى المفهوم .. المسئولون عن هذه مسئولية مباشرة هم القادة العسكريون .. دون استثناء .. لإننا - وأنا وضحت الكلام ده فى كتابى الأخير اللي هو « الفرص الضائعة » وكتابى « أضواء على نكسة ٦٧ وحرب الاستنزاف » - دخلنا سيناء فى ٦٧ دون خطة ولم يحدث هناك قتال على الإطلاق لأن الجيش قادته لم يهتموا بمثل هذه الأمور .. وحاولوا بعد ذلك إغراق الأسباب الحقيقية فى أسباب سياسية .. ولكنى مازلت أعتقد إن كنا نريد تسمية الأمور بأسمائها .. أن القادة العسكريين مسئولين كلهم عن هذه النكسة .. ولذلك أنا اهتمت جدا بهذا الموضوع .. عن العلاقة بين القيادة السياسية والقيادة العسكرية .. لإنه وزير الحربية المفروض رجل سياسى وهو يمثل القيادة السياسية على قمة المؤسسة العسكرية .. وده له معنى كبير أن القيادة العسكرية تعمل من باطن القيادة السياسية وتأتمر بأوامرها وتنفذها ولا تخرج عنها .. وأنا فى تقديرى إن العلاقة بين القيادة السياسية والقيادة العسكرية المختلة قبل النكسة كانت سبباً كبيراً جداً فى إننا لم نقف تماماً على حال القوات المسلحة الحقيقية » .

• ويقول د . مراد غالب : « عايز أقول حاجة يمكن حساسة شوية .. الحقيقة كان فى المرحلة دى بالذات .. كان فيه انقسام كبير فى السلطة فى مصر .. وكانت فيه مواجهة وصراع بين مؤسسة الرئاسة .. ومؤسسة القوات المسلحة » .

• الرئيس والمشير عامر يعنى ؟

• « آه .. يمكن تبسيطاً أقول الرئيس والمشير لأن المشير كان بيحب جمال ومخلصاً له .. لكن اللي حوالياه فى القوات المسلحة كانت حاسة إنها السلطة الحقيقية » .

• وأسأل عبد المجيد فريد : هل كانت رئاسة الجمهورية بتدى الرئيس انطباعاً إن عندنا ما يضر إسرائيل ويمحوها من على الخريطة .. الخ ؟

• « الرئاسة مالهش علاقة .. هى القيادة العسكرية .. قالت فى أكثر من اجتماع إن إحنا قادرين على أن ندخل معركة مع إسرائيل .. مانرميهاش البحر ولا حاجة مافيش حد قال هذا الكلام .. إما لمواجهة الجيش الإسرائيلى فى المعركة .. وإحنا حنكون منتصرين وحنقتد نظردهم من الحدود إلى طريق بئر مبع غزة » .

• ويقول محسن عبد الخالق : في ٦٧ من الذي أعلن الحرب .. هل إسرائيل .. زى أحد الكتاب ما قال الفيلان والفوران .. أنا الذي أعلنت الحرب .. وأنا قلت لجمال عبد الناصر في أبريل في ٦٧ وأنا في مصر .. إنت بتعمل إيه ؟ ده فيه كتاب طالع من المعهد الاستراتيجي في بريطانيا "The Conflict & Middle East" يقول إن الخطوة التالية لإسرائيل هو تعريب القضية الفلسطينية بمعنى احتلال أراضي عربية .. فتتجه الدول العربية لتحرير أرضها وتركه القضية .. وهذا ما حدث إلى جانب أن القوة العسكرية لم تكن متكافئة .. إحنا كنا أضعف بكثير وجانب كبير من الجيش موجود في اليمن .. واتصلت واجتمعت مع أنتوني هنري كان جاء إلى مصر وزار عبد الناصر وأنا في لندن وقال لي : وأنا نازل وجدت الطيران المصري في مطار ألماتة بيلمع في الشمس .. باقول للرئيس يا ريس ده أي طائرة ممكن تضربها قال له يا أنتوني "The war is over" (الحرب انتهت) .. وده قبل الحرب ما تقوم .. فلزن جئنا إلى عصر المغامرات !! ٥

• ويقول د. نور الدين طراب : هو عبد الناصر .. الهزيمة في ٦٧ تحمل مسئوليتها .. برغم من إنه غير مسئول في نظري .. وقال إحنا لازم نبندى تكافح من جديد .

• ويقول الفريق سعد الشاذلي : إذا كان هناك قائدة وحيدة من نكسة ٦٧ .. فهي أننا تعلمنا منها دروسا إزاي نعمل تعبئة .. إزاي نعمل علشان نتلافى هذه الأخطاء .

• بس كلفتنا غالى ؟

• كلفتنا غالى طبعاً .. فهي كانت خطأ .. أخطاء سياسية .. ويعدين فيه ناس في القيادة السياسية تلوم القيادة العسكرية .. والقيادة العسكرية تلوم القيادة السياسية .. والحقيقة أن الاثنين كانوا على خطأ وأخطأوا في الحسابات بتاعتهم .

• وأسأل جمال عامر : أصابع الاتهام وجهت للمشير عبد الحكيم عامر ورجاله .. فما هو دفاعك ؟

• أنا أقول إن كل واحد يتحمل جزءاً من المسؤولية .. ده اللي أنا أقوله .. مش علشان أنا ابنه . لكن الواقع يقول إن كل واحد يتحمل مسؤوليته .. أنا شايف إن المسؤولية كلها اترمت على عبد الحكيم عامر .

• وأسأل برلنتي عبد الحميد : بصراحة شديدة جدا .. هل والده عمرو عبد الحكيم عامر .. ترى أن المشير مسئول عن نكسة ٦٧ مسئولية أولى ؟

• مش معقول .. مايفيش غير عبد الحكيم عامر في البلد .. مش دى بلد .. ولا هى عزة .. ماكانش قائد عام ده كان نائب أول .. والجيش معروف فيه إن الأوامر بتبقى من فوق .. وكان فيه قائد أعلى للقوات المسلحة ورئيس الدولة .. وكان فيه حكومة .. كان فيه حاجات كثيرة قوى .. يبقى مسئول إزاي يعنى .. دى حاجة .. الحاجة الثانية أن المشير فى الوقت ده بالذات ماكانش بجارب وماكانش فى الأرض وماكانش فى المعركة .. ده كان متشغلاً فوق فى

طائرة .. والى موجودين فى الأرض كان الرئيس عبد الناصر ومحمد فوزى اللى كان رئيس الأركان » .

• وأسأل حسين الشافعى : من المسئول الأول فى تقديرك عن هزيمتنا فى ٦٧ ؟

• « المسئول الأول عن هذه الهزيمة هو الصراع على السلطة بين عبد الحكيم عامر وعبد الناصر » .

• ويقول أحمد كامل : « هزيمة ٦٧ كانت خطأ كبيراً جداً من القادتين السياسية والعسكرية » .

• أيهما أكثر .. مسئولية المشير عامر ولا الرئيس عبد الناصر ؟

• « عسكرياً المشير عامر .. لأنه ولجب أى قائد .. الحفاظ على قواته وحمايتها .. والرئيس عبد الناصر .. لأنه وثق أكثر من اللازم فى القادات العسكرية » .

• هل كان هناك صراع على السلطة بينهما ؟

• « كان فيه من سنة ٦٢ » .

• وأسأل عبد المحسن أبو النور : من المسئول عن نكسة ٦٧ ؟

• « المسئولية الكبرى فى نكسة ٦٧ ليست فى الاستعداد للحرب أو فى تقرير إننا نحارب .. هم طبعاً الاستعمار وإسرائيل حاولوا إنهم يدخلونا الحرب بكل الطرق .. وفى رأى قدروا يضحكوا على الاتحاد السوفيتى بإنهم يقولوا له إن كان فيه اتجاه عندها فى القيادة العسكرية إننا نقوم بالهجوم أولاً على إسرائيل .. فطلبوا بسرعة .. وجاء مفير الاتحاد السوفيتى وصحى عبد الناصر الساعة ٣ صباحاً وقال له إن الأمريكان بيرجوا إنكم ماتقوموش بالهجوم لإنهم فاهمين إنكم حتقوموا بكره بضرب إسرائيل وإنهم هم حيمينعوا إسرائيل من أى عمل .. ففعلاً خلوا الاتحاد السوفيتى تأكد من إن الأمريكان صادقين وحاول أن يجعلنا نصدق هذا الكلام .. ولكن عبد الناصر كان حذراً .. أعطى إخطاراً فى ٢ يونيو للقوات لما كان مجتمعاً مع الطيران بأنه فى الغالب يمكن أكثر من ٩٩٪ إسرائيل حتهاجم فى ظرف يومين أو ثلاثة .. ولا بد إنكم تكونوا جاهزين على هذا الأساس .. واللى أنا شفته ولمسته إنه لم يؤخذ هذا الكلام على محمل الجد .. ولم يصل هذا التحذير إلى الوحدات بالكامل .. ولذلك حصلت كثير من الأخطاء التى أدت لحدوث هذه النكسة » .

• ويقول حلمى سلام : « الرئيس عبد الناصر كان مطمئناً لقوة الجيش قبل الحرب .. وذلك من خلال عبد الحكيم عامر .. الذى لم يكن على مستوى المسئولية فقد توقفت معلوماته العسكرية عند رتبة الصاغ » .

• وأسأل كمال الدين حسين : كتبت للرئيس عبد الناصر تكلمه عن النكسة فماذا قلت له ؟

• « طبعاً أنا ماليش دعوة باللى حصل فى الحرب .. وأنا وبغدادى وحسن إبراهيم وغيرنا

وزكريا .. طبعاً قلبنا على بلدنا .. رحنا حاورنا القوات فى القيادة فى أثناء الحرب .. وأنا كان رأيي إنه لو حصل حرب سوف نأخذ علفة ما أخذنا مثلها .. علشان أنا كنت على علم بحالة الجيش المصرى وخصوصاً كمان أن جزءاً كبيراً منه بيحارب فى اليمن .. وكنت عارف رأى جمال عبد الناصر فى الجيش وقتئذ من قبل أن أستقيل .. لم أكن متصوراً إنه يحصل حرب .. علشان كده بعث له .. كان حضر رئيس وزراء العراق يزورنى وهو كان صديق جمال عبدالناصر وصديق لى قال لى إنت الظاهر زعلان .. كل الإخوان بعثوا إليه بخصوص الحرب وإنت لم تهتم .. قلت له علشان أنا مش مصدق أدخل حرب .. ومع ذلك أنا سوف أرسل له جواباً وخلصته إن أنا مستعد أن أكون جندي من جنود مصر فى الجيش المصرى .. وأنا عارف لو أخذ قراراً بالحرب إحنا سوف نروح فى داهية .. مع ذلك أنا مستعد .. وبعدين كتبنا مذكرة إحنا الثلاثة وينقول له إحنا مستعدين نخدم فى أى حة فى ميدان القتال حتى ننتهى .. ثم نمشى .. بعث لنا وقعدنا معه ثلث ساعة وتكلم عن شمس بدران وإن الروس سوف يساعدوا إذا حصل حرب وسوف يبقوا معنا .. قعدنا كل العملية ثلث ساعة نأخذ وندى فى هذا الموضوع يمكن أنا كان دمي ثقبلاً شويه .. كنت مكشراً يعنى مش مهتسماً .. اللى عمله فى عبد الناصر كان كثيراً قبل كده .. جاء قبل أن نمشى قلت لحسن إبراهيم : يا حسن قول له لماذا لم يرد على الجواب .. فقال له .. ومع ذلك تجاهله ولم يرد عليه .. وتكلم فى موضوع ثانى .

- وفى نوفمبر سنة ١٩٦٦ هاجمت حركة فتح الفلسطينية إسرائيل .. فردت إسرائيل بضرب الأردن .. واتهم وصفى التل مصر بعدم تحمل نصيبها فى مواجهة إسرائيل ..
- ويقول سعيد كمال رئيس اتحاد الطلبة الفلسطينيين السابق : « ما وقع فى ٦٧ هو فى الحقيقة مخطط كبير .. طبعاً كان فيه انقسام فى العالم العربى .. فيه تناقضات فى العالم العربى .. على مستوى القوى السياسية والشعبية .. ولو إنه انعقد مؤتمر المتقنين العرب بيوم واحد قبل ٦٧ فى الجزائر .. دعا له الرئيس بومدين .. اتحد جميع المتقنين العرب بكل مشاعرهم السياسية بعد هذه التجارب المضنية ووقع عدوان ٦٧ .. وما آلت إليه الأوضاع .. هو فى الحقيقة ده اللى عشته فى هذه المرحلة .. إنما لو نتكلم بالتفصيل .. أقول إحنا غلطنا وأخطأنا سياسياً عندما طالب عبد الناصر بالتقسيم كبدائية للمصالحة » .

- وفى أبريل سنة ١٩٦٧ فى أثناء الاشتباكات الجوية السورية الإسرائيلية .. حطقت الطائرات الإسرائيلية فى أجواء دمشق وسقطت الطائرات السورية .. وانضمت سوريا مع الأردن فى الهجوم على مصر ..

- وأصبح عبد الناصر فى مأزق وضعه فيه السوريون والأردنيون .. وانساق إلى الحرب .. بعد استنزاف إسرائيل وأمريكا ..

- ويقول جمال حماد : « أمريكا هى التى أطلقت على عبد الناصر اسم « الديك الرومى » ! »
- ويقول الفريق أول عبد المحسن مرتجى : « وكانت الدعاية العربية ضد جمال عبد الناصر قوية جداً .. بحيث كانت بتأرق ليلنا .. وإن إحنا مش قادرين نمنع الملاحة فى خليج العقبة ..

فين الكلام الذى اتقال إن إحنا أكبر دولة .. وإحنا أعظم دولة عسكرية .. فدى كانت عاملة فى ذهن عبد الناصر .. وملخبطاء خالص .. علشان كده خلانا نمر على الوحدات والقادة نجمعهم ونقول لهم : يا جماعة شرم الشيخ مش مهمة فى الوقت الحاضر .. لأن إسرائيل بتستخدمها فعلاً .. ما تهمناش .. لكن هم عاوزينا إن إحنا ندخل الحرب وإحنا غير مستعدين لها .. ولكن إحنا مش حندخل .. إحنا حندخل فى الوقت والمكان المناسب لها .

• وأسأل الفريق المذكور أبو العز : هل إحنا اللي أعلننا الحرب أم العكس ؟

• هم طبعاً دفعوا القيادة السياسية .. هم يعلموا إن من صفاتها التهور واتخاذ القرارات الغير مسئولة .. عارفين ودارسين .. درسوا كل حاجة .. فمن ناحية فيه إثارة من ناحية أمريكا .. وفيه إثارة من ناحية إسرائيل نفسها .. أذكر إن كان فيه تصريح لأشكول على سوريا .. فقد يتكلم إنما هل هو عمل حاجة .. لأ .. إنما هو عارف القيادة السياسية بتاعتنا متهورة ويندى قرارات غير مسئولة .. فخطوه فى مصيدة .. وشدوه سنة ٦٧ لنقف ما بين الاثنين بالضبط زى البندقة وكسارة البندق .. فكانت النتيجة إن إحنا لازم ندخل الحرب .. كان لازم نعرف بلان أمريكا حتكور فى جانب إسرائيل بشكل صريح .. ما إحنا كمان كنا نقول والقيادة السياسية تقول إن أمريكا هى إسرائيل .. وإسرائيل هى أمريكا .. إذا كانت إسرائيل لوحدنا مفردة ما فيش خوف منها .. أما إذا كانت أمريكا معاها وبهذه القوة وبهذه الصراحة يبقى كان لابد إن إحنا نخط هذا فى الاعتبار من الأول .. وما نجيش بقى كمان نصعد المواقف .. وبعدين نعمل تجاوزات فى الحديث .. « والله اللي زعل يشرب من البحر الأبيض .. وإذا ما عجبجوش البحر الأبيض .. يشرب من البحر الأحمر » .. فرد عليه جونسون وقال له « ده أنا حاشربك من مجارى القاهرة » .. فمن الذى شرب من مجارى القاهرة ؟ عبد الناصر لم يشرب من مجارى القاهرة .. إنما اللي شرب من مجارى القاهرة هو الشعب المصرى » ..

• ويقول محسن عبد الخالق : « أدى شخصية عبد الناصر .. البطل القومي .. وكان كل الناس بعد ٥٦ مستعدة تنتخب عبد الناصر رئيساً وترفعه .. ومصر حققت كل آمالها .. دخل بعدها إلى عصر المغامرات .. الوحدة مع سوريا .. الانفصال عن سوريا .. اليمن وغير اليمن .. إسرائيل و ٦٧ .. وبعدين أندھش إن بعض الكتاب يقول لك إن العالم العربى فرض علينا ذلك .. هو أنا ما عنديش رأى .. إيه يعنى العالم العربى فرض علينا .. يعنى إيه مش فاهم ؟ أنا رجل لى فكرى ورأى ولا يفرض على أحد .. يستفيد من الظروف اللي أنا أخلقها .. لكن لا يفرض ظروفنا معينة » .

• ويقول عبدالمجيد فريد : « الحرب حددها عبد الناصر ٥ يونيو فى جلسات جماهيرية وجلسات سياسية .. قال أنا أتوقع بناء على المعلومات اللي عندى .. وكان فيه معلومات مخابرات عامة كثيرة .. معلومات جيدة .. لكن اليهود اصطادوا عبد الناصر .. واصطادوا مصر .. لأنهم عاوزين يخلصوا من هذا النظام .. فعملية المرور فى مضيق خليج العقبة أخذت من أجل أن تبدأ عملية الحرب .. وعارفين الصدى اللي حيحصل وموقفه مع البلاد العربية مش حيقدر يرجع فى كلامه » .

- وأسأل أحمد طعيمة : هل استنفر الرئيس عبد الناصر قبل الحرب ؟
- « ده ١٠٠٪ .. وده من ضمن المخطط .. وطبعاً كان بيوزع علينا فى هذه الفترة قبل ٦٧ كل ملخصات أو موجزات إذاعات السعدية والأردن على وجه التحديد .. الاثنان دول كانوا بيبتهما عبد الناصر اتهامات بالغة الشدة .. بأنه رجل دجال وأنه لا يصدق الأمة العربية .. وهو بيتكلم عن تحرير فلسطين وهو محتّم بالبوليس الدولى وقوات الطوارئ فى سيناء .. وهو يقول إنه حيدر فلسطين ومياهه الإقليمية فيها السفن الإسرائيلية .. فأولى بك وقبل ما تتكلم عن تحرير فلسطين وتقول إنك المدافع عن فلسطين .. حرر سيناء من البوليس الدولى وحرر المياه الإقليمية من السفن الإسرائيلية .. والدافع العاجل اللى حصل .. وهو الحشود اللى قيل إنها إسرائيلية ضد سوريا .. برضه استغلوا فيها نقطة ضعف عبد الناصر .. إن انفصال سوريا أدمى قلبه وكان يتمنى أن تعود سوريا إلى وحدتها مع مصر .. فطبعاً اندفع فى الحاجتين .. إنه يطلب انسحاب البوليس الدولى ويقل معر شرم الشيخ .. واستنفر لمدة طويلة .. ودى طبعاً من ضمن الدراسة اللى معموله لحرب ٦٧ .. يعنى مش حاجة جت ارتجال .. لأ .. دى كانت مؤامرة » .
- ويقول عباس رضوان : « كان فى يوم من الأيام بيتكلموا عن إن هو محمى بالبوليس الدولى الموجود فى سيناء .. وبيجمع على إيه .. الجزيرة العربية دى برضه أثرت عليه فى القرار الذى اتخذه .. بصرف البوليس الدولى اللى كان فى سيناء .. علشان لا يكون فيه حجة للعرب إنهم يقولوا أنت محمى بالبوليس الدولى الموجود فى سيناء فى ذلك الوقت » .
- وأسأل شمس بدران : ماذا تقول لنا وقد مر أكثر من ربع قرن على نكسة ٦٧ ؟
- « هو فيه عدة عوامل اجتمعت وأدت إلى معركة ٦٧ اللى أدت إلى الهزيمة .. العوامل دى كان من ضمنها ومن أهمها إن أمريكا كانت عازمة توقف نفوذ عبد الناصر .. أو بمعنى آخر تخلص منه .. فى نفس الوقت إسرائيل كانت بتجهز نفسها لمعركة مع مصر .. علشان تخلص على قوة مصر العسكرية .. وبالتالي تنتهى المشكلة الإسرائيلية بأن يحصل صلح مع مصر أكبر دولة .. وبالتالي بقية الدول العربية .. فهذان العاملان اجتمعا » .
- ويقول عبد الهادى البكار : « سنة ٦٧ تورطت مصر بالحرب .. مش برجاء من سوريا .. بتقرير روسى .. لازم تعرف إن كل هذه الدول العظمى .. لإننا نحن أعوان مستبكين بدهم أن نظل ضعافاً .. عاوزين يرهقوك .. يرهقوك علشان دائماً يسيطروا عليك » .
- وأغلق عبد الناصر خليج العقبة ومضائق نيران .. واجتمع وزراء المالية العرب وقدموا مساهماتهم للقائد العام للقيادة العربية الموحدة للفريق على على عامر ...
- وبدأ الشعور العام فى مصر كلها .. نتيجة للشحن الإعلامى الذى انطلق من صوت العرب .. بأنه قد آن الأوان لتأديب إسرائيل وضربها ...
- وأسأل د . الجوهري : قلت « لم يستمع الرئيس عبد الناصر إلى رأى القادة العسكريين واستمع إلى رأى صحفى » .. من هو ؟

- « أيوه .. هو هيكل ! » .
- ويقول أمين هويدى : « قيل فى حرب ٦٧ موضوع اليمن .. وقيل أسباب أخرى .. الكلام ده لو أن القتال قد تم .. لم يتم أى قتال .. لكن كل هذا الكلام له رموده .. له أبحاثه .. إزنا كنا نريد أن نتعلم من الأخطاء .. صدقنى يا أخ طارق لو إن القيادة العسكرية اعترضت وقالت إنها غير مستعدة لكانت الأمور تطورت تطوراً آخر .. لكن الكل قال آه إنا مستعدين .. والتصوريات موجودة فى الصحف .. إنا نمثلك أقوى قوة جوية فى المنطقة .. إنا كيت وكيت .. وصدقوا هذا الكلام » .
- ويقول أحمد سعيد : « فى هذا اليوم كنا بنحاول أن نعبر عن الأمل الذى نحاول أن يبقى » .
- ويقول د . تحسين بشير : « الحقيقة لم يكن فى ٦٧ شىء كويس .. لا القرار السياسى صح .. ولا القرار الشعبى صح .. ولا قرار الصفوة اللى حول عبد الناصر صح .. ولا الإعلام المصرى صح » .
- وأسأل شمس بدران : هل كان الإعلام بيننا الإحساس والاطمئنان والثقة فى إن جيشنا حيكسر الدنيا ؟
- « آه .. ما إنا قلنا فعلا إن الجيش بتاعنا أقوى من جيش إسرائيل .. معنى الإعلام لم يكن مخطئا » .
- وكان لهذا الشحن الإعلامى أثره الواضح فى البلاد العربية .. فى الجزائر وليبيا والسعودية وغيرها ..
- وأسأل د . حاتم : فى ٦٧ يا فندم إيه رأيك فى إعلامنا ؟
- « الإعلام بتاع ٦٧ حمل الحقيقة المسئولية .. مش خطؤه لإن الخطأ كان موجوداً من ناحية القيادة نفسها .. الإعلام هو مرآة للسياسة ولكنه لا يصنع السياسة .. فكان الجيش المصرى فى ذلك الوقت بيروح سبنا ويقول أنا حأهارب .. هو اللى عاوز يحارب بيقول أنا حأهارب .. مش معقول .. ويقول مثلاً فى ذلك الوقت هنرمى إسرائيل فى البحر .. طب يا سيدى ما ترمىها الأول وبعدين نقول أنا رميتها إلى آخر الكلام اللى كنا بنسمعه .. وكله كلام شعارات .. يعنى لا معنى له .. ولذلك لما حدث الربكة الكبيرة فى القيادة العسكرية فى ذلك الوقت .. أولادنا اللى فى الإذاعة والتليفزيون بقوا يأخذوا القيادة فى هذا الموضوع وهم ليسوا على علم تام بما يحدث .. وإنما عاوزين يرفعوا الروح المعنوية .. لكن للأسف الشديد كانت الميالحات شديدة .. وكانت النكسة .. إنا بنقول عليها نكسة لكن هى هزيمة بمعناها الصحيح » .
- ويقول محمد فائق : « أنا مسكت الإعلام قبل ٦٧ وشهدت النكسة .. وده كان عملاً خطيراً جداً ما فيش شك .. وكانت أزمة إعلامية خطيرة لأن الإعلام زى ما أنت عارف لا يخلق صورة وإنما يعكس صورة .. وبالتالي الصورة اللى عكسها الإعلام قبل الحرب جاءت صدمة » .

• ووردت معلومات يوم ١٣ مايو سنة ١٩٦٧ من الاتحاد السوفيتي بأن إسرائيل حشدت قواتها أمام الجبهة السورية ..

• وأكد هذه المعلومات رئيس مجلس الأمة أنور السادات الذي كان يزور موسكو في أوائل يونية ..

• وأسأل عبد المحسن مرتجى : روسيا كانت واقفة معنا .. ولا على الحياد ؟

• « روسيا ماكانتش معنا أبداً .. روسيا كانت متصورة إن الهجوم حقيقي على سوريا .. سوريا كانت البنت اليكر في ذلك الوقت .. وكانوا ماشيين مع الروس .. وإحنا كنا شوية منكمشين عنهم .. ماكانوش عاوزين إن يحصل أى حاجة ضد سوريا فهم اللي بدأوا حكاية الحشود ومش الحشود علشان إحنا كقوات مصرية نحشد قوات .. يبقى اليهود في ذلك الوقت يفكروا أكثر من مرة قبل ما يدخلوا على سوريا .. وفي رأى الجماعة الروس إنه حتى لو حصلت حرب حثبقي حرب محدودة .. وفي هذه الحرب هم بقى يدخلوا المحافل الدولية يظهرها كأصدقاء العرب وإلى آخره وبذلك يكسبوا هم الناحية السياسية » .

■ وأسأل د . مراد غالب : هل كانت روسيا أمينة في تعاملها مع مصر سنة ٦٧ ؟

• « أنت ممكن لمست قضية من أخطر القضايا .. و ٦٧ ممكن طلع عليها كتب كثيرة جداً .. لا أدعى إن أنا أعرف كل حاجة عن ٦٧ .. أولاً لأن فيه حاجات كانت بتحصل هنا في مصر .. لكن الحقيقة يمكن قبل كده بشوية كانت سوريا مهددة .. لما جاء النظام اللي كان فيه نور الدين الأتاسي وكان رئيس الجمهورية وكان يوسف زعين رئيس الوزراء وكان صلاح شديد هو سكرتير عام الحزب .. وكانوا بيعتبروا إن هذا النظام أكثر يسارية من النظام اللي قبله .. وإينه المهم حماية هذا النظام فكانوا يدفعوا ناحية توثيق العلاقات بين مصر وبين سوريا .. فده حتى في نظرهم بيعمل توازن وفي نفس الوقت بيعمى النظام .. وأنا عاوز أقول الآتي .. أنت طبعا على طول تفكر في مسألة الحشود دى .. هل صحيح كان فيه حشود على سوريا ولا ماكانش فيه .. وإيه قصتها .. ناس يتقول لأ ماكانش فيه .. الفريق فوزى راح سوريا ورجع وقال مافيش حشود .. الله إيه الحكاية هل فيه ولا مافيش .. عاوز أقول لك حاجة .. يمكن برضه ماقلتهاش قبل كده .. المارشال جريتشكو وزير الدفاع السوفيتي .. قال لى : نحن نستعجب الكلام ده جبنته منين إن مافيش حشود .. لأ ده فيه حشود .. نحن نعم عدد الألوية .. أسماء قادة الألوية .. وعاوز أقول لك على حاجة أكثر من كده نحن نعرف أسماء قادة الكتائب .. فكأ عندهم معلومات كبيرة عن الحشود .. رأيي للشخصي إن هذه المعلومات سريت لهم عن عم ويتفاصيل لا تقبل المناقشة .. لدرجة إن السفير الروسى فى إسرائيل .. رفض إنه يروح يشوف إذا كان فيه حشود ولا لأ .. لإتهم كانوا ولتقين إلى درجة كبيرة جداً إن هناك حشود .. وعاوز أقول حاجة مهمة جداً .. لما بلغونا بلن فيه حشود هم بلغوا القيادة وبلغوني .. وكانت فيه حفلة استقبال للرئيس أنور السادات لما كان رئيس مجلس الشعب .. وكان الكلام ده حوالى قبل ٥ يونيه بأيام .. فأننا ككتبت وقلت للرئيس أنور السادات : بكرة أنت مسافر فتبلغ الأخبار دى للرئيس

عبد الناصر .. فقال لي : لأ ده موضوع لازم تبلفه فى الحال .. الحقيقة أنا كتيبه وكتبت فى الآخر خالص وقد ، ترون إيلاغ مجلس الأمن وإحاطته علماً بهذه الحشود ، .. لأن برضه كنت خائفاً من تصعيد العملية .. فبدأت العملية بلإن إحنا كمان حشدنا القوات المسلحة بتاعتنا وطلبنا إبعاد قوات الطوارئ الدولية عن الحدود بيننا وبين إسرائيل .. وكان رالف بانث الأمين العام المساعد للأمم المتحدة .. قال لا إذا كنتم عاوزين تبعدوا قوات الطوارئ فنبعدوها عن جميع الأماكن .. ومنها مضيق تيران .. وهنا بقت القضية تتعقد أكثر .. لأن إحنا كنا بنقول بنفوت إسرائيل وسفن إسرائيل من المضيق .. لأن فيه قوات الأمم المتحدة فدلوقت أنت حجتك إيه .. فلإن أنت لازم نقفل مضيق تيران .. وهنا بدأت العملية تتأزم بشكل كبير .

* ويقول شمس بدران : « وتبدأت الظروف أن جاء لنا معلومات من الروس على إن فيه تجمعات إسرائيلية كبيرة بتتحرك علشان خاطر تهاجم سوريا .. وفى نفس الوقت السوريون راح لهم نفس المعلومات دى .

* المعلومات دى راحت لهم من مين ؟

* « المعلومات جت لنا من الروس .. كان أنور السادات بيزور روسيا ويلفوها للسادات .. وجت للسوريين برضه عن طريق الروس .. فالمعلومات كانت من مصدر واحد .. بلإن إسرائيل بتعمل تحركات عسكرية كبيرة بتتحرك علشان تهاجم الجبهة السورية .. وبعدين فى حقيقة الأمر بعد كده .. ظهر إن التحركات دى كانت تحركات عادية بفصوص الاحتفال بيوم إنشاء إسرائيل .. العيد الـ ٢٥ لإنشاء إسرائيل .. وكانت القوات دى رايحة علشان تطلع الاستعراض بتاع العيد الـ ٢٥ لإنشاء إسرائيل .

* ماكانتش إذن حشوداً حربية للمعارك ؟

* « آه .. بس تبليغ الروس كان على إن دى حشود .

* ويقول جمال عبد الحكيم عامر : « ٦٧ موضوع كبير جداً .. تدخلت فيها أطراف كثيرة من خارج مصر ومن داخل مصر .. على ما أذكر قرار الحرب نفسه ليس من مصر أساساً لأن جاءت أنباء أن هناك حشود على سوريا .. فى ذلك الوقت سافر الفريق فوزى وزار الخطوط .. ووجدوا إنه لا توجد حشود .. وبلغوا هذا الكلام .. والروس تمسكوا بكلامهم إن فيه حشود .

* وأسأل شمس بدران : الفريق فوزى عاد من سوريا ولم يجد حشوداً .. بصفتك كنت وزير الحربية أيامها .. لازم عارف ؟

* « آه .. لم يجد حشوداً .. السوريون قالوا له مافيش حشود .. استكشفتنا واستطلعنا ومافيش حشود ! .

* وكان وزير الحربية شمس بدران قد عاد من روسيا لتوه وأبلغ رسالة هامة ..

* ويقول مرتجى : « لما راح شمس بدران روسيا .. الكلام اللي قيل له هو فهمه غلط .. هو

فهم إنهم حيساعدونا .. هي كل اللي هناك بلاش تكونوا أنتم السابقين في الدخول للحرب .. خلوهم هم اللي يعتدوا الأول .. هو مافهمش كده .. هو فهم غلط لأن يمكن ده فتحى عبد العزيز هو أيامها كان موجوداً ملحق عندنا .. كان لواء .. كان حاضراً هذا الحديث .. بيقول هو فهم الحديث غلط إن الروس فيما معناه بيقولوا هدوا اللعب » .

* **يقول د . مراد غالب :** « وجاء شمس بدران .. كان وزير الحربية وقابلنا كوسيجين .. كوسيجين اتكلم فى منتهى العقل .. وقال الآتى وأقوله بالنص : طبعاً الموقف والحشود الإسرائيلية قدامكم والحشود المصرية وخلافه .. ده وضع فى منتهى الخطورة .. وأنه لا يوجد جيوش بهذا الحجم وهذا الشكل فى أى مكان .. ده سيؤدى قطعاً إلى عمليات عسكرية ومعارك ضخمة جداً .. ثم إن قتل خليج العقبة ده العالم كله لن يرضى به .. ولكن لقد أخرجتم القوات الدولية وبان قدام العالم لإن إسرائيل صرحت إنها لا تريد العنوان على سوريا .. فده مكسب كبير لكم أيضاً .. إنتم طلبتم إخراج قوات الطوارئ الدولية .. وعلى هذا الأساس فإنتم لغيتم آخر آثار عدوان سنة ٥٦ .. وعلى هذا الأساس عليكم أن تثبتوا هذه النجاحات .. وكيف ذلك .. بأنكم ترجعوا وتخففوا حدة الطوارئ وحدة الموقف والحشود .. بحيث إنكم لا تعطوا الفرصة إلى اشتباكات .. لأنكم حققتم مكاسب كبيرة .. وعليكم أن تخافوا على هذه المكاسب » .

* **بينما يقول عبد اللطيف بغدادى :** « كان شمس بدران راح زيارة لروسيا ورجع بيقول إن روسيا عاوزانا نقل .. وإن اليهود مش حياربوا قيل ست سبع شهور .. فكان يوم ٢٩ مايو قيل ٥ يونية .. الذى حصل فيه الحرب بقى » .

* **وأسأل شمس بدران :** فى مايو ٦٧ سافرت إلى موسكو .. وقيل ما قيل عن هذه الزيارة .. فماذا تقول أنت ؟

* « أنا سافرت لموسكو .. يعنى ما سافرتش بأختياري .. العملية إذا كنت عاوز تقرأها فى المنكرات اللي أنا كتبتهما حتلاقى إن إحنا سحبنا القوات الدولية من شرم الشيخ بدون موافقة لا هيئة الأمم المتحدة ولا حاجة .. وكان فيه تردد إن القوات تنسحب .. قائد القوات اللي كان متردداً .. لكن انسحبت القوات من شرم الشيخ .. وبعد ما انسحبت أصبح من واجبا إن إحنا نوقف الملاحه فى شرم الشيخ .. ما نخليش مراكب إسرائيل تعدى .. لأن بقينا إحنا المسئولين عن خليج شرم الشيخ » .

* **وسافرت بعد كده ؟**

* « ما هو عبد الناصر فى اجتماع فى مجلس القيادة العامة .. بعد ما شاف الموقف والكلام ده كله .. قال لى .. أنا عاوزك تسافر بكره روسيا .. قلت له خير .. قال لى يعنى علشان يبقى فيه مظهر إن فيه تعاون بيننا .. وتروح تقابل وزير الدفاع هناك وتبان فى الصور وفى الجرائد .. فيبان إن فيه ما بيننا وبين الروس تعاون .. يعنى زيارة دعائية أكثر منها لأى هدف .. فقلت له طيب .. فالمشير انتهز الفرصة وقال إن إحنا لينا طلبات تسليح هناك .. مادام

حتماساً خذ الطلبات دى معاك لأن الروس مآخريتها .. فانتشك وفد عسكرى وجاء معانا وكيل وزارة الخارجية أحمد حسن الفقى .. وسافرنا على موسكو .. قابلى فى المطار طبعاً المارشال جريتشكو اللى هو وزير الحرية الروسى .. فأنا علشان أدى الزيارة المظهر اللى عبد الناصر كان عاوزه .. قلت له أنا جاي أقابل رئيس الوزراء .. أنا عندى مهمة بأن أقابل رئيس الوزراء ..

• اللى هو كان كوسيجين ؟

• وآه .. فقال لى ده أنا عامل لك حفلة فى نادى الضباط .. قلت له طيب مانروح الغداء بس أنا جاي أساساً أقابل رئيس الوزراء .. فقال لى طيب ندير المقابلة بكرة .. ورحنا نادى الضباط علشان نتقضى .. ابتدا كل واحد يقول كلمة .. وحسيت بجو توتر .. وحسيت إنه فيه حالة خوف من إن الموقف يتصاعد .. وكانت واضحة جداً فى القادة الروس .. اللى كل واحد فيهم قال كلمة ... ويعدين اللى شعل الموضوع أكثر بقى إن أحمد حسن الفقى قام وقال كلمة .. قال : « أنا لى ابن وأنا أرحب جداً إن ابنى يروح يموت فى حرب ضد الأمريكان » .. دى بقى شعلت الدنيا .. فبعد ما خلصوا كلام كلهم .. أنا قمت وقلت الموقف مش بالصورة دى .. الموقف مافيش فيه تصعيد ولا حاجة .. وإحنا صحیح قفلنا الخليج .. بس حنسمح للمراكب الإسرائيلية نفوت فى الخليج .. لو هى فى حماية مراكب أمريكية أو إنجليزية .. وإحنا ما بنصعدش الموقف ومش حيتصعد أكثر من كده .. كان أول إحساس أنا حسيت من الروس .. من القادة العسكريين دول .. إنهم مش عاوزين يصعدوا الموقف وخائفين من أن الموقف يتصعد ويحصل مواجهة مع أمريكا .. بعد كده لما رحلت قابلت كوسيجين اللى هو رئيس الوزراء .. برضه أحس بالارتياح الكبير قوى لما قلت له .. وسألنى إنتم حطيتوا ألغاماً فى الخليج .. ألغام يعنى معناها حيتقتل إلى الأبد .. قلت له لأ إحنا ماحطيناش ألغاماً .. إحنا حطين مدفعية سواحل .. ومدفعية السواحل ممكن ما تضربش على المركب أو ممكن تنسحب وينتهى الموقف .. فنصح بعدم تصعيد الموقف وقال إحنا إديناكم الملاح .. وإديناكم المعلومات .. ومش عاوزين نصعد .. قلت له المعلومات بتاعتكم دى هى اللى خيلتنا نحرك وهى اللى خلقت الموقف ده ..

• وما نقلتش بقى رسالة من الروس للرئيس عبد الناصر حصل عليها قولان ؟

• « لأ .. مافيش رسالة معينة .. فيه محضر جلسة رئيس الوزراء كوسيجين .. »

• طيب عملت إيه لما التقيت بالرئيس ؟

• « وأنا راجع ورايح بقى أركب الطائرة ومسافر .. أخذنى جريتشكو على جنب وقال لى لما أحسن إنهم كان باين إنهم خائفين من الموقف .. وإحنا حسينا كده .. إنتم ما تخافوش من أى حاجة .. إحنا لو الأمريكان تدخلوا .. والأسطول بتاع الأمريكان دلوقتى فى البحر الأبيض وإحنا أسطولنا معاهم .. تكاد مركبتنا وإحنا نلمسهم بأيدينا وكانوا نزلوا هم وحدات « ترويس » فى كريت .. وسحبوها تانى علشان إحنا تدخلنا .. فأنا بأقول لك الكلام ده علشان خاطر تشدوا حيلكم ..

ماتخافوش لو أمريكا دخلت المعركة أو تدخلت إحنا نحنمكم .. ابعثوا لنا حنجيلكم لغاية عندكم .. لو أمريكا دخلت المعركة .. فلما رجعت أبلغت الرسالة دى لعبد الناصر .

• بحرفيتها ؟

• « بحرفيتها طبعاً الرسالة موجودة ومكتوبة .. قال لى لكتبتها .. كتبتها موجودة فى الرئاسة وفى وزارة الخارجية وموجودة فى كل حنة .. هو بقى بعد النكسة ما حصلت .. عبد الناصر أولها .. وجاب هيكل وقال له ده شمس بدران مافهمش الرسالة ورجع قال إن الروس خيشوا معانا فى أى حرب تحصل .. وده اللي خلاه يمشى فى هذا الطريق .. وقال إنه أخذ إشارة منى إن الروس مستعدين يخشوا معانا فى أى مغامرة نقوم بها » .

• وهذا لم يحدث ؟

• « طبعاً لأ .. الله .. ما هى الرسالة موجودة ومحفوظة فى رئاسة الجمهورية وفى وزارة الخارجية .. نص الرسالة موجود .. وموجود فى الكتاب اللي طلعه هيكل تحب أقرأه لك » .

• ويضيف شمس بدران : « ما هو الكتاب ده بعد ما مات عبد الناصر .. الوصايا .. بعد الحرب على طول .. كتب طبعاً نقلاً عن عبد الناصر إن شمس بدران راح فهم الرسالة غلط وبناء عليها عبد الناصر عمل كل الإجراءات » .

• يعنى أنت المسئول ؟

• « أنا بقى اللي فهمت غلط لأنى مسطول ! وعبد الناصر أخذ كل الإجراءات دى كلها لأنى قلت له رسالة .. ما هى الرسالة محفوظة آهى .. وفى الوثائق بتاعة هيكل ظهرت صورة الرسالة .. إذا دخلت أمريكا الحرب فإننا سوف ندخلها بجانبكم .. وأمريكا ما دخلتش الحرب طبعاً .. بس هى اللي حاربت هى اللي عملت كل حاجة » .

• كنت بتكلمه من غير مترجم ولا إيه ؟

• « لأ ! كان فيه مترجم .. حأتكلم روسى إزاي يعنى ! » .

• لا تتكلم إنجليزى معه ؟

• « لأ هو ما بيتكلمش إنجليزى .. فيه مترجم طبعاً » .

• وكنت حاسس إنهم مش عاوزين يتورطوا فى حاجة ؟

• « مش عاوزين يخشوا فى مواجهة مع أمريكا .. كان باين إنهم مش عاوزين يصعدوا الموقف .. قال عبد الناصر إننى أبلغته إن الروس حيساعدونا .. وأقنع هيكل بالكلام ده .. قال خطبة بعد كدة وقال شمس بدران راح روسيا ورجع بأخبار كويسة .. وإن الروس معانا وكلام بالشكل ده .. ما أنت تشوف فى كلام هيكل لما جاب نص الرسالة .. غير ما قال فى الأول قبل كده ..

أنا جيت هيكل بعد كده وقلت له علشان هو قال نقلاً عن عبد الناصر إن أنا فهمت غلط وقلت إن الروس معنا في أى موقف ... واليهود لو عملوا حاجة فالروس حيتقوا معنا بالكامل .. وبعد كده بقى لما جابوا المراجع وكتبوا وجاب نص الرسالة المكتوبة .. وضح الحقيقة .. وظهر إننى كنت أميناً في نقل الرسالة حرفياً » .

• وجبت هيكل فين أنا ما فهمتش ؟

• « في بيت المشير بعد الحرب .. لأن عبد الناصر فهمه قصة ثانية .. قال له شمس بدران فهم الموضوع غلط وجاء هنا لخط .. فهيكل نشر الكلام ده .. وبعدين .. صححه بعدها » .

• « ويطق شمس بدران فيقول : « أمريكا أخذت موقفاً مع الدول الغربية إنها ماتديناش تسهيلات إقتصادية .. كنا بنجيب مستلزمات الإنتاج من الغرب .. فالبنتك الدولي وأوروبا الغربية كلها منعوا منع مصر تسهيلات إقتصادية .. فأصبحت مصر على شفا الإفلاس فعلاً .. لأن مش قادرين نجيب مستلزمات إنتاج للمصانع بتاعتنا .. ده حصل قبل عملية الحرب على طول .. فيمكن الحرب هي كانت مفرج من الأزمة الاقتصادية الرهيبة اللي كانت تحصل لمصر .. الحرب يمكن كانت مفرجاً منها .. لأن الروس بعد كده ابتدوا بيعتوا تموين وابتدوا بيعتوا الحاجات دي كلها » .

• « ومن المسئول الأول عن تكة ٦٧ .. الرئيس ولا المشير .. وينسبة كام إلى كام في تكديرك ؟

• « هما الاثنان مسئولان ومسئولية متضامنة » .

• وشمس بدران ؟

• « أنا ماكانش لي مسئولية عسكرية .. أنا مسئوليتي كوزير حربية كانت مسئولية ميزانية .. والميزانية أنا حاولت أعمل فيها دشم الطيارات » .

• « وتم سحب قوات الطوارئ الدولية من شرم الشيخ ومن الحدود المصرية الإسرائيلية ...

• « وتقول جيهان السادات : « الرئيس عبد الناصر لما تكلم وقفل المضايق طبعاً كانت واضحة لكل إنسان له صلة بالمياسة أو على علم بالأوضاع إنه سوف تقوم حرب .. حتى لما كنت أتناقش مع أنور السادات كان يقول لي « لو الحرب قامت سوف يأخذوا (اليهود) درس عمرهم » .

• « ويقول سامي شرف : « كانت جميع اجتماعات الرئيس تسجل فيما عدا لقاء واحد .. طلبه الرئيس .. أعتقد هو كان عاوز اللقاة اللي عارفين أن فيه تسجيلات يخليهم يتكلموا على راحتهم .. ففي جلسة ١٥ مايو سنة ٦٧ ما اتسجلش اللقاء ده اللي تقرر فيه قتل خليج العقبة .. دي الجلسة الوحيدة اللي لم تسجل .. باقي الجلسات كلها مسجلة .. مجلس الوزراء مسجل .. اللجنة التنفيذية العليا مسجلة .. كل الجلسات .. جمال عبد الناصر لم يتعامل مع الأحداث

متجاوزا المؤسسات .. حتى فى أخطر الأحداث كان بيتشاور .. يعنى فى غلق خليج العقبة كان مشتركا معنا اللجنة التنفيذية العليا للاتحاد الاشتراكى - ١٥ عضو .

• وكلهم وافقوا ؟

• كلهم وافقوا .

• باستثناء أفن ...؟

• المهندس صدقى سليمان - الله يرحمه - قال نقرئ .. لكنه وافق من حيث المبدأ .

• ويقول تحسين بشير : « الشخص الوحيد الذى أكن له احترام رغم إننى لا أعرفه هو الرجل الذى اشغل فى بناء المد العالى وكان رئيس وزراء الإقليم المصرى المهندس صدقى سليمان » .

• ويقول الفريق أول مرتجى : « لأن إسرائيل قالت فى بيانات كثيرة وتصريحات كثيرة كذا حاجة لو حصلت يبقى إحنا حنقوم باللى بيسموه الهجوم المضاد .. يعنى إحنا (اليهود) ما حاربناش يعنى مش إحنا إنتم السبب أنتم عملتم حاجة اضطرنا نرد عليها .. لو حشدتم قوات كثيرة حناربكم .. ولو قفلتم الملاحة فى خليج العقبة وما نوصلش إيلات يبقى حناربكم .. لو الفدائيين نشطوا أكثر من اللازم يبقى حناربكم .. لو جاءت قوات أجنبية غير القوات التى فى البلاد التى حوالينا يبقى إحنا مضطرين حناربكم .. عملنا كل الحاجات دى .. إذن عبد الناصر كان عارف إن الذى هو بيعمله حيوصله للحرب » .

• ويقول الفريق مكيور أبو العز : « إنما طبعاً إحنا لا أخذنا إجراءات شديدة مثلاً زى .. بعثنا طائرة للجنرال « ريكى » الذى هو كان قائد البوليس الدولى .. وقال له أنت تنسحب لأن إحنا حنضرب .. وبعدين كمان قفلوا العقبة .. وبعدين حشدنا قواتنا كلها بالطريقة العشوائية التى تمت » .

• ويقول عبد اللطيف بغدادى : « علاقتى بعبد الناصر كانت مقطوعة من ٦٤ لغاية ٦٧ .. فى فترة ما قبل الحرب اعتبرنا دى برضه بلادنا .. ولأزم يبقى لنا دور .. فبعثنا له مذكرة حزنناه من الحل باللجوء لمعركة .. وما ندخلش إلا إذا اعتدوا على سوريا .. وبعدين هو قفل شرم الشيخ .. ومنع مرور السفن .. اعتبرنا إن الحرب قائمة فإسرائيل حقتال فى سبيل حياتها .. كثيران لها .. فبعثنا له مذكرة ثانية .. بنقول فيها إن الحرب واقعة لا محالة وإحنا لنا خبراتنا كمواطنين يهمنى إنه يبقى لنا دور .. وحددوا لنا دورنا .. من هنا قعدنا واتكلمنا وناقشنا .. إنما هو كان تقدير الموقف خطأ » .

• ويقول د . مراد غالب : « طبعاً ده أول يوم كان فيه هذا الكلام .. أنا بعثت رسالة فى يومها بخط إيدى .. مع الله يرحمه حمدى عاشور .. ووصل للرئيس فى نفس اليوم .. لكن شوف النية كانت مبنية لضرب مصر .. وحأقول لك ليه .. ببساطة شديدة لأن أمريكا والرئيس الأمريكى شخصياً جونسون دخل هذه المعركة بشخصه .. « كاموفلاج » يعنى عملية تمويه

استراتيجية لصالح إسرائيل وضرب مصر إزاي .. لما قال لجمال عبد الناصر إحنا عاوزين نخفف حدة التوتر .. أنا حابيت لك هيوبرت همفري نائب رئيس الجمهورية والسيد زكريا محيي الدين كان المفروض يروح أمريكا علشان يقابل جونسون .. وأعطى انطباعاً إن المعركة والموقف في سبيله إلى الحل .. حاقول لك على حاجة تدهش لها .. كل اللي حول عبد الناصر قالوا له خلاص المشكلة في طريقها إنها تتحل .. وجمال هو الوحيد اللي قال أنا ابتديت أخاف بجد .. فالترتيب بتاع ٦٧ الاتفاق مع أمريكا .. السفينة ليبرتي اللي ضربوها الإسرائيليون وقصص كثيرة .. لكن كل دي علامات عجيبة ويجب أن نعرف إن الحملة الإسرائيلية وهجوم الإسرائيليين ٦٧ كان مثلاً من أمثلة العمل العسكري الهائل .. لم يتركوا ثغرة إلا وحسبوها .

• وأبلغ عبد الناصر أن الهجوم على مصر وشيك .. وبدأت عمليات تشويش السفينة ليبرتي على اتصالاتنا اللاسلكية ..

• ويقول د . عبدالعظيم رمضان : « أصدقاء عبد الناصر ومنهم تيتو وهوشي منه .. أبلغوه بموعده هجوم إسرائيل في يونيو ٦٧ » .

• ويقول الفريق أول محمد فوزي : « حرب ٦٧ معركة مدبرة من قبل إسرائيل .. تهدف بمساعدة الولايات المتحدة الأمريكية لكى تقضى على النظام في مصر .. وكلمة « تدبير » أعنيها بحق .. إذ إنها بقيت عشر سنوات تدبر وتسمى وتنظم لهذه المعركة .. بعد العدوان الثلاثي مباشرة سنة ٥٧ .. ركزت القوات المسلحة الإسرائيلية على عملية ضرب مصر بهدف الإطاحة بالنظام وموقف التنمية للشعب المصري .. المعركة لم تأخذ وقتاً طويلاً إذ إنها جاءت مفاجأة .. الضربة الجوية التي تمت .. الضربة الجوية خطط لها منذ عشر سنوات وتم تدريب الطيارين الإسرائيليين على الطيران المنخفض .. الأمر الذي لم يكن مألوفاً في ذلك الوقت .. يعني إيه الطيران الواطى ؟ يعني الطيار يطير على ٣٠ متر فوق سطح الماء .. هذا الارتفاع لا يخليه يدرك قيمته ولا معناه لأن لو بص لفوق يجد السماء .. لو بص لأسفل يجد البحر والائنات لون واحد .. يعني المسألة قاصرة على العدادات .. مثل هذا الطيران لمسافات طويلة يجيب أخطاء من ناحية الاتجاه .. علشان يوزنوا هذا الخطأ ويمنعوه خطأ مساعد .. مركب مساعدة اسمها « ليبرتي » في الوسط ما بين تل أبيب وبورسعيد .. المركب دي كانت مركب تجسس وظيفتها إنها تنظم اتجاهات أفواج الطائرات المقبلة من اتجاه تل أبيب إلى بورسعيد .. يقدر يخاطبه في الوسط ويقول له أنت متحرف يمين أو شمال .. ولذلك هي مساعدة لهم في ضبط الاتجاه بالضبط .

• وأسأل سعد الشاذلي : عاوز أعرف موقف الروس في فترة ٦٧ ؟

• « موقف الروس في فترة ٦٧ أنا لست مؤهلاً لأن أتكلم عنه الكثير .. صحيح أنا كنت ضابطاً برتبة لواء إنما القوات التي أودها (مجموعة الشاذلي) كان عددها حوالي ١٥٠٠ واحد .. يعني من ضمن الـ ٨٥ ألف الموجودة في سيناء .. فعلاقتنا بالروس في ذلك الوقت لا أقدر أحكم عليها » .

* ويقول مرتجى : « لما كنا فى « أبو صوير » وكان حصل اجتماع مع بتوع الطيران .. بتوع الطيران كانوا عاوزين انهم بيتدوا بالهجوم الأول .. بعد الحديث وبعد الاجتماع وبعد المجادلة .. عبد الناصر وقف وقال « مش حيحصل حاجة » .. بس هذا الشرط أول ما الحرب انتهت .. وأول ما مسكوا عبد الحكيم عامر .. وأول ما ابتدوا بتوع الطيران يقولوا طيب ما فيه شرط .. راح بعت سامى شرف وراحوا جابوا الشرط » .

* ده اللي هو مين ياغندم ؟

* « ده عبد الناصر .. وقال له ده لو هذا الشرط سُمع نروح فى داهية .. ده تسأل عليه مثلاً إسماعيل لبيب لأن هو اللي كان ماسك المخابرات بتاعة الطيران » .

* ويقول شمس بدران : « بعد ما خلصت الخطبة وخرجنا .. عبد الحكيم عامر أحس بالهجوم ده .. أخذ بعضه ورجع قال لهم ماتخافوش يا أولاد .. إحنا حناحارب .. وركبنا ومشينا .. وإحنا فى العربية بقى أنا بأقول له يا عبد الحكيم الكلمة اللي قالها الرئيس كلمة سيئة جداً وماكانش يجب أن تقال فى مؤتمر زى ده .. دى خلت الناس تشعر بضيق .. دى كلمة غير موفقة وهبطت الروح المعنوية فى القوات الجوية كلها .. مش بس فى القاعدة .. وبعدين روحنا للبيت .. أول ما روحت البيت لقيته بيطلبنى .. عبد الحكيم عامر .. وقال لى إنت عارف الكلام اللي إنت قلته لى فى العربية ده لمه الرئيس طالبنى وقال لى إن هيكل كان معاه وقال له .. نفس الكلام ده .. فكلمه دلوقت علشان هو عاوز يسمع منك الكلمتين دول .. فكلمته قال لى إيه الانطباع اللي أنت أخذته .. قلت له إن مافيش حرب والناس روحها المعنوية هبطت .. فقال لى ده اللي قاله لى هيكل بالضبط .. بعد كده اللي حصل بقى اللي عرفناه بعدين .. إن عبد الناصر طلب سامى شرف وقال له التسجيل بتاع خطبة القاعدة الجوية فيه كام تسجيل ليها من الجهات اللي كانت موجودة وتسجل الخطبة .. فقال له الإنذاعة والمثوثون المعنوية بتاعة القوات المسلحة (أربع جهات) .. فقال له ابعت هات الشرائط من الأربع جهات دول واعدمهم .. فسامى شرف بعت جاب الشرائط .. ويقول بقى لواحد صاحبه وهو فى السجن .. أنا لما بعت جبت الأربع شرائط أعدمت ٣ وخليت واحد .. قال له ليه بقى خليت واحد .. قال له علشان أمسكه عليه .. لو حصل أى حاجة أبقي ماسك عليه الشرط ده » .

* وأسأل سامى شرف سكرتير الرئيس للمعلومات : يقال إنه كان فيه تسجيل لقاء فى قاعدة أبو صوير الجوية حصل فيه نقاش بين الطيارين وبين الرئيس .. وبعدين الشرط اختفى .. إيه مدى صحة هذا ؟

* « يعنى مافيش حاجة نهنمى أو نخصنى أنا شخصياً .. لأن أنا مش حأخسر حاجة أو حأسنفيد حاجة .. حأسنفيد إيه .. كل الأشرطة والتسجيلات التى تمت للرئيس عبد الناصر وكل المؤسسات المصرية التى اجتمع بها موجودة فى أرشيف سكرتارية الرئيس للمعلومات فى منشية البكرى » .

- **قيل إن هذا التسجيل بالذات الرئيس طلب إنه يتشال ؟**
- « محصلتش معايا أنا .. أنا شخصياً ما أخذتش الأمر ده .. مين اللي قال الكلام ده ؟ ! » .
- **أحد القادة العسكريين ؟**
- « يعرف منين .. ما هو أنا أقدر أقولك أنا إمبراح كنت قاعد مع الرئيس حسنى مبارك .. أقدر أقولها لك دلوقتى ولا حد شافنا ولا أى حاجة .. مين القائد أو المسئول اللي قال الكلام ده ؟ أى واحد فينا يستطيع إنه يدعى إنه سمع أو قال .. لكن المهم الكلام ما يطلعش على عواهنه .. فيه النهارده بعض الإخوة الزملاء السياسيين عاملين يكتبوا فى الجرائد أنا بعت لجمال عبد الناصر جواب .. طلب ما بعثش .. دلوقتى وأنا قاعد أكتب جواب وأقول بعته لأنور السادات ولا بعته لحسنى مبارك .. أنا دلوقتى وأنا قاعد معاك ممكن ولا مش ممكن .. لكن الشئ المعتمد الرسمى هو الموجود فى أرشيف الدولة » .
- **وأسأل شمس بدران : معنى كلامك إن المشير كان عاوز يحارب والرئيس ماكانش عاوز يحارب ؟**
- « آه العملية ابتدت بإن إحنا حركنا القوات علشان نحارب ونفش » .
- **طيب كيف نحارب وإحنا مش مستعدين بالطيران وبالدشم .. الخ ؟**
- « مش مستعدين بالطيران إيه .. ما هو الطيران بقا عا موجود وفيه عنده خطة لضرب الطيران الإسرائيلى .. زى ما هم خططوا بالضبط » .
- **وفى اجتماع الرئيس مع القادة طلب منه الفريق أول صدقى محمود التصريح للقوات الجوية المصرية بأن تقوم هى نفسها بالضربة الأولى .. لكن عبد الناصر قبل فكرة تلقى الضربة الأولى من إسرائيل ..**
- **ويقول شمس بدران : « كان فى مؤتمر القيادة .. عبد الناصر قال خلاص إحنا الموقف السياسى دلوقتى يستدعى الامتداد وعدم المبادأة .. وقال للمجتمعين إن إحنا حنتلقى الضربة الأولى .. فصدقى قام نط من الترابيزة وقال له : ما أقدرش يامبادأة الرئيس "I'll be crippled" قالها له بالإنجليزى .. قال له الضربة الأولى دى حتعجزنا .. فقال له طيب .. يعنى تحب تتضرب من أمريكا ؟ ! إذا إحنا عملنا الضربة الأولى .. أمريكا هى اللي حتضربنا .. تحب تحارب أمريكا .. ولا تحارب إسرائيل .. فقال له طيب خلاص يا سيادة الرئيس .. قال له حتخسر قد إيه لو إضربتكم الضربة الأولى ؟ .. قال له أخسر ٢٠٪ على الأقل » .**
- **ويقول الفريق أول عبد المحسن مرتجى : « الرئيس عبد الناصر قال إننا مش حتضرب الضربة الأولى .. فصدقى محمود قال ياريس لو ماضيناش الضربة الأولى حتخسر خسائر كبيرة جداً .. وموقفنا حيقى شكل ثانى .. قال : « ده قرار سياسى وأنا مش عاوز أحارب**

الأمريكان .. وأوقف الطيران .. إنت متوقع إيه لما يبدأ اليهود يقوموا بضربتهم وطيراننا كله مرمى على الأرض .. وماحصلش إن درجة الاستعداد ارتفعت فى القوات المسلحة فى ذلك اليوم .. وبعدين هو قال فى يوم ٥ ححصل هجوم .. للأسف الشديد إن ماطلعش من القيادة ما يقال لنا يا قوات استعدوا وارفعوا درجات الاستعداد .. ماحصلش حاجة زى كده .

• ويقول الفريق منكور أبو العز : « حكاية الضربة الجوية الأولى هي خطة عسكرية معروفة من زمان .. يعنى فى دراسة كليات الحرب الجوية أول درس كنا بنأخذه فى الضربة الجوية الأولى .. يعنى معروفة مش غايبة عتنا .. لايد إنك علشان تمنع هذه الضربة هي لايد لها مقومات كثيرة لازم يتعمل حمائها وإحنا أخذنا الضربة الأولى » .

• ويضيف منكور أبو العز : « وبعدين هو كمان عبد الناصر غلط غلطة كبيرة جداً وهو إنه أعطى المبادرة للعدو .. قال أنا مش حاضرب الضربة الجوية الأولى .. ونحن لا نحتمل الضربة الجوية الأولى .. أولاً الطائرات على الأرض مرصوفة زى البط .. طيب حنودى للطائرات فين .. نخبها تحت شجر المطار فى الصحراء .. حتوديه فين ؟ حتطها فين ؟ ما هو لازم انتشار .. وبعدين ما فيش دفاع جوى .. دفاع جوى هزيل .. ما فيش دفاع جوى خالص .. ولا الحاجات دى كلها مش معروفة .. ما هي معروفة » .

• ويقول أحمد أبو نار : « فى الحقيقة كان فيه حوار أنا حضرته مش كعضو معاهم .. لكن كضابط اتصال .. كان فيه رأى إن المشير طلب إن إحنا نقوم بالهجوم الأول مبدئياً .. ولكن الرئيس جمال عبد الناصر لم يوافق على إننا نبدأ بالخطوة الأولى .. على اعتبار إن ده حيوقنا فى مشاكل مع أمريكا .. ويفضل إن إحنا نأخذ الضربة الأولى .. وبعدين نرد .. فكان الاجتماع ده على مستوى كبير .. فسأل الفريق طيار قائد القوات الجوية الفريق صدقى محمود .. قال له إيه رأيك يا صدقى .. ده الرئيس .. مش أحسن إن إحنا نأخذ الضربة ؟ .. قال والله بافندم إحنا لو أخذنا الضربة الأولى تبقى ضربة « كريلينج » .. فقال له لا لأ أعتمد كده .. وغضب عبد الناصر ومشى .. تانى يوم لقيت المشير بيكلمه ويقول له أنت غضبان وماتعشش فى القيادة .. تعالىا علشان إحنا قررنا نأخذ الضربة الأولى » .

• بينما يقول عبد المجيد فريد : « صدقى محمود قال الضربة الأولى حتبقي صعبة علينا قوى .. بس ما إدأش تصور إنه ححصل تدمير كامل للقوات الجوية وإلا كان عبد الناصر مادخلش معركة » .

• وكان قد عيّن الفريق صلاح محسن قائداً للجيش .. إلى جانب الفريق عبد المحسن مرتجى قائد الجبهة .. وكان الفريق أول محمد فوزى هو رئيس أركان حرب القوات المسلحة ..

• وأسأل الفريق أول عبد المحسن مرتجى : حضرتك كنت قائد الجبهة فى ٦٧ فمن كان يدير العمليات فى الجبهة ؟

• « قائد الجيش اللي هو الفريق صلاح محسن .. أنا ما أدرتش العمليات خالص » .

• تعليماتك للمنطقة العسكرية الشرقية كانت إيه ؟

• لا تعليمات .

• بعنى إيه .. ما أعطتش تعليمات ولا مأكناش فيه تعليمات ؟

• هو أنا لم أشتراك فى وضع الخطة .. مأكناش لى دور فى وضع الخطة إطلاقاً .. اللي هى خطة الدفاع دى .. ولم أشتراك فى تمزيق الخطة فهى مزقت فى أثناء حشد القوات .. وأنا كل المهمة بتاعتنى إن أنا أتواجد فى مركز القيادة اللي هى الجبهة .. وأنا مأكناش معايا المواصلات الكافية اللي تخلينى أتصل بالقوات كلها .. مأكناش معايا الفريق الكافى علشان أقدر أدير بمركز القيادة الحاجات دى كلها .. كان المفروض حتجبل مع عبد الحكيم عامر بالفريق والأركان حرب كلهم .. بالمواصلات كلها قبل العمليات بـ ٤٨ ساعة .. ومأكناش فيه فكرة إن حيحصل عمليات قبل ٤٨ ساعة .. وفى هذه الحالة كان المفروض عبد الحكيم عامر يدير المعركة عن طريق صلاح محسن اللي هو قائد الجيش بوجودى أنا معاه بمركز القيادة .. نقدر نقول مركز قيادة متقدم .. بتاع عبد الحكيم طبعاً .. عبد الحكيم ماجاش .. اليوم اللي كان جاي فيه حصل الهجوم اللي هو يوم ٥ والمهمة بتاعتنى كانت إيه .. إن أنا طول ما عبد الحكيم عامر ماهواش موجود أنا بأدى المشورة ولما أشوف حاجة بأبلغ مصر .. مش بأبلغ قائد الجيش ببلغ مصر والأمر تصدر عن طريق مصر إلى قائد الجيش .. يبقى أنا المهمة بتاعتنى هنا هو حلقة وصل أو استشارة لا غير .. إلى أن يأتى عبد الحكيم عامر ويتخذ القيادة من مركز القيادة المتقدم .

• منصب قائد الجبهة يافتهم مش كان مبنياً على أساس إن حضرتك كنت قائد القوات البرية ؟

• أنا كنت فى ذلك الوقت قائد اليمن .. قائد القوات البرية .. مش مفروض أبدأ إنه يتخذ قيادة ميدانية .. هو ممكن يتخذ قيادة ميدانية لمسرح ثانوى إنما هم رأوا إن أنا أتواجد إلى أن ييجى عبد الحكيم عامر .. كلمة قيادة الجبهة دى كلمة خاطئة .. هو ده المفروض مركز القيادة المتقدم بتاع عبد الحكيم عامر .. إنما هم حطوا كلمة الجبهة دى على أساس نبقى منظرننا زى منظر الجيوش الكبيرة .

• عملية الحشود دى كانت مش مسئوليتك يافتهم ؟

• لا إطلاقاً .. أنا لم أتدخل فى حاجة أبداً .. إطلاقاً .

• ودور الفريق فوزى فى هذا الوقت ؟

• دور الفريق فوزى هو رئيس أركان حرب القوات المسلحة فى ذلك الوقت .. هو اللي بيلخص كل التعليمات .. والعمليات .. ويعرضها على عبد الحكيم عامر اللي هو القائد العام .. بعنى هو أساس عمله العمليات الحربية علشان كده معاه أجهزة هيئة العمليات والأجهزة دى كلها علشان هو وهم بيتخذوا القرارات .. أو على الأقل بيوضحوا عبد الحكيم عامر فى الصورة بالنسبة للموقف العام .. سواء موقف الجانب الآخر أو موقف القوات بتاعتنا .

• **ومدى مسؤوليته ؟**

• **« محمد فوزى أنا بأعتبره المسئول رقم واحد عن الحرب .. ويليّه قائد الجيش » .**

• **ويقول أمين هويدى : « فوزى رجل عسكري قديم وصل إلى أعلى الرتب فى القوات المسلحة .. وكما قلت هو أمضى أغلب تاريخه فى الكلية الحربية ثم تولى رئاسة الأركان وكان رئيساً لأركان القوات المسلحة وكان وقتاً خطيراً جداً وقت النكسة » .**

• **إذن هو أحد المسئولين ؟**

• **« طبعاً .. وأنا قلت قبل كده .. أنا شاهد وقلت إن كل القادة العسكريين مسئولين عن نكسة ٦٧ .. طبعاً الفريق فوزى كان رئيس الأركان .. ده وجه .. المخابرات العامة فى تلك الأيام .. وهى جهات لم تخدم تماماً الغرض الذى كانت تقوم من أجله .. ولذلك المعلومات عن عدوان ٦٧ لم تكن على المستوى اللائق .. بس عاوز أقول حاجة .. حتى لو إديت معلومات فى ظل القيادة العسكرية التى كانت قائمة مش حتعمل حاجة .. لو إديت القيادة العسكرية اللتى كانت قائمة أضعاف القوات اللتى كانت موجودة ماكانتش حتعمل .. كان مصيرها حيكون نفس هذا المصير .. لأن الهزيمة لم تكن أبداً نقص معلومات ولم تكن نقص قوات .. كانت عدم كفاءة قيادة وعدم تفرغ القيادات لتدريب قواتها » .**

• **ويضيف الفريق أول مرتجى : « محمد فوزى عمره ما تولى قيادة ميدانية .. ولم يكن يفهم فى إدارة المعركة ولا فى إدارة الحرب ولا الفن العسكري .. إنما أنا بأعتبر إن هو ضمن الناس اللتى يسألوا عن الذى حصل فى الحرب » .**

• **وفى يوم ٥ يونيه سافر المشير عامر جواً لزيارة الجبهة .. وفى نفس هذا التوقيت بدأت المعركة ..**

• **ويقول أحمد أبو نار : « تطورت الأحداث وفوجئت بالمشير قال لى أنا رايح مطار « بير تماده » فمبقت المشير بيوم ومعاي فريق الحراسة والشئون الإدارية ورحنا المطار .. إديت تمام هناك للفريق عبد المحسن مرتجى وكان مفروض المشير حيوصل بالطيارة فى مطار « بير تماده » .. يوم ٥ يونيه فوجئنا بطائرات إسرائيلية ضربت مطار « بير تماده » فرقنا على الأرض وكان بجوارى الفريق عبد المحسن مرتجى .. وبعد مايقن قال لى إسرائيل بدأت الحرب ودمرت طياراتنا فى مواقعها .. كان فيه كذا طيارة ميج وطائرات هليكوبتر .. وبدأت المعركة فعلاً فأمرنى الفريق عبد المحسن مرتجى أن أرجع تانى بناء على تعليمات المشير وأروح مبنى القيادة هناك » .**

• **وأسأل برلنتى عبد الحميد : إيه اللتى طلعه الطيارة ؟**

• **« طلع الطيارة بأوامر من عبد الناصر .. قال له روح هدىء الناس اللتى واقفين هناك ومستنيين الضربة .. وقلقين .. الجيش قلقان .. وقاعدين هناك على الحدود ومستنيين الضربة .. والحرب كانت مفاجأة .. فقال له روح يا حكيم .. كان مسميه حكيم .. روح يا حكيم هديهم**

شوية .. فإذن لا يمكن كان عبد الحكيم عامر عارف أن فيه حرب في الوقت ده .. يعنى اللي يقول إنه كان فيه حرب وإنه متوقعاً حرب .. لا يمكن .. طيب حبيته إزاي جمال عبد الناصر إذا كان فيه حرب .. وعبد الحكيم حيا من على نفسه إزاي إنه يطلع في طائرة في يوم فيه حرب .. ده كلام عجيب جداً » .

* ويقول الفريق أول محمد فوزي : « العملية دي تمت صباح يوم ٥ يونيه في الوقت اللي كان فيه المشير عبد الحكيم عامر قائم بطائرته ومعه نخبة من القادة إلى سيناء .. لتنظيم عملية أوضاع الطيران وأوضاع القوات المسلحة هناك .. اختار هذا التوقيت للأسف الشديد بعد أن أخذ إنذاراً من الرئيس عبد الناصر بأن هذا التوقيت هو المحتمل إتمام الضربة الجوية فيه .. ورغم ذلك هو لم يدرك هذا الإنذار الإدراك الكافي .. ولم يعطى هذا الإنذار أو يوزعه على القوات المسلحة المصرية في ذلك الوقت .. ومن هنا جاءت المفاجأة .. الأمر المحزن أكثر أن هناك أوامر إذا كانت طائرة المشير أو طائرة أحد من الكبار طائرة في الجو المحورى الذى تطير فيه هذه الطائرة يبطّل استخدام النيران ضد أى طائرة في الجو .. طبعاً للأمان .. فاللبس جاء هنا إن سوء الحظ تجد هنا إن الضربة جاءت في هذا التوقيت بالذات .. المشير بالطائرة في الجو .. المدفعية المضادة للطائرات والصواريخ اللي هي مفروض إنها تقاوم هذه الضربة عندها أوامر بالسكون .. ولو إن هذا الأمر أنا شخصياً معترض على إتباعه لأن الأوامر المستدعية لرجال الدفاع الجوى .. إذا اعتدى عليك فعليك أن تصد العدوان بصرف النظر عن أى حاجة ثانية .. الكلمة دي لم تطبق .. يعنى معناها تأثير المشير عبد الحكيم عامر وسلطته ونفوذه كانت أقوى من الأوامر المستدعية اللي موجودة عند كل الجنود » .

* وأسأل شمس بدران : كنت مع المشير عامر في الطائرة يوم ٥ يونيه لما أمرتم المدافع بأنها متطلقت صواريخها حفاظاً على روحه والآخرين اللي كانوا معكم ؟

* « مش مضبوطة .. لا تأثير لها في الموضوع .. أنا ما أقدرش أقول التفاصيل دلوقت .. لكن دي واقعة بالتأكيد ليس لها تأثير .. إنت عاوز تقول إن ده اللي خلى الطيران الاسرائيلي ييجى يضرب الطائرات .. لأ .. مالهاش تأثير خالص .. معقولة طيارات اليهود تيجى وتبتدى تضرب وحيفضلوا سايبينها تضربهم علشان قالوا لهم ده المشير جاى ؟! » .

* وأسأل حسين الشافعى : كنت أحد الشهود على حرب ٦٧ من الطائرة .. ويمكن واحد من اثنين أو ثلاثة كانوا مع المشير عامر يومها .. ما تعليقك وقد مضت سنوات على نكسة ٦٧ ؟

* « أنا في مذكراتي بأقول « سأفص عليكم قصة شاهد أراد الله له أن يكون شاهداً واختار له موقعاً متميزاً ليروى منه الأحداث التي لم يرها أحد .. وقلت بالنسبة لحرب ٦٧ في سنة ٧٢ في جامعة أسبوط إن حرب ٦٧ كانت خيانة وكانت مؤامرة انفتحت فيها الأطراف واستدرج فيها من استدرج .. وجاز الأمر على السذج لكى يعيش للنكسة .. وطبعاً لا أقول هذا الكلام إلا مما شهده في مطار قايد » .

• ويقول أحمد حمروش إن حسن إبراهيم علق قائلاً : « إعمال آه .. خيانة لأ .. »

• هاجمت إسرائيل سماء مصر بطائرات قديمة (الميستير) .. وطائرات حديثة (الميراج) .. وما بين الساعة الثامنة والحادية عشرة والنصف من صباح هذا اليوم المشنوم .. يوم الإثنين .. دمرت موجات الغارات قواتنا الجوية .. وأعلننا أننا أسقطنا ١٤٢ طائرة على جبهاتنا بينما الواقع كان أقل من هذا بكثير جداً ..

• ويقول المهندس جمال أنور السادات : « أنكر جيداً سنة ٦٧ .. يوم ٥ يونيه .. دى حاجة أنكرها زى ما تكون إمبراح .. والذى كان موجوداً فى البيت الصبح وأنا دخلت حجرته وقعدت جنبه على السرير .. وبعدين التليفون رن .. بيتكلم فى التليفون .. فأنا عرفت إنه بيكلم عبد الناصر .. بيقول له معقولة طيب خليه يأخذوا الحلقة بقى » .

• وتقول هدى عبد الناصر : « يوم ٥ يونيو كنت متزوجة وكنت فى بيتى بعيدة عن منشية البكرى .. وكنا قلقانين » .

• سمعتى مثلاً الأخبار والبيانات العسكرية التى كانت تعلن انتصارنا أم كنت تعرفين الحقيقة ؟

• « لأ لم أكن أعرف الحقيقة .. وكان الجو العام كله قلق وترقب » .

• وهل كنت تنتظرين الحرب أم كانت مفاجأة ؟

• بعد إعلان حكومة الائتلاف القومى فى إسرائيل قال والذى إن الضرب سيكون يوم ٥ يونيو ..

• وتقول جيهان السادات : « حتى أنا كنت فاكدة أولادى كانوا فى مدرسة « بورسعيد » .. وكنا ساكنين فى الهرم ساعتها .. أول ما سمعت الضرب كان هو لمسه فى السرير .. وكان الصبح ويقرأ الجرنال .. أنا رحمت وقلت إيه اللى بيحصل .. قال لى سوف يأخذوا الدرس .. على إسرائيل .. إنها سوف تأخذ درساً .. أنا لمست بسرعة ورحمت أجيب أولادى من المدرسة علشان مش عارفة إيه اللى يجيرى وهم أطفال صغيرين .. وكانت السكة زحمة بدرجة وأنا كنت سابقة ولم أستنى السواق .. وجريت ورحمت المدرسة فعلاً وأخذت أولادى وكان فيه الكثير من أولياء الأمور بيأخذوا أولادهم لأن كان فيه صوت انفجارات » .

• ويقول عبد اللطيف بغدادى : « يوم ٥ يونيه سمعت الضرب .. اتصلت بكمال حسين جالى هنا وقعدنا .. زى ما حاربناهم حاربونا .. وإحنا مواطنين وملناش دعوة بجمال عبد الناصر .. الموضوع موضوع عبد الحكيم دلوقتى .. فكمال قال لى إحنا بعتنا له .. إن إحنا أى واجب تختاروه لنا .. ماحدث سأل فىن كرامتنا .. قلت له إنسى كرامتنا فى سبيل بلادنا .. حتى اتصلنا بعبد الحكيم من هنا .. قلت له إن كمال عندى ويهمنا تكون جنبكم .. وكان مركزه القيادة اللى جنبنا دى فى منية نصر .. قال تشرفونا .. رحنا له .. وأنا كنت متتبعاً الإذاعات .. إسرائيل .. ولندن » .

• ويقول عبد المجيد فريد : « المعركة كانت معركة جوية وهدفها تدمير كافة الطائرات الموجودة لدى الجمهورية العربية المتحدة في عدد من الساعات .. وبعد كده ابتدئت المعارك تنزل مستواه بدون طيارات والسماء مكتشوفة .. هل يعنى وجود اللواتين الللى كانا فى اليمن لو تواجدا فى سيناء كان حيؤثر على ضرب الطيارات .. لن يؤثر » .

• ويقول كمال الدين حسين : « ده كان كذباً مكتشوفاً .. يعنى ٦٧ كانت مصيبة كبرى .. أما فى ٥٦ فالجيش كيانه على بعضه فضل سليم .. سلاح الطيران اتكسر .. لكن الطيارين سَلَام .. وقدرنا نكمل الجيش بعد كده » .

• وأسأل محمد فائق : هل كان الإعلام موجهاً يعلم حضرتك ولا كان فيه توجيه ما ضرورى والباقى كان وليد اللحظة ؟

• « أنا أؤمن جداً أن التوجيه زيادة عن اللزوم ينهى الإبداع .. وهذا كان بيهمنا جداً .. كان فيه عمالة وقتها .. كان صلاح زكى .. سعد لبيب .. جلال معوض .. طاهر أبو زيد .. فاروق .. المهم كانت شخصيات مهمة جداً وقادرة وفاهمة كويس قوى .. وبالتالي كان بيطلق لها حريات كبيرة جداً .. وأحمد سعيد كان من الشخصيات المتميزة جداً وكان فى صوت العرب » .

• وأسأل د . عبد القادر حاتم : أحمد سعيد معذور ولا مشارك فى المسئولية .. ولا إيه رأيك ؟

• « الحقيقة أحمد سعيد رجل وطنى وأدى دوراً من أحسن الأدوار » .

• والبيانات التى أتيت ؟

• « ماذا فعل إذا لم تكن هناك قيادة عسكرية تديك معلومات وأرادوا هم يحسنوا الصورة .. فطلعت غلط .. حتى أنا كلمتهم فى نفس اليوم .. وكنت أنا بره ماكتشش أنا المسئول عن الإعلام فى تلك الوقت .. قلت لهم إيه الكلام ده .. وقعنوا ٧٥ طائرة و ٨٠ طائرة والكلام ده .. قالوا ماحدش بيدينا معلومات .. وأصبحت العملية كل واحد بيجتهد فى اتجاه معين .. فالحقيقة لا ذنب لهم وأنا أبرئهم من كل رأى أو اتهام » .

• وأسأل أحمد سعيد : نقدر نقول إنك كنت تنفذ حرفياً تعليمات القيادة .. أو نقدر نقول « عبد المأمور » ؟

• « لا .. أنا لو عبد المأمور .. فى هذه الحالة حنبقى تلاقى نفسك بتنفذ أحياناً بقاء .. لأنك حنتلترم .. لكن لما تكون الرؤية عندك واضحة والقيادة نفسها مديالك حرية الحركة فى حدود الخط العريض .. فينقدر تتحرك بدلالة » .

• وأسأل الفريق أول مرتجى : البيانات العسكرية غير الحقيقية كانت بناءً على تقاريركم ؟

• « لا إطلاقاً .. أنا كنت موجوداً فى مركز القيادة المتقدم أو الجبهة .. ولا أعلم إيه اللى بيحصل من دعايات ومن إشاعات » .

- حضرتك ماكنتش بتسمع راديو ؟
- « أنا ماكنتش » فاضى .. أنا كنت عمال أمر علشان أشوف شكل القوات الموجودة هناك إيه .. طول الوقت .. وحتى لو سمعت .. ماهو أنا مش أنا اللي بأخرج أو بطلع الحاجات دى ..
- ويقول عبد اللطيف بغدادى : « كانت مصر بتقول وقعنا كذا طائرة .. فبنين لى إننا خسرنا أغلب طائراتنا » .
- وأسأل الفريق أول مرتجى : إذن من كان المسئول عن إصدار البيانات العسكرية ؟
- « القيادة العامة ملجأ .. القيادة العامة فى مصر هى بتقولك وقعنا كذا طائرة .. لكن الطائرة بعد ما تخلص البنزين بتاعها بترمى المستودع بتاعها عملوها دى طائرة وقعت .. وأتاريتها مستودع بنزين أو خزان بنزين » .
- مين فى القيادة يا فندم ؟
- « ما أعرفش الحاجات دى كلها بتبقى تابعة للعمليات لأن العمليات هى اللي بتصدر التعليمات اللي بتصدر فى الصحف » .
- ومين اللي كان مسئولاً عنها يا فندم ؟
- « كان الفريق أنور القاضى » .
- ويقول شمس بدران : « لأ .. الإعلام اللي حصل أثناء الحرب كان فيه مبالغات كثيرة وتوجيه من جهات أخرى .. مالنش دعوة إحنا بها » .
- ويقول عبد اللطيف بغدادى : « جاءت الساعة ١٢ فرحنا لعبد الناصر وورّنا الصور قوائنا فين ومتمركزة فين .. قعدنا معاه للساعة ٣ .. قلنا له طيب هم دلوقتى طياراتهم بتضرب طياراتنا على الأرض .. وفى ٥٦ حصلت نفس العملية اتكررت ثانى الأخطاء دى .. وفى ٥٦ الى كان قائد الطيران برضه سنة ٦٧ .. كان لازم تمشى القيادات اللي فشلوا فى ٥٦ كان لازم تمشى .. عبد الحكيم عامر كان تمسك بهم وقال لو هم أخطأوا يبقى أنا أخطأت .. وهم لو يمشوا يعنى أنا أمشى » .
- وأسأل محمد أحمد : الراديو والإذاعات والصحف كانت بتقول الواقع ؟
- « لأ .. لأن كان فيه ناس من الإعلام تقول هذا الكلام .. وده مش صحيح إطلاقاً » .
- وأسأل أحمد سعيد : هل لما اكتشفت الحقيقة تراجعت فى تصريحاتك وحاولت أن توضح للناس الحقيقة .. وتعتذر .. ولا اضطررت اضطراراً أنك تكمل ؟
- « أولاً مايفش حاجة اسمها نعتذر وحاجة إننى أضطر .. أنا رجل فى موقع .. شأنى شأن أى جندى فى الموقع حتى لو كتيبتة كلها بتنمصب .. وقائده ماقالوش انمصب .. هو لا يجب إنه

ينسحب واخذ باللك .. لو قائد قال له حافظ على الموقع ده .. فلازم يحافظ على الموقع ده .. المسألة مش مسألة مزاجية .. بحيث أنني أزعج أقوم أقول أو أخذ خط .. غير الهيكل العام .. ثم أنا لا أعلم ماذا يحدث في الجبهة .. ما هو جازر العدو بياناته اللي كذب وبياناتنا اللي صح .. ده إحنا قاعدين داخل استوديوهات داخل غرفة مغلقة .. حنعرف مين .. كل علاقتي بالقيادة هو تليفون .. بيان رقم كذا .. ذيعوا .. بيان رقم كذا .. أنت مهمتك إيه في هذا الامتحان طبعاً بتتصل بالقيادة وتتصل أيضاً بجهاز التوجيه المياسي بتاعك اللي هو الرئاسة .. الارتباك كان من البشاعة بحيث إنك تبص تلاقى نفسك وحدك .. فيبقى أمامك إيه .. فيه معارك شغالة .. جيشك وقيادة جيشك اللي ببيلغك لم يقل لك إننا سلمنا .. لم يقل لك إننا أوقفنا القتال .. حتى وأنت بتضرب .. القتال يستمر ..

* حتى المعلومات دي لم تكن بتوصلك ؟

* لا .. فوضع طبيعي أنني أحافظ على شيء معين .. وهو أن المقاومة والقتال يستمر إلى أن تستبين الحقيقة .. على حوالى الساعة ١١ بالليل نجحنا في أن نعمل اتصالاً بسيادة الرئيس .. فأخبرت من قبل سامى شرف .. وهو سكرتير المعلومات .. بأن المقاومة مستمرة وإحنا لم نطلب إيقاف إطلاق النار .. كان بدأت إشاعات في العالم بتجى على « التيكروز » وتيجى في الاستماع .. تاني يوم الاتحاد السوفيتي عرض إيقاف النار .. إحنا رفضنا .. إذن معنى هذا جيشك بيقاوم .. إذن أنت مستمر .. وخاصة إنه طلب منا دعوة الأردن وسوريا إلى دخول المعركة .. ماكانوش دخلوا لسه .. كنا إحنا لسه اللي بنحارب العدوان الإسرائيلي .. بعد هذا .. في هذه الليلة بالذات اللي هي ليلة الثلاثاء بقى .. فوجدنا إن فيه نوع من أنواع التعمية .. بدأت على الأخبار بتاعة إسرائيل نفسها .. يعنى إسرائيل نفسها بدأت بياناتها الحربية ببيان فيها نوع من أنواع الغموض بعد ما كان ضاربين لفوق قوى .. فهذا أعطانا وإحنا داخل غرفتنا المغلقة واستوديوهاتنا المغلقة .. نوع من أنواع الاملثنتان .. خاصة إن قيادتنا السياسية رفضت وقف إطلاق النار .. قرار كان حيطلع من مجلس الأمن وكان بشروط جيدة .. تاني يوم أبلغنا من قبل القيادة إننا نفتح جرة أكثر لموريا والأردن .. إذن الخط أيضاً كان تصعيدياً .. رغم الآلام اللي جولنا من البيانات المعادية ..

* ويقول شمس پدران : « الفريق صدقي محمود حاول يأخذ اعتماداً لإقامة دشم .. طبعاً علشان نتلافى ضربها على الأرض تاني .. الدولة ماكانش فيها فلوس أو ماكانش أحداً مهمتها بهذا .. فما أخذش الاعتماد .. كان بيطلب الاعتماد ده كل سنة .. ده على حسب كلامه ماكانش بياخذ اعتماد لدشم الطائرات .. أنا لو في مكانه ومسئول عن القوات الجوية لازم أصعل دشماً للطائرات .. وماحدث بيديني فلوس للدشم أقول لهم سلام عليكم فوراً .. آه أستقيل .. هو ما استقالش فيه خطأ منه .. لأن هو كان لازم يستقيل علشان خاطر يجبر الحكومة على إنها تنيله اعتماداً للدشم أو تدى اللي بعده اعتماداً لدشم الطائرات .. ماإدولوش اعتماداً .. لغاية سنة ٦٧ .. لما اتعينت وزيراً للحربية سنة ٦٦ بعد اعتماد الميزانية .. أصبح أهم اختصاص لى الشؤون المالية .. ميزانية القوات المسلحة .. أى وزير في الدولة مسئول عن الميزانية بتاعة

الوزارة .. فده اختصاص جديد بالنسبة لى .. ماكانش عندى قبل كده .. فانتعلت ميزانية للقوات المسلحة فى مارس .. بتتعمل دائماً فى مارس ويتصدق فى أبريل .. وراح رئيس أركان القوات المسلحة اللي هو الفريق محمد فوزى بيلف على قادة القوات المسلحة .. بيروح القوات الجوية يقعد معاها يومين ثلاثة يشوف الميزانية بتاعتها .. ويعدين يروح القوات البحرية يقعد معاها يشوف الميزانية بتاعتها .. ويروح القوات البرية يشوف الميزانية .. وهكذا .. بيخوف مطالبهم إيه لأن فى هذا العام كانت ميزانية القوات المسلحة وميزانية الدولة عموماً متوقفة على الرقم بتاع السنة اللي قبلها .. معنى إحنا كان مخصصاً لنا فى الميزانية كذا مليون فى السنة اللي قبلها سنة ٦٦ .. سنة ٦٧ أخذنا نفس المبلغ رغم إن إحنا عندنا إنشاءات جديدة تتطلب إن المبلغ يكون أكبر .. فنتيجة كده جينا لبند الإنشاءات الجديدة اللي هو البند الرابع فى الميزانية .. وشطبناه لأن مالوش فلوس » .

• مين اللي شطبه يافندم ؟

• « فوزى .. محمد فوزى اللي هو رئيس أركان حرب اللي هو بينسق الميزانية ويقول إيه اللي يتعمل وإيه اللي ما يتعملش .. وعلى قد الفلوس الموجودة .. وأنا بتأخيل إن جازي اليهود يكون وصلهم إن لأول مرة الميزانية يتحط فيها فلوس علشان إنشاء دشم للطائرات .. فعجلوا بالعملية دى قبل ما الدشم تتعمل » .

• وأسأل الفريق منكور أبو العز : السؤال اللي بيفرض نفسه .. هل أخذنا درساً من سنة ٥٦ حتى لا يتكرر ؟

• « للأسف لأ .. الطائرة إذا تركت فى العراء وعلى الأرض لاتساوى شيئاً .. إنما إذا طارت بقت سلاحاً رهيباً .. فيجب أن أحميها .. أحميها ببناء دشم وعدد من المطارات كبير .. بحيث يصعب على العدو إنه يضربها كلها مرة واحدة .. ممكن قوى مطار بينضرب وممكن قوى المطار الثانى يدافع أو يروح يضرب فى إسرائيل .. وقفت الاعتمادات المالية ضد القوات الجوية بطريقة غير مسئولة .. معنى ناس مسئولين ماكانوش بيقتروا أبداً وما يعرفوش قيمة القوات الجوية .. لكن للأسف الشديد ماأخذناش الدرس .. وأنا لى تجربة كبيرة جداً مع القيادة العامة للقوات المسلحة فى نظر الميزانيات وأصريت على إن لازم (.. الكلام ده قبل ٦٧ كان سنة ٦٢ أو ٦٣ المرة الأولى) .. أنا كنت أول واحد يناقش هذه العملية مع القوات المسلحة .. ولكن للأسف الشديد ماكانوش يعطوا أهمية كبيرة للطيران .. فالطيران بمجرد أن هو يضرب وهو على الأرض .. تبقى الحرب انتهت على طول » .

• وأسأل الفريق أول عبد المحسن مرتجى : والطيران الذى دُمر بعد ساعات قليلة .. من المسئول عن ذلك ؟

• « أنا بأعتبر إن الرئيس عبد الناصر مسئول مسئولية كبيرة جداً .. مسئول فى هذا الموضوع تماماً ليه .. أولاً إحنا ماكانش عندنا فى هذا الوقت مطارات كفاية .. إحنا اتعلمنا فى روسيا

إن بين المطار والمطار ٢٥ ك .. إحنا عندنا ٤ مطارات .. اثنين فى ميناء وواحد فى الأقصر وواحد فى قلب القاهرة .. كلها مطارات لا تكفى الطائرات اللي عندنا .. ومافيش ملاجئء عشان الطائرات تدخل فيها .. ومافيش دفاع جوى كويس .. الرادارات اللي كانت تكتشف الطائرات كانت أى طائرة تنزل عن ٥٠٠ متر ماتقدرش تكشفها .. إسرائيل كانت بتعرف كل نقط الضعف اللي عندنا .. لذلك هم لما جم تحت ٥٠٠ متر وعارفين فين المطارات بناعنا وتديروا إزاي يهاجمونا ويضربونا .. ده علاوة على إن إسرائيل عملت مفاجأة لنا .. وهم قدروا بطوروا الطائرة بحيث عملوا مستودع بترول فى الأجنحة وأصبحت تصل لجميع المطارات الموجودة فى الجمهورية العربية بالبنزين اللي فيها .. علاوة على ده .. عملوا قنبلة الممر بحيث أن أجهزة الإصلاح الموجودة ماكانتش تقدر تصلح الممرات المضروبة بالسرعة المطلوبة .. إذن إحنا من ناحية الطيران كنا أضعف وناحية الدفاع الجوى فى حالة ضعيفة .. وكان فيه طيار عراقى خائن أخذ الطائرة الميج ٢١ ونزل عندهم هناك .. إذن كانوا عارفين كل خصائص ونقط ضعف ونقط القوة فى الطائرة الميج .. فلإذن هم عارفين يعنى كل حاجة عن الطيران .

• حضرتك إذن بتعالى الفريق صدقى محمود من المسئولية ؟

• أنا باعفى صدقى محمود من المسئولية من وجهة نظرى آه .. لأنه ماكانش يقدر يعمل أكثر من كده مع الظروف اللي كانت موجودة فى ذلك الوقت .. الرئيس قال ماليش دعوة شوفوا إنتم اعملوا اللي إنتم تعملوه .. طيب هنعمل إيه .. إنما الجماعة الروس حبوا إنهم يبينوا إن الطيران بتاعهم كويس عملوا الفيركة بتاعة صدقى محمود .. واتحاكم صدقى محمود .

• ويقول الفريق أول محمد فوزى : « على الساعة ١٢ الظهر كانت القوات الجوية المصرية خاسرة ٨٠ ٪ من قواتها .. الأمر الذى جعل المشير عبد الحكيم عامر يهتز ويعتقد إن القوة الضاربة اللي كانت فى يده راحت » .

• ويقول أحمد سعيد : « إلى أن كانت الساعة ١٢ إلا خمسة .. عندما أيقنا أن جميع البيانات الحربية التى تعطى لنا من القيادة العسكرية .. مخالفة تماما لما يحدث فى ميدان المعركة » .

• وتقول جيهات السادات : « والله من الحاجات اللي الواحد لا ينساها حقيقى .. رجع أنور السادات الحزن اللي باين على وشه .. حزن مصحوب بذل تقدر تقول يعنى بالأصح .. لأنا انهزمتنا من أول لحظة .. لأن هو لما راح مجلس قيادة الثورة عرف طبعاً إن إحنا انهزمتنا .. أنا كان معايا راديو صغير وضعاه فى جيبي كده .. كنت برضه بأستغل فى المستشفيات مع الجرحى .. كان أيامها أحمد سعيد بتاع صوت العرب بيقول « ولقد ضربنا مش عارف كام طائرة إسرائيلية ونزلنا كام طائرة » .. وكان حماسه شديداً .. وأنا عارفة الحقيقة ومش قادرة أفصح فمى .. كنت ممزقة ما بين ما أسمع .. إزاي ده .. وبين اللي حاصل فعلاً اللي قاله بعد كده .

• ويقول الفريق أول عبد المحسن مرتضى : « لآكان المفروض أولاً إحنا كان عندنا خطة بايطة لا مؤاخذه .. يعنى الخطة الدفاعية غير سليمة .. بسبب تدخل رئيس الجمهورية فى بعض

الحتت .. وبسبب تدخل عبد المنعم رياض .. إنه هو تصور إن اليهود ممكن ييجوا من بعض الوديان الجنوبية .. ويلقوا حول قواتنا .. وده اللي خلى عبد الحكيم عامر يغير في الحطة .. اتغيرت خالص الحطة .. بقينا عاملين زى خيال المانة بالضبط .. مافيش تدريب على واجب العمليات .. ومناطق في الجنوب كنا بنبعت لها المياه بالطيران .

● وبعد أن دمر الإسرائيليون سلاح الطيران المصري .. وطلبت الأردن وقف إطلاق النار اضطر عبد الناصر إلى وقف إطلاق النار

● ويقول سيد مرعي : « تحولت الشوارع التي كانت تغيض بالأمس حماساً وهتافاً .. إلى شوارع أشبه بالمقابر .. تزحم بعلمات الاستفهام التي لا تجد أحداً يشفي غليل الناس ويقنمهم بلجباتها » .

● وتقرر الانسحاب ... وكان هذا القرار مسئولية القيادتين السياسية والعسكرية ..

● وأسأل محمد أحمد : الرئيس عبد الناصر في ٦٧ .. هل اشتد المرض عليه ؟

● « هو خلاه نعى الهم أكثر .. الله يرحمه وإحنا نازلين رابحين القيادة .. كنا بابتين في المكتب .. واتصل الفريق صابق وطلب منى أن أبلغه .. قلت له لأ قول له أنت لأحسن تكون المعلومات مش واثق منها .. قولها له أنت بلسانك .. لما عرف .. لمس ونزل على طول قال إحنا خسرنا الحرب .. أول يوم الساعة ٨,٣٠ صباحاً وإحنا نازلين جرى .. قال إحنا خسرنا الحرب .. خدعونى » .

● ويقول محمود فهم : « طبعاً كان متأثراً جداً .. لكن ماكانش باين عليه حاجة .. ماكانش يعطينى الفرصة أتكلم معاه في وقتها » .

● وأسأل شمس يدران : قرار الانسحاب اللي صدر .. كان صدر من المشير ولا من الرئيس عبد الناصر ؟

● « بعد ما حصل الهجوم على العريش وحصلت معركة مدرعات بعد كده .. عبد الحكيم طلب عبد الناصر في التليفون وأنا كنت موجوداً .. وكان موجوداً أغلب أعضاء مجلس الثورة .. وقادة الجيش ورئيس الأركان كان موجوداً .. وحتى على عامر كان موجوداً اللي هو كان رئيس القيادة المشتركة أو القيادة الموحدة .. وقال له تشوف إيه .. قال له ننسحب طبعاً .. وأنت يا محمد فوزي رأيك إيه قال الانسحاب .. بغدادى رأيك إيه .. سأل الناس اللي موجودة كلها .. فقال لعبد الناصر كلهم بيقولوا الانسحاب .. قال له "O.K" قال له ننسحب .. بعد ما انتهى الموقف ده حصل موقف ثانى .. وعبد الحكيم عامر طالب عبد الناصر .. ده كان لوحده أنا وهو بس في الأرضة .. وبصيت لقيت عبد الحكيم عامر نازل عياط .. وبيقول له حاجيب لك ولادى كلهم يا جمال .. أول مرة يقول له يا جمال .. من غير ما يقوله ياريس .. أجيب لك كل ولادى » .

• وبعد ما خُصص كلامه قال له إيه ؟

• قال لى عبد الناصر .. طول المكاملة عمّال يعيط ويقول له حُجّيب لك ولادى .. وقام بذل مايعمل الانسحاب على مراحل .. غيّر العملية وقال لهم ارجعوا فوراً .. مايفش لا مراحل ولا غيره .. كله ييجى .. فبقت العملية مش انسحاب .. جرى .. إلى الورا 11 .

• بينما يقول الفريق أول محمد فوزى : « هذا القرار خاطيء ناعم .. دون استشارة أحد يأمر بانتخاب القوات البرية من سيناء فى ليلة واحدة وبأسلحتهم الخفيفة .. تاركين الأسلحة الثقيلة فى سيناء .. وهذا التقرير بهذا الشكل .. تنفيذ من الناحية العملية مستحيل .. إن قوات عددها ضخمة بهذا الشكل تعبر ٣ مضائق فى سيناء هى حاجز ما بين وادى النيل وسيناء فى ٢٤ ساعة .. الأمر الذى أحدث خسائر فى القوات البرية ليس من العدو .. وإنما من الضغط الموجود .. ده كان كل واحد عاوز يخترق الـ ٣ أبواب من الخط الاستراتيجى بتاع المنطقة الجبلية اللي موجود شرق سيناء .. شرق قناة السويس .. المضائق .. كانت مستحيلة تنفيذها عملياً والدليل على ذلك إن الجنود اللى راهوا شهداء من فعل العدو .. فى منطقة رفح بصفة خاصة .. أعدادها ضعيفة .. بالنسبة للخسائر اللتى حصلت من اختراق الحجم الكبير من القوات البرية للـ ٣ منافذ اللتى قلت لك عليهم .. المضائق .. إذن النهاية بتاعة هذا الموضوع إن المعركة اقتصرت (١) على القوات الجوية فقط .. (٢) المعركة لم يتم فيها مواجهة مباشرة بين الجندى المصرى والإسرائيلى وعلى ذلك كانت العملية قاصرة على هذا الشكل اللى أنا بأحكى لك عليه .. الخسارة السريعة اللتى تمت للجانب المصرى جعلت الناس والقوات المسلحة نفسها لا تصنق .. خسارة جوية .. وقرار خاطيء .. »

• ويضيف الفريق أول فوزى : « هى عملية كبيرة لكن فيها دروس كثيرة .. وأنا كنت الوحيد الموجود فى القيادة العامة للقوات المسلحة .. »

• بس حضرتك كنت رئيس أركان حرب أيام المشير وأيام النكسة كذلك ؟

• آه .. هى لها ظروفها .. فأننا توليت القيادة من الرئيس جمال عبد الناصر .. والمشير لم يكن مستريحاً .. وكان فاهم أننى جاى علشان أقاومه .. ومن الناحية الإدارية .. كان فيه واحد تانى .. السيد على صبرى .. مع منظمة الشباب .. فى حالة إن لو فى القوات المسلحة أو المشير يعمل شيئاً .. يبقى فى البلد جهات أخرى مضادة .. فأننا كنت أحدهم .. وكانوا متخوفين .. »

• وأسأل عبد المحسن أبو النور : هل زى ما قالوا إنه كان فيه صراع على السلطة أدى إلى ذلك ؟

• لا أعتقد إن أى صراع على السلطة يصل مهما كان .. إلى حد الخيانة .. »

• بتسميها خيانة ؟

• « مش عاوزة شك .. ماوصلش إلى حد الخيانة إنه يصدر أوامر بحيث إن القوات تخسر هذه

الخصائر فى سبيل إنه ينتقم من العنصر اللى عاوز ينتقم منه .. أعتقد إن هذا مش بيحصل أبداً ..
هو سوء تقدير » .

• وأسأل برلتنى عبد الحميد : مين اللى أعطى أمر الانسحاب ؟

• « أمر الانسحاب معروف إنه جمال عبد الناصر .. ده حتى خرج من الاجتماع الرئيس جمال عبد الناصر وكان موجوداً أيامها فى القيادة .. ولما شاف الحرب تقريباً خلصت بعدما خلص الطيران .. فقال لهم أنا حاستريح فى حجرة جنبكم .. ودى بيحكىها لى مرتجى .. فقال أنا حاستريح ودخل له زكريا وخرج زكريا .. يقول الرئيس خلاص أمر بالانسحاب .. وأخذ كل القوات .. أنا مش عارفة يعنى دى حاجات معروفة والقواد كانوا موجودين .. والناس موجودين .. وبيتقال عكس الحقيقة ليه .. أنا مش عارفة » .

• بينما يقول عبد المجيد فريد : « عبد الناصر قدّم مع القيادة العسكرية قال لهم اشرهوا لى إزاي لما تتحركوا من قواعدكم غرب القناة لغاية الحدود المصرية .. العريش رأس النقب تروجوها فى ٣ أسابيع من قبل ١٥ مايو لغاية ٤ يونيو .. إزاي تقدرنا وماكانش فيه طيران فوقكم .. إزاي نتصوروا إن يطلع أمر انسحاب كافة القوات الموجودة فى سيناء بالليل تنسحب غرب القناة .. الصبح فى ١٢ ساعة .. الأمر غلط والأمر العسكري غلط .. عبد الناصر ماكانش يعرف هذا الموضوع » .

• وأسأل الفريق أول مرتجى : الانسحاب هل أبلّغت به ؟

• « إطلاقاً .. وأنا كل اللى أعلمه أنى بعد ما اتصلت بعبد الحكيم عامر تليفونياً وقلت له إن الموقف ماهرش خطر بالطريقة اللى الناس متصورها .. مازال عندنا قوات .. ماحصلش عليها هجوم .. وأنا اللي أنا بأقترحه إن إحنا بننقل النطاق الأولانى ده ونروح نمسك به المضائق .. قلت له المضائق أهم حنة ونركز فيها .. وهنا حنقدر نحارب لغاية آخر رجل وآخر طلقة .. حتى قلّتها له بالانجليزى .. قال لى نفذ .. إذن كل العملية أنا اتحركت .. قلت له أنا حننتل من مركز القيادة إلى مركز قيادة حددته له علشان أنا بانضرب بالطائرات .. وأنا فعلاً كنت بانضرب بالطائرات .. وفى الوقت نفسه هذا المركز الجديد حبيقى مركز متوسط بالنسبة للقوات .. أنا قلت الكلام ده لصالح محسن هو قائد الجيش .. لأن أنا ماليش السلطة إن أنا أقول لهم ارجعوا .. أنا كل كلامى عن طريق قائد الجيش .. فنصورت إن العملية دى كلها عملية تنفيذ للاقتراح اللى أنا أقترحه » .

• اللى هو الذهاب إلى المضائق ؟

• « الارتكاز فى المضائق .. الدفاع عن المضائق لآخر رجل وآخر طلقة .. أنا كان معايا المشير أحمد إسماعيل وكمكان الجسمى .. والاثنان ما شاء الله كل واحد منهم بقى مشيراً » .

• حضرتك لما بتقول لى فى الأول .. إن قواتنا كانت قشاً .. ويعدين بتقول نذهب إلى المضائق ونحافظ عليها .. إزاي بهذه القوات القش ؟

• « لأنّ أنا بقصد هنا بالقش إن دول ما تعلموش مايقدروش يحاربوا حرباً خفيفة متحركة .. يعنى إنما لو أقول له أقعد هنا ودافع عن المنطقة دى حيقعدوا وحيدافعوا » .

• **ويعدين ؟**

• « إحنا قاعدين بصيت لقيت قائد البوليس الحربى .. سعد زغلول عبد الكريم .. دخل على فى المركز الجديد ده .. قال لى يا فندم أنت بتعمل إيه ؟ قلت له بنحارب يا ابنى أنت مش عارف إن إحنا بنحارب « بأتريق طبعاً » .. قال لى ده كل القوات انسحبت للغرب .. وأنت القيادة الوحيدة اللي موجودة .. وممكن قوى اليهود يمسكوك ويأسروك » .

• **وعملتم إيه ساعتها ؟**

• « قلت له مش ممكن يستحيل .. قال لى إذا ماكنتش مصدقنى سيادتكم .. تيجى معايا ومحمد فوزى موجود فى السويس .. بيدى تعليمات جديدة بتوزيع القوات .. بعد إيه .. بعد الانسحاب .. وأخذت أحمد إسماعيل وقلت للجمسى تستنى فى مجلس القيادة .. ما هو أنا إيه « متغوش » .. وطبعاً عملنا ميعاد لتولية اللاسلكى بينى وبينه .. ورحت فعلاً للسويس لأن كنا قريبين طبعاً من السويس .. ولقيت فعلاً محمد فوزى يقول لى خلاص يا سيدى صدرت تعليمات بإيقاف إطلاق النيران » .

• **وبعد إعلان الحقيقة المؤلمة على الشعب الذى خُذع .. أصيب بصدمة بالغة بسبب هزيمتنا فى ٦ ساعات ..**

• **ويقول د . عبد العظيم رمضان :** « قال محمود الجيار الذى كان قريباً من عبد الناصر ومقرباً معه .. وأعتبره مصدراً من المصادر المؤكدة .. إن عبد الناصر كان مهتسماً بعد الهزيمة .. وأنا فسرت أنه ينتم مع فجعية الهزيمة .. لأن الجيش لم يكن له أى سيطرة عليه .. » .

• **ويقول د . مصطفى محمود :** « اختار عبد الناصر المبدأ الخطأ .. اختار المبدأ الاشتراكي وكانت النتيجة انهيار اقتصادى كامل .. قفالت بمشهد ختامى درامى وهزيمة ساحقة .. ومع ذلك استمر الخطأ والتسرع عليه » .

• **وقرر الرجلان .. عبد الناصر وعامر .. التخلّى عن موقعهما .. بعد شعورهما بالمسئولية والعار ..**

• **وتقول هدى عبد الناصر :** « لم نقرب من والدى يوم التحدى .. واحترمنا رأيه ولم نتدخل » .

• **واتفق عبد الناصر مع عامر على ترشيح وزير الحربية شمس پدران لرئاسة الجمهورية خلفاً له .. لكن عبد الناصر أعلن أنه رشح زكريا محبى الدين ..**

• **وقال أحمد حمروش إن زكريا محبى الدين قال لجمال عبد الناصر :** « أنت من حقك أن تتنحى .. ولكن ليس من حقك أن تعين رئيساً للجمهورية بدلاً عنك .. وأنا إن أقبل هذا التعيين » .

- وأسأل سعيد حليم : لما تنحى الرئيس عبد الناصر بعد ٦٧ رشح السيد زكريا محبى الدين وقال « أخى وزميلي وصديقى زكريا » هو الذى يتولى بعدى .. تفكرت فيه ؟
- « كان التغيير هذا اقترحه جمال عبد الناصر .. ورفض زكريا محبى الدين هذا الموضوع .. وبالتالي جمال عبد الناصر استمر بناء على طلب الجماهير » .
- « هل لو كان زكريا وافق كان ممكن يحدث تغيير ؟
- « يعنى هل كان يمكن إن الواحد يتصور إن السيد أنور السادات يصبح رئيسا .. مآكاش يتصور كل ده .. حاجات ما أقدرش أقول فيها حاجة » .
- ويقول د . يونان لبيب رزق : « كان زكريا قرباناً على منبح ٦٧ » .
- وأسأل عبد اللطيف بغدادى : هل كان متفقاً مع عبد الحكيم أنهما يستقيلان معاً ؟
- « كانا اتفقا على إنهما يجيبوا شمس بدران رئيس جمهورية .. فأنا سألت عبد الناصر فيه .. إيه الذى خلاك تفكر فى شمس بدران .. لا خبرة ولا شخصية ولا يصلح إطلاقاً لهذه العملية غير إنه كان الرجل بتاع عبد الحكيم وبتاعك .. قال ما هو كنا فى وقت مضطرب وأزمة حادة .. فاللى خطر على ذهننا شمس بدران .. ورجعت فكرت تانى قلت زكريا .. واحد منّا وله خبرته وعلاقته بالأمريكان كويسة .. كان يقدر يعمل حاجة .. قلت له لأنك أنت فى خطبك مآقنتش شمس بدران .. قلت زكريا محبى الدين .. فعبد الحكيم كان بيستمع للتليفزيون ضرب الترابيزة اللى أمامه برجله .. قال لى عرفت منين .. من المجموعة بتاعته اللى كانت قاعدة معه .. قلت له قام علشان يروح الإذاعة .. علشان يلقى بياناً هو الآخر .. فقال لى حصل .. وجمال عبد الناصر أعلن اسم زكريا .. راح زكريا فوجئ .. راح جرى عليه بعد الخطاب .. قال له أنت لا تملك أنك تصدر هذا القرار .. واتهاى له إنه توريطه له .. جاية بعد هزيمة ولخبطة .. ورفض زكريا .. وبعدين زكريا عمل بياناً .. قال فيه الذى يستمر فى القيادة جمال عبد الناصر » .
- « وليه زكريا محبى الدين بيرفض تماماً الكلام ولا ينلى بأى حديث ؟
- « أخذ نفسه القاعدة دى .. أو المبدأ ده .. من البداية » .
- « هل لإخفاء أشياء مايحش أنه يقول عليها ولا إيه ؟
- « زكريا حريص إن مآدش يسأله .. وهو على حق .. وأنا كنت عاوز أعمل كده زيه .. بس إنت بقى إلحاحك .. علشان كده تجاوبت معاك .. رغم تمنى كذا مرة » .
- « ويقول عبد المجيد فريد : « هو الذى كان رشحه كان زكريا محبى الدين .. أنا سمعت هذه القصة منه .. وبعدها رجع تانى .. أول واحد عربى جاء فى الاجتماعات العربية الرئيس بومدين .. اجتمع معه فى المكتب وكنت موجوداً .. بومدين قال له إيه الحكاية .. احكى لنا إيه اللى حصل .. قال له حصل كذا وكذا فى الجيش .. وجاء عند حنة زكريا محبى الدين وقال ..

وأنا فكرت في مين فاخترت زكريا .. لأن زكريا الأمريكان جيعتبروه وجهاً جديداً واتجاهاً جديداً بقنوا معه مايقنوش الوقفة التي كانت معي .. والاتحاد السوفيتي حيحاول إنه يرضيه علشان يبقى متعاوناً معهم .. استمراراً لخطتنا .. بالإضافة إلى أنني بأشوف زكريا كرجل دولة في إدارة قضايا الدولة .. أنا شايف زكريا أكثر الموجودين في إدارة الدولة .. عبد الحكيم عامر كان مرشحاً شمس بدران .. دى الحقيقة .. أما بالنسبة لعبد الناصر ماغيرش .

• وهل المشير كان رايح الإذاعة يلقي بياناً مقابل بيان الرئيس ؟

• لا أظن .. لا أعرف هذه القصة .. بس أعرف المشير .. ورجاله كانوا تعبانين جداً .. ماكانوش يتصوروا هذا البيان .. لأن معناه سقوط دولة الجيش والمؤسسة العسكرية .

• وأسأل برلنتى عبد الحميد : هل اتفق الرئيس عبد الناصر والمشير عبد الحكيم عامر على من يخلعهما ؟

• طبعاً هما متفقين يوم ٨ بعد قرار مجلس الأمن .. اتقابل جمال عبد الناصر وعبد الحكيم عامر وشمس بدران وقعدوا واتفقوا إنهم لازم يستقيلوا .. ولازم يجيبوا وجهاً جديداً ينفع يتعامل مع الغرب .. وحتى رشع زكريا وحاجات زى كده .. فعلى طول الناس دى راحت على زكريا .. علشان تضربه بالطوب .. علشان مايرضاش .

• ويقول جمال عامر : لما جاء قرار التنحي واتفق والدى مع الرئيس عبد الناصر على التنحي .. هما الاثنان مع بعض .. فوجيء والدى في ذلك الوقت .. إن الرئيس جمال عبد الناصر أعلن القرار لوحده .. ولم يذكر اسم والدى .. كانت النتيجة إنه ثار وكلم الرئيس عبد الناصر وقال له أنا حاروح أنكلم في الإذاعة عن استقالتي .. وبناء عليه .. راحت نازلة بعدها بس كانت متأخرة .. نتيجة لهذا .. الناس حست إن الرجل ده فضل متكالب على مركزه .. وإن هو اللي قاعد وإنه سبب هذه المشكلة .. فكان فيه نوع من الإثارة ضده .

• وأسأل مصطفى أمين : رأى حضرتك في تنحي الرئيس عبد الناصر سنة ٦٧ ؟

• هو كان واثقاً إن البلد ستقف معه وتعيده للحكم .

• ويقول عبد المجيد فريد : التنحي أنا لمسته كأمين عام رئاسة الجمهورية .. في إنه طلب منى السكرتير الخاص للرئيس إعداد فسر القبة وهو من أحد مسؤولياته لأن الرئيس جاي بعد الظهر الساعة ٦ علشان يقول بياناً هاماً يوم ٩ يونية .. فانتظرت في القصر لغاية ما جاء الرئيس .. وجاء عادى جداً .. ووشه عجز كذا سنة .. ولوحده .. وطلع في الصالون .. المكتب جاوز .. قلت له يعني سيادتك المشكلة اللي أنت فيها إاما واجهت مشاكل زى كده .. وإن شاء الله حتقدر تواجه هذه المشاكل والقضايا وتعيد الثقة والبناء .. كلام يقال في هذه الظروف .. مارنش على .. كأنه مش موجود معايا .. دخل المكتب وابتدا بقرأ البيان .. بيان التنحي .

• وأسأل د . ثروت عكاشة : تنحي الرئيس عبد الناصر واختار زكريا محيي الدين .. وعقدتم

اجتماعاً فى منزل الرئيس عبد الناصر .. وبرنامجك .. لتطلبوا منه إنه يراجع نفسه ويتراجع .. فالنتيجة كانت إيه ؟

• « أنا بالصدفة كنت أقدم الوزراء الموجودين فى تلك اللحظة .. واستشرت زملائى لكى تعقد جلسة ننظر فيها الموقف عقب للتنحى .. إلى أن جاء الأخ محمود يونس وتولى رئاسة الجلسة ثم جاء رئيس الوزراء بعد ذلك .. وانتقلنا إلى مجلس الوزراء فى مصر الجديدة .. والفكرة التى كانت تدور بأذهاننا إن مجلس الوزراء لا ينبغي أن يتدخل فى موضوع التنحى أو عدمه .. فذلك أمر متروك للشعب أو لمجلس الأمة .. غير أن الأوامر صدرت وقتذاك بعدم الخوض فى هذا الموضوع » .

• ويقول أحمد أبو ناز : « عاصرت هذه الأحداث والمثير كان غضباً لأنه كان ثائراً وقال إحنا اتفقنا إن إحنا نتنحى ونمسيب البلد للناس اللي يقدروا يديروا هذه البلد .. ولكنه خلى بى .. ورجع تانى بترتيب من سامى شرف .. وأمر محمود طنطاوى وقال له روح بلغ استقالتى وضيعها فى الإذاعة .. أنا غير موافق .. فراح محمود طنطاوى وأذاع استقالة المثير » .

• وأسأل الفريق أول عبد المحسن كامل مرتجى : تذكر إيه عن موضوع تنحى رئيس الجمهورية ؟

• « أنا سمعت .. ما أقدرش أقرر بالضبط .. اتفق الرئيس عبد الناصر مع المشير عبد الحكيم عامر إنهم الاثنين يتنحيان .. ده عبد الحكيم عامر هو اللي قال لى هذا الكلام .. وبعد كده طلب عبد الحكيم عامر أن يلقي بياناً زيه .. فعبد الناصر هو اللي ألقى البيان ماخلش عبد الحكيم عامر يلقي البيان .. يعنى فى وجهة نظرى العملية كانت مفبركة ويعنى فيه شيء من الدعاية أكثر من اللازم .. يعنى الناس تقوم وتهتف لعبد الناصر نانى .. دى كلها قطعاً فيه يد كانت بتحركها .. لأن عبد الناصر قال لى .. هل فيه دولة فى الدنيا يحصل فيها ما حصل والنظام بيمستمر زى ما هو بعد ٦٧ .. وأنا قابلقه بعد ٦٧ قلت له بقى إن كان اتفق مع عبد الحكيم عامر لما قعدوا واتكلموا إن شمس بدران يبقى رئيس الجمهورية .. قال له يا عبد الحكيم ماتجيش سيرة .. ده كان بالليل شمس بدران .. وبعدين أنا بأنفك كلام عبد الناصر .. قاله لى .. أنا رحمت مكتبى تعباناً جداً .. أخذت نوماً ونمت .. صحيت الصبح استغربت إزاي أخلى واحد زى شمس بدران يبقى هو رئيس الجمهورية .. وابتدا يقول فيه حاجات .. يعنى ماهياش كويسة .. فلفى هذا الموضوع من فكره .. وقال لى إن عبد الحكيم عامر كان فى ذلك الوقت أخطر شمس بدران .. ويقول إن شمس نام الليلة وهو يحلم برئاسة الجمهورية » .

• ويتذكر شمس بدران الذى كان مرشحاً لرئاسة الجمهورية هذه الواقعة فيقول : « كان فعلاً حيثنحى .. وكان فى الوقت ده حوسل البلد للى يقدر يمسكها من القوات المسلحة .. مين حوسل البلد .. اللى مسيطر على القوات المسلحة .. مين مسيطر على القوات المسلحة .. أنا .. بعد عبد الحكيم عامر وهو لما يمثنوا .. أنا اللى حابقتى مسيطر على البلد .. هو كان بيحنى جداً .. وقال علوز دماً جديداً .. مايمشيش الكلام ده مع زكريا طبعاً .. فالبيدادي قفشه فى هذه

الحكاية .. ولما يحصل للتحتى تقوم مظاهرات شعبية ويرجع تانى .. فقال لى عموماً إحنا غيرنا الموقف دلوقتى لتركيا .. وهو بقى مافيلش زكريا علشان خاطر الأمريكان .. لكن هو قال زكريا لما غير رأيه .. وقرر إنه يرجع تانى !! » .

• بتقول فى مذكراتك التى لم يقرأها الناس بعد إنه كان فيه قراران للتحتى ؟

• « آه .. كان فيه قرارين للتحتى » .

• أولاً كان فيه اتفاق بين الرئيس والمشير على التحتى معاً ؟

• « آه .. هو أنا ح أقول لك بالضبط .. المعركة لما حصلت .. عبد الناصر ما اشتراكش فيها كان مبتعداً خالص .. بس هو اشتراك قبل ماتحصل .. يعنى قال لنا حركوا القوات .. قالها لعبد الحكيم عامر .. أنا مش مسئوليتى أنا .. مش موضوعى أنا .. قال لعبد الحكيم عامر يحرك القوات إلى المنطقة الشرقية .. وبعد ما انتهت المعركة .. ولما انسحبت القوات .. عبد الحكيم عامر كان عنده نية الانتحار .. بيعت للبيت بتاعه جاب شنطة .. وأنا أعرف هذا لأنى دخلت عليه كذا مرة فبقى يخفى الشنطة .. وأنا عارف إن فيها حاجة .. فكلمت أقرب واحد له أخوه حسن عامر .. طلبته لقيته فى العراق .. فقلت أطلب الرئيس .. قلت له ييجى .. قال أنا آجى أعمل إيه .. إنتم اللي ماسكين العملية كلها .. أنا ماليش دعوة أنا مالي .. قلت له بصراحة أنا حاسس إن عبد الحكيم عاوز يترك ويرتاح .. وعاوزك تيجى علشان تلحقه .. قال بس أنا آجى وأريحه خالص .. وحاملك أنا القيادة وكل حاجة .. لأن هو أعصابه فلتت » .

• ده كان إمتى يافندم ؟

• « كان قبل يوم التحتى بيوم » .

• يعنى يوم ٨ ؟

• « آه .. وأصبح عبد الناصر فى دماغه إن عبد الحكيم عامر كان حينئذ .. يعنى معناه إنه سلم أموره خلاص .. فجاء القيادة .. كان فيه مجموعة من أعضاء مجلس قيادة الثورة ورئيس الوزراء صدقى سليمان ومجموعة من الناس .. جاب عشاء .. وخلصوا العشاء .. وبعدين الناس كلها مشيت .. دخل هو وعبد الحكيم فى أوضة لوحدهما .. انتقل عليهما الباب وانكلما شوية .. وخرج روح » .

• وكان مبتسماً كما ذكرت فى مذكراتك ؟

• « الرئيس كان مبتسماً وكان مستريح البال جداً .. لما عرف إن عبد الحكيم عامر عاوز ينتحر .. رى ماتقول اتخلص من ثقل كبير قوى كان عليه .. ده اللى حسيته .. كان جاي بروح معنوية عالية جداً .. بينكت ويهزر كأن مافيش حاجة حصلت .. ده الرئيس جمال عبد الناصر .. والثانى عبد الحكيم عامر كان فى حالة هدوء غير طبيعى يعنى هدوء واحد سلم أمره الله .. ومش حقيقى موجوداً بكره الصبح .. حقيقى فى علم الغيب .. بعد ما خرج ناصر .. قال لى

المشور دلوقتى إحنا اتفقنا على إن إحنا الاثنين نتتحى .. والبيان حيطلع بكرة .. وعبد الناصر اقترح إنك أنت تبقى رئيس جمهورية .

• إنت شمس بدران ؟

• آه .. وأنا بأقول لك إن عبد الناصر اقترح مش أنا .. ما معناه إن هو ماكنش موافق على الاقتراح .. وإن عبد الناصر اقترح هذا الاقتراح .. وإن عبد الحكيم ماكنش موافق عليه .. بس ماقاليش إن أنا ماكنتش موافق .. لأنه يعنى حبقى فيها مسخافة .. قلت له لأ أنا كمان مش موافق على الموضوع ده .. فقال لى اتفاهم معه .. أنا ماليش دعوة بالموضوع .. هو اللى رشحك مش أنا .. ثانى يوم طلبته أنا فى التليفون علشان يجى .. قال لى أنا أجى أريجه .. قلت له لا تريجه ولا حاجة .. هو نفسه حيمتريخ .. هو نفسه حيمشى إذا ما انتحش .. هو نفسه خلاص انتهى .. حيسب السلطة والقيادة وأنا كمان ماثنى معاه .. قال لى لأ لأ .. ده أنا عاوزك جداً يا أستاذ .. قلت له عاوزنى فى إيه .. اتكلم بقى الكلام اللى أنا قلته مع عبد الحكيم عامر وقال لى عرفت أنا كنت بأقول لك أنا كنت عاوزك ليه .. وقلت له أنا مش موافق على هذا الموضوع .. فقال لى أنا غيرت رأيى تانى وشفت إن زكريا محبى الدين .. الكلام ده تانى يوم الظهر .. زكريا محبى الدين يبقى رئيس جمهورية .. لأن بصراحة يا شمس الأمريكان عاوزين رأسى .. وأنا حاديهم رأسى .. وأجيب زكريا الرجل بتاعهم .. يقوم بقدر بتفاهم معاهم ويخلص مصر من المشكلة اللى هى فيها .. أنا الحقيقة بكيت .. يعنى برضه .. واحد بيضى بنفسه فى سبيل بلده .. لكن الحقيقة ماكنتش كده .. اللي طهر بعدين إن هو غير رأييه من شمس بدران إلى زكريا .. لأنه قرر العودة .. لو كان أعلن إن شمس بدران حقيقى رئيس الجمهورية .. كان حيزعل منه كل الناس الكبار .. اللي هم أكبر منى بـ ١٠ - ١٥ سنة .. حيزعل زكريا محبى الدين .. وحيزعل أنور السادات .. وحيزعل على صبرى .. وحيزعل حيزعل يقول شمس بدران لأنه حيزعل كل الناس دى .. اللي حيرجعوا يشتغلوا معه .. إنما إذا كان عاوز يتتحى ومايرجش .. وفى تصميمه إنه مايرجش .. حيقول شمس بدران يجى محلى ومايهموش الباقي دول .. لكن هو كان يفكر فيها تفكيراً جاداً من الأول .. إن هو يتتحى نهائياً ومايرجش خالص .. وعلشان كده دار فى خلدّه إنه يعين شمس .. لما رجع غير رأييه إنه يرجع تانى .. غير من شمس بدران لزكريا محبى الدين .. علشان مايزعلش الناس اللي حيرجع لهم تانى .

• طيب إيه اللي خلاه يغير رأييه فى تصورك ؟

• آه .. ده مؤال عويس جداً .. ده حيؤدى إلى الكلام عن موضوع تانى .. لما بعنا جيبنا السفير الروسى قبل البيان ما يطلع بصاعات .. يعنى الساعة ٥ .. البيان اتذاع افكر الساعة ٧ .. السفير الروسى كنا مدينه عربيه بوليس حربى .. علشان يقدر يتحرك فى القاهرة بدون عوائق .. فجاء السفير الروسى وعبد الحكيم عامر قال له أنا خلاص .. أنا حأتتحى وحاسيب القيادة .. فقال

له طيب .. وما اهتمش يعنى .. فقال له مش أنا بس عبد الناصر كمان .. قال له إيه .. جمال عبد الناصر .. وأخذ بعضه وطار رجع السفارة علشان يعمل اتصالات بموسكو .. وبعد ما وصل السفارة .. مايفش بخمس دقائق كلمنى فى التليفون وقال لى أنا عاوز ميعاد من جمال عبد الناصر .. عبد الحكيم عامر قال له ده جمال عبد الناصر كمان حيتنحى وحينع الببان الساعة ٧ .. بعد ساعتين يعنى .. علشان كده نط .. وقال لى أنا عاوز أقابل جمال عبد الناصر فوراً دلوقتى .. فوراً أرجوك تخليه يوقف إذاعة البيان لغاية أنا ما أقابله .. يعنى معناها إن دى ماتفولش تنحى .. واستنى فى مكانك بلاش تنتحى .. فقلت له أنا حابغ الرسالة .. فكلمت عبد الناصر قال لى لا أنا مش جأوقف البيان .. بس خليه ييجى دلوقتى .. فكلمت السفير .. راح قابل جمال عبد الناصر قبل إذاعة البيان على طول .. قال له إيه طبعاً ماحدث كان قاعداً معهم علشان أقول لك قال له إيه .. لكن بالاستنتاج كده .. لما السفير يقول خليه يوقف البيان ومايقولهوش .. معناها إن الروس بيقولوا له ماتخليهوش ينتحى .. فهو ماسمعش كلامهم .. وقال لأحيتنى .. معناها إيه .. إنه حيتنحى ونأوى يرجع تانى .. فهو مااهتمش بطلب الروس إنه ماينتخاش لأنه حيرج تانى .. والقيادة الروسية عاوزاه يستنى فى منصبه ماينتخاش .. لأنهم مش فاهمين إن التحدى حيقى فيه عودة .. هم فاهمين التحدى يعنى تنحى .. وقالوا خليك فى محلك لأن المسؤولية الأساسية فى العملية دى مسئولية عسكرية .. وعبد الحكيم عامر حيمشى وأنت ممكن تحاكمه بعد كده .. يعنى خلى المسؤولية كلها مسئولية عسكرية .. وإنت خليك فى موقعك وحذيك الدعم اللى إنت عاوزه .. الطيارات اللى كنا بنطليها منهم وكانوا بيقولوا مانفترض نجيبها .. لأن الموقف بيتساعد .. بعثوها تانى يوم .. وجاءت طيارات الميج مفكوكة فى طائرات توبوف كبيرة كل طائرة بنشيل ٢ ميج .. جناحتهم مفكوكة بيجوا فى ٥ دقائق يركبوها .. وبعثوا له لواء مدرعات و ٧٠ دبابة .

• وعملنا بها حاجة ؟

• أخذها الحرس الجمهورى .. والخبراء الروس قاعدين يعدوا الدبابات .. فبين الـ ٧٠ دبابة مش لاقينهم .. راحوا فون .. ماحدث يحرف .. لأنهم راحوا للحرس الجمهورى .

• ليه ؟

• الله .. لحماية عبد الناصر .. ما دبابات الحرس الجمهورى اللى كانت فى الحرب اتكسرت .. أهم حاجة الدبابات اللى تيجى .. تروح الحرس الجمهورى .

• طيب خطبة التحدى حصل فيها تغيير أو تعديل ؟

• هو بيان الرئيس للتحدى ائتثال منه اسم شمس بدران واتحط اسم زكريا .. لما اتحط اسم زكريا ماتئتالش الحواشى اللى مع شمس بدران .. وإن القيادة الجديدة حبتقى شباب .. الخ .. الكلام ده كله مايمشيش على زكريا .. زكريا مش شباب .. هو شال الاسم بس .. وهيكل نسي يشيل الحواشى اللى حول اسم شمس !! .

* ويقول عبد اللطيف بغدادى : « قال لى عبد الناصر .. محمد أحمد لو تلاحظ وأنا بألقى خطاب التنحى بتاعى .. قدم لى ورقة .. والكاميرا راحت من على لحظة .. ورقة بتقول عبد الحكيم منحه إلى الإذاعة لإلقاء بيان .. فأنا عملته كده .. امنعوه فمنعوه .. هنا ابتدا الخلاف بين الاثنين » .

* وأسأل شمس بدران : كان فيه ورقة انتقدت للرئيس زى ما حضرتك قلت لى .. ساعة ما كان بيلقى الخطبة ؟

* « آه هو عبد الحكيم عامر رجع لعب فى عيه الفأر .. لما لقاء غير من شمس بدران لذكريا .. هو ماأقاليش حاجة أنا بأستنتج .. عبد الحكيم عامر قال بيبغير ليه » .

* هو كان بيسمع البيان زيه زينا ؟

* « ما هو لصه البيان ماانتداعش بقى » .

* قبل إذاعته ؟

* « وهو فى العربية مروح بيته .. عبد الحكيم عامر حيسمع البيان فى البيت .. فلعب فى عيه الفأر .. إيه اللي خاله بغير من شمس بدران لذكريا .. لازم فيه حاجة .. يبقى لازم حيرجع تانى .. فراح متكلم فى التليفون عنده لاسلكى فى العربية .. كلم الرئاسة وعبد الناصر بينزع البيان .. فقال لمحمد أحمد السكرتير هناك .. قال له دخل لعبد الناصر ورقة دلوقتي اكتب فيها شمس بدران بدل ذكريا .. فمحمد أحمد دخل الورقة فعلاً .. وطلعت فى التليفزيون .. وبص فيها وراح مطبقها تانى وكمل بيانه وماغيرش زى ما عبد الحكيم عامر قال له .. لأن كان فى دماغه خلاص إنه يمشى فى الخطة الجديدة اللي هى خطة العودة » .

* قلت لى الآن إنه قال إن المشير هو اللي اقترح اسم شمس بدران ؟

* « ما هو اتعرف بعد كده من صياغة البيان .. أفنكر بغدادى راح له وقال له إن البيان بيقول حنتركها للشباب والجيل الجديد .. ذكريا من الجيل القديم .. كان فيه حد تانى فى الأصل .. فقال له عبد الحكيم عامر كان اقترح شمس بدران وفرضه على .. ما هى دى بقى الميكافيلية .. هو ميكافيلى أكثر من ميكافيلى نفسه !! وقال للناس كلها وعمل مؤتمرات .. واجتماع للاتحاد الاشتراكى وخلافه .. قال فيها إن عبد الحكيم عامر هو اللي اقترح شمس بدران رئيس للجمهورية .. واللى أوحى له بالكلام ده الورقة اللي عبد الحكيم عامر دخلها له وهو بيقول الخطبة يعنى ماكانش بيكتب .. أو كان بيكتب ومابيكنبش » .

* وأسأل سامى شرف : هل فعلاً كان مكتوباً فى الخطبة إن الرئيس كان بيرشح الوزير السابق شمس بدران ثم غيرها إلى النائب ذكريا محيي الدين .. وهل دخلت فعلاً ورقة فى أثناء حديثه من المشير عامر ؟

* « ليلة التنحى كان الرئيس فى القيادة العامة ووصلوا فى مناقضاتهم إلى قرار بأن القيادة السياسية

والعسكرية مسئولتان .. وإن الحل هو التنحي .. وليأمر الشعب ما يأمره .. الرئيس وهو خارج
 بص للمشير عبد الحكيم عامر وقال له إيه رأيك يا عبد الحكيم ؟ .. قال له شمس بدران ..
 وشمس كان واقفاً .. الكلام ده كان الساعة ١١ أو ١٢ بالليل .. ورحنا البيت وهو فى ذهنه يفكر
 إيه اللي يحصل .. الترتيبات المستقبلية .. وصل إلى قرار وقناعة بالتنحي .. لما وصل بيته
 يقول لى .. أنت مش ساكن فى فيلا .. جهز لى أوضة .. الكلام ده بجد ومش بهزار ..
 وأسأل المدام أمى موجودة .. أسألتها إنت .. جهزت أوضة ولا لأ .. كان يعنى مصرأ على
 التنحي .. وفى حديث طويل عريض دار بينى وبينه حول التنحي وعدم التنحي وردود الفعل
 اللي تحصل إيه .. والموضوع قصة طويلة عريضة .. ووصل الرئيس بعد كده الساعة ٢
 صباحاً .. وكان هيك موجوداً فى هذا الوقت .. إنه بيعلم التنحي وفكر فى الوجه المقبول ..
 القوة التى تريد أن تنتزع جمال عبد الناصر من على هذه الأرض .. وشخص يكون وطنياً ..
 ويكون مرتبطاً بنظام ثورة ٢٣ يوليو .. ومحافظاً على هذا النظام .. وجه مقبول على قدر
 الإمكان .. زكريا محبى الدين رجل وطنى .. هو اللي عمل أمر العمليات بتاعة الثورة ..
 وعندما اختلف زكريا مع جمال عبد الناصر طوال فترة الثورة .. عمره ما تأمر ولا انتقل
 عليه .. بل لغاية النهارده هو لم ينطق .. وهو من أشرف الناس الذين عملوا إلى جوار
 عبد الناصر .. فوق الاختيار على زكريا محبى الدين واتفق مع هيك .. أعطى له نص
 البيان .. وحصل نقاش .. أنا حضرت هذا النقاش .. إن الرئيس قال بتحمل المسؤولية .. هيك
 قال له جزء من المسؤولية .. لأن فيه مسئولية عسكرية .. قال له أنا رئيس الدولة وأنا القائد
 الأعلى .. فأنا المسئول بتحمل المسؤولية .. هيك قال له نصيبى من المسؤولية .. فقال له لأ ..
 بتحمل المسؤولية بالكامل .. الرئيس راح فيه ناس كثيرة بتخبرك كلام ومش عارفة اللي حصل
 إيه .. يقول لك عمل الخطاب متسجل ومتذاع من البيت .. لأ خطاب الرئيس اتعمل واتحضر
 واتعمل و .. و .. واتخط .. اتحمل المسؤولية كاملة .. وطلع الرئيس على القصر الجمهورى
 بالقية وألقى خطاب التنحي منه .. وإحنا واقفين حول الرئيس .. تليفون ضرب رد عليه الأخ
 محمد أحمد .. عبد الحكيم عامر يقول له : قول للرئيس يبطل كلام إحنا ما اتفقناش على كده ..
 ولازم يعلن تنحيتى أنا كمان معاه .. رئيس الدولة بيتنحى الموضوع غير وارد خلاص بقى ..
 الرئيس ركن الورقة على جنب .. وبعدما حاول المشير عبد الحكيم عامر إنه يتصل بالأخ محمد
 فليق .. كان وزير الإعلام .. وقال له أنا عاوز ألقى بياناً ..

• وكانت ثقة الناس بعد الناصر وقدرته على التحدى باقية .. وأصر الشعب على بقاء
 عبد الناصر فى يومى ٩ و ١٠ يونيو ..

• وتقول برلنتى عبد الحميد : « المعروف قوى إنه كان بيدى أوامره .. ويقول لأفراد الاتحاد
 الاشتراكى كلهم يفضلوا فى أماكنهم مايمشوش .. ولما تخلص خطبة الرئيس كله ينزل .. فكله
 نزل .. وبعدين مكانش فيه أنوبيسمات فى الشوارع والناس فضلت واقفة فى الشوارع ..
 ويقودهم ناس من الاتحاد الاشتراكى .. والصحفية زميلتى دى قالت إن ناس كثير قوى شافوا
 إنه كانوا ببشيلوا يافطة عامر اللي كانوا متعودين عليها .. يافطة - ناصر - عامر .. وكانت

فيه يفظ جاهزة مكتوبة والبوية ناشئة وكل حاجة بتقول « ناصر ونرفض » .. يعنى حاجة كنه كانت معموله ومصنوعة بطريقة مكشوفة جداً .

• وأسأل أحمد طعيمة : هل حدث تجميع للحشود الشعبية يوم التتحي ؟

• « لأ أنا بأعتقد إن كان فيه رد فعل شعبي خطير .. ورد الفعل ده ماكناش صنعياً .. فده جاء تلقائياً وطبيعياً .. ماحدش يقدر يقول إنه حركه .. أنا بأديك مثلاً .. زى نفترض واحد ضير وفيه واحد بيصعبه وهو معتمد اعتماداً كلياً وجزئياً عليه .. وثقته فيه تامة ١٠٠% .. وفي خلال سيره في الطريق فوجيء الأعمى بإنه وقع في بير .. لو تصور هو في هذه اللحظة إن الرجل اللي كان بيصعبه ومعتمد عليه قال له السلام عليك أنا ماشي وسايك بجري له إيه ؟! » .

• بس هل كان الشعب ضريراً ؟

• « أنا بأدى مثلاً .. الشعب مش ضرير .. ولكن كان مسلماً القيادة تماماً لجمال عبد الناصر .. ويثق فيه ثقة عياء .. وبعدين الفترة اللي عاشها جمال عبد الناصر قبل مصيبة ٦٧ برهن فيها للشعب المصري إنه زعيم وقائد .. ويقود معارك التحرير .. ده مش معارك التحرير لمصر معارك التحرير خارج مصر .. فكيف يمكن أن يتصوروا إن تبجي الهزيمة دى على يد عبد الناصر .. زى ما يكون بصوا لقوا أنفسهم في بير .. البير ده عاوزين يطلعوا منه .. اللي نزلنا فيه هو اللي يطلعنا منه .. مش حد ثاني » .

• ويقول عبد المجيد فريد : « أقول لك .. إحنا المكتب اللي قال فيه البيان ده كان الساعة ٦ .. وبعدين كان الرئيس لوحده وأنا كنت موجوداً والسكرتير الخاص كان موجوداً .. وبعدين نزلنا .. وركب العربية وراح البيت في منشية البكرى .. بين آخر كلمة في البيان وركوب العربية وطلوع في الشارع من أمام قصر القبة ٥ أو ١٠ دقائق .. في العشر دقائق دول الحنة بناعة من أول باب قصر القبة لغاية منشية البكرى .. الشارع كله .. العمارات اللي هناك عند مزلقان السكة الحديد وعند خط المترو .. والسيدات بملابسهن العادية والأطفال والرجال .. الكبار والصغيرين .. بصرخوا باريس خليك معانا .. باريس خليك معانا .. مين اللي نزل دول .. فين العصا الساحرية اللي نزلتهم بعد ٧ دقائق من آخر كلمة له » .

• ويقول الفريق أول محمد فوزي : « يوم ١٠ يونية استجاب الرئيس لقرار الشعب بالعودة .. الناس اللي طعنوا في هذه الحكاية وقعدوا يتكلموا يعنى دى فبركة .. وإن ده كلام مش مضبوط .. لكن هي حقيقة موجودة .. وأنا بأقول لك نتيجتها إيه .. لأول مرة في تاريخ العسكرية المصرية يندمج الشعب مع القوات المسلحة تحت هدف واحد هو التحرير .. وبإرادة واحدة فأصبحت الـ ٣ عناصر الموجودة في الدولة .. الشعب والقوات المسلحة والرئيس .. الـ ٣ يجمعهم هدف واحد وإرادة واحدة لأول مرة .. لم يحصل هذا الكلام ده سنة ٤٨ .. لم يحصل الكلام ده سنة ٥٦ .. ماحصلش الكلام ده إلا بعد سنة ٦٧ » .

• **ويقول أحمد سعيد :** « كانت مبايعة لقائد منكسر .. كأنها مبايعة لقائد منتصر .. والإعلام أساساً يجب أن يقوم على أساس محدد وواضح .. وهو إنه مرآة فعلية للجماهير .. المرآة الفعلية للجماهير دى عبارة عن إيه .. عبارة عن نوع من أنواع الانعكاس .. الذى حصل إن جيشنا انكسر .. وكانت النتيجة إن عملية اعلان الانكسار من الممكن أن تكون خطأ كبيراً جداً تجعل الجماهير تفقد سيطرتها على نفسها .. وتتدفع إلى الطريق زى ما اندفعت فى يوم ٢٦ يناير ١٩٥٢ وحرقت القاهرة .. حرقت الفنادق .. وحرقت المؤسسات والمحلات العامة .. غاضبة طبعاً .. هي لا تقصد إنها تعتدى على أملاكها ولكن هي بتعتبر عن سطحها على النظام وعلى السلطة .. طب إنت إزاي تنقل الجماهير .. من جماهير رايحة تل أبيب أو داخلة تل أبيب .. إلى جماهير منكسرة وبهذه السرعة المذهلة فى خلال أيام قليلة .. تنهزم .. فوضع طبيعى إنك أنت لازم تفكر إيه الذى ممكن يخلى الجماهير تنلزم بنفسها وبحماية نفسها وبحماية منشأتها ثم باستمرار المسيرة .. انهزمنا فى معركة .. ما إنجنارنا انهزمت .. وأمريكا ما انهزمت فى فيتنام .. ياما شعوب بنتهزم وبترجع تنتصر .. طب إيه الطريقة التى تعبر بها عن الانكسار الشنيع الذى حدث .. على رغم الإعلام هنا .. الشعب المصرى مهما قول فيه إنه ابن نكتة .. إلا إنه بكاء .. كل ما يضحك يقول .. « اللهم اجعله خير » .. دى إحدى خصائصه الفعلية .. اللون الأسود الذى ليموه الفلاحين واللى ليسوه بنات البلد سنين وسنين ده .. كان جزءاً من الخصائص ويعبر عن القنامة .. (إن علشان تعلن نبأ الانكسار ده يبقى الأسلم إنك تكيه .. إذن اعرض الهزيمة كراحد ميت إنما بقية الأسرة حتعيش .. الأب مات .. الابن موجود .. الأخ موجود .. مامتش الكل .. ودى حقيقة .. لأن دى مجرد هزيمة عسكرية .. يتحرق الجيش .. إنما مصر سليمة .. مصانعها سليمة .. شعبها سليم .. كباريها سليمة .. السد العالى سليم .. كلها سليمة .. مش زى ألمانيا لما اتدمرت وسلمت .. مش زى اليابان لما اتدمرت بالقنبلة الذرية .. إذن القضية قضية جزء قد هزم .. إنما الكل باقى .. إذن أنعى الجزء أنعى .. أخليه نعيماً .. خليه يلطموا .. خليه يعودوا إلى خصائصهم بقاعة الحزن .. ودى أنا بأعتبرها فى حياتى الإعلامية .. بأعتبرها نقدر نقول الذروة .. إن أنا قدرت أحافظ بالناس على البلد » .

• **ويقول د. ميلاد حنا :** « أنا فاكرك كنت فى منشية البكرى ساكن .. وشفت الزحف بالليل .. شيء خرافى .. فالأنياب كيرلس حكى لى قال « هاتوا لى الزعבות » .. يثلف بيها .. وأخذ وأخذ عصابته .. وجرى وراح خبط على الباب قالمه قولوا له كيرلس بره .. ودخل لعبد الناصر علشان يقوله ماتسبيناش .. يعنى هنا كان فيه حنة مشاعر إنسانية متدفقة .. مش رسمية ومش شكلية » .

• **ويقول مصطفى كامل مراد :** « المظاهرات لم تكن منظمة .. الحقيقة إننى شفت بنفسى .. كنت موجوداً فى مصر القديمة وقتها .. الناس تدفقت .. وطبعاً القادات تدفقت أيضاً .. أنا لا أفكر أقول الاتحاد الاشتراكي الذى كان حزب الثورة كان ساكناً .. لكن الجماهير أيضاً طالبت بعودته » .

• وأسأل المشير محمد عبد الغنى الجيسى : عندما قرر عبد الناصر التحيى .. إيه كان رد فعل تلك على الجيش ؟

• « فيه ناس .. جزء من القوات المسلحة قابله بضيق أو بزعل .. على أساس إنه تحيى عن الدولة فى هذا الوقت اللي إحنا مهزومين فيه .. وفيه جزء آخر كانت الحالة السيئة التي كنا عليها فى القوات المسلحة بعد هزيمة يونيو ٦٧ بمرارتها الأليمة .. فى الأسبوع الأول منها .. الناس كلها كانت مشغولة فى عملها العسكري ولم تهتم بالموضوع ده .. يعنى جزء كده وجزء كده .. وما أقدرش أقول الراى العام بالكامل بالنسبة للقوات المسلحة .. النصف مليون .. كان مع هذا الراى أو مع هذا الراى .. لكن أنا عاصرت بعض الضباط وشفت بعض الضباط ممنائين وزعلانيين جداً إن هو تنحى .. وجزء آخر كان لا يبالي .. لأننا كنا فى محنة فى هذا الوقت أضد من المحنة دي » .

• وقامت المظاهرات فى كل أنحاء العالم العربى تؤيد مصر .. كرد فعل متحد للهزيمة من إسرائيل ..

• وكان لقرار العودة فرحة وسط الأحران .. ورحب مجلس الأمة برئاسة أنور السادات بهذه العودة ..

• ويقول كمال الدين حسين : « أنور السادات جاب مجلس الشعب علشان ييايحه علشان يتصرف زى ما هو عاوز .. يعنى توكيل .. وبعد كده أعطوه توكيلاً فعلاً يتصرف زى ما هو عاوز .. بعد الهزيمة » .

• ويقول د . يوتان لبيب رزق : « ظهر فى التلفزيون أحد أعضاء مجلس الأمة يرقص طرباً بعد عودة عبد الناصر .. وأساء ذلك إساءة بالغة إلى مصر .. وعرضت مجلة أمريكية صورتين .. واحدة لإسرائيلي ييكى على ضحاياهم القليلين .. والثانية يرقص فيها عضو المجلس المصرى .. وكتبت تحتها تعليقاً يقول « المنتصرون ييكون .. والمنهزمون يرقصون » » .

• وتسببت الحرب إلى جانب الهزيمة العسكرية والخسارة الكبيرة فى الأرواح والمال .. فى التأثير الخطير على الروح المعنوية للجنود وأفراد الشعب على حد سواء ..

• ويقول محمد أحمد : « وبعدين إحنا رايعين فى مجلس وزراء بعدها بيومين ثلاثة .. فيأقول له معلش كلها كام شهر كده .. قال لى : مش حافدر أحارب تانى .. مش قبل ٥ سنوات علشان أبنى الجيش .. لكن الهموم زادت عليه بطريقة لا يتخيلها العقل » .

• وأسأل سامى شرف : هل الرئيس طلب من الشعب فى خطاب وقال « كفاية نكت بكي » ؟

• « آه .. هي لها سبب .. مش كفاية نكت تكميماً للأفواه .. ابنتت النكت تؤثر على معنويات القوات المسلحة .. يعنى وصلنا للمرحلة الأولى اللي هي نهاية يونيو ويوليو وبدأ العمل الجاد

فى إعادة تنظيم القوات المسلحة .. وإنت بتعيد فى نفس الوقت الروح المعنوية .. بتقوى الروح المعنوية .. كان بيحصل رد فعل بالنسبة لبعض الجنود خصوصا قيل ماتخش العناصر المتعلمة .. يعنى قبل تجنيد خريجي الجامعة والعناصر المتعلمة كان العسكري البسيط العادى بيتأثر بيرجع إلى بلده وأول مايفش قريبه عمه أو خاله أو أخوه بيتريقوا عليه بالتكت .. العملية انتشرت طبعا فى قياس الرأى العام .. وكان عندنا نظام كويس جدا لقياس الرأى العام .. علمى مش بتاع البطاطا هو الذى بيكتب التقارير ولا المكوجى ولا البواب .. لأ ده نظام علمى .. ولسه لغاية النهارده موجود فى مصلحة الاستعلامات .. يعنى حطينا الأساس بتاعه فى مصلحة الاستعلامات بالدرجة الأولى .. أما تقارير الأجهزة الأخرى فكانت ثانوية .. بالنسبة لقياس الرأى العام .. لأن أغلبها مكتبية .. وابتدت الروح المعنوية للقوات المسلحة تتأثر بشكل سلبى .. انتقال له ياريسى دى مشكلة .. فكان حلها فى التنظيم السياسى .. يا إخوانا القصة كذا وكذا وحكى لهم بعض التكت التى تقال بما يمس الروح المعنوية .. ويمس المواطن المقاتل المصرى .. وإحنا عاوزين لأن هو لم يهزم .. وهو ببسعى لأن يأخذ ثاره .. إحنا برضه كمصريين عندنا حكاية الثأر مش حنتصل منها .. موجودة على جميع المستويات .. وبالتالي اتفق الكل على هذا الموضوع .. وهبط بعدها فى قياس الرأى العام .. و CURVE (منحني) الرسم البيانى بتاع الشاتعات انخفض إلى مستوى متدنئ .

• وأسأل الفريق أول مرتجى : ماذا سيكتب التاريخ العسكري عنك ؟

• حيقولوا على مسك قيادة الجبهة .. وهو رجل انظم فى هذه العملية زى ما قال عبد الناصر .. أنا ظلمته ظلم الحسن والحسين .. أنا لم أدر معركة .. لم أخطط لمعركة .. وأنت قبل كده سألتنى وقلت لى إنت مسئول .. آه مسئول زى ما كل واحد مسئول .. مجلس الوزراء مسئول .. مجلس الشعب مسئول .. زى وسائل الإعلام ماهى مسئولة .. زى الشعب ماهو مسئول .. وعبد الناصر نفسه بيقول لى فيه فى الدنيا شعب يحصل له ماحصل ويستنى النظام زى ماهو .

• ويضيف مرتجى : أنا عاوز أقول إن حرب ٦٧ دى علاوة على أن القيادة السياسية وضعت أساساً .. إنها تصعد عمليات القيام بالحرب .. علاوة على كده .. القيادة السياسية تدخلت فى الخطة نفسها .. وطالبت إن إحنا نبعت قوات لرفع .. ونفس القوات ما كانتنشد مستعدة إطلاقاً ومايفش أى نوع من الدراسة .. وهذه الفرقة بالكامل راحت هناك .. وهذه الفرقة ماعملتش أى حاجة غير إنها رجعت قبل ما تبدأ فى حفر خنادقها .. هنا خطأ التدخل السياسى فى الخطة العسكرية اللى كانت موجودة من الأصل .

• والمسئول هو الرئيس عبد الناصر ولا المشير عبد الحكيم عامر ؟

• المسئول هنا النظام الشعبوى اللى كان موجوداً .. يبقى عبد الناصر .. كان بيقول .. وعبد الحكيم مايقولش لأ .. والمفروض إن عبد الحكيم يعترض على هذا كرجل عسكري ..

إنما الناحية السياسية هي التي كانت مسيطرة على دماغهم وتفكيرهم .. لأن الرئيس يقول خلاص .. كل الناس ينتفض .. لكن الناحية الحربية مش طالبة ده .. مش عاوزة هذا الشكل .

* **ويقول نجيب محفوظ :** « دى هزيمة الحقيقة فضلنا نوضيها لروحنا .. يعنى اللي كان باين لنا من الداخل .. لمياستنا وأسلوبنا وإدارتنا ولكل شيء .. ولأخلاقنا ولكل حاجة .. أضعنا أنفسنا .. وانتشر الفساد .. ونفس الجيش حصل فيه عبث كثير .. والسياسة أفسدته زيادة .. وحملة اليمن .. يعنى عملنا فى روحنا حاجات .. توضب أحسن توضيباً لهزيمة محترمة » .

* **هل الديمقراطية هي السبب ؟**

* « اختفاء الديمقراطية سبب جميع الكوارث زى ما شرحت لك .. لأن الديمقراطية أقل ما فيها إلغاء الرقابة والصوت الحر .. يعنى الناس اللي فى المعتقلات كانوا حيقدوا فى البرلمان يتكلموا .. حملة زى حملة اليمن كانت ستناقش .. نروح ونبيع سلاحاً ولا نذهب .. نخليها للمتطوعين .. هل يمكن نبيع جيشاً وقدامنا إسرائيل .. كلام كده .. علشان تنتهى للرأى الصحيح .. كل شيء كده .. الديمقراطية ميزتها .. حتى لما تغلط بتصالح نفسها » .

* **وأسأل أحمد حمروش :** هل كانت نكسة ٦٧ نكسة كبيرة لمصر ونكسة أكبر لعبد الناصر ؟

* « مافيش شك إن جمال عبد الناصر كان أحد الأسباب الرئيسية لحدوث الهزيمة والعنوان نفسه .. وهو اعترف بكده .. ماكانش بيحاول يخفي الحقيقة لأنه كان مسئولاً مسئولية كاملة عن كل ما حدث .. ولا شك إن الهزيمة فى ٦٧ كانت مفاجأة له .. ومفاجأة للشعب المصرى .. لأنه كان يعيش حلم الثورة .. يعيش حلم الأمل فى أن يحقق أشياء كثيرة .. فدى كانت صدمة كبيرة .. وتصور إن من ٦٧ للنهارده نحن نعيش هذه المرحلة .. لكى نزيل آثار العدوان التى لم تزل بعد » .

* **ويقول عباس رضوان :** « لأ أنا بأعتبر إن قصة ٦٧ دى مرسومة .. مرسومة على مستوى أعلى من مصر .. لإنهاء موقف مصر البارز فى المنطقة العربية وفى العالم الثالث .. هو مانقدرش نقول أو نفصل بين عبد الحكيم عامر وعبد الناصر .. لإن الاثنان عسكريان قبل كل اعتبار .. يعنى عبد الناصر عسكري وعسكري كفاء جداً .. وعبد الحكيم كفاء جداً وعسكري ومعه مساعدين ورؤساء هيئات ممتازين جداً .. إنما يمكن من ناحية تقديرى أنا .. إن المعركة السياسية هي التي وصلت الموقف إلى هذا .. إذن عبد الناصر .. على أى الأوضاع القرار كان قرار عبد الناصر .. يعنى قرار غلق الخليج وقرار الضربة الأولى .. جمال عبد الناصر اتصل بي يوم ٢٨ وقال لى شفت صدقي .. قلت له خير .. قال لى : بأقول تحتمل إيه من الضربة الأولى قال لى ٨٠٪ .. وعينيه ماأعرفش احمرت وبتاع .. قلت له رجل صادق يعنى هو يقول لميادتك الصدق .. ما هو يمكن والله نحتملها .. إنما هم فعلاً بقى لهم كلم سنة عاوزين يعملوا دشم تحت الأرض .. ما أتيجتش لهم .. هو ده كلامه صح .. إنه لا يحتمل الضربة الأولى .. ويمكن دى أساس الهزيمة .. الضربة الأولى الإسرائيلية اللي خلصت على قواتنا الجوية وهى على الأرض » .

- وأسأل مصطفى أمين : نكسة ٦٧ ؟
- « أكبر كارثة في تاريخ مصر » .
- من الذى تسبب فيها فى رأيك ؟
- « حكم الفرد » .
- ويقول أحمد أبو الفتح : « لا أستطيع أن أتصور إن عبد الناصر زج بمصر نتيجة رغبته فى تدمير شعبية عبد الحكيم عامر .. ولا أستطيع أن أتصور إنه وقع فى خديعة الروس .. أعتقد إن عبد الناصر بعد انفصال سوريا وأحوال حرب اليمن أراد أن يقوم بمظاهرة يغطى بها الفضل والأحوال .. وينعش بها زعامته التى كانت قد انهارت إلى أضعف مستوى .. ولم يكن أمامه إلا أن تتجه مظهرته صوب تهديد إسرائيل » .
- وأسأل محمد أحمد : هل عرفت أن الرئيس عبد الناصر آسف أو حس إنه أخطأ فى موقف ما ؟
- « هى مافيش إلا بتاعة ٦٧ .. واللى هو قال من أول يوم إحنا خسرنا الحرب .. وخدعوني فعلاً .. بالمعلومات اللى جابوها السفراء الأجانب .. أو خدعوه فى الجيش لما مر عليهم .. والله أعلم » .
- وأسأل عبد الحميد البكوش : يوم • يونية أين كنت ؟
- « فى • يونية ٦٧ كنت وزيرا للعدل فى الحكومة الليبية .. وكانت الحكومة مجتمعة فى ذلك الوقت فى مدينة البيضاء بالجبل الأخضر .. وأبلغنا من قبل المؤسسات المعنية بوقوع كارثة • يونية .. وكنا نواصل الاستماع فى أجهزة الإعلام المصرية ورايو صوت العرب بالذات .. وكنت شخصياً أنزعج من المبالغة فى الحديث عن الانتصارات وإسقاط الطائرات .. فقد كانت المبالغة تبدو إنها تخفى وراءها حقيقة مختلفة .. بعد بضعة أيام تبينت الهزيمة .. وكانت مرارتها شديدة علينا .. أنا شخصياً لم أكن أرى فيها فقط هزيمة عسكرية بل هزيمة للنفس العربية والنظم العربية والعلاقات العربية وحتى الثقافة العربية .. لقد ظلت الأمة العربية سنوات طويلة تستعد لمثل هذه الحرب .. ثم تفاجأ بأنها تخوضها من فراغ وتنتهى بها إلى فراغ .. كانت حقاً هزيمة محزنة ووقع أثرها على كل مواطن ليلى فى ذلك الوقت .. ولعل الكثيرون مازالوا يعانون منها » .
- والعقيد معمر القذافى كيف كان وقعها عليه ؟
- « العقيد القذافى سنة ٦٧ كان لا يزال ملازماً ثانياً فى الجيش .. ولم يكن ينتبه أحد إلى وقع الهزيمة عليه ولا يعلم أحد كيف تحملها فى ذلك الوقت .. ولكنه بعد أن وصل إلى السلطة .. كان يذكر دائماً إنها هزيمة دفعته إلى القيام بالانقلاب ثأراً للهزيمة » .

- وأسأل المشير الجمسى : هل تعتقد إن ما حدث كان مسئولية شخص بعينه ؟
- الحقيقة .. التي حدثت في هزيمة ٦٧ .. وأنا لا أسميها نكسة إطلاقاً ولكنها هي هزيمة مريرة .. والهزيمة سياسية وعسكرية في وقت واحد .. والحقيقة إحتنا ارتكبنا أخطاء سياسية وعسكرية في هذه الحرب ترتب عليها الهزيمة .
- ويقول محسن عبد الخالق : هزيمة ٦٧ مسئوليتها أولاً وأخيراً على جمال عبد الناصر .. ما حدث في ٦٧ نحن نعيش آثاره حتى الآن .. والعالم العربي يعاني من ٦٧ .. أنا شفتها على التلفزيون حاجة تؤذى .. أنا قعدت في البيت لا أستطيع الخروج للشارع لمدة شهر .. أنا كنت في لندن مغترباً .
- وأسأل محمد فائق : لو تكلمنا بصراحة عن النكسة .. من المسئول الأول عنها ؟
- والله النكسة الحقيقة .. الأول الهزيمة العسكرية لا يمكن أن تعكس موازين القوة الحقيقية في ذلك الوقت .. ولكن كان فيه خللاً كبيراً في القيادة .. لكن في النهاية الهزيمة بطبيعة الحال هي مسئولية النظام ككل .. وده اللي خلى عبد الناصر بعد الهزيمة .. يستقيل ويحمل هذه المسئولية بكل شجاعة أمام كل الجماهير .
- وأسأل أحمد الخواجة : من السبب في هزيمة ٦٧ في رأى نقيب المحامين ؟
- النظام السبب في هزيمة ٦٧ .. غيبة الديمقراطية .. لأن أنت علشان تحرر أرضك مش محتاج تفويض .. يعني أنت وأنت تحكم ولديك أرض محتلة أنت مفوض تفويضاً طبيعياً بحكم منصبك في أن تحرر أرضك المحتلة .. إنما أن تدخل حرب .. ده لا يجوز أن حاكم يستأثر به بعيداً عن الناس .. ولا أن يصدر فيه قراراً .. ولذلك حتى في الدول الديمقراطية المتقدمة لما ييجي الدولة تعلن الحرب بتمتأذن البرلمان في إعلان الحرب .. يتعرض على البرلمان أن تدخل حرب .. غيبة الديمقراطية هي السبب .. واللى ترتب على غيبة الديمقراطية إننا ننحط في مكان صعب .. يعني أذكر إن جاء في يناير سنة ٦٧ الأخ فؤاد نصار كان سكرتير الحزب الشيوعي الأردني .. وكان في ألمانيا وطلب يقابل الرئيس عبد الناصر .. قال للرئيس عبد الناصر فيه ظواهر غريبة في إسرائيل فيها هجرة فيها بطالة لأول مرة .. ومعنى ذلك إن إسرائيل تأخذ شكل الدولة .. وإن إسرائيل مش ممكن تسكت على الكلام ده وإن الوسيلة الوحيدة أمامها لتحقيق أهدافها هو أن تحارب .. الرئيس عبد الناصر قال له مش حاض حرب ضد إسرائيل دلوقتي .. هو قال يومها إنه صلاح الدين حاصر الصليبيين وما حاربش الصليبيين .. إحتنا نأخذ إزاي الأمور كده .. والأمور تداعت إلى حد قتل خليج العقبة في مجتمع دولة عبد الناصر .. والله أعلم .

- ويقول خالد محيي الدين : ه ٦٧ ده في نظرننا هو الشرخ الكبير في ثورة يوليو .. لإنه طبعاً هذه الحرب إحتنا بنعانى من آثارها حتى اليوم .. مع كل النوايا الطيبة في الرغبة في الدفاع عن سوريا ومساعدة الشعب الفلسطيني إنما التخطيط لم يؤدي إلى النتائج باعتبارها .. جاءت

النتيجة هزيمة الجيش المصري واحتلال سيناء .. والخروج من أزمته مصر بتدفع الثمن إلى الآن .. فما إدووش القيادة لتدريب الجيش وجعله جيشاً عسكرياً منظماً لتحقيق الفكرة الكبيرة .. وكانوا يستخدموا الجيش كوسيلة للضغط .. في الحياة السياسية » .

• ويقول سعد عبد النور : « الهزيمة لم تكن بسبب الجيش إنما بسبب سوء السياسة وسوء تنظيم القائمين على هذا الجيش » .

• وأسأل محمد مأمون الهضيبي : ما رأى الإخوان في نكسة ٦٧ ؟

• « طبعاً .. هذه مش نكسة .. دى مصيبة كبرى .. نحن لغاية النهارده ما وصلناش لـ ٥ يونية ٦٧ .. كان حافظ الأسد معه الجولان وعازم ما هو أكثر .. إحنا يا مصريين كان معانا لغاية قطاع غزة ورفع هناك وعازمين ما هو أكثر .. إحنا النهارده كل اللي بنحاوله الضفة الغربية اللي كانت جزءاً من الأردن .. فالنهارده الضفة الغربية فين .. قطاع غزة فين .. الجولان فين .. النهارده حتى الآن بنحاول إننا نصل إلى شيء معين كنا عليه قبل فجر ٥ يونية .. فهذه واقعة تاريخية طبعاً .. وهذه نكبة سياسية واقتصادية وفكرية إلى الآن ولم نعوضها حرب » . ٧٣ .

• وأسأل د . هدى عبد الناصر : هل تغير الرئيس بعد الهزيمة ؟

• « لاشك أنه تأثر نفسياً جداً » .

• وهل أثرت عليه النكسة صحياً ؟

• « صعباً لم تؤثر .. لكن والذى من يوم ١١ يونيو وضع كل طاقة الغضب والتأثر في إعداد الدولة للمعركة وجهها لإعادة البناء بنفس الإصرار والعزيمة ويمكن أشد » .

• هل كان الرئيس حزينا بسبب الهزيمة أم لأنه مسئول عنها ؟

• « كان يعتبر نفسه مسئولا .. ولا تنسى عدد شهداءنا .. ومصر كلها ضحكت في هذه الحرب » .

• وأسأل سامى شرف : هل تغير الرئيس عبد الناصر بعد حرب ٦٧ ؟

• « كانت الحرب صدمة كبيرة له .. وهو فى مجلس الوزراء وأنا كنت وزيراً أيامها قال لى أنا عاوز كل واحد فيكم يقول بصراحة الوضع إيه وحقتد نعمل إيه .. هو أحس بقى إنه كان مخنوقاً ولين الأوامر اللي إياها لعبد الحكيم عامر لإرسال الجيش مش أوامره .. فحب يعرف إيه اللي حصل فى البلد .. القيسونى اتكلم .. ونزيه ضيف .. و .. و .. إلى آخره .. وجاء الدور على .. فأنا اتكلمت إنما كنت جاداً شوية .. فزل منى قال لى الكلام ده كان مفروض تقوله لى فى البيت .. قلت له دلوقتى مايفش حاجة اسمها بيت ولا غيط .. البلد دى بلدنا كلنا .. ورى ما إحنا وزراء ونعلم الكثير .. رجل الشارع لازم يعلم إيه السبب اللي خلى سيادتك تعطى أوامر بتحريك الجيش إلى سيناء .. هو واقع الأمر أحس إنه غلط واضطر إنه راح الاذاعة والتلفزيون

واعترف إنه أخطأ .. وأحب إنه يلقي المسؤولية كاملة عليه .. إحنا مارضيناش .. وقلنا له
تفضل .. على ما نلاقى بنى آدم يلم الشعب كله حواليه .. العملية دى حتأخذ وقت طويل ..
وإحنا الوقت مش فى مصلحتنا » .

* **ويقول د . مصطفى خليل :** « من طرد قوات الطوارئ وإغلاق خليج العقبة إلى قيام حرب
٦٧ .. وما نتج عنه قيام حرب ٦٧ من احتلال إسرائيل لسيناء والضفة والجولان .. وغير تماماً
القضية الفلسطينية أو غير النزاع العربى الإسرائيلى .. لأن النزاع الذى كان يقوم قبل ذلك
هو .. سيناء كانت فى حوزتى .. والجولان مع سوريا .. والضفة الغربية كانت محتلة ولكن
تقريباً مع الأردن .. فيه العلاقات بينها وبين الأردن .. لما حصل احتلال الضفة واحتلال سيناء
والجولان .. تطور النزاع إلى أننى بأطلب إرجاع الوضع إلى ما هو عليه قبل ٦٧ .. دى مش
القضية الفلسطينية الأساسية .. دى القضية التى نتجت عن هزيمة ٦٧ .. وده اللى أحب أن
أوضحه أمام الرأى العام » .

* **ويقول أحمد حمروش :** « من بين ٣٤٠ طائرة مصرية صالحة للعمل دمرت على الأرض ٣٠٠
طائرة .. ولم تقتصر الخسارة على الطائرات وحدها ولكنها لحقت بالطيارين أيضاً » .

* **وأسال مرتضى :** خسائرنا من الحرب كانت إيه ؟

* « أولاً ماحدث عارفيها .. وفيه كثير جداً هربوا من غير ما أحد يعرف إن كان دول ماتوا
ولا ما ماتوش .. فيمنى ما أقدرش أقرر .. لكن إحنا خسائرنا فى المعدات أكثر بكثير جداً من
خسائرنا فى الأفراد .. لأن طيعا القوات وهى بتمر فى الممرات كان اليهود بيضربوا أول عربية
وأول دبابة والباقيين كلهم بيقتلوا وراءها .. وإحنا عندنا لما نوقف العربية الأولى مش نستمر
محافظين على الفواصل لأ نروح كامرين عليها .. فأصبح طابور جميل تنزل الطائرة تقرب
منه زى ما هى عاوزه .. ومافيش طيران خالص .. علشان كده .. إحنا خسرننا معدات أكثر
كثير من الأفراد » .

* **حضرتك كقائد جبهة ألم تبغ بالخسائر أو ما علمتش العدد إيه فيما بعد ؟**

* « فيما بعد إيه .. مافيش فيما بعد » .

* **لقدنا نسبة قد إيه من قواتنا ؟**

* « شوف إحنا كان عندنا حوالى ١٣٥ ألف .. اللى كانوا فى الجبهة حوالى ٨٥ ألف .. منهم
كانوا احتياطى .. فالخسائر من ٢٠٪ إلى ٣٠٪ .. للناس انفركتت معنى فى العراء .. كل واحد
يمشى على مزاجه .. يعنى قدروا يتفادوا بعض الخسائر » .

* **سجلات وتسجيلات حرب ٦٧ أين هى الآن ؟**

* « المفروض فيه إدارة مسئولة عن الحاجات دى .. ومسئولة عن أعداد المرنى .. والحاجات
دى كلها كان مفروضاً يبقى فيه تنسيق .. لكن دى كلها راحت » .

- **بفعل فاعل ؟**
- **بفعل فاعل أو تغطية موقف مشين للجماعة الزعماء .. كانوا يحبوا إنهم يعرفوا .. ٥**
الحاجات دى نقدر نقول كان لها دور فى الموضوع .
- **تقصص مين الزعماء يافتهم ؟**
- **المسئولين عن الحرب .. ومين المسئول عن الحرب .. رئيس الجمهورية .**
- **وأسأل سعد الشاذلى : ضحايا هذه الحرب نتكلم عنها .. يعنى أولا التعبئة كانت كام جندى**
حسب ما أذكر وحسب ما كتبه الفريق محمد فوزى فى الكتاب بتاعه لأن هو فى هذا الوقت كان رئيس أركان حرب القوات المسلحة .. طبعاً أقدر منى أن يعرف هذه الحقائق .. حسد ما أعلن وحسب ما قرأته إن القوات كانت فى هذا الوقت تقدر بحوالى ٦٠٠ ألف .
- **فلقنا منها كام .. بمعنى عدد الشهداء وعدد الجرحى .. والمعدات ؟**
- **لما أقول ٦٠٠ ألف يعنى القوات المسلحة ككل من ٥٠٠ إلى ٦٠٠ ألف .. ولكن اللي دخلو**
ميناء وقتها كانوا حوالى ٨٥ ألف أو قريب من هذا العدد .. خسرنا منهم حوالى ١٣ أو ٢
ألف قتيل وبجوارهم حوالى ٣٠ إلى ٤٠ ألف جريح .. يعنى نسبة كبيرة جداً .. والأخطر من
هذا أن حسب ما جاء فى كتاب الفريق فوزى أننا خسرنا ٨٥٪ من المعدات العسكرية .. وهذا
كانت كارثة كبيرة بالإضافة إلى ١٠٠٪ من القوات الجوية .. الطيران بتاعنا كله دمر .. فكانت
نكسة وهزيمة بكل ما فى الكلمة من معنى .
- **ويقول أحمد أبو الفتح : « أقدم عبد الناصر على « تهويشته » التى انتهت بحرب ٥ يونيو سنة**
١٩٦٧ .. وهذه الحرب الملعونة ضاع فيها قطاع غزة العربى وال الضفة الغربية والقدس
الشرقية .. وتدنست أعز الأماكن المقدسة بأحذية الإسرائيليين الذين يدخلون المسجد الأقصى
ثانى قبلة المسلمين بأحذيتهم كما يندسون كنيسة القيامة باحتلال بيت لحم » .
- **وأسأل د . هدى عبد الناصر : قال البعض إنه كان يقصد « تهويشة » وليس الحرب ؟**
- **لقد كان ذلك عدولنا من جانب إسرائيل .**
- **وغلق المضائق وخليج العقبة وإبعاد البوالمس الدولى ؟**
- **كان هذا حق مصر واستردته .. ولم تكن مصر معتدية .**
- **يقول أحمد حمروش : « رغم قسوة الهزيمة .. لم يسقط النظام ولم تكتب الكلمة الأخيرة فى**
ثورة يوليو » .
- **وأطلقنا كلمة « النكسة » على هزيمتنا الكبيرة فى ١٩٦٧ ...**
- **ويقول عبد المجيد فريد : « جاءت النكسة .. والنكسة كانت شديدة .**

- **ويقول د . عبد العظيم رمضان :** « كانت النكسة في ٦٧ هي هزيمة نظام .. لا هزيمة جيش .. لم يكن لها مبرر على الإطلاق .. ونكسة ٦٧ مازالت آثارها حتى هذه اللحظة .. وكانت بداية التقهقر والانتحار .. وكانت الهزيمة شرخاً في الجدار سمح برؤية كل الذي كان خفياً وراءه » .
- **ويقول محسن محمد :** « أطلقنا اسم النكسة على الهزيمة .. بل ضحكنا على أنفسنا وقتلنا إنها هزيمة في معركة وليست هزيمة في حرب » .
- **ويقول أحمد أبو الفتوح :** « تألمت غاية الألم وحزنت غاية الحزن لهزيمتنا المؤسفة والمخجلة التي نشرت عنها الصحف في الخارج الكثير .. وكان ابني هو الذي أبلغني بأن الحرب انتهت لصالح إسرائيل بعد بدايتها بساعات » .
- **وكانت النكسة جرحاً خطيراً في نفوس جميع المصريين .. وشرخاً عميقاً في جدار ثورة يوليو .. وفي نفس عبد الناصر شخصياً ..**



المشير والمصير

- كانت النكسة عبارة عن شرخ عميق فى جدار ثورة يوليو .. وبقعة سوداء فى صفحات تاريخنا المعاصر ..
- وكشفت النكسة ما وراءها من فساد ومخالفات وإهمال وتسبب .. علاوة على صراع على السلطة بين الرئيس عبد الناصر والمشير عامر .. وهو ما لم يكن معروفاً على الملأ ..
- ويقول جمال حماد : « كان الناس يظنون أن عبد الناصر والمشير كالثوم على ونام تام .. وبدأ الشعب المصرى يرى أشياء جديدة لم يكن يعرفها .. وعبد الناصر نفسه بدأ يتكلم عن مراكز القوى فى أثناء صراعه مع المشير عامر » .
- وأسأل الفريق أول عبد المحسن مرتضى : هل المشير خان الرئيس بشكل أو بآخر فى الأواخر ؟
- « أنا ما أعرفش لكن هو زى ما بأقولك إن هو كان بيقول أنا أخويا عبد الناصر .. أنا سمعتها دى منه » .
- وهل الرئيس خان بشكل أو بآخر المشير ؟
- « أعتقد آه » .
- وأسأل مصطفى أمين : المشير عامر ؟
- « كان يحب جمال عبد الناصر جداً .. وكان جمال عبد الناصر يبيحبه جداً .. ولكن أخطاءهما أنهما كمموا الصحافة فلم يعرفوا الأخطاء التى وقعت .. ولو كانت الصحافة حرة فى ذلك الوقت .. لعرفت الأخطاء التى وقعت فيها ولما حدثت الكارثة » .
- وأسأل جمال عامر : فيه اتهامات وأقاويل كثيرة بتتقال عن المشير .. من ضمنها ما بمس شخصه ومن ضمنها ما بمسه كرجل عسكرى .. تدافع عنه وتقول إيه بصفته ابنه الأكبر ؟

* الهزيمة لها أسباب كثيرة .. إحنا لم نكن مستعدين للحرب خالص .. كان الجيش فى اليمن .. قرار غلق خليج العقبة كان القرار الذى أشعل نار الحرب وكانت الحرب محتمة .. والباقي معروف .. قبل الحرب بسنتين الميزانية انخفضت فى القوات المسلحة لطروف البلد .. لم يكن هناك استعداد للحرب إطلاقاً .. واليهود فرضوا توقيتهم علينا .. وطبعاً دى كانت مؤامرة .. اليهود كانوا بيستعدوا لهذه الحرب من فترة وعارفين كل حاجة عنا .. ويمكن لو كنا قدرنا وعملنا الضربة الوقائية كانت قللت .. مش ضرورى كنا نكسب .. لكن كانت قللت الخسائر لحد كبير .. وده كان رأى المشير .. إن هو بوجه ضربة .. ولا أحد يذكر هذا الكلام .. بنتكلم فى حاجات تانية ليس لها علاقة بالموضوع ونسيب الموضوع الأساسى .. النهارده فيه لجنة للتاريخ .. فىن هى .. مش فاهم اتعملت اللجنة وتشكلت .. وسوف تأخذ اتجاهها إيه الله أعلم .. لكن على الأقل أحسن من اللى بيتكتب فى الجرائد ده .

* وأسأل لطفى واكد : ما حدث بينهما حضرتك تفسره بايه ؟

* من مشاهداتى إن كل ما بتزايد الديكتاتور .. والديكتاتورية مش ديكتاتور واحد .. لا كل واحد عامل ديكتاتور فى مجاله .. كل ما يحدث فقدان للتوازن .. ومن هنا يصبح لاشيء منطقي .. إنما هو بلا شك تمسك عبد الحكيم عامر بالسلطة .. واعتقاد جمال عبد الناصر إن تمسكه بسلطة القوات المسلحة فيه ضرر كبير عليها .. نتج عن هذا بدايات الخلاف .. كان ممكن الخلاف ده يكون بين صديقين .. ويبقى له حدوده .. إنما عندهما يكون بين ندين ما بيقالوش حدود .

* وأسأل عبد الرحمن البيضاني : قلت فيما قلت .. « سيطر شمس بدران على السلطة باسم المشير ثم استولى على المشير وأصبح صاحب القرار فكانت الكارثة » .. تعليقك إيه على هذا ؟

* « لازلتم مقنعاً بوجهة النظر هذه .. إن إحنا كنا نتعامل مع الرئيس عبد الناصر مباشرة .. ونفاجأ بأن القرارات أو الاتفاقات التى نصل إليها مع عبد الناصر لا تأخذ طريقها فى كثير من الأحيان إلى التنفيذ .. فعلمنا أن المشير عامر كان بيتدخل فيها .. ولأن كان المفروض مثلاً إن الرئيس السادات سيكون أول مفير لمصر فى اليمن .. يعنى من ضمن تخطيط الثورة بالاتفاق مع الرئيس عبد الناصر .. إن السادات حيترك رئاسة مجلس الأمة ويكون أول سفير لمصر فى اليمن للتفاهم الذى كان بيننا قبل هذا بسنوات .. وفوجئنا بأن المشير عامر وصل ونحى السادات على أن يكون له كلمة نافذة بين الثوار اليمنيين .. رغم إن هو الذى احتضن الثورة فى البداية قبل أن تقوم .. وهو الذى قُتِلَ أصلاً للرئيس عبد الناصر .. وهو الذى دافع عن موضوع قيام الثورة .. الخ .. وعلمنا فيما بعد إن المشير عامر كانت إرأته مرهونة بقرار شمس بدران » .

* ويقول صلاح الحسوى : « أنا كنت فى فنلندا .. وأنا بعث خطاباً لجمال عبد الناصر .. ونشره الأستاذ جلال الحمامسى أكثر من مرة .. أظن نُشر فى عموده « دخان فى الهواء » .. وأنا قلت الحقيقة إن الانحرافات داخل الجيش بقيادة عبد الحكيم عامر أدت لتدهور الجيش المصرى ..

وقلت إن الجيش المصرى فى ٦٧ حُرم من القوة الضاربة لأى جيش من جيوش العالم ..

• وأدت الهزيمة إلى تخليص عبد الناصر من هيمنة قادة الجيش .. لأنه لم يستطع ذلك قبل النكسة ...

• ويقول أحمد حمروش : « لقد هزت الاستقالة جمال عبد الناصر .. فلم يكن يتوقع من عبد الحكيم عامر هذا التصرف » .

• ويقول جمال حماد : « انسحب عامر إلى مرسى مطروح وأرسل ضباط القوات المسلحة برفيات احتجاج للرئيس وخشى عبد الناصر انقلاباً من الجيش .. وبذلك تكون المحاولة قد باءت بالفشل » .

• وعاد المشير عامر أقوى مما كان فى سنة ٦٢ .. ولم يكن هذا هو الخلاف الأول ...

• ويقول د . عبد العظيم رمضان : « فقد حدث ما حدث بين الرجلين سنة ١٩٥٦ .. وبعد الانفصال .. ثم كانت الفترة من سنة ١٩٦٢ إلى سنة ١٩٦٧ التى قال عبد الناصر إنه يجهل كل شيء عما يدور داخل الجيش خلالها » .

• ويقول جمال عامر : « أنا أتصور إن أول صدام كان سنة ٦٢ لما تعمل مجلس الرئاسة .. وكانوا مصريين إن هم يحدوا من اختصاصاته وفى الترفيات وكذا وكذا .. وهو أفسد نوع من تهجين دوره فرفض هذا وقدم استقالة مسببة فى ٦٢ .. لكن طبعاً الرئيس عبد الناصر قابله وتقاهما على الموضوع ده .. لكن أنا أعتقد إن دى عملت حاجة بينهما زى شرح .. بس جاءت ٦٧ وأعتقد إنها كانت كارثة بجميع المقاييس وكان لازم يحصل فيها حاجة .. لأن دى كارثة حلت بالبلد ويمكن كان تعصف بأى مخلوق .. لم يكن متصوراً إن هما يبقا مع بعض أو يحكما تانى مع بعض .. ولازم يبقى فيه كبش فداء فى الآخر .. يعنى الناس بتسأل من المسئول عن هذه الهزيمة فكان لازم يبقى فيه كبش فداء .. وكان هو عبد الحكيم عامر » .

• ويقول محمد أحمد : « عبد الناصر لما كان عمل مجلس رئاسة بعد الانفصال .. علشان عبد الحكيم عامر يترك الجيش .. والثانى غضب وراح مرسى مطروح .. ابتدت المشاكل .. وهو كان حريصاً على عدم حصول أى انتقاسات أو مشاكل فى الجيش بالذات » .

• ويقول أحمد طعيمة : « قال لى الرئيس أنا يا أحمد يا طعيمة جت فترة أصبحت معزولاً والمشير والقوات المسلحة يعنى تقريباً عزولنى .. ما بقش مستطيع أعمل حاجة .. وهذا الكلام ما كنتش مستطيع أنى أقوله لك لأن ده أنا رئيس جمهورية .. قده ما كانتش فى صالح البلد .. هذا ردى لك » .

• ويقول عبد المجيد فريد : « ما بعد النكسة كان فيه جلسة مهمة للجنة التنفيذية العليا للاتحاد الاشتراكى .. كانت يوم ٤ يوليو .. فقال نصاً والنص موجود .. « أنا منذ خلاقى مع المشير لم أعد على علم بما يحدث فى الجيش منذ عام ١٩٦٢ .. ولحسابية عبد الحكيم عامر كنت مش

عاوز أشعره إن إحنا من وراء بفلم معلومات وبالتالي فقدت الاتصال والمعلومات الدقيقة عما يحدث في الجيش منذ عام ١٩٦٢ .. طبعاً ده مش صحيح .. في كتاب لي بأقول إن الحنة دى مش صح .. لأن كان ممكن عبد الناصر وكان في ذلك الوقت زعيماً وكان له « كاريزما » ولو حظ هذه المشكلة أمام الناس .. الناس كانت حبتقى معه .. بس هو خاف إن الجيش ينزل بالدبابات والعربات وأسلحة ويحصل دم » .

• **ويقول توفيق عبده إسماعيل :** « عاشوا مع بعض وكانوا على علاقة وثيقة .. كان بيحبب عربية من برة لازم يبقوا » اثنين .. لما بيمافرو في أى مكان كان لازم هو يكون موجوداً .. يعنى العلاقات كانت أقوى بينهما هماً الاثنين .. إنما مش الجهازين .. وكان ده مسمى جمال وده مسمى عبد الحكيم » .

• **كان عامر يعمل ضابطاً بالسودان عام ١٩٤١ وحصل على ترقية استثنائية لشجاعته وكفاءته في حرب فلسطين .. ولكن البعض قال إن ترقيته فجأة من صاغ إلى لواء أمر غير مستساغ ..**

• **ويقول د. ثروت عكاشة :** « كان المشير عبد الحكيم عامر إنساناً نبيلاً رقيق المشاعر .. لا تنتقصه الشجاعة .. له جولات بطولية في معركة « بيت سانيم » في فلسطين عام ٤٨ .. نال عنها التقدير والترقية » .

• **ويقول توفيق عبده إسماعيل :** « هو كان عنده مشكلة .. كان عاطفياً جداً .. العاطفة دى بتبقى كويسة في حاجات ووحشة في حاجات .. له دور رئيسي في معركة مشهورة قادها في رفح ورقى استثنائياً فيها .. هو كان شخصية عسكرية متميزة ومتربى عسكرياً كويس وخريج كلية أركان حرب ووطنى » .

• **ويقول الفريق أول مرتضى :** « المشير كان رجلاً شهماً إنما ملاكانش عنده خبرة عسكرية .. لإنه من صاغ رائد إلى لواء قمشير .. طبعاً ملاكانش عنده .. وملاكانش هو بيجاول كمان في إنه يكتسب خبرة عسكرية » .

• **يمكن كان معتمداً عليكم ؟**

• **« ما هو برضه كقائد المفروض إنك تبقي أكثر خبرة منى .. وأنا كنت أعمل مناورات كثيرة ملاكانش بيحضرها » .**

• **ويقول المشير محمد عبد الفنى الجمسى :** « كان من ضمن الأخطاء التي ارتكبتها الثورة وارتكبتها الرئيس عبد الناصر من وجهة نظرى إنه عين الرائد عبد الحكيم عامر قائداً عاماً للقوات المسلحة .. وده كان لتأمين الثورة .. ولكن عبد الحكيم عامر كرائد ورتبته بسيطة كان ضابطاً ناجحاً في سلاح المشاة في ذلك الوقت .. لما يترقى مباشرة إلى القائد العام للقوات المسلحة طرفة كبيرة لرتبة كبيرة ما أخذش الخبرة الطويلة التي فيها .. وظهرت عدم خبرته في حرب ١٩٥٦ وكانت واضحة جداً في حرب ٦٧ .. أنا أنكر لشخص عبد الحكيم عامر كفاءته كرائد في هذا » .

الوقت .. إنما كونه يتولى القيادة العامة للقوات المسلحة كان سابقاً لأوانه جداً جداً .. فإذا كان هناك خطأ من وجهة نظري فهو خطأ الرئيس عبد الناصر .

• وأسأل أحمد أبو نار : ماذا تقول عن المشير عامر بعد مرور هذه السنوات .. وقد كنت قريباً منه ؟

• كل إنسان له عيوب وله مميزات .. ولا كامل إلا الله وحده .. ولكنى بقربي من المشير أجده شخص يتمثل بالرجولة وصعدي حفاً وتاريخه حافل وإنترقى استثنائى فى حرب ٤٨ فى فلسطين وكان أركان حرب برغم رتبته الصغيرة .

• وعامر من عائلة صعيدية من بلدة أسطال .. صادق عبد الناصر من أيام الكلية الحربية .. رغم الاختلاف الطبقي بينهما .. وهو من أقارب حيدر باشا ..

• ويقول جمال الليثى : عبد الحكيم عامر كان ابن بلد وجدع .. وبلدياتي .

• وأسأل برلنتي عبد الحميد : لو قلنا مين هو المشير فى بضعة كلمات تقولى إيه ؟

• ده سؤال صعب قوى .. هو رجل صعيدى مصرى .. طيب القلب جداً .. مؤمن جداً .. ويكره الإلحاد والملحدون ويمكن دى من الأسباب اللي أدت لمصرعه .. يعنى ممكن أقول فى جملة واحدة كده إن المشير عبد الحكيم عامر إنسان مصرى طيب جداً وأصيل .

• ويضيف أحمد أبو نار : كان ضد الملك فاروق وقريباً لقائد الجيش حيدر باشا .. وهو من أسس قيام الثورة .. وكان عبد الناصر يثق فيه ثقة لا حدود لها .. لدرجة إن أخوه متزوج ابنة المشير .. ورجل على خلق ورجل ذو شهامة كبيرة جداً .

• ويقول عباس رضوان : أنا يمكن أحب أوضح هنا هو إن علاقتي بالاثنتين عبد الناصر وعبد الحكيم عامر كانت متوازية .

• وما كانش فيها تعارض ؟

• ما كانش فيها تعارض وكانت العلاقة على نفس المستوى .. بدليل إن يمكن من ٥٤ إلى ٦٧ ما فيش خلاف حصل بينهما .. ما كانوا الاثنين كل منهم ببلجأوا لى علشان أوصل رأييه وأهدى الآخر .. وده استمر يمكن إلى ٦٧ .. وعبد الحكيم عامر كضابط .. أولاً ضابط كان كفاء جداً .. حارب زى ما قلت لك وأخذ ترقية استثنائية .

• وقريب حيدر باشا ؟

• وكان هو المقرب من السرايا فى الوقت ده .. ولا أى حاجة حصلت معاه .. يمكن الحاجة اللي يختلف أو يرتفع بها عن الآخرين جميعاً هو وفاؤه لصديقه .

• عبد الناصر ؟

• أى صديق .. أنا باعتبار وفاءه لجمال عبد الناصر يفرق وفاء أى أخ شقيق لأخيه .. بدليل إننا

فى يوم من الأيام كنا فى الإسماعيلية فى حفلة أو مؤتمر شعبى والنور انقطع .. كان دقائق.. كان يحولوا على مولد كهربائى .. فى الثلاث دقائق دول أو الأربعة .. وعاد الضوء كان عبد الحكيم عامر واقف أمام جمال عبد الناصر اللي قاعد على الكرسي .. يعنى عبد الناصر قاعد كده .. وعبد الحكيم عامر واقف أمامه وظهره للجمهور .. يعنى أى طلبة كان هو اللي حياخذها .. حرسه ما حش منهم اتحرك لدرجة إن فيه بعض من الإخوة الوزراء فى هذا الوقت يمكن عينها دمعت .. ده مثل ما حدث شافه .

• **ويضيف مرتجى :** « أنا أفكر إنى حضرتها فى الإسماعيلية .. كانا بيلقيا بياناً والناس كانت مجمعة كلها ويعدين النور انطفأ عدة ثوانى .. أول ما ولع النور طبعاً لقينا عبد الحكيم عامر واقف أمام عبد الناصر يحميه .. عبد الحكيم عامر ده ظل عبد الناصر . »

• **ويقول عبد المجيد فريد :** « هو علاقته مع المشير عامر علاقة خاصة وتحتاج إلى دراسة .. لأنه هو الوحيد اللي كان تتميز علاقته بحاجة خاصة .. وقال لى مرة الرئيس فى جلسة من الجلسات : « إحنا أصلاً صعايدة سوا .. وطلعنا ضباط سوا .. وأخذنا شقة مع بعض فى القاهرة .. وهو اللي علمني السجائر .. ورحنا سوا مع بعض متقباد فى وجه قبلى .. وعبد الحكيم أنا الوحيد اللي أدخل بيته وأدخل لأسرته حتى لو ماكش موجود .. والعكس عندى بييجى ويدخل عندى وعند أسرته دون إننى .. الوحيد .. فكانت علاقته مع عبد الحكيم علاقة خاصة جداً . »

• **وأسأل محمد أحمد :** أصدقاء الرئيس الراحل جمال عبد الناصر يا ترى مين ؟

• **الحقيقة** اللي هم كانوا زملاءه كان أقرب صديق له المرحوم عبد الحكيم عامر .

• **وأسأل لطفي واكد :** أقرب أعضاء مجلس قيادة الثورة إلى قلب الرئيس عبد الناصر كان مين ؟

• **عبد الحكيم عامر طبعاً .**

• **وأسأل الفريق أول مرتجى :** هل كانا صديقين حميمين أيام الكلية وأيام الشباب ؟

• **كانا صديقين حميمين جداً .. وكان عبد الحكيم عامر ببصرف عليه كمان .**

• **حضرتك كنت زميلاً للمشير وللريس أيام الكلية .. وبتقول لى ببصرف عليه .. إزاي ؟**

• **جمال عبد الناصر ما هو كان فقيراً .. لكن المشير كان من المنيا من عائلة كبيرة وكان مبسوط مادياً وببصرف على جمال عبد الناصر .. فى المأكول والملبس .. إلخ .. قبل زواجه .**

• **بينما يقول أمين شاكر :** « الاثنان تعارفا فى مكتبة الكلية الحربية وأصبحا أصدقاء . وعبد الحكيم عامر ماكانش زى ما أنت متصور ثرياً وكذا .. بل بالعكس كان عايش عيشة ضنك فى شارع غرب القشلاق فى العباسية .. وعبد الناصر كان عايش عيشة أحسن منه لأن زوجا

عبد الناصر كانت ثرية غنية .. هي من أسرة إيرانية لكن نشأت بينهما هذه العلاقة ونمت هذه العلاقة وتطورت » .

* وأسأل شمس بدران : هل فعلاً كما قيل المشير كان يبصر ف على عبد الناصر .. أيام ما كانا لسه ضباطا صغيرين أو أيام الكلية ؟

* لا .. مش بهذا المعنى .. عبد الناصر كانت حالته كويسة .. عنده عربية .. وحالته مش بطالة يعنى » .

* وأسأل برلنتى عبد الحميد : أقرب أصدقاء المشير لنفسه كان مين من مجلس قيادة الثورة والضباط ؟

* للأسف .. جمال عبد الناصر » .

* ليه ؟

* عبد الحكيم كان فى الحقيقة بيعتز بهم كلهم .. لإنه زى ما قلت كان حتى لو حصل خلاف فى الفكر أو فى رأى لكن الاحترام كان متواجدا بين أعضاء مجلس قيادة الثورة .. لإهم عارفين إنهم قاموا وعملوا عملاً قيماً وكان فيه فدائية ووطنية .. فالاحترام دائماً يبقى فى الخلفية لما يتعاملوا مع بعض .. ممكن يختلفوا .. ممكن يزعلوا .. ممكن كل حاجة لكن كان فيه احترام متبادل بينه وبين معظم أعضاء مجلس قيادة الثورة » .

* وفيمن أصيب بخيبة أمل ؟

* فى عبد الناصر .. هو اتفاجى به .. ماكانش متخيلاً إنه ممكن يعمل معاه كده خالص .. لكن السياسة مافيهاش مستحيل .. مافيهاش الصبح والغلط .. السياسة هي مصالح .. وعلى الآخرين إذا دخلوا فى السياسة أن يتحملوا نتائجها » .

● أنجب المشير من زوجته الأولى نجبية وصلاح وقبله جمال تيمناً بعبد الناصر .. ثم أنجب عمرو من زوجته الثانية الفنانة برلنتى عبد الحميد ..

* وأسأل جمال عامر : ماذا تقول لنا عن المشير عامر كإنسان وكأب ؟

* هو كان أباً عظيماً طبعاً وبهيم بأولاده .. ورجلاً .. وكان عنده مشاعر .. وأعتقد إنه إنسان ممكن تسأل الناس عنه .. لو حبيت تنزل ويقي فيه حرية فى الكلام أسأل أى أحد ويقول لك المشير عمل كذا وأنا بأحبه .. يعنى سنلاقى حاجات كثيرة وقصص إنسانية لا حصر لها .. الواحد بيشرحها كل يوم بدون مبالغة والواحد سعيد جداً .. لأن إحنا ماشيين بحسه الحقيقة .. أنا بأفخر إنتى ابنه لأن مجرد بس مابيجى نكر اسمه تلاقى الناس فعلاً عن حب عاوزة تساعدا .. وأعتقد أن مافيش سبب للمجاملة حالياً » .

• كان الرئيس عبد الناصر والمشير عامر صديقين حميمين لدرجة أن المشير عامر سمى ابنه جمال اللي هو أنت والرئيس عبد الناصر سمى ابنه عبد الحكيم ؟

• بداية أنا سميت جمال قبل الثورة ودى تحسب للمشير .. لأن هم كانوا شخصين عابيين جداً .. وتقريباً مقيمين مع بعض وفيه علاقة طبعاً جامدة جداً .

• وأسأل شمس بدران : وعلاقته بفنائة ثائية ؟

• « قالوا إن هو اتمعرف بوردة .. ما أعرفش وردة الجزائرية دى خالص .. دى إشاعة من وردة » .

• وأسأل مرتجى : هل كان على علاقة بالفنائة وردة ؟

• « أنا فى الحقيقة ماكنتش أعرف .. اللي قال لى هذا برضه الرئيس جمال عبد الناصر لما رحلت قابلقه بعد ٦٧ .. هو اللي قال لى موضوع علاقته بوردة .. إن حسنين هيكال هو اللي قال له .. وأنا زعقت له » .

• وأسأل عباس رضوان : من ضمن اللي قالوه ارتباطه بأهل الفن .. ورجاله أيضا ارتبطوا بالفنانات ؟

• « يعنى يمكن بحكم سلوكياتى أنا أقول ماكنش له ارتباط علمته .. ووجدت فيه هو شخصياً التصرف الرجولى .. وارتباطه الأخير لما خُلف من السيدة برلنتى عبد الحميد » .

• ويقول أحمد حمروش : « الغريب أن المشير تزوج من برلنتى عبد الحميد .. وعلى شفيق تزوج من مها صبرى .. وعبد المنعم أبو زيد من سهير فخرى .. وهن جميعاً من الفنانات .. يبدو أنهم يحبون الفنانات » .

• وأسأل سامى شرف : اطلقت الشائعات على عدد كبير من القادة وبالذات فى علاقاتهم بالفنانات .. إيه الحكاية ؟

• « أسأل من يطلق هذه الشائعات » .

• يعنى قالوا المشير والفنائة وردة .. هل ده صحيح ؟

• « لم يصل لعلمى هذا » .

• قالوا المرحوم على شفيق والفنائة مها صبرى ؟

• « لأ دى زوجته » .

• والمشير عبد الحكيم عامر وبرلنتى عبد الحميد ؟

• « زوجته ومخلقة منه » .

- وبعدين قالوا سامى شرف وإحدى الفنانات ؟
- « كريمة بتاعة المعادى .. آه .. أثبت !! »
- أثبت إزاي ؟
- « مش إنتم اللي بتقولوا ؟! »
- لأ مش إحنا اللي بنقول .. ده هم اللي قالوا وحبينا نستفسر ؟
- « هذا الموضوع حاول الكثير إن هم يكتشفوا فيه .. فبنقول موتوا بغيظكم .. ما لقوش فى الورد عيب قالوا يا أحمر الخدين .. سامى شرف نقى ونظيف واللى ماسك حاجة بجيبها فى رشه : ..
- « هل زى ما قلت فى كتابك .. زوجة النائب حسين الشافعى هى اللي كانت وراء نشر إشاعة « كريمة » ؟
- « هى إحدى العناصر اللي كانت وراء نشر هذه الإشاعة .
- « حضرتك تشرحها لى ؟
- « فى يوم من الأيام لقيت الرئيس ضرب لى تليفون اللي ببنى وبينه .. ويقول لى اعتقل ماجدة .. قلت له ماجدة فى موسكو .. أنا أول شىء خطر فى ذهنى ماجدة الصباحى .. وماجدة الصباحى كانت فى مهرجان موسكو بتاع السينما .. فقال لى لأ ماجدة الشافعى .. قلت له ليه ؟ قال لى دى قاعدة جوه مع تحية ويقول لها إن سامى شرف مرافق « كريمة » ومش عارف إيه .. فالناس اللي بتتسلى عليك وهم أقرب الناس لنا وهم يعلموا الحقيقة إن أنت لا بتاع كده ولا كده .. وإنت بتحارب الحاجات دى .. لأن إحنا فيه حاجة مقتلهاش فى الحديث كله .. عبد الناصر كان لا يفصل بين التصرف الشخصى والتصرف العام للرجل العام .. كان بيعتبر الاثنين شىء واحد ودى قيمة والحمد لله .. علشان كده إحنا ماشيين النهارده نتكلم ولا نخشى إلا الله ولا نملك شيئا .. الحمد لله وأنت تعلم أنا أملك إيه وما أملكش إيه .
- طيب ما وضحتش لى ماجدة مين ؟
- « حرم الأستاذ حسين الشافعى .
- « وأسأل أمين شاكى : شعر اوى جمعة كان على علاقة بإحدى فنانات الكوميديا ؟
- « أعتقد هذا .. أعتقد إنه كان على علاقة بها .
- « عُرف المشير بتعدد الاهتمامات والهوايات .. بعضها حقانى مؤكدة .. وبعضها تضاربت فيها الأقوال ..
- « وأسأل فتح الله رفعت : هل كانت له هوايات خاصة ؟
- « أنا أسمع زى ما أنت يتسمع .

• لكنك لم تحضرها ؟

• « لأ لم أحضرها » .

• وأسأل عباس رضوان : تردد على السنة الكثيرين .. وأنا واثق رغم حرص حضرتك كشرط لمقابلتنا ألا نتحدث في أى علاقة شخصية بأى أحد .. لكن ممكن إظهاراً للحق أسألك هل كان للمشير هوايات أخذت عليه وأثرت على كونه القائد العام للقوات المسلحة ؟

• « للأسف إن عبد الحكيم عامر بحكم وضعه بالنسبة للثورة وبالنسبة إن هو الرجل الثانى كان طول المدة معرضاً للتشهير من بعض الأجهزة .. وهذه الأجهزة كاذبة .. لم أجد فيه أى عملية انحراف .. يعنى عملية ما أعرض يدخن ولا كلام زى كده .. كل هذا ثبت لى إنه كذب .. ومجرد تشهير .. وكان فيه يجوز من بعض زملائه أو غيرهم من يستكثر عليه أن يكون الرجل الثانى فى الثورة » .

• وأسأل شمس بدران عن هوايات المشير الخاصة .. أو مزاجه الخاص ؟

• « يعنى إيه مزاجه الخاص .. زى ما بتسمع إنه كان « يبحثش » ؟ »

• أبوه ..

• « عمره ما شاف شكل الحشيش .. هو شكله يعنى فى الكلام يمكن الناس تفتكره زى « المساطيل » شوية .. لكن هو مش كده .. عمره ما شاف الحشيش ولا يعرف شكل الحشيش » .

• فعلاً ؟

• « خالص ولا شافه .. ولا شافه .. ده مؤكد » .

• أمال الإشاعات ؟

• « ولا كان غاوى يشرب خمرة .. يعنى يشربها فى المناسبات لما يجبر عليها » .

• أمال الشائعة التى طلعت عليه مين التى طلعتها ؟

• « الإشاعة يمكن كان فيه حواليه بعض الناس .. كانوا معروفاً عنهم إنهم حشاشين » .

• وأسأل جمال عامر : كان بيدخن كثيراً ؟

• « آه كان بيدخن كثيراً » .

• وأسأل الفريق أول مرتضى : هل كان المشير له هواية خاصة ؟

• « لأ ما أعرض كان يشرب سجاير .. آه .. كان يشرب قهوة .. آه .. لكن حاجات خلاف كده أنا ما أقدرش أقر حاجة زى كده » .

• بينما يقول محمود فهم : « الحقيقة اعفني من السؤال .. هو كان معاً في الكلية الحربية وكان معاً في فريق الملاكمة بتاعى الله يرحمه .. وكان له شلة ربما كانوا متهورين شوية معاه » ..

• قبل إن المرحوم على شقيق هو اللي كان له هذه الهوايات مش المشير .. إيه الحقيقة ؟
• « الحقيقة الاثنين » .

• ويقول عبد المنعم أمين : « كل ما قيل عنه .. وللتشجيعات اللي قيلت عنه .. طلعت من مخبرات رئاسة الجمهورية » ..

• ممن بالتحديد ؟

• « أنت عارف عندنا في مصر لما يكون الرئيس عاوز حاجة في أى جهاز .. تبص تلاقى كلهم بيشتغلوا له » .

• وأسأل جمال عامر : هل كان له هوايات خاصة ؟

• « والله لم يكن عنده الوقت لأى هواية .. بس أحياناً يلعب شطرنج .. تنس .. ده إذا توفر بعض الوقت لمجرد إن هو يعمل أى نوع من أنواع الحركة » .

• وأصبح عامر الرجل الثانى فى الدولة بعد ناصر .. وتصاهر الرجلان ..

• ويقول عبد المنعم أمين : « نبيه جداً .. ويقضب سريعاً .. لكنه نظيف » .

• ويقول شمس بدران : « عشان نبقى صادقين مع أنفسنا وفيه عدالة فى الكلام .. إن عبد الحكيم عامر هو الذى أنشأ القوات المسلحة الحديثة .. قبل عبد الحكيم عامر وقيل الثورة ما تقوم أيام الملك كان فيه جيش .. كنا بنسميه جيش المحمل .. إيه جيش المحمل ده ؟ كان كل هدف الجيش إن هو يعمل الاستعراض السنوى بتاع المحمل .. ماكانش فيه جيش .. كان فيه جيش « شمال .. يمين » .. طوابير تتطلع شمال يمين .. أدى الجيش » .

• أمال الجيش اللي دخل حرب فلسطين كان إيه ؟

• « ما هو كان كده » .

• والجيش اللي إنتم كنتم فيه ؟

• « آه .. كان بالشكل ده .. فيه مدرعات وفيه قزاة جوية .. وفيه كل حاجة .. بس ماكانش جيشاً متطوراً بالمعنى الصحيح .. إنما أقدر أقول إن عبد الحكيم عامر هو الذى طور الجيش وهو الذى خلق القوات المسلحة الحديثة » .

• ويقول أمين شاكى : « وبعدين أسوأ ما ترتب على هذه العلاقة إن عبد الناصر اختار عبد الحكيم عامر قائداً عاماً للجيش .. دى كانت أكبر نكسة أصابت هذا البلد .. إن كان عبد الناصر معين

عامر الرجل الثاني .. أصل مين اللي عمل الثورة ؟ الجيش .. مين اللي مسك الجيش ؟
عبد الحكيم عامر .. القوة في يد مين ؟ القوات المسلحة .. هو اللي بيتحكم في كل شيء ..
ولا يجرؤ أى أحد إنه يتعرض لها .. كان مين حيتعرض لها ؟ الباقيين كانوا أفراداً .. كان
كمال الدين حسين حياخذ المدرسين ويروح يتعرض للقوات المسلحة ! .. ولا صلاح سالم حياخذ
الإعلاميين ويروح يتعرض للقوات المسلحة ! .. لأ القوة الأساسية للثورة كانت القوات المسلحة
ودي ماسكها عبد الحكيم عامر .

• ويقول خالد محيي الدين : « عبد الحكيم كلنا نعرف عنه إخلاصه ونكائه ودهاءه في أن
واحد » .

• وأسأل جمال السادات : علاقة الرئيس السادات بالمشير عامر ؟

• « كانت جيدة جداً .. كانوا أصدقاء جداً .. وكان ييجي ويتعشى عندنا ونشوفه باستمرار .. وكان
دائماً المشير يجيب لنا « لبان تشكلتس » » .

• ويقول أحمد سعيد : « الله يرحمه كان عمدة .. عمدة صعيدى لكفر كبير .. وأى عمدة في الدنيا
بيعتمد على مشايخ غفر .. قد يكون أكثرهم غير سوى » .

• ويقول د . مراد غالب : « أنت في الحقيقة تلمس نقطة حساسة جداً في نفسي .. وأنا ماكنتش
أحب أنكلم عليها لأن المشير رجل كان إنساناً جداً ومليان مشاعر .. إنسان بمعنى الكلمة .. كان
بينصر الرجالة بتويعه .. يعني كان رجلاً صعيدياً .. والرجالة بتويعه مستعد إن هو يموت نفسه
علشانهم مش بس يساعدهم .. وبالتالي .. شخصية من الصعب إنك تحطها فين .. كنت بأعتبره
صديقاً ويمكن دى كانت شوية متناقضة مع علاقتى بالرئيس جمال عبد الناصر » .

• المهم كان وجود المشير عامر نفسه خطراً ، إذ أنه يستطيع إثارة الجيش حيث إن الجيش
كله متعلق به ..

• وأسأل د . حسن رجب : المشير عبد الحكيم عامر ؟

• « كان رجلاً طيباً جداً .. إنما بكل أسف كان بيعتمد أكثر من اللازم على المساعدين بتويعه ..
وماكانوش كلهم على المستوى الكويس من ناحية .. مثلاً معرفش الأخلاق .. الدقة في العمل
أو أى شيء من هذا القبيل » .

• ويقول أحمد حمروش : « كان عامر « الطفل المدلل » حسب تعبير عبد الناصر لحسن
إبراهيم .. قد أصبحت له أنياب وأظفار .. ولم يعد عبد الحكيم القديم » .

• ويقول توفيق عبده [إسماعيل] : « كان فيه مجموعة من أصحاب المصالح من الضباط .. مش
عاوزين يبنتموا زى هريدى وهو كان منيهم مناصباً كبيرة في الجيش وخارج الجيش .. شمس
بدران طبعاً كان معاهم وكانوا بيبحثوا عن دور له علشان يبقوا هم معاه .. الاثنين مع بعض ..
وأنا أتيح لى في فترة الستينات .. أنا طبعاً سبت الجيش ٥٤ .. بدأت العلاقات الاجتماعية تنمو

مع الرئيس عبد الناصر أو مع المشير عبد الحكيم عامر أو مع زكريا محيي الدين وغيره ..
بقينا نلتقي في مناسبات يمكن أقول لك كان الكثير من الأجوبة لهما وهما عن بعد .. ما يعرفوش
ده قال إيه .. يفكروا بطريقة واحدة .. ولا يمكن أن يكون لأى منهما تفكير غير الثاني .. إنما
المجموعات اللي حوالدهم اللي كانت مستفيدة من عاطفة عبد الحكيم عامر .. كانت مجموعات
لها سيطرة وأسأت له وأسأت للعلاقة اللي بينهم إساءة بالغة » .

* وأسأل شمس بدران : كان الضباط محللين من المشير عامر .. هل ده صحيح ؟

* « آه » .

* **يعنى كان بيطلعهم ؟**

* « يعنى إيه مدلعهم .. يشوف شئونهم .. واحد مريض له حاجة ما تتعالجش إلا بره .. بيعتبه
بره .. واحد أمه عيانة حتى ومالهش علاج بيعتبه بره .. خدمات إنسانية » .

* **ويقول جمال حماد :** « المشير رجل صميدي شهم وأى ضابط يلحأ له يلبي طلبه فوراً ومن
هنا اكتسب حبهم » .

* **ويقول د . محمود جامع :** « شمس بدران أيام عبد الحكيم عامر كان خلف مكتبه خزانة كبيرة ..
يوزع منها على المحتاحين من الضباط .. أى ضابط بيدخل له ويكون محتاجاً يعطيه .. وكانت
المسائل سايية » .

* **أسأل شمس بدران :** مكتب المشير كان فيه استغلال للنفوذ .. هل ده صحيح ؟

* « أنهى مكتب بقى .. ما هو كان فيه عدة مكاتب .. كان فيه مكتب عسكري تحت اللي هو كان
حافظ إسماعيل واخذ مسئوليته .. وبعدين كان فيه مكتب شئون عامة اللي أنا كنت واخذ
مسئوليته .. وبعدين كان فيه الحرس بقاعه والسكرتارية بقاعته » .

* **طيب مين فيهم ؟**

* « هم دول الحرس والسكرتارية هم اللي تبحروا فى عمليات كده .. يحيوا بضائع وما يدفعوش
جمرلك .. ويتاجروا فى حاجات وكلام من ده .. تجارة .. وبعدين اتممكوا كلهم واتحاكموا ..
راحوا السجن » .

* **ويقول مرتجى :** « بعد ٦٢ عبد الناصر كان يقول لى كان بينى وبين القوات المسلحة حساسية
بسبب المشير عامر » .

* **ويقول محمود فهم :** « الرئيس كان يحب المشير .. والمشير كان يحب الرئيس جداً .. لدرجة
وهما مختلفين مع بعض والرئيس محدد إقامة المشير .. كنت أطلع فوق وأجده بيكلم المشير ..
كل الناس مش عارفة إيه اللي بينهم .. مش قادر يسيب المشير أبداً .. ولا المشير قادر يسيبه ..
فقلت له يافندم سوف أروح أدلك المشير فقال لى طيب استنى وطلبه .. وقال لى روح بكره

ذلكه .. رحت له وجدت بالداخل عنده ترسانة من الضباط وسلاح إيه .. دخلت عليهم » .

• دخلت إزاي ؟

• « ومعى شنطة قلت لهم قولوا للمشير إني حضرت .. بصوا لى باستغراب .. منهم عباس نصار وجلال هريدى .. وقالوا لى هات الشنطة .. وقالوا للمشير .. فقال دخلوه .. عملت للمشير تدليك وكل حاجة وطلعت وهم برضه يعنى مستغربين .. فرجعت للرئيس جمال أول ما شافنى فضل يضحك .. قلت له فيه حاجة يافندم .. قال لى يا فهيم الحفيقة إنت عملت دربكة جامدة .. قلت إزاي يافندم ده المشير اتبسط .. قال المشير اتبسط لكن الحاشية اللي بره افتكروك جاي تعمل حاجة .. وكان فيه ضباط من الموجودين مع المشير بتوع الرئيس .. فقالوا للرئيس عن كل حاجة .. بس ما قدروش يعملوا حاجة للمشير » .

• بعد الرجوع فى التتنى .. غضب عامر بعد أن عاد ناصر للسلطة وحده .. واستقر رأى على منع عامر من التورط فى أكثر مما تورط فيه .. وأعلن ناصر تحديد إقامة عامر فى بيته .. والنهار عامر ..

• ويقول أنيس منصور : « كان الخلاف قائماً بينهما .. وهما أصحاب .. لكن عبد الناصر أقوى .. شخصياً أقوى .. وأكثر تماسكاً .. ومتفرد ومنضبط كقائد وكسياسى .. عبد الحكيم .. رجل فرفشة « وهليلهى » ومش منضبط ومعتمد على محبة بعض الضباط وصداقته القديمة لعبد الناصر » .

• وأسأل عباس رضوان : إيه اللى خلى عبد الناصر فى رأيك يرجع فى كلامه وما يتنحاش .. فى حين إن المشير ابتعد وظل مبتعداً ؟

• « دى فيها الاحتمالان .. بس برضه كده كان فيه محاولات أن يستمر من عبد الناصر .. أن يستمر مع تقليص سلطاته على قدر الإمكان » .

• لاحظت فى مكتب عباس رضوان ملفاً مكتوب عليه « محاولة انقلاب عسكرى بقيادة المشير المرحوم عبد الحكيم عامر » .

• « اعتبروا إن اتصالات عبد الحكيم عامر بالضباط عموماً دى تمهيداً .. اللى هم زى ما بأقول لك طبقة الانتهازيين .. وجاء وقت كان فيه فكرة أن لا يبقى أحد من ثوار يوليو .. لما تعيين محمد فوزى كلمنى يومها ناصر وقال لى إن عبد الحكيم عامر حيروح المنيا وعاوزك تخليه يستنى .. قلت له سوف أحاول .. رحت له يومها كان ماشى على المنيا .. وقال لى لا معلنش يا عباس .. ورجعت معاه لحد يمكن البدرشين ورجعت هنا ببيان هو كان عنده ٣ أو ٤ ضباط دى مش مشكلة .. وبعدين هو مش ساذج علشان مش جيعرف إنه متراقب فى ظرف زى ده .. طبعاً متراقب .. إنما يعنى اللى كان أحرص واحد على مصلحة البلد وعلى مصلحة جمال عبد الناصر فى نفس الوقت .. هو عبد الحكيم عامر مافيش شك » .

• ويقول د . عبد العظيم رمضان : « كان لابد من التخلص من المشير عامر ولكن ليس عن طريق المحاكمة .. لأنه كان يهدد النظام .. ولو حوكم تكون سابقة خطيرة .. ومن الممكن أن يكشف كل الأسرار » .

• ويقول الفريق أول محمد فوزي : « يوم ٢٥ أغسطس سنة ٦٧ أراد الرئيس عبد الناصر أن ينهى هذا الإشكال مع المشير عبد الحكيم عامر .. شبت مناقشة لغرض ما على الهزيمة في ٦٧ .. المشير لم يقبل هذا الوضع وخرج دون أن يصل إلى نتيجة ما معه .. المشير بدأ يعمل حركات غير شرعية ودعا بعض الضباط إليه كانوا ١١ واحداً في البندوم بتاع بيته .. في ذلك الوقت الناس دول كان صدر الأمر بطلوعهم على المعاش .. وجاب سريتين من الشرطة العسكرية مسلحتين في بيته بالإضافة إلى الـ ١١ ضابطاً .. الوضع لم يكن سليماً من ناحية الشكل .. ضباط كبار كانوا مسؤولين ووجدوا في بيت المشير ومعاهم أسلحة ومعاهم سريتين من الجنود .. بالإضافة إلى ذلك المشير جاب ٣٠٠ واحد من بلده .. بقي الوضع شاذاً من الناحية الشرعية .. بدأت حركات داخلية يعملها بأن يتصل بالقوات المسلحة ويشير إلى عمل شيء مضاد للشرعية الموجودة في البلد أو يطبع استقالته مرة أخرى وينشرها على أعضاء مجلس الأمة .. الأمر ده يبقى اسمه عمليات مضادة وضد الشرعية الموجودة في البلد .. الرئيس عبد الناصر قرر إزالة هذا الوضع بأن يمنع هذا العمل .. وكلفني بتطهير المنزل » .

• ويقول شمس بدران : « المشير لما راح قابل عبد الناصر قبل ما يسافر عبد الناصر للسودان كان كل اللي في ذهن عبد الناصر أنه يحدد إقامته بس عشان يتقى شره .. واللي في بيت المشير اتمسكوا وراحوا وابتدأ يحقّق معهم .. واحد منهم أخذته التطوع بقى وقال على المؤامرة كلها .. اللي هو جلال هريدي (١) » .

• تطوعاً ولا قهراً ؟

• « لا هو كان فيه قهر طبعاً .. لكن الباقي ما اتكلموش .. هو اللي اتكلم عشان خاطر يتهرب ويأخذ عفواً وأخذ وعداً بالعفو فعلاً .. طبعاً ما اتعافاش عنه .. أخذ مؤبداً زى أى واحد تانى .. كان أخذ وعداً عشان يتكلم .. فاتكلم قال فيه كذا كذا .. لما اتعرف الكلام ده ونُقل لعبد الناصر شالوا عبد الحكيم عامر من تحديد الإقامة في بيته إلى بيت ثانى في الهرم وبقي معتقلاً .. وعشان كده انتحر .. أو زى مايقولوا انتحروه .. كان معروفاً أنه معاه سم وحاول ينتحر قبل كده في بيت عبد الناصر فماسبابوش هناك .. لو كان اتفتش كانوا لقوا السم .. غالبا سابوه عشان ينتحر .. يعنى انتحروه » .

• وأسأل الفريق أول مرتضى : قلت لى إنك اعتقلت ٣ أيام لكنك لم ينيك « من الحب جانياً » وطلعت بدون محاكمة .. ليه يا هندم ؟

• « لأن أولاً هم كانوا متصورين إن أنا دخلت مع المشير العملية اللي يقولوا عليها دى .. وبعدين (١) بذلت قصارى جهدى لمحاولة التسجيل مع السيد جلال هريدي .. فاعتذر وأصر على عدم الحديث .

اتصح إن أنا ماليش دخل فى هذه العملية إطلاقاً .. وفى الوقت نفسه لما رحلت قابلت عبد الناصر فبأقول له أنت إزاي تخزننى .. قال لى يابنى أصل أنا حقول لك العمليات دى كلها توربطة .. قلت له يعنى قعدنا مع بعض سنتين فى كلية الأركان وإنت عارف أخلاقى وأنا رأى أن الرجل العسكري لا يخون .. لأنه أقسم أنه يبقى مع النظام بناع البلد ما هو مش ممكن يتقلب على نظام البلد .. فقال لى « أنا تصورت إنت لك دور وثبت إن أنت مالكش دخل فى هذه العملية » .

• ويقول أمين هويدى : « بعد ما حدثت النكسة .. وأحب أقول هذا للتاريخ .. أنا كنت قاعداً فى مكتب سامى شرف ودخل علينا اثنين ضباط من الفرسان .. عماد ثابت وأحمد سيد أحمد نصر ضباط من أحسن ضباط القوات المسلحة .. وكانوا جايين يقولوا إن تحت أيديهم حوالى مائة دبابة يمكننا أن نستخدمها فى الدفاع عن الضفة الغربية للقناة .. فالأخ سامى انبسط جداً وقام باسمهم على هذا ومشيرا .. بعدين يقول لى إنت مالك .. قلت له سامى ده إحنا كان عندنا ألفين دبابة راهو فى الـ ٢٠٠٠ ، دبابة إحنا جايين نتكلم على مائة دبابة .. يا سامى كل شىء لازم يتغير .. وكانت هذه الفاتحة لبدء وضع الترتيبات لإزاحة عبد الحكيم عامر .. ليه إزاحة عامر ؟ لإن ماكش يقبل إنه يترك منصبه وأصبح خارج السلطة الشرعية للبلد وكان المفروض كلنا إحنا لهذه العملية .. شعراوى ولسمى وأنا .. كنت وقتها وزير حرية ، سامى سكرتير الرئيس للمعلومات ، شعراوى وزير الداخلية .. وسمينا الاسم الكودى لهذه العملية « جونسون » .. وكانت الخطة إن إحنا - وهذا الكلام كاتبه فى كتابى مع عبد الناصر وفى كتاب « الفرص الضائعة » ، ولكل اللى كانوا أحياء - المفروض الأول نعترض المشير فى طريق صلاح سالم وهو راجع من إحدى سهراته وما كنش بيكون « فائق » قوى .. وضعت الخطة على هذا الأساس وبلغنا بها الرئيس وافق عليها واللى كان على علم بهذا الموضوع أيضاً زكريا محيى الدين .. لكن بعد تقديرنا للموقف مرة أخرى .. وشعراوى كان ضد هذه العملية .. على أساس أنها حتوجد بالقطع احتكاكا واضحاً لإن يصح أولاً أن يكون المشير فائق ، وثانياً تكون الحراسة قوية .. وعملية فى شارع صلاح سالم حتبقى مش تمام .. ففكرنا بخطة أخرى ودى عملناها فى نادى الشمس حول حمام المسبحة .. الخطة دى كانت تقتضى أن يجى عبد الحكيم فى بيت الرئيس بأى دعوة ونمسهك هناك ثم نمسهك بيت الجيزة .. ليه بيت الجيزة ؟ المشير أخطأ من ضمن أخطائه العنيدة إنه جاب ناس يحرسوه من المنيأ وقعدوا معاه فى البيت وأصبحت نقطة مقاومة داخل البلد لا سلطة على هذا الوضع .. وأخذ الأخطر من كده يقابل الضباط فى القوات المسلحة والناس بتوعه ينشطوا بقلبهم فى حتت كثيرة .. فقلنا نستدعى عبد الحكيم فى منزل الرئيس ونمسهك هناك ثم نقضى بيت الجيزة .. الرئيس فاضل له ٥ أيام ويسافر مؤتمر الخرطوم وقلنا لازم نُصفى العملية قبل مؤتمر الخرطوم .. فقرر أن المشير يجى فى بيت الرئيس يوم ٢٥ ويُمسهك .. والرئيس وافق على هذا الكلام على أساس لما يجى نستدعيه يكون التواب موجودين .. تحدد إقامته بعد ما يكون البيت مُظف من الناس الموجودين فيه .. يومها يوم ٢٥ اجتمعت أنا ولسمى وشعراوى فى مكتب سامى علشان نكون قريبين من الرئيس .. استدعيت الفريق فوزى فالرجل جاء مباشرة علما بأن كان درجة حرارته مرتفعة .. وجاء معه قائد الشرطة العسكرية سعد

عبد الكريم ومحمد صادق مدير المخابرات الحربية .. وأعطى محمد فوزى تمام وأخذ القوات وطلع على بيت الجيزة لتصفيته .. شوية وجاءت عربية المشير ونزل والريس قابله وانقبض على الضابط الذى معه ملطناوى ، وهو من خيرة ضباط الجيش وإن ولم يحد أبداً عن مبادئه شعرة واحدة طول ما هو موجود مع المشير .. ما أعرفش هو فين دلوقتى إحنا نتكلم للتاريخ .. زكريا محيى الدين وأنور السادات وحسين الشافعى كانوا فى حجرة الصالون .. وأنا سبت شعراوى وسامى بره وحطيت عربيتى الخاصة قصاد الباب علشان نأخذ بها المشير بعد ما نمسكه .. وأنا كنت قاعدا بره فى الأنتريه والنواب كانوا قاعدين وعبد الحكيم كان فى شبه محاكمة .. لكن الرجل لم يتخاذل ولم يضعف أبداً بل كان متماسكا ومتمسكاً بمركزه متمسكا كاملاً .. قام الرئيس كذا مرة يتصل بعباس رضوان فى بيت الجيزة بتاع المشير عبد الحكيم لأن كان فيه اتصال على أساس عباس يقنع الناس اللي موجودة هناك ما فيش داعى للصدام .. فوزى جاء لكم .. والريس فى الدور فوقانى .. أنا دخلت جوه فبعد الحكيم عامر قال ما تجى نتمشى بره فى الجنينة .. وطلعنا نتمشى وأقول لك أنا الوحيد الحى الذى عاش هذا المنظر .. وبدأ ينتهد فقلت له سيادة المشير إيه اللي بتعمله ده إحنا رايعين فين عاجبك الموقف ده كله ؟ قال اسكت يا أمين أنت ما تعرفش حاجة .. قلت له تصلح الموقف وتنظر مع بعض .. البلد غرقت .. رجع فعندنا قال عاوز أروح التواليت .. بعد ما طلع من التواليت .. وفيه ناس موجودة من البوران والضباط وإحنا موجودين كلنا .. مسك كاس فيها ماء راماه وقال لى يا هويدى اطلع بلغ الرئيس بتاعك إن عبد الحكيم انتحر .. أنا اتخضيت جدا بصراحة وكان الرئيس ينتدر على هذا الوضع .. وطلعت جرى على السلم قصاد حجرات النوم .. فيه زى بسطة معمولة من الخشب كده .. لقيت الرئيس واقف لابس قميص وينطلون .. فيه إيه قلت له عبد الحكيم انتحر .. قال لى لا يمكن كان حقه ينتحر يوم ما ودانا فى داهية فى سيناء .. اللي ما انتحersh يوم سيناء مش حينتحر النهارده !! لكن لعب فى عبه الفأر .. نزلت لقيت الأولاد والضباط الموجودين استدعوا الدكتور الصاوى .. وأخذوا يدوه حقن ويمالجوه .. كانت الساعة ٥ صباحاً تقريباً .. جاء شاب : فين الوزير هويدى .. اتفضل يا قدم التليفون عاوزك .. فرحت لقيت محمد فوزى على التليفون قال تمام يا فندم تمت تصفية بيت الجيزة واعتقلنا كل الناس الموجودين وجارى تحميل الذخائر والقنابل والأسلحة فى اللواري .. بلغنا الرئيس بهذا الكلام .. وطلع عبد الحكيم ومعه أنور السادات وحسين الشافعى أو زكريا وحسين الشافعى .. لا أنكر بالضبط .. فى عربية خلاف عربيتى .. وكانت آخر مرة أشوفه والعربية طالعة من باب بيت الرئيس .. المشير فى الوسط يمينه أحد النواب وشماله أحد النواب .. وقعد فى بيته .. إلى أن تم الانتحار فى المرة الأخرى فى بيت الميريوطية .

* **ويقول مرتضى :** « أنا ما رحتش البيت بتاعه وقت ما قبضوا عليه .. أنا كنت قبلها بيوم عنده وبأقول له يعنى الوحدة لازم تستمر الوحدة لازم ترجع تانى وترجعوا إثنين مع بعض زى ما كنتم .. البلد فى احتياج لكم .. إلى آخره .. فهو قال لى أنا بكرة رايح له وإن شاء الله الأمور كلها تتحل .. تانى يوم لما راح هناك حصل « طليعة » .. حصل هناك عند عبد الناصر

كان موجودا السادات وغيره ومش عارف حصل زى عملية انتحارية زى ما بيقلوا هم .. أنا ما أعرفش .

* وأسأل شمس بدران : قرأت فى مذكراتك المكتوبة والتي لم تنشر بعد هذه الجملة « عبد الناصر استخدم هيكل كمخلب قط » .. فماذا تعنى بذلك ؟

* « اعتقاله بقى أنا ما حضرتوش .. ماكنتش موجوداً ساعة الاعتقال .. هو راح هو وعبد الناصر بعث له كان حيسافر الخرطوم ومش عاوز يسافر ويسيب عبد الحكيم عامر .. أمامه واحدة من اثنين : يا يأخذه معاه ودى مش ممكن لأن هو خلاص خرج من السلطة .. يا يحدد إقامته مش يعتقله .. يحدد إقامته يعنى يضمن إنه ما يقدرش يعمل حاجة أثناء غياب عبد الناصر .. بس المشير كان عاوز يعمل انقلاباً ضد الرئيس عبد الناصر .. آه فهو لما بعث له .. كان هيكل واسطة فى المسكة ما بين عبد الناصر وعبد الحكيم .. يعنى يأخذ كلام عبد الحكيم عامر ويروح يبلغه لعبد الناصر .. وكان هو وسيلة الاتصال .. طبعاً كان فيه اتصال مباشر ما بين جمال عبد الناصر وما بين عبد الحكيم عامر .. بس كان هو المسكة علشان الكلام اللي ما يقدرش يقوله عبد الحكيم عامر .. يقوله هيكل لما يروح لعبد الناصر .. وعبد الناصر انتهز فرصة إن هيكل فيه قبول من عبد الحكيم عامر على إنه يعنى وسيلة اتصال أو واسطة بينه وبين عبد الناصر .. فخلّى هيكل يتقع عبد الحكيم عامر إنه يروح بيت عبد الناصر ويتعشى فى ليلة معينة هناك ويتكلموا فى الموضوعات دى .. ومش هيكل بس هو اللي أوحى بذلك كمان الجيار .. محمود الجيار .. كان برضه بين الاثنين .. صديق للاثنين .. والاثنان بيحبوا محمود الجيار .. فخلّى برضه الجيار يتقع عبد الحكيم عامر إنه يروح يتعشى .. يعنى ناصر استخدم هيكل كمخلب قط .. فلما عملوا الميعاد بناعه ده علشان عبد الحكيم عامر يروح المعتقل .. وعلشان يزيل أى شك من عبد الناصر .. خلى هيكل هو اللي يجيب عبد الحكيم عامر .. والله أعلم .. وخلّى الجيار يكلمه .. فراح عبد الحكيم عامر فى الفتح المنسوب ليه .. فبعد الحكيم عامر ما أخذش خوانة وراح .. فيه ولد فى البيت بقى من ضباط الصاعقة اللي كانوا قاعدين قال له يا فندم ما تروىش ده حيثقتك .. قال له بس يا ولد بلاش كلام فارغ .. يا فندم ما تروىش أرجوك ده حيثقتك .. قال له بلاش كلام فارغ » .

* وبعدين ؟

* « الكلام اللي عرفته بقى بعدين إن أول ما راح كان واخد معاه طبنجة طبعاً .. قبل ما يخش وقفه وفتشوه فطلموا الطبنجة .. لأن عبد الناصر طبعاً عارف إنه حبيتى معاه طبنجة وجايز يخش يعمل أى حاجة .. وأخذوا منه الطبنجة ودخل وبعدين القصة معروفة بقى » .

* وأسأل الفريق أول مرتجى : هل الأستاذ هيكل كان همزة الوصل بين المشير والرئيس ؟

* « ما أعرفش » .

* وأسأل برلنتى : فى الوقت ده المشير عمل إيه ؟

* في الوقت ده المشير أصلاً ما كنش عاوز يرجع الشغل .. وقدم استقالته ومسافر على طول على الصعيد .. على أساس إنه مش عاوز يشتغل .. وعبد الناصر بعث له كتيرا جدا .. بعث له صلاح نصر وبعث له عباس رضوان وبعث له هيكل وبعث له عصام خليل .. وكان يبطله يومياً ويقول له : أنا وحيد ما تسينيش فيه مشاكل ولازم تنف جنبى .. والعملية مش عملية كرسى إحنا شركاء فى القرارات ومتعودين إننا نشترك مع بعض فى المشاكل ، .. يحاول أنه يجره إلى مصر بشئى الطرق .. رفض رفضاً قاطعاً كل المحاولات دى .. وعرض عليه إنه يكون نائب أول رئيس جمهورية بكل الميزات اللي فى السلطة دى والشهرة دى .. رفض كل ده لأنه إنسان قرر فعلاً إنه يعتزل السياسة .. وفعلًا اختار بيت خاله وجاب مراته وقعدما فيه وجاب أولاده ودور لى أنا على بيت أقعد فيه .. واحد استقر ذهنه تماماً على إنه جيمش بعيداً عن السياسة كأى مواطن عادى .. خلاص انتهينا .. فى الآخر بعث له هيكل بحاجة ما يقدرش المشير يقول فيها حاجة .. قال له تعالى وأنا كل الضباط اللي قبضت عليهم حاطلهم واللى فى المعاشات حارجمعهم وأحل لك جميع مشاكل الضباط اللي مضايكك .. وعاوز أهزاب حنكرك فيها .. إزاي نبعذ يا حكيم .. وكانت دى عملية استدراج خطيرة جدا أدت لقتله .

* ويقول جمال عامر : : والدى قعد فى البيت وقدم استقالته .. وحصلت الاعتقالات لجميع الضباط اللي كانوا بيشتغلوا معاه .. وفيه ناس هربت زى شمس بدران وجلال هريدى وناس ضباط كثيرة لا حصر لها أتوا إلى البيت طبعاً .. يروحوا فين وهو لم يقدر التخلي عنهم ففقدوا معاه فى البيت .. وتكلم مع الرئيس ليه الاعتقالات دى .. ووعد أنه يحل هذا الموضوع .. ونتيجة إنه لم يحصل حل للناس دى أقامت معاه فى البيت وهو كان يساعدكم حقيقة .. طبعاً ما يقدرش يروحوا بيوتهم ومطلوب القبض عليهم .. وكان يحاول تهدئتهم وهم تاترين جداً ضد الرئيس عبد الناصر .. وعاوزين يعملوا أى حاجة ضده .. أنا سمعته أكثر من مرة كان بينهى هذا الكلام ويرفض حتى يسمعه .. وماكانش فى دماغه إنه يعمل انقلاباً أو غيره .

* وأسأل شمس بدران : هل كنت فى بيت المشير ؟

* : أنا كنت فى الاسكندرية .

* : إذن ما ألقوش القبض عليك ؟

* : لأ كنت رجعت .. رجعت لبيت المشير .

* : ودخل بقى الفريق فوزى ولبض عليكم ؟

* : آه .

* ويقول الفريق أول محمد فوزى : : المنزل كان فيه وقتها زوجته وأولاده .. وهو كان مدعواً إلى الرئيس عبد الناصر ويعمل مناقشة حضرها السيد أنور السادات وزكريا محيى الدين وحسين الشافعى فى بيته فى منشية البكرى .. اللي هى لم تنتهى لشيء .. بس على الفجر انتهى اللقاء

فى المنزل .. وأنا بالنسبة للبيت فى الجزيرة خلصت مهمتى من ناحية تطهير العسكريين الموجودين فيه .

• قالوا الرئيس عبد الناصر كان طلب زيارة المشير عامر له على أساس إن البيت يبقى سهل اقتحامه ؟

• آه دعاه .. طبعاً واضحة المسألة فى أن العمليتين تما فى وقت واحد .. وعلى بال ما انتهى اللقاء فى المنزل كنت أنا خلصت التطهير دون إطلاق طلقة رصاص واحدة .. بل بالعكس من ناحية البيت نفسه بعض المعارك فى السطوح أطلقوا النيران .. أنا لم أرد عليهم .. وانتهى الوضع بحجز المشير فى منزله ومط عائلته بس بحراسة مش من عنده .. وكل الحراسات الللى كانت معاه كلها تم تطهيرها .. بهذا الوضع انتهى التدخل الغير شرعى الللى فى البلد فى ذلك الوقت .. جاءت بعد كده إنه لم يقبل هذا الوضع وبدأ يتحرك من ناحية الاتصال بجماهير كثيرة وبأعضاء مجلس الشعب .. الأمر الللى خلى هناك خطوة تقدمية أخرى تأتى من ناحية عزله فى مكان آخر .. أخذت هذه الخطوة وأخذته من البيت .. وكان معى المرحوم عبد المنعم رياض .

• هل وجدت منه مقاومة ؟

• لأ إحنا كنا عسكريين منضبطين .. وفيه قائد شرعى موجود بيأمر بشىء إحنا بتننفذه .. وطلبت منه هذا الطلب استجاب وكان فى حالة نفسية سيئة .. وكان يلطف العملية بشىء من المهدنات فى نظره .. وهى طلعت أفيون .. ويعدين ابنته وإحنا فى قلب البيت قالت بابا أخذ سم .. أنا قلت هذه الكلمة وبدلاً من أخذه إلى البيت الذى سوف أضعه فيه أخذته إلى المستشفى فى المعادى .. وفى المستشفى اتخذت إجراءات طبية كثيرة الغرض منها الأطمئنان عليه .. غسيل بطن .. رفض يقبل المعدة .. أخذ مقيء .. والمقيء نزل شوية حاجات .. أخذنا تحليلاً وطلع إنه أفيون .. والأفيون مؤثر على الأكرنوتين الذى أخذه فى البيت لدرجة الللى بها مش مأثر عليه .. ولكن هى كانت محاولة .. فيما بعد طلع لاصقه فى جسمه .

• وأسأل شمس بدران : هل كان فيه محاولة قلب نظام حكم من المشير ؟

• كان فيه محاولة بس بعد زمن طويل معنى .. فى الأول كان عبد الحكيم عامر عاوز يتحلى وبس ما يعودش للحياة السياسية .. ويعدين لما أقتنوه الناس الللى موجودين فى البيت والناس الللى حواليه إنه لازم يرجع علشان خاطر يبقى فيه حياة نيابية سليمة .. وهو اقتنع بالفكرة دى إنه يعود تانى للسلطة ، ويعمل حياة نيابية وإن يبقى فيه برلمان ويبقى فيه إضراب ويبقى فيه نعد أحزاب وتبقى حياة نيابية سليمة .. وعلى هذا الأساس قرر إن هو يرجع القيادة الشرفية ، ومن هناك يعلن عودته للسلطة وبيبعث قوة تحاصر منزل عبد الناصر إذا ماكانش خيخرج للتفاهم يخرجاه بالمافية .

• طيب عمل الانقلاب ده إزاي ؟

• التفكير الللى فى دماغه .. ويعدين الكلام ده ما اتعرفش وكان هو الحاجة الأساسية عنده إنه

يعمل هذا .. ينفذ هذا الكلام أثناء وجود عبد الناصر في القاهرة مش وهو في السودان في مؤتمر الخرطوم .. يعني كان فيه ناس منهم يقولوا له ما تستنى لما يروح السودان تقوم تبقى البلد فاضية .. قال لأ لازم تتعمل وهو موجود هنا .. فلما عبد الناصر بقى طلبه في البيت .. عبد الناصر كمان مش عاوز يسافر الخرطوم ويسيه هنا .. فلما طلبه في البيت واعتقله أو حدد إقامته مأكنش فيه أى تفكير أو أى أخبار بلن المشير بيقرر في أى حاجة .. لكن واحد من الضباط اللي اتتمسكوا واللى هو جلال هريدى .. اعترف بقى بالموضوع ده .. فى التحقيق .. فلما اعترف بلن كان فيه انقلاب ومحاولة للاستيلاء على السلطة فراحوا واخدين عبد الحكيم عامر من بيته .. هو كان متحدد إقامته فى بيته .. أخذوه فى معتقل .. مما دعا إن هو ينتحر ، .

• **ويقول جمال عامر :** هو راح البلد في الصعيد بعداً عن أى تأويلات حتى بهذا الوضع شوية .. واتعين الفريق محمد فوزى قائدأ عاماً وبرضه مشبوا في موضوع الاعتقالات بصورة أكبر وطلعوا الناس على المعاش .. طبعاً الناس كلها ضباط ممتازة .. منها أسماء كبيرة وناس رجعت الخيمة بعد كده وحارب في ٧٣ .. طبعاً لم يقدر يقعد إلى ما لا نهاية هناك .. وأفكر الرئيس كلمه هناك ورجع وحصل مقابلة بينهما .. وكان الرئيس عبد الناصر بأنى إلينا في البيت في وجود الناس اللي قالوا بيعملوا مؤامرة أو غيره .. جاء مرتين في تواجدهم .. ولوحده .. ولو كانوا يريدون عمل أى حاجة من دى ما كان أى حاجة تحصل .. ولو هو بس عمل بليده كده .. كان الناس تنفذ .. لكن طبعاً لم يكن موجود هذا الكلام خالص لأن كان فيه ثقة كبيرة .. هو اتعرض عليه نائب رئيس جمهورية ورفض لأن هو أساساً خلاص جس إنه لا يقدر أن يخدم البلد بعد اللي حصل .. بس اللي حصل إن الرئيس عبد الناصر كان مسافراً إلى الخرطوم في مؤتمر قمة .. كان واضحاً إن الوضع لازم يحل بصورة أو بأخرى .. تواجد عبد الحكيم عامر بالناس دى في البيت في وسط القاهرة يشكل خطورة كبيرة .. في الجزيرة .. وفيه ناس حول الرئيس عبد الناصر لهم مصلحة وفرصة عمرهم تحققت أخيراً .. إن فيه شرح موجود بينهما والنهارده الفرصة مهيأة إن هم يخلصوا من عامر علشان هم يقولوا في الصورة .. وده اللي حصل بعد كده ، .

• **زى مين ؟**

• **زى سامى شرف والفريق فوزى ..** وكلهم في صلات قرابة .. فيه حاجات الناس لم تعرفها .. هم اجتمعوا على عبد الحكيم عامر في اللجنة دى لأن كل مرة كانوا بيخشوا إن هم يخلصوا منه .. ودى كانت فرصتهم .. وبعد ذلك تلقى والدى دعوة من عبد الناصر إنه يذهب إليه في البيت على المشاء .. طبعاً اللي حصل إن كل الناس اعترضت وقالوا له لا تذهب ، .

• **وإنتم أهل البيت .. ماذا فعلتم ؟**

• **إحنا لم يأخذ رأينا في حاجة زى كده .. هم إخوانه رفضوا أن يذهب .. وحذره شمس بدران وصلاح نصر إن يمكن يُعتقل .. لكن هو رفض .. وأصر وراح معاه المائق وفرد واحد .. أول ما دخل البيت اعتقل المائق والضابط اللي معاه .. ودخل وقعد .. كان زكريا مجيب الدين**

وأثور السادات وحسين الشافعي على ما أنكر .. وبدأ الموضوع إن وجوده في البيت خطر ولازم تحدد إقامته .. حضر الجلسة دى الرئيس ولم يكن موجوداً بصفة مستمرة .. وأتخيل إن هو كان يتجنب المواجهة معاه .. وفوجيء إن تم القبض عليه .. وراح على البيت .

• عرفتم الحكاية دى متى وإزاي ؟

• عرفنا فى وقتها بلغنا من أطراف كثيرة .. إحنا برضه كنا بنقدر نعرف زى ما هم بيمعرفوا كل حاجة فى وقتها .

• وانتقطعت الصلة بينه وبينكم ؟

• الليلة دى انتقطعت .. هم ماجموا البيت وهو مش موجود .. قالوا إننا قبضنا على المشير .. وبعدين خوفاً على الناس اللي فى البيت تقرر إن كل القوة الموجودة تسلم .

• كان فيه تبادل لإطلاق النار ؟

• لا لم يحصل أى حاجة .. الناس تصرفت بإدراك ومافيش داعى لأى حاجة تحصل خصوصاً إن المشير مش موجود معاهم .. علشان الزوجة والأولاد .

• ثم ماذا حدث فى الهرم ؟

• هم بعد ما قبضوا على الناس اللي فى البيت .. راحوا أحضروه فى البيت عندنا وحطوا قوة من عندهم لتحديد إقامته وفضل معانا وكان كويس جداً .

• ويقول عباس رضوان : واعتقل المشير عبد الحكيم فى منزله .. ورحلت زرته بناء على طلب الرئيس عبد الناصر وكان الحصار اللي كان على المنزل كما قوات الهجوم على إيلات .

• وأسأل محمد أحمد : عبد الناصر والمشير عامر فى آخر أيامهم .. تقول إيه ؟

• عبد الناصر كان منضبطاً وكان فى أغسطس ٦٧ وجمع مجلس الثورة علشان يقولوا لعبد الحكيم عامر على أخطائه ويحددوا إقامته تمهيداً لمحاكمته .. وبعدين هو دخل قال أنا أخذت حياية إيه .. وكاد يحدد إقامته لولا دخل الدكتور وأعطاء حقن ضد السموم ماكانش عاوز بأخذها .. مسك نراعه بالقوة .. وبعدين زكريا محبى الدين قال حأخذه يروح ببته مش حيخرج وخلّاص .. ولحد ما نشوف .. واتعملت عليه حراسة لحد ما جم الضباط اللي قعدوا عنده .. ثم سلسلة ما حصل من المشاكل .. وحبوا يطلعوا الضباط ما طلعوا لحد ما سحبوا الحراسة .. وبعدين جابوا حرس من الصعيد .. إنما كان فى قرارة نفسه متألماً طبعاً إن صديقه اللي أقرب واحد إليه خاب أمه فيه .. دى المشكلة بتاعته .

• ويقول جمال عامر : فوجئنا فى يوم صباحاً وجدت عربيات مدرعة وقوة كبيرة واقفة على شارع النيل وعربية إسعاف لفنت نظرى وطلعت قلت له .. يعد شوية وجدت الفريق عبد المنعم رياض حضر معاه ٢ ضباط وجلسوا معاه فى الصالون .. وجدت ضباط كثيرة بالسلاح .. طبعاً

أحس إنه فيه غدر .. كان فى ساعتها على طول تكالبوا عليه ومسكوه .. وراحوا نازلين على العربية .. وكان معاهم عربية إسعاف .. فى البيت حاولوا يركبوه العربية ما أمكنش .. بكل القوة دى .. فجابوا عربية ملاكى مرسيدس وركب معاه فوزى والفريق عبد المنعم رياض .. ففهمنا إنه راح مستشفى المعادى .. ودخل المستشفى .. هم حسب روايتهم بعد كده إن هو أخذ سماً وهو قاعد معاهم .. مع العلم إن الرجل كان قاعداً ما يمرضش إن هم جابيين وإحنا كنا معاه ولم يتحرك من مكانه .. إمتى ده تم ماحدش يعرف .. طيب إنتم بتجييوا عربية الإسعاف وعارفين إنه حياخذ سماً مقدماً إزاي .. هو طبعاً راح المستشفى .. إحنا عرفنا من الفريق مرتجى اللي هو كان أخوه مدير المستشفى فى ذلك الوقت .. حكى لنا إن هو حضر وكانوا مصرين إن يعملوا له غسيل معدة .. جاء مرتجى وقال له علشان خاطرى .. فسمع كلامه .. ووضع صباعه فى بقه ورجع .. وعلى روايته فضل يضحك معهم .. وكان طبيعياً جداً والتبض بتاعه كويس .. وحالته الصحية كويسة .. طلب من الفريق فوزى إن يسيبه الليلة فى المستشفى .. يعنى مجرد إن هم يتابعوه .. فرفض طبعاً .. لأن الفريق فوزى عنده عداة مستحكم ضد عبد الحكيم عامر .. رجل حقود ولذلك هو اختير لهذه العملية .

* **ويقول الفريق أول مرتجى :** لما راحوا مستشفى المعادى فى ذلك الوقت .. كان مدير المستشفى أخويا .. وعملوا له غسيل معدة وحاجات زى كده .. فطلب منه إن المشير يقعد تحت الملاحظة الطبية ٢٤ ساعة .. محمد فوزى رفض وقال لا لا .. التعليمات عندها إن إحنا نأخذه واللى يحصل يحصل .. وأخذوه وراحوا على الفيلا اللي هو انتحر فيها .

* **ويضيف جمال عامر :** تانى يوم الصبح جاء لنا واحد ضابط وقال لنا المشير طالب حاجات .. عاوز الكتب وشطة الأدوية .. لأن كان فيه أدوية لازم بأخذها كل يوم بانتظام .. المس بتاع الأسنان .. وطلب طلبات محددة أكيد هو اللي طلبها فبعتها .. بس تانى يوم بلغونا إن المشير انتحر .. بس طبعاً المشير كان فى مسئوليتهم بالكامل .. والحراسة بتاعتهم بالكامل كانت من رئاسة الجمهورية .

* **مش كان فيه الدكتور الصاوى حبيب أظن لحظة من اللحظات برضه بيقلولوا ساعد على إنقاذ حياة المشير ؟**

* **ده جاء فى الآخر .. وأنا أثق فيه من فين ؟ هم كلهم محل شك .. طيب مام لما كانوا عاوزين يحققوا معاه .. ما كان موجوداً فى البيت .. إيه السبب فى النقلة دى ؟ ليست لمبب قطعاً غير كده .. الناس اللي كانت موجودة أنا بأشكك فيها بالكامل ؟ .**

* **وتحدت إقامته فى فيلا فى المروية أو المنصورة ؟**

* **هم أخذوه على المنصورة .. راح المستشفى أولاً من البيت .. ويعدين على المنصورة ، .**

● **وهكذا كانت نهاية المشير .. بدون أى محاكمة رسمية ..**

* **وأسأل شمس بدران : هل انتحر المشير عامر ؟**

• « أنا ما شفتوش طبعاً إذا كان انتحر ولا ما انتحش إنما الدلائل كلها بتقول أنه مش انتحر زى ما بيتولوا .. كانوا بالتعبير الدارج فى مصر « انتحروه » .. انتحروه بمعنى إنه دعى للانتحار زى ما هتار بعت السم لروميل وقال له انتحر .. فبعت له السم وروميل انتحر بدل ما يدخلوه محاكمة عسكرية .. دى نفس الحكاية بس عبد الناصر مايعتلوش السم لإنه كان عارف بالفعل إن معاه السم .. ده الفرق بينهما » .

• ويقول د . عبد العظيم رمضان : « كتبت وقلت « إعدام عبد الحكيم عامر » وذلك حتى لا أنفى صفة القتل .. وثبتت أنه لا يمكن أن يكون مات منتحراً » .

• ومن كان « عسماوى » فى رأيك ؟

• « ممكن المخبرات .. ما هى بتجيب نامس .. وتحضرهم من الخارج قهراً .. ولا يمكن للإنسان أن يسيطر على جهاز المخبرات .. مش بس فى مصر .. فى أى دولة حتى الولايات المتحدة .. الله أعلم كان مع المشير ممرض من حرس عبد الناصر .. ممكن يكون كده » .

• وأسأل مرتجى : هل تعتقد إن المشير انتحر ؟

• « لأ .. أنا أعتقد إن هم انتحروه .. لأن برضه كلام إن هو حاطط البتاع على بطنه ويأخذ جزء ويسيب جزءاً .. طيب سباب الجزء التانى ليه ١٩ » .

• مين بالتحديد اللى أصعب الاتهام توجه إليه فى حادث مقتل المشير ؟

• « هو بيقال إنه عبد المنعم رياض الله يرحمه ومحمد فوزى » .

• ولو واحد منهم .. تختار مين ؟

• « هو شوف عبد المنعم رياض أكثر جرأة من محمد فوزى .. محمد فوزى مش جرىء .. فاحتمال كبير يبقى عبد المنعم رياض .. والله أعلم » .

• ومحمد فوزى ؟

• « محمد فوزى مش جرىء .. يعنى هما الاثنين دول .. واحد منهم .. بينفخوا الكلام اللى قاله عبد الناصر » .

• وأسأل توفيق عبده إسماعيل : المشير عامر .. قلت لى إنه قال فى يوم من الأيام هانتحر .. لو ماسمعتوش كلامى أو ما هدأتوش .. وطلع المسدس .. هل ممكن يكون هو اللى انتحر فى ٦٧ كما نشر .. ولا كما يقول البعض « انتحروه » ؟

• « أعتقد إنه انتحر وأنا قابله قبل انتحاره بعدة أيام بالصدفة .. إنما العاطفة لما بتزيد شوية ما ينفش فيه التأثير الكبير أو التأثير السليم .. فهو كان عاطفياً وأنا لا أستبعد إن العاطفة دى هى اللى أنت إلى الانتحار » .

• وأسأل كمال الدين حسين : من ضمن الحاجات التي قُلتها ، موت المشير عامر لغز كبير ، .. وإن « زبانية عبد الناصر قتلوا عبد الحكيم » ؟

• أنا أعتقد - والله أعلم - بدرجة أكثر من ٩٠٪ إنه هو قُتل .. إن هو وضع له السم في الجوافة .. لا أعرف التحقيقات التي اتعملت .. أى أحد يقول لك التحقيقات يتتبع نتائج تحقيقات وكلام من ده .. لكن هو يعني كان يومها بالذات كان طالب حاجات من بيته .. وكتب حاجات طالبيها .. إزاي طالب حاجات من البيت .. طيب إنتم أخذتوه المستشفى العسكري وبعدين عملتوا له غسيل معدة .. وبقي في عيانتكم .. وحصل استعجال فطبخ للجهاز الطبى في المستشفى وإنه لازم يأخذه دلوقت .. قالوا لازم يظل ٢٤ ساعة تحت الملاحظة رفضوا رفضاً باتاً .. وأخذوه وضعوه في حنة غرب القاهرة في الجيزة .. وبعدين قالوا إنه انتحر .. يعني كلام ليس يدخل عقل .. أنا أعتقد فيه ناس من الجهاز الطبى وناس كبار جداً قالوا إنهم وضعوا له السم في الجوافة .. وقالوا لى اسم الرجل بس أنا مافيش داعى أنكر سيرة الناس حالياً .

• بينما يقول عبد اللطيف بغدادى : « فراحوا بعد كده يأخذوه من بيته فوزى وعبد المنعم رياض .. علشان يودوه المريوطية .. فهر عصلج .. وبعدين برضه حط حاجة في بقة .. وأخذوه على مستشفى المعادى .. فوزى مش حطه في قسم الضباط .. حطه في قسم العساكر حسب ما فهمت أنا من وكيل النيابة الذي حقق في قضية عبد الحكيم وانتحاره في المريوطية .. اسمه الكردي .. وحصل التحقيق .. فوزى قال للعساكر اللي موجودين ادخلوا جروه .. لإنه كان يكره عبد الحكيم .. فبعد المنعم رياض قال له ما بصممش .. دخل له عبد المنعم رياض واتفاهم معاه .. قال له إحنا جايين ننفذ الأوامر فقام معاهم .. أولاده كانوا منفعلين ومراته منفعة .. فوزى قال للكاترة : خلال ساعة واحدة اخلصوا من العملية دى .. المفروض يعملوا له غسيل معدة ويقلعوه ملط وكشفوا عليه يكون مخبى حاجة .. فماعمش دى .. أخذوه على البيت اللي في المريوطية .. في المريوطية بقى .. حسب ما فهمت من وكيل النيابة في التحقيق إنه حاطط في الحنة دى .. سيانيد البوتاسيوم .. سم في شريط لاصق وعلامته واضحة .. في عصير جوافة .. فأنا سألت يمكن يكون أحد حط له في عصير الجوافة .. مش هو .. لأن اللي سمعته إن الواحد لما يجب ينتحر ينام في سريريه وينتحر وهو نائم .. لكن ده راح الحمام ووقع في الحمام .. ده تفكيرى .. وأكد لى الكردي وكيل النيابة إن التحقيق لم يتدخل أحد خالص فيه .. لا نائب عام ولا جمال عبد الناصر ولا أحد .. التحقيق مضبوط تمام .. ويؤكد إنه انتحر » .

• ويقول الفريق أول محمد فوزى : « ولما راح البيت هددنى بالليل بعد فنانا قهوة شريته معاه وعبد المنعم رياض .. ووصل للرئيس جمال عبد الناصر الرسالة الآتية : « إنت مسئول عن الوضع اللي أنا فيه .. وأنا مش عاوز أتقبله أكثر من ٢٤ ساعة .. لازم تخلصنى من هذا الوضع .. وإلا إنت مسئول عن اللي يحصل .. إيه اللي يحصل نيتى الانتحار » .

• قالها كده صراحة ؟

• لا لا .. إنما بأقوالها للأحداث التي حصلت بعد كده .. بالليل قائد الحرس الجمهورى لم يكن

مطمئناً على الحراسة في قلب البيت .. يعنى اتفتت أنا وهو ندور على حنة أخرى .. رحنا المعادى تانى يوم رحنا ندور على المكان المضبوط .. جاء تليفون لاسلكى فى البيت وقالوا المشير انتحر .. رحنا رجعنا على البيت لأقينا أخوه الكبير الللى كان موجود .. كان مفتش تعليم فى غزة فى ذلك الوقت » .

• والكلام ده كان فين ؟

• « فى بيت المنصورية .. الللى هو حددت فيه إقامته .. الكلام ده كان يوم ١٣/٩/١٩٦٧ .. رحنا وجنا أخوه وجنا السيد أنور السادات موجودين يعنى سبقونا .. وكان وصل الطبيب الشرعى وكشف عليه .. قلعه هدموه واكتشف وجود ٥ حبايات ريتالين .. زى علب الأسبرين مستخبية فيه .. والملامسة منتوشة وعليها علامات حمراء .. هى دى الللى أخذها وراح فى الحمام .. ويادوك من الحمام للسريز لم تأخذ نصف ثانية .. وجاء الطبيب وكشف عليه وعمل إجراءات طبية .. ولم يلحقه .. توفى .. وانتهى الإشكال بانتحار المشير .. وكلمة الانتحار دى الللى تمت وحصل فيها إجراءات .. يعنى متماثلة فى حنتين مختلفتين .. الطبيب الشرعى بأجهزته .. والرئيس عبد الناصر أمر جهة أخرى - كانت جامعة القاهرة - تعمل نفس الإجراء .. الإجراء الطبى .. التحقيق فى وفاة المشير تم فى جهتين منفصلتين .. طلع التحقيق ونشر الوثائق فيه الللى فنية وفى الآخر خالص حفظت القضية .. إذ أن المشير عبد الحكيم عامر انتحر أمام عائلته وبإرادته .. وبذلك تُحفظ القضية إدارياً » .

• هو كان أمام عائلته بالفندم ولا كان .. ؟

• « أخذ المسألة الأولى الللى قبضنا عليه أخذها .. وإينته قالت كده .. يعنى هى كانت حباية داخل الأفيون » .

• وأسأل د . شريف محمد عبد الفتاح : اختاروك ليه إنت بالذات .. للكشف على المشير ومعالجته ؟

• « هو .. ما اختاروش إنى أكشف عليه أو أعالجه .. هو الللى حصل إننى كنت فى ذلك الوقت بأستشفل فى مستشفى القوات المسلحة الللى فى المعادى .. وما أعرفش مين اتصل بمدير المستشفى فى ذلك الوقت وكان ده المغرب تقريبا .. قبل المغرب بحاجة بسيطة .. وقال إحنا عاوزين دكتور باطنى كويس يطلع دلوقتى حالاً يشوف المشير عبد الحكيم .. فى مكان حنقول لكم عليه .. وجاء أحد علشان يورينا الطريق وده كان طلع فى فيلا قرب ترعة المنصورية .. فيلا حولها حديقة كبيرة وهى تقريباً من دور واحد .. لما وصلت هناك .. لقيت زى صف .. زى الناس الللى تستقبل العزاء .. ومن ضمنهم الطبيب الللى كان يشوفه فى ذلك الوقت وانتذكر اسمه الدكتور إبراهيم بطاطا .. وساعة ما نزلت شاور لى إشارة معناها إن كل شىء انتهى .. فقلت له إيه الللى حصل ؟ فحكى لى حكاية هى دى الللى ماريجتيتش قوى .. بيقول لى .. إن هو كان بيقاياً اليومين الللى فاتوا .. وأنا كنت بأديله عصير جوافة .. أنا فاكر الحكاية دى كويس

قوى .. لإنه لما قيل عن حاجات أخذها بعد كده أنا متذكر عصير الجوافة ده ممكن يغطى طعم أى حاجة ورائحة أى حاجة .. فهذه اتسجلت فى دماغى ساعتها .. قلت له اشعنى عصير جوافة ؟ وبعدين أخذنى لاحظت كده .. بيقول لى إن هو إنقاييا ووقع أمام الحمام .. ففقت الحنة نظيفة قوى .. فدى فى الحقيقة لفقت نظرى قوى مرة ثانية .

* هى كانت اسمه الواقعة حادثة ؟

* و يا دويك قبل ما أوصل على حد قوله .. وبعدين دخلت جوه .. برضه أول ما لفت نظرى إن الحجرة مرتبة قوى .. لما واحد يكون ينوى الانتحار بيبقى عادة عنده حالة اكتئاب ويأس شديد .. ودى حاجة طبية مفهومة ومن الحاجات التى جعلتنى حاسس بشيء من الغربة .. وبعدين لقيته .. رحمه الله .. فى السرير .. لابس بيجامة مكيوة .. السرير مشدود .. زى ما بيسموها كان زمان ه شدة الكلية الحربية ، .. مشدود على الآخر والزوايا مضبوطة .. وأنا كان عندى خبر قبلها وإنه غالبا ما يكون توفى .. فكان كل همة ساعتها إني يا دويك أشوف النقيض وأسمع القلب بالسماعة وأتأكد من الوفاة .. من عدمها .. لإنه إذا كان توفى فعلاً فأصبح مايش شغل .. فهذه كانت الحاجات التى لفقت نظرى فى ذلك الوقت .. لكن ما كانش فيه أى شيء يدل على عنف أو يدل على أى شيء آخر مثل ما قالت بعض الناس .. وكان قالوا بعينين إنه كان فيه جزء حساس من جسمه .. أنا ما أقدرش أقول حاجة فى دى لأنى ماحاولتش لأن كل اللى كنت بحاول أعمله إننى أتأكد .. هل توفى إلى رحمة الله ولا لا .

* مين اللى كان موجوداً فى هذه الفترة يا دكتور ؟

* ه كان الدكتور اللى اسمه إبراهيم بطاطا .. وبعض الناس أنا ما أعرفهمش .. وحرس وما إلى ذلك .

* وكنت لابس ه ميرى ؟

* ه لأ .. أنا كنت لابس بنطلون أبيض وقميص أبيض اللى كنت موجوداً بها فى المستشفى .. لإنه كان على عجل وكان معايا سواق وكان معايا تمرجى .. وبعد شوية جاء الفريق فوزى .. قال لى إيه فيه إيه .. قلت له توفى إلى رحمة الله .. قال لى اكتب تقريراً مادام أنا وصلت .. قلت مادام أنا ماكنتش بأعالج سيادة المشير رحمه الله .. يبقى أنا ما أقدرش أكتب تقريراً .. والتقرير يكتبه الطبيب الشرعى بعدين .. بعدما بصيت لقيت العربية بتاعتى اخنفت والسواق اخنفتي والتمرجى اخنفتى .. وكل ما أتحرك ألاقى ناس بالسلاح كده والأسلحة بتتجه نحوى .. وكان منظرأ غريباً جداً .. وبعدين كان لى معرفة خاصة باللواء الليثى ناصف الله رحمه .. كان قائد الحرس الجمهورى فى ذلك الوقت .. ولو تتذكر حضرتك كانت القوة الوحيدة السليمة فى البلد .. فأننا استنتجت بعد ذلك إن هو كان السند الحقيقى للنظام فى ذلك الوقت .. فأننا كنت بأعالجه فى بعض الدلال عليه .. فقلت له هم مقعدنى إيه ؟ قال لى أنا مش عارف .. وأخذنى وقال تعالى نشوف الفريق فوزى .. فمشيت معاه وفى حماء فكنت فى حماية كويسة .. يعنى

وصلنا للفريق فوزى وأنا فاكّر الحكاية دى .. فكان قاعد ماسك تليفونات .. إيدنى ٣٧ .. ويتكلم كلاماً مبهماً .. إيدنى ٣٨ .. إيدنى ٣٥ .. أرقام كده غريبة .. الظاهر إنها تليفونات كودية .. ويعطى تمامات ويعمل حاجات بالشكل ده اللي إحنا نعرفها فى الجيش .. ويعدين اللواء الليلى ناصف قال له الدكتور كان نوباتجى أمراض باطنة وعنده حالات كتير فى المستشفى وكل الناس عارفة إنه هو هنا .. هو كان لبقاً جداً رحمه الله .. قال له عاوز يعنى يمشى .. فمت قلت له أنا المفروض إنى أرجع إلى مرضاى .. قام قال له .. برضه ما كلمنيش مباشرة كده .. قول له أنا حأخليه يمشى بس ما يفتحش بقة .. فأنا رديت بنفس الطريقة .. قول لسيادة الفريق أنا مش حأفتح بقى ولا حاجة .. فيعدين اللواء الليلى ناصف أخذنى ومشينا من عند الفريق فوزى .. وقال للواء سعد زغول عبد الكريم اللي هو كان قائد الشرطة العسكرية .. جيب عربية الدكتور افرج عنها وعن السواق وعن التمرجى .. فالظاهر إنهم كانوا مسكوم .. ما أنا برضه جالى التمرجى والسواق ما يفتحوش بقمهم .. هم كمان .. ورجعنا إلى المستشفى .. وبعد كده عرفت إنه فيه أطباء تانيين وصلوا بعدى .. واحتجزوهم للصباح هناك .

* هل كان فيه تهديد أو وعيد آخر قبل ما تغادر منزل المشير ؟

* لا ماكانش فيه تهديد أو وعيد .. لكن هو كل الحكاية إنه « ما نفتحش فمك » .. ففعلاً رحلت المستشفى وكنت عامل حمابى لأنى كنت شايف يعنى .. ببسألونى هناك زملائى وجلسوا يتريقوا على وقالوا « ذبحوا لك الأرنب » .. وأنا لما حضرت التحقيق اللي عمله بعد كده سيادة النائب العام ووزير العدل .. مش فاكّر مين فيهم وقتها خرج بيقول لى أنا الشهادة بتاعتك مش فاهمها .. قلت لأنى بأقول ما شاهدته .. أما رأيى الخاص فده ليس للإذاعة .. ده رأيى الخاص .. حاولت بعد كده كثيراً إنى أعرف إيه اللي حصل بالضبط فعرفت بعد كده إن المشير رحمه الله .. جاء مرتين المستشفى وإنه كان واخذ حاجة زى مخدرة .. أو قد يكون حاجة سمية لا أتذكر .. أفكرت اللي أنا متأكد منه إنه كان فيه حاجة مخدرة .. وعملوا له غسيل معدة ونصحه فى ذلك الوقت الأطباء اللي كانوا هناك وأنا ماكنتش نوباتجى فى اليوم السابق .. إنهم يخلوه قاعد فى المستشفى وكانوا معاه على ما سمعت فى ذلك الوقت .. الفريق فوزى واللواء عبد المنعم رياض الله يرحمه .. وإن هما كانا الحراسة بتاعته .. وحتى كان تعليق الزملاء إن عبد المنعم رياض الله يرحمه كان بيعامله معاملة كريمة جداً .. والفريق فوزى كان شديداً معاه شوية زيادة .. والمشير عبد الحكيم عامر كان محبوباً لدى الضباط والعساكر جداً فى ذلك الوقت .. فكانوا مستكترين المعاملة الجافة من الفريق فوزى .. هذا كان « سمع » أنا لم أشاهده .. ولذلك لما كان يطلبنى النائب العام والمسيد وزير العدل فى ذلك الوقت .. كنت بأقول لهم أنا ماليش دعة إلا باللى شاهدته .. فأنا أسأل على اللي شاهدته وليس عن رأيى أو ما سمعت .. وهو ده اللي حصل .. وفى يوم من الأيام بعدين قوى بعدها بعشر سنين ولا حاجة أو أكثر .. كنت رايح مع أحد الزملاء إلى المنصورة متحن الطلبة هناك .. كنت بأمتحن خارجى .. الطبيب ده بالصدفة كان الطبيب الخاص بتاع الفريق فوزى فى ذلك الوقت .. اللي هو وقت المشير .. فحكى لى قصة غريبة جداً إنه أحد الأشخاص هو يعلمه تماماً وحلف إن هو له دخل فى وفاة المشير .. وإنه يعلم جميع

التفاصيل .. الشخص ده هو الدكتور إبراهيم بطاطا .. فانا فى تقديرى إنه جايز يكون استنتاج إن الدكتور إبراهيم بطاطا هو الذى يكون موجوداً .. لكن هو كان بحلف بأعظم الأيمان إن السر عند الدكتور إبراهيم بطاطا (٢) ٥ .

• وأسأل عباس رضوان : هل انتحر؟

• لا أقدر أحكم في هذا يا طارق .. لأن الموضوع حساس جداً .. يعني هو طبعاً فيه كلام كثير .. وكان فيه قضية مرفوعة من إخوته .. وإنما ما أقدرش أحكم .. إنما اللي أقدر أقوله إن عبد الحكيم عامر كان شجاعاً جداً ويحافظ على كرامته جداً .. يعني موضوع انتحاره الله أعلم .

• وأسأل برئتي عبد الحميد : قتل أم انتحر بصراحة ؟

• وحينئذ ليهِ ؟! عبد الحكيم عامر رجل متدين جداً .. وأول كتاب قرأهُ هو القرآن الكريم .. مع سيدنا الشيخ إمام .. متربى تربية دينية وفي بيئة دينية .. وعارف اللى ينتحز بيموت كافر .. وبعدئذ ينتحز ليه وهو حواليه أصحابه .. واللىس بينحاول عليه يرجع السلطة .. وحواليه مراته وعياله .. وحواليه زملاؤه .. وابتدأ فعلاً يأخذ قرارات تؤكد إنه عاوز يعيش .. وبعدئذ هل من المنطق إنه ينتحز بعد أربعة شهور طيب ما كان ينتحز يوم ٦ ولا ٧ ولا ٨ .. يعنى أدى واحد بالقلم على وشه دلوقت .. يقول لى " آى " بعد أربعة شهور مش منطق .. وبعدئذ الدليل القوى اللى لا يقبل مناقشة واللى بعده ما حدش يتناقض ولا يسأل هذا السؤال ولا يقول قُتل أو انتحز .. هو تقرير الطبيب الشرعى .. دكتور مختص فى معهد البحوث هو اللى كتب تقريراً بناء على طلب المحامى العام فى ذلك الوقت .. أعتقد اللى هو المحمدى الخولى .. يعنى الدولة طلبت إنها تحقق فى مقتل المشير أو انتحاره .. والتقرير وصل فى النهاية إلى إنه المشير قتل عمداً مع سبق الإصرار والترصد .. العلم هى اللى بيتكلم دلوقتى .

• وأسأل د . علي محمد دياب : قدم لنا نفسك ؟

* أستاذ تحليل السموم والمخدرات ورئيس معهد السموم والمخدرات بالمركز القومي للبحوث .

* عندما قمت بالتحقيق، وكتابة هذه التقارير كنت أياها مدرساً ؟

* كان ذلك بعد انتهاء رسالة الدكتوراه ونشر أبحاثي المتعلقة بهذا .. وأنا تخصص سموم ومخدرات .

٢ = وإيه اللي حصل في الواقعة والتقرير ؟

* واقعة استدعائي، ولا التقرير نفسه ؟

(٢) العلم .. طلبت الدكتور إبراهيم بطاطا (قبل وفاته) وحاولت إقناعه بالتجنث .. فرفض واعتذر بإصرار .

• هم استدعوك أعتقد علشان تكتب تقريراً عن وفاة المشير عامر ؟

• الحقيقة لما استدعاني المستشار محمدى الخولى وبعد مناقشة كبيرة معاً .. سلمنى كل الأوراق ونتائج التحليل والأقوال وملابسات القضية وكلفنى بكتابة تقرير بالنتيجة .. فالحقيقة كتبته وسلمته له .. وصلت فيه إلى أن الوفاة دى مرتبة ومدرجة وهى فى الحقيقة قتل واضح .

• إزاي ؟

• هم يقولوا وجدوا شريط أقرص متفضية ومتعبية فيها بودرة الأكونوتين .. الفجوة لا نقل عن ٥٠ ملجرام إهنا نعرف إن الجرعة القاتلة لا تزيد عن ٢ ملجرام .. فمش معقول ومش منطقى إن يكون الشخص اللى عاوز ينتحر ده فتح وأخذ ملء الفجوة كلها واستعمل الـ ٥٠ ملجرام .. الكمية اللى تكفى لقتل من ٢٥ - ٥٠ بنى آدم بالغ فى دقائق .. لإن بالتجارب اللى عملناها لما تأخذ محلولاً مخففاً من الأكونوتين ده بنسبة واحد فى الألف يعنى ٤٠/١ .. بمجرد ما تتحط نقطة من هذا المحلول على اللسان تحس برعشة وتنميل وشد فى عضلات الفكين وارتجافات شديدة تمتد لعضلات الذراعين .. ولا يقوى الشخص اللى واحد هذا السم بعدها أن يمسك بشيء أو يقبض بأيده على شيء أو يفكر فى أى حاجة .. ناهيك عن أن هو يخش دورة المياه ويعيد لصق الشريط مرة أخرى ويطلب معجون حلاقة ويفسل أسنانه .. فكان غير منطقى وغير معقول .. ولو كانت هذه الكمية نفسها استعملت كان من السهل جداً أن نجد لها آثاراً فى العينات اللى حلت .. وكان ممكن نلقى آثاراً على الأنف والأصابع .. وده لم يحدث .. ولم يلحظه أحد .

• وهل وضع السم فى عصير الجوافة ؟

• كانت مرتبة القضية نفسها .. تجد إنها مرتبة ترتيباً مفهوماً ودقيقاً .. شغل مخابرات .. العصور اتحط بكمية محسوبة ثم اتحط الأكونوتين فى العصير بكمية محسوبة .. بحيث يؤدى العمل أو الفعل بتاعه فى ظرف ٣٠ دقيقة .. وبعد الفترة دى ينتهى كل شيء .. وبعدها اختفى أى أثر لعلمية العصور والكوب اللى كان فيه العصير .

• المشير كان عايش لحد الساعة السادسة ؟

• فى صحة جيدة تماماً .. من واقع الكشف المتعددة من أكثر من شخص .. التنفس طبيعى والنبض طبيعى والحالة مطمئنة للساعة السادسة .. وقالوا إنه دخل دورة المياه وطلع لقوه نايم .. بعد ٣٠ دقيقة تقريباً حدثت الوفاة .. فى هذه الفترة وقيل ذهابه لدورة المياه كان اتحطت الكمية المحسوبة فى كوب العصير .

• هل الفريق فوزى والفريق الليثى ناصف .. وآخرون كانوا موجودين ؟

• فى الأوراق اللى قرأتها مكتوب بوضوح إن الفريق فوزى الساعة ٦ تماماً .. ساعة ما كُشف على المشير وقالوا إن صحته جيدة والتنفس طبيعى .. اتصل بمدير مستشفى القوات المسلحة

بالمعادي .. قالوا لهم اعتبروا لنا طبيب فوراً لأن حالة المشير سيئة على خلاف ما كان مقيداً بنتيجة الكشف .

وليه التقرير لم ير النور أو ما عرفناهوش غير من خلال كتاب السيدة برلنتى عبد الحميد ؟

« هو المحامى العام لما أخذ التقرير .. وبعد يومين قابلته .. وكان مقتنعاً تماماً بالنتيجة اللى وصلت إليها .. وفى ظرف اليومين دول كان صدر قرار بعد ما أعلن عن نتيجة التقرير .. من غير ذكر أسماء .. نُقل أو رقى لمحكمة النقض .. وجاء محام غيره .. ومن ساعتها والتقرير اختفى فى دواليب المحكمة .. هو كان مرتباً إنه يكون قتل ومرتباً له الوقت بالضبط .. إى فى الساعة السادسة لما تم الكشف على المشير وقيل إنه فى حالة وتنفس طبيعى والقلب سليم .. فى هذه الساعة بالضبط كان الفريق فوزى يتصل بمدير مستشفى القوات المسلحة بالمعادي ويقول له ابعث لى عربية حالاً بطبيب علشان المشير حالته متدهورة .. قيل أن يرى أحد علامات التدهور أو الانهيار .. فكان مرتباً على ما أعتقد إن فى الساعة دى بالضبط يتخط حاجة أو يتعمل حاجة .

« نسمح تقرأ لنا ما كتب من نتائج هذا التقرير دلوقتى ؟

« هى النتيجة .. بعد المقدمات العلمية ومناقشة نتائج التحاليل قلت فيها .. « مما سبق لا يستطيع الباحث المنصف المدقق إلا أن يقرر أن وفاة المشير لم تكن انتحاراً وإنما كانت قتلاً بإعطائه سم « الأكونوتين » بطريقة أو بأخرى بعد الساعة السادسة مساء يوم ١٤/٩/١٩٦٧ . وإننى أقرر مطمئناً أن هذه الوفاة جنائية مكتملة الشروط الجنائية من التعمد إلى سبق الإصرار والترصد .. ودى نتيجة علمية لا يستطيع أى باحث أو عالم أو رجل قانون أو قضاة أن يشكك فيها .. ولو كانوا قدروا يشككوا كانوا شككوا !! » .

« وتقول هدى عبد الناصر : « عرفنا خبر وفاة المشير وكانت طبعاً مفاجأة شديدة .. كنا فى الإسكندرية .. ولا يمكن أن أنسى علاقتنا بالمشير والصدقة » .

« والمصاهرة ؟

« أبوه عمى حسين متزوج ابنته » .

« وهل قُتمت بواجب العزاء ؟

« لم يكن الموقف يسمح بالعزاء .. وكان هناك نوع من التباعد » .

« هل كان الرئيس حزيناً لوفاة المشير ؟

« حزن عليه جداً .. والظروف كلها كانت مؤلمة » .

● ومات المشير ودفن معه سر وفاته .. الذى اختلفت الآراء حوله ..

• **ويقول جمال عامر :** « قالوا اذهبوا بالجثة على البلد .. سافرنا وجدنا مظاهرة عسكرية ولازم الدفن حالاً ومش عارف إيه .. والعساكر وافقة ومحبوطة البلد .. اللي تم جنازة غريبة المنظر لا تليق بأى إنسان .. كان مظراً مؤسفاً وتمت الجنازة بهذا الوضع .. وإحنا رفضنا نقعد فى البلد .. كانوا عاوزين نقعد هناك .. ورجعنا على مصر .. ولم نعمل عزاء » .

• **ولم تقبلوا العزاء فى المشير ؟**

• **طبعاً الرجل قتل ..** لا يمكن يكون انتحاراً .. أولاً هو رجل مؤمن يعنى لم يكن رجلاً كافراً علشان ينتحر .. وبعدين عنده من الشجاعة إنه يواجه الموقف ١٠٠٪ .. هو أبدى استعداد للمحاكمة ويأخذ مسؤوليته بالكامل والكلام ده انكتب وهو قاله .. لكن اللي أنا سمعته إنهم كانوا عاوزين يتجنبوا الوضع ده بأى حال .. لا عاوزين أحد يسمعه ولا يتكلم .. يعنى أفضل شيء إنهم يموتوه .. لم يكن هناك شيء بديل عن هذا الموقف .. طبعاً اختلفت الروايات زى ما بأقول .. وقالوا أخذ سم فى البيت علشان لما يأتى ينتحر تانى يبقى فيه مياقة .. وزى ما قلت لك إحنا كنا قاعدين معاه مافيش أى مجال إن هو يأخذ حاجة لأنه لم يكن مستعد لهذا الكلام .. دى ناحية .. الناحية الثانية مكانش حينتحر أندأ وهو كاس مستعد إنه يأخذ مسؤوليته بالكامل وهو عمره ما كان يهرب من المسؤولية » .

• **وأسأل د. الدكتورى : جنازة المشير عامر ماذا تقول لنا عنها ؟**

• **المشير عامر للتاريخ كان شخصية لا تتكرر ..** فالاتحاد السوفيتى كان غير سعيد لوجوده ضمن ثنائية الحكم فى مصر .. المشير عامر كان رجلاً عطاء كريماً وابن بلد .. وكان لا يرد أحداً خاصة من رجال القوات المسلحة وبالذات أبناء المنيا .. فلما توفي والده المرحوم على عامر قام قطار خاص من القاهرة يحمل المعزين من المنيا إلى القاهرة .. وامتدت الجنازة وكان فيها الرئيس عبد الناصر من المفبرة وحتى القرى على امتداد ٦ كيلو متر .. وكنت أول المعزين بعد وفاة عامر ولم أجد سوى ٦ أشخاص من ضمن المعزين !! وهذا يعكس الحالة التي كان عليها الناس » .

• **ويقول د. ثروت عكاشة :** « لقد ظلم عبد الحكيم عامر مرتين .. ظلمه عبد الناصر صديقه .. عندما أسند إليه العديد من المناصب المختلفة الأنواع والمتشعبة .. حتى أصبح بمنأى عن الاطلاع بالمهام الجسام المنوطة به على رأس القوات المسلحة .. وظلم عبد الحكيم عامر نفسه أيضاً عندما أحاط نفسه بأعوان وقادة على غير المستوى المطلوب » .

• **ويقول عبد المجيد فريد :** « أنا اتصلت بعدها بيوم أو يومين بالرئيس بعد ما انتحر عبد الحكيم .. فلفتيه حزيناً جداً فى غرفة المكتب .. فقلت سيادة الرئيس بنسمع إنك لا تأكل .. وإن الملفات موجودة على المكتب كما هي .. فقال لى : أصل ما تعرفش قد إيه كانت علاقتى مع عبد الحكيم عامر .. أنا لما بأفتح الملف بأشوف صورة عبد الحكيم أمامى بأفله .. لما بأقعد على الأكل بأشوف صورة عبد الحكيم فى الطبق .. أرمى الشوكة والسكينة ولا أكل » .. فإلى

هذا القدر تصور تأثر عاطفياً .. يسبب له حاجات لا يقبل إنه يسببها مع أحد ثاني .. يعنو له عن حاجات لا يعفوها عن أحد آخر .

* وأسأل سامى شرف : الفنانة برلنتى عبد الحميد كانت بتشكو من أنه حصل عليها ضغوط ورقابة بعد وفاة المشير ؟

* لا ماحصلش .. الفنانة برلنتى عبد الحميد شاركت مع أختها الأنسة زهرة .. أو السيدة زهرة ما أعرفش .. وراحوا فى دكرنس فى محافظة الدقهلية .. طبعوا الاستقالة اللى كان عبد الحكيم عامر قنمها آخر ٦٢ وكان بيطالب فيها بالديموقراطية .. فهم طبعوا هذه الاستقالة وابتدوا يوزعوها على نطاق واسع .. دى قضية توزيع منشورات .. اتقبض عليها وعملت برلنتى عبد الحميد معاملة جيدة جداً فى جهاز المخابرات .. إلا إنها طلبت تقابل الرئيس جمال عبد الناصر .. فلما بلغنى حلمى السعيد .. كان حلمى السعيد هو أيامها المشرف على المخابرات وكان متولياً التحقيق فى قضايا انحراف المخابرات .. فحلمى السعيد كلمنى وقال لى دى برلنتى عبد الحميد عاوزة تقابل الرئيس عبد الناصر .. فقال لى روح لها شوفها عاوزة إيه ؟ فرحت قابلتها وكان ليولها أو ثاني يوم عبد الحكيم عامر انتحر .. الكلام جاب بعضه .. قلت لها عبد الحكيم انتحر فقالت ده أنا مراته .. فخرجت قلت للرئيس برلنتى عبد الحميد بتقول إنها مرات المشير عبد الحكيم عامر .. قال افرج عنها حالاً .. دى مرات عبد الحكيم عامر .

* وأسأل برلنتى عبد الحميد : هل الرئيس كان يعرف بعلاقتك وزواجك ؟

* أنا مش متخيلة إن أحد بتصور إن اثنين أصدقاء وشركاء فى دولة .. وشركاء فى السياسة والقرارات .. وفيه العلاقة القوية جداً دى .. واحد فيهما يتجوز والثاني ما يعرفش .. إزاي تجي إزاي ؟ مش معقولة .. الحاجة الثانية لدواعى الأمن دائماً المتعارف عليه .. هو إنه جمال عبد الناصر لما يكون فى أى مكان .. النائب بتاعه بالذات عبد الحكيم عامر لازم يبقى عارف نمرته وهو فين .. والعكس برضه بيحصل .. ولو عبد الحكيم عامر فى مكان معين إن شاء الله بيزور ناس أو مسافر البلد أو بيمشى فى الشوارع لازم يكون جمال عبد الناصر عارف عبد الحكيم فين .. وفى نمرة كام وكل حاجة .. وهو كان بيتصل بنا فى البيت .. دى دولة .. بالنسبة للمشاكل المائتية الزوجة بتحب تعرف جوزها فين والأولاد يعرفوا أبهم فين .. فما بالك مشاكل دولة .. فدى كانت حاجة معروفة بين الاثنين .. وكان بيتصل وأنا كنت أحياناً بأرد على الرئيس وكان يقول لى .. إدينى عبد الحكيم .. وبعدين زارنى أكثر من مرة فى الإسكندرية فى البيت بتاعنا .. والحاجات دى كلها أنا ذكرها بالتفاصيل فى الكتاب بتاعى .. فطبعاً اللى يقول إن عبد الناصر ما كانش يعرف إن عبد الحكيم متجوز ده كلام ساذج .. لأنه حتى على مستوى الأجهزة جوا يشهروا بعبد الحكيم وعارفين إنى أنا كنت متجوزاه .. وحطوا منشورات تحت الأبواب فى وسط البلد .. التنظيمات كانت عاوزة تشهر بعبد الحكيم .. إن عبد الحكيم متجوز وإن مراته حامل وإنها برلنتى عبد الحميد .. ووصلت للرئيس وجاب شعرأوى جمعة .. والحكاية

معروفة سنة ٦٦ .. إزاي ما يعرفش بقى إنه منجوز .. يعنى حاجات غريبة جداً مش فاهمة هو الجواز عيب ؟ هو حرام ؟ هو ما فيش حد فى مصر متجوز اثنين .

* وأسأل الفريق أول مرتجى : هل كان الرئيس على اتصال بالمشير وزوجته الفنانة برلنتى عبد الحميد ؟

* « دى برلنتى اللى بتقول كده .. عبد الناصر بينكر هذا .. هو جاء بيقول لى لازم كل واحد يكون عنده حاجة فى « الباك دور » .. حتى قلت له الباك دور دى تطلع إيه .. قال لى يعنى يبقى فيه اتصالات وحاجات كده منها الخفية علشان قال إيه الرجل الزعيم أو السياسى يبقى منتعشاً « وفريش » .

* ويقول شمس بدران : « المشير حاول يخرج من الحكم أكثر من مرة .. ولمجرد الصلات العاطفية بينه وبين عبد الناصر ماقدرش يخرج .. فلما أصر على البقاء بهذا الوضع .. فقد الاهتمام وانصرف إلى مواضع أخرى ... اللى هى قصة حب واتجوز اسمها إيه دى ؟ »

* الفنانة برلنتى عبد الحميد ؟

* « الفنانة برلنتى عبد الحميد .. القصة الوحيدة بتاعته فى حياته .. هى برلنتى عبد الحميد » .

* هل الرئيس عبد الناصر كان بيشجعه على علاقته بالفنانة برلنتى وزواجه منها ؟

* « آه طبعاً .. لكن زواجه لأ .. إنما كان بيشجعه على علاقته بالفنانة برلنتى .. عبد الناصر كان بيشجعه فعلاً .. بصراحة بقى كان علشان بصرفه عن الجيش » .

* طبيب إزاي كان عاوزه يبقى .. وإزاي عاوز يصرفه ؟

* « ما هو عاوز بقى يطلعه بالتدريج .. يطلع فى الوقت اللى يناسبه هو .. اللى يناسب عبد الناصر مش اللى يناسب عبد الحكيم » .

* وأسأل محمود فهم : الرئيس بكى يوم وفاة المشير ؟

* « للرئيس بكى .. ولم يبكى إلا يوم وفاة المشير .. كان يومها بأدلكه .. طلعت له بعد يوم من وفاة المشير فوق وجدت عينيه زى الدم من البكاء .. أكبر واحد زعل على المشير الرئيس جمال عبد الناصر الله يرحمه » .

* وأسأل جمال عامر : موقف الرئيس عبد الناصر من موت المشير .. هل طلبكم .. عزاكم .. قال لكم حاجة ؟

* « الحق يعنى طبعاً .. كنا محملين الرئيس عبد الناصر المسؤولية بالكامل .. ولذلك إحنا كنا رافضين أى علاقة أو أى طلب .. بس كان خالد عبد الناصر طلب عن طريق ناس أن يأتى ليعزى .. فلما طلب قلت له اتفضل .. وجاء إلى البيت ولم يكن فيه أى حاجة تانى .. وحصل لنا نوع من الحصار من جميع النواحي .. اللى يجى البيت يتراقب .. مش عارف الناس بدأت

تخاف .. وإحنا قلنا لهم ما فيش داعى تيجوا علشان لا نسبب لأحد مشكلة هو فى غنى عنها .. طبعاً إحنا أصبحنا بالنسبة للدولة شيئاً لا يمكن لمسه .. مافيش أى واحد فى الدولة يقدر إننا نتكلم معاه فى أى شىء .. طيب إحنا نعيش إزاي ومافيش معاش .. والدئى ليس مليونيراً .. هو رجل كان عنده بعض أملاك عن أبوه باع جزءاً منها خلال حكمه ودى طبعاً لا أعتقد إن أحداً عملها .. لأن طبعاً كان عنده التزامات معينة وتصرف فى حاجته .. باع كثيراً من حاجاته ليواجه طلبات المعيشة وكده ليس معنا أى مصدر دخل ثانئى .. حصل إن حسين عبد الناصر جوز أختئى قال لئى يا جمال مافيش حد يحل هذا الموضوع إلا الرئيس .. أنت لازم تقابله لأن لا أحد بييجى ناحية هذا الموضوع وإنتم تستمروا إزاي كده .. صرفقوا كل اللئى معاكم ومافيش حاجة .. وضرب لئى مثلاً كان واحد من الضباط حصل له نفس المشكلة وراحوا قابلوه واتحلت .. نهايته طلبت ميعاد ورحت قابله فهو قابلى على الفور الحقيقة .. سألئى عن أحوالى كويسين مش عارف إيه .. بدأت أحكى له اللئى حصل ووجدت إن هو مستغرب جداً من الموضوع وكان هو متأثراً جداً وحسبت يكاد يكون .. يعنى متأثر بدرجة كبيرة .. لكن لما عرفت إن هو مش عارف ده كله .. استغريت لأن هو بيعرف كل حاجة المفروض .. مافيش حاجة بتغيب عنه فقلت له يا فندم إحنا .. قال طلباتك إيه ؟ قلت له إحنا ليس لبنا طلبات إحنا عاوزين المعاش اللئى بتقرره الدولة لأى واحد .. الرجل ده خدم فى القوات المسلحة وغيره وزيه زئى أى ضابط المفروض أن يكون له معاش .. قال لأ إزاي وفعلأ وقتها عملوا مش عارف ١٥٠ جنيه .

• كنت تقول له يا فندم ولا يا عمى ؟

• لا كنت بأقول له يا فندم .. ماتقدرش تقول يعنى للرئيس عبد الناصر غير كده .. كان له حضور وهو جامد ما تقدرش تكلمه كده .

• والمشير كان يقول له إيه ؟

• كان يقول له يا جمال .. يعنى فيما بينهما .. لكن عادة ' يا ريس ' .. هو كان يقدره جداً الحقيقة .. وبعدين هو عبد الحكيم عامر كان يقدر الناس كلها مش جمال عبد الناصر بس .. كانت حاجات صغيرة بتحصل وتصرفات منئى فكان ينهنئ دائماً إن لازم الواحد يعامل الناس كويس ويحترمها ودى حاجة كان ينفرد بها فى الحقيقة .

• وأسأل برلنتئى عبد الحميد : ماذا ترك لك المشير عبد الحكيم عامر بعد رحيله ؟

• ترك لئى الاعتقال .. ترك لئى التعذيب .. لكن علشانهم يهون كل شئ .. ترك لئى أجمع ذكريات ممكن تقولها امرأة عن زوجها .. ترك لئى .. معاشاً ٢١ جنيه نعيش به أنا وابنى .. ومنعت من العمل ومن السفر .. إنما مالهوش ذنب فى كل ده .. وأنا بأعتقد إنئى زوجة محظوظة جداً .. فقد ترك لئى أحلى حاجة ممكن يسيبها أب .. وهو عمرو اللئى بقئى دكتور عمرو عبد الحكيم عامر .

• هذا وكان التخلص من سيطرة الجيش يقتضى شيئين :

□ أولاً : التخلص من مجموعة عبد الحكيم عامر ...

* ويقول د . عبد العظيم رمضان : « قام جمال عبد الناصر بفصل كل دفعة شمس بدران وزير الحربية واعتقاله .. لأن كان لابد من تصفية هؤلاء .. وعبد الناصر لم يسترد حريته بالنسبة للجيش إلا بعد الهزيمة والمحاکمات » .

* ويقول اللواء أ . ح . حسنى نبيه النسوقى : « أحمد إسماعيل أبلغنا أن الفريق فوزى يدعو دفعة شمس بدران لحضور مؤتمر بالكلية الحربية .. وعندما وصلنا إلى هناك اعتقلنا جميعاً .. وهكذا كل دفعة شمس بدران قبض عليها .. فى عملية تشبه قصة القبض على المماليك فى القلعة » .

□ ثانياً : إجراء محاكمة للقادة العسكريين باعتبارهم المسؤولين عن الهزيمة ...

* وأسأل حسين الشافعى : ماذا لمست فى أثناء المحاكمات التى حصلت فى محكمة الثورة وقد كنت رئيس هذه المحكمة ؟

* « والله أنا بأعتبر إن ٦٧ دى معنى كانت العملية الجراحية التى قضت على الازدواجية والصراع على السلطة » .

• وفعلأ .. حوكم قادة الجيش وعلى رأسهم قائد الطيران صدقى محمود ...

• وأسأل مرتضى : الفريق صدقى محمود تجده مظلوماً ولا مستولاً ؟

• « لا أنا أعتقد إنه مظلوم ١٠٠٪ .. ليه ؟ لأن - بس أنا ما حضرتش الحقيقة .. الواقعة دى قالوا لى عليها - لما قال الفريق صدقى الذى كان عاوزنا نضرب الضربة الأولى .. وفى الخطة التى ماضى عليها عبد الناصر وكاتب نطز إن إحنا نضرب الضربة الأولى .. وفعلأ كان فيه تعليمات بضرب الضربة الأولى ويعدين أوقفوها .. لما تدخل الجماعة الأمريكان والجماعة الروس .. وقالوا يعنى ماغيش داعى إن إحنا نكون البادئين .. فهو عبد الناصر اعتقد إن إحنا كسبنا المعركة الأولى والمعركة الثانية تبقى المفاوضات والتواهى السياسية .. فصدقى محمود قال له يا أقدم لو هم ضربوا الضربة الأولى خسائرنا حقيقى كبيرة جداً فى الطائرات .. فقال له إنت عاوزنى أعادى أمريكا .. ده قرار سياسى عليك إنك تتخذ الإجراءات المناسبة علشان تقلل من الخسائر بتاعتك .. إحنا فى ذلك الوقت لا فيه دشم للطائرات ولا فيه دفاع جوى للطائرات ولا فيه إدارات كومية .. كلها قديمة » .

• وأسأل شمس بدران : هل كان المشير يحب الفريق صدقى محمود حباً أعمى ؟

• « آه .. وحكم عليه بالإعدام .. هى دى حاجة تحصل فى أى بلد فى العالم !! » .

• ويقول مذکور أبو العز : « لما حصلت الهزيمة .. أحبوا إنهم يوجدوا كبش فداء لها .. فكان

الطيران للأسف الشديد .. ويعدين أنا واجب على أن أنكر بلن القوات الجوية فى هذا بريئة .. بريئة .. بريئة .. من كله .. بالعكس كان مجنياً عليها لأن طلباتها بالنسبة للذم وطلباتها بالنسبة لزيادة المطارات رفضت » .

* ويقول أحمد أبو ناز : « حوكت وصدر حكم على بالأشغال الشاقة ١٠ سنوات ولقيت ما لقيت فى السجن .. هذه الفترة كانت فترة قاسية جداً .. المحاكمة قبل ما تبقى محاكمة .. عُذبا فى السجن الحربي علشان يأخذوا منّا اعترافات بلن إحنا ناس متآمرين » .

* هل هذه من آثار التعذيب (مشيراً إلى يده) ؟

* « هذه من الآثار .. وفيه آثار ثانية والطب الشرعى أثبتنا وأخذت عليها تعريضاً عشرة آلاف جنيه .. وقال لك ليس الغرض الإثراء وثبت هذا من شهادة الشهود بوقائع التعذيب .. هم عاوزين نقول أى كلام ونقول إن هناك مؤامرة .. علماً بلن الضباط دول كانوا أحسن ضباط فى الجيش .. وعلى كفاءة عالية ومجموعات صاعقة من أحسن الضباط .. وطيارين من أحسن الطيارين .. وعلى سبيل المثال تحسين زكى .. الله يرحمه .. الفريق طيار أحمد نصر اللي هو قائد القوات الجوية حالياً (وقت الحوار) أخذ سنة معنا .. ولكننا مظلومين » .

* وكان الاتهام إليه ؟

* « الاشتراك فى قلب نظام الحكم والتآمر » .

* ويقول عبد المجيد فريد : « من خلال التحقيقات اللي حدثت بعد النكسة .. تحقيقات المخابرات اللي قام بها الأستاذ أمين هويدى الذى كان مدير المخابرات العامة فى ذلك الوقت .. تبين إن الرئيس مكاينش يعرف التفاصيل اللي تحدث فى المخابرات من انحرافات ومن معاملات غير عادية ومن استخدام النساء وبعض الأحداث اللي كانت لا تجوز فى ذلك الوقت .. لكن مثلاً إنه يعرف إن فيه اعتقالات تمت فى أحداث القضية الفلانية .. حصل » .

* والتعذيب ؟

* « ما أفترض أجاب عن دى .. ما أعرفش لأنى ما حضرتش .. ماكنتش مسئولاً فى المخابرات أو أستطيع أن ألم بهذا الموضوع » .

• كما حوكم عباس رضوان ...

* وأسأل سعيد حليم : عباس رضوان ؟

* « عباس رضوان .. الناس يعلمون عنه إنه للرجولة والشهامة .. وأيضاً ضابط أركان حرب وضابط حر » .

* وأسأل عبد المحسن أبو النور : هل كان فيه فلول بتستخفى بسبب تأمين الثورة ؟

* « إطلاقاً .. اللي حصل سنة ٦٧ .. بعد ٦٧ ظهر الكلام ده فى محاكمة صلاح نصر رئيس

المخابرات .. وجدوا مبلغ ١٤ ألف جنيه عند عباس رضوان دفنهم فى غيط بتاع واحد قريبه
اللى بلغ عنهم .. هذا المبلغ مافيش غيره .. ماحصلش غيره إطلاقاً .. وهذا المبلغ كان موجوداً
لتعزيز العمل المضاد اللى كانوا بيتحركوا به ضد جمال عبد الناصر .

• **ويقول د . عبد العظيم رمضان :** « موضوع الزلغ عند عباس رضوان حقيقى .. وقد ذكرت
ذلك فى كتابى « تحطيم الآلهة » .. وكان ما حدث فى ٦٧ هو صراع عباس رضوان
وعبد الحكيم عامر مع عبد الناصر .

• **ويقول أحمد حمروش :** « كتب موسى صبرى فى التعليق على محاكمة عباس رضوان وقال :
إن حقيقة النقود الضائعة تظهر « إن ما خفى كان أعظم » .. وبعدها نقل من جريدة الأخبار إلى
جريدة الجمهورية كاتباً بعد أن كان رئيساً للتحريير .

• **ويقول عباس رضوان :** « أنا يوم ٢٥ رحلت بيت المشير فى الصباح وجدت تحديد إقامة يعنى
مافيش دخول .. فكل اللى حصل إنى أحضرت ضابط الشرطة العسكرية وقلت له راعى
البيت .. يوم ٧ سبتمبر قاعد أنا فى البيت وأنا كنت متوقعاً والشنطة جاهزة يعنى كان وضعاً
طبيعياً .. فوجئت بضابط عزيز على اسمه حسن طلعت .. كان ماسك مباحث أمن الدولة
والمباحث العامة .. وجاء وسلم وشرب قهوة .. وقلت له إنت جاي فى موضوع أنا عارفه مافيش
أى إخراج ولا حاجة .. دقيقة واحدة .. وأحضرت الشنطة وطلعت معاه فى عربة منى على
القلمة .. وقعدنا فى القلمة شوية .. ثم السجن العربى .

• **كان فيه سوء المعاملة فى السجن ؟**

• **« بالنسبة لى لأ » ..**

• **« طيب دخلت السجن نيه ؟**

• **« والله اللى كان فاضل إحنا .. المتبقى عبارة عن عباس رضوان .. صلاح نصر .. شمس
بدران .. وعبد الحكيم عامر كضباط ثورة .. والضباط الصغيرين عادييين .. هم تخيلوا إن دول
ممكن يعملوا حاجة .. وأنا لآخر يوم كان مافيش أحد ما بيلجأ ليش من الاثنين .. عبد الحكيم
عامر أو عبد الناصر .. الرئيس كلمنى : إيه يا عباس ده إخوات عبد الحكيم ما أعرفش بيوزعوا
كتاب استقالة .. قلت له لا سوف أنبه عليهم .. بعدها برضه أروح له المنيا يقول خليه ييجى ..
لكن هو عبد الحكيم عامر بمعرفتهم ببعض فهم إن هو مالوش فى الاستمرارية .**

• **وحوكم أيضاً صلاح نصر رئيس المخابرات ...**

• **« وأسأل حافظ إسماعيل : ماذا تقول لنا عن صلاح نصر ؟**

• **« كان يريد أن تبقى كل السلطات فى يده .**

• وأسأل سعيد حليم : صلاح نصر ماذا تقول عنه ؟

• « صلاح نصر أولاً صديق عمرى .. وعندما تخرجت احتضننى .. و هو إنسان شريف وعلى مقدرة ثقافية عالية لأنه بيؤلف كتباً وأنا أعتر به شخصياً .. وهو الذى ضمنى للضباط الأحرار .. كون بقى فى حكم ما يساء دى موجودة كثيراً .. شوف النهارده كلينتون عمالين يطلعوا له مش عارف إيه .. ده موضوع مياسة وأنا ما اشتغلتش فى المياسة » .

• ويقول شمس بدران : « صلاح نصر تباهى بأنه يحكم عبد الناصر .. يجعله ينام ويستيقظ بأمره .. ثم يتصل بالمشير عامر ويحكى له ذلك على سبيل التسلية » .

• ويقول أحمد كامل : « فيه شوية حاجات حصلت خاصة بعد ٦٧ وثار كلام كثير جداً .. وقيل ما قيل فى المخابرات العامة .. وأنا بأرجع هذا إلى حاجتين أساسيتين : الحاجة الأولى إننا كشعب تجهل كثيراً جداً عمل المخابرات ولا نعلم عنها شيئاً بحكم عيب آخر موجود فينا إن كل شىء « سرى للغاية » .. وقد لا يكون له أهمية فى أن يكون سرّاً .. النقطة الثانية إنه من عيوبنا برضه إن إحنا نعمم .. فرد يخطئ فى المخابرات العامة نقول المخابرات العامة كلها سيئة .. هذا خطأ كبير جداً وشائع على كل المستويات » .

• جهاز المخابرات العامة فى عهد صلاح نصر .. وفى عهد أحمد كامل .. إيه الفرق بينهما ؟

• « الفرق بينهما حاجة بسيطة جداً .. إن أنا سميت إلى تحديد واجب كل إنسان يعمل فى جهاز المخابرات .. ثم تحديد واجب جهاز المخابرات نفسه .. بعدم التضارب مع الأجهزة الأخرى .. وحتى فى هذا الشأن عقدت بروتوكولات للعمل بالنسبة للجميع .. آخر حاجة إن جهاز المخابرات يعمل استراتيجياً ولا يمس أى فرد مصرى .. يمكن قبل كده كان يمس بعض الناس » .

• بعيداً عن التعميم .. قالوا ما قاله مالك فى الخمر بالنسبة للمخابرات العامة .. فهل ينطبق ذلك على وقت صلاح نصر ؟

• « لا » .

• وأسأل أحمد سعيد : صلاح نصر ؟

• « لأ صلاح نصر ده شغلانة لوحده .. ده مدفع سريع الطلقات لما ينفعل .. فى نفس الوقت عبد من العبيد بتوع الرومان لما يحس إنه غلط معاك يجيلك يتوسل إليك .. وبعدين نهره متدفق .. كوزير أنا تعاملت معاه كوزير .. نهر متدفق من العطاء .. والإمكانات » .

• ويقول شمس بدران : « رجل كفاء جداً .. أنشأ جهاز جديد فى الدولة الللى هو جهاز المخابرات .. وأنشأ بكفاءة تامة وكان رجلاً نزيهاً جداً .. نزاهة كاملة .. إنما إتخط عليه العيب كله بعد ما إحنا مشينا .. الفساد الللى فى الدولة كله إتخط على صلاح نصر .. والهزيمة العسكرية إتخطت على عبد الحكيم عامر .. وخرج عبد الناصر بريئاً من الموضوع كله ..

مالوش هو دعوة بحاجة .. الهزيمة العسكرية بقت عبد الحكيم عامر وفساد الدولة كله وقواته ..
و .. يبقى صلاح نصر ..

* ويقول الفريق أول مرتجى : « صلاح نصر كان شغله مع جمال عبد الناصر .. وفي الوقت نفسه كان هو ذو ولاء كبير لعبد الحكيم عامر .. صلاح نصر كان أول من عمل مخابرات بالمعنى الذى فيه » .

* مش زكريا محيى الدين ؟

* « زكريا هو الذى بدأ .. لكن صلاح نصر هو الذى توسع فيها بالطريقة التى وصلت إلى ما وصلت إليه .. كان كل شغله مع جمال عبد الناصر أساساً .. الواحد لما سمع عنه كلاماً كثيراً والله أعلم .. يقول لك الرجل يعتقل ويقول لك الرجل ده كذا .. كل دى تأشيريات بدون إمضاء .. أنا كنت أحب صلاح نصر .. بس أنا ما كنتش أعرف أبداً الخفايا التى بتحصل .. أنا كنت فى زيارة بينى وبينه .. صلاح نصر كان عمه عبد الله نصر .. وكان أول واحد حضرته فى الكتيبة وأنا ملازم ثانى صغير .. وكنت معجباً به جداً .. حتى لما كنت بأزوره فى البيت لما تعب .. وصلاح اتجوز مرات عمه لما مات .. »

* وحكوم كذلك شمس بدران ..

* ويقول سعيد حليم : « الحقيقة هو صديق شخصى لى .. وأعتز بصداقته .. وكنت بأشغل سكرتيراً لزكريا محيى الدين .. وهو كان بيشتغل للمرحوم عبد الحكيم عامر .. وكنت لا أعرفه قبل الثورة .. وتوطدت الصداقة بينى وبينه .. واستمرت هذه الصداقة .. وأنا على اتصال به دلوقتى .. »

* وأسأل شمس بدران : كان رئيس المحكمة السيد حسين الشافعى .. وكنت متهماً بالتآمر وقلت فيما قلت .. « إن الدم حبيبى للركب » ؟

* « الدم للركب ده تعبير عبد الناصر .. أنا كنت بأقابل عبد الناصر فى الوقت ده .. وبعدين كان فيه عندى واحد شغال فى البيت فى الشقة التى أنا ساكن فيها .. مرة قال لى إنه مشى فى الشارع فناس كانت بتمشى وراءه .. فأنا الحقيقة اتضايقت .. ما كانتش فيه حاجة تستدعى إن أنا أتراقب .. فطلبت عبد الناصر فى البيت قلت له يعنى يصح بعد مدة السنين دى كلها إنك تراقبنى .. قال لى والله أنا ما راقبتك ولا أعرف .. قلت له أأمل إيه يعنى المجندين الذى ماشيين وراء الشغال .. دول جايين منين يعنى نازلين من السماء .. قال لى أنا والله ما قلت حاجة ومش أنا .. فأنا كنت بأتكلم معه بعنف الحقيقة .. هو قلب القضية دى كلها للمتصلين به .. على صبرى وخلافه .. علشان هم يعرفوا العلاقة التى بينه وبينى .. هو بيؤلف بقى .. لازم بيرر لهم أى تصرف جيمعله معاً وقال إن أنا قلت له « أخلى الدم للركب » .. يبقى ده مبرر لإنه يعتقلنى بعد كده .. طبعاً ده محاصلش .. وده مش تعبيرى .. ما بأقولش أنا التعبيرات دى .. »

• وأسأل مرتجى : إيه رأيك فى شمس بدران ؟

« شمس بدران كان يتميز بالانتماء لعبد الحكيم عامر فى الآخر .. فى الأول كان الرجل بتاع عبد الناصر .. لما وجد إن عبد الحكيم عامر أسهل مطية فابتدا يخرج من نطاق عبد الناصر وينضم إلى عبد الحكيم .. إنما لما تشوف عبد الناصر .. لما أنا رحت له بعد ٦٧ .. وهو بيتكلم عن شمس بدران .. بيتكلم كلاماً سيئاً جداً ووقحاً .. شمس بدران لبسوه عباية أكبر من حقيقته » .

« ويقول أحمد أبو نار : « شمس بدران شخصية ممتازة وعلى خلق وقائد ولا يعيبه إلا تحقيقاته مع الإخوان المسلمين حيث إنه الممتول عن التعذيب .. وده كان بأوامر .. فيما عدا ذلك هو شخص يعرف ربنا كويس .. وكل اللي عمله مكلف به بتعليمات من فوق » .

« من فوق .. يعنى المشير عامر ولا الرئيس عبد الناصر ؟

« فى الحقيقة علاقة شمس بدران بالرئيس جمال عبد الناصر هى الأساسية .. ويعدين لما شمس عاشر المشير أحب المشير .. لإتته عاش معاه فترة الحرب .. فالرئيس عبد الناصر اعتبر إن الرجل بتاعه خرج من إيده وراح للمشير لدرجة إنه كان معين شمس بدران رئيس جمهورية لمدة يوم حسب الاتفاق مع المشير .. ثم حصل إنهم عينوا زكريا محيى الدين » .

• وأسأل سامى شرف : كان الرئيس عبد الناصر معيناً شمس بدران ليكون عينه على المشير عبد الحكيم عامر .. الكلام ده صح ولا غلط ؟

« شمس بدران بحكم إنه كان أحد الضباط الأحرار الذين تحركوا ليلة ٢٣ يوليو .. وكان له دور فعال ما نذكره لوش حقه .. ومانتكرلوش دوره ولا وضعه .. كان فى خلية الضباط الأحرار اللي كان بيرأسها الرئيس عبد الناصر .. فكان فيه صلة قوية بين الاثنين .. لكن كل الأمور وتداعيات العمل وصلت سنة ٦٧ إن شمس كان مشاركاً فى المؤامرة بتاعة المشير عبد الحكيم .. وبتليل إن هو كان ماسك السلاح يعنى كان فيه دليل مادى .. فيه آخرين لم يرد ذكرهم وما حدش يعرفهم وعابشين لغاية النهارده .. كانوا داخلين فى هذه المؤامرة بس ربنا أمر بالستر .. الرئيس عبد الناصر ما كانش يحب يوسع الأذية .. لو كان غاوى أذية كان أذى ناماً كثيرة جداً .. ومش دى بالذات .. فيه حاجات أخرى كثيرة .. أسلوب عبد الناصر فى التعامل فى الإضرار وفى التعامل مع التآمر كان بتبدأ اثنين باثنين يقول أربعة .. المتتالية التآمرية ده فى علم المخابرات ٢ بيقوا ٤ .. و ٤ بيقوا ٨ .. الخ .. يعنى إيه ؟ أصل البنى آدم ده مش لوحده .. ده معاه أمه وأبوه وأخته وأخوه وابن عمه .. تصور إنت حتأذى ٨ عائلات .. فيقول لك اجهض وأعمل المسائلة وما تأنيش ناس كثير .. هو ده أسلوب عبد الناصر فى التعامل مع الأشياء .. وحتى فى التعامل مع الخارج » .

• وأسأل حافظ إسمايل : شمس بدران ؟

« أنا كنت مغيراً لا أعلم !! »

* **ويقول أحمد سعيد :** « لأ .. شمس بدران ده صديق .. وبعدين شاء قدره رغم صداقته لنا .. إنه يكون أحد المشايخ بتوع كفر المشير » .

* **ويقول د . الدكتورى :** « الوزير السابق شمس بدران كان أكبر ما يؤله هو حب المشير عبد الحكيم عامر له .. وكان المشير عامر لما يبص لشمس بدران كنت تحس كما لو كان عاشقاً له .. فكان مطلوب الإرادة أمامه .. وكان له مطلق التصرف فى كل ما هو من اختصاص المشير » .

* **ويقول أمين هويدى :** « شمس بدران كان تولى وزارة الحربية بمعلومات شخص لم يتجاوز الضابط الصغير .. لم يدرك خطورة المنصب اللي هو فيه .. ولكن أعطيه بعض العذر .. لأن تدهش يا أخ طارق لحاجة حصلت مع شمس بدران وهو وزير حربية .. أى إنه مثل القيادة السياسية وعلى قمة المؤسسة العسكرية .. تعرف مين اللي حدد اختصاصاته .. القائد العام للقوات المسلحة المشير عبد الحكيم عامر .. فيه قرار موجود .. وأنا كتبت فى هذا الموضوع .. والدولة سكنت على هذا .. كان شمس هو وزير حربية يعمل من باطن القائد العام .. هذا أول خطأ .. الرجل كان يقوم ببعض الأعمال المحذورة فى القوات المسلحة .. ولكن أنا زى ما قلت لك القادة الكبار كلهم كانوا مسئولين عن التجاوزات التى حدثت يوم ٥ يونيو ١٩٦٧ .. المهم شمس بدران زى ما قلت لك كان وزيراً للحربية فى ظروف سياسية اقتضت وجوده .. وبالقطع لم يكن هو الشخص المناسب فى المكان المناسب » .

* **ويقول الفريق سعد الشاذلى :** « شمس بدران تولى منصب وزير حربية مع أن خبرته لا تزيد عن خبرة ملازم أول أو نقيب .. يعنى لا أقدر أن أقول إن هو كان يعنى لديه المؤهلات التى تؤهله كوزير الحربية .. حتى وهو وزير حربية كان يكاد يكون يعمل مدير مكتب عبد الحكيم عامر » .

* **ويقول المشير عبد الفتى الجمسى :** « كان من غير المناسب إطلاقاً إنه يتولى مسئولية وزير الدفاع فى الوقت الذى اتعين فيه .. لإنه حديث جداً .. وكان مدير مكتب المشير عبد الحكيم عامر فى ذلك الوقت .. وأعتقد إنه لم يقم بأى عمل عسكري فى حرب يونيو ٦٧ .. رغم إنه كان وزير الحربية فى هزيمة ٦٧ .. وكان من السابق لأوانه أن يتولى هذا المنصب » .

* **ويقول الفريق أول محمد فوزى :** « شمس بدران كان عبد الناصر يعتبره ابنه .. وأنا حضرت مرات كثيرة .. فلوس شمس بدران تخلص مثلاً .. يقوم بروح للرئيس عبد الناصر يقول له أنا عاوز ٣٠٠ جنيه لأن مصروفى خلص .. يعطى له .. فضل فاهم إن ده بتاعه لغاية السنة الأخيرة اللي هى بعد الهزيمة .. قعدوا فى الجينة سوا قال له أنا عاوز أعرف التنظيم بتاعك يا شمس .. رد عليه وقال له القوات المسلحة كلها التنظيم بتاعى .. كان فى ذلك الوقت شمس بدران وزيراً للحربية .. لكن مفهومه إن هو الكل فى الكل .. فراح عبد الناصر رفق وزعل .. ومن ذلك فقط عبد الناصر عرف إن شمس بدران مش بتاعه .. ومش ابنه ولكن ابن المشير عامر » .

• كان في سنة كام ؟

• « الكلام ده في أغسطس ٦٧ .. قبل ما يسافر الخرطوم .. وقبل الحكاية ما تتم .. واللقاء الذي أقول لك عليه كان في ٢٤ أغسطس سنة ٦٧ .. وكنت أنا موجوداً في القيادة واقف على رجلي حصل تهديدات لى وقاومتها بأسلوبي » .

• مين اللي هددك ؟

• « جاء لى حوالى ٢١ ضابطاً كبيراً .. قالوا لى كلهم إنت قاعد على الكرسي بتاعك ليه ؟ .. ما فيش قائد إلا المشير .. طيب إنتم عاوزين إيه .. قالوا نمشى .. أمشى إزاي أنا هنا موجود بأمر السلطة الشرعية بتاعة البلد .. إنتم اللي طلعتم على المعاش .. إنتم تتفضلوا بره .. وطريقتهم .. سمعت عند الرئيس بعدها بساعتين .. جاء نقيب اسمه « أبو نار » ومعه ١٢ عربية مصفحة بتوع السريتين اللي كانوا موجودين في بيت الحلمية مع المشير .. المشير نقل من الحلمية راح الجيزة .. دول أخذوا أمراً علشان يأتوا للجيزة .. في طريقهم إلى الجيزة حوّنوا على .. دخل النقيب ده ومعه ١٢ عربية مصفحة مبنى القيادة .. أخذت خبراً .. وأنا موجود فوق .. نزلت له على الشرفة بتاعة المبنى وهو مدور العربيات .. والصاكر الموجودين عمالين يهتفوا للمشير .. مبنى القيادة بعد بيت الرئيس عبد الناصر .. اللي في الشارع سمعوه في منشية البكرى .. وقلت لهم الوضع اللي إنتم فيه غير قانوني .. وإحنا موجودين في الميدان وقت حرب .. اللي منكم سينظر دقيقتين فأكثر سوف أشكل له مجلساً عسكرياً ميدانياً وأحاكمه .. وبعدها انصرفوا وراحوا على الجيزة وتمركزوا هناك » .

• وأسأل أحمد أبو نار : هل كان فيه شيء ما بين الوزير شمس والفریق فوزی ؟

• « الفریق فوزی مع احترامی له كقائد كان قريباً لسامی شرف .. وكان يعلم كل شيء عن طريق سامی .. وكان فيه حاجات شخصية بينه وبين شمس بدران .. لأن كان شمس بدران مدير مكتب المشير وعقيد .. وهو كان رئيس هيئة أركان حرب أيام ما كان المشير قائد الجيش .. وكان يخشى شمس بدران .. فلذلك لما حصلت النكسة أحب بننقم من كل ما هو محيط بالمشير عامر » .

• وصدرت أحكام عسكرية اعتبرها الشعب المصري أحكاماً هزيلة .. وثار ثورة عارمة ..

• « ويقول د . عبد العظيم رمضان : « في أثناء المحاكمات اتفتحت صور كان من الصعب أن تظهر أمام الشعب .. لأنها كانت تمس هبة النظام أكثر مما هزته الهزيمة » .

• وكانت مظاهرات سنة ١٩٦٨ أول مظاهرات بعد مظاهرات سنة ١٩٥٤ تقوم في مصر ضد رئيس الدولة .. وترغم طلبة الهندسة بجامعة القاهرة مظاهرات الطلبة احتجاجاً على الأوضاع .

• وأسأل د . حلمي مراد : كان فيه هتافات موجهة ضد النظام ومظاهرات : حضرتك نقول عنها إيه ؟

• والله .. سألتني الرئيس عبد الناصر نفس السؤال ده .. لأنه في وقتها لما حصلت هذه المظاهرات .. الرئيس عبد الناصر دعا رؤساء الجامعات .. إلى اجتماع في قصر القبة .. وأنا كنت من بينهم .. كمدير جامعة عين شمس .. وكنت أنا أأحدثهم في التعيين كرئيس جامعة .. وبدأ يعطى الكلمة للأقدم فالأحدث .. وإخواننا رؤساء الجامعات الأقدم تحدثوا .. فوجدتهم كلهم بيتحدثوا عن كيف قامت المظاهرات وكيف تم فضها .. والهتافات التي كانت تنتقل .. الخ .. ولما جاء الدور على قلت له : والله أنا بأعتقد إن سيادتك لم تدعونا علشان نقول لك كيف قامت المظاهرات وكيف تم فضها .. وإيه الهتافات اللي كانت تنتقل .. لأن موجود من الأجهزة الأمنية والرقابية ومختلف المعنيين اللي يكتبوا تقاريراً أدق منا في هذه النقطة .. لأنهم موجودين في وسط الناس ونظرتهم أعرق .. إنما أفكر سيادتك دعينا علشان نقول لك لماذا قامت هذه المظاهرات .. وكيف نقادى حدوثها مرة أخرى .. قال لي : بالضبط .. أهو ده اللي أنا عاوزه .

• ويقول د . ميلاد حنا : لما جاءت هزيمة ٦٧ .. أنا عاصرت بنفسى الحركة الطلابية في كلية الهندسة جامعة عين شمس .. وأنا أستاذ نزلت للمدرجات وخلعت روب الأستاذية وقلت لهم أنا طالب زيي زيكم .. ومن ٦٨ لحد النهارده مامدنتش .

• وأسأل إبراهيم مكادى رئيس اتحاد الطلبة بهندسة القاهرة : قمت بمظاهرات واعتصام في فترة ما بعد ٦٧ ؟

• تفاصيل الواقعة .. هو إنه يوم ٢١ فبراير ٦٨ وكان بالصدفة يوم الطالب العالمي الذي تحتفل به الأمم المتحدة اللي هو كان سنة ٣٤ أيام كوبرى عباس ما اتفتح على الطلبة المصريين .. فلحنا كنا موضوعين احتفال بكده يومها بس برضه تشاء الصدفة إنه يومها كان صدور أحكام الطيران .. وبعدين زميلة لنا في قسم العمارة كانت جاية الكلية بالتاكسي .. قالوا لها حصل مظاهرات في حلوان .. وضربوا العمال بالرصاص .. ومات منهم أربعة .. ابندت المناقشات في ساحة الكلية ولازم نعمل حاجة .. أذكر كان فيه واحد زميل من كلية التجارة .. د . أحمد شرف جاء .. اتفقنا فيما بيننا إن إحنا في الاحتفال بعد ما نخلص الكلام المعتاد اللي بيتقال في هذه الاحتفالات .. نتكلم .. وكان كثير من الزملاء كان فيه إبراهيم محمد فريد ومحمد منيب وممدوح بدر الدين .. أخذوا الكلمة .. وأثاروا موضوع ما حدث في حلوان .. وتحول المدرج إلى هتاف بأنه لا بد من عمل شيء وهو كان شيئاً غريباً علينا .. فقلعنا في مسيرة إلى الحرم الجامعي .. كنا حوالي ٢٢ طالب ودخلنا الحرم الجامعي ولغينا على الكليات كلها وابتدت الهتافات وانتهت إلى مدرج كلية الآداب .. اتملأ على الآخر .. وكان كل واحد يقول اللي هو عاوزه وأساس الهتافات كان .. الحرية .. الحرية ..

• وكنتم يتكلمون هتأففات أخرى أظن بعضها عن المحاكمات ؟

• هو بالتحديد الهتاف كان بيقول « لا صدقي ولا الغول .. جمال هو المسئول .. كانت بمنتهى الأمانة يعنى اللي حوّر هذا الكلام بعد كده تماماً .. أساساً مش هي محاكمات الطيران اللي كانت تفرق معنا .. هو طبعاً كان من ضغط ٦٧ .. كشتاب في هذا السن حسينا إنه غدر بنا من الجميع وعلى رأس القائمة طبعاً الرئيس .. وفي الاجتماع في كلية الآداب انتهبنا إلى أن لابد من تنظيم الأمور .. لمينا ٢ من كل كلية .. كان فيه ١٢ واحد على أساس إن دول يروحوا يلقاوا الرئيس ويرجعوا نعمل اجتماعاً يوم السبت .. وانتفضت الناس على كده .. المهم وكيل الكلية طلب مقابلة الناس بعد الاجتماع ده .. ثاني يوم .. يوم الخميس برضه .. كانوا بيتكلموا الكلام ده كله وكانوا مستنيين عربيات تيجي من الرياسة .. بدل ما تيجي العربيات .. قالوا لأ وزير التعليم العالي د . لبيب شقير جاي .. فوصل د . لبيب وللأسف ماكانش سياسياً خالص .. لأن طبعاً ما تعرض على موضوع زى كده .. وكانت مفاجأة للجميع .. مافيش مظاهرة حصلت في تاريخ الثورة .. فاتكلم بعنف جداً ومافيش اجتماع وإنتم مين .. ولا تمثلوا أهدأ ورفض رفضاً باتاً موضوع الاجتماع يوم السبت .. حاولنا حتى ننصح الجميع ما هو خلاص يوم السبت الطلبة جاية ولابد يحصل الاجتماع ده مافيش فائدة .. المهم قمعنا برضه يوم الجمعة وداومنا الاتصالات .. يوم الجمعة بالليل الدكتور أسامة الخولي طلبني أنا وفريد رحنا له البيت .. وكان وكيل الكلية - كان العميد أيامها مسافر - د . العريان .. ونصحنا برضه إن بلاش حكاية مظاهرات يوم السبت أو أى شيء لأن حُضِرْب ببد من حديد على هذا الموضوع وإن « الدولة إن تسمح .. وبدأوا الكلام بصورة رسمية .. رحت برضه أنا وزميل آخر هو محمود كمال إلى د . فؤاد محيي الدين .. كان حاله .. وبرضه كان نفس الرأي » .

• ويقول أحمد حمروش : « تم اعتقال بعض الطلبة عقب مقابلة ساخنة مع الدكتور لبيب شقير وزير التعليم العالي .. وكان شعراوى جمعة يؤكد إنه لم يصدر أمراً بإطلاق الرصاص .. وكان على صبرى هاندا صامتاً لا أعرف ما يدور في صدره .. بينما كان سامي شرف صاخباً يوزع الاتهامات (كالعادة) على الإخوان المسلمين والشيعيين » .

• ويقول مكادي : « أنا أنكر كلمة أبويا لما خرجنا مرة من الاعتصام ورحت البيت قال لي « برافو .. علمت اللي أباهاتكم ماعرفوش يعملوه .. » فيعنى يكفيننا هذا .. هي ظروف البلد كانت غريبة أيامها .. المهم رحنا يوم السبت مافيش اجتماع وقتلنا للناس خلاص د . لبيب شقير منع الاجتماع .. ماكانش فيه أى نية بأمانة مش رايحين مبيتين إن إحنا نعمل مظاهرة .. إنما حدثت .. وخرجت الناس إلى الشوارع .. والكُل تجمع في كلية الهندسة .. ونزلنا إلى شار القصر العيني إلى مجلس الأمة وقتها .. طبعاً لا تتخيل إحساس الناس .. الناس كانوا بيررورد على المظاهرة من البلكنات .. وبيهتفوا معاهم .. إحساس عارم من الشعب كله .. الهتة هي هي « عاش نضال الطلبة والعمال » .. « البلد دي بلدنا واللي مانا هم إخواننا » .. وصلنا إلى مجلس الأمة كان أنور السادات هو اللي كان موجوداً هناك وكان رئيس مد

الأمة .. فخرج الأول فريق حاول يهدى الناس أو شرح اللي إحنا بنعمله أو ماذا حدث .. طبعاً دى كانت حاجة جديدة بالنسبة لنا .. وبرضه مهما كان إحنا بنعتبر دى بلدنا .. فأنور السادات خرج وحاول يتكلم .. بس لا مجال .. فطلب يخش مندوبين ويتكلم معاهم فى هدوء .. فى الأول حتى كان فيه رفض تام لأ مايفش ثقة وتخاف عليهم .. وكل الكلام يحصل قصاد الجميع .. فحتى كان هناك كلمة شهيرة له كان بيقلها « بشر فى ما يحصل لهم أى حاجة » .. دخلوا وحصل الاجتماع وحصل الكلام .. المهم بالليل قبض على الناس دى كلها .. اللي هم كانوا دخلوا .. فده اللي خلانا روحنا يوم الأحد الكلية .. وجاء خبر إنه انتقبض على زملائنا .. وجاء يومها المحافظ » .

• واعتديتم عليه ؟

• « لأ مكانش اعتداء .. هو للأسف .. هو غلط برضه .. الجرائد طلعت قالت إن بعض الكليات وبعض الجامعات وبعض الطلبة عملوا مظاهرة .. الجرائد كلها كانت فى الشارع فهو راح واقف .. فيقولوا له أنت ما قرأتش الكلام اللي موجود فى الجرائد .. قال لهم أنا ما قرأتش الجرائد .. اترمى عليه بيحيى ٣٠٠ جرنال .. بس طلعناه .. ده برضه والد مهما كان » .

• ويضيف مكادى : « الدكتور عبد الحميد حسن جاء دوره بعد كده .. بعد الاعتصام .. اعتصمنا ساعتها فعندنا كذا يوم وكان فيه مقابلات واجتماعات طول الوقت .. علشان أولاً الإفراج عن إخواننا اللي كانوا محبوسين فى القلعة دول .. انتهت بإن إحنا خرجنا إلى مجلس الشعب واجتمعنا بالرئيس أنور السادات .. وأيامها كلمته الشهيرة « إنتم مزعبرين كده ليه ؟ » وهو كان كلامه كويس قوى يومها .. إنه هو واعى لكل شىء واعترف بكل شىء .. وقال فعلاً أنا عارف وكل المؤسسات تعبانة ومش مضبوطة وإنه بيסعى إنه يجد حلاً للأمور .. وبعد كده رجعنا وفضينا الاعتصام وابتدت بقى .. الحركة دى طبعاً قلبت كيان الدولة كلها .. وابتدينا دخلنا فى بيان ٣٠ مارس وابتدا الرئيس طلع وقالها .. قال أنا مسئول وأنا مع الشعب والشعب عاوز التغيير وأنا معاه .. انتخابات من القاعدة إلى القمة .. ابتدا بقى برنامج إنه يلف يخطب مع قوى تحالف الشعب العاملة أيام الشعارات الاشتراكية والوحدة .. فعملوا البرنامج بحيث إنه يروح الأول للعمال والفلاحين والجند وفى الآخر ييجى للمثقفين .. وضموا الطلبة إلى المثقفين .. على اعتبار إن إحنا المثقفين .. رفضنا الموضوع ده رفضاً باتاً .. قلنا إحنا أبناء كل قوى تحالف الشعب مش أبناء جبهة واحدة .. علشان كده قالوا مايفش طالب يتكلم .. خلوا مدير الجامعة يتكلم .. بس طبعاً تحركنا جامد أيامها ولازم طالب مننا يتكلم .. وقلنا الطالب اللي بيمثلنا رئيس اتحاد الجامعة الدكتور عبد الحميد يتكلم .. كان فيه رفض تام لهذا الموضوع » .

• ليه ؟

• « يعنى هو إحنا تخيلنا إن هم عاوزين يحطونا فى كورنر .. ويقولوا ده إنتم أولاد المثقفين وخلاص .. إنتم مثقفين .. وكان فيه جبهة أو جهاز أيامها بي فكر إن ممكن يضرب الطلبة بالعمال .. ويضرب الطلبة بالفلاحين .. قلنا لأ إحنا أولاد الجميع .. ورحنا للأستاذ محمد حسين

هيكل .. وشعراوى جمعة وعبد المجيد فريد .. وحتى هيكل أيامها قال الأمور لما بتترتب للرئيس بتبقى صعبة .. فعلى العموم كحل وسط اكتبوا الى إنتم عاوزينه .. ويوم الخطاب الصباح كان عبد الناصر رايح الجامعة .. ينزله فى جريدة الأهرام .

• وقد كان ؟

• « لأ .. دى كان لها قصة طريفة .. النائب بناعى منير .. وإحنا خارجين على الباب قال للأستاذ هيكل طيب ولو الخطاب ما نزلش فى الأهرام ؟ رد عليه قال له « عيب عليك يا أخى » !! المهم كتبنا الخطاب وإديناه له فقال إيه لغة الميكانيكية دى .. لأ دى لغة ريكة ما تنفعش .. وقعدت أنا وفريد يومها لحد بالليل مع إحسان بكر .. هو يكتب الكلام وإحنا نوافق عليه لغاية ما خلص ومبناه .. جينا بالليل بقى .. كلمته قال أصل ما الحقتش المطبعة .. المهم تانى يوم برضه ما نزلش .. بس تانى يوم كان الأستاذ هيكل طليبنى فى البيت وقال لى الرئيس وافق أن طالبك يتكلم فشوفوا عاوزين مين .. فجبنا عبد الحميد عندنا فى البيت .. وقعدنا كلنا كتبنا الخطاب سوا .. وهو ده اللى حدث .. بس هى كانت كل خطوة فيها معركة لأنها شىء جديد على الدولة .. ده اللى اكتشفناه بعد كده .. إن كل الأجهزة كانت أيامها مرعوبة .. إن شىء جديد بالنسبة لهم .. متصورين إن كل شىء عندنا متسيطر عليه وكل شىء Under Control » .

• وهل تشعر الآن إنكم حققتم شيئا من هذا الذى فعلتوه ؟

• « هو بالتأكيد طبعاً تحقق الكثير .. إحنا على مستوى الكلية طبعاً أخذنا حاجات كتير .. كان فيه مرحلة من الحرية .. يعنى كانت مجلات الحائط لازم الحرس الجامعى يمشى عليها .. بعد كده انشغال الموضوع ده .. كان رئيس الاتحاد بس هو اللى يمشى عليها .. والحرس بعد كده بطل يمشى .. مع إنه حرس الجامعة دول كانوا إخواننا برضه .. يعنى من الحاجات اللى كانت أيام الاعتصام .. ما هو كان حرس الجامعة بيهرّب لنا الأكل برضه .. البوليس قاعد يحرسنا إنما كان فيه أكل بيجى لنا من البيت .. ما هو العسكرية ده مين ؟! » .

• ويقول د . عبد العظيم رمضان : « إنما كانت أهم ما أسفرت عنه مظاهرات فبراير سنة ٦٨ .. إن عبد الناصر أحس أن الجبهة الداخلية طالما إنها استطاعت القيام بمظاهرات ضده .. لو استمر الوضع على ذلك .. سيؤدى إلى سقوط نظامه » .

• ومرت الأيام واختفى كل رجال عامر كما اختفى هو نفسه .. وهكذا كانت نهاية مصير المشير ..

• وأسأل جمال السادات : هل وفاة المشير عامر كان لها صدى فى نفس والدك ؟

• « أيوه تأثر جداً وحزن جداً » .

• وأسأل الفريق أول محمد فوزى : وماذا سيكتب للتاريخ عن المشير عبد الحكيم عامر ؟

• « هذا الإنسان .. مقاتل .. محبوب .. ولكنه غير مناسب لقيادته للقوات المسلحة » .

• ويقول لطفى واكد : « الله يرحمه .. هو صديق ولا أريد أن أقول عنه ما يسمى له في قبره » .

• ويقول د . ثروت عكاشة : « الظروف خانت المشير في بعض ما كان يجريه كما تورط في أخطاء ما كان أحراه أن يقع فيها .. لقد زاملت عبد الحكيم عامر في الكلية الحربية ونحن أبناء دفعة واحدة كما زاملته في الدراسة بكلية أركان الحرب .. وكان موقعه منى موقع الإجلال والمحبة .. فقد كان إنساناً نبيلاً كما ذكرت .. حتى إنى لم أكن أناديه باسمه .. بل كنت أناديه « جان جاك » .. أقصد جان جاك روسو .. لبرأته وصراحته ونقاته .. لقد اختار عبد الحكيم عامر الموت بوصفه الطريق المفضى إلى الشرف .. الذى يقيه من عار الهزيمة .. وكأنه قد عوض بميثقة الأبطال ما كان ينبغي له من حياة » .

• ويقول شمس بدران : « كان رجلاً كفواً فى عمله .. ويعدين اضطرب بسبب عمله .. ويتجه لحاجات ثانية .. لإثمه قعد غصب عنه فى هذا العمل » .

• ويقول الفريق سعد الدين الشاذلى : « كان بيدير القوات المسلحة بأسلوب السعد » .

• ويقول رشاد مهنا : « لا أعرف عنه شيء لإثمه كان ورائنا ولا أعرف عنه حاجة » .

• ويقول الفريق أول مرتضى : « المشير عامر كان رجلاً فيه جميع الصفات القيادية التى ممكن تكون موجودة .. إلا .. حاجة واحدة إنه كان بعيد خالص عن الجو العسكرى والعلم العسكرى .. وإنه كُلف بحاجات أكثر من اللازم .. مسؤوليات مدنية .. كلها علشان كمان يبعد بالكامل عن الناحية العسكرية » .

• ويقول محسن عبد الخالق : « رجل طيب .. فى ظل أى نظام سياسى .. لو عبد الحكيم عامر فى ظل نظام ديموقراطى كان يبقى رجلاً كويس .. لكن كان فى ظل نظام ديكتاتورى .. لكن هو كشخص كان شخص خيراً » .

• ألم يكن السبب الأول والأخير فى هزيمة ٦٧ كما يقول البعض ؟

• « هزيمة ٦٧ مسئوليتها أولاً وأخيراً جمال عبد الناصر » .

• ويقول خالد محبى الدين : « رجل وطنى وضابط كويس .. لكن إنه يقود القوات المسلحة فى هذه الظروف .. لإنها كانت عازرة قيادة عسكرية وتدريب وتنظيم وعمل .. وعبد الحكيم عامر كان ضابطاً سياسياً .. ولإثمه كان ضابطاً سياسياً كان غالب عليه هذا الطبع » .

• ويقول حسين الشافعى : « أقول إنه إنسان كريم وممكن إنه يراهن برصيده كله تحسباً لضربة حظ .. إما يكسب بها كل حاجة .. إما يخسر بها كل حاجة » .

• وبدأت مصر مرحلة جديدة ...



سنوات الاستنزاف

- وعقد مؤتمر القمة العربي بالخرطوم في سبتمبر ١٩٦٧ ...
- وتقول هدى عبد الناصر : « بعد أن عاد والذي من مؤتمر الخرطوم ونجح المؤتمر .. وكان استقبال السودان قد ترك أثراً كبيراً في نفسه .. وأنا أرى أن السودان كان سنداً لمصر وأمنى زيارته .. وكان والذي بعد الهزيمة شابل حمل ثقيل وتمهد بإعادة البناء ولم تعرف الإبتسامة طريق شفتيه إلا بعد أن عاد من الخرطوم وكانت أول مرة أشوفه والابتسامة على وجهه » .
- ويقول أحمد أبو الفتح : « وتجلت الشهامة العربية إذ أنبرى الملك فيصل يقول : إننا لا نستطيع أن نأكل في السعودية بينما يجوع المصريون .. واقترح أن تقوم المملكة السعودية وليبيا والكويت بتقديم المساعدات المالية سنوياً لمصر » .
- وكان الرئيس عبد الناصر بعد أن تقلص من مراكز القوى في الجيش ومن عامر .. قد جمع بين رئاسة الجمهورية ورئاسة الوزراء ...
- وعين أمين هويدى وزيراً للحربية خلفاً لشمس بدران ... كما تولى المخابرات خلفاً لصلاح نصر ...
- ويقول أمين هويدى : « عقب النكسة أنا توليت وزارة الحربية والمخابرات العامة مع بعض .. ودى أول مرة في تاريخ الثورة أو حتى الآن إن واحد يجمع بين المخابرات العامة ووزارة الحربية .. وكلفت بتشكيل وزارة وسافرت موسكو في نوفمبر ٦٧ وأنا رئيس وزراء مصر !! » .
- وعين عبد الناصر .. محمد فوزى قائداً عاماً للقوات المسلحة خلفاً لعبد الحكيم عامر ...
- وأسأل الفريق أول محمد فوزى : توليت الجيش بعد المشير .. كيف كانت الظروف حينئذ ؟
- « يوم ١١ الصباح اتصل بى الرئيس عبد الناصر وقال لى : تتحمل مسئولية القيادة العامة فى الظروف اللي إحنا فيها دى .. قلت له : نعم .. قال : طيب أنا سوف أعينك قائداً عاماً .. وأعلن

في الراديو تعينني قائداً عاماً الساعة ٢،٣٠ الظهر في ذلك الوقت .. وكان في اللقاء الأول وقال لي تحضر لي الساعة ٧ م ومعك كشف الجيش ونقطة قعدة .. وفعلاً تم فيها التوجيه السياسي والعسكري للمرحلة القادمة .. فيها ظهرت نيته وتصميمه الذي أدت بعد ذلك في مؤتمر الخرطوم أيام ٢٥ ، ٢٦ ، ٢٧ .

• **ويضيف الفريق أول محمد فوزي :** « وفعلاً كلمة الاستسلام دى كانت منطقية موجودة بعد هزيمة ٦٧ .. فقد ديان في تل أبيب يستنى مكاملة من عبد الناصر إنه يستسلم .. ديان فقد ٣ سنوات وشهرين يستنى هذه المكاملة ولم تحصل .. والرد بتاعه إن لأول مرة يتضح الهدف الجديد للقوات المسلحة ويظهر فيها إرادة القتال للشعب وللقوات المسلحة .. وأعطاني التوجيه السياسي اللي علينا كلنا نحرر الأرض وأن تعد القوات المسلحة إعداداً جديداً على أسس علمية في ظرف ٣ سنوات ونصف أو ٤ سنوات بالكثير .. إذن هو حدد الهدف .. وحدد الزمن .. وقال لي من ناحية السلاح إنه سوف يتولى التفاوض مع الاتحاد السوفيتي .. ولا تفكر إن العدو سوف يسيك .. لأ .. سوف يتدخل في عملك .. وفعلاً حصل إن الجنود الإسرائيليين حضروا إلى الشاطئ الشرقي واعتقدوا إن القتال هو الحد الفاصل .. وابتدا هذا الوضع الجديد اللي أنا بدأت فيه من يوم ١١/٦/٦٧ . »

• **وأسأل د . الجوهري :** الفريق فوزي ؟

• « أنا ما حضرتوش علشان أحكم عليه .. ما أقدرش أعرف .. يعني ما عنديش فكرة ليه الرئيس كان أمامه كذا واحد يختارهم .. عنده عبد المنعم رياض عظيم جداً .. ناس كثير جداً كويسين .. اختياره له أنا ما أعرفش ليه رغم صلتى الوثيقة بالرئيس عبد الناصر ما أعرفش هو إزاي وقع اختياره عليه . »

• **وأسأل الفريق أول مرتجي :** ماذا تقول لنا عن الفريق محمد فوزي ؟

• « محمد فوزي عمره ما تولى قيادة ميدانية .. ما كانش على دراية إزاي يدير مركز قيادة .. يعني حسب معلوماتي لما جاء عبد المنعم رياض يقول له « لو جم اليهود ولقوا حول القوات المسلحة ووقفوها كلها » .. المفروض إنه يقول الكلام ده لرئيس الأركان .. ورئيس الأركان يطور كل هذا الكلام ويبلغه للمشير .. إنما يقول له روح للمشير صاحبك .. من هذه الناحية كان رجلاً إدارياً .. إنما لا يفهم في الناحية العسكرية ولا كيف يدير القيادة اللي معه .. ولا إزاي يدير في هيئة العمليات المهندسين والمدفعية إلى آخره . »

• **إذن إزاي الفريق فوزي هو اللي بعد كده أصبح القائد العام ؟**

• « الانتماء والقرابة اللي بينه وبين سامي شرف .. وإنهم يتقوا فيه في مثل هذه الظروف أكثر من أى واحد تاني .. لإنه حينئذى مع رغبتهم . »

• **وأسأل المشير الجسمي :** الفريق محمد فوزي ؟

• الفريق محمد فوزى كان أنسب قائد يعين يوم ١١ يونيو ٦٧ .. عندما عينه الرئيس عبد الناصر فى هذا المنصب .. أنسب واحد إنه يتولى مسئولية القيادة العامة للقوات المسلحة هو ومع الفريق عبد المنعم رياض .. وكانت خطوة موفقة من الرئيس عبد الناصر أن يعين الاثنين .. لأن الفريق أول محمد فوزى يتسم بالانضباط العسكرى الشديد إلى حد القسوة .. وهذا كنا نطلبه فى هذا الوقت وكانت القوات المسلحة تحتاجه فى هذا الوقت وقام بدور رئيسى خلال ٣ سنوات تولى فيها منصب القيادة العامة للقوات المسلحة ويكتب له .

• وأسأل الفريق سعد الشاذلى عن الفريق محمد فوزى ؟

• ضابط منضبط وشديد الضبط والربط .. وبذل مجهوداً كبيراً جداً فى إعادة تنظيم وتدريب القوات المسلحة فى الفترة ما بين ٦٧ إلى ٧٠ .

• وأسأل أمين هويدى : الفريق محمد فوزى ؟

• كان قائد كلية حربية متميزاً جداً جداً .. وحضر نكسة ٦٧ إذ كان رئيس أركان حرب القوات المسلحة .. ثم قاد حرب الاستنزاف التى انتهت بقبولنا إيقاف إطلاق النار ..

• ويضيف الفريق سعد الشاذلى : « نتكلم عن مرحلة الاستعداد .. وأحب أن أشيد بفضل من سبقوني فى الاستعداد قبل أن أصل لهذا المنصب .. مافيش شك إن الفريق محمد فوزى .. ومساعدوه الذين كانوا فى السلطة فى سنة ٦٧ لغاية ٧١ .. بذلوا مجهوداً كبيراً فى إعادة بناء القوات المسلحة وإعادة تدريب القوات المسلحة .. ومنذ اليوم الأول بعد الهزيمة كان هناك استعداد لضرورة الجولة الثانية مع إسرائيل .. فكان بعد تدريب كل سنة تسميه مشروع التدريب الاستراتيجى .. وهنا يشترك فيه القادة وتوضع فيه خطط الحرب القادمة .. أنا شاركت فى هذا كقائد للقوات الخاصة سنة ٦٨ و ٦٩ وشاركت فيها كقائد منطقة البحر الأحمر سنة ٧٠ و سنة ٧١ .. توليت قيادة رئيس الأركان .. مما لا شك فيه أن الاستعداد لحرب أكتوبر بدأ بعد النكسة مباشرة فى ٦٧ . »

• ويقول خالد محبى الدين : « ولذلك أول ما انتهى دور المشير سنة ٦٧ وجاء الفريق محمد فوزى وتولى إعادة بناء القوات المسلحة .. الجيش كان حاجة ثانية .. والفريق فوزى عنده دور ولازم تقدره فى إعادة بناء القوات المسلحة .. وإنه صحيح هو غادر سنة ٧١ لكن البذرة التى وضعها للذين جاءوا بعده .. مكنت مصر أن تحارب حرب ٧٣ فالفرق فوزى شخصية هامة . »

• ويقول د . عبد العظيم رمضان : « فوزى بنى وبينه مشاكل لا حصر لها .. وهو لم يكن قائداً عسكرياً يستطيع أن يقود معركة مثل معركة أكتوبر .. لكن كان فوزى له ميزة وهو أنه رجل ضبط وريبط .. لكن ليس له مؤهلات عسكرية تمكنه من القيام بحرب كبيرة . »

• وعين عبد المنعم رياض رئيساً للأركان فعاد من عمان لتسلم موقعه الجديد .. كما عين الفريق مذكور أبو العز قائداً للقوات الجوية ...

• وأسأل الفريق أول عبد المحسن مرتجى : ماذا تقول فى جملة واحدة عن عبد المنعم رياض
الله يرحمه ؟

• عبد المنعم لم يمسك أى قيادة ميدانية فى حياته .. ما إحنا دائماً بنقول إيه إن الرجل التخصصى
أو اللى هو ده إحنا اتعلمناه فى روسيا إن بتاع المدفعية المضادة للطائرات .. ده تخصص
ما يمسك قيادة .. اللى يمسك قيادة هم بتوع المشاة والمدركات .. لإن الوحدات التشكيلية اللى
هم بيمسكوها مكونة من جميع الأسلحة .. لإن إيه وحدات مشتركة أسلحة حديثة .. فقائد المشاة
لو مسك لواء مشاة أو قائد المدرعات لو مسك لواء مدرع حجب فيه مشاة ومدركات ومدفعية
و .. و . إلى آخره .. علشان كده يبقى فاهم فى القيادة .. عبد المنعم رياض عمره ما مسك
قيادة .

• وأسأل الفريق مذكور أبو العز : هل التفتيت بالقيادة السياسية بعد الهزيمة .. بعد النكسة ؟

• بعد الهزيمة رحلت أسوان .. وبعد أسوان استدعيت يوم ١١ يونيو ..

• كنت ذكرت إن فيه اجتماع ضم عدداً كبيراً من المسؤولين مع الرئيس الراحل عبد الناصر
وتكلم فيه عما حدث فى ٦٧ ؟

• هذا يذكرنى بواقعة .. أنا أأسف لها أشد الأسف .. إن هو كان فى حالة ندم .. كنت أنا موجوداً
وكان قائد القوات المسلحة موجوداً وصالح نصر كان موجوداً والفريق عبد المنعم رياض كان
موجوداً .. وقال لى لقد أمنت الدولة طلباتك كلها .. فالحقيقة قال هذا الكلام .. إنما بعد ساعة
لما رحلت أقابل القائد العام لتيت إن مافيش فى إيدى حاجة .

• وهل القائد العام كان الفريق فوزى ؟

• ه آه .. كان الفريق فوزى .. وكان الرئيس فى حالة ندم يقول إن تهويشته المرة دى
ما نفعتش .. قطعاً لما أسمع هذه الكلمة قطعاً أنا فكرى لازم يكون متجه نحو مبدأ معين لازم
أسير عليه .. يعنى إيه تهويشتى المرة دى ما نفعتش .. يعنى عملية قرارات كبيرة ضخمة زى
كده تقوم نقول ده تهويشة .. طيب وتبقى يعنى السياسة مبنية على التهويش .. طيب وتبقى دى
السياسة دى .. تبقى قيادة إيه هذه القيادة .. فأننا من هذا الرأى حطيت فى مخى حاجة ثانية
إن أنا لن أنفذ أى أمر إلا إذا كان هذا المخ يقول إن هذا الأمر فى صالح بلدى مهما تكن النتائج ..
قلتها صريحة للرئيس عبد الناصر فى إحدى الجلسات .. حتى لدرجة إنه قال لى ليه قلت
ما عنديش استعداد أحضر نكسة ثالثة .. هو قطعاً القيادات متعودة إنها تتجاوز مع الناس .. فقلت
له إذا كانت العملية فيها شئق يا ريس يبقى أنا لن أنفذ أى أمر إلا إذا كان فكرى يقول إن هذا
فى صالح بلدى وأنا أتحمل هذه المسؤولية .

• وتولى سعد الشاذلى قوات المظلات والصاعقة ...

• ويقول الفريق سعد الشاذلى : أنا لم أستلم قيادة المظلات والصاعقة إلا بعد الحرب .. بعد

حرب ٦٧ .. ولكن في خلال الحرب سنة ٦٧ عندما اندلعت الحرب أنا لم أكن أخدم في تشكيل ميداني .. كنت في هيئة التدريب .. انتدبت لقيادة مجموعة خاصة شكلت من المظلات والصاعقة .. وحيث إن هذه القوة المشكلة من المظلات والصاعقة والمشاة والذبابات قوة مشتركة ليست ضمن تنظيم الجيش .. كل تشكيل في جيش له رقم يقول مثلاً الفرقة ٢١ مدرعة .. الفرقة ٤ مدرعة .. الفرقة مشاة وهكذا .. إنما لأن هذه القوات منتقاة من وحدات أخرى لم تأخذ رقم فسميت مجموعة الشاذلي في وقت الحرب .. فأخذت اسمي وإنها مجموعة الشاذلي .. ولكن يبدو أن هذا أوحى إلى القيادة العامة للقوات المسلحة بعد الحرب باني أمسك قوات المظلات والصاعقة .. فبعد انتهاء الحرب توليت قيادة المظلات والصاعقة كقائد كل قوات المظلات وكل قوات الصاعقة تحت قيادتي .. ولعلني كنت الأول والأخير لأنه بعد سنة ونصف من هذه القيادة نقلت إلى قيادة منطقة البحر الأحمر .. في أوائل سنة ١٩٧٠ .. خلت القيادة وعادت المظلات والصاعقة مستقلين كما كانوا قبل ذلك .

• **وتضافرت الجهود والإمكانات العربية للمجهود الحربي .. وإعادة تكوين الجيش ...**

• **ويقول عبد المجيد فريد :** « وأذكر لما جاء رئيس الأركان السوفيتي بعد ١٤ يوم من المعركة .. جاء وفد سوفيتي وهم قرروا إعادة التصليح .. وإعادة بناء القوات المسلحة . »

• **ويقول عبد المحسن أبو النور :** « تأخذ بالعقل الجيش سنة ٦٧ .. كان انتهى .. السلاح راح .. العسكر راحت وابتدأ إنشاء الجيش تقريباً من الصفر .. طبيب مين اللي أنشأ الجيش من الصفر .. عبد الناصر أولاً قعد وهمه الأساسي بناء الجيش لسرعة التخلص من عار الهزيمة سنة ٦٧ .. واستعادة الأرض المملوكة . »

• **وإزداد نفوذ رجال الرئيس .. إلى جانب علي صبري وسامي شرف ومحمد فائق .. مثل شعراوي جمعة وعبد المحسن أبو النور .. وإزداد الحصار حول الرئيس ...**

• **ويقول أحمد طعيمة :** « أنا حأقول لك حاجة علشان تعرف كيف عزل عبد الناصر .. الرئيس ما بيتعزلش دفعة واحدة .. ده بيتعزل تدريجي وهو ما بيقاش حاسس إنه بيتعزل .. في أول الثورة لما كنا نروح زيارات للأقاليم وهذا مثال عجيب حأقول لك عليه .. كنا نركب القطار فنقعد كلنا في صالون واحد .. عبد الناصر وكلنا كل ضباط الثورة .. وبعد فترة نيجي نأكل وجبة الطعام نروح مع بعض عربية الأكل .. فوجئت بالتطور اللي حدث بعد كده عبد الناصر ومجلس قيادة الثورة في عربية وإحنا في عربية صالون تاني .. وبعدين ساعة الفطار أو الغداء تجمع في مائدة واحدة .. ثم تطورت الأمور .. هم في صالون وإحنا في صالون .. هم في عربية طعام وإحنا في عربية طعام .. سافرت سفير في الأرجنتين ورجعت وكان فيه الملك محمد الخامس وفي زيارة إلى المنصورة فوجئت بحاجة بقي غير اللي أنا كنت عايشها قبل كده .. بعد التطور ده .. فوجئت إننا نستقل قطار قبل الرئيس ونذهب إلى مكان الاحتفال قبل الرئيس بنصف ساعة .. وبعدين بيجي قطار الرئيس يصل إلى المنصورة وبيجي على المنصة فيبقى إحنا قاعدين ووزراؤه ولا كلم أحد منا ولا سمع لحد منا .. يدخل على المنصة .. خلص

الاجتماع يطلع من المنصة يأخذ القطار هو الأول .. وبعدين إحنا نطلع فى القطار اللي بعده .. فكان حتى الوزير أو الوزراء فرصة إتهم يكتروا فى القطار قاعدين مع بعض يتكلموا مع الرئيس .. مافيش فرصة إن أحد يكلمه .. بقى يطلع بقطار لوحده ويرجع بقطار لوحده ولا يلتقى بأحد .. مرة بتتكلم معاه قال لى : « يا أخى أنا فيه وزراء بيخشوا الوزارة وبيخرجوا ما أكونش قمعت معاهم قعدة خاصة » .. ده طبعا لأن كان لهم مصلحة فى إنه لا يصل للرئيس عبد الناصر إلا ما يريدون .. وكان عندهم تكتيك معين : أنا عاوز أقول إن طارق رجل مش كويس فيدخل على صبرى بقصة على طارق وبعدين يدخل سامى شرف بقصة أخرى على طارق .. كل واحد يدخل بقصة على طارق مش هي لكن كلها تنتهى إلى ضياع طارق .. عاوزين يرفعوا أحد نفس الطريقة .. فطبعا أنا بأعتبر جمال عبد الناصر تعرض إن قراراته إن كان صدر هناك قرار خاطئ .. بسبب ما يعرض عليه .. إنما نواياه .. مش ممكن نوايا وطنية أكثر من نواياك يا عبد الناصر .. ولا إخلاص لهذا الشعب قذك يا عبد الناصر » .

• تقول إن مجموعة على صبرى عملت حاجزا على الرئيس عبد الناصر ؟

• « ما هو على صبرى أنا بأعتبره أحد المسؤولين عن ضياع ثورة ٢٣ يوليو وانصرافها عن أهدافها .. كفاية إنه كان بيكتب مقالاً فى الجمهورية كل أسبوع .. حياهم محلات الحلاقة والصالونات والبالة .. ما خلاش حاجة إلا حيخضعها .. والمكوجية وكله !! وكان له بطانة طبعا وأعران ودول أنا بأعتبرهم أكبر شر حلق بعبد الناصر .. بطانة السوء .. وكمان سامى شرف .. كل دول كانوا بيحاولوا يعزلوه » .

وأسأل أمين شاكى : كلمنا عن الحصار الذى فرض على الرئيس من مجموعة العاملين معه ؟

• « عبد الناصر فرض عليه حصار وكان حصاراً شديداً جداً .. ومن الغريب إن عبد الناصر برغم ذكائه وفطنته .. عارف هل هو قبل هذا الحصار لإيه ما يقدرش يقاومه .. ولا إنه ما أحسش به لإن الجماعة اللي عملوا هذا الحصار عملوه بمنتهى الذكاء .. أنا فى رأى إن الحل الثانى هو الأقرب إلى الصواب .. الجماعة دول الـ KJB (المخابرات السوفيتية) جندهم مقابل مرتبات » .

• جند مين ؟

• « على صبرى وسامى شرف وشعراوى جمعة وأمين هويدى وصلاح نصر .. لكن مراكزهم كانت أقل من مستوى الناس دول » .

• وحضرتك بتلقى هذا الاتهام جزافاً ؟

• « ليس لى مصلحة فى أن ألقى هذا الاتهام لإني كنت فى هذا الوقت سفيراً فى الخارج » .

• وكيف وصلت إليك هذه المعلومة ؟

• « من السفير السوفيتي نفسه » .

• وكان اسمه إيه ؟

• « ديمتروف .. هو اللي قال لي هذه المعلومة .. كان سفير موسكو لدى السوق الأوروبية المشتركة .. ولدى حكومة بروكسل في نفس الوقت .. زى حالاتي .. أنا بعد ما بحوالي ٣ أيام جئت القاهرة ورحت لمعد الناصر في البيت وقلت له هل أنت مرتاح لوضعك أنت في الداخل .. قال لي أه .. قلت له هل أنت تظن إنك على علم بما يحدث في البلد الآن .. قال لي أيوه .. قلت له أسمح لي أقول لك إن هذه الإجابة مبالغ فيها لأن فيه حاجات بتحصل وسيادتك لا تعلم عنها أى شيء .. لأن أنت لا ترى الآن إلا بعيون موسكو ولا تسمع إلا بصوت موسكو .. هي اللي بتعطى لك التعليمات وهذه التعليمات بتروح أساساً لملى صبرى أو لشعراوى .. وبعدين هم عملوا نظام محكم شوية كأنه فيه أكثر من جهة للمعلومات .. أولاً كان التنظيم اللي عمله .. سامى شرف .. التنظيم الطليعى .. ده كان الأعضاء اللي فيه أغلبهم بيتجسسوا على زملائهم .. (٢) المباحث العامة .. (٣) المخابرات .. ولما بحبوا يخلوا عبد الناصر يعتقد إن فيه حاجة معينة ورأى معين تلاقى الثلاثة جهات بعثوا تقريراً كل واحدة من جهة إنما بنفس المعنى .. فبعد الناصر لما يرى إن المخابرات قالت كذا والتنظيم الطليعى قال كذا .. لما يقولوا نفس الكلام يبقى الكلام ده صحيحاً .. فيتخذ قرار دون أن يستدعى الشخص أو الجماعة اللي مكتوب ضدها التقارير ويناقشها فيما كتب ضدها ويسمع منها وجهة نظرها .. لم يكن أحد يقدر أن يمنع عبد الناصر من الاتصال بالناس .. أه طبعاً .. أحدهم بيجي يقف عند الباب يقوم عبد الناصر يهوشه .. لأ .. لكن عبد الناصر كان متصوراً إن كل ما يحدث في البلد كان بييجي له .. عنده أكثر من جهة بتعطى له المعلومات ولكنه لا يعلم إن هذه المعلومات يتم التنسيق بينها .. بحيث تبدو كأنها مستقلة الواحدة عن الأخرى .. لكن ده كان غير صحيح .. وترتيباً على هذا إن عبد الناصر أبعد عن الشعب » .

• ويقول المستشار يحيى الرفاعى : « الرئيس عبد الناصر نفسه كان يشكو من القرارات والقوانين وكثرتها .. فكانت تصدر بأعداد كبيرة .. وصرح أنه يكاد لا يعلم عنها شيئاً » .

• وأسأل إبراهيم بغدادى : قيل إن هذه المجموعة كانت تحاصر الرئيس وتهدده ؟

• « ماحدث يقدر يبعد عبد الناصر عن الاتصال بالآخرين .. هو الرئيس جمال بعد ٦٨ كان كل تركيزه في إعادة بناء الجيش .. وكانت صحته بدأت تتأثر نتيجة مرض السكر والأزمة القلبية اللي مر بها .. فشكل لجنة من الناس اللي يثق فيهم واللى إيديهم في العمل اليومي .. من سامى شرف وشعراوى جمعة وأحياناً على صبرى أو أمين هويدى ومحمد فائق معاهم .. وأحياناً كان بيحضر معاهم الأستاذ هيكل .. وكان أنور السادات مسؤولاً عن المتابعة .. هذه اللجنة كانت تعرض على الرئيس عبد الناصر كل ما تصل إليه وهو يتخذ القرار النهائى .. لكن حكاية إنهم يحاصروه ويمنعوا الناس من الاتصال به .. جمال عبد الناصر لا يستطيع أحد أن يمنعه من الاتصال » .

• ويقول أحمد طعيمة : « يوم وفاة عبد الناصر كان مين من الثورة موجوداً ؟ حنلاقي مافيش أصابع يد واحدة .. وكلهم تخلص منهم واحداً وراء الآخر .. وطبعاً زكريا محيي الدين زى بغدادى .. وفضلوا ناس لا لهم علاقة .. يعنى الله يرحمه شعراوى جمعة مثلاً لا ضباط أحرار ولا حاجة ولا له علاقة .. سامى شرف لا من الضباط الأحرار ولا حاجة .. إنما دخلوا وتسلقوا .. جميع الأصليين من ثورة ٢٣ يوليو دعوا .. هي دي الحقيقة » .

• ويقول أنيس منصور : « بطانة عبد الناصر حكمت مصر بعد ٦٧ .. وكان في حالة غياب تام .. فلم يكن أحد معه في ٦٧ غير بطانته .. السادات ده لا وجود له .. عبد الناصر كان له أصدقاء .. لأن عبد الناصر مش متأمر ده رجل عسكري وقوى .. وعيوبه قليلة .. بينما كل اللي حوله كان لهم عيوب .. ويقال إنه كان يشجع كل اللي حوله على أن تكون لهم عيوب .. وكل واحد يبدله الحبل الذي يشنق به نفسه » .

• ويقول د . مراد غالب : « شوف على صبرى رجل له مبدأ .. كان رجلاً مفكراً ومتقفاً وصلباً .. لما اتسجن هو ومحمد فائق رفضا إتهما يكتب أي التماس للعفو .. لا نقدر أن نقول عليه إنه يتأرجح لأ .. كان مخلصاً لجمال عبد الناصر بدون شك .. لكن كانت العدالة الاجتماعية بتلعب في ذهنه دوراً مهماً جداً .. اوعى تصدق إنه كان شيوعياً ولا أحد يصدق إنه كان شيوعياً » .

• ويقول أمين شاکر : « أنا ما أحبش أطعن في أحد .. لكن كان معروف علاقتي بالناس دول .. أنا كنت لا أطيعهم ولا يطبقوني وهم الذين دفعوا عبد الناصر يرمسني إلى فنزويلا .. في أمريكا الجنوبية .. أغبياء فعلاً .. أدعياء نكاه .. على صبرى كان في تصوري إنسان غبي لا شك في هذا .. وهو رجل من النوع الذي يأكل على كل مائدة .. خاله على الشمس .. الدكتوراه اللي أخذها من سويسرا .. لماذا يحب أن يبقى الإنجليز في مصر ؟ .. دي الدكتوراه بتأعته .. وهو ابتدا يتقرب بمنّا باتصاله ومعرفة بالملحق البحري في السفارة الأمريكية .. وإن عن طريق هذا الموظف حبيب لنا سلاح .. وأنت تعلم ما أعقب هذا من سفره هو وعبد المنعم أمين وكيف أهينوا هناك وطردوا » .

• وأسأل سامى شرف : هل كنت تخفى أشياء عن الرئيس عبد الناصر ؟

• « لا يستطيع سامى شرف بتكوينه الشخصي اللي رياه له أبوه وأمه .. ولا بتكوينه العلمي اللي أنا اتعلمته .. ولا بأخلاقي الشخصية إن أنا أسمح لنفسى إن أنا أرتكب خطأ .. وجل من لا يخطئ .. الإنسان خطأ .. رينا يكفينا شر القورور .. لكن سامى شرف بدأ مع جمال عبد الناصر وهو شاب باع سنة ٥٢ كان عمرى ٢٣ سنة وضابطاً جديداً بأبنى مستقبلى .. فإذا أخذنا الموضوع في الإجابة على سؤال حضرتك من زاوية شخصية أنانية .. أنا عاوز أبني نفسى ماذا سيكون موقفى إذا اكتشف عبد الناصر إن أنا ضللت أو أخفيت عنه معلومة ؟ أبسط شىء مع السلامة دي نمرة واحد .. نمرة ٢ لم يكن عبد الناصر أحادي المصدر .. كان له مصادر عديدة كثيرة جداً .. فإذا أخفى سامى شرف قصة أو موضوع أو قضية معينة عن جمال

عبد الناصر فيستطيع بالـ SYSTEM بتاع جمال عبد الناصر وتكوينه وأسلوبه فى العمل إنه يعرف من أى مصدر آخر .. طيب حيكون موفى إيه ؟ ما كنتش حافئد !! كنت أروح !! .

• أثرت موضوعين أود مناقشة كل موضوع منهما على حدة .. أولاً قلت تعدد مصادر المعلومات عند الرئيس .. ألا يعنى ذلك إنه كان فيه رقابة على الرقابة من الرقابة ؟

• ولا لا .. أنتم بتحملوا الأمور .. إخواننا الصحفيين يفسرون الموضوع أكثر مما يحتمل .. تعدد المصادر معناه إن هناك أجهزة تعمل فى الدولة مش بالمعنى السائد فى المشرق العربى أى التجسس والرقابة .. أنا بأقول الأجهزة اللى هى المؤسسات .. زى التنظيم السياسى للوزارات ثم مجلس الوزراء كجهاز كمؤسسة .. ثم مجلس الأمة أيامنا ودلوقتى مجلس الشعب ثم اللجنة المركزية للجنة التنفيذية العليا .. ثم أهم من هذا وذلك وأعنى بها عن أيامنا التلفزيون ما كانش لسه انتشر .. النهارده التلفزيون بيعيش العالم فى قرية صغيرة أو بؤرة .. بزر بتعرف إيه اللى فى هونج كونج .. ويزر تانى تعرف إيه اللى فى لوس أنجلوس .. لكن على أيامنا ما كانش كده .. كان علشان تعرف إيه اللى بيحصل فى لوس أنجلوس تأخذ ٢٢ ساعة أو ٤٨ ساعة .. كان حجم وكم الصحافة اللى يقرأها عبد الناصر مهول .. وبعض الصحف بالعبارة المترجمة والممارسة الرئاسية إنها تبرز لجمال عبد الناصر أو تضع تحت أنظاره أهم الصحف المؤثرة فى العالم .. يعنى فى أمريكا معروف الواشنطن بوست .. نيويورك تايمز .. والوول ستريت .. تلك تمثل القوة فى أمريكا .. فى لندن التايم وجرائد المعارضة الأخرى مثل الديلى ميرور والديلى ميل .. ثم فى باريس لوموند .. الخ .. فى لبنان كان كل جرائد لبنان يقرأها لماذا ؟ .. لبنان كانت تمثل نافذة من العالم الخارجى على العالم العربى وبالذات مصر .. وفى نفس الوقت تمثل نافذة من العالم العربى إلى العالم الخارجى .. هذا عن الصحافة .. الإذاعة .. الـ "BBC" و الـ "VOICE OF AMERICA" ودى كانت مصدرأ هامأ جداً للمعلومات بالنسبة لجمال عبد الناصر وأنا بتكلم عن المصادر العلنية .. رسائل المواطنين .. إحنا كان بيصلنا فى اليوم الواحد فى المتوسط ٣٠٠٠ رسالة فى اليوم تقريباً .. فى بعض الأحيان كانت بتوصل إلى ١٠٠٠٠ رسالة فى اليوم من جميع أنحاء العالم ومن داخل مصر .. المواطن اللى بيعت رسالة لجمال عبد الناصر سواء باسم أو بدون اسم .. فيه ناس ما كانتش بتكتب أساميتها .. وفيه ناس كانوا يكتبوا أسماءهم اعتقاداً إن جمال عبد الناصر مش حيطوله لوجوده فى الأرجنتين ولا فى البرازيل أو فى أستراليا أو هنا فى مصر وينقد ويعطى رأى ويقول معلومة كل دى حصيللة معلومات .. كل ده بشكل قاعدة معلومات عريضة جداً .

• وتقول هدى عبد الناصر : « تعدد المصادر كفيل بوصول الأخبار الحقيقية .. حتى ولو متأخرة .. وأى رئيس معرض لنفس الشيء وأنا أرى أن ما يقال هنا غير منطقي . »

• ويقول اللواء طه زكى : « كنا خاضعين فى هذا الوقت لإدارة المباحث العامة اللى كان بيرأسها اللواء حسن طلعت . الله يرحمه - وطبعاً رئيس حسن طلعت كان شعراوى جمعة .. إنما سامى

شرف كان عامل له مكتب خاص .. وأحمد كامل فى جهاز المخابرات العامة كان عامل له مكتب ثانى .. والثلاثة مكاتب يشتغلوا ويمكن يكونوا على بعضهم كمان .

* وأسأل سامى شرف : قيل إنه كان فيه نوع من أنواع الحصار حول الرئيس من حضراتك ومن بعض زملائك .. هل الكلام ده صحيح ؟

* « ماذا يعنى حصار أولاً .. مثل ما يقول البعض بأننى مسكت عبد الناصر فى ٥٤ وكنته .

* « أنا أقصد بهذا أعضاء مجلس قيادة الثورة عبد اللطيف بغدادى وحسين الشافعى وكمال الدين حسين .. يدون ألقاب طبعاً .. لما كانوا يبتقربوا من الرئيس ده كان شىء ما بيسعدكوش .. وكان العكس ويحاولوا تبعدهم ؟

* « ليه بالعكس التهارده لما أنت تحس إن القادة بتوعك متكاتفين .. مثلاً حسين ده قوة لنا إحنا .. يعنى لا يسعد أى أحد فىنا وبعدين ما حدثت حياخذ أكثر من نصيبه .. وبعدين اللي يعرف جمال عبد الناصر ما كانش يقول الكلمة دى .. جمال عبد الناصر كان له طريقة فى اختيار الناس وفى تجنب الناس .. عمرها ما كانت قائمة على .. يحب ويكره ليس لها مقاييس ولا معايير .. وعندما كان يختلف كان ببواجه .. وجميع حضرات القادة وأسائنتنا اللي تفضلت وذكرت أسمائهم دلوقت هم طبعاً لهم احترامهم ودورهم التاريخي والوطني الذي لا ينكر ولا يستطيع أحد إن ينكره .. لكن مش معنى هذا إنه يستطيع إنه يملأ رأى أو يفرض رأى يكون مخالف للسياسة العامة المتفق عليها .. فيما بين هؤلاء الأعضاء برضه .. يعنى فيه بعض الأسماء اللي حضرتك تفضلت وذكرتنا .. وتوقع على قرارات معينة .

* « زى إيه ؟

* « كده خخش فى التفاصيل ! .

* « لأ دى بس ؟

* « بعض القوانين الاشتراكية .. الإصلاح الزراعى الثانى .. ثم يأتى بعضهم أو أحدهم يقول لك أنا مش موافق على كده .. ما أنتم قاعدين والجلسة مسجلة وصوتك موجود .. أنت وافقت ليه ؟ .. مش معنى هذا التهارده سواء أيام ما كنت أشارك أو أعمل مع الرئيس عبد الناصر أقول إن كلام عبد الناصر هو كان الصواب .. بالعكس عبد الناصر فى كثير من الأحيان كان يخضع لرأى الأغلبية .. بدأ من أول أيام الثورة جمال عبد الناصر لما حصل خلاف ٥٤ وقرر كل أعضاء مجلس قيادة الثورة فرض الديكتاتورية العسكرية .. والوحيد جمال عبد الناصر الذى قرر الديمقراطية وقال أنا قاعد فى بيتنا لما نبقوا تنتفخوا على قرار أبقوا تعالوا قولوا لى .. وخرجوا اجتمعوا ثانى وقرروا إن هم يلغوا هذا القرار الذى اتخذه .. وقيس على هذا الكثير .. وكثير من الأحيان وفى كثير من المواقف كان جمال عبد الناصر يسعى إلى إحداث التوازن ودى لها مزاياها ولها عيوبها فى المجتمع من أجل إن إحنا نبقى واقفين على أرض صلبة ونستطيع أن ننتقل إلى الأمام ونحدث التغيير المطلوب .

* **ويقول عبد اللطيف بغدادى :** سنة ٦٤ استقلت .. رأيت جمال عبد الناصر مرة فى وفاة والده لما رحل الجنازة .. وسنة ٦٧ فى الحرب قابلته مرتين فى القيادة .. أيضاً المقابلة والحديث يتاعى فى المخابرات .. ويعين حصل قطيعة أخرى استمرت فترة .. لغاية ٧٠ .. ثم اقترنا بشدة .. ويعين عزمته على فرح ابنتى فى أبريل .. والمجموعة كلها والوزراء .. ولكن مجموعة مراكز القوى لم يحضروا .. وحضر هو وكان لابس النظارة .. وسألنى إنت ما عزمتش سامى وفوزى وشعراوى ؟ .. قلت له لأ عزمتهم ماجوش .. فالأولاد كانوا ضد هذا التقارب .

* **إنظاراً للاعتراض ماجوش ولا إيه ؟**

* **« ما جوش .. بالضبط كده » .**

* **« وأسأل توفيق عبده إسماعيل : ماذا تقول لنا عن المرحوم شعراوى جمعة ؟**

* **« المرحوم شعراوى جمعة كان التحق بالمخابرات العامة فى فترة من الفترات فى أوائل الستينات ويعين راح محافظ ثم جاء فى التنظيم .. كان محافظ السويس .. كان له دور محورى فى تربية كوادر حزبية فى السويس لما عين محافظاً للسويس فأثبت إنه رجل منظم .. وجاء وزير داخلية بعد ٦٧ عين وزير داخلية وأمين تنظيم فى الاتحاد الاشتراكى » .**

* **« ويقول أمين هويدى : » شعراوى جمعة صديق عزيز عرفته وهو ضابط صغير وعرفنا بعض عائلياً وسرنا سوياً فى درب طويل .. نختلف أحياناً وننقق أحياناً أخرى .. حتى عملنا سوياً فى أمن البلد .. هو وزير داخلية وأنا كرئيس للمخابرات العامة .. شعراوى رحمه الله مات بعد مرض عضال والحمد لله إنه لم يمكث معه طويلاً » .**

* **« ويقول سعيد حليم : » أعرف إن المرحوم شعراوى جمعة كان مدرساً على فى الكلية الحربية .. كان ضابط أركان حرب .. لكن لا أعتقد إنه كان ضابط حر .. كان ضابطاً كويس وتولى هو وزارة الداخلية على ما أعتقد فيما بعد » .**

* **« ويقول إبراهيم بغدادى : » هو من الدفعة السابقة لى .. خدمنا مع بعض كملازمين فى الكتبية الأولى مشاه .. ثم اشتغلنا مع بعضنا فى المخابرات .. وشعراوى كان رجل طيب وعلاقته مع الناس كلها طيبة .. ورجل يعتمد عليه .. وكان من القمم الأساسية فى التنظيم السياسى اللى كان معمول فى مصر وكان محل ثقة عبد الناصر .. وأعتقد إن الناس حتى اللى أضربوا فى زمن شعراوى وزير الداخلية لغاية النهارده بيشكروا فيه وفى أخلاقه وحسن معاملته لهم .. كان رجل فاضل » .**

* **« أشبع عنه إنه كان على علاقة بلحدى فنانات الكوميديا ؟**

* **« الإشاعات لا تنتهى فى بلدنا أو فى أى بلد فى العالم .. ولا أستطيع أن أكذب أو أن أؤكد هذا الخير .. لكن عندما أشاهد حجم العمل اللى كان يشتغله أقول ده حتى ما بقدرش يتنرج على التليفزيون !! » .**

• وأسأل أمين هويدى : ماذا تقول لنا عن سامى شرف ؟

« سامى شرف رجل قام بخدمة الرئيس عبد الناصر ما وسعه ذلك من جهد .. هذا معروف .. رجل له علاقاته مع بعض الناس جيدة جدا .. وشأنه شأن الآخرين علاقته مع بعض الناس الآخرين مش طيبة .. وأنا كده وأنت كده وكلنا بهذا الشكل » .

• ويقول سعيد حلیم : « سامى شرف إنسان مرتب حقيقة .. وعنده مقدرة على العمل ساعات طويلة وكان الرئيس عبد الناصر فى حاجة لأى شخص يرتب مكتبه كرئيس دولة .. وفعلاً سامى شرف نجح فى هذا .. الأخ سامى كان انضم إلى مجموعة تحريات المباحث العامة .. اشتغلت معه ورشح للرئيس عبد الناصر وأخذة سكرتيراً للمعلومات » .

• ويقول د. الدكتورى : « إذا أردت أن أصنع نموذجاً أو تمثالاً أو أعطى مثلاً لإنكار الذات فكان هو سامى شرف والرئيس جمال عبد الناصر .. ما أعطاه سامى شرف من جهد وصحة وإخلاص لعبد الناصر لم يعطيه أحد آخر .. كان أميناً فى نقل كل شىء لعبد الناصر .. وموصل جيد .. ولكن أعتقد إنه نسب إليه أكثر مما هو حيث كان موصل جيد للرئيس عبد الناصر وموصل جيد للجهات المختلفة ولم يكن صانع قرار فى مرحلة عمله مع عبد الناصر .. وهو رجل لا يؤخذ عليه أى شىء ويشهد له نزاهته وشفرة وإخلاصه » .

• وأسأل كمال الدين حسين : سيادة القائب من ضمن اللى حضرتك قلته إن الرئيس عبد الناصر قال لك « سامى شرف يستطيع حكم مصر » .. فى أى المناسبات قال الرئيس عبد الناصر هذا الكلام ؟

• « طبعاً كلمة « سامى شرف قادر على حكم مصر » .. دى إهانة للشعب ومهانة لكل واحد .. انتقلت كان فيه منافسة قبل مؤتمر قوى الشعب الوطنية كنا نتناقش إيه اللى يحصل وإيه اللى نعمله .. كان كل واحد يعمل مشروع الدستور .. وبعدين طرأت فكرة أن نعمل مجلس ثورة من جديد .. ده فى ظروف يمكن لمجلس الثورة أن ينشأ ولكن بالتعيين لا بالانتخاب .. كان رأى جمال عبد الناصر إنه يتم بالتعيين ويقول أأست أنا الذى يعين الوزراء .. هؤلاء وزراء .. لكن هذا مجلس ثورة .. كان رأى بغدادى بالانتخابات .. الظاهر إن جمال عبد الناصر قال كلمة شديدة لبغدادى .. بغدادى زعل وكتب استقالته .. المهم إنه بعد هذا الاجتماع .. حاولنا نروح القناطر ونعمل اجتماع لتسوية الأمور .. أنا قلت يا جمال راضى ببغدادى لأنه زعل من الكلام الذى قلته .. وأنا كنت أود التوفيق بين الناس وأحاول أن تكون كل المجموعة متفاهمة مع بعضها .. راح قال إنتم فاهمين إيه .. إنتم فاهمين المركب سوف تفرق لو كل واحد يسيبها ويمشى المركب لن تفرق .. هذه البلد يمسيها سامى شرف .. بمسكها سامى شرف .. لما تنقى المركب بتفرق ويمسيها ويمشى .. إحنا رجالة وطول عمرنا رجالة وبنقاتل .. وفى أحلك الظروف بنقاتل ونصمد وكل حاجة .. فسكت » .

• وأسأل أمين هويدى : هل كان سامى شرف الأمر النهائى فى آخر أيام عبد الناصر ؟

• « لا لا .. عبد الناصر لم يحكم أحد بجواره .. عبد الناصر ظل يحكم حتى الساعة الخامسة بعد ظهر يوم ٢٨ سبتمبر ١٩٧٠ » .

• ويقول أمين شاكرا : « سامى شرف كان بنى آدم ما أقدرش أقول كان بينه وبين الأخلاق مسافة كبيرة جداً .. كان كل اللى بيعمله إنه يطلعن على الناس وأنا أقول إن طارق ده رجل طيب وكذا وكذا .. هذا ليس خبراً .. لكن لما أقول إن طارق به كذا وكذا .. ده خبر .. هل الناس حتجربى هل أنت فعلاً رجل مبيىء وتريد أن تضر فلاناً وفلاناً أم لا ؟ ده الخبر .. سامى شرف من هذا النوع ما يوصلش أبداً حاجة طيبة لعبد الناصر أو يتكلم كلمة طيبة عن أى أحد .. كان يهتم جداً بالأخبار السيئة يوصلها لعبد الناصر وبصورة مثيرة » .

• وزاد الاعتماد على الاتحاد السوفيتى فى إعادة بناء الجيش .. فى وقت قطعنا فيه علاقتنا بأمريكا المساندة لإسرائيل ...

• وكان عبد الناصر على استعداد كامل بعد التكتية لإعطاء تسهيلات للسوفيت ..

• ويقول شمس پدران : « عبد الناصر قال بصريح العبارة لعباس رضوان قبل الاجتماع ببودجورنى قال أنا سأدخل كتلة الدول الاشتراكية .. حبيبقى شيوعى يعنى .. ومصر نخش الكتلة .. وعندما جاء بودجورنى عرض عليه الاقتراح ده .. طبعاً إحنا ما كناش قاعدين فى الاجتماع .. بس الروس قالوا له لأ طبعاً مش عاوزين .. حتخش كتلة الدول الشيوعية حبيبقوا مسئولين عن الدفاع عن مصر .. مش عاوزين هم يتورطوا فى العملية دى .. فما وافقوش عليها .. فما دخلتش .. والدلائل عليها بقى اللى حصلت إن ابتدا فوزى .. أخذ توجيه من عبد الناصر .. ابتدا يمهّد للقوات المسلحة الكلام ده .. إن إحنا الحيايد الدولى ما عملناش حاجة .. ولازم نخش ونبقى فى كتلة الدول الاشتراكية نخش الكتلة الشيوعية .. لإن الحيايد الإيجابى ما جابش نتيجة .. ابتدا يمهّد .. فلما جاء بودجورنى ما رضيش .. قال له لأ » .

• بينما يقول د . عبد العظيم رمضان : « لا أعتقد أن هذا الكلام صحيح » .

• ويقول سعد الشافلى : « إنما أنا أحكم على علاقتنا بالروس فى الفترة اللى أنا توليت فيها رئاسة الأركان .. ما فيش شك إنهم كانوا جادين فى المساعدة وطبعاً أنا أستطيع أن أحكم على الفترة من سنة ٧١ لغاية ٧٣ بالتفصيل .. وأقدر أحكم على الفترة من ٦٧ لغاية ٧١ لإني كنت قائدًا للقوات الخاصة وكنت قائدًا لمنطقة البحر الأحمر .. أقدر أقول إن الروس كانوا جادين فى إنهم يعيدوا تنظيم القوات المسلحة ويمدوها بالأسلحة الحديثة التى لم تكن ميسرة لبعض دول حلف وارسو » .

• الأسلحة الهجومية ؟

• « قبل أن تفكر فى الهجوم لابد أن تفكر فى الدفاع .. هذا أولاً .. الأمر الثانى توجد أسلحة هجومية ودفاعية فى نفس الوقت .. الدبابة تنفع فى الهجوم وتنفع فى الدفاع .. الطائرة .. فيه طائرات عملها الدفاع فقط » .

• واستمرت صداقة مصر مع روسيا ..

• **ويقول توفيق عبده إسماعيل :** « عبد الناصر بعد يونيو ٦٧ لا شك إنه فقد الكثير من قدراته وأصبح تركيزه الأساسي والرئيسي كيف يثأر .. وكان باستمرار شغله الشاغل .. بعض الأمور بعد ٦٧ كانت خارج حدوده كان دائماً مركزاً على الجيش وعلى إعداد الجيش وعلى إعداد الطيارين على وجه التحديد .. وعلى التصليح مع روسيا .. ولذلك سلم للروس الكثير في هذه الفترة » .

• **ويقول عبد المجيد فريد :** « كانت التحديات التي واجهت عبد الناصر بعد ٦٧ في اعتقادي ٤ تحديات .. أولاً : تحدى داخلي .. ثانياً : تحدى عربي .. إنه كان زعيم وقيادة عربية بغض النظر النظام الغربي معه أم لا إنما الناس كانوا معه .. بغض النظر النظام كان معه أم لا .. وكان ليس هناك تصور إنه يهزم أو إن إسرائيل تعمل التي عملته .. وكان التحدي الثالث : الاتحاد السوفيتي .. لأنه إدى أسلحة وأجهزة ومعدات وبعدين اتسابت في سبناه فأخذتها الـ C.I.A. عن طريق إسرائيل .. فازاي أعيد تاني الثقة لدى الاتحاد السوفيتي علشان بيدي تاني أسلحة ومعدات لكي أعيد بناء الجيش .. علشان أرجع ثاني آخذ الأرض المحتلة فكانت مشكلة الاتحاد السوفيتي .. والتحدى الرابع : أمريكا .. دولة عظمى أولاً مع إسرائيل وثانياً في داخل الأمم المتحدة » .

• **وأصدرت الأمم المتحدة في ٢٣ نوفمبر سنة ١٩٦٧ القرار رقم ٢٤٢ الذي اختلفت الآراء في تفسير بعض عباراته .. وعادت إسرائيل في تنفيذه ...**

• **ويقول حافظ إسماعيل :** « ٢٤٢ فيه شيء من الغموض .. كل واحد يفسره كما يراه » .

• **ويقول خالد محيي الدين :** « رحلت لعبد الناصر قلت له إنت قبلت ٢٤٢ ؟ قال آه .. أصل أنا عاوز أعيد بناء القوات المسلحة .. وعاوز الاتحاد السوفيتي يساعديني .. فعاوز أقتع الاتحاد السوفيتي إن أنا مش جاري قوى وراء الحرب بسرعة لأنه خايف إن الحرب تقوم فتحصل حرب عالمية ويخس .. فأنا بدى أطمئنه وعاوز أبني القوات المسلحة علشان يبقى الجيش قوياً والشعب راضياً وإنه بقدر يسترد أرضه .. وعاوز أيضاً أوضب اقتصادي .. فقلت في القرار ٢٤٢ ومبيلة .. والقرار عبارة عن إيه » إسرائيل تنسحب .. وأدى تعهداً بإنهاء حالة الحرب » .. فإذن جمال عبد الناصر نصح قوى زى ما قلت في ٢٤٢ » .

• **ويقول محمد فوزي :** « أنا مؤمن أصلاً بالجندی أكثر من إيماني بالضابط الصغير لأن إذا لم يوجد الجنود لا أخذ الراتب بتاعى ولا أكون قائداً .. نمت هذه الناحية ونجحت في ذلك لدرجة تمكني أن أقول لك إن الجندی البسيط الصغير ده هو اللي بدأ حرب الاستنزاف .. إزاي ؟ الجندی البسيط الصغير واقف في الشاطئ شاف جندياً إسرائيلياً على بعد ١٨٠ متر وهو عرض قناة السويس .. وربنا أعطاه من القوة بالدرجة التي بها وضع مشط البندقية وضرب ضربتين فقتل الجندی الإسرائيلي والبننت اللي وياه .. البنات الموجودين داخل القوات المسلحة

الإسرائيلية .. كنت أنا بعد ما خرجت من عند الرئيس الساعة ٧ كتبت منشوراً وزعته على القوات بالتليفون وقلت إحنا فى موقف لا يسمح لنا بالعدوان .. بضرب إطلاق النار .. الجندى الذى يطلق نار على العدو يحاكم محاكمة عسكرية وهذا الكلام كان الساعة ٩ .. الساعة ١١ بالليل بيكلمنى قائده .. قلت له يا سيادة اللواء رقى العسكرى ده وحط على نراعه شريطين .. قال سيادتك ماضى المنشور ويتقول كذا وكذا .. قلت له معلش نفذ الأمر الأخير .. القرار الأول طلع من عقلى ومعناه ضبط النفس مش عاوزين لغاية ما نستعد .. القرار الثانى تابع من قلبى .. من هنا جاءت النخوة فى أن الجندى ده ثانى يوم الصباح ضرب ٣ وفعلاً أنا ذهبت للجندى ووضعت له نيشان على صدره .. فى إن هو أجاد إجادة كبيرة وقلت إنه ينزل أجازة .. علشان أمه تقول له إيه يقول لها ده نيشان لآتى « قتلت إسرائيلى » .. راحت مزغرته .. هذا ما أريده من أسوان لإسكندرية .. وبدأت حرب الاستنزاف .. التهاودة بندقية .. بكرة رشاش .. بعده هاون .. بعده مدفعية ثقيلة .. وبدأت حرب الاستنزاف بالطريقة دى .. تسألنى طلعت ترجيهاات لهذا .. أقول لك لأ .. نظمت العملية بعد كده آه ..

• ويقول أمين شاكر : « إحنا بعد هزيمة ٦٧ جبنا سلاحاً من روسيا .. وجبنا مدفعية طويلة المدى .. وبنينا المنصات فى منطقة قناة السويس .. وبدأنا حرب الاستنزاف دى علشان نخلى الجيش يحس إنه لا زال بحارب .. ده فى عهد الرئيس عبد الناصر .. بس كانت مكلفة جداً العملية دى بالنسبة لنا .. ولكن نجحت بدرجة كبيرة .. وأنا فى تصورى إنها كانت مقدمة لحرب ٧٣ .. لما جاء عبد الناصر وأنا أعتقد دى من النصائح القليلة اللى سمعها منى .. واستخدم عسكرى مثقف .. لأن الحرب اللى فى هذا الوقت كانت أصبحت حرب معدات .. فأخذنا من طلبة الجامعات ومن الشباب المثقف والموظف .. فمستوى الجيش ارتفع جداً بالعسكرى .. أنا حاربت فى ٤٨ إحنا طلع عييننا من العسكرى المصرى .. كان مستواه سيئاً جداً .. كان لا يقرأ ولا يكتب .. ولا يعرف يلبس الثراب ولا الجزمة .. ده متعب قوى .. ما تعرفش تقود عساكر بهذا الشكل .. لكن لو كان العسكرى مثقفاً ومتعلماً تقدر قوى تشغله » .

• وظهر شعار : يد ثبتي ويد تحمل السلاح .. وبدأ عبد الناصر ينفذ خطة حرب الاستنزاف ...

• ويقول جمال حماد : « وتحول الشعار من الصمود إلى الردع .. رأى البعض أنها محاولة لتهنئة الجبهة الداخلية .. وفسرها البعض الآخر بأنها كانت ضرورية للإبقاء على روح المقاومة فى الجيش والشعب » .

• وصدر بيان ٣٠ مارس سنة ١٩٦٨ بعد المظاهرات الطلابية ...

• ويقول د . عبد العظيم رمضان : « بدأ عبد الناصر ينفذ خطة حرب الاستنزاف التى فسرها البعض بأن الغرض منها الداخر وليس الخارج على ما يبدو فى الظاهر .. لكى تكون عين الشعب مشغولة على الحدود لا على ما بداخل الحدود .. فالجبهة الداخلية كانت تمر بقلق » .

• ووعد الرئيس عبد الناصر فى بيان ٣٠ مارس بإصلاحات دستورية وديمقراطية ...

* **ويقول سيد مرعى :** « بدأ عبد الناصر يتجه إلى إعادة تشكيل الحكومة التى كان يرأسها حتى ذلك الوقت المهندس محمد صدقى سليمان .. وفى اجتماع مجلس الوزراء شرح الأسباب الرئيسية لتلك النكسة .. وقال جمال عبد الناصر إنه كان من تلك الأسباب صدور قرارات اعتقال وإبعاد ومصادرة حملت الظلم لكثير من المواطنين الأبرياء .. وأن الوقت قد حان لتصحيح هذا كله .. ولكن نقطة البدء فى ذلك هى رفع الحراسة عن الأشخاص الذين صادرت لجان تصفية الإقطاع أملاكهم .. ولكن كان هناك أقلية من الوزراء .. خصوصاً السيدان سامى شرف وشعراوى جمعة بدأوا يحذرون الرئيس من خطورة رفع الحراسات .. وأن هذا الاتجاه يحتاج إلى التمهّل لحماية للنظام الميماسى نفسه » .

* **بينما يقول سامى شرف :** « لو كنا نريد فرض الحراسة على الناس ونستمر فيها .. إذن لماذا تشكلت لجنة فى حياة جمال عبد الناصر لإنهاء قضية الحراسات .. وكانت مشكّلة منى وشعراوى جمعة وسيد مرعى وأمين هويدى باعتباره وزير الدولة لمجلس الوزراء المسئول عن الحراسات » .

* **وتقول هدى عبد الناصر :** « كان والدى يريد فى اللجنة المركزية العليا للاتحاد الاشتراكى التوسع أكثر وإيجاد قوى قومية أخرى تعبر عن نفسها .. لكن ظروف الحرب لم تسمح .. وبيان ٣٠ مارس لم ينفذ بالكامل » .

* **هل الظروف أو المحيطون بالرئيس هم الذين لم يسمحوا بالتغيير وكان الرئيس يريد ؟**
 « الوقت لم يسمح كان صعباً أن يحدث أثناء فترة الحرب أى تغيير .. وعلى العموم أنا لا أعرف بعد كل هذه السنوات إذا كانت الديمقراطية قد تحققت أم لا ؟ »

* **قيل إن الرئيس قد أسف على قرارات تنظيم الصحافة .. ومذبحة القضاء ؟**

* « تقصد تطهير القضاء !! هذان الملفان يجب أن يفتحاً لنعرف تفاصيلهما .. والتاريخ سيحكم .. لكن والدى لم يفتح هذين الموضوعين معي » .

* « من كان ينتقد الرئيس أو يناقشه يذهب وراء الشمس .. هل توافقين على هذا القول ؟

* « لا أعتقد أن أحد الموجودين راح وراء الشمس !! »

* **ويقول أحمد كامل :** « عبد الناصر كان يفكر فى إنشاء حزب .. وكان لا مانع لديه أن يكون هناك حزب معارض .. لكن بعض الناس نقول لك إحنا حنئش ع حزباً علشان يحاسب عبد الناصر .. وكانوا فى التنظيم الطليعى يختاروا الناس للمباهاة بالأعداد الموحدة ليس بالكيف إنما بالكم » .

* **مين من المحيطين بالرئيس عبد الناصر أساءوا إليه وإلى الثورة ؟**

* « اعفنى من هذا السؤال .. لأنى لا أريد أن أخرج أحداً » .

• فيه منهم عدد كبير ولا قلة قليلة .. بصراحة ؟

• « أنا حاضرب لك مثلاً يوضح رأيي في الحجة دي .. أنا لما أكون وزيراً مديراً أى حاجة .. وفيه واحد ينقل لى الأخبار .. لو نقلت الأخبار دي غير واضحة بتؤدى إلى أضرار .. لو نقلت بصديق وأمانة ما بيحصلش ضرر .. ففى العملية كلها عملية هل الإنسان ينظر إلى ذاته أم ينظر إلى الخارج ؟ النظرة هنا مختلفة تماماً .. لو أنا بأحافظ على الكرسي اللي أنا قاعد عليه .. مش عاوز أسببه ممكن أوترك ويمكن أحطك في موقف ما يبقاش طريف .. إنما الصدق والأمانة حتى لو اقتضى الأمر إنك تسبب المكان اللي إنت فيه .. دول قليلين جداً اللي يحافظوا عليه » .

• ويقول سيد مرعى : « قال لى عبد الناصر لقد أخطأنا في أشياء كثيرة وكانت لجنة تصفية الإقطاع واحدة منها » .

• ويقول كمال الدين حسين : « أنا ضميرى أبى على أن أقعد ساكتاً .. قال لى عبد الناصر مرة إنتم قاعدين ساكتين ليه ؟ قلت له مش بنسكت .. ويمكن زملائي نصحوني إني لا أذهب لأن ما فيش فائدة من الكلام .. قلت لهم لو في واحد في المليون أمل .. علشان دي مصر وبلدنا وأنا لا يمكن أن يكون في قلبى حاجة نفسى أقولها ولا أقولهاش .. والحقيقة طلبت مقابلته وهو على طول قابلي .. وتكلمت عن الجبهة الداخلية وإن الناس لازم تشعر إن كيانه رجع تانى وتتخلص من أجهزة المخابرات الأربعة الموجودة في البلد .. وإن كرامتهم رجعت تانى .. وأن يبقى لهم أمل في المستقبل وتدعم الجبهة الوطنية بأن تعطى أمل في الحرية .. قال نعمل انتخابات دلوقتى .. قلت أنا لا أحدث عن الانتخابات .. لكن أعطيهم أمل إن يبقى فيه حرية .. وكرامتهم ترجع لهم تانى .. ومع الجبهة العربية اعمل صلحاً مع كل العرب وتعاون معهم .. وبعدين ننفق مع الشرق .. وحتى الغرب ندرس إمكانية الاتفاق معهم .. وقف وقال لى إنه عاوزنى أمسك المقاومة الشعبية .. المقاومة الشعبية كنت رايعها من نفسى .. وبأجمع مين اللي عاوز يدخل المعركة أو عاوز يستجمع قوته ولازم يعمل تعبئة عامة بجميع إمكانياته داخلية وخارجية .. ودى كانت النظرية اللي بنى عليها الكلام بقاعه .. وفي المناقشة بأقول له ما فيش ولا عسكري ولا مدفع من هنا للسويس ونرجع جيشنا اللي في اليمن علشان حنحتاج الدبابات .. قال والملك البدر يرجع ؟ أنا حقيقة صعقت .. جاءتنى صدمة كبيرة .. إحنا بننكلم عن الدفاع عن مصر إحنا مش لاقين أى حاجة علشان ندافع بها عن مصر .. يقول الملك البدر يرجع ولا ينتيل على عينه .. وبعدين طلبت المقاومة الشعبية وبعدين أصريت على إنه لازم الكلام اللي قلته يبقى له صدق .. قال لى جمال إنت زهقتنى .. قول لى أنت قابل تعمل مقاومة شعبية ولا لا ؟ قلت له لازم يبقى فيه شعب .. الشعب يشعر بكيانه الأول .. أقول للناس إيه علشان يعملوا مقاومة شعبية .. قلت له : ربنا يسامحك أنت وأنا اللي بننكلم وربنا اللي هو شافب أنا بأكلمك علشان خاطر مصر تتصرف زى ما أنت عاوز .. الكلام ده كان في يونيو ١٩ ، ٢١ في مقابلتين » .

• ويقول عبد المجيد فريد : « بعد ٦٨ جاء برنامج ٣٠ مارس .. ومن ضمن برنامج ٣٠ مارس

كما تذكر الانتخاب من القاعدة إلى القمة بما فى ذلك أمين القاهرة .. ويتدرج من القاعدة من الوحدات للقسم للأقسام للمحافظة لغاية القاهرة .. وكانت وإحنا داخلين على ٦٥ و ٦٦ و ٦٧ كانت بعد الانفصال حصل مشكلة فى مصر فكان العمل الجماهيرى مطلوب بشكل شديد .. وكنا جداد على العمل الجماهيرى .. فكان شعله بيأخذ الصباح والليل كعاصمة وكانت ٢١ قسماً فى ذلك الوقت .. أظن دلوقتى ٢٢ - ٢٣ وعدد الشياخات فى القاهرة أكثر من ١٠٠ .. فكان المطلوب أن نتواجد مع الناس باستمرار وكنت أنا بالذات أعرف جيداً شياخات القاهرة واحدة واحدة .

* وأسأل عبد المحسن أبو النور : ماذا كان دور أمين عام الاتحاد الاشتراكي ؟

* « أمين عام الاتحاد الاشتراكي شغلته إنه يجمع كل آراء الاتحاد الاشتراكي ويعرضها على اللجان التنفيذية المختلفة .. الاتحاد الاشتراكي كَوْن بعد نكسة ٦٧ بالانتخاب الحر المباشر .. واللى كَوْنه سواء من القرية إلى المدينة إلى المركز إلى المحافظة إلى مستوى اللجنة المركزية ثم اللجنة التنفيذية العليا .. اللى هى أكبر سلطة سياسية كانت فى هذا البلد .. كله تم بالانتخاب » .

* هل اقتبس هذا النظام من الاتحاد السوفيتي ؟

* « الاتحاد السوفيتي ليس لديه انتخاب » .

* ويقول د . حلمي مراد : « قال لى الرئيس .. اضرب لى مثلاً على بعض الناس من حولي منحرفين وأنا أتغاضى عنهم .. قلت له على مثلين » .

* وإيه المثلين ؟

* « مافيش داعي » .

* لأ أرجوك ؟

* « أحدهما كان قائد البوليس الحربي » .

* من يا فندم ؟

* « أنا مش فاكرا اسمه .. هو بعد كده انتقل للملك الدبلوماسي .. ولما أبعد إلى ألبانيا حيث ارتكب برضه أخطاء .. سحبوه من هناك .. وقال له عبد الناصر مش كفاية إن فلان الفلاني بيتهمنى باني أنا بأعطى عليك .. لأنه كان فى الحقيقة بيعذب الناس وبيعتمد عليهم وبيخرج عن القواعد بما يتنافى مع حقوق الإنسان .. ما قدرش يعاتبني فى حياة الرئيس عبد الناصر .. وبعد ما توفى جاء زارني فى البيت .. وقال لى إن الرئيس عبد الناصر أخبره يشكواي » .

* والثانى ؟

* « الثانى برضه الله يرحمه توفى أخيراً .. اللواء جمال نظيم .. فقلت له برضه عن وقائع كان بيعملها لإن له اتصال بشباب الجامعة .. وكان بيشراف على التدريبات العسكرية فى الجامعة ..

فقال لى لأ أنا مانماش له موقف يوم الثورة بعد ما فقدنا الأمل إنه بييجى بالكتيبة بتاعته .. إنه ظهر وبقي واقف على اللبابة .. هذه الصورة لا أنساها طول حياتى .. المهم أنا كلمت الرئيس بصراحة جداً .. لدرجة طبعاً ما فكرتش أبداً إنه حيدعونى للوزارة .. وخرجنا من عنده .. كل رؤساء الجامعات وكان موجوداً الله يرحمه الدكتور لبيب شقير وزير التعليم العالى وقتئذ قال لى إيه اللى إنت قلتة ده كله .. الرئيس حبيقتى مستاء منك .. قلت له والله أنا بأقول اللى يرضى ضميرى .. يعنى مش حاجى أنكلف أو أتصنع .. المهم بعدها بكام يوم عمل تغييراً وزارياً ولقيت السيد سامى شرف بيطلبنى فى التليفون وقال لى الرئيس عاوزك تيجى له الساعة ٨ مساء اليوم .. لم يأتى فى ذهنى رغم إنه كان نشر فى الجرائد إن فيه ترشحات للوزارة وإن الرئيس كان يقابل بعض المرشحين .. ماجاش فى بالى أبداً إنه حيقل لى أدخل الوزارة .. فرحت فى الميعاد لقيته يقول لى أنا سعدت بالكلام اللى إنت قلتة يوم اجتماع رؤساء الجامعات وعرفت إنك إنت عندك أفق سياسى .. فلجنا عاوزين نستفيد من وجودك .. ولذلك أنا بأعرض عليك تيجى وزيراً للتربية والتعليم .. فأنا أستاذ الحقيقة قوى .. يعنى اتضايقت .. قلت له ده شرف كبير .. إن سيادتك راضى عن الاستعانة بى إنما اسمح لى سيادتك أعتر .. قال أمال بس تقعدوا تنتقدوا وتشنعوا .. ولما نيجى نقول لكم تعالوا اشتركوا فى إصلاح الأوضاع .. تتهربوا .. قلت له : أنا لا أتهرب ما أنا رئيس جامعة بدرجة وزير .. بل أنا رئيس وزارة .. لإن عندى مستشفيات آدى وزير صحة .. ومدينة جامعية آدى وزير إسكان .. وأنا عندى كليات أنا وزير تعليم .. وعندى رياضة أنا وزير شباب ورياضة .. أنا أكثر من وزير .. أنا رئيس حكومة وعندى استقلالى .. ومرتبى أنا بدرجة وزير ؟؟ فتسمح لى سيادتك أنا بأخدم الدولة وبأربى جيلاً ناشئاً .. ومتأخذنيش أنا ماليش علاقة بوزارة التربية والتعليم .. قال لى يعنى عاوز تيجى وزير تعليم عالى .. ما انت شهدت للبيب شقير قلت عليه إنه قائم بعمله كويس .. قلت له وأنا مش عاوز آخذ حاجة من أحد .. قلت له أنا متأسف أنا ما طليتش كده .. قال لى أمال عاوز تيجى وزير شباب ده مش فكرك .. إنت لما تيجى وزير تربية وتعليم يبقى عندك كل مدارس التعليم .. وكل المدرسين من أسوان إلى الإسكندرية .. المهم .. غير الموضوع وقعد يتكلم فى المسائل العامة إلى حد ما يعطينى فرصة .. رجع تانى للموضوع .. فقال لى إحنا مش اتقابلنا مرة زمان .. وبعدين ده تجنيد وتكليف ولا فكاك منه ولا هروب .. تصور أى واحد يطلع مبسوط أو يروح على بيتهم .. أنا قلت لسانك ميارتى أن يجول بنا فى أنحاء مصر الجديدة حتى أفيق .. وقد كان ..

- **ويضيف د . حلمى مراد :** « فى الواقع إخواننا المعنيين أو المحيطين بالرئيس عبد الناصر .. ما كانوا يجوبونى لأبى ما تجتش عن طريقهم .. أنا كنت بأسمى طريقهم ده « مكتب التخديم » .. يعنى ما تجتش عن طريق مكتب التخديم .. أنا اللى اختارنى الرئيس عبد الناصر شخصياً .. إنما هم اللى اختاروا الباقين .. حتى اللى دخلوا من أساتذة الجامعة فى هذه الوزارة .. و قصد الرئيس عبد الناصر بيقى عدد كبير من أساتذة الجامعة إرضاء لطلبة الجامعة وإشعار بالطمأنينة .. كان كل من اختير من الجامعة .. اللى اختارهم السيد على صبرى بمعاونة الدكتور لبيب شقير وزير التعليم العالى » .

• زى مين يا فندم ؟

• « زى الله برحمه محمد حافظ غانم .. وزى الدكتور عبد العزيز حجازى .. يعنى كل اللى كانوا أساتذة جامعة فى ذلك الوقت كانوا من اختيار السيد على صبرى .. بمعاونة الدكتور لبيب شقير .. فأنا ماكنوش بيرتاحوا لى .. خصوصاً إنهم كانوا بيشعروا إن الرئيس عبد الناصر بيدبلى من التقدير أو الإمكانيات ما لا يعطيه لغيرى » .

• وماذا حدث إذن ؟

• « أولاً أنا وقت ما عرض علىّ إنى أدخل الوزارة فأنا بأقول له أنا وزارة التعليم العالى .. التربية والتعليم أنا ماليش علاقة بها .. قام قال لى مين قال إنك جاى عثمان وزارة معينة .. وبناء عليه كنت بأنكلم فى مجلس الوزراء فى كل شيء .. وكان يسمح لى بذلك .. بقية إخواننا .. بعضهم كان بيأخذنا من قصيره ولا يتحدث إلا فى شئون وزارته أو لا يتحدث إطلاقاً .. وفيه بعض من إخواننا الوزراء .. أنا قعدت فى الوزارة ١٦ شهراً .. لولا إنى أعرفهم شخصياً وأعرف نبرات أصواتهم .. كنت لا أعرف صوته شكله إيه !! أما أنا كنت بأنكلم .. وتلك كانت من العناصر اللى بتضايقهم أيضاً » .

• حضرتك اشتركت فى كتابة بيان ٣٠ مارس ؟

• « ضايقهم إن جاء الرئيس عبد الناصر فى الجلسة التالية .. واختارنى .. متابعاً لتنفيذ بيان ٣٠ مارس على مستوى الوزارات جميعاً .. وطبعاً دى ثقة وتكريم » .

• وما هو سبب الخلاف الذى أدى إلى استقالتك ؟

• « كنت لا أذهب إلى المطار لاستقبال الضيوف .. وقال لهم د. حلمى جاء لى البيت .. أنا كنت بأقسم كلامى .. أنا ما كنتش بأنكلم عمال على بطلال .. يعنى فيه أمور أفتحتها فى الجلسة العامة لمجلس الوزراء .. وفيه أمور حماسة أكلمه فيها فى ميعاد خاص فى البيت .. فهو كان متضايقاً من عدم مرواحى المطار .. فلما رحت له البيت قلت له وقتى محدود وعندى مشاغل كثيرة .. فيكفى إنه يروح مع سبادتك من يكون لهم علاقة بالضيف اللى جاى .. أنا إن جاء مع الضيف وزير التعليم أو هنالك مسائل سوف تناقش ثقافية تعليمية أنا مستعد للحضور .. وزوار مصر كثيرين جداً ويتدردوا كل يوم .. والمصافاة للمطار وانتظار الإجراءات حيصصع الوقت .. فأرجو من سبادتك تعفينى .. فضحك وقال لى وهو كذلك .. أريد القول إنهم كانوا يدمون وكان الدس يصل لى .. فبعد هذا حصل إنى ذهبت لدول الخليج .. دعيت إلى بوبيل التعليم فى البحرين .. ورحت أيضاً الكويت .. الخ .. فالهمهم أهديت هدايا هناك وجبتها معايا .. فلما جيت .. جيت إلى مكتب الأستاذ سامى شرف .. وقدمت تقريراً برحلتى وما حصل فيها .. والهدايا التى أهديتها وقلت أنا تنازلت عنها للدولة .. لأنه لم تهدى لى بصفتى الشخصية .. ولكن بصفتى وزيراً فى الدولة وتركتها على المكتب فقال لى لازم نعرض الأمر على الرئيس وهو اللى يقول نعمل إيه .. وضرب الجرس استدعى فراش المكتب وقال له حظها فى عريبة سيادة الوزير ..

وفضلت معايها وما حدثت راضى بأخذها .. لغاية ما جيت رايح اجتمع مجلس الوزراء .. فقابلت الله يرحمه الأستاذ صلاح الشاهد .. كان كبير الأمان .. فقلت له حصل كذا وما حدثت راضى يستلمها .. قال لى يا سيدى الكل بياخذ هدايا .. قلت له خدنى على قد على .. أنا مش عاوزها .. فقال لى طيب ابعتها لى بكرة .. فبعثها له فى جواب وماضى عليه وأخذها .. هم عندما جاء اجتماع اللجنة المركزية للاتحاد الاشتراكى .. فتحوا الموضوع .. فواحد قال لى كان عضواً فى اللجنة المركزية .. قال لى إيه اللى إنت عملته ده .. يقولوا إنك أنت بتشنع على الرئيس وعلى أعضاء اللجنة المركزية وإنا بتقبل هدايا .. وإنك إنت بتضع قوانين جديدة فى البلد وإنك عاوز تعمل دعاية لنفسك .. وإنك كذا وكذا .. فقلت له يا أخى إنتم بتبزعوا من مرتباتكم مثلاً للمجهود الحربي أنا مرتبى ما عنديش غيره مش بأتبزع به .. فانا بأتبزع بالهدايا دى .. وفى هذا فليتنافس المتنافسون .. بيزعلوا ليه ؟ .. فمن وقتها بقيت شايف إنه بقت الأمور تتغير .. لحد ما أخذوا منى حديث لمجلة روز اليوسف .. ده بقى اللى فجر الموضوعات .. الحديث ده كان فيه مقدمة عملها الصحفى .. وفيه أسئلة من وضعه .. زى ما قلت له للرئيس فى جلسة مجلس الوزراء اللى أثار فيها الموضوع .. قلت له أنا مسئول عن إجاباتي أما الأسئلة وأما المقدمة فانا مش مسئول عنها ... لأنه بدأ كلامه بيقول .. وهذا الحديث اللى أصدر قراراً بمنعه .. إنه وأنا بعت له جواب ردأ على المنع قلت له مافيش وزير يقبل إنه يعطى حديثاً واحد يمنعه .. لأنه يجب أن يكون غير مرضياً عنه ولازم يستقيل .. فقرأ الجواب وقال لهم ده بيقول فى المقدمة « يجلس اليوم على الكرسي الذى جلس عليه سعد زغول وعلى الشمسى وعله حسين .. والخ كل وزراء التعليم » .. الوزير فلان واللى حول الوزارة من بركة ماء ركادة إلى خلية ثورية .. وإنه بيسألوه عن تنفيذ بيان ٣٠ مارس .. فقال إن بيان ٣٠ مارس لم ينفذ لأن الوزراء مشغولين بأعمال الوزارة .. وإن القيادة السياسية مشغولة بالمعركة مع إسرائيل .. يعنى أنا مش نافع .. وإنتم مشغولين عن تنفيذ بيان ٣٠ مارس .. وأيضاً إدى برضه حديثاً آخر .. قال فيه برضه كلام يعتبر نقداً لعمل الحكومة .. وجاء جواب أيضاً كان وقتها حدث اللى ترتب عليه مذبة القضاء .. إنه جواب ضد وزير العدل .. إن هو أثار القضية وحصل مذبة لرجال القضاء .. فبعد ما خلص .. رفعت إيدى وقلت له تسمح لى أرد .. قال لى انتفضل .. فقلت أولاً فيما يختص بالجواب الأول سيادتك اللى معينى متابعا لتنفيذ بيان ٣٠ مارس .. وعلى هذا الأساس لو قلت اتنفذ بالكامل أبقي أنا كذاب .. ما حدثت صدقتى .. إذا قلت مش حارد يعنى ممتنع عن الرد يبقى أنا برضه ما ريحتش الناس .. فانا بأقول إن فيه جزء نفذ والذى لم ينفذ هذه السنة سينفذ السنة القادمة .. إذن هذه أحسن إجابة ممكنة .. كون إنهم اتكلموا عن سعد زغول وعلى الشمسى .. هذه لم أكتبها ولمت مسئولاً عنها .. وفيما يخص بالقضاة .. قلت له ده أنا استأذنت سيادتك فى بداية عهد الوزارة .. أنا اشتغلت فى النيابة وأنا أستاذ فى الحقوق ودرست لهم .. أتوسط لحل المشكلة مع القضاء وسيادتك أننت وأنا اتكلمت معاهم .. قال لى ونجحت .. قلت لأ ما نجحتش لإنى كل ما أهتيم وزير العدل الأستاذ أبو نصير يؤجل المسائل اخلاقات شخصية بينه وبينهم .. فانا بمثلت لسيادتك جواباً .. بأقول لك إن الثورة من محاسنها إنها لم تصطدم بالقضاء .. فانا برضه بأطلب منك إنك لاتستمع لى

هؤلاء الذين يحاولون الإيقاع بين نظام الحكم وبين رجال القضاء .. قال يعنى أنت سيادتك طلبت إنك يوم تقابلنى وأنا رفضت إنك تقابلنى .. أو أنت هنا فى مجلس الوزراء يوم ما طلبت تقول كلمة وأنا امتنعت إنى أعطيها لك .. قلت له لأ .. إنما فيه حاجات مستعجلة ما تنتظرش اجتماع مجلس الوزراء .. وفيه حاجات ما أقدرش أقولها هنا .. فأنا بأكتبها لسيادتك فى جواب بخط يدى .. لم يكتب على آلة كاتبة .. ويرسل مغلفاً لسيادتك تقرأه .. حبيب سيادتك تفتح الموضوع فى مجلس الوزراء تفتحه .. حبيب تستدعيني وتناقضني فيه ممكن .. حبيب نقطعه ونحطه فى سلة المهملات ممكن .. يبقى دى أحسن وسيلة لمخاطبة رئيس الدولة .. فقال لى ده أنت أصبح التعاون معاك غير ممكن وراح قام مرة واحدة .. وبدأ يقرع جرس موجود على المنضدة .. علشان يستمدوا بره لفتح الباب ويجيبوا سيارته عند الملم .. فخرج مندفعاً وهو معدى بجانبى قال لى « أنا عندى جوابك القديم الخاص باجتماع اللجنة المركزية للاتحاد الاشتراكى الذى قيمت فيها استقالة » .. بعد ما كان قال لى المرة الماضية لن نقبلها .. المرة دى بيقول لى أنا عندى جوابك وانصرف ١٩ .. وخرجت من القاعة وما حدث من المادة الوزراء قُرب منى .. وخرجت خلافاً للإشاعات وجدت سيارتى (لم أأخذ سيارتى دى إشاعة) .. ورحت منزلى وصرفت المائق قلت له ما تجيش لحد ما أطلبك .. وقعدت فى البيت ما قعدتش استقالة .. إتنى لو استقلت مرة ثانية حيقولوا كل ساعة بيستقيل جنمسك بالقوة .. ومن ناحية ثانية حبيت إن هو اللي يقينى لإنه يبقى مطالب ببيان لماذا أقالنى .. فيقينا كده من يوم الأحد لغاية الخميس .. يوم الخميس كنت بره البيت وراجع لقيت بعض الجرائد بتقول « إقالة وزير التعليم يا جده » .. فى الشوارع .. اشتريت الجرائد وقرأت الكلام ده وأنا راجع البيت .. وبعدين لما رجعت قالوا لى إن السيد سامى شرف اتصل بك .. قلت لهم الصبح بقى .. الصبح طلبته قال لى السيد الرئيس طلب إتنى اتصل بك قبل ما تقرأ الجرائد ويبلغك بالقرار ويشكرك على الخدمات اللي أديتها للبلاد فى مدة توليك الوزارة ..

• وأسأل سامى شرف : هل قام أحد بتقديم استقالته للرئيس عبد الناصر ؟

• فيه آه ..

• زى مين ؟

• الدكتور عبد الوهاب شكرى - الله يرحمه - كان وزيراً للصحة .. لكن سُحبت !!

• ويقول أحمد حمروش : « بدأ عام دراسى جديد ومشاعر الطلبة لم تهدأ تماماً .. رغم بيان ٣٠ مارس .. وتفجر الموقف فى المنصورة .. وقامت المظاهرات ثم تصدى لها رجال الشرطة وأطلقوا الرصاص فقتل البعض .. وخرجت مظاهرات جامعة القاهرة وهندسة الإسكندرية » .

• ويقول أحمد أبو الفتح : « إننا نجنى اليوم ثمار ما زرعته ديكتاتورية عبد الناصر .. وأخطر هذه الثمار هو قتل الروح الوطنية .. وانتماء المصريين خصوصاً الشباب لمصر .. ويا ويل دولة يموت فيها انتماء أهلها للوطن » .

- **وحاول ناصر إصلاح المسار السياسى الداخلى .. واعترض بعض أعضاء اللجنة التنفيذية العليا على أساس عدم المماس بالنظام الحالى حتى إزالة آثار العدوان ..**
- **ويقول أحمد حمروش : « طفا الخلاف بين الاتحاد الاشتراكى ومسئوله القوى » على صبرى .. وبين محمد حسنين هيكل إلى السطح » .**
- **ويقول جمال حماد : « فى صباح الأحد ٢١ سبتمبر ١٩٦٩ صدرت الأهرام فى صفحتها الأولى تتحدث عن رحلة على صبرى إلى موسكو ومحاولة تهريب .. تم التحقيق فيها مع بعض السكرتارية التى صاحبته .. وجمد نشاطه فى الاتحاد الاشتراكى حتى ينتهى التحقيق .. واستقر رأى على أن يترك على صبرى أمانة لجنة التنظيم فى الاتحاد الاشتراكى .. وتم انتداب شعراوى جمعة مكانه » .**
- **ويقول عيد المجيد فريد : « ثالث سنة بعد النكسة حضرت جميع اللقاءات مع عبد الناصر فى إطار عملى كأمين عام لرئاسة الجمهورية .. ولو إن الاجتماعات مسجلة بس التسجيل يتلف .. فكان عندي دائماً أختزال كامل لهذه الاجتماعات .. فمن طريق أوراقى التى فيها هذا الاختزال عملتها إلى أوراق كاملة .. فبقيت أحط فى الكتاب كل اللقاءات التى تمت بين الرئيس والرؤساء والفودد الخارجية .. أو بين الرئيس واللجنة العليا للاتحاد الاشتراكى داخلياً فى الأحداث من ٦٧ .. ٧٠ .. وأحكى الظروف التى جاءت قبل اللقاء والنتائج التى جاءت بعد اللقاء .. دونما أقول إن أنا عملت كذا وإن الظروف كذا .. وأترك للقارئ والباحث إن من خلال إطلاعه يصل إلى نتائج هذا اللقاء .. التحديثات التى واجهت عبد الناصر بعد ٦٧ داخلياً وعربياً مع الاتحاد السوفيتى ومع الولايات المتحدة الأمريكية .. ويقدر الإمكان جبت اللقاءات التى تبين إزاي قدر أن يواجه وكانت قاسية جداً لاسيما فى الأيام الأولى » .**
- **ويقول د . عبد العظيم رمضان : « بسبب صراعات مراكز القوى .. اتهموه بأنه يدخل سجاجيد .. وكانت نكتة فى تقديرى .. فالضابط الواقف أمام مكتب عبد الناصر كان يستطيع أن يدخل بدأ كاملة .. فما بالك بعلى صبرى نائب رئيس الجمهورية .. ولكننى أود أن أقول إن عبد الناصر كما قال لى إبراهيم الطحاوى يحب إن يكون على من حوله « إن » .. يعنى فيهم عيب .. وهذا أسلوب يتبعه كل الطغاة .. لما تكون نظيفاً ستعيبه » .**
- **وأسأل سامى شرف : هل كان فعلاً للرئيس يريد أن يتراجع عن قرار تأميم الصحافة ؟**
- **« ما أقدرش أقول تأميم الصحافة .. هى الغرض منها إعادة .. لأ .. ما كلش حيرجع فيها .. الغرض منها إن فى المجتمعات المفتوحة أو الرأسمالية بمعنى أصح .. الصحافة يسيطر عليها فرد .. وعندك الأمثلة كثيرة « ماردوخ » وغيره وآخرين كثيرين » .**
- **ويقول محمد فائق : « كان بعد ٦٧ يفكر جدياً فى فكرة الأحزاب والتعدد .. فهو لم يكن ديكاتوراً بأى حال من الأحوال فى رأى .. كان النظام إلى حد كبير .. نظام الحزب الواحد أو نظام التنظيم الواحد .. ده صحيح .. ولكنه كان يفكر فى التعددية » .**

• وأسأل د . حسن عباس زكى : بداية التحول إلى الاشتراكية ؟

• « آه طبعاً .. بداية تعديل الاشتراكية ما هو السادات كان معانها فيها .. وكلهم موافقين عليها .. فى أواخر ٦٩ و ٧٠ .. وأنا أنكر إن نفس الرئيس عبد الناصر طلبنى وقال لى كل الناس يشتكى دلو قى من القطاع العام .. والدريكة اللى عملناها دى .. وجمع مجلس الوزراء وقال لهم الشعب يشتكى وخصوصاً بعد ٦٧ إحنا لازم ندرس إيه الأسباب اللى خلت الشعب يشتكى وإيه العوامل اللى تخليها نقدر نرد عليه .. فى ذلك الوقت هو نادى على وقال لى إن نيتو بيقول له إن كل الناس يشتكوا ويتسخط على يوغوسلافيا .. لإن إحنا أخذنا عنها نظام بيقولوا السبب هم .. فتيتو بيقول لى أنا ما قلتش كده .. ده النظام اللى إنتم عملتوه ده ليس المنفذ عندى .. فقال لى روح يا أخى شوف إيه الحكاية إحنا عاملين إيه ومش عاملين إيه .. رحنا فعلاً .. اللى حصل إن إحنا أخذنا منه للنظام اللى عمله أول ما عمله وهو اتغير .. وإحنا ما اتغيرناش .. فكان القطاع العام عبثاً ثقیلاً .. لكن كان ضرورة .. ومازلت أقول إن لابد أن يكون له ضرورة مؤقتة مش كقطاع عام بنك بنكين شركة شركتين زى ما بنشوف كده .. تطلع مشكلة احتكار يبقى لازم فيه شركة تمده .. لكن ما يقاش له عموميات .. فعلاً رحنا وجيت وعملت له أسلوباً لكن للأسف ربنا ما أعطالوش العمر بقى .. أما هو فكان بدأ فعلاً بغير ويبدل .. ما فيش شك فى ٧٠ و ٧١ » .

• ويقول د . عبد العزيز حجازى : « أنا أعتقد إنه فى مناقشاتى فى بعض الأحيان مع الرئيس عبد الناصر عندما سأل زيه القطاع العام لا يحقق مكاسب ؟ ليه أسعار السلع مرتفعة فى القطاع العام عن مثيلاتها فى الخارج ؟ وكان ناقشنا معه موضوع تأمين بعض المحلات الاستهلاكية أو المطابع وغيره من القطاعات .. وهو كان فى الآخر بدأ يقتنع بأن التجربة لابد أن تعدل .. وأنا سمعت من الملك فيصل الله يرحمه ومن الرئيس السادات الله يرحمه بعد وفاة عبد الناصر .. إنه لو عاش عبد الناصر كان سوف يمشى فى طريق الانفتاح » .

• وأسأل نجيب محفوظ : هل الديمقراطية تتعارض مع الحكم العسكرى ؟

• « الحكم العسكرى ده حكم فيه أوامر وعساكر ولا يعرف الديمقراطية » .

• أقصد حكم العسكريين للدولة ؟

• « طيب ما حكم العسكريين للدولة يأتى بناء على إيه ؟ مش على قاعدة عسكرية يبقى اختفت الديمقراطية .. إنما العسكريين إن كانوا زى سوار الذهب فى السودان .. يضربوا القوة العاقبة للتقدم ويتركوا الناس تشغل بيقوا اسمهم مع الشعب .. مش حكام الشعب » .

• ويقول كمال الدين حسين : « بعد كده فى أغسطس كان يتناقش فى اللجنة التنفيذية بالاتحاد الاشتراكى وقال لازم نغير بقا عننا .. ولأزم نعمل انفتاحاً سياسياً .. وأنا بأقترح أن نعمل حزب ثانى ونعطى له إمكانيات ونعمل جرنال .. ويبقى يتنافس مع الاتحاد الاشتراكى واللى يدخل الانتخابات ويكسب يبقى فى الحكم والثانى يعارضه .. لما أقول لكم زكريا يعمل حزب وأنور

المادات يعمل حزب تانى .. الناس حتضحك علينا .. وتقول دى تمثيلية الأحزاب .. لكن هو حزب معارض فعلاً موجود ومن رجال أثبتوا طول عمرهم إنهم رجال .. بغدادي وكمال الدين حسين ممكن يكونوا حزباً ويقولوا هذه العملية .. وأنا متأكد إن هم يتصرفوا كرجال .. فطلعوا كلهم بلا استثناء يعارضوا فى هذا الموضوع واللى يقول ده يقعدوا يهبشوا فى الماضى .. وقال لهم ما هم مشتركين معانا فى الماضى .. لكن يقعدوا يعملوا ما أعرفش إيه ؟ يقول لهم آه ما هو أى واحد مننا يعمل حاجة غلط .. أنور السادات يعمل حاجة غلط .. كمال الدين حسين يعارضه ويقول له ده غلط .. ويصحح .. وهكذا .. رفضوا .. المهم بعد كده بنسأل مجموعة منهم لماذا رفضتم هذا الاقتراح .. قالوا إنهم كانوا متأكدين من عدم التنفيذ .. بس عبد المجيد فريد كاتب ويقول : أنا أشهد إن عبد الناصر خلّص نمته من ربنا وإن المسؤولية تقع على بقية الناس اللى كانوا موجودين فى الاجتماع .. بعد كده هو اتكلم عن الجبهة الداخلية ويعدين عمل بيان ٣٠ مارس سنة ٦٨ .. بيان ٣٠ مارس كان هو أثر العملية دى .

• **ويقول جمال حماد :** أصبح سامى شرف أقوى شخصية فى مصر بعد الرئيس الراحل عبد الناصر ... تبين من تحقيقات المدعى العام الاشتراكي فى قضية مايو ٧١ قيام سامى شرف بشراء مشترياته الخاصة من المصروفات السرية .. ولم يستطع سامى التذليل على صحة حصوله على إذن عبد الناصر لإتفاق هذه المبالغ من المصروفات السرية فى مشترياته الخاصة .

• **ووقعت مذبة القضاء ...**

• **وأسأل المستشار ممدوح عثمان نجيب :** كنت رئيساً لمحكمة الاستئناف وعاصرت المرحلة اللى سميت مذبة القضاء ، ودى كانت بعد بيان ٣٠ مارس وبعد مظاهرات الطلبة ، فحدث ما حدث ويدون تعليق منى أرجو أن أسمع تعليقك وتذكيراتك عن هذه المرحلة ؟

• **« هى مرحلة قديمة ونكرى قاسية على نفسى .. وليس على رجال القضاء فقط بل على الجميع .. القضاء المصرى قضاء راسخ متين يتحدث عن عظمته ليس فى مصر وحدها بل فى كافة البلاد العربية وغيرها فى بلاد العالم كله .. أراد الحاكم فى هذا الوقت أن يقضى على هذا الصرح المتين الشامخ فأطاح برجاله وكانوا ١٥١ بالتحديد من خيرة رجال القضاء .. ابتداء من رئيس محكمة النقض كان شيخ القضاء ورئيس المحكمة العليا إلى معاون النيابة وهو ابن أحد السياسيين القدامى .. وكان معاوناً للنيابة .. معنى فى أول سلم الوظيفة القضائية .. فده من ضمن من أطيح به بلا ذنب أو جريمة .. الحدث للأسف سعى فى هذا الوقت إنه إصلاح للقضاء .. إصلاح للقضاء مع إنه ذبح للقضاء .. ذبح لإن القضاء يتميز باستقلاله وحيثته دون تدخل من السلطة .. كما نص الدستور .. ثم يأتى الحاكم فى هذا الوقت وبجرة قلم ليطيح بـ ١٥١ من خيرة رجال القضاء يمكن تقول لى إنت ما طلعتش ؟ لأ ما طلعتش .. والله كانت الظروف ساعدتنى فى أن لم أفصل كما فصل الزملاء اللى كانوا يجدوا مجرد جواب بإنك أحيلت إلى المعاش .. كلنا ننتظر هذا الجواب .. وأنا كنت فى لقاء مع الصديق الوزير فى وقت المذبة**

أو قبل صدورهما على طول وهو الدكتور حلمي مراد .. كنت أودى واجب عزاء .. قال إنتم هابيجين وعاملين إيه ؟ ما إنتوش عارفين حيحصل لكم إيه ؟ فقلت له حيحصل إيه ؟ كان ذلك فى المنيرة أمام شارع القصر العيني - كان وكيلاً للنيابة وكان زميلاً لى وأنا على صلة به - والحاكم بقى عاوز يعدد محكمة الثورة أو محكمة الجوى فى هذا الوقت فى دار القضاء العالى لمحكمة المتهمين فى قضية « كمشيش » .. قضية جنائية عادية .. أظن إنا القضاء العالى من السهل عليه جداً أن يحكم فى دعوة الجناية وجاى فى معقل دار القضاء العالى .. إيه ده هل هذا مقبول .. هل يقبل رجال القضاء هذا ؟ فهذا الحديث نقل بحدافيره لوزير العدل فى هذا الوقت .. تانى يوم الدنيا انقلبت .. والحاكم مع كثير أ عن انتقادنا لبعض أوضاع .. وكان حكماً شمولياً ومش عاوز أبداً انتقاد .. إذا انتقدناه فى الحرب أو الخسائر أو الهزيمة .. لأنه كنا بنصور الهزيمة على إنها نصر .. فكنا فى نادى القضاء .. وأنا انتخبت منذ كنت وكيلاً للنيابة واستمرت عضويتي إلى أن راسته وأنا فى المعاش بعد الدكتور عبد الحافظ هريدى .. وقبل مقبل شاكر .. ووجدى عبد الصمد .. إلخ .. فبعدها كنت نائب رئيس النادى أحيل عبد الحافظ هريدى إلى التقاعد فتوليت هذه الرئاسة » .

• هل كانت إجراءات الرئيس عبد الناصر لتأمين الثورة ولا لمصلحة مصر ؟

• « لم يكن هذا لمصلحة مصر .. نبدأ من الآخر .. إن مصلحة مصر لا يمكن أن تكون هدم القضاء .. ده شمشون اللى بيهد المعبد على من فيه .. إنما هل لمصلحة مصر أن نقضى على رجال القضاء بجرة قلم لـ ١٥٠ واحد ويتمسلس فيها ابتداءً من شيخ القضاة .. اللى أنا عاوز أقوله إنه لم يكن هذا لمصلحة مصر .. هو ولا تأمين نفسه حيأمن نفسه فى إيه إنا ناس طبعاً مسالمين .. حيأمن نفسه من إيه .. هو ده كان لفرض سلطانه حتى لا يكون هناك أمامه صوت معارض » .

• وأسأل أحمد الخواجة : لو تكلمنا عما أطلقوا عليه « مذبة القضاء » ماذا يقول لنا نقيب المحامين ؟

• « ده نتيجة اشتغال بعض القضاة بالسياسة .. وأنا لى رأى إن لا يجوز للقاضى ولا رجل الجيش يشتغل بالسياسة .. أن تشتغل بالسياسة معناها إنك تتحزب .. القاضى يعد رجلاً وكيلاً للمجتمع فى الفصل بين الناس .. بكل أسف الناس اشتغلت بالسياسة .. فى المكتب ده بعض الذين ادعوا البطولات .. كانوا يأتون ليكونوا ممثلين للقضاء فى الاتحاد الاشتراكي .. إنما كانت النتيجة إنهم استباحوا دم بعضهم البعض .. وأنت النتيجة بأسوأ شيء يمكن أن نتعرض له .. مذبة القضاء كانت شيئاً قاسياً » .

• هل الرئيس عبد الناصر كان وراء المذبة ولا هناك من كانوا وراءها ؟

• « أنا عاوز أقول لك شيئاً باختصار .. رحم الله من مات وغفر لمن عاش .. يعنى أولاً كان فيه قضاة استباحوا دم آخرين .. إنما اللى أشرف على القصة دى كلها وكان حتى بيناقشها من ٣٠ أغسطس سنة ٦٩ الرئيس السادات ! »

* **ويقول المستشار يحيى الرفاعي :** « الاتحاد الاشتراكي قام على أشلاء المرحلة السابقة التي كانت تمثل الأحزاب السياسية المختلفة .. ومن تكويناته شيء اسمه التنظيم السري الطليعي .. كان تنظيماً غير معلن والمنضمين إليه أفهموا إنهم سيحكمون البلد في يوم من الأيام .. وكان دورهم الأساسي كتيبة تقارير والقيام بدور غريب جداً .. محمد أبو نصير قام بعمل ما أسماه اتحاد القانونيين واتصل بالمرحوم رئيس نادي القضاة وآخرين .. في وقت كان قد ظهرت في الصحف عدة مقالات تهاجم رجال القضاة وتمس كرامتهم .. على صبري مثلاً كتب مجموعة منها في جريدة الجمهورية .. يستنكر في بعضها أحكام القضاة بالبراءة لعدم كفاية الأدلة أو بطلان الإجراءات القانونية .. ضارباً عرض الحائط بالمبادئ الأساسية للقوانين العالمية .. وبيدين الإسلام الذي أمر بمبدأ لا تأخذوا بالشبهات .. حتى هذا أنكره وهاجمه .. وكانت قضايا كميشيش قد نظرت في هذا الوقت .. التي تبين أن جميعها ملفقة .. أنا شخصياً حضرت في محكمة من محاكم الثورة في ذلك الوقت .. شهد فيها أحد أعمدة النظام وهو شمس بدران بأنها قضية ملفقة لحكم فيها بالبراءة ومع ذلك أثارت استنكار القائمين في الحكم وقتها .. وهناك قضية اتهم فيها شخص يدعى محمد أمين بسوقي بالجاسوسية وتسريب خطاب كان منشوراً في العالم كله .. قضى ببراءته ولكنه استمر محبوساً عدة سنوات بعد حكم البراءة .. وقضية ثالثة قدم فيها رجل للمحاكمة .. أعتقد أنه كان مثل ولي أمر عبد الناصر في مراحل نشأته الأولى وعلى علاقة شخصية به .. وشهد الشاهد الرئيسي في القضية بأنه حمل بنفسه ماكينة طبع المنشورات .. فلما طلبت منه هيئة المحكمة حمل الماكينة بيديه لم يستطع لثقل وزنها .. فقضى فيها ببراءة المتهم ولكن الحكم لم ينفذ .. وزاد التهمج على القضاة .. وكان التنظيم السري الطليعي يؤدي دوراً كبيراً في الإيقاع بين القضاة والنظام لأنه كان يرى اقتحام القضاة وتجنيد رجاله بالانخراط في عضويته .. مثلما كانت هناك محاولة لانتخاط القضاة في الاتحاد الاشتراكي .. ونجحوا في تجنيد البعض .. وأطيح بوزير العدل كما أطيح بالكتور السنهوري من قبل بدسيسة .. وقالوا إنه يدبر ثورة ويسعى لعمل اجتماع في نادي القضاة .. وكان كل هذا غير صحيح .. وجهى بمحمد أبو نصير وزيراً للعدل .. ومحمد أبو نصير للأسف بدأ يقرب من هم مشكوك في نزاهتهم وكفاءتهم ومن هم مرشحين للفصل من القضاة ويضمهم لتشجيع القضاة للدخول في الاتحاد الاشتراكي .. وهي قلة منحرفة محدودة .. كانت تنادي بالتعاون مع الحكومة وتنادى بفصل النيابة العامة عن القضاة .. وصدر القرار بفصل مجموعة من رجال القضاة ظلماً وعدواناً بدون وجه حق وبدون تحقيق .. وبدون الرجوع حتى إلى حصانتهم وقدمية رسالتهم » .

* **وأسأل المستشار مقبل شاكر :** ماذا تقول لنا عما أطلق عليه « مذبة القضاء » لإحالة عدد كبير من رجال القضاء إلى المعاش ؟

* « الحقيقة إحنا لا بد أن نرجع ورا شوية قبل هذه الأحداث إذا أردنا أن نعرف أصل المسائل .. طبعاً معروف في هذه الأونة كان نظام الحكم شمولي .. ليس هناك إلا تنظيم سياسي واحد لا أكثر ولا أقل هو المسيطر على كل الأمور .. كان يحكمه فكر معين وهو فكر ينتمي إلى

اليسار .. كان فكراً مهجوراً .. قائماً على سيطرة الحزب والتنظيم السياسى على كل السلطات بمقولة إن مردود ذلك للشعب .. وطبعاً يعنى مع تطورات الأحداث أصبح هذا الفكر منتهياً فى العالم .. رغم أن دستور الدولة ينص على أن هناك سلطات ثلاثة وأن هناك استقلال لكل سلطة عن الأخرى .. والمستور شكله ديموقراطى إلا إن القائمين على الأمر فى التنظيم لم يكن هذا هو منهجهم .. ولم تكن هذه هى قناعتهم .. حاولوا فى منتصف الستينات أن يطووا القضاء المستقل فى مصر - والحمد لله طول عمره - بمقولة دخول القضاء فى التنظيم السياسى .. أو إيجاد شعبة خاصة بالقضاء فى التنظيم السياسى .. كانت وجهة نظر القضاء إنه يضع تحت نظر ولى الأمر الرأى الصحيح .. ومن هنا وكانت جمعيتهم العمومية منعقدة بطبيعتها فى ٢٨ مارس .. أدلوا برأيهم فيماسمى ببيان القضاء يوم ٢٨ مارس سنة ٦٨ .. مسجلين حرصهم على استقلال القضاء .. وعلى أن القضاء ملطه .. وعلى أن القضاء ينبغى أن يستمر بحيدة ويتجرد وبقائه وأن النيابة العامة تظل شعبة أصيلة من شعب السلطة القضائية .. طبعاً الكلام ده لم يلقى القبول عند المخططين لكل ما كان يجرى على الساحة من منتصف الستينات .. واللى كادوا أن ينجحوا فى سنة ٦٨ .. طبعاً بدأت الأمور تهدأ وبدأ مجلس إدارة نادى القضاء يوضح المسائل .. ويبعد ما ينبغى أن يكون عليه الأمر .. ابتدوا يحسموا إن المتصدى لما يفعلون هو مجلس إدارة نادى القضاء الممثل للشرع للقضاء .. ومن هنا بدأوا يخططون لقلب هذا المجلس المنتخب من خلال الانتخابات القادمة والترتيب لها .. وفعلأ كان فيه انتخابات ٦٩ .. كانت الانتخابات يوم ٢١ مارس ١٩٦٩ وكانت انتخابات شاملة .. وجهزوا قائمة بالكامل .. لملء مقاعد مجلس الإدارة .. وطبعاً كان فى المقابل فيه قائمة مجلس إدارة نادى القضاء .. اللى كانت برئاسة المغفور له المستشار ممتاز نصار .. وطبعاً قال القضاء يومها كلمته فى ٢١ مارس .. وكانت كلمته واضحة وصريحة ومذوية .. وانتخب قائمة المستشار ممتاز نصار بالكامل .. ولعل هذه أحد المرات القليلة فيما أنكر فى تاريخ مصر إن قائمة بالكامل تنجح .. وفيها ١٥ كرسى .. طبعاً هذا ورتبوا لمذبحه القضاء التى حدثت فى الأول من سبتمبر سنة ٦٩ من خلال إجراءات سميت بإنها إعادة تشكيل السلطة القضائية .. وإعادة التشكيل تضمنت استبعاد ١٣٧ من خيرة رجال القضاء آنذاك .. يتقدمهم أعضاء مجلس إدارة نادى القضاء فى مصر .. وأيضاً أعضاء مجلس إدارة نادى قضاة الإسكندرية .

• المجلس اللى حضرتك يترأسه النهارده ؟

• « أبوه .. مجلس إدارة نادى قضاة مصر الأم كلها من أسوان للإسكندرية .. يشرفنى أن أكون رئيسه اليوم » .

• ولماذا فعل الحاكم ذلك ، وما الحجة التى كانت وراءه ؟

• « هو الكلام اللى استغل واللى وصل إلى ولى الأمر أو الحاكم .. إن هؤلاء ضد النظام وضد .. وضد .. طبعاً افعلوا أشياء وصوروا أشياء .. وهم قريبين من الحاكم .. فاستطاعوا أن يبرزوا أشياء كلها لا أساس لها من الصحة .. وكلها مكنوية .. والموقف كله أن القضاء كان يريد أن

يحتفظ باستقلاله وحيده .. وألا يعمل بالمياسة وهذه المسألة نحن حريصون عليها أمس واليوم وغداً إن شاء الله » .

• أم يكتشف الرئيس عبد الناصر بعد ذلك أن الموضوع لم يكن كذلك ؟

• « تأذن لي .. ولعلني سأجيب عليه لأول مرة .. قيل وفاته مباشرة وتحديداً يوم الخميس السابق على وفاته .. أعتقد إنه توفي يوم الاثنين ٢٨ سبتمبر سنة ١٩٧٠ .. أرسل رسولاً إلى المغفور له المستشار ممتاز نصار وكان يعمل بمكتبه بالمحكمة .. يبلغه أن الرئيس يريد أن يصلح الموقف .. وإنه عرف أن هذا غلط وأن هذا أكبر غلط وقع فيه النظام .. ولعل دى برضه المسألة انتقلت في إحدى المقالات .. وأنا أنكر أن المغفور له المستشار ممتاز نصار استدعاني في مكتبه وطلب مني حصر الأسماء وأن أحضر مشروع قانون بنص واحد بعودة الذين أحيوا للمعاش .. وكان ده طبعاً ما جرى كان قراراً معدوماً كما قالت محكمة النقض بعد ذلك .. معناه إنه لا سند لولي الأمر أن يعمل هذا طبقاً للدستور وطبقاً لقانون السلطة القضائية وكل القوانين المعمول بها في مصر .. وأنا الحقيقة أنا أعديت للوالد الأستاذ ممتاز نصار رحمه الله ما طلب مني .. وإن كنت يعني ما أقرتوش إنه يوافق على العودة .. لإني أنا قلت اللي فعل مثل هذا مش هو اللي يصلحه .. كمسألة متعلقة بمبدأ قيمة .. وطبعاً القضية مش قضية أفراد وإنما قضاء بلد هو صمام الأمن فيه .. وما فيش أحد منا أضرير .. هو عزل لا يملكه ولي الأمر وإنما كان بالقوة .. ماحدث أضرير وفي نفس الوقت كان لابد أن يحدث ثمة تغيير في البلد ككل .. حتى يمكن للقاضي المستقل الحريص على العدل وعلى الحيدة والتجرد أن يعود .. فيؤدى عمله وهو الأمر الذي كان بعد هذا » .

• وأسأل مدحوج نجيب : كما يقولون في عمل رجال القانون والقضاء .. هل لديك أقوال أخرى بالنسبة لمنهجة القضاء ؟

• « بالنسبة لمنهجة القضاء أنا لي قول أخير .. وهو إن السادات عندما تولى .. أعاد القضاء .. وأنا كنت في هذا الوقت أشتغل مدير التفتيش القضائي بوزارة العدل .. فكنت بأعيد القدامى كلهم .. فالبعض رفض والبعض عمل بالمحاماة لأنها أكسب .. والبعض قبل .. جاءوا وسكناهم في أماكنهم .. السادات أعاد للقضاء حقه .. حقه اللي هو اغتصب اغتصاباً .. لأن القضاء قيمة في استقلاله .. وليس لدى أقوال أخرى » .

• وبدأت حرب الاستنزاف .. وبدأت بقذف وبضرب المدافع يومياً على الجبهة ...

• ويقول عبد المجيد فريد : « كانت سماء القاهرة مفتوحة .. الجيش الإسرائيلي يقدر يعدى في ذلك الوقت .. يقدر يعبر قناة السويس .. يصل إلى السويس .. يصل إلى القاهرة لولا الموقف الدولي .. وكان صوته واطي زى ما قال أول ما بدأ حرب الاستنزاف ٦٨ .. قال « دلوقتى بدأ صوتي يعلو من وقت فوزي ما على صوته إنما قبل كده ما كنتش قادر على قول كلمة » .

لإن الهزيمة مرة والهزيمة صعبة .. هو كان حاسس بالهزيمة شديدة جداً عليه .. وأزماه والمشكل القلبية جاعته من الهزيمة من نكسة ٦٧ » .

• **ويقول الفريق سعد الشاذلى :** « حرب الاستنزاف إحنا بنشتغل بالمدفعية والدوريات .. وهم يشتغلون بالطيران .. قذروا الدفاع الجوى لمصر تدميراً كاملاً فى نهاية ٦٩ .. يعنى كان سماء مصر مفتوحة .. تستطيع الطائرات الإسرائيلية أن تلعب فيها كيفما تشاء .. فى هذا الوقت جمال عبد الناصر سافر إلى الاتحاد السوفيتى وقال لهم الموقف .. وأذكر هو قبل ما يسافر عمل اجتماع للقادة وحضرت أنا هذا الاجتماع كقائد للقوات الخاصة .. وسافر وعرض عليهم الموقف .. فى خلال شهرين يعنى فى حوالى فبراير ومارس ٧٠ بدأت الأسلحة تصل من الاتحاد السوفيتى بكميات كبيرة جداً » .

• **ويقول أمين شاكر :** « لما ابتدئت عملية حرب الاستنزاف أخذنا أسلحة من الاتحاد السوفيتى اللى كان « منشف ريقنا » .. كل حاجة نطلبها يقول لك حاضر وبس .. وإحنا كنا عاوزين الحاجات دى تانى يوم .. الاتحاد السوفيتى أنا قابلت السفير السوفيتى ونزيت ضيف قابله والقيصونى قابله .. لمنا عليهم لوماً شديداً وقلنا له بصراحة إن إحنا نعتبر إنهم مسئولين عن اللى حصل فى ٦٧ .. وعن قرار عبد الناصر فى ٦٧ .. هو بلغ هذا الكلام هناك فابتدوا يصلحوا ويمسحوا شوية فى إمدادنا بالأسلحة والذخائر .. وعملنا المنصات فى منطقة القتال وبدأنا حرب الاستنزاف .. وأنا أعتمد أن حرب الاستنزاف كانت مقدمة لحرب أكتوبر ٧٣ » .

• **بينما يقول د . عبد العظيم رمضان :** « وهكذا كانت المدافع تضرب على خط بارليف وكانت نتيجتها غالباً عملية إزعاج لإسرائيل .. وأحياناً استفزازها .. لكنها أيدرت بعقلية قديمة كما قال أمين هويدى » .

• **وأسأل الفريق سعد الشاذلى :** هل كان الرئيس عبد الناصر يفكر جدياً فى الحرب فى ذلك الوقت ، وكان يصدّر قرار الحرب ثم يلغيه كما أشيع ؟

• « لا .. لا .. ما أقدرش أقول كده .. منذ اليوم الأول للنكسة كان هناك استعداد للحرب القادمة .. متى ؟ لا نعرف .. إلى أن تصل قوائنا إلى الحد الذى نستطيع به أن نقوم فيه بعملية هجومية .. حرب الاستنزاف بدأناها سنة ٦٨ .. يعنى بعد مرور ما يقرب من سنة من النكسة .. ابتدئت حرب الاستنزاف وكانت زى ما بأقول لك على شكل مدفعية ودوريات .. ولكن لم يكن هناك فى هذا الوقت أى تفكير لعملية هجومية .. كان كل خوفنا أن يقوم الإسرائيليين بالهجوم علينا .. إنما تفكير بأن القوات المسلحة تهاجم إسرائيل فى هذا الوقت أبداً .. فيه وثائق تقول كده لغاية سنة ٧١ لم يكن فيه أى خطة .. والخطة الهجومية وضعت فى أغسطس أو تمت فى أغسطس سنة ١٩٧١ » .

• **ويقول المشير الجمسى :** « وعلشان المناقشة التى تدور أو نكتب حول هذا الموضوع .. أقول بكل أمانة إن الرئيس عبد الناصر وعهده له فضل فى إعادة بناء القوات المسلحة بعد حرب يونيو ٦٧ .. وما تم فى هذه الفترة التى انتهت بحرب الاستنزاف والتطعيم للمعركة .. فأصبحت القوات المسلحة جديدة بكل المعايير وتمت على درجة عالية من الكفاءة .. وهذا يكتب للرئيس عبد الناصر وعهده » .

- **ويقول د . أشرف غريال :** « كان لابد من اتخاذ الموقف اللى إحنا اتخذهاه .. وحرب الاستنزاف كانت ضرورية لأن كان من المهم زى ما كان السادات يقول .. مصر ماهياش جئة هامة » .
- **وأسأل الفريق أول مرتجى : كيف أدار إنن حرب الاستنزاف ؟**
- « أنا ما حضرتش حرب الاستنزاف .. دى حرب ثانية أى واحد يقدر يديرها .. إمنى القائد من دول بتبان قدراته العسكرية .. عندما تشتبك القوات ويكون العدو قدامك .. إيه يعنى الشطارة وإيه القدرة اللى بها ما عملتش حاجة أنت قاعد فى التكيف والمدفعية عمالة تضرب » .
- **ألم يكن عبد الناصر صاحب الفضل فى إعادة بناء الجيش ؟**
- « هو أى واحد كان يقدر يعيد بناء الجيش .. قد تكون له يد .. بس متهاى لى إن عبد الناصر كان له يدأ أكبر باستخدام الروس » .
- **وأسأل الفريق سعد الشاذلى : سنوات الاستنزاف يا فندم .. إيه تعليق حضرتك عليها باختصار ؟**
- « سنوات الاستنزاف كانت تجربة عشان تحيى الروح المعنوية فى القوات المسلحة لأن الهزيمة تضعف الروح المعنوية .. فالقوات المسلحة كانت بعد ٦٧ الروح المعنوية سيئة جداً وكان لازم نقوم ببعض الأعمال .. ما فيش شك إن إحنا خسرنا فى حرب الاستنزاف خسرا كثيراً برضه .. لأن إحنا كنا من وجهة النظر المصرية عندنا أسلوبيين : أسلوب ضرب المدفعية أى نضرب الأهداف الإسرائيلية اللى فى الشرق بالمدفعية .. والأسلوب الثانى إن إحنا نطلع دوريات تعمل كمان على الطرق داخل سيناء .. والقوات اللتى كانت تعبّر هذه الكمان أو الجزء الأكبر منها كانوا من القوات الخاصة تحت قيادتى .. من قوات المظلات والصاعقة كلها .. إنما الجزء الأكبر من العمليات الفدائية فى الشرق كان يقوم بها رجال الصاعقة .. العدو كان يبرد علينا بحاجة ثانية .. يرد علينا بالطيران .. فالطيران كان نبهاجمنا ويضرب ويحدث فينا خسائر .. والخسائر اللى بتحدث فينا كبيرة ما فيش شك .. ولكن إحنا كمان بنحدث فيه خسائر فى الأفراد .. ومشكلة إسرائيل إن هى عندها خسارة الأفراد مهمة جداً .. لأن عددهم قليل .. ما عندهوش مانع يفسر ١٠ دبابات ولا يموت له عسكرى واحد .. إنما العسكرى يوجعه أكثر .. إحنا كنا بنتعبه فى حكاية الخسائر دى .. إنما فى نفس الوقت تعلمنا دروس كثيرة .. لأن إحنا علاوة على رفع الروح المعنوية .. التقاؤنا بالعدو .. شفتنا إن العسكرى مش هو العسكرى الذى كان لا يهزم ولا يقهر وكذا وكذا .. وبيجى ويبسيب السلاح بتاعه ويهرب .. وبسبب الدبابة بتاعته ونأخذ منهم أسرى ونرجع بيهم .. دى كان لها فوائد ما فيش شك » .
- **ويقول الفريق مذكور أبو العز :** « أنا لما جيت طبعاً عرفت إن لابد أن نجنى الطائرة وهى على الأرض أولاً .. فقلت لازم أعمل دتم .. لازم أزود المطارات .. وفى فترة الأربع شهور ونصف ما بم عمله .. وطبعاً بهذه المناسبة أذكر الفضل للأخ الكبير سليمان متولى .. لأنه وقتها كان مسئولاً عن شركات الرصف .. وقام بمجهود كبير وضخم جداً .. ويهينى لى لا أحد يقدر يقدره إلا أنا والناس القريبين منى » .

• هل وجدت في خلال فترة توليك قيادة القوات الجوية أن القيادة العامة أو القيادة السياسية بتلبي طلباتكم ؟

• « طبعاً أبدأ .. لأن أنا طبعاً لما قلت للرئيس عبد الناصر قلت له أنا أريد ١٦ مليون جنيه بالتحديد علشان أبني نضماً ومطارات .. فقال للقائد العام أنا طبعاً لن أنكر اسمه .. قال له بكرة لازم تروح له شوف سيادتك أنا لن أسمح لنفسى ببقاى فى موقعى دقيقة واحدة .. وأنا جاي الحقيقة من أموان علشان أشغل وعلشان أعمل حاجة .. فإذا كنا ما أخذناش الدروس من سنة ٥٦ و سنة ٦٧ .. وبعدين نيجي نقول لى أجل العملية .. فأننا لا يمكن أبدأ ما لم ييجي لى النهارده دلوقتي حالاً هذا المبلغ أنا مش حاقعد .. هذا هو الأسلوب الذى يجب أن يتعامل به الإنسان .. أبدأ .. إنما لابد أن يكون هناك قيادة واعية تقدر العملية » .

• هل بعدت أم ابتعدت ؟

• « أنا بصراحة قدمت ٣ استقالات .. ولكن كان جمال عبد الناصر الله يرحمه كان دائماً يقول لى معلش .. وفعلأ كان يحاول .. وأصلأ كان الرئيس عبد الناصر بعد الهزيمة شخصيته كانت تعبانة جداً .. وكان مش هو الشخص الذى الواحد يعرفه .. فكان شخصية منهارة جداً .. وكان شخصية ضعيفة جداً .. فسبت القوات المسلحة بالضبط كده بعد أربع شهور ونصف .. لأن مش أنا الذى سيادتك بتسأل السؤال وتقول لى أنت طلعت ولا ؟ أنا فى الواقع أنا ما كانش ممكن للرئيس إن هو يطلعنى .. هو عاوزنى .. ماكانش ممكن .. إنما الروس طلبوا هذا .. قالوا لن نلبي أى طلبات من طلباتك ما لم منكور أبو العز وكذلك الجهاز بتاعه يفرج .. الكلام فى نهاية أكتوبر ١٩٦٧ .. فبلغنا بإننا لازم نمشى أنا و ٢١ لواء معى .. الذى هم القيادة كلها الذى كانت موجودة معى .. وجابوا طبعاً قيادات من بعد كده ومسكت القوات الجوية بعد كده .. وهو حاول يرجعنى محافظاً .. فقلت له : يا ريس أرجع أقول للناس إيه .. أقول إن أنا فشلنا وأكذب أو أقول الحقيقة ؟ والحقيقة مش مطلوب أن نتذاع .. فأننا طبعاً كفاية الذى حصل وأرجوك أنا مش عاوز أشغل لا محافظ .. وعرض على مستشار .. قلت له : إيه يا ريس هو أنت عاوز استشارة .. طب المستشارين ما هم عندك كثير .. المستشار يعمل إيه والبركة فيك .. أنت مش عاوز استشارة .. وبعدين لا قبلت لا ده ولا ده .. فشاف إن أنا معصلج .. قال لى : اسمع لما أقول لك ده أمر والأمر ده حقتقه أنا قلت ما فيش إلا مستشار رئيس الجمهورية .. قلت له : يا ريس أنت لا تحب إن أحد يستقيل فأننا من النهارده أنا أقدم استقالتى وفى الوقت الذى أنت تشوفه مناسباً .. أنا تحت أمرك .. طبعاً كانت معاملة رغم هذا كله ورغم الكلام الذى الواحد بيقوله على .. الرئيس عبد الناصر فى الحقيقة كان مقدراً العمل الذى أنا عملته .. بس أنا كمان إنسان لا يمكن إنك تدبنى مسئولية .. يعنى المسئولية التى أخذتها فى إيدى .. وقلت له : أمانة الدولة فين يا ريس وأنا فى إيدى حاجة ؟ ! »

• وردت إسرائيل علينا ببناء خط بارليف الحصين على شط القناة ...

- وأسأل الفريق أول محمد فوزي : حرب الاستنزاف ردت عليها إسرائيل بخطط بارليف .. هل هذا صحيح ؟
- « خط بارليف عبارة عن ٣٧ نقطة .. سميت ارتجالاً بخطط بارليف .. وهى محاولة لتخبيطة الجندى الإسرائيلى تحت مواد صلبة حتى لا يكون عرضة لنيران المدفعية المصرية أو النيران المصرية من الجانب الغربى » .
- وبدأت تستخدم صواريخ سكاي هوك وتعاقبت على طائرات فانتوم كمدفعية طائرة تضرب بها كافة أنحاء مصر .. فتطول بها الصعبد ونجع حمادى والبحر الأحمر والزعفرانة ...
- ويقول الفريق الشاذلى : « الكلام ده سنة ٦٩ .. فيه واحد ضابط اقترح إن الطيران الإسرائيلى عندما يأتى لم يكن يضرب الموقع الهيكلى ويضرب الموقع الأسمى .. قال له إبن نحن نبذل .. واقتراح إننا نأخذ جهاز رادار حى ونضعه فى الهيكلى .. ولا نرسل كل هذا .. أى الدفاع الجوى والدفاع الأرضى والكلام ده علشان يخدع طيران العدو .. الطيران الإسرائيلى لم يبلغ الطعم وبلاستطلاع الالكترونى عرف إن ده الجهاز الهيكلى .. وإن ده مش الأسمى .. وكل ده فى ٧ أو ٨ عساكر .. فجاء بالليل بعملية بطائرتين هليوكوبتر فيهم ٤٠ عسكرى ونزلوا بعيد عن الرادار .. ونزلوا طبعاً لما نقول جهاز الرادار ٨ أفراد اللي يكون صاحى بالليل مثلاً فى حدود ٢ أو ٣ عساكر .. فدخلوا عليهم قتلهم ونبحوا الثانيتين وقعدوا وفكروا الرادار وسافروا .. كل ده .. كانت عملية فظيعة .. بعدها جمال عبد الناصر أمر بعزل أحمد إسماعيل من قيادة الأركان يعنى .. فأنا رحمت على أثر ذلك .. وكلفت بأن أقود منطقة البحر الأحمر » .
- ويقول د . عبد العظيم رمضان : « وهكذا تحولت حرب الاستنزاف لإسرائيل إلى استنزاف مصر أيضاً .. وكانت خسائرنا كبيرة فى الأفراد والمعدات » .
- ويقول د . مصطفى خليل : « حرب الاستنزاف كانت بتستهلك الدخل القومى لمصر خلال هذه الفترة » .
- ويقول صلاح الدسوقي : « كمال رفعت ده كان صديق العمر .. فى آخر الأيام بعد ما خرجت أنا على المعاش إلتنى كنت مختلفاً مع التوجه نحو الاتجاه الشيوعى وخرجت .. وأنا أصغر واحد فى الحكومة على المعاش .. رحلت بيت الإسمكندرية وكان « جارى » .. شوفته بعد هزيمة ٦٧ فى فنلندا .. قلت له ما كنتش أتصور إن أنا وأنت وكانت علاقتنا مع عزيز المصرى علاقة وطنية صرفة .. وكنا نقول إحنا وطنيين لحماية مصر مش لحماية نظام معين .. وكنا دائماً نقول إن أى نظام فى الدنيا له بداية وله نهاية .. كيف وصل النفوذ الموفيتى فى مصر إلى هذا الحد ؟ فكان رده إنه لولا وجود ١٠٠ طيار موفيتى بيحمى سماء مصر .. لم يكن فيه نظام اسمه نظام عبد الناصر .. قلت له أنت تحولت إلى المحافظة على النظام مش المحافظة على مصر .. قال أعتبرها زى ما أنت عاوز .. كان ده آخر لقاء بعد كده رحلت الأمم المتحدة بعد وفاة جمال عبد الناصر » .

• ويقول د. محمد الذكورى : « فى سنة ٦٩ رأس الرئيس السادات الوفد المفاوض للاتحاد السوفيتى .. وكان معنا السيد محمود رياض والفريق محمد فوزى وأنا كنت فى الوفد المصرى .. وقلنا لهم نريد المزيد من السلاح .. والرد الغريب الذى سمعته من قيادات الاتحاد السوفيتى ما تستعجلوش على السلاح .. وقلنا طيب كيف نستعيد أرضنا .. قالوا بالنضال السياسى السلمى المرير .. وكان واضح جداً إنهم كانوا عازرينا نستمر على هذا الوضع حتى يضعوا قبضتهم على مصر لتحويلها إلى دولة شيوعية » .

• ويبلغ الأمر ذروته فى ضرب مصنع « أبو زعبل » و « مدرسة بحر البقر » .. واستعمال قنابل النابالم الحارقة المحرمة دولياً ..

• وجدير بالذكر أيضاً أنه حدثت بطولات كبيرة فى تلك المرحلة .. كما حدثت قبلها .. وفى أكتوبر سنة ١٩٦٧ تم إغراق المدمرة إيلات .. ووقعت معركة « رأس العش » فى نفس العام ...

• ويقول أمين هويدى : « يكفى كان عبد الناصر يقول إن جهازى يجول ويصوب داخل إسرائيل من ناحية مقاومة التغير فى محاولاتهم للحصول على معلومات .. من ناحية الأعمال الإيجابية يعنى ما زال ينشر فى الصحف ما يقال من ضرب « الحفار » فى غرب إفريقيا .. إحنا اللي قفنا به .. وكان فيه محاربتين محاولة فاشلة فى داكار .. وتكررت المحاولة فى أبيدجان وضربناه ودمرناه حتى لا يتجه جنوباً لينس مىمانا فى البحر الأحمر » .

• ويقول أحمد كامل : « جهاز المخابرات جهاز وطنى من الدرجة الأولى .. وقام بأعمال مبهرة على الرغم من حداثة إنشائه .. وأفنكر شوية الحاجات التى أعلن عنها أخيراً ظهرت كتمثيلات أو كحركات تليفزيونية عن أعمال المخابرات .. زى « الهجان » و « زى » الثعلب .. « دموع فى عيون وقحة » .. كل هذه الحوادث كانت حقيقية قامت بها أجهزة المخابرات .. فلا يصح إطلاقاً بأننا نقول المخابرات كلها سيئة .. بينما فيه أعمال عظيمة جداً عملت ولا يمكن أن نقول إن المخابرات بخطأ فرد أو فردين أو ثلاثة من منات الأفراد الذين يعملون .. أن نشوه عمل الآخرين الذين عملوا بجد لصالح الوطن وقدراته .. ده الموقف بالنسبة للمخابرات بالنسبة لجمال عبد الناصر .. وقيل كلام كثير جداً وإحنا من أحسن ناس الذين نُعبر أى كلام .. سقطت دولة المخابرات .. كأن المخابرات كانت دولة داخل الدولة .. وهذا غير حقيقى بالمره .. إنما فيه أخطاء .. أيوه فيه أخطاء حدثت من بعض أفراد أساءوا إلى الجهاز .. وأساءوا إلى العمل » .

• ويقول الفريق أول محمد فوزى : « العدو يوم ٥ يونيو أخذ الأرض ودمر السلاح ونسى يعمل حاجة ثالثة هى مقومة من مقومات الحرب وهى إرادة المقاتل .. بدليل إن المعركة خلصت يوم ١٩٦٧/٦/١٨ يوم ٧/١ أى بعد ٢٢ يوم حصلت معركة صغيرة اسمها « رأس العش » .. نفس الجندى .. نفس السلاح .. نفس الظروف ما فيش حاجة متغيرة .. لأ إن القائد اتغير .. مش بس قائد القوات المسلحة .. والجو بقى فيه هدف آخر اللى هو إزالة آثار العدوان .. وفى هذه المعركة بانث أصالة الجندى .. أنا أنكرك بكلمة قلتها قبل كده فى أن معركة ٦٧ تمت

دون مواجهة بين الجندى المصرى والإسرائيلي .. يعنى الجنود المصريين انسحبوا من سيناء بالجملة دون أن يقابلوا العدو الإسرائيلي .. هذه المعركة أظهرت صلاحية الجندى الحقيقية .. لا تدريب ولا عمل .. هو بعد ٢٢ يوم ومش معقول حاجة تحصل .. نفس الجندى قابل العدو وكانت الظروف تغير القائد .. فى نفس الوقت اللي كان فيه ديان مستنى جمال عبد الناصر أن يستسلم .. كان جمال عبد الناصر واخذ القرار اللي جاء بعد كده من الأمة العربية : إزالة آثار العدوان .. يعنى تحرير الأرض » .

• وأسأل المشير عبد الفتى الجمسى : بعد حرب ٦٧ حضرتك كنت رئيس جهاز الاستطلاع فى المخابرات الحربية .. فمأذا تذكر عن هذه الفترة ؟

• « كان من ضمن أسباب هزيمة حرب يونيو ٦٧ إنه ما كانش عندنا معلومات عن العدو .. المعلومات الكافية التى تؤهلنا أن ندخل فى صراع عسكري وياه .. فى الوقت اللي كانت إسرائيل تتمتع فيه بجميع المزايا التى حققت لها المعلومات الكافية .. وما كانش عندنا جهاز استطلاع .. لإنه كان الاعتماد فقط على إدارة المخابرات الحربية .. اتخذ القرار بإنشاء جهاز للاستطلاع كجزء من إدارة المخابرات الحربية .. يتولى الحصول على المعلومات عن العدو بالقوة العسكرية وليس بالوسائل المتخفية .. بمعنى أصبح أساليب المخابرات الحربية تصير فى مجالها ولحنا كقوات مسلحة عملنا هذه الوحدات التى أنجزت مهامها بكفاءة فى حرب الاستنزاف وبعد حرب الاستنزاف حتى حرب أكتوبر ٧٣ » .

• ويقول عبد المحسن أبو النور : « غالبية وقت عبد الناصر خصصها للقوات المسلحة .. واصطدم كثيراً مع الاتحاد السوفيتى علشان يجيبوا له أحدث الأسلحة .. وبعدين التدريب .. وبعدين تشكيل الجيش تانى من عناصر متعلمة حتى يحسن تدريبها وأسرع وقت مستطاع .. ولم يسكت على هذا الأساس .. ماقلش إحنا لسه نجهز الجيش .. من أول شهر حصلت فيه النكسة بدأ الصراع بيننا وبين إسرائيل .. لم يتوقف .. بدأ فى معركة البحرية .. بدأ فى معركة رأس العش .. ابتدا بعد كل هذا كل يوم يتمسك وكان الهدف من هذا .. أولاً الحفاظ على الروح المعنوية للبلد وإننا لم نصبح جثة هامدة .. ثانياً منع إسرائيل من إنها تركز أقدامها » .

• وأسأل محمد نسيم : البطولات التى وقعت فى فترة حرب الاستنزاف شاركت فيها .. تقدر تحكى لنا عن هذه الفترة ؟

• « يعنى دائماً هى كانت الحرب مجالاً لعمل المخابرات بالنسبة للدول العربية وإسرائيل ومصر على القمة .. طبعاً هذا الموضوع وزى ما بيقلوا الجماعة المحترفين فى مجموعة العمل السرية .. يعنى هى حرب دهاء ما بين القوتين .. مصر وإسرائيل .. بالنسبة لعمليات التجسس .. وكانوا بيعملوا حساب للمخابرات المصرية .. لإن الجهاز له تاريخه وله كيانه .. « رأفت الهجان » طبعاً ده ظهر خلاص .. لكن الأول خالص أنا وصالح مرسى عملنا قصة « الحفار » .. يعنى الجهاز وافق على إخراجها وإنها تصور للرأى العام العربى والمصرى .. فأرادوا أن يردوا وبدأوا يعملون عن طريق أحد الصحفيين عندهم فى أحد الصحف

الإسرائيلي .. يقول لك إن هذا كان عميلاً مزدوجاً .. وطبعاً لكي يشككوا في العملية .. فكلمني الأخ عادل حمودة وصالح مرسى قالوا لي هل نرد ؟ فكان رد الأخ عادل حمودة وصالح مرسى ثم أنا شخصياً رديت عليهم قلت لهم .. مثل هذه العمليات ضخمة يعنى عملية مثل : رأفت الهجان ؛ لما تيجي تقول لي ده عميل مزدوج .. أتحدكم أن تظهروا صوره أو اعترافاته وخلافه وإنه كان يعمل معاكم .. ده مرة واحد .. مرة ٢ إنتم سنة ٦٧ وصلتم للقناة وكان الوضع في مصر في حالة يرثي لها .. طيب لو في ذلك الوقت حاجة زى كده كنتم أعلنتموها وأظن كنتم بقى ممكن تجيئونا الأرض .. مرة ٣ إنتم انضربتم ضربة تمام في ٧٣ .. إذن .. إنتم كده لا ده تعمل ولاده اتعمل !!

● ومرت شهور الصمود على جنونا ببطء وهم في خنادقهم .. وبدأت شهور الردع .. ونجح عبد الناصر في أن يبني نظاماً دفاعياً قوياً هو حائط الصواريخ سام ٣ الذى اكتمل في أوائل سنة ٧٠ ..

● ويقول د . عبد العظيم رمضان : « هو الذى بُنى في أسوأ الظروف تحت قصف الطائرات والمدافع الإسرائيلية وبتضحيات مصرية كبيرة .. وكان الغرض الأول منه إيقاف هجمات الطيران الإسرائيلي » .

● ويقول كمال الدين حسين : « عبد الناصر صمم أن يبني حائط صواريخ بكل التضحيات .. وفعل فيه ناس عسكريين ومدنيين كثير ضحوا بأنفسهم علشان الصواريخ دى .. بس دى كانت الملاذ الأخير علشان نقدر نحمل بلدنا من الطيران الإسرائيلي ونحمي جيشنا من الطيران الإسرائيلي .. إذا كان فيه عمليات هجوم تحصل بعد كده زى ما كان جمال عبد الناصر ما كان يهوى .. كان لازم الصواريخ علشان تمهد للعمليات ونحمي الضرب وقواتنا .. فكان أى هجوم مرتبطاً بالصواريخ اللي سوف تحمي البلاد كلها » .

● ويقول سعد الشاذلى : « نقدر نقول إن بناء قواعد الدفاع الجوى استكملت في حوالى يونيو ٧٠ .. استكملت بالقدر الذى يستطيع أن يتحدى إسرائيل .. إنما عمر الدفاع ما ينتهى .. باستمرار لما بيكون عندك بتزيد .. إنما وصل إلى مرحلة الشباب ومرحلة القدرة على التصدى لطيران العدو سنة ٧٠ .. وفي يونيو ٧٠ استطاع الدفاع الجوى أن يوقع ١٢ طائرة .. فهو النهارده العيد القومى للدفاع الجوى .. أسبوع تصاقط الطائرات .. كل ده يؤكد إن الروس ساعدونا مساعدة جادة في خلال الفترة من ٦٧ لغاية ٧٣ » .

● وأسأل الفريق أول محمد فوزى : هل الاتحاد السوفيتى كان يقدم لمصر أسلحة دفاعية وليست هجومية ؟

● « هذا خطأ .. لم يحدث هذا .. كان الكلام ده قبل ٦٧ .. بعد ٦٧ الاتحاد السوفيتى انفتح فتحة لم تكن ننصورها .. كان يخبىء علينا الحاجة .. ما بقاش يخبىء في الآخر .. سنة ٧٠ إن إحنا بقينا أحسن من أى دولة أخرى في حلف وارسو .. وأنا أخرجت في يوم من الأيام جاء وزير الخارجية ووزير التجارة التشيكى يزورنا .. فقال أحب أشوف المعامل اللي عندكم .. لإن إحنا

كنا طالبين ورشة كبيرة علشان نصمم موتورات الطائرات ونصمم أشياء في الصاروخ .. عدلناه هنا في مصر بدلاً من إرساله إلى روسيا .. للتشيك كانوا جيعملوا المصنع .. رحنا إلى حلوان وقال ماذا يعمل هذا ؟ ووجدنا خبير روسي طالع على السلم ليركب موتور طائرة جديد رقم ٥١١ محل الموتور القديم .. ظهر إن التشيك لم يأخذوا هذا الموتور .. الرجل سافر هناك وعمل أزمة دبلوماسية .. أنا اللي وقعت فيها إني أنا وديت الرجل وفرجته على كل هذا .. إحنا وصلنا في الآخر إلى إن إحنا أخذنا الإلكترونيات وأخذنا الأسلحة الحديثة بلاش تقريباً .. وأنا قلت لك كلمة بلاش دي هي ترجمة للحالة المالية التي كانت موجودة بين مصر وبين الاتحاد السوفيتي .. كنا نأخذها بثلاث ثمنها اللي بيكتب على الورقة نأخذها سياسياً ولا نأخذها تجارياً .. يعني أنا قارنت ما بين « الإيف » ١٦ « والميج » ٢١ .. الناحية المالية تتدهش لو تعرف إن الاربعة مليون اللي كنا ندفعه في الميج ٢١ نط وبقي ٢٤ مليون دولار .. هذا الموقف يستحق الإشادة أو التتوين .. كلمة الحروب المكلفة وكلمة الاتحاد السوفيتي كان علينا دون نتيجة التسليم .. الكلام ده كله خطأ .. كنا نأخذ الفلوس ونعمل تعاقدات ونعمل أفساط .. والفائدة لا تزيد عن ٢% .. وكل الكلام الرسمي يتخط على الورق .. لكن الحقيقة لأ .. الحقيقة كنا بنحط على النونة .. حتى النونة دي اصطلاح أنا علمته زى ما كنت بأجيب لأمي حلوة طحينية بـ ٣ أبيض زمان ..

* بس كنت حضرتك لازم تسددها في الآخر ؟

* « طيب إحنا الوقت لغاية عبد الناصر لم ندفع ولا مليماً .. إيه رأيك حاجة ثانية .. بريجنيف جاء سنة ٦٤ علشان يأخذ ود الثورة المصرية وود عبد الناصر وراح ماسك القلم الأحمر وراح شاطب على ٥٠% من الديون العسكرية الموجودة على مصر من سنة ٥٥ .. حافظ إسماعيل جاب أول دفعة سنة ٥٥ من التشيك هي روسية ٥٠% وبمدين أسلحة ٥٦ جاءت مجاناً .. خسرتها .. أسلحة ٦٧ اللي خسرتها جاءت لنا مجاناً .. لم توضع على « اللسة » .. دي كانت دفاعية .. لكن بعد ٦٧ كل الأسلحة جاءت لنا .. كلمة دفاعية وهجومية موضوع ليس عند أي رجل مدني .. الدبابة نقول عليها هجومية ولا دفاعية .. تنفع هنا وتنفع هنا .. وهي الدفاع أو الهجوم .. »

● وعلى الصعيد العربي ثالث دول الخليج استقلالها تبعاً .. وكانت إنجلترا قد انسحبت سنة ١٩٦٨ من اليمن الجنوبي بعد تدعيم مصر له .. كما قامت الثورة في كل من الصومال والسودان .. وكان صدام حسين نائباً لرئيس حزب البعث العراقي أيامها .. وفي هذه الفترة رحبت مصر بثورة الفاتح من سبتمبر في ليبيا بقيادة الملازم أول معمر القذافي سنة ١٩٦٩ ...

* ويقول أمين شاكور : « في ليبيا .. الملك السنوسي كان رجلاً طيباً .. لكن البطانة اللي حول كانت بطانة سيئة جداً واستغلالية .. وكانوا مسيطرين على تجارة البلاد سيطرة تامة .. وأنا قايلاً مرتين وكلمته إنه يختار من الشباب الجديد أو اللي اتعلم بره .. بعض العناصر مع الناس »

يعملوا نوع من التوازن .. هو ما كانش عنده مانع .. لكن ما قدرش .. لذلك الثورة اللي قام بها العقيد القذافي دى مش ثورة .. ده رجل طلع ضرب طلقتين زى فرح العمدة وقع النظام والجماعة اللي حول الملك السنوسى .. كانوا « طفحانين » فلوس حيقعدوا يعملوا إيه تانى .. حطوا رجلهم فى الطائرة وراحوا مشبو .. ولما جاء هنا الحقيقة إن عبد الناصر أكرم ضيافته جداً وأعطينا له قصرأ فى الإسكندرية وسكن فيه » .

* **ويقول الفريق سعد الشاذلى :** « الدول الخليجية كلها أخذت استقلالها تباعأ فى خلال السنتين التى تبعت هذه الحرب » .

* **ويقول محمد فائق :** « بعد ٦٧ لما قامت الثورة فى السودان ثم فى ليبيا وكذلك الصومال .. وكانت كل مرة هذه للثورات تعلن فى أول بيان إنها امتدادأ لثورة يوليو ومصر مهزومة بهذا الشكل وفيها النكسة أو الهزيمة العسكرية الخطيرة فى ٦٧ .. لاشك هذا يرفع المعنويات وكان له تأثير كبير فى معنوياتنا عموماً » .

* **ويقول البكوش :** « بعد قيام الثورة طبعأ ليبيا كانت لتوها قد استغلت .. وكانت حاجتها أشد إلى المعونات .. وقامت ثورة ٥٢ لليبيا مساعدات مادية ومساعدات بشرية لدرجة إننى أستطيع القول بأن كل الذين كانوا يدرسون فى ليبيا ويتولون الوظائف عقب الاستقلال فى سنة ٥٢ كانوا إما ليبين تعلموا فى مصر .. وإما مصريين .. وزاد عدد البعثات الليبية إلى الجامعة المصرية وتواصلت الصلات ونشطت .. بالنسبة للتأثير الإعلامى طبعأ لم يكن لمصر قبل سنة ٥٢ نشاط إعلامى ملحوظ خارج مصر ولكن من حصال ثورة ٥٢ إنها وسعت من نشاطها الإعلامى فكان لهذا تأثيره الكبير فى ليبيا وفى تكوين الرأى العام فيها سواء حسبنا هذا لها أو عليها » .

* **قيل إن الرئيس عبد الناصر قال للعقيد معمر القذافي إنه يرى فيه شبابيه .. ما مدي صحة هذا القول ؟**

* « نعم سمعت من عدة مصادر أن الرئيس عبد الناصر قال هذا الكلام للعقيد القذافي .. بل أضيف إلى ذلك أن الرئيس عبد الناصر فى زيارته لليبيا وفى خطاب أعلن قال للعقيد القذافي أنت أمين القومية العربية .. ولعل هذه المقولة أو تلك هى التى جعلت الأخ العقيد يعوم فى بحار من الطموحات غير الواقعية .. ودفعت به إلى اتخاذ سياسات خاطئة وضارة ضد مصر وضد بلاد عربية كثيرة .. فهى التى ألهمته أن أمامه فرصة لحكم المنطقة العربية كلها .. وطبعأ هذه طموحات غير واقعية بالنسبة لليبيا وإمكاناتها .. وغير واقعية أكثر بالنسبة لمؤاملات الأخ العقيد » .

* **وأسأل د . عبد العزيز حجازى :** بعد نكسة ٦٧ حضرتك توليت وزارة المالية .. فماذا وجدت وماذا فعلت ؟

* « أول حاجة الجيش والخسائر التى حدثت من خلال معركة ٦٧ كانت عازرة تجديد كلها .. يعنى عملية دعم للمعركة .. وبالتالي كان ده رقم واحد .. المعركة والأمن القومى نمرة واحد ..

نمرة ٢ الخطط .. التنمية كانت بحاجة من ٦٠ إلى ٦٥ وهى من أكبر الخطط التى نفذت وجاءت بنتائج إيجابية كبيرة .. إنما بعد النكسة بدأت أرقام الاستثمار تقل .. كان علينا واجب واحد أن نحافظ على المستوى المعقول .. لأن الأولوية للمعركة .. إذن الموازنة تخدم المعركة ولا تخدم التنمية بالتدرج الذى كان متوقع أن يحدث » .

• ويقول مصطفى كامل مراد : « النظام جاء بعد ٦٧ أصابه نوع من الارتباك .. عبد الناصر كان يعانى من الهزيمة وكانت حالته الصحية مش تمام .. وكان يحاول إن هو يجمع قواته وإمكانياته علشان عملية الهجوم المضاد بتاع اليهود وبما سمى بحرب الاستنزاف .. فكانت الأوضاع متدهورة من الناحية السياسية ومن الناحية العسكرية أيضاً ولذلك كان فيه ارتباك وبدأوا ينظروا ناحية الاشتراكية أكثر » .

• ورغم حرج الأوضاع الاقتصادية الداخلية .. فقد تضاعفت كل الجهود لإزالة آثار العدوان وأصبح « لا صوت يعلو على صوت المعركة » ...

• ويقول أحمد حمروش : « قد انخفض الاستثمار عام ١٩٦٨ بمعدل ٥٠٪ عن مستواه سنة ١٩٦٧ .. واستمر الانخفاض بعد ذلك كنتيجة للآزمات الشديدة فى النقد الأجنبى منذ عام ١٩٦٣ » .

• وركز صوت الفن على دعم المجهود الحربى الذى بلغ مليارات الدولارات ...

• ويقول جمال حماد : « قامت كوكب الشرق أم كلثوم برحلاتها لهذا الغرض إلى دول كثيرة لجمع التبرعات » .

• ويقول سامى شرف : « اهتمامه بالمسرح والمسرح الناقد مش المسرح المؤيد .. ما المؤيد أنت تقدر تجيب مليون واحد يؤيدك بالترويج أو بالترهيب .. لكن تجيب مسرحاً باقداً مش سهل .. « سكة السلامة » وأعمالاً لألفريد فرج و « شىء من الخوف » وعطريس وفؤادة .. ومن أول ما سمع عليها الرئيس وشاف ثروت عكاشة وقال له عطريس ده يعنى جمال عبد الناصر وفؤادة دى مصر .. عمل لجنة من عبد القادر حاتم وأمين هويدى وسامى شرف وشعراوى جمعة وثروت عكاشة .. ورحنا شغافها فى عرض خاص .. ثروت عكاشة كان متبنياً رأى المنع هو والمشير عبد الحكيم عامر .. ومعانا على نور الدين النائب العام فى ذلك الوقت .. مش عارف جاء معانا ليه .. شغافها يومها .. واحد بينقد المجتمع .. طيب ما هو لازم ينقد المجتمع .. قلنا للرئيس .. وجدنا الرئيس شافها فى عرض خاص وقال ده يمشى يا ثروت ما بتقاش مغفلًا .. اهتمام بالسينما .. بفيلم « بورسعيد » وفيلم « ميرامار » .. أفلام كثيرة .. كل ده كان فى الستينات .. وكان الرئيس يهتم بها ويطلب إنه أكبر عدد ممكن من أعضاء الاتحاد الاشتراكي إنهم يروحوا كسبايسين كتوجيه حزبى .. إن أكبر عدد يروح ليه .. علشان يتعلم .. أنت لما كل واحد يقولك براقو أنت ماشى صح كله تمام يا ريس ما دى بتضيق .. إنما لما بنأفقه وبأعارضك والمعارضة مش للمعارضة .. ما هو فيه معارضة بناءة مبنية على مفاهيم معينة » .

• ويقول أحمد المصرى : « اسمح لى أقول لك حاجة غريبة جداً .. فى ظل ٦٧ كنت تولد

هيئة المسرح في ظل هذه الفترة .. وفي ظل عبد الناصر المجروح في ٦٧ قمت أكثر من عشرة مسرحيات كلها تناقض الوضع » .

• ويقول محمد فائق : « بعد الحرب بدأنا نفوق .. الحقيقة فيه تغيير شامل في خطة الإعلام بالكامل ناحية الحقيقة والأخبار التي تقال .. لدرجة إن حتى إحتا طبعاً وزارة الإعلام .. لا تملك إنها تغير البيانات العسكرية .. أعطيك بيانات عسكرية تنيعها لا تغير فيها .. ولكن كان فيه اهتمام بالتدقيق في الأخبار بشكل كبير جداً .. قابلتنا مشكلة النغمة الصحيحة .. طيب إحتا عارفين بعد حرب ٦٧ مش حانقدر نحارب .. قبل سنتين أو ثلاثة على الأقل .. والبني آدم لا يتحمل إنك تفضل تشمن فيه لغاية ما نحارب لأنه عارف حيمسنى سنينا .. مستحيل .. الناس بتطالب بالنغمة الصحيحة فكانت أزمة أو مشكلة كبيرة جداً .. وبالمناسبة وسط الهيصة دى عملنا محطة الموسيقى والبرنامج الثاني .. وعشان أخرج من هذا المأزق بأقول طيب يتعمل برنامج اسمه « ما يطلبه المقاتلون » .. ونزل الميكروفون للخنادق وبقينا نسأل العساكر » .

• ومبصير أحمد سعيد ؟

• « بعد ٦٧ هو جاء لى .. كان متعباً جداً .. قال خلاص .. وأنا لا أطلب من واحد يمسك الميكروفون ويقول كلمة لا يؤمن بها .. اللي مش مؤمن بهذه الكلمة بدون مساس بأى شيء .. لكن الحقيقة هو ما قدرش يتحمل بعد ٦٧ .. فى الإعلام ما كانش فيه الضغط على الناس .. كانت دعوة أكثر منها موظفين يقولوا وبينفخوا سياسة معينة .. فكان فيه تعليمات طبعاً فى السياسة .. لكن كان ببني بعد كده متروكاً للشخص التعليقات فى مساحة كبيرة من الحرية » .

• وحديث محاولة للتخفيف من حدة الصراع العربى الإسرائيلى ...

• ويقول محسن محمد : « قال خالد محبى الدين وهو فى باريس إنه سمع عن اتصالات بين عبد الناصر وإسرائيل .. ولا أستبعد أن يكون أحمد حمروش قد ذهب والتقى بجولد مان بناء على رغبة عبد الناصر .. وأنا رأيت الشخصى أن عبد الناصر كان لا يمانع فى التصالح مع إسرائيل ولكن .. كانت تنقصه الشجاعة » .

• وأسأل أحمد حمروش : هل كنت تجرى اتصالات بجولد مان رئيس المجلس اليهودى الأعلى من أجل السلام .. وكانت هذه الاتصالات سرية بناء على تعليمات الرئيس عبد الناصر ؟

• « كنت فى زيارة لفرنسا وحاولوا أن يفسروا الوضع فى إسرائيل بأنه ليس كله أسوداً .. وليس موحداً .. وأن هناك فرصة داخل المجتمع الإسرائيلى من أجل السلام .. وأبلغت الرئيس عبد الناصر الذى وافق للهدف التالى : تشتت حرب الاستنزاف كل يوم ضغطاً على إسرائيل وتسبب لها ضحايا توارفها .. والفرصة سانحة لإظهار أن نية مصر هى السلام .. وقابلت جولد مان عن طريق صديق مصرى الأصل صحفى بجريدة « لوموند » بعد أن وصلته دعوة من خلال الرئيس اليوغوسلافى تيتو لتسهيل زيارته لمصر .. وأشر الرئيس عبد الناصر « اتقد صداقة معه » .. وصرح جولد مان عن رغبته فى السلام .. بينما ثارت جولدا مائير بسبب هذا

التصريح .. وهبت عاصفة من المظاهرات فى إسرائيل تهتف : إلى المطبخ يا جولدا .. إلى القاهرة يا جولدا مان .. وكان الرئيس قد أعلن ذلك للمؤتمر القومى للاتحاد الاشتراكى .

• ولم يعد مع عبد الناصر أحد من زملائه القدامى غير السادات والشافعى ..

• ويقول إسماعيل فريد : « انتهى حكم عبد الناصر .. وليس معه ضابط من الضباط الأحرار فى الحكم من وزراء وخلافه .. كل اللى إنت شقتهم دول من خارج الضباط الأحرار .. عبد المحسن أبو النور كان انفصل عننا هو وحماة محسن .. ولما تيجى تلاقى على صبرى .. كل دول لم يكونوا أحراراً .. وانتهى حكم عبد الناصر وهو الضابط الحر الوحيد .. حتى أنور السادات نائب رئيس الجمهورية وحسين الشافعى .. دول انضموا للثورة .. لم يكونوا فى تنظيمات الأحرار .. بخلاف ما ذكر أنور للسادات فى كتاب « البحث عن الذات » .. ولا حسين الشافعى .. هو رجل عظيم ودخل فى الثورة وهو اللى خرج بصلاح السورى وسلاح الدبابات » .

• ويقول أحمد أبو الفتوح : « غضب عبد الناصر من السادات .. وابتعد السادات ومكث فى قريته .. ثم أراد أن يصلح بينه وبين الرئيس فأرسل إليه من يخبره أنه مريض فى فراش الموت ويتمنى أن يرى عبد الناصر .. فذهب عبد الناصر ليلقى عليه النظرة الأخيرة .. فاستقبله السادات بالجلباب على باب البيت .. فقال له عبد الناصر : الله ما إنت فى كامل صحتك أهو .. أمال إيه الحكاية ؟ فقال له السادات لما شفتك ردت فى الروح .. هو اللى يشوفك يمرض يا ريس !! » .

• ويقول د . محمود جامع : « كان عبد الناصر يمر بوعكة صحية .. وكان السادات من أكثر الناس حرصاً على زيارته باستمرار .. ويجلس معه ويسامره ويرقه عنه » .

• وتقول د . هدى عبد الناصر : « الرئيس السادات ما كانش بيبجى لنا كثيراً .. وكان قَرَب لوالدى فى الفترة الأخيرة ولم نشعر بابتعاد السيد حسين الشافعى عن والدى » .

• ويقول د . محمود جامع : « ليس صحيحاً على الإطلاق ما قاله سامى شرف فى كتابه أن الرئيس عبد الناصر قد أعاد السادات نائباً له من أجل منه معاش كبير » .

• وأسأل سامى شرف : من كانوا نواب الرئيس عبد الناصر فى أواخر شهور فى حياته ؟
• « أنور السادات » .

• وحسين الشافعى ؟

• « لأ حسين الشافعى لم يكن نائباً .. حسين الشافعى مع احترامى وتقديرى العظيم له يقولون إنه لم يصدر قراراً بتعيينه .. لكن الذى كان نائباً لرئيس الجمهورية الذى صدر قرار بتعيينه نائباً لرئيس الجمهورية فى ديسمبر سنة ١٩٦٩ كان أنور السادات .. وفى إعادة التنظيم نشر تعيين أنور السادات .. لا على صبرى ولا حسين الشافعى أعيد تعيينهما » .

• متى كان هذا ؟

• « فى ديسمبر سنة ١٩٦٩ » .

• بينما يقول حسين الشافعى : « استمرت العلاقة مع عبد الناصر على ما يرام .. لإنى عمري ما أخذت أى موضوع كعملية شخصية .. لإنى رجل لى دورى فى الثورة ومؤسس .. ومش معقول إن أى حاجة يراها القائد أنا أخذها بصفة شخصية .. بأعتبر إن دورى فى هذا الموضوع انتهى لحد هنا وخلاص .. إنما أن أخذها شخصية وأستقيل هى دى الحقيقة اللى خسرت الثورة .. طلاقات كبيرة جداً كان من الممكن أن لا نخسرها .. طبعاً فى الجانب الآخر كان فيه ناس ببرحبوا ببتمنوا لإن أى واحد من هذه المجموعة يطلق .. كما أقول هناك من صنعوا الثورة .. من صنعوا الثورة فهم حريصون عليها .. أما من صنعهم الثورة فهم حريصون على أنفسهم » .

• وأسأل سامى شرف : طيب حسين الشافعى لماذا ترك يا فندم ؟

• « سابع يعنى إيه ؟ »

• « ما بقاش نالپ ؟

• « لا أعرف .. افترض النهارده أنا بأشتغل عندك فى الشركة بتاعتك وأنت حببت ورحت عامل إعادة تنظيم الشركة وما حطنتش فيها » .

• « خلافاً مع الرئيس أنور السادات عندما كان نالپاً فى أثناء سفر الرئيس عبد الناصر .. ماذا تقول عنه ؟

« مش خفاقة .. هو تصرف خاطيء ما تعودتش عليه .. ومش أنا بس وكان بيشاركنى فى هذا الأخ أمين هويدى والأخ شعراوى جمعة الله يرحمه .. فيه تصرف خطأ إحنا لا اتعودنا عليه ولا نقبله .. وقلنا له ما يصحش .. قلما رجع الرئيس بلغناه واتلقى القرار » .

• ويقول خالد محبى الدين : « أنور السادات الوحيد اللى فضل نائب رئيس جمهورية مع الرئيس عبد الناصر » .

• وأسأل سامى شرف : الرئيس فى سنوات عمره الأخيرة لم يبق معه إلا قلة قليلة .. وتخنى هو عن زملائه ؟

• « أنا الشخص الوحيد .. وآسف على كلمة أنا للمرة الثانية .. أنا الشخص الوحيد وحط تحت كلمة الوحيد مائة خط الذى عمل مع جمال عبد الناصر من يوم ٢٣ يوليو لغاية ٢٨ سبتمبر .. لغاية لحظة وفاته .. لغاية ما توفى .. ولم أغادر مكائى .. الآخرين .. أمسك من أول النزوب لأصفر الناس فيه اللى قعد فى بيته .. وفيه اللى ترك الوزارة .. وفيه اللى انتقل له فى الظل شوية .. الخ .. أنا الوحيد اللى فضل معاه .. أنا لست مثل « شمشور » (سلطان الجان) على جمال عبد الناصر .. لأ جمال عبد الناصر أخننى بنراعى وبعملى وبجهدى مش بالواسطة

ولا بالمحسوبية ولا بقرابة ولا بمعرفة سابقة .. إلا التدريس درس لى وكان أستاذى .. وبقيت معه على هذا الأساس » .

• أفهم من كده أنك كنت الشخص الوحيد المصيب فى كل المجموعة التى عملت مع الرئيس ؟
• « والله اللى ماسك لى ذلة يقولها لى » .

• أنا قصدى : كل من عمل مع الرئيس ، لم يكمل معه مثلك ؟

• « كل من حول عبد الناصر إذا كان شخص أبعد أو وُضع فى الظل فترة أو استريح شوية أو ما كملش .. فبيكون هناك أسباب .. الأسباب هى العمل مش أسباب يسموها شخصية .. يعنى جمال عبد الناصر ما كانش بييجى للأستاذ طارق حبيب ويقول له كرافتك مش عجبانى ويقول له أقعد فى بيتكم .. لآ ما يبقاش جمال عبد الناصر .. إنما التهارده حضرتك بتشتغل مع جمال عبد الناصر وارتكبت خطأ .. يقولك ١ .. المرة الثانية يقولك ٢ .. المرة الثالثة يقولك ما أقدرش أتعاون معاك » .

• حتى ولو كان خطأ بهتف وطنى أو منطقى أو غير مقصود ؟

• الأخطاء بتختلف .. فيه أخطاء مقصودة .. وفيه أخطاء غير مقصودة » .

• واختلاف وجهة النظر ؟

• « عمره ما كان اختلاف وجهة النظر سبباً فى تنحية أحد .. عمرها ما حصلت » .

• وسافر ناصر إلى موسكو للعلاج وعاد فأعاد علاقته ببغدادى .. بعد أن أبعد الشافعى ...

• ويقول كمال الدين حسين : « أنا عارف قبل ما يموت مباشرة كان علاقته كويسة مع البغدادى .. وكان قال له وأنا واثق من هذا الكلام .. إننا سوف نجتمع بعد مؤتمر العرب اللى حصل فى القاهرة .. وكان سوف يعينه نائباً لرئيس الجمهورية ورئيساً للوزراء .. وكان قطعاً سوف يحصل تغيير فى مصر .. لكن القدر لم يمهل أن يعمل هذه العملية » .

• ويقول عبد اللطيف بغدادى : « كان أبنى طارق فى الجامعة الأمريكية .. وبعدين ببندرس كمبيوتر .. زى ما تقول حسب اللاتحة بتاعتهم ممكن ينسحب من « الكورس » بتاعه ويروح بندرس ويرجع تانى يعيد قيد نفسه .. عمل كده .. وأخذ « كورس » فى الكمبيوتر وكان عاوز يشتغل فى الكمبيوتر بعد الظهور وجيب لنفسه دخلاً .. لما راح يعيد قيد نفسه تانى قالوا أسفين فيه أوامر بعدم إعادة قيئك .. كان حكى لى فأننا لم أصدق .. قلت له مين اللى قال لك ده .. قال لى دكتور مسئول عن شؤون الكلية كان بيشتغل معانا زمان .. فطلبتة قلت له صحيح .. قال لى آه .. دى أوامر جاءت لنا .. قلت له يعنى عاوزين ترموا أبنى فى الشارع .. لأن البديل بعد ٣ سنين فى الجامعة الأمريكية أسفره بره .. ما دام أنتم قافلين الباب عليه .. أنا إمكانياتى لا تسمح لى إنى أسفره بره .. قال لى على العموم ما أقدرش أعمل حاجة الدكتور نزيه ضيف مسافر بره أمريكا وزمانه جاى .. حييجى بعد يومين .. نزيه ضيف كان الحارس على الجامعة

الأمريكية .. وكان يشتغل معاً في التخطيط أيام ما كنت وزيراً .. فقلت طب ما هو يقول
دى تعليمات برضه .. فقمت كاتب جواب لعبد الناصر .. ثم طلبنى فى التليفون بعد ثلاثة أربع
ساعة قال أنا كنت مسافراً .. وأنا قلت لسامى شرف وأمين هويدى وشعراوى يشوفوا العملية
دى وحأعطى التعليمات .. على العموم هو قبل كده .. محمد نصير زوج ابنتى جاء من شغله
من لندن .. فحجزه وما رجعت تانى » .

• وكان إيه المقصود بالحاجات دى ؟

• « بضايقتى .. وإنى اتصل به وأذل نفسى وأكلمه وأرجوه .. وفى حديثنا جاب سيرة محمد
نصير .. كان هيك طلبه يشتغل معاه ويمسك الكمبيوتر فى الأهرام .. وجاء قال لى اشتغل
قلت له اشتغل .. المهم قال لى عبد الناصر نصير بيأخذ خمسة آلاف جنيه فى السنة .. وكان
ده أقصى مرتب .. وقال لى أهو يشتغل دلوقتى وبيأخذ مرتب كويس وقال لى مر على ..
رحت له البيت ومشينا فى الجنينة وأول كلمة قالها لى أنت كنت على حق بالنسبة لعبد الحكيم ..
وقلت له يستحسن تبقى أنت تكلمنى أنا فاضى .. ابتدينا نلتقى يومياً .. الكلام ده فى يناير ..
وبعدين رحنا إلى الإسكندرية فبقينا نلتقى يومياً » .

• « ويضيف عبد اللطيف بغدادى : « عبد الناصر كان عاوز يطلب منى أن نتعاون .. ومش
عاوزنى أرفض .. عاوزنى أخدنا بالهداوة شوية شوية .. ومن هنا بدأ الحوار .. وبعد عزومة
ابنتى صملت لهم عشاء هنا .. بقينا نتناقش .. لقيت المعلومات الللى عندى أكثر من إخوانا الللى
بيشتغلوا معاه .. جينا بعد كده .. فى الإسكندرية قال أنا عاوز أريح شوية وعاوز أفرغ للجيش
والاستعداد للمعركة وعاوز أحد يشيل عنى العبء الداخلى » .

• « ويقول رشاد مهنا : « هات واحد بقى مع جمال عبد الناصر إذا كنت تعرف .. أنور السادات
بقى مع جمال عبد الناصر .. يعنى أدركها » .

• تفكر فيه ؟

• « لأن أنور السادات له عمق فى التفكير وله هدف فى حياته يصل إليه بأى وسيلة أيا كانت » .

• « ويقول محمد أحمد : « يعنى لما كنا فى روسيا فى رحلة العلاج .. وكان معانا أطباء
مصريين .. وجميع الأطباء الللى هناك قالوا له أولاً لا تشتغل أكثر من ٤ ساعات فى اليوم ..
تأخذ يومين فى الأسبوع راحة لا تشتغل بعد الظهور خالص .. تأخذ شهرين فى السنة راحة ..
قال لهم الله إذن أصبحت أنا لا أصالح .. أنا مستعد أترز على طول والبلد يستلمها أحد تانى ..
ويكون يصلح .. قالوا له لا لو مشيت على الكلام ده تصلح .. الللى حصل بعد ما رجعنا بدل
ما كان بيشتغل ١٤ ساعة فى اليوم بقى يشتغل ٤٠ ساعة فى اليوم .. يعنى إن خلص الاجتماع
مثلاً الساعة ١٣، ٢٠ - ٢٠ تلاقىه بيص للفريق فوزى ويقول له يا سيادة الفريق أرجو لا تنسى تمام
٥، ٣٠ على ما نروح تبقى الساعة ٣ لأن فيه دورية طالعة فى عمليات الاستنزاف فعاوز أطلعن
الدورية دى طلعت ولا لا .. مش جاى لى نوم .. دول رجعوا ولا ما رجعوش حصل إيه عملوا

إيه .. فكان شغله زاد مش قل .. ويعمدن فى ليبيا حصل إيه .. بعث جابب القذافى وأعوانه وإداهم اللي فيه التصيب .. وقال لهم روحوا .. وقال لى مش عاوز تكلمنى .. ولا تليفون .

• **ويقول تحسين بشير :** الرئيس السادات .. وهو نائب رئيس كان شخصاً غير مهم فى الدولة .. يعنى أمور الحكم لم تكن فى يده رغم إن عبد الناصر اختاره فى مجلس الثورة بسبب إنه أيده طول عمره تأييداً كاملاً .. لأن السادات كل بطل يشغل فى السياسة .. وهو نائب رئيس جاء رئيس تحرير النيوزويك للشئون الخارجية وكان رجلاً كبيراً ورحناً قابله فى بيته فى الهرم .. وكان لا يقول شيئاً كان كلامه فيه عموميات مملة إلى درجة إننى ابتديت أنام لأن الدنيا حر .. ويقاع النيوزويك معاه المصور .. وكل شوية يصورنى علشان يصحبنى .. لأنه كان كلاماً لا يعنى شيئاً .. إلا إنه ما أن تولى الحكم - وتولىه الحكم لم يكن سهلاً - انقلب تماماً .

• **ويقول أحمد حمروش :** عاد على صبرى للظهور من جديد .. لأن وجوده مهم فى نجاح لعبة التوازن التى يلعبها جمال عبد الناصر .. ويوم ٢٦ أبريل ١٩٧٠ حدث تغييراً وزارياً .. عين فيه كل من حسن التهامى وسعد زايد وسامى شرف وزراء دولة .. كما عين محمد حسنين هيكل وزيراً للإعلام .. وعين أيضاً حافظ إسماعيل رئيساً لهيئة المخابرات العامة .

• **وأسأل د . محمد الدكرورى :** كنت مدير مكتب الرئيس السادات قبل ما يبنى رئيس .. وكنت أمين المنيا .. ما الذى تذكره عن هذه الفترة ؟

• **أنا كنت أميناً للمنيا .. ولم تكن بينى وبين الرئيس السادات علاقة سابقة .. وبعد النكسة بدأ الرئيس جمال عبد الناصر بعيد تنظيم الاتحاد الاشتراكى والتقى بأمناء المحافظات وناقشهم عن أسباب النكسة .. ولما أعاد تنظيم الاتحاد الاشتراكى كان الرئيس السادات فى هذه المرحلة أقرب واحد له وقتها .. كنت أعمل مع الرئيس عبد الناصر فى سكرتارية المعلومات .. وطلبنى السادات لمقابلته .. فذهبت إلى بيته فى الهرم وقال لى يا محمد إنى كلفت بلجنة سياسية مكلفة بمقابلة الدكتور الأتاسى رئيس سوريا .. يعنى أنا لطبيعى كصعيدى استجبت وذهبت فعلاً إلى سوريا .. وكنا أربعة : السادات وأنا والمرحوم محمد عبد السلام والدكتور محمود جامع .. والتقىنا بالرئيس الأتاسى رئيس سوريا .. وهذه الرحلة نجحت فى إذابة الثلوج .. فى هذه الفترة كان الرئيس جمال عبد الناصر قد اشتد عليه المرض .. وكان يسير دقة الأمور مجموعة على رأسها السيد على صبرى تضم السيد سامى شرف والسيد أمين هويدى والسيد شعراوى جمعة .. كان الرئيس عبد الناصر لابد أن يختار شخص يخفف عنه .. وكان وقتها اختار السادات نائباً لرئيس الجمهورية .. وأعتقد إنه قد أوصى لعبد الناصر ألا يعطى للرئيس السادات حجم أكبر من اللازم .. وقتها مرض السادات ولزم الفراش فى ميت أبو الكوم .**

• **وفى أغسطس عام ١٩٧٠ ظهرت مبادرة روجرز بعدما طلب عبد الناصر من نيكسون حل الصراع العربى الإسرائيلى فى خطاب أول مايو .. وكانت المبادرة تحمل تحولاً محتملاً فى السياسة الأمريكية بالنسبة لقضية الشرق الأوسط ...**

• **ويقول خالد محبى الدين :** أخذ عبد الناصر وقته علشان بينى قواته المسلحة وقيل مشروع

روجرز علشان يظهر حسن نواياه للأمريكان ويكسب وقتاً .. فى الوقت اللي كان فيه الطيران الإسرائيلى يضرب مواقع الصواريخ التى تبني فوجدها فرصة إنه يعمل بهدوء حتى يبني قواعد الصواريخ .. كان الدفاع الجوى يعتبره قضيته الرئيسية .. ما كانش عاوز يخش الحرب وينضرب له قناطر أو سد .. لإته عارف أهمية ده لمصر .. فكان عاوز ما يخش المعركة إلا وجميع سدود مصر والسد العالى محمي بشبكة صواريخ لا يمكن اختراقها .. هو من هنا اتعلم وأخذ خبرة وبدأ يمارس الفن السياسى .. ولو كان عاش كان عمل حاجات كثيرة .

• **ويضيف حمروش :** « انعكاس قبول المبادرة من وجهة النظر العربية كان سلبياً .. وانجرف البعض إلى رفضها .. وأعلنت ذلك كل من سوريا والعراق .. وإذاعة « صوت فلسطين » اتهمت الذين قبلوا المبادرة بالخيانة » .

• **وأسأل د . أشرف غربال :** مشروع روجرز وقبول الرئيس عبد الناصر له ؟

• « كتابة التاريخ من الناس الللى شاركت فى وضع التاريخ مهمة لمعرفة الحقائق بتفاصيلها .. كشفت الكتب إن كينسجر كان ضد الخط الللى ماشى فيه روجرز .. وبالتالي كان فيه سياستين خارجيتين من واشنطن فى ذلك الوقت : سياسة خارجة من الخارجية الأمريكية تعكس آراء وليم روجرز .. ومن ضمنها مشروع روجرز المشهور وده فى كثير من نواحيه كان يعيل إلى إعطاء العرب حقهم .. ومشروع كينسجر الللى بيقول للإسرائيليين ولا يهكم من كل كلام روجرز .. السياسة بتوضع فى البيت الأبيض .. وبالتالي خلوا روجرز يقول ما يقوله ده لاستهلاك العرب .. أما إحنا ماشيين على سياسة تأييد إسرائيل ١٠٠% .. أعتمد أن هذه الصورة لم تكن غائبة عن عبد الناصر .. إنما بجانب هذه الصورة مشروع روجرز كان يحتوى على نقاط لا شك إنها فى صالح الموقف والحق العربى .. إنما بالكامل لأ .. ولهذا كنا حريصين على قبوله .. إنما فى نفس الوقت على المطالبة باستكمالها فيما يتعلق بالحق الفلسطينى .. فيما يتعلق بالاتساح من بقية الأراضي العربية » .

• **كما صدر قرار وقف إطلاق النار يوم ٨ أغسطس سنة ١٩٧٠ .. وانتهت حرب الاستنزاف وتكاثفها الإجمالية حوالى ٨ مليارات جنيه كما قال الأستاذ هيكل وزير الإعلام فى ذلك الوقت ...**

• **وعلت نبرة هجوم على مصر من بعض القيادات العربية ...**

• **وأصدر عبد الناصر قراراً بوقف إذاعة صوت فلسطين من القاهرة بعد هجوم الفلسطينيين عليه ...**

• **وأسأل سامى شرف :** أمر الرئيس عبد الناصر ب« صوت فلسطين » .. لماذا ؟

• « كان فيه اتفاق بين الرئيس عبد الناصر والفلسطينيين من أول الثورة .. كان عاوز كل يوم طلقة تنضرب .. ابتدا فى أيلول الأسود .. يعنى فى بداية سبتمبر ٤٠ - ٥٠ سبتمبر .. عمليات

مرافقة مياسية تضرب القضية العامة .. عملية خطف الطائرات وتدميرها بدون اتفاق مسبق ولا تنسيق .. الغرض منه إحراج القيادة المصرية بعد مؤتمر الخرطوم .. وللأسف الشديد الذى قام بهذه العملية مجموعة تشكل جبهة من بعض العناصر من الإخوة الفلسطينيين .. سواء كانوا العربيين أو من تنظيمات أخرى .. دلوقتي أنت النهارده تتيج لهؤلاء الناس صوت نافذة على العالم .. من هذه النافذة تضربت أو من وراء هذه النافذة بيضريك .. مش بيضريك أنت كشخص .. بيضرب القضية .. أبسط إجراء أنت يتخذ هو إغلاق هذه النافذة .. ولو كان بصفة مؤقتة .. وده كان رأى يعنى بصفة مؤقتة لغاية الأمور ما تتعدل » .

• ويقول سعيد كمال : « عاتب الرئيس عبد الناصر عرفات .. مش هو شخصياً .. إنما الموقف الفلسطيني عموماً » .

• وإذاعة فلسطين أغلقت فى هذا الوقت ؟

• « أغلقت لإنها تحدثت فى اتجاه معادى إلى حد ما .. أو نقول مخالف .. واستجابت لنقد الشارع الخاطىء وأن كلام عبد الناصر كلام خطأ .. يعنى الذى يقولوا إن عبد الناصر كان ضد السلام مختلين .. واتضح فيما بعد إن قبول روجرز كان موضوعاً تكتيكياً لا أكثر ولا أقل .. ومع ذلك قامت مظاهرات فى عَمَّان وفى الأرض المحتلة .. مما أدى إلى إغلاق إذاعة فلسطين » .

• ويضيف محمد فائق : « الحقيقة للفترة دى كانت فترة دقيقة .. وكانت مليانة بمشاكل كثيرة جداً » .

• واجتمع الرئيس عبد الناصر بالرؤساء والملوك العرب فى القاهرة بسبب الخلاف الأردنى الفلسطينى وأحداث « أيلول الأسود » ...

• وأسأل عبد المجيد فريد : نتحدث عن الساعات الأخيرة فى حياة الرئيس عبد الناصر وأنت حضرتها .. تفكر هذه الفترة .. هذه الساعات ؟

• « فاكز مؤتمر أيلول الأسود الذى هو الخمسة أيام الأخيرة من عمر عبد الناصر لما حصلت مشاكل لمنظمة التحرير الفلسطينية مع الملك حسين .. وحصل ضرب وقتل ودم .. وبعدين عبد الناصر طلب فى اتصالات تليفونية من بعض الملوك والرؤساء إن ما يحلش المشكلة العربية إلا بأيدى عربية .. إلا إنه استدعاهم فجاء وأخذنا الهيلتون كرناسة لتكون مقر إقامة واجتماعات .. فبعد ما حصل اجتماع اليوم الأول أو الثانى قال الملك فيصل .. الله يرحمه كان شخص محترم جداً .. وكانوا اصطلموا وكل منهم يتق فى الآخر ويحترمه احتراماً كبيراً جداً .. الملك فيصل قال نخليها الملوك والرؤساء التسعة بس .. قاللى أنكزه جيداً كله طلع : أنور السادات .. نواب الرئيس .. الأمراء التى كانوا مع فيصل .. رؤساء الوزراء .. وبقي فقط ٩ ملوك ورؤساء .. والملك حسين ويسر عرفات .. بعدين الملك فيصل قال نخلنى عبد المجيد لإنه حيقبال الصحيفيين مش إحنا .. أو يطلع بيان رسمى أو متحدث رسمى ضرورى يبقى فيه أحد .. وبقيت فى المكان مع الـ ٩ ملوك والرؤساء .. هو كان بييجى له الام شديدة فى ذلك الوقت

من السكر في أعصاب رجله .. كان طلب منهم إن كل ساعة ونصف أو ساعتين يمشى ..
يعنى ما نفتحش الباب لإن الصحفيين بره والصحفيين الأجانب .. وكانت الدنيا والموقف السياسى
ساخن .. الأسطول السادس عاوز يتدخل .. وسوريا عاوزة تنزل دبابات ضد الأردن .. والعمليّة
كانت ساخنة جداً .. والرئيس القذافي مصلح .. ويامر عرفات قال على الملك حسين ..
نصاب .. قال له إحنا كلنا نصابين .. وإذا كان فيه دكائرة الدكائرة بتكشف علينا كلنا .. معمر
القذافي والرئيس عبد الناصر قال له كده .. فكل ساعتين كان يمشى .. فكنت أنا المصرى
الوحيد الموجود .. كنا فى قاعة ألف ليلة وليلة الـ ٩ ملوك ورؤساء .. فكان يمشى لمدة ١٥
دقائق تقريباً وكنت أمشى جانبه .. بس لقيت وجهه وكأنه ييموت فى ذلك الوقت .. أنا فى رأى
إن بدأت الوفاة قبلها بيومين أو ثلاثة .. من الموقف .. لأن كنت بأعطي له برقيات يشوفها بقاعة
الموقف فى عمان ما بين قتلى واعتداءات على أطفال .. واعتداءات على نساء .. جرحى ..
فهو ماشى كان يقول لى لولا هزيمة ٦٧ ماكانش حصل هذا الذبح وهذا القتل اللئى حصل فى
عمان .. فبدأ يحمل نفسه .. وتحميل النفس صعب جداً .. محاسبة النفس من أسمى
المحاسبات .. فوجهه كان كله بيلمب عصبياً .. فتصورت إن الأحداث كانت أكبر من إن قلبه
يحملها .. وبدأت المشاكل قبل وفاته بيومين .. بـ ٤٨ ساعة .

• **ويقول تحسين بشير :** « أضرب لك مثلاً .. ليلة ما مات كنا نائمى فى لوكانده هيلتون .. كان
ده مؤتمر القاهرة اللي عمله لإنقاذ الفلسطينيين من « أيلول الأسود » .. وكان هيكل وزيراً
للخارجية بالنيابة .. لأن محمود رياض كان مسافراً .. وجاء متأخراً .. الساعة ٣ صباحاً خلص
المؤتمر .. أعضاء مجلس الثورة لابسين الليجامات وقاعدى فى الصالون .. كان الرئيس بعمل
مؤتمراته فى الهيلتون علشان يطلع يشوف النيل .. علشان فى بيته ما يشوفش حاجة .. وأنا
قاعد مع محمد أحمد سكرتيره بأعد البرقيات اللئى طالباها الرئيس لكل رئيس عربى .. أخبط
على بابيه أخبط على هيكل .. أوديله مسودة البرقية يراجعها هيكل ولكن بعد كده يأخذها الرئيس
عبد الناصر ويراجعها كلمة كلمة .. كان ده شئ غريب جداً بالنسبة لى لإن البرقيات ليست
بهذه الأهمية ومع ذلك أنا كاتبها وهيكل يراجعها .. كان هو يراجع كلمة كلمة .. قعدنا كده لغاية
الساعة ٣ صباحاً .. وأعضاء مجلس الثورة قاعدى منتظرينه لما يخلص الشغل يقعد معاهم ..
فى الصباح نزلت معاه فى الأسانسير وكان بيضحك وينكت .. وكان حسن الخولى كان المندوب
الخاص الله يرحمه كان موجوداً .. كان بيدو إن قال حاجة مش دقيقة .. وكان عبد الناصر دقيقاً
جداً .. وكان فى الأسانسير فزغده بإيده .. كانت إيده طويلة قوى عبد الناصر .. وقال له
حتهرب منى فىن .. ما فيش .. فى الأسانسير .. وحسن صبرى يحاول يلاقى أعذاراً
وتبريراً .. إلى درجة .. عندما طلبونى العصر وقالوا لى أروح لمكتبى فى التلفزيون وأعد
قرآن لجميع المحطات الإذاعية والتلفزيون تصورت إن الذى مات كان حرم الرئيس مش
الرئيس .. فلم يكن هذا الرجل اللئى كان كله حياة الساعة ١١ صباحاً .. لم أكن متصوراً إنه
حيموت فى تلك الساعة .

• **وأسأل محمد أحمد :** كان إيه مرضه ؟

* أول حاجة السكر .. وبعد كده جاءتة نحة صدرية *

* تذكر الساعات الأخيرة في حياة عبد الناصر ؟

* طبعاً كان تعباً جداً ومرهق وكل حاجة .. وآخر يوم تصادف إنى كنت تعباً وحرارتي ٤٠ .. وبعدين هو وإحنا مروحين على البيت قال لى روح أنت بقي .. قلت له مش عارف مين حنوصله .. قال لى لأ .. كان إنسان جداً .. وبعدين روحت أنا وأظن كان معاه فؤاد عبد الحى .. كان زميلنا .. ولأول مرة فى تاريخ حياته طلب العربية عند الطيارة .. عمرها ما تحصل أبداً .. كان يوصل المسئول لحد سلم الطائرة وبعدين يرجع يقف مع المودعين لحد الطائرة ما تتحرك .. وبعدين يركب عربيته .. أول مرة يركب العربية من عند الطائرة .. وفؤاد عبد الحى كلمنى قال لى عاوزين نكاترة .. كلمت دكتور منصور فايز كان يشوفه وأظن على البدرى الله يرحمه .. ونزلت جرى على هناك لقينته مبتسم كده .. والكاترة بيشفوه .. وروحه صعدت إلى خالقها .. وحاولوا بأجهزة مش عارف بتعمل إيه .. عملية تدليك القلب ما فيش فائدة .. كان جاء هيكل والمسيد أنور السادات والمسيد حسين الشافعى وسامى وشعراوى ..

* ويقول سعيد كمال : الذى أنكره جيداً كنت فى بهو الهيلتون .. وكان الوفد سافر برئاسة حسين الشافعى على ما أعتقد ومجموعة من القادة العرب .. الشيخ سعد عبد الله .. سافروا إلى عمان لكى يأتوا بالرئيس ياسر عرفات رئيس منظمة التحرير إبان أحداث أيلول .. وقد نجحوا فى إحضاره واستقبلته فى فندق الهيلتون .. إذ كان للزعما العرب متعفين بناء على دعوة الرئيس جمال عبد الناصر .. ولما سأل أبو عمار عن الرئيس قالوا هو الحقيقة نائم .. أنا الحقيقة وأنا موجود لقيت ابن عمه المدام عنده وهو دكتور من الأساتذة الجراحين .. فقلت له إيه الحكاية .. قال لى الرئيس تعباً شوية ونائم .. ماقالهش لى كده بوضوح .. قال تعباً .. على بال ما صحن الساعة ٧ مساءً كان الرئيس أبو عمار ارتاح شوية أيضاً من الرحلة .. وكان معاه الشهيد على حسن سلامة .. ودخلنا إلنا الثلاثة على الرئيس عبد الناصر وكان يتقطع ألماً معاً وقع .. وقال لياسر عرفات : هذه الجماعة ربنا يسهل عليهم حلفاء جورج حبش اللي قادوك .. جورج حبش وجوانمه والبعثيين اللي قادوك إلى معركة مواجهة مع النظام الأرنى بالأخطاء القوية .. وأنا كنت بأتقطع وكان عندكم خلط فى مسألة قبولى لمبادرة روجرز وما وقع فى الأردن من تداعيات ضد مصر وضد العرب .. الكلام ده كان سنة ٧٠ يعنى .. المهم قال له : إيه رأيك أرجعها لك فى ظرف ٢٠ أسبوع .. دُهل ياسر عرفات .. وكانت كلمة المفاوضات عند المصريين من المعزمات .. قال له : لأ خليك فى مهمتك ولحقوق الشعب الفلسطينى المنصوص عليها فى الأمم المتحدة .. إنما إلنا مهمتنا إزالة آثار العدوان .. وكان فى ذهنه طبعاً ما وقع من حرب الاستنزاف وتقريباً الحلول السياسية التى تسترجع ذلك .. فأبو عمار قال للرئيس : ياربت إذا كنت أنا خارج اللعبة .. لعبة المفاوضات بين الضفة وغزة ونقب الكيان الفلسطينى على هذه الأجزاء من فلسطين .. يا حبذا طالما أنا لا أوقع صلحاً مع الإسرائيليين فى المنطقة .. ثم تغيرت الظروف والأحداث تغيرت واستشهد الرئيس عبد الناصر .. وما بقى هذه قصة طويلة عريضة لن يتوقف عندها قطار الحرب والسلام ..

• وهنا وقعت المفاجأة .. مات الزعيم .. عن ٥٢ عاماً ...

* وأسأل هدى عبد الناصر : حدثيني عن ظروف وفاة الرئيس ؟

• « موضوع مؤلم رغم مرور ٢٧ سنة .. كنت قد غادرت منزله وذهبت لبيتى وبالتالى لم أكن موجودة لحظتها .. وكنت حامل فى ابنى .. وأختى كلمنى وقالت « بابا تعبان قوى » .. أتارى كان توفى .. ولما ذهبت وجدت الناس تنزل من غرفته خلاص .. وقالوا لازم بسرعة ننقله إلى القبة قبل إذاعة الخبر وبداية الزحام .. ومش ممكن أنسى وهم طالعين به على سلم قصر القبة حيث كنت قد اعتدت رؤيته .. لقد كان أمراً مؤلماً خصوصاً أنه رجل فجأة وكان عنده ٥٢ سنة » .

* وأسأل جمال السادات : يوم وفاة الرئيس عبد الناصر .. أين كان الرئيس السادات وماذا فعل ؟

• « كان موجوداً فى البيت .. هو كان من الصدمات الشديدة اللي إحنا شفناها أثرت عليه .. كان باين عليه من طريقة كلامه من ناحية .. ومظهره أماناً كان متأثراً بوفاة الرئيس عبد الناصر » .

• ويقول شمس بدران : « أنا بعد ما خرجت من السجن على طول .. جاء لى د . رفاعى كامل اللي هو كان رئيس الخدمات الطبية .. ورفاعى كامل ده يخاف من خياله .. وكان صاحبي جداً .. بس لما دخلت وجاءت القضية هو ومراته انقطعوا خالص عننا .. بعد ما خرجت من السجن جاء لى د . رفاعى كامل .. فقلت دى حاجة غريبة جداً جاى علشان يقول لى الكلمتين دول .. قال لى عبد الناصر مات نتيجة إهمال أو تعمد .. أو .. وقال لى أنا مامضتش على شهادة الوفاة لإنها غلط .. اللي فيها غلط .. فقلت له إزاي .. قال لى جاله حالة .. أنا كاتب الكلام ده .. هو كان عنده السكر وعنده الضغط .. وعلاج دى بيتعارض مع علاج ده .. فالدكتور أعطى له الحاجة المضادة » .

* الدكتور مين ؟

• « دكتور الخدمات الطبية اللي كان معاه » .

* مش الدكتور رفاعى ؟

• « لأ مش رفاعى .. رفاعى جابوه علشان يمضى الشهادة مع اللي ماضيين » .

* هو كان فيه الدكتور الصاوى حبيب موجوداً أيامها .. وكان د . زكى الرملى .. وكان فيه الدكتور بطاطا ؟

• « واحد كان موجود معاه فى المطار .. هى حصلت له الأزمة فى المطار .. أزمة قلب أو أزمة سكر .. لو كان عنده حاجة مثلاً فى القلب .. إداله دواء السكر .. دواء السكر يتعارض مع دواء القلب » .

- * يعنى شخصه غلط وعالجه غلط ؟
- * « عالجه غلط .. موته » .
- * طبيب ما يمكن ده نتيجة لجهل ؟
- * « يا جهل يا تعمد .. وممكن تبقى تعمد » .
- * « تعمد لمصلحة مين ؟
- * « سامى شرف » .
- * « سامى شرف عاوز يبقى إيه .. يبقى رئيس جمهورية مثلاً ؟
- * « على صبرى .. وسامى شرف !! » .
- * « وأسأل سامى شرف : يوم وفاة الرئيس عبد الناصر .. قيل إنهم غلطوا فى تشخيص وعكته أو مرضه فتسبب ذلك فى وفاته ؟
- * « والله أنا مش فنى علشان أرد على حصرتك الإجابة الدقيقة فى هذا الموضوع .. ولكن أقدر أحلل سياسياً إن الرئيس عبد الناصر مر بظروف صحية الرسم البياني بتاعها فى النازل من ٦٩ لغاية ٧٠ .. ده التحليل السياسى .. وبعدين الجهد الذى بذله فى مؤتمر القمة من ١٩ سبتمبر إلى ٢٨ سبتمبر ده جهد تنوء به الجبال .. هو كان المؤتمر قائم عليه .. هو تحمل كل الأعباء بتاعة هذا المؤتمر بشخصه بذاته .. وفاة الرئيس عبد الناصر كتب فيها تقرير رسمى أعده مجموعة من الأطباء المعالجين للرئيس جمال عبد الناصر واللى كانوا معه ساعة الوفاة .. كون أن يأتى دكتور لم يكن يعالج جمال عبد الناصر ... » .
- * « بس د . رفاعى كامل كان طبيبه ؟
- * « لم يكن يعالج جمال عبد الناصر .. عمره ما عالج الرئيس .. ووقع على التقرير بذاته لإن إحنا كنا نزلنا الدكاترة .. بعد ما إحنا نزلنا من فوق من الدور الثانى لحتت .. الدكاترة فعنوا مع بعض يكتبوا تقريراً ولا أحد قدم له ورقة ولا أحد قال له إمضى ولا أحد قال له حاجة .. كان إيه مايمضيتى .. هو مش قاصر ومش صغير .. أنا النهارده لما أكون وزير الرئاسة وتيجى تجربنى على اتخاذ إجراء .. يا أستقيل يا إما أقولك مش موافق مش لاعب .. كده ولا إيه .. بعد كده كورنى عاوز أعمل قصة الله أعلم بقى لحساب مين أو بغرض إيه .. ده موضوع آخر .. بعد وفاة الرئيس عبد الناصر كل اللى كانوا فوق كان حسين الشافعى .. على صبرى .. محمد فوزى .. شعراوى جمعه .. سامى شرف .. محمد حسنين هيكل .. بس أنور السادات جاء بعد ما إحنا نزلنا .. جاء متأخراً .. إحنا السنة اللى كنا فوق بس .. خرجنا من أوضة نوم الرئيس عبد الناصر .. الدكاترة كانوا قاعدين فى الأوضة الملحقة بأوضة نوم الرئيس .. وإحنا نازلين انفضلوا اكتبوا التقرير بتاعكم .. والدكتور رفاعى كامل كان من ضمنهم » .

• وأسأل محمود فهمي : آخر يوم في حياة الرئيس كنت معه ؟

• الرئيس عارف كانت والدتي يتحضر في مستشفى المعادي .. وكنت الوحيد الذي يزورها ولما رجعت كلموني في التلفزيون قالوا لي تعالى بسرعة .. قلت لازم فيه حادث أو حاجة مهمة جداً حصلت وشعرت إن الرئيس توفي .. رحمت علشان أدخل البيت ماعرفتش .. قعدت مدة طويلة حتى دخلت البيت .. كان العالم كانوا مجتمعين في البيت .. الناس زى النمل ..

• ويقول تحسين بشير : « الحدث الذي لا يمكن أن أنساه .. هو ليلة موت الرئيس عبد الناصر .. الرئيس مات وأنا كنت في التلفزيون وحطيتا القرآن في جميع الخطوط .. حوالى الساعة ٧ جاء لنا الرئيس السادات وكان نائباً للرئيس في ذلك الوقت .. مكانش محبواً .. مكانش هو الحاكم .. وطلع الدور التاسع كنا في انتظاره ومعه ورقة قرأتها بسرعة .. حيعلن فيها للشعب وفاة الرئيس عبد الناصر .. وقرأ الورقة .. وشرب فجان شاي صغير .. وعقبال ما نزل من الدور التاسع إلى الدور الأرضي في مبنى التلفزيون في ماسبيرو .. كان الشعب يجتمع حوالى ٣٠٠ فرد حول التلفزيون .. وابتدوا يبكوا ويندبوا على الرئيس عبد الناصر وزعيمنا .. بالليل الدنيا أظلمت .. كانوا طافيين الأنوار في جريدة الأهرام .. كان الأستاذ هيكل يكتب عزاءه وكنت قاعد مع الله يرحمه يوسف المباحي .. ولويس عوض كان قال إن شعبية عبد الناصر لم تكن شعبية بل كانت بين الطبقة الوسطى والمتعلمين .. وأنا بأقول لا .. دى شعبية لأنهم الطبقات المهورة والمستضعفين في الأرض .. هو اتكلم باسمهم وفي رأى لم يتكلم بعد أسبوع أحداً بمن فيهم اللي استعمل اللفظ ده .. وقعدنا نتناقش في الحكاية دى الساعة ٣ صباحاً .. نزلنا من الأهرام « كانت الدنيا مظلمة .. فوجدت المنظر الآتى .. سيدة فقيرة لابسة أسود شايلة ولد هنا وثلاث أولاد هنا وماشية الساعة ٣ صباحاً تقول .. يا سبى .. يا ضبى .. على وفاة الرئيس عبد الناصر .. »

• ويقول عبد المجيد فريد : « حضرت بعد الوفاة بعد نقل الجثمان من البيت إلى القبة .. بس وقتها كنت لسه بأخلص تغيل المؤتمر ما حضرتش البيت .. »

• وأسأل جيهان السادات : الرئيس السادات عرف إزاي بوفاة الرئيس عبد الناصر ؟

• « إحنا كنا موجودين في البيت .. وكان فيه مؤتمر موجوداً في فندق هيلتون بالضبط .. وهذا المؤتمر كان يخلص يومه .. وبعدين هو كلم أنور السادات وقال له أنا سوف أجي أتعضي عندك .. كان المفروض هو جاي البيت .. الساعة ٦ أو ٧ ضرب تليفون وسألوا عليه وقالوا عاوزينه في بيت الرئيس جمال عبد الناصر .. على طول هو قال أكيد هو تعبنا وغير رايه ومش حييجي النهارده .. فأنا سوف أروح له .. »

• ويقول محمد أحمد : « هو كشخص مكانش بيه .. إنما هو كان دائم القول: اوعوا نكونوا

- فاكرين إنتم بتدرسوني الحارس ربنا .. ده أنا أما حاتيجي ساعتى حاتيجي مافيش أحد فيكم
حيقدر يمنعها إطلاقاً .. إنما كان انتماؤه العربي .. مات بهذا الانتماء فى نفسه وفى عرويته .
- يقول أحمد حمروش : « بكى رفاق عبد الناصر عليه .. فى نفس اليوم الذى بكى هو فيه منذ
تسع سنوات لفراق سوريا » .
- واحتشدت جموع غفيرة ملأت القاهرة لتلقى نظرة أخيرة على الرئيس جمال عبد الناصر ...



مات ناصر .. عاش السادات

- **تقرر دفن جثمان الرئيس عبد الناصر يوم ٣٠ سبتمبر سنة ١٩٧٠ .. بعد جنازة مهيبه ..**
- **ويقول جمال حماد :** « هدى عبد الناصر وشقيقها خالد أبديا رغبتهما للسادات في فتح الخزانة الخاصة بوالدهما .. وطلب السادات من هدى أن تجمع كل الأوراق الخاصة بالدولة وترسلها إليه » .
- **وتقول د . هدى عبد الناصر :** « طلبنا من الرئيس السادات أن نفتح الخزانة وأن يستلم ما يخص الدولة .. ووجدنا متعلقات خاصة بوالدى فقال لى راجعها وقد كان أعدت ما يخص الدولة منها » .
- **قول إن بدأ خفية قد لعبت بمحتوياتها ؟**
- **« الخزانة فتحت مرة بحضور الرئيس السادات .. وبعد ذلك مرة أخرى فتحناها فوجدنا كل حاجة ملخبطة .. ووالدى كان منظماً جداً .. وعرفنا أن هناك من حاول أخذ بعض محتوياتها .. وأجرى الأستاذ على نور الدين تحقيقاً ولم نعرف الحقيقة .. وأنا لا أستطيع أن أحكم هل هذه اليد كانت مصرية أو تابعة لجهة أجنبية ولكن من المؤكد أنه أخذ منها ما أراد أن يأخذه » .**
- **ويقول سامى شرف :** « بعد الوفاة بأيام قال لى أنور السادات نريد جرد الخزانة .. وجاء أنور السادات .. وجاءت مدام تحية وجاءت هدى وخالد وحاتم صادق وأشرف مروان ومنى .. كل العائلة كانت موجودة ومحمد أحمد كان موجوداً أيضاً .. وفتح محمد أحمد الخزانة » .
- **ومن كان معه مفتاح الخزانة ؟**
- **« أنا لم أرى المفتاح قط .. والمرتين أو الثلاث التى كلفنى فيها الرئيس عبد الناصر بفتح الخزانة .. كانت مفتوحة .. المهم الكل كان موجوداً .. وعملت محضراً .. ولم أدخل منزل الرئيس منذ اللحظة التى تم فيها فتح الخزانة حتى الآن .. وقد أسفر التحقيق عن صدور قرار من النائب العام بحفظ القضية وإن الخزانة لم تفتح » .**

- وأسأل محمد أحمد : مين كان كاتم أسرارهِ الأول غيرك ؟
- أنا لا أعرف .. إنما شخصياً أنا وهو الوحيدان بس اللي نعرف نفتح خزنته مافيش أحد تاني .
- وأسأل عبد المجيد فريد : مفاتيح خزانة الرئيس مع من كانت في لحظة الوفاة ؟
- ما أعرفش الحقيقة .. ما كنتش موجوداً في البيت .. أتصور أنها كانت مع سامي شرف .. مجرد تصور ولكني لا أعرف .
- وأسأل عبد المحسن أبو النور : خزانة الرئيس عبد الناصر اختفت مفاتيحها بعد وفاته ؟
- مفاتيحها لم تكن مع أحد من اللي اتمكنوا وراحوا السجن فيما بعد .
- أنا بالتكلم عن يوم رحيل الرئيس ؟
- كان أنور السادات وكان كل الناس اللي موجودة في بيت عبد الناصر هناك .
- ويضيف سامي شرف : « أنور السادات في قضية مايو .. مالتاش حاجة خالص .. مش لاقى حاجة .. اخترع حكاية الخزنة .. خزنة إيه .. هي الخزنة كان فيها حاجة .. هل حأمد يدى لخزنة عبد الناصر .. وما عرفش يوصل لحاجة .. ده قعد يحاول معايا في موضوع الخزنة دى في قضية مايو بيومين .. ٢٤ ساعة في ٢٤ ساعة .. إنه يطلع بحاجة مافيش حاجة .. ببأخذوني حرس يودوني ويجيبوني .. وأحد منهم قال لى تصور يا أفندي إمبارح جابوا الست اللي اسمها كريمة بتاعة المعادى يحقّقوا معاها .. يقولوا لها علاقتك إيه بـ سامي شرف .. أقسمت لهم بيمين وعيظت إنها ما تعرفوش .. اثبتوا .. واثبت هذا الكلام .
- وكان تولّى السادات الحكم شيئاً طبيعياً على أساس أنه كان النائب الأول لرئيس الجمهورية ...
- ويقول عبد اللطيف بغدادى : « كان عبد الناصر اختار السادات نائباً له .. ودى برضه لها قصة .. عين أنور السادات نائب قبل ما تعود علاقتى به على طول .. قال لنا عبد الناصر إن حسين وأنور بيتخانقوا لما بيكون مسافر ويكون هما الاثنان في حنة واحدة .. فحبب يخلص من العملية دى .. فكان مسافراً رايح الرياض ولا لبيباً مش فاكّر .. فقام وهو طالع المطار الصبح .. راحوا له البيت علشان يطلعوا معاها .. فقال لأنور أحلف اليمين .. كان متفق معاها على كده يظهر .. حلف اليمين وبقي هو النائب .. واستمرت العملية وبعدين توفى عبد الناصر وأنور نائب .. فبقى وفقاً للدستور .. النائب اللي يتولى .
- وأسأل د . الدكتورى عن وجود صراع بين النائبين السادات والشافعى فيقول : « هو ما يعتبرش غيرة أو تنافس .. ولكن إحساس بالأحقية .. وكان أوضح في السيد حسين الشافعى .. وكان يتصور إنه أحق بأن يكون نائباً أول أو رئيس جمهورية .. فلما لم يحدث أحسن بالإحباط للشديد الذى عبر عنه بأساليب كثيرة .. وبدأ يحاول الاتصال بالمحيطين بعبد الناصر حتى يأخذ وعداً منهم .. أما الرئيس السادات فلم يفعل شيئاً .

* وأسأل جيهان السادات : لما تولى الرئيس السادات .. فى أول يوم هل كان خائفاً .. أم كان طبيعياً .. يعنى حضرتك تحكى لى إيه عن تذكريات هذه الأيام الأولى ؟

* « الأيام الأولى إحنا كنا عايشين فى قصر الطاهرة .. حاجة غريبة جداً .. أنا حياتى كلها الفرح والحزن ملازمين بعض .. يعنى مثلاً فى ٦ أكتوبر تبص تلاقى أكبر فرحة لى وأكثر حزن لى .. مثلاً جيت ابنى جمال أكبر فرحة لى كام بأخلف ولد .. وهو طبعاً كان بالنسبة له ولد برضه فرحنا به قوى .. كان يومها حرب .. يعنى بقيت ممزقة ما بين حرب وما بين سعادة .. مش قادرة أفرح قوى والحزن موجود .. حياتنا كلها كده .. حتى لما تولى منصب رئيس جمهورية .. وده رد على سؤال حضرتك .. يعنى كبشر مش أقول لك لم أفرح .. أن أكون حرم رئيس جمهورية وزوجى بقى هو رئيس الجمهورية .. طبعاً فرحة كبيرة .. لكن مش قادرة أفرح لإننا كنا حزائى على الرئيس عبد الناصر لما مات .. ومات فجأة وصغير ٥٢ سنة .. كنا كلنا تحت عبد الناصر وجبرونه والهيئة بتاعته .. فضلت أقول يا ريبى يا ترى أنور حفيد يمد هذا الفراغ ؟ فى نفسى من غير ما أقول له طبعاً .. وبلا شك هو نفسه كان أكيد برضه المشاعر تتمزق فيها ما بين حزن وما بين مسئولية .. ووضع جديد .. يعنى صحيح كان نائب رئيس جمهورية بس لم أكن متصورة إنه سوف يكون رئيس جمهورية .. لم تكن على البال خالص .. مشاعر غريبة » .

* ويقول جمال السادات : « هو كان مشغولاً جداً فى الوقت ده .. أقول لك البيت كله فيه قلق .. ووالدتى كانت قاعدة تقول له لأ بلاش .. إحنا مالنا ومال الكلام ده » .

* وأسأل سامى شرف : كنت والرئيس السادات على وفاق وكنت متعاوناً معه فى البداية ؟

* « مش مسألة تعاون أو عدم تعاون .. ليلة الرئيس جمال عبد الناصر لما توفى أنا قلت للرئيس أنور السادات أنا مش قاعد وسياذتك تختار رجالك .. قال لى ما أقدرش أستغنى عنك .. وبعدن دخلت فى الموضوع مدام جيهان وجاءت زارت المدام هنا فى البيت .. وقالت لها ده سامى هو دماغ الدولة وهو مخ الدولة .. اقضيه إن هو ما يعيش .. فأننا قلت للرئيس طيب أرجوك أنا حاقعد لغاية ما ننتخب رئيس جمهورية .. جينا فى التعديل الوزارى اللى هو بعد انتخاب رئيس الجمهورية فى نوفمبر سنة ٧٠ .. وإحنا بنعرض التشكيل الوزارى ما حطيتش اسمى .. قلت له يافندم أنا اتفقت مع حضرتك .. حضرتك قلت لى إنك حتمينى .. أنا ما أقدرش أشتغل .. قلتنها له طبعاً بطريقة ظريفة ومهنية جداً .. وأنا رجل منضبط جداً .. يعنى مش زى ما يقولوا قليل الأدب وسافل ويجح ومجرم ومش عارف إيه .. لأ ده أنا بأضحك وأنتك وأهزر وبشوش .. وأحد التهم طلبت من النائب العام فى تحقيق قضية مايو قلت له شوف اسمع سيبك من الهجص اللى عمال تقوله .. ده أنا أتحداك .. التهمة اللى توجهها لى إنك تجيب مواطن من الـ ٤٠ مليون مصرى بوجه لى تهمة إن أنا كشرت فى وشه .. حأعتبرها تهمة .. قلت له ده أنا معروف بالإتسان الياسم » .

- ما هو جازز تبتسم ولكن ... ؟
- « أنا أعرف ربنا كريس قوى من وأنا قد كده .. مش من دلوقتى .. لأن إحنا ديننا مافيهوش واسطة .. منى له ومته لى » .
- « أسأل جمال السادات : هل كان دائماً والدك يبدافع عن الرئيس عبد الناصر ولا .. ؟
- « كان يدافع عنه هنا جوه بيتنا بعيداً عن الأضواء أو الإذاعة .. ومش عيب إنى أقولها جوز أختى محمود عثمان .. عنده أسباب شخصية إن النظام اللي قبل كده ما كانش مستريحاً له .. ما يقدرش يقول ده أمام والدى .. كان والدى يقول له ما تنقش لأن الرجل ساب لى المسئولية واستأمنى على إنى أبقي النائب بقاعه وإنى أخذ المسئولية بعده فأنا متحمل كل شيء هو عمله » .
- « أسأل السيدة جيهان السادات : هل كان عهد الرئيس السادات تكملة لمسيرة الرئيس الراحل جمال عبد الناصر ؟
- « نعم كان تكملة .. ولكن كل رئيس وإنسان له الطريقة الخاصة به .. طبعاً أنور السادات كان يحب جمال عبد الناصر ويقدره تماماً .. لكن فيه بعض حاجات يختلف عنه فيها .. وده يعنى تقدر تقول تكملة من ناحية للثورة ثم من ناحية ثانية هو تكملة لجمال عبد الناصر لكن بأسلوب خاص » .
- « ويقول الفريق أول محمد فوزى : « محمد أنور السادات اشترط أسلوب عبد الناصر وتوجيهات عبد الناصر بالنسبة للمعركة وأعلن ذلك بصراحة فى قلب القوات المسلحة .. وفى قلب مجلس الأمة .. وتمادى فى الثقة وفى إيمانه بهذا العمل بأنه انحنى للتمثال النصفى الموضوع على منصة مجلس الأمة .. وهى عملية لا نقبلها نحن مسلمين علشان يفهم الجالسين إنه مؤمن مائة فى المائة بخطط عبد الناصر كلها وبالتوقيت » .
- « ويقول عبد اللطيف بغدادى : « اشترك زكريا معنا لنعد بياناً لأنور السادات نذكر فيه ما يجب عمله .. وبعدين رحلت له .. يوم الإثنين أو الثلاثاء مش فاكراً فى قصر العروبة .. قاعد وجنبه « النيوزويك » .. سألته إنت قرأت المذكرة .. قال آه قرأتها بس ده تغيير لنظام عبد الناصر .. فقلت له مرحلة جمال عبد الناصر انتهت .. إحنا من أخطائنا المرحلة السابقة .. نخط حل .. قال لا ما أقدرش .. قلت له أهم حاجة ثقة القاعدة الشعبية فى القيادة بتاعتها .. نمسك القيادة الموجودة .. ونشوف ثقة القاعدة الشعبية فى ؟ اللجنة التنفيذية مين وشخصياتهم شوية هياكل .. قلت له إزاي تقودنا القيادات دى .. لازم يحصل تغيير شامل .. قال ما أقدرش أنا كنت معاهم ليلة بيلة .. وقالوا لى فيه انقلاب يحصل المضباط ابتنت تتحرك .. الثلاثة الكبار مجتمعين .. كلام من ده .. قلت له انقلاب إيه وبتاع إيه .. تفكر فى مصلحتنا فى .. وصلة بلادنا فى .. وسبته وخرجت .. قلت لهم الحديث اللي حصل وكانوا متضايقين إنه ما رضىش يجتمع بهم » .
- « وكانت مراكز القوى تعتقد أن بغدادى أو الشافعى أو غيرهما .. شوكة فى الحلق .. بينما السادات أفضل ...

• **ويقول عبد المحسن أبو النور :** « الصدمة التي أخذوها الناس نتيجة الوفاة المفاجئة لعبد الناصر ملهأش سابقة .. ما كانش عيَّان بحيث إن الناس مستتية موته .. عملية بدون مقدمات .. وكان لابد إننا نحاول بسرعة إننا نتماسك ونجعل الحكم يسير في طريقه الدستوري الصحيح .. بأسرع وقت ممكن بحيث ما يحصلأش مشاكل .. وإحنا الجيش واقف أمام إسرائيل في الناحية الثانية .. وكان الجيش بيستعد فعلاً لعملية عبور القناة .. فكان لابد إننا نحسم الموقف بأسرع وقت مستطاع .. حتى إننا لما جينا علشان نقول طيب عاوزين نجيب مين بدل جمال عبد الناصر .. ابنتد بعض الناس ترشح أسماء مختلفة .. ولكننا صممنا على إننا نمشي مع الدستور والقانون .. فيه بعض الإخوان من أعضاء مجلس الثورة القدامى مع احترامى الشديد لهم وكفاءتهم الممتازة أرادوا إعادة فتح باب الثورة تانى وكلام من هذا القبيل .. أنا أخذ الناس اللي رفضوا .. لإننا قلنا خلاص .. إحنا فتننا من هذا العهد .. وإننا أرسينا دستوراً وأرسينا قانوناً ولابد إننا نمشي على أساسه .. مانعش نرجع للقهقرة مرة ثانية .. ولذلك اضطررنا إننا نرشح أنور السادات .. لأنه هو كان نائب رئيس الجمهورية الوحيد .. والقانون ببقول بجل محل رئيس الجمهورية في حالة وفاته » .

• **ويقول تحسين بشير :** « اختاروه لأنه كان يمثل أضعف الشخصيات بالنسبة للمجموعة التي كان في يدها قيادة الأمور .. للأسف كانوا عاوزين يستبدوا زكريا محيى الدين .. ولدرجة لُبل البغدادى .. وما أن تحول أنور السادات إلى كرسى الرئاسة طلع منه شخص جديد .. يستند إلى الشرعية الحاكمة فى مصر .. ويريد أن يفرض حكماً جديداً يحقق ما فشل فيه عبد الناصر .. وهو ضياع الأرض » .

• **ويقول أمين شاكر :** « والله السادات رجل نكى .. هو كان صاحب عبد الناصر .. وكان يعلم إن عبد الناصر ما بيحبش المناقشة الطويلة .. فكان يطيعه فى كل حاجة تقريباً .. فلما جاء عبد الناصر صفى عدداً من أعضاء مجلس الثورة .. فضل السادات .. كأن هو أقدم من بقى .. إذ كان كمال حسين الرجل الطيب أبعد .. خالد محيى الدين أبعد .. مع إن خالد محيى الدين ده كان رجل ما أقدرش أقول سلبياً ولكن هادىء جدا ما يدفكش إنك تعاديه »

• **بس خالد أبعد فى الأوائل ؟**

• « بعنوه سويسرا .. دى كانت عملية نفى وأبعد بعدين كان فى الآخر .. قبله كان طلع جمالاً سالم وصلاح سالم و .. و .. الخ .. زكريا محيى الدين كان موجود شكلاً .. نفى أخونا شيخ الإسلام ده وزير الأوقاف .. حسين الشافعى » .

• **وأسأل : الدكتورى : بعد وفاة الرئيس عبد الناصر إيه التي حصل ؟**

• « بعد وفاة الرئيس جمال عبد الناصر كانت هناك القوى الغير منظورة التي كانت تحكم معبر سواء من داخلها أو التي كانت تمتد بخيوطها لخارج مصر .. فكان يجب أن يكون هناك صيغة جديدة فيما بعد عبد الناصر .. وكانت هناك ثلاث بدائل .. الأول أن يأتوا بالرئيس السادات ..

وكان في نظر من يدرس هذا الموضوع إن الرئيس السادات شخصية ليست سهلة .. والشخصية الثانية كال السيد حسين الشافعي .. والبديل الثالث هم من كانوا يدبرون الحكم أثناء مرض عبد الناصر .. لكن وجد أن على صبري لم يكن من السهل أن يقبله الشعب أو الدول العربية .. وأنا أعتقد إن التفكير اللبي وصلوا إليه أن يأتيوا بالرئيس السادات .. وإما أن يوجد وسيلة للتفاهم معهم ومباستهم تتحقق ويستمر على ذلك أو يعدوا أنفسهم لإعداد البديل وفي الوقت المناسب يتخلصوا منه ..

• وفي هذه الأثناء كان حافظ الأسد قد قاد انقلاباً في نوفمبر سنة ١٩٧٠ وتولى الحكم في سوريا ...

• وعين السادات الدكتور محمود فوزي رئيساً للوزراء .. وكلاً من حسين الشافعي وعلى صبري نالبيين له ..

• ويقول سامي شرف : في التعديل الوزاري بتاع نوفمبر قال لي ما أقدرش وما أعرفش إيه إحنا داخلين على مرحلة الحرب .. كان لسه بيدغدغ هو في الموضوع .. قلت له طيب سيادتك حدد لي يوماً .. قال لي شوف ١٥ يناير سنة ٧١ حنفتح السد العالي رسمياً .. تعمل لي قرارين .. القرار الأول بمنح صدقي سليمان أكبر نيشان في مصر - وأيامها كان وشاح النيل - نكرمه به .. والقرار الجمهوري بتاعك عاوز مفير عاوز غير أى حاجة .. في يوم ١٥ يناير قال لي مش حاسبيك حتعقد .. قلت له عاوز سيادتك أكتب استقالة .. يعني بأقولها بطريقة مش عاوز أخرجك .. وإحنا نظامنا في العالم الثالث ماحدث يقدم استقالة ..

• وأسأل أمين شاكر : ما الذي جعل الرئيس السادات يعين على صبري والشافعي نالبيين له ؟

• والله هو ما كانش عاوز في أول تعيينه إنه يصطدم بأحد .. هو لا كان يقبل على صبري ولا كان يقبل حسين الشافعي .. إنما كان عارف إن ده وده .. كان حسين الشافعي على علاقة بالإخوان المسلمين .. وعلى صبري كان على علاقة بالشبوعيين وله علاقة بالاتحاد السوفيتي .. فحب إنه يديهم مراكز اسمية .. لكن في نيته إنه يقطع رقبتهما الاثنين ..

• وأثبت السادات أنه ليس ضعيفاً بالعكس فهو أقوى مما تصور الجميع .. وبدأ في طرح مبادرات دبلوماسية دون استشارة القيادات السياسية الموجودة ...

• ويقول عبد المحسن أبو النور : فيه ناس تقول لك ما إنتم غلطانين .. إنتم اللي جبتم أنور السادات وهو اللي عمل هذا الأساس .. كل ده غلطان إنتم اللي جبتموه وإنتم اللي مسئولين عنه .. أنا الآن لو كنت تخطيت أنور السادات وكنا نجيب زكريا من بره .. طيب اشمعني زكريا ؟ طيب ليه ماهواش بغدادى ؟ ولا هواش كمال الدين حسين ؟ .. وكل واحد له شعبيته .. حتبتدى المناقصة والتنافس بيتدى .. طيب لما تيجي تقول لازم نأخذ من الموجودين حالياً اللي هم موجودين في اللجنة التنفيذية العليا .. حتقول هو ولا حسين الشافعي ولا على صبري .. نفس الكلام .. اشمعني هو .. وهو ده حقيقي له ناس وده له ناس وححصل تفرقة في هذا الموضوع

فقلنا الحل الوحيد لهذا الكلام .. إننا نضع ورقة نتفق عليها جميعاً إن الحكم يجب أن يكون جماعياً .. كل جهة لا بد وأن تأخذ سلطاتها كاملة .. يعنى مجلس الوزراء أخذ سلطاته كاملة ويصدر قراراته بأغلبية الأصوات .. مجلس الشعب يأخذ سلطاته كاملة ويأخذ قراراته بأغلبية الأصوات .. ويعرض عليه كل شيء .. واللجنة التنفيذية العليا يعرض عليها كل شيء وتأخذ أصواتها برضه بالأغلبية .. وعلى هذا الأساس يبقى الحكم حكماً جماعياً ومافيش واحد يتفرد بالسلطة .. على هذا الأساس مانقدرش نقول إن أنور السادات ما بيعرضش يحكم أو بيعرف يحكم .. أو يمكن يمشى بطريق مخالف أو غير مخالف طالما إحنا مشينا بهذا الاتفاق .. وانفق على هذا الكلام .. وأنور السادات بعد انتخابه فى مجلس الأمة أعلن هذا فى اللجنة التنفيذية العليا وفى اللجنة المركزية وفى المؤتمر القومى العام .. وفى الجرائد .. وللأسف بعد شوية خالف هذا الكلام .. ده السبب الللى خلانا إننا نبتدى نعارضه .. لإننا عاوزين نقول الآتى .. إحنا مانقدرش نغلط مرة ثانية .. حصلت غلطة وقعنا نتيجتها سنة ٦٧ ولا يمكن أن نتحمل البلد غلطة ثانية .. بأن يفرد إنسان بالحكم وخصوصاً إذا كان هذا الإنسان ليس له التجربة اللتى كانت لجمال عبد الناصر مثلاً .. فلإن إحنا لا بد إننا نصمم على أن جميع أجهزة الدولة التشريعية والتنفيذية تشارك فى الحكم حتى لا تحدث أخطاء نرجع نقع فيها مرة ثانية .. ولكن بعد فترة رجع أنور السادات يحاول أن يفرض آراءه بنفسه .. ولما وقفنا له .. ابتدا يقدم على إنه يتخلص من هذه المجموعة .

• وكان السادات قد شرع فى قيام وحدة مع كل من ليبيا وسوريا والسودان .. واعترض على صبرى ومعه بقية القيادة السياسية اللتى تركها عبد الناصر .. وكان الاتفاق من حيث المبدأ على الوحدة أيام ناصر حين كان يزور طرابلس للمرة الأولى والأخيرة ...

• ويقول مصطفى كامل مراد : « المسألة بدأت فى الاتحاد بين مصر وسوريا وليبيا .. إن مجموعة على صبرى وشعراوى وسامى شرف وعبد المحسن أبو النور كانوا يعارضوا » .

• ويقول جمال حماد : « وكانت القضية الكبرى اللتى أثارَت الأزمة وفجرت الصراع هى قضية الاتحاد العربى الثلاثى بين مصر وسوريا وليبيا .. على أثر توقيع اتفاقية بنغازى » .

• ويضيف مصطفى كامل مراد : « السادات كان عاوز الوحدة لأنه كان بيجبج لحرب أكتوبر » .

• وأسأل محمد فائق : بالنسبة للوحدة هل لك رأى وتعليق ؟

• « كان عبد الناصر فى أواخر أيامه وصل إلى قناعة إن فكرة الوحدة الدستورية السريعة ما كانت يفضلها .. بل بالعكس إنه يفضل إيجاد مصالح مشتركة أولاً .. وتلاحظ إن الوحدة الرباعية اللتى اتعملت هى آخر حاجة عملها عبد الناصر كانت شبيهة بنموذج اتحاد شرق إفريقيا .. وهو اتحاد توحيد خدمات .. على أساس إن توحيد الخدمات توحيد المصالح .. بهذا الشكل ممكن إنه يوجد فيما بعد وحدة لإن الوحدة إذا تمت بشكل غير ناجح ممكن يكون مردودها سيء .. وده الللى خرج به عبد الناصر ... بدأت قصة الخلاف مع السادات داخل موضوع الوحدة مع ليبيا ..

وأهم أزمة قابلتنا قضية الوحدة مع ليبيا .. وإحنا لما مات الرئيس عبد الناصر كانت هناك ترتيبات معمولة علشان الحرب .. وكان المفروض إن الحرب كانت على وشك .. لولا السادات جاء وأخرها .. اللي حصل رحل عنا جمال عبد الناصر بعدها .. فكانت الحرب على وشك إنها تتحدد .. بل بالعكس كان ده الهدف .. الموضوع الأساسي اللي إحنا طبعاً بعد التكملة كان الواحد إحساسه وتمزقه شديداً جداً .. لأن إذا كان المواطن العادي يشعر بهذا التمزق وهذه المهانة اللي إحنا فيها فيما بالك بشخص مسئول .

• **ويقول البكوش :** « الواقع أن سلوك العقيد القذافي الوحوى كما يسميه .. ليس سلوكاً غريباً .. فهو سلوك عربى اعتدناه أو اعتدنا صدوره من كثير من الحكام العرب .. فهم فى الواقع لا ينادون بالوحدة وإنما ينادون بالضم .. هى دعوة إلى توسيع رقعة سلطان حاكم عربى على حساب حاكم عربى آخر .. ولذلك لن نتحقق أى وحدة عربية .. وقشلت كل التجارب والمحاولات بين مصر وسوريا .. وبين مصر وليبيا وسوريا .. وبين مصر وليبيا والسودان .. كانت كلها دعوات فوقية ليست جادة على الإطلاق .. والذي يعرف خفايا السياسة العربية يعلم إنها دعوات مصطنعة لأغراض سياسية عابرة .

• **ويقول د . عبد العظيم رمضان :** « انتهت الفريق محمد فوزى بأنه يريد إدخال مصر فى كارثة جديدة أشنع من كارثة ٦٧ عندما أراد دخول الحرب .. ونكرت ذلك فى كتابى « تحطيم الآلهة » .

• **ويضيف محمد فاتى :** « كنا شباب صغيرين .. فكان الواحد طبعاً أهم حاجة عنده إزاي نخلص من عملية الهزيمة العسكرية دى .. وكان الوضع جيداً .. ولكن أنور السادات كان لا يريد أن يحارب .. واتضح لنا إنه لا يريد أن يحارب وهذه كانت الأزمة الحقيقية .. فبدأ يخلق حاجات عطل بها الحرب .. زى مثلاً موضوع الوحدة .. كان مشاكلها إن السودان ما كانتش جاهزة لها .. ومعنى هذا إنه يمهد للوحدة الرباعية بين الدول .. لأن السودان كانت ظروفه لا تسمح له عمل وحدة بين سوريا وليبيا ومصر .. وما كانش أحد مستعد لها أبداً .. لكنها كانت عملية شكلية .. وكان المقصود بها كما كُتب فى المذكرات . وخاصة مذكرات الأستاذ هيكل - إنه كان واضح إنه يحاول أن يؤجل الحرب .. دى كانت أحد أهم مشاكل الأزمة اللي حصلت على الوحدة وقربت عليها خلاف فى رأى » .

• **وكان السادات فى جانب وهم فى جانب آخر ...**

• **يقول د . عبد العظيم رمضان :** « كان السادات عقلياً .. غير متعجل للسياسة التي يريد أن يحققها .. وهم مجموعة تريد الحكم الجماعى وتريد أن تثبت رسالة عبد الناصر وتعمل علمه .. ويريدون الحرب فى العام التالى لوفاة ناصر .. فوقف أمامهم السادات وقال « مصر غير مستعدة للحرب » .. وكان الناصريون يريدون تحرير الأرض فى وقت قمنا فيه بنقل الكلية الحربية المصرية إلى السودان والكلية البحرية إلى ليبيا .. وسماء مصر قبل حائط الصواريخ كانت مفتوحة تماماً .. قاذى كل هذا إلى خلاف كبير بينهم » .

• ويقول عبد المحسن أبو النور : « أنور السادات مثلاً لماذا كان يكره الاتحاد الاشتراكي .. ولماذا كان يعمل على حل الاتحاد الاشتراكي بعد ما جاء رئيس جمهورية .. الاتحاد الاشتراكي زى ما قلنا إنه قسم بالانتخاب للقاعدة والقمة .. فلما جاءت اللجنة المركزية وانتُخبت اللجنة المركزية .. فوضت عبد الناصر بإنه هو يشكل اللجنة التنفيذية العليا .. لأن اللجنة المركزية لسه كلها جديدة .. ومانقدرش تحكم على كل الناس مرة واحدة .. فبعد الناصر قعد مع أمناء الاتحاد الاشتراكي وبعض الناس الأماسيين فى الاتحاد الاشتراكي وأخذ رأيهم فى مين اللى ييجى فى اللجنة التنفيذية العليا .. الغالبية العظمى لم ترشح أنور السادات .. وعبد الناصر قال له - قال للسادات - هذا الكلام .. وتم الانتخاب وجاء هو مرة ٣ .. ولهذا أخذها فى نفسه .. من جهة الاتحاد الاشتراكي ومن جهة الناس الللى هم وقفوا ضده فى هذا الكلام .. وفى نفس الوقت هو لم يمارس أى عمل تنفيذي طول مدة الثورة » .

• ويقول محمد فوزي : « وأنا شرحت للسادات الخطة (جرائيت) التى تعنى .. الكلام ده خلاصوا الثلاث سنين ونصف وداخلين فى المعنة الرابعة .. التى تعنى تحرير سيناء حتى حدود ٤ يونيو عام ١٩٦٧ .. وظل على هذا الشكل حتى شهر مايو عام ٧١ حيث انقلب رأساً على عقب بالنسبة لهذه الخطط وبالنسبة لهذه الملاحظات » .

• تفكر لماذا ؟

• « (١) حقده وكراميته لجمال عبد الناصر .. (٢) إنه لا يتحمل الخسائر لو حصلت وكان متوقعاً إنه تحصل خسائر كثيرة .. قالها لى « عبد الناصر يستعملها لكن أنا لا أستعملها » .. (٣) اقتنع بأن الحل لو جاء على يد الأمريكان يكون أفضل وعمل اتصالاته الخفية والسرية أولاً » .

• إذن ما كنتش موافق على كلامه ؟

• « طبعاً .. وعرضت عليه أن يعطينى الضوء الأخضر بورقة اسمها درجة الاستعداد .. بقرر درجة الاستعداد فى موعد معين » .

• بينما يقول سعد الشاذلى : « أنا عُينت رئيس أركان حرب سنة ٧١ .. ولم تكن هناك أى خطة هجومية لتحرير سيناء أو تدمير خط بارليف » .

• ويضيف حافظ إسماعيل : « إحنا نعرف إن وقف إطلاق النار ما بيننا وبين إسرائيل كان فى أغسطس .. لغاية شهر نوفمبر .. ومن نوفمبر لشهر فبراير المدة هذه وقف إطلاق النار كان مطلوب وكان الآخرون رجال عبد الناصر يطلبون إلغاء وقف إطلاق النار » .

• وكان السادات فى أوائل سنة ١٩٧١ قد قرر تجديد مبادرة روجرز .. بينما رفض على صبرى وآخرون وقف إطلاق النار ...

• ويقول مراد غالب : « جاء مرة على صبرى كان بيرأس وفداً وكان كوسيجين هو الللى كان بيتفاوض معاهم حول مذ وقف إطلاق النيران .. كوسيجين حاول بكافة الطرق إن هو يخليه

يقنع بأنه لابد من مد وقف إطلاق النيران .. الكلام ده بالضبط فى أوائل ٧١ قبل مايو ٧١ .. وكنت عامل حفل استقبال فى بيتى كان فيها كوسيجين وعلى صبرى .. كوسيجين ابتدا يتنرفز من كتر ما على صبرى كان مُصرّ على رأيه .. فده مش واحد نقول عليه إنه كان مع الروس .. وإحنا دائماً الحقيقة نصنف الناس تصنيفات غريبة جداً » .

• ويقول حافظ إسماعيل : الرئيس السادات قدم فى ٤ فبراير مبادرة مصرية حول التسوية السياسية مع إسرائيل » .

• يمكن استكمالاً لاتفاقية روجرز ؟

• « روجرز ما كانش قدم اتفاقية .. ليه .. لأن مصر اتهمت بإنها أدخلت صواريخ إلى منطقة قناة السويس .. وغيرت الأوضاع فى داخل المنطقة .. وعلى ذلك فشلت المبادرة لم تبدأ .. فأنور السادات حب يستغل إلى أقصى درجة ممكنة إمكانية الحل السياسى » .

• ويضيف حافظ إسماعيل : « فى أوائل مايو استقبل وليم روجرز وزير خارجية أمريكا .. بعد أن أجرى مباحثات مع محمود رياض » .

• وأسأل سامى شرف : قبل إن هناك تسجيل حرصت على أن تحتفظ به وهو تسجيل على الرئيس أنور السادات فى أثناء مباحثات روجرز .. وإن كان فيه جهاز تسجيل فى غرفة نومه ؟

• « بيت أنور السادات ما كانش فيه تسجيل .. وأنا نادم على هذا والله النهارده .. أنا نادم عليه .. كنت عرضت اللقاء اللي تم بينه وبين كمال أدهم .. وما دار فيه .. لقاء أنور السادات مع كمال أدهم فى نوفمبر سنة ٧١ .. وهذا اللقاء حدد فيه أنور السادات لكمال أدهم ما سيجريه فى مايو .. لو كنت أعلم هذا كان لى تصرف آخر .. كنت تأمرت .. أنا لست متأمراً بطبيعة تكوينى .. ولكن إذا كان هناك تعامل مع أجنبى أنا أقامر لصالح بلدى .. لكن مش ضد بلدى .. فى تحقيق قضية .. الناخب العام يقول لى باعتبارك أحد مراكز القوى .. قلت له إيه مراكز القوى يعنى ده أنا يشرفنى إنى أكون مركز قوى .. ده أنا يوم ما أبقي مركز ضعيف ما يصحش إنى أكون فى مركزى لازم انضرب بال ولا يصح إنى أبقي وزيراً لرئاسة الجمهورية .. لازم أكون قوى .. ده ربنا سبحانه وتعالى بيحب المؤمن القوى .. القوى بمعانى كثيرة .. قوة الأخلاق والقوة البدنية والقوة الفعلية .. وجميع أنواع القوة هى الإيمان » .

• وأسأل اللواء طه زكى : كان فيه تسجيلات للرئيس السادات شخصياً فى بيته ؟

• « كان معمولاً له فى بيته كله .. وانكشف يومها أو تانى يوم .. وجاءت الأجهزة المختصة اكتشفت إن هناك فى بيت الرئيس أنور السادات وبمسجلوا عليه خطواته وكلامه وأحاديثه وكل شىء .. وده كان طبعا أحط أنواع تباشر مع رئيس جمهورية » .

• ويقول سامى شرف : « كان التسجيل خاص بكبار الممثلين أثناء العمل .. استحدثت شبكة

الاتصالات التليفونية .. وكان صلاح نصر أحضرهما .. هذه الشبكة قائمة على التسجيل التلقائي .. من أجل تأمين سرية الاتصالات بين كبار المسؤولين .. وكان المسؤولون جميعاً يعلمون أن هذا النظام يسجل المكالمات .. شعراوى كان يعلم .. وعلى صبرى كان يعلم .. وهذا غير نظام المراقبات التليفونية » .

* **يقول د . الجوهري :** « كان هيكل يكتب كتابات غريبة جداً .. ويقول إن إسرائيل قوة لا تقهر .. وإن المد الذي عملوه عاوز قنابل ذرية .. وعاوز وعاوز .. وكان فيه الجيش وضباط الجيش زعلانيين من هذا الكلام .. لأن دى عملية بتدعو للانتهزامية .. طبعاً ده ما كانش مطلوباً .. أنا بأعتقد إنه لو كان سمع رأى العسكريين كان يمكن الموقف بقى أحسن ١٠٠ مرة من اللي كنا فيه فى هذا الوقت » .

* **ويقول د . عبد العظيم رمضان :** « كان لأمين هويدى وزير الحربية الذى عينه عبد الناصر بعد عامر نظرية تقول إن خط بارليف لم يظهر فجأة إنما نمت يوماً .. ووجدت لجان تقصى الحقائق أن الجنود من الفلاحين البسطاء لا يجيدون التهديد كما ذكر فى كتابه » الفرس الضائعة « . »

● **وقاض الكيل بالسادات بعد عيد العمال سنة ١٩٧١ وأعلن إقالة على صبرى .. ولقى الخبر صدى جيداً عند الجماهير ...**

* **ويقول د . يوانا لبيب رزق :** « على صبرى لم يكن يحظى بشعبية .. كانت صورته العامة عند الناس أنه رجل متآمر أكثر منه رجل سياسى .. وهناك اليسار الوطنى واليسار العميل للاتحاد السوفيتى .. وأخشى أنه كان ينظر إليه من الجماهير بالصورة الثانية » .

* **ويقول الفريق أول محمد فوزى :** « فى الجيزة يوم ٩ / ٥ / ١٩٧١ .. يوم ما كان « سيسيكو » موجوداً فى القاهرة .. الصبح السادات عرض عليه الرد بتاع ديان .. وكنا جالسين فى منزله .. الدكتور فوزى ومحمود رياض وأنا وسيسيكو والرئيس السادات .. وكان أشرف غربال بيدون الحديث .. يجيب ردود « ديان » على « أنور السادات » .. الردود على الأسئلة .. الأسئلة هذه لا يوجد أحد عارفها فى البلد .. تخص المشروع بتاع الرئيس السادات الخاص بفتح قناة السويس .. هو كان بيعتقد بأن فتح قناة السويس خدمة للعالم كله .. وإن ممكن تحرير سيناء يتم سلمياً .. هذه هى النقطة .. هل إسرائيل بعلاقتنا معاهما الأربع قرن ترضى تسبب شبراً بطريق سلمى من غير ما تأخذ حاجة ؟ هو كان مقتنعاً .. ما حدش من اللي كانوا موجودين واحتك بإسرائيل يرضى بهذا الكلام .. وبالذات قال اسمى .. وقال اسم محمود رياض .. فلأنا عرفت بهذا وقدمت استقالة » .

● **وتأزم الموقف .. وازداد التوتر ...**

* **وأسأل كمال الدين حسين :** حضرتك قلت للرئيس السادات « احترس منهم إنهم مثا للديابير » .. فماذا تذكر عن هذه الواقعة ؟

• « كان فيه ناس حكاى عن اللي حصل فى أول مايو فى حلوان .. التهييص على أنور السادات واللى حصل هناك .. وقالوا فيما قالوا .. كانوا صحفيين وكان فيه وزير موجود .. ما أعرفش كان دخل الوزارة أم لسه .. قالوا لى إن هو ناوى يشيل على صبرى .. قلت لهم هو لو يشيل على صبرى لوحده تبقى زى اللي تكش عش اللبابير هاجوا عليه اللبابير لغاية ما يموتوه .. إذا كان عاوز لازم يسحق عش اللبابير كله .. وفعلأ وصله هذا الكلام » .

• ويقول أمين شاكى : « لأن السادات ما كانش بيثق فى اللي حول عبد الناصر .. واللى حول عبد الناصر ما كانواش بيتقوا فى أنور السادات .. لكن كان لابد أن يتعاضوا .. فأنور السادات أصبح رئيس .. ودول تولوا مناصب الحكومة .. وما كانش السادات له أحد أبداً فى الحكومة .. كلهم من الناس اللي كانوا بيستقلوا مع عبد الناصر .. والسادات كان يعلم تماماً الأخطاء اللي كانت موجودة أيام عبد الناصر وكان الشعب لا يرتاح إليها .. ولكن الظروف لم تمكنه فى البداية إنه يعمل تغيير .. فركز كل جهده فى عملية تحرير الأرض .. وقال لى أكثر من مرة مافيش حاجة تعمل فى هذا البلد إلا إذا خرج اليهود من سيناء .. طول ما هم محتلين أرضنا مش حانعمل حاجة » .

• كيف استطاع السادات أن يتغلب عليهم ؟

• « بتباوتهم .. ده زى ما تكون رايح تحارب تقوم ترمى سلاحك وتروح تحارب بلديك فاضية .. دول كانوا بقدرنا يشيلوا السادات بسطر فى الجرنال .. إن رئيس الدولة أصيب بأزمة قلبية وتم اختيار مجلس رئاسى برئاسة على صبرى مثلاً .. وعضوية كذا وكذا .. والمجلس حيتولى الرئاسة إلى أن يعود » .

• ويقول جمال حماد : « كان السادات قد أيقظ اللواء أحمد إسماعيل من نومه قبل الواحدة صباحاً ليأمره بالتوجه إلى مبنى المخابرات العامة ليتولى رئاستها بدلاً من أحمد كامل » .

• وفى يوم ١٣ مايو حمل أشرف مروان مدير مكتب سامى شرف استقالات القادة .. فقبلها السادات وأعلنها فى الحال ...

• ويقول أمين شاكى : « السادات بعد ما نجح فى هذا وحصل على ثقة ومحبة الناس فكر فى الإصلاح الداخلى .. قال أنا أغير الطاقم الموجود تدريجياً .. وأبتدا بشعراوى جمعة والعملية عملت نوع من رد الفعل الحاد من الجانب الآخر .. واتصرفوا بغبارة وقصوا استقالاتهم .. فالناس كانت متبينة إنهم يستقيلوا .. راح ماسكهم وراح حاططهم فى السجن ويحكمهم والحكاية معروفة » .

• وأسأل محمد فوزى : كان فيه استقالة جماعية أعتمد فى ذلك الوقت ؟

• « أنا قبل كده كنت مقدم استقالة ما وصلتوش .. ولكن الاستقالة الجماعية ما هى استقالة زى الفردية طيب وماله .. ده بعد كده أخذنا من بيوتنا .. أخذنى أنا من بيتى لابس البيجامة » .

• وحضرتك قريب السيد سامي شرف ؟

• نعم مراته تبقى بنت خالتي .

• وأسأل محمد فائق : حضرتك كنت مستقبلاً ولا كنت موجوداً يوم ١٥ مايو ؟

• هو يوم ١٣ مايو .. ١٥ مايو ما كانش فيه حاجة .. ما أعرض ليه سموه ١٥ مايو .. هو ١٣ مايو الحقيقة أنا استقلت .. ويومها على ما أنكر كان فيه وزير خارجية إيران .. فطلب مني السيد محمود رياض أن أظل في الإسكندرية .. ففعدت .. بعد شوية لقيت إقالة شعراوي جمعة .. المهم تطورت الأمور بشكل سريع جداً والواحد شعر إن فيه حاجة .. الحقيقة كان الرئيس السادات ببفعل أشياء بطريقة تتم عن تغييرات جذرية تحدثت .. فكان فيه فكرة للاستقالة من قبلها .. فحصلت الاستقالة وخصوصاً بعد ما عرفنا إن الجيش مش حيحارب .. وكان الفريق فوزى اجتمع برجال الجيش وقال لهم رئيس الجمهورية مش عاوز يحارب لكن قادة الجيش قالوا إحنا مع الشرعية .. فيالتالي أصبح الموضوع محسوماً بهذا الكلام .. وانتهت .. واستقلنا .

• وكانت الاستقالة عملية انفرادية كل واحد لوحده ؟

• هو يمكن كل واحد بيستقيل لسبب مختلف .. لكن يمكن التوقيت كان واحداً .

• وأسأل أحمد كامل : حضرتك فضلت رئيساً لجهاز المخابرات إلى متى ؟

• والله هم ٦ أشهر .. بعد كده دخلت السجن .

• ليه يا فندم ؟

• لأن الرئيس السادات ما أعرض ممكني ليه .. وحتى الآن لا أعرف سبب دخولي السجن .. لأن هو سألوه مرة فقال لهم أنا سجننت أحمد كامل لأنه علم ولم يبلغ .. فكرة الرئيس عن رئيس مخابراته .. لما تبقى بهذه التفاهة يبقى حرام .. لأن أنا مش بأشتغل سكرتيره .. أنا بأشتغل رئيس جهاز المخابرات .. وظيفتي إني أحوش عن الرئيس الإشغالات التي قد تشغله بلا مبرر وإلا يبجي هو يشتغل رئيس مخابرات .. فأنا كل المعلومات التي تجيلي بأحفظها والخبر اللي يستاهل إنه يعرفه أبلغه له .. إنما الخبر اللي أنا أرى بإمكاناتي إنه لا يصح التبليغ عنه ما بأبلغهوش .. فهو لما يبجي يقول أنا سجننت أحمد كامل علشان علم ولم يبلغ .. يبقى أنا مش في وظيفة رئيس مخابرات .

• وكيف كانت تصل التقارير إلى رئيس الجمهورية من رئيس المخابرات ؟

• رئيس المخابرات المفروض إنه لا يتبع إلا رئيس الجمهورية .. وعلى ذلك كان يجب أن ترسل التقارير باسم رئيس الجمهورية رأساً .. علشان رئيس الجمهورية يطلع ويؤشر ثم يعيد هذا الكلام إلى المخابرات للتصرف بناء على تأشيرة الرئيس .. لأن جهاز المخابرات جهاز جمع معلومات

ويعطى للرئيس طرق الحل المفتوحة من وجهة نظره .. وللرئيس السلطة الأخيرة في اختيار الحل الذى يراه مناسباً طبقاً للظروف السياسية والاقتصادية والأمنية وطبقاً لجميع الظروف الموجودة أمام الرئيس بكل وضوح .

* ويقول حافظ إسماعيل : « أحمد كامل كان صديقاً لسامى شرف » .

* وأسأل أمين هويدى : ما دور أحمد كامل الذى حل محله فى المخابرات ؟

* « اسأله » .

* « غير فى شيء ؟

* « ما أعرفش .. أنا كنت خارج المسرح وتركنت هذا الكلام وكنت خارج السلطة .. أحمد كامل شهد على كل إخوانه بموجب الشروط التى كانوا ببسجلوها - هو الأمر المؤسف إن كان فيه شروط مسجلة ضدهم كلهم .. ويسأل كل الذى انتقبض عليهم .. اسأل فيها أحمد كامل كان أحد الناس الذى ارتكز إلى هذه الشروط علشان يقول الذى هو قاله وقتها .. على أى حال أحداث ١٥ مايو كان لابد أن تحدث وحدثت وانفرد السادات بالسلطة لإن ما كانش ممكن ازواج السلطة » .

* « وأنت لم تعد للحكم ؟

* « إطلافاً » .

* « وأسأل د . عبد القادر حاتم : متى وكيف حضرتك رجعت إلى الأضواء وإلى السلطة ؟

* « أنا كنت بأشغل مستشاراً .. بعد ٦٧ و ٦٦ ما اشتغلتش .. فإذا بالرئيس السادات يدعوني .. يقول لى تعالى امسك الإعلام نانى .. وأنا الحقيقة قلت له سيادتك تعلم تماماً إن أنا لا أريد الناحية التنفيذية .. قال لى لأ .. أنا ما كنتش عارف بقى الخلفية التى بينه وبين الإخوان التى كانوا موجودين .. لإنى كنت بعيداً عن الحنة دى - كنت بأدرس وبشوف لوحاتى وكانت دى هواية جميلة مع القراءة - فقال لى لأ ده فيه عملية انقلاب .. قلت له إذا كان فيه انقلاب أنا لابد أن أكون موجوداً معك .. فقال لى تروح الليلة .. لإنه عين وزير ٢٤ ساعة فى ١٣ مايو » ٧١ .

* « لى هو مين يا هاتم ؟

* « كان اسمه الزيات .. مش محمد حسن .. الثانى قريبه الذى توفى .. بيدى له تعليمات وهو لا ينفذ .. فقال لى لو ما كنتش حابعت الياور بقاى ومعا قوة تضربهم .. لإن هم عاوزين يقيضوا على وأنا داخل مبنى الإذاعة والتليفزيون .. قلت له طيب حاروج إذا كان كده .. وقلت له أنا سايب ولادى دول بقى لى ٤ سنين ونصف لكن فيه علاقة إنسانية بينى وبينهم .. وطالما إن أنت عينتنى وأنا ظهرت فى التليفزيون مش حيحصل حاجة لإن هم

حيسمعوا الكلام وحيفهموا الوضع كويس لمصلحتهم ولمصلحة البلد .. قال لى لازم تروح .. فرحت فى ذلك الوقت مبنى التلفزيون بعربية أنا سابقها .. لقيت ٥ آلاف واحد على باب التلفزيون وشالونى .. وما لقيتش نفسى إلا فى الدور التاسع وعمالين يهتفوا .. وإنابى هو بينكلم فى التلفزيون ويقول لى الله ده الناس كلها يهتف لك .. قلت له بعدين بقى يا سيادة الرئيس .. إحنا لسه فى أولها .. وخصوصا الله يرحمه كان عنده روح الفكاهة فى عز الأزمات يقول لك حافرمهم .. قلت له سيانك بتقول تحترم وفيه إشاعة بلان شعار الدولة حقيقى المفزعة .. وعلى العموم أدعوك إنك إنت تيجى وتشوف الإذاعة والتلفزيون .. لأن أنا قلت لهم هناك .. فيه حاجة اسمها وفاء وحاجة اسمها ولاء .. العلاقة الللى بينى وبينكم زى ما علمتكم .. ده نوع من الوفاء .. أما الولاء لمصر ولرئيس الدولة الشرعى .. دى كانت البداية .. لكن بعد كده كانت فيه خلافات بينه وبين الناس الللى كانت موجودة .. يسلم على واحد ويوسنى .. تانى يوم ما ألقهوش .. ألقهوش ممسوك .. مش عارف كان عمل إيه ؟

• وأسأل د. العكرورى : كنت فىن فى أحداث مايو ٧١ ؟

• ه فى ١٤ و ١٥ مايو وما بعدها .. أنا كنت فى قلب الاتحاد الاشتراكى .. أنا كنت أمين عام الاتحاد الاشتراكى فى الجمهورية .. وأنا الللى كان منوط بيّه مسئولية التوجيه الشعبى كله من الاتحاد الاشتراكى ومن بقايا التنظيم ومن كل الهيئات فى عملية اختيار الرئيس السادات .. وفى المرة الثانية فى تأييد عملية ١٥ مايو واستعباده للشخصيات المستبعدة .. والجمهور عيز عن تأييده .. وكانت كل القوى المؤثرة فى مصر فى يده وكانت القاعدة قاعدة الجيش غير متاحة .. تنظيم الاتحاد الاشتراكى كان هش والدخالية اللتى كان مسيطرأ عليها السيد شعراوى جمعة ولم تكن بالقدر المحسوب .. وبالتالي أول ما بدأت الفرص تلوح للناس انطلقت .. وكانت مئات الآلاف من الجماهير تأتى إلى الاتحاد الاشتراكى .

• هل حدث صراع بينك وبين سامى شرف كما نكرت لى ؟

• ه حصل بالرغم مننا .. الأستاذ سامى شرف تربطنى به علاقة أمرية وكنا معاً فى نخبة واحدة فى المدرسة وهو الذى أتى بى للعمل معه فى مكتب الرئيس للمعلومات .. ولكنى شعرت بعد استدعاء الرئيس إنه لم يكن مرتاحاً لهذا الوضع .. وعندما تحركت الأحداث أصبح هناك مجموعتين .. إحدهما من الصعيد والأخرى مجموعة سامى شرف .. وهو قد يكون فهم إنى بأعمل ضد سامى شرف لكن بالعكس أنا بأكن له كل مودة .. ولكنى لم أقف ضد سامى شرف .. ولكن وفقت مع مصر .

• وأسأل جمال السادات : مايو ٧١ إيه الللى تفكره منه ؟

• ه أفكر جيداً لما جاء العميد طه زكى .. ما كنتش أعرفه هو مين وشفته وهو داخل .. بس عرفت بعد كده إنه ده الضابط الللى قال عليه والدى .. وفضلت أنا قاعد على السلم مهران للصبح

عشاش خائف لا حد يجيى لما سمعت إن فيه ممكن ناس من الداخلية يججوا .. وكنت صغيراً ..
ففضلت سهراناً قاعد للصبح .

* وأسأل المشير الجمسى : انطباعك كان إيه عن الجيش المصرى وقد كنت أحد قائده فى
فترة ١٥ مايو ؟

* « فى ١٥ مايو ٧١ اللي هى ثورة التصحيح .. مرت على القوات المسلحة عادية جداً لم يحدث
فيها شىء غير عادى .. والمشكلة كلها إن الفريق أول فوزى كان وزيراً للحربية وقائداً عاماً
للقوات المسلحة .. وكان من المجموعة التى وقفت موقف ضد الرئيس السادات فى ذلك الوقت
وده تاريخ معروف لكل الناس .. لم يحصل أى تصرف أساء للقوات المسلحة .. والقوات
المسلحة لم تسمى إلى الموقف ده إطلاقاً .. خصوصاً إن الفريق أول محمد صادق كان رئيس
أركان القوات المسلحة .. مالهوش دعوى بموضوع ثورة التصحيح وتولى القيادة .

* وأسأل أحمد سرحان : كنت مع الرئيس السادات فى سنة ٧١ ؟

* « أذكر إن السيد الرئيس كان رابط الجأش جداً .. وكان هادى جداً ومتزن جداً والأمور مثبتة
زى ما كلنا عارفين .. وأذكر إن هذا اليوم كُلفت أن أتوجه إلى مبنى السنترال فى رمسيس ..
ورحت فعلاً إلى غرفة التسجيلات واستطعت مع زميل لى فى الحرس الجمهورى صلاح
سليمان .. هو دلوقتى فى الحكم المحلى .. ومجموعة لا تتعدى الخمس أفراد إن إحنا نسيطر
على مبنى السنترال بالكامل .. واستطعنا إن إحنا نتحفظ على الشروط .. وكان أيامها ممدوح
سالم - رحمة الله عليه - فى نفس اليوم عين وزيراً للداخلية .. واتصلت به وانتقل إلى هذا
المكان الأعضاء رؤساء النيابة .. وابتدت الأمور تأخذ الشكل القانونى .

* ويقول د . عزيز صدقى : « الشرعية بتقول .. فيه دستور مؤقت يقول لما يموت رئيس
الجمهورية يبقى نائب رئيس الجمهورية .. الدستور بيوجه لك إزاي الخطوات تمشى ..
لو ما احترمتش هذا انتفتحت السكة بقى فليتناقص المتنافسون .. هل المجموعة بتاعة على
صبرى هى اللي تحكم ولا مجموعة مجلس الثورة ونخش بقى فى متاهات .. أنا كرجل وطنى
قلت نعمل بالدستور ودى الشرعية .. ثم بعد كده اشتغلت مع أنور السادات .. ولعلمك فى ١٥
مايو أنا عرضت نفسى للمخاطرة .. البيان اللي أنا نزلته الساعة الواحدة والربع أذيع من
الإذاعة .. قلت فيه أعلنت الخيانة رأسها .. وقال لى الناس بعد كده إنت مجنون .. كان البوليس
وياهم والجيش وياهم والاتحاد الاشتراكى وياهم .. ورايح أنا الساعة الواحدة .. ده أنا كنت فى
بيت أنور السادات .. قلت له حنقده كده .. قال أعمل إيه .. كان هو وحسين الشافعى .. قلت
له الوزراء استقالوا .. يعنى يقولوا إنك أنت خائن .. مش ترد عليهم .. نزلت البيان اللي أذيع
الساعة الواحدة والربع .. إذن أنا مش لإنه أنور السادات لإن دى مصر .. أدى علاقتى بأنور
السادات من حيث هو ممثل مصر وأنا مواطن أحب مصر ولازم أقف معه .

* ويقول عبد اللطيف بغدادى : « واستمر أنور السادات بقى يحكم .. لما جاءت عملية مراكز
القوى دى هنأاه وكان ده موقف تأييد له .

- وأسأل حافظ إسماعيل : ثورة التصحيح كنت موافقاً عليها ولا ضدها ؟
- « هي مش ثورة تصحيح .. هي صراع على السلطة .. بعد وفاة جمال عبد الناصر كان الرئيس السادات صاحب السلطة .. وكان هناك رجال جمال عبد الناصر بدون ذكر أسماء .. وكان الصراع ما بين هؤلاء ومن منهم يدير مصر » .
- « وتقلب في النهاية الرئيس السادات وبعد كده استدعاه وانضميت إلى صفوف المجموعة الساداتية .. المجموعة الناصرية رُج بها في السجن .. كنت مؤيداً أم معارضاً هذا ؟
- « أؤيد الرئيس نعم .. لأنه اختيار شعب .. وإذا قال الشعب كلمته على هذا الأساس .. استفتاء .. السادات استفتى عليه .. وكسب الاستفتاء وأصبح رئيساً للدولة » .
- « ويقول د . مصطفى خليل : « سيطرة النفوذ الشيوعي على مقدرات البلد كان يبهد النظام .. وهنا اجتمعت هذه المجموعة واتصلنا بالرئيس السادات وقلنا له إحنا عاوزين نقف وراءك في هذا الصراع .. وكتبنا فعلاً الشيء اللي سماء بالعريضة .. وراح الرئيس السادات وانكلم عنها في مجلس الشعب بعد كده » .
- « وأسأل سامي شرف : الدكتور حاتم أخذ ما يخصه من الخزينة ؟ ما صحة هذا الكلام الذي جاء على لسانك ؟
- « مش من الخزينة .. هو أخذ ما يخصه من سكرتارية رئيس المعلومات .. أنا كنت في السجن يُسأل هو أو أسأل اللي كانوا فيه » .
- « وعرفت هذا الكلام منين ؟
- « لما خرجت من السجن سنة ٨١ فيه بعض الموظفين جاءوا لي هنا بيزوروني .. حمد الله على السلامة ومش عارف إيه والكلام جاب بعضه .. فلان جاء وفلان جاء وما أخشش يعني هم ٣ اللي دخلوا المكتب بأوامر من السادات .. الدكتور عبد القادر حاتم ومحمد عبد السلام الزيادات الله يرحمه ومحمد حسنين هيكل .. دول الموظفين قالوا لي .. عبد القادر حاتم أخذ ما يخصه .. إيه اللي يخصه ما أعرفش ؟ محمد عبد السلام الزيادات بص في ملفه وقله تاني .. والأخ محمد حسنين هيكل صور المكتب كله ! »
- « الملفات دي عن الأشخاص كانت علشان إيه ؟
- « افترض بقى الدكتور عبد القادر حاتم ده رجل كان وصل لدرجة نائب رئيس وزراء للثقافة والإعلام فيه اتفاقيات بيعملها .. فيه أحاديث صحفية بيعملها .. فيه ده نظام « سكاوتينج » إن كل واحد بيعمل شيء أو بيتنسب له شيء .. بيتخط في الـ FILE بتاعه .. وإن فلان كُلف بكذا وبكذا وإن فلان عمل كذا وإن فلان صرح بكذا وإن فلان سافر لكذا .. صدر قرار جمهوري بتعيينه .. إذا كان بعض الناس في ملفاتها شيء ضددهم كانت بتتخط في هذا الملف .. فيه ناس

كان فيه حاجات ضدها من تقرير أجهزة المباحث .. تقرير من الرقابة الإدارية .. من المخابرات .. بيتحط في الملف بتاعه » .

- **وتقول هدى عبد الناصر :** « سمعنا أخبار الاعتقالات من الراديو » .
- **هى بدأت بتقديم الاستقالات .. من جميع رجال الرئيس عبد الناصر ؟**
- **« فعلاً .. ولم نعرف لماذا وقتها .. وأنا شخصياً كنت قد استقلت بعد وفاة والدى مباشرة » .**
- **وأسأل أنيس منصور :** وكيف اقتصر السادات على مراكز القوى فى ٧١ ؟
- **« هو .. إحسان عبد القدوس له تعبير عن أنور السادات كان ببضايقه وأنا كنت بأنضايق من إحسان برضه .. إحسان أحد كبار المحللين السياسيين فى تاريخ مصر .. ولكنه بشر وفنان كان يقول لك إن أنور السادات ده رغم إنه بيحكم مصر لكن بيتصرف كأنه متآمر عليها .. تأمره أو إحسانه بالتآمر ده لم يفارقه أبداً .. يمكن حرمة من متعة .. وحكاية إنه كان بيتآمر على ناس ويتخلص منهم ده عز الطلب .. يعنى إدوا له فرصة قلمهم جميعاً فى سلة واحدة .. ويتصرف بمنتهى الهدوء يعنى هذه لعبته .. كيف يعملها أنا لا أعلم لكن طبعا ده رجل محترف » .**

- **وأسأل نجيب محفوظ :** ماذا تقول عن ما سميت بثورة التصحيح ؟
- **« مش هى دى اللي السادات قبض على مراكز القوى ؟ »**
- **بالضبط ..**
- **« لا دى كانت نقل سلطة لسلطة .. يعنى كانت لحظة حاسمة .. إما جهاز عبد الناصر يستمر .. أو السادات يقلعه » .**
- **إيه رأيك فيها .. توافق عليها أو لك تحفظات ؟**
- **« هى كانت تمشى مع التطور خلاص » .**
- **ويقول مصطفى أمين :** « كان لابد منها .. لأن كان يجب أن تكون ثورة التصحيح دى بعد اللكمة مباشرة .. إنما تأخرت عدة سنوات » .

• **ويقول مصطفى كامل مراد :** « كانت فترة عصبية جداً .. وأنا شاركت فيها من الناحية البرلمانية فى مجلس الشعب وأخذنا قراراً بإسقاط الرئيس والوكيلين و ١٣ عضواً .. المجموعة التى كانت منضمة إلى على صبرى .. طبعا ده كان إجراء ثورى .. يمكن المرة الوحيدة فى تاريخ البرلمانات المصرية من سنة ١٨٦٦ حتى النهارده .. إنما هى كانت انتفاضة الغرض منها التحول من الأوضاع الاشتراكية إلى الأوضاع الليبرالية .. وكان لابد من إزاحة العناصر المعارضة .. فكان لابد أن يزيج هؤلاء الناس من طريقه .. وفعلاً تمكن .. الظروف مكنته

بطريق الحظ أكثر من أى شيء آخر .. إنما هى كانت حركة تصحيحية الغرض منها الخروج عن الخط الاشتراكي والاستعداد لحرب ٧٣ .

• ويقول سامى شرف : تركنا له الساحة بمحض اختيارنا لاختلافنا مع توجهاته ومع أسلوب العمل .

• فى ١٥ مايو احتفل السادات بانتصاره على جميع أعدائه الذين أطلق عليهم اسم « مراكز القوى » .. ونجح فى أن يدخلهم السجن بعد اكتشافه عملية تسجيلاتهم .. وكان على رأس القائمة سامى شرف مدير مكتب عبد الناصر ، ولبيب شفيق رئيس مجلس الشعب ، وشعراوى جمعة وزير الداخلية ، والفريق محمد فوزى قائد الجيش ، ووزير الإعلام محمد فائق ، وعبد المحسن أبو النور أمين عام الاتحاد الاشتراكي ...

• ويقول د . محمود جامع : أثناء محاكمة سامى شرف .. فتح موضوع المصروفات السرية .. وكان سامى قد حصل على مبلغاً لما سنل عنه قال آه أخضته بأمر الرئيس عبد الناصر .. ونظر إلى منصة القضاة وقال : ما إنت يا حافظ يا بدوى أخذت أيضاً لبنائك .. أخذت ألف جنيه لكل بنت بمناسبة زواجها .. ثم نظر إلى شعراوى جمعة بجواره فى القفص وقال : ألم تأخذ أنت أيضاً ؟ كنت أصرف أموالاً كثيرة بأمر الرئيس .. وكانت هذه الأموال مصروفات سرية بدون مستندات .

■ وأسأل عبد المحسن أبو النور : هل كانت هناك شرائط وتسجيلات ؟

• « كل ده كلام لا يودى ولا يجيب .. كله خاطيء .. الشريط اللي اتكلموا على أساسه .. هو عبارة عن شريط بين شعراوى جمعة وفريد عبد الكريم .. بيتكلموا فيه على الوضع فى الاتحاد الاشتراكي .. وأنور السادات واللى بيعمله فى هذه الفترة .. وإنه لا يجب إننا نسكت على هذا الكلام .. حديث متبادل بين شعراوى جمعة وفريد عبد الكريم لا أكثر ولا أقل ... مافيهوش حاجة .. ممكن إنك أنت تلمس فيها أى شيء .. لكن أخذت واتعمل عليها هيصة فى الجرائد وإن فيه واحد جاء من وزارة الداخلية وقال الحقوا أنا جايب شريط إيه ومسجل عليه إيه ومؤامرة .. ولا فيه شيء من هذا القبيل .. كانوا أظهروه وهو موجود دلوقتى معروف .. مافيش حاجة من هذا القبيل إطلاقاً » .

■ حضرتك بدعت بعدها ؟

• « أنا بعدما بدعت آه » .

• وأسأل طه زكى : لعلك الرجل الأول فى حادثة ١٥ مايو وقطعاً النكريات كثيرة والكلام كثير .. فلنبدأ حديثنا عنها ؟

• « سأكلمك إن شاء الله من الذاكرة اللى الأحداث دى محفورة فيها .. لأن باعتبارها تغيير مسار فى منطقة الشرق الأوسط بكاملها .. لأن زى الرئيس السادات ما قال - الله يرحمه - إن ١٥

مايو كانت بداية ٦ أكتوبر ولولا ١٥ مايو ما كان ٦ أكتوبر العظيم .. أنا كنت ضابطاً صغيراً في مكتب من مكاتب إدارة المباحث العامة وقتها .. شغلنا مراقبة التليفونات سوء بأوامر قضائية أو بتكليف من النيابة العامة اللي بنعمل فيها ضابط من ٣ ضباط ولنا رئيس مكتب .. بعد وفاة الرئيس عبد الناصر - الله يرحمه - تولى الرئيس أنور السادات السلطة .. ويعني كان فيه أقوال عديدة إن دى مرحلة انتقالية وإن فيه مراكز قوى فى الدولة وإن وإن .. فعلاً المكتب اللي كنا بنشتغل فيه ده كان بيسجل العديد من مراكز القوى أو بمعنى أصح هم كانوا بيراقبوا بعضهم فى مكاتيبهم وفى بيوتهم .. كل اللي كان يقدر يعمل حاجة فى التانى كان بيعملها .. لإن مافيش أمان بينهم وبين بعض » .

• ومن كان المسئول أو الرقيب على ذلك ؟

• « والله إحنا كنا فى هذا الوقت خاضعين لإدارة المباحث العامة اللي كان بيرأسها اللواء حسن طلعت - الله يرحمه - وطبعاً رئيس حسن طلعت كان شعراوى جمعة .. إنما سامى شرف كان عامل له مكتب خاص .. وأحمد كامل فى جهاز المخابرات العامة كان عامل له مكتب تانى فى جهاز المخابرات العامة .. والـ ٣ مكاتب بيشتغلوا ممكن يكونوا على بعضهم كمان .. كنا مكلفين بمراقبة عدد من الشخصيات كان بيدور بينهم أحاديث .. باين منها قوى إن أنور السادات مش عاجبهم .. وإن طريقتة مش عجباهم .. وإن قبوله لمبادرة روجرز اللي سبق جمال عبد الناصر قبلها برضه مش عجباهم .. وإن التيار اللي ماشى فيه مش مريح بالنسبة لهم .. والمجموعة دى كان بيرأسها على صبرى - الله يرحمه - ومجموعة مراكز القوى اللي وردت أسماؤها فى المحاكمات اللي جرت .. فأنا كضابط عادى حسيت إن الكلام اللي بيتكلموه بينهم وبين بعض إن السادات مش عاجبهم وسياسته مش عجباهم .. ويعنى بعض الأنفاظ اللي لا تليق أن تقال على رئيس الجمهورية كانت بتتردد فى الأحاديث .. ففكرت إزاي الكلام ده ؟ مفروض إن إحنا بنعمل التسجيلات دى ويفترغ على ورق ويأخذها رئيس المكتب يودى الأصل لحسن طلعت مدير المباحث العامة .. وحسن طلعت يرفعه لشعراوى جمعة وزير الداخلية .. وصورة ثانية لسامى شرف مدير شؤون رئاسة الجمهورية .. والمفروض كلامهما بيعرض على رئيس الجمهورية إذا كانت الأمور تتعلق بأمن الدولة اللي بتتكلم فيها .. قطعاً لما حسيت كضابط أمن قديم إن الكلام ده كله نقد لرئيس الجمهورية وسياسته مش عجباهم .. بدأت أفكر طيب إزاي أوصل لرئيس الجمهورية علشان الكلام ده أكيد مش بيوصل له .. إحنا مش حاسين إن فيه إجراء بالعكس العملية بتزيد وبعضهم كان بيتكلم كلاماً لا يصح أن يقال على رئيس دولة .. رئيس الدولة رجل محترم وله شرعية دستورية لا يصح إن إحنا نجيب سيرته بأى كلام غلط .. أفكار عديدة انتابتنى فكان لى قريب فى القوات المسلحة عقيد اسمه محمد معوض كان ابن عمى .. فرحت له كنت أسمع منه إنه يعرف ضابطاً اسمه عفت المادات .. وعفت السادات شقيق الرئيس أنور السادات .. قلت له ممكن يا محمد تجيب لى عفت .. قعد يماثلنى ليه .. علشان إيه .. قلت له كفاية إنك توصلنى بعفت .. طيب ليه .. قلت له معلش ده موضوع ماحدش حيرف عنه حاجة أبداً .. إلا لما أقابل الرئيس شخصياً .. فآلمهم اتصل يشوف عفت المادات ..

ما كانش حظنا موفق فلقى ضابط تاني اسمه أحمد طه .. وده منزوح شقيقة الرئيس أنور السادات .. وجاء أحمد طه وقلت له أنا عاوز ميعاداً من الرئيس .. وراح جاب لى ميعاد .. حسب كلامه .. وإن كان طلع بعد كده مش مضبوط .. لأنه جاب لى ميعاد مع السيد فوزى عبد الحافظ .. ورحت ودخلت للمكرتارية الخاصة بعد ما ركنت سيارتى عند بقالة سعودى كنت شاكك إن أنا بأتراقب برضه .. لأن أنا فاهم إن كلنا بنراقب بعضنا .. واتمشيت ودخلت ببطاقة شخصية .. فيها وظيقتى إن أنا مهندس فى مصلحة التليفونات وباسم علاء الدين .. طلعت نكى .. ودخلت وطلعت عند السيد فوزى .. إليه وعاوز إيه .. قلت له أنا جاي للرئيس .. قال لى أنا السكرتير والرئيس نايم .. قلت له أنا جاي لأمر هام جداً .. وإذا قابلته فيه مصلحة للرئيس ولمصر ولك أنت ولليلد .. طبعاً أنا قلت له أنا بأشغل إيه .. أنا داخل ببطاقة عمل شخصية مش مضبوطة بعنى مزورة .. والجهاز اللي بنعمل فيه هو اللي زورها علشان نستخدمها .. ودخلت بالبطاقة دى .. وبمدين قلت له على أى حال لما يصحى سيادة الرئيس اتصل بى أو اتصل بك وأجى أقابله .. فقال تتصل بى إزاي .. قلت له أنا اللي أتصل بك لإن تليفوناتك بتتراقب .. لما قلت له تليفوناتك بتتراقب بدأ ينتابه شيء من القلق .. قلت له أنا أخذ اسم ابنك حسام وحأكلك على إن أنا ابنك حسام وابنك فى كلية العلوم .. عارف المعلومات دى من الشغل .. أقول لك يا بابا قابلنى عند الكلية أروح معاك وأجى أقابل الرئيس .. فرد أحمد طه اللي كان الوصلة فى الوسط .. قال لا أنا أخذ تليفونات فوزى بك وهو يكلمنى وأنا أكلمك .. قلت له أنت مش دلوقتى طلعت كذاباً تبعد عن هذا الموضوع خالص مالكش دعوة بالعملية دى .. لإنك فهمتني إنك جايب ميعاد مع سيادة الرئيس وكلامك طلع مش مضبوط .. المهم حصل بننى وبينه شيء من الشد الخفيف .. قلت له يا أحمد كتر خبرك ولغاية كده كفاية .. وفعلأ نزلت وبعد كده كلمت السيد فوزى وقابلنى عند كلية العلوم .. فى الوقت ده ما كانش معايا شرائط نهائى .. كله فى الذاكرة وطلعنا قابلنا سيادة الرئيس .. وأفكر إنها كانت فى فريدة فى البيت اللي على النيل الحالى ده .. وقعد الرئيس على كنبه وقعدت جنبه على كرسي والسيد فوزى كان واقف وأنا ما كنتش قلت لحد نهائى .. يعنى فوزى لم يعلم أنا جاي ليه .. إلا فى اللحظة دى لما بدأت أحكى للمسادات .. فحكيت له المعلومات اللي عندي اللي هى مجمعة تقريباً عما يدور من مؤامرة ومن محاولة للتخلص من حكمه ومن النظام .. وبعدما خلصت قال لى الرئيس بالحرف يا ابني - ولا أنسى هذا الحديث لأن أنا سجلته مع السيدة مامية صادق فى برنامج فنجان شاي .. ولازال مسجلاً وميادة الرئيس السادات سمعه ومصر كلها سمعته .. فأنا لا أستطيع أن أغير كلمة واحدة منه - السادات قال لى : « بس يا ابني بعد ما جمال مات شعراوى وسامى واقفين جنبى كويس جداً ويشغلوا كويس .. وأنا لو أصدق كلام أى واحد يحكى لى زيك كده أحاط نصف البلد فى السجون .. معاك دليل » .. قلت له يا أفندي الدليل موجود .. بس ما أقدرش أحصل عليه لأن لما بأسجل الشريط بأكتب عليه حنة صغيرة « بين فلان وفلان » بين « السيد طارق حبيب وطه زكى » .. أياً كان .. بين « شعراوى جمعة وفلان » .. بين « على صبرى وفلان » ويأخذه رئيس المكتب يخفيه فى « شانون » كبير وهو الوحيد اللي بيعرف الـ Code Number السرى بتاع الأقبال .. يعنى أنا والضباط الاثنين اللي

معايها ما نعرفه عنه حاجة .. إحنا بنفرغ الشريط وبعد كده هو ببشيله فى الشانون ويقفل بالتقل ويحفظ به نفسه .. فما أقدرش أجيبه .. وأنت سيادتك رئيس الجمهورية تقدر تجيب الفرفة باللى فيها .. فالحقيقة لما قال لى يا ابني شعراوى وسامى واقفين جانبى كويس وببشغلوا كويس .. أنا الحقيقة بدأ بتأبني شيء من الخوف .. فلما قال هذه الكلمة بدأت زى اللى بيصايب بحالة عمى جزئى لمدة ثوانى .. هو يبدو بما كان فيه من حس متقدم استشعر هذا .. بص لفوزى عبد الحافظ وقال له يا فوزى لو جاء طه فى أى وقت أو تكلم فى أى وقت يدخل لى حتى لو كنت نائماً .. بدأت أحس إن كلامى لقي عنده قبول وإلا ما كانش يقول كلمة زى دى أنا إيه يعنى ضابط صغير فى المباحث العامة يصحى رئيس جمهورية .. إلا إذا كان رئيس الجمهورية وجد فيه كلاماً صادقاً .. المهم نزلت وأنا فى حالة نفسية مش مستريحة .. إنما بدأت أفكر أجيب الشرائط دى إزاي .. وما أعرضش بقى فكره فيه إيه .. هو كان بعيد النظر وكان دائماً هادىء فى الترتيب .. يعنى يرتب بهوده زى ما رتب لأكتوبر العظيم كده بهوده .. فشاء ريك وأنا بأعتبره دائماً جنب مصر وكان جنب السادات .. فوجدت رئيس المكتب قال لى يا طه خالتي توفيت ومضطر أسافر وأخذت ثلاثة أيام أجازة .. أنا حادىلك الأرقام السرية بتاعة الشانون ولما أرجع أبقى أغيرها بس ما تعرفهاش لأحد .. وماسفر بلدهم وفتحت أنا الشانون بعد ما نزل وأخذت ثلاث شرائط كنت حافظها طبعاً .. فى شنتطلى الجلد وخرجت إلى الشارع .. وكلمت فوزى عبد الحافظ على إنى حسام ابنه وجاءنى عند كلية العلوم ورحنا للرئيس .. والسيدة جيهان السادات أحضرت من بيت محمود أبو والية زوج شقيقتها جهازاً يصلح لنوعية الشرائط دى .. وبدأ السادات يسمع يمكن من ٩ مساء حتى الفجر تقريباً .. وكانت هذه الشرائط بتحكى عن المؤامرة بالكامل بما فيها الألفاظ البذيئة اللى كانوا بيطلقوها .. كان بين شعراوى جمعة وواحد اسمه فريد عبد الكريم .. كان أمين التنظيم فى الجيزة .. وبين محمود السعدنى الصحفى وبعضهما .. وبين سامى شرف وبعضهما وعلى صبرى .. مجموعة من هذه المجموعات أغلبها أحاديث إنهم مش عاجبهم نظامه وإن الوحدة مع ليبيا مش عارف إيه ومبادرة روجرز دى تراجع .. وهم فى الواقع كان لهم اتجاه معين يسارى وكلنا يعلم هذا ما فيش كلام فكان مش عاجبهم طريق أنور السادات .. كان فيه تجاوزات عديدة فى الأحاديث ما يصحش أنكرها لإن عيب ننكر .. كلام لا يصح يقال من مسئول على رئيس دولة تتمثل فيه الشرعية الدستورية .. فالمهم السادات بعد ما خلس الاستماع .. ومنها مثلاً « لو فكر يروح الإذاعة على صبرى يقول لشعراوى - رد عليه وقال أعقله » .. كلام زى ده عيب حتى إننى أعيده .. إنما طلع منى عفراً .. لإنه لا يصح أن يقال على رئيس جمهورية من أعظم الرؤساء فى العالم .. وبعد ما خلصت قال لى يا ابني كل ده عندك وجاى .. وقال لى إنت جاى ليه .. قلت إيمانى بك وبوطنيتك وبوطنيتى وببلدى وإيمانى بالله أكثر من الكل .. وأنت الرئيس الشرعى والشرعية الدستورية فى مصر فيك مش فى أحد تانى .. وجاى لك علشان تنقذ البلد فى الوقت المناسب والوقت الللى نراه .. قال لى طيب روح لشغلك وإذا جد جديد أبقي تعالى .. فعلاً بدأت أتردد على بيت السادات مرات عديدة لإن الحكاية ما كانتش ليلة .. الكلام ده كان فى أوائل مايو يمكن يوم ما أقال على صبرى من جميع المناصب اللى كان بيتولاها وطلعت فى الجرائد بعد الاحتفال

بعيد العمال في أول مايو .. زى الرئيس ما قال كانوا عاملين زى حكاية « سينما أونطة » يلعبوا برجليهم ويطلعوا له صور والكلام ده ما يصحش يعنى .. فبدأت أتردد إلى أن جاء يوم ١٣ مايو واستدعى السيد ممدوح سالم من الإسكندرية .. وجاء ممدوح سالم - رحمة الله عليه - وأعتبره أعظم من تولى السلطة في هذه البلد نظافة وأمانة ونزاهة وعلماً .. تولى السلطة كوزير داخلية .. والسادات حدد إقامتهم جميعاً في بيوتهم .. وبدأت الأمور تأخذ مجراها .. وقتها أخذوني أنا وزملائي على إن إحنا بنسجل وما حدش عارف إن أنا عملت حاجة .. حتى السيد ممدوح سالم كان للرئيس قال له اللى جاء لى ضابط اسمه فلان .. فبيقول لى أنا بأشرك .. قلت له على إيه .. قال لى على اللى عملته .. قلت له أنا ما عملتش ولا أعرف حاجة .. قال لى لأ ده الرئيس قال لى .. كلمة معينة كان قالها لى فى الحديث قلت يبقى صحيح .. قال إنت على كل حال اللى عملته ده يرفع رأس الشرطة كلها .. ودى حاجة لبلدك كريمة .. قلت له ده يا أفندي إحساس بنانى مسلم فى بلد مسلم ورئيس شرعى ومستورى .. والناس دول كان اتجاهم نظام يسارى .. والناس اليساريين ما يعرفوش أصلاً إن فيه ربنا » .

• **ويقول أمين هويدى :** « فى ١٥ مايو أنا لم أكن فى الحكم .. أنا كنت رفضت أن أشترك فى الوزارة الثانية بتاعة الدكتور فوزى وبقي التعديل الوزارى مؤجلاً ٣ أيام لمحاولة إثنائى عن قرارى » .

• **مين اللى كان بيحاول يتشك ؟**

• « من أول الرئيس السادات للسيد حسين الشافعى .. وكل الإخوة اللى كانوا موجودين .. أنا كنت بأعتقد إن الرئيس السادات له ظروفه أو طريقه وعلينا أن نخلى له الطريق .. لكى يكون حر التصرف فى هذا .. ولذلك فى نوفمبر ١٩٧٠ تركت الحكم .. وحينما قامت عمليات ١٥ مايو كنت خارج الحكم .. لكن الصراع بدأ وكان صراع سلطة بدأه الرئيس السادات باتخاذ قرارات منفردة عن الجماعة .. وأنا لم أكن من ضمنها .. لآنى تركت كل شىء وتفرغت إلى التأليف والكتابة والزراعة .. عندى حنة أرض بقيت أزرع فيها وأكتب وطلعت أرامها .. كيف يفكر زعماء الصهيونية » .. وانتهى هذا الموضوع إلى ما كان من المحتم أن ينتهى إليه بأن السادات انفرد بالسلطة .. و « قش » الناس كلها داخل السجن وحاكمهم فيما يسمى بقضية ١٥ مايو » .

• **وأسأل هه زكى : الرئيس السادات أحرق الشرائط يوم ١٥ مايو .. هل كانت فعلاً هذه الشرائط هى الشرائط المسجلة ؟**

• « الشرائط المسجلة أخذتها النيابة العامة علشان تبأشر بحث القضية .. أغلب الشرائط دى كانت لأسر كريمة وستات محترمة وناس محترمة .. وكانوا بيطلبوها لأغراض شخصية .. الإنسان يعف عن أن يذكرها لإنها كانت بتمس أسر كريمة وأسرار شخصية .. لا يصح .. ربنا سبحانه وتعالى قال ﴿ ولا تجسسوا ولا يغتب بعضكم بعضاً .. أحبب أحكم أن يأكل لحم أخيه ميتا فكرهتموه واتقوا الله إن الله تواب رحيم ﴾ .. كلام ربنا .. افترض إنى رجل أغلط فى حق نفسى .. انت مالك ما ربنا حياسبنى حتاسبنى إنت ليه .. وقامت ثورة ١٥ مايو والسادات

حدد إقامتهم وبعدين تولت النيابة العامة التحقيق .. وبعدين انضموا للمحاكمة وكل واحد أخذ جزاءه وبدأت البلد تأخذ مساراً جديداً .. والشعب كله طلع يبارك ما اتخذه أنور السادات من إجراءات .. السادات عرض على حقيقة وقتها مكافأة مالية .. الله أعلم بمقدارها .. إنما أعتقد كانت مكافأة كبيرة .. رفضتها مش عن غنى .. أنا رجل متوسط الحال والحمد لله .. لكنى اعتبرت العمل اللي أنا عملته لبلدى مش لحد ثانى .. كان ثمنه حياتى لو كنت كشفت » .

• ويقول سامى شرف : « عندما قدمت الاستقالة كنت أعرف إننى سأسجن » .

• ويقول جمال حماد : « كم كان القدر ساخراً حينما التقى أفراد هذه الجماعة التى أطاح بها السادات بأفراد جماعة المشير عامر الذين كانوا بمضون مدة العقوبة فى سجن » أبو زعبل « » .

• ويقول حافظ إسماعيل : « هو عندما استطاع اخماد التحرك الداخلى أعاد تنظيم سياسة الجمهورية واستدعائى .. كنت فى الخارج .. كنت أزور دول الشمال رسمياً لأنقل إليهم وجهات النظر » .

• ومع صدور الدستور فى سنة ٧١ عاد اسم « مصر » فأصبحنا جمهورية مصر العربية .. وأصبح حافظ بدوى رئيساً لمجلس الشعب ..

• ويقول ثروت أباطة : « منذ اليوم الأول الذى وضع فيه أنور السادات قدمه على بساط الحكم أصبح فيه روح مخففة .. فيه قدر من الحرية » .

• وبدأ السادات يستخدم فى سنوات حكمه الأولى السياسة والديبلوماسية إلى جانب العسكرية .. وكان حريصاً على استقلال القرارات السياسية عن القرار العسكرى ..

• ويقول د . عبد العظيم رمضان : « وكان هذا دليلاً على أن السادات رجل محتك وصاحب خبرة طويلة » .

• وعين الفريق صادق رئيساً للمخابرات خلفاً لأحمد كامل .. كما عين الفريق سعد الدين الشاذلى رئيساً لأركان القوات المسلحة ..

• ويقول الفريق سعد الشاذلى : « عندما توليت رئاسة الأركان فى مايو ٧١ .. كان تعداد القوات ما بين ٧٥٠ ألف - ٨٠٠ ألف .. عندما اندلعت حرب أكتوبر كنا وصلنا إلى مليون و٢٠٠ ألف .. إذن زدنا حوالى ٤٠٠ أو ٤٥٠ ألف .. ده مجهود كبير .. إنما لا يلغى المجهود الذى سبقه .. إنما كانت المشكلة الكبيرة اللي قايلتنا واللى لم يحلها الناس اللى قبلنا .. هى مشكلة الضابط والعسكرى .. إنت بتجيب العسكرى وفى خلال ٥ أو ٦ شهور تقدر تخليه جاهزاً للقتال .. وإنما الضابط إزاي .. الضابط بيدخل الكلية الحربية ويقعد مدة ومع كل الضغط يقعد سنة ونصف ويطلع .. ويصيت لقيت عندنا حوالى ٣٦ ألف ضابط ناقص .. والضابط الصغير ده هو قائد ومهندس .. لأن هو لما يكون سريعاً هو اللى بيعلم العساكر بتوعه .. طبيب كنا سندخل الحرب إزاي » .

• وأعلن السادات أن عام ١٩٧١ هو « عام الحسم » .. ولم يتلق من الكرمليين أى إجابة إيجابية وقامت عليه حرب نفسية شرسة .. وسافر إلى روسيا سراً في فبراير سنة ١٩٧٢ لاستعجال الأسلحة وحثهم على مساعدتنا .. وهاجمه الطلبة كما هاجمه بعض الكتاب .. وعادت الشائعات وانتشرت النكات الساخرة بعد العام التالي « عام الضباب » ..

• ويقول تحسين بشير : « الرئيس السادات كان مقتنعاً إننا لازم نتصل بالعالم اتصالاً عضوياً .. فكان محتاجاً لأحد يكلم الناس بصراحة وطبعاً يبقى صوتاً واحداً .. الصوت اللتى يتقال فى مصر هو اللتى يتقال بره .. كان زمان المتحدثين يقولوا كلاماً وبعدين تمنعه الرقابة إنه يطلع فى الجرائد المصرية .. والللى يتقال فى الجرائد الأجنبية لا يقال فى الجرائد المصرية .. استمرينا نعمل لحرب ٧٣ .. وكانت الناس بتتكلم عليه ويقولوا « سنة الضباب » .. وكانت عملية توفير الإمكانيات لعملية عسكرية محدودة كانت صعبة جداً .. فى الوقت ده جاء لى صديق لى أسنأذ فى جامعة « بيل » وقال لى إنتم قاعدین تعملوا حرب .. أملككم فى الحرب ضعيف جداً .. فقلت له لا إحنأ لنا آمال فى الحرب .. ولكن يختلف عن الأمل بتاعكم » .

• ويقول د . عزيز صدقى : « النقطة الثانية يوم ما جئنا كان فيه اضطرابات فى الجامعة .. وأنا فى أول جلسة لمجلس الوزراء قلت لهم واضح إن فيه هناك فجوة من الثقة بين الشعب والحكومة .. مش حقيقدر نشغل إلا إذا استعندنا الثقة .. ولذلك بدى أقول حاجة فى أول جلسة .. الوزير اللتى حيدلى بتصریح ولا ينفذه أسف حاشيله .. فالتزمتنا جميعاً بهذا .. وأعتقد كندعيم لموضوع الثقة كانت زيارتى للأقاليم .. وده تقليد أعقد إنه كان جديداً .. إنت تستغرب إن مثلاً الرجل اللتى عايش فى سوهاج ده ما شافش الحكومة .. والحكومة عنده للعدة أو المحافظ .. لما تنتقل الحكومة كلها فى اجتماع شعبى وأى أحد يقف ويسأل سؤالاً ورئيس الوزراء يرد عليه والثانى يرد عليه .. ودى هى الثقة فعلاً .. ما عندكش فكرة هذه الزيارات عملت إيه .. لأن الناس استجابت على طول .. والمهم إن القرار اللتى أخذناه كنت بأرجع أعقد مجلس الوزراء وأخذ قراراً تنفيذياً .. كل ده كان مقصوداً به إيجاد الثقة بين الشعب والحكومة .. وأعتقد إن الاثنين دول .. تنفيذ خطة إعداد الدولة للحرب .. واسترجاع الثقة مع الشعب .. هما الحاجتان المهمتان اللتى أمكننى أن أحققهما » .

• ويقول د . عبد القادر حاتم : « لما كان باستمرار يقولوا مظاهرات جامدة فى مصر وتنهف بسقوطنا كنت بأبقى فى منتهى السعادة .. الكتاب كتبوا وقالوا وهاجموا الحكومة .. كنت فى منتهى السعادة .. دى بتبين إننا بنتنجح وإننا لسنا جئة هامة » .

• وأسأل جمال السادات : أعلن الرئيس السادات أننا ضحارب ويعدين تعدى السنة وما نحاربش .. ماذا كان رد فعله من ثورة الناس ؟

• « دى بعض الحاجات اللتى كنا نشوقها فيه من الهدوء والاستحمال .. ما كانش حاجة بتبان عليه خالص .. وكان يأخذه فى نفسه ويهدوء جداً وما يفقدش أبداً الهدف بتاعه ولا السكة اللتى هو عاوز يمشى فيها » .

• **ويقول سعد الشاذلي :** « هناك شواهد تدل على إنه لم يكن رغباً في الحرب سنة ٧١ وسنة ٧٢ .. وأذكر المؤتمر الذي اتعمل في القناطر الخيرية في يونيو سنة ٧٢ .. كان الفرض من هذا المؤتمر هو قراءة تقرير كتيبه رئيس جهاز المخابرات العامة الذي هو كان أحمد إسماعيل في ذلك الوقت .. أحمد إسماعيل .. في يونيو ٧٢ كان قائد القوات المسلحة ووزير الحربية هو الفريق محمد صادق .. يبدو إن أحمد إسماعيل عرف بالخطة السرية التي إحنا ما قلناش لأحد عليها .. الله أعلم عرف منين .. أنا النهارده بأشك في إن يمكن محمد صادق هو الذي قال له .. الذي هو كان وزير الحربية .. لأن التاريخ بتاع أحمد إسماعيل يقول جهاز المخابرات تبع رئيس الجمهورية .. فيعت لرئيس الجمهورية يقول له « نحذر من قيام القوات المسلحة بأى عملية هجومية .. لأن الفرص للقيام بهذه العملية الهجومية هو جر القوات المسلحة إلى معركة غير متكافئة يتم فيها تدمير القوات المسلحة » .. ودى كانت فكرة مين .. محمد صادق .. إذن وجود هذا التقرير من أحمد إسماعيل وتمشيه مع فكر محمد صادق يوحي بأن محمد صادق احتمال أن يكون هو الذي قال لأحمد إسماعيل .. أنا لما سمعت هذا التقرير قلت له لا أستطيع أن أغامر لأن القوات الجوية الإسرائيلية قوية وإننا لا نفدر نقوم بعملية هجومية .. ولكن نحن نستطيع أن نقوم بعملية محدودة يكون الهدف منها العبور وتدمير خط بارليف واحتلال ١٠ أو ١٥ كيلو .. السادات لما سمع كلامى هذا وسمع التقرير بتاع أحمد إسماعيل ورأى محمد صادق المؤيد .. كان المفروض أن يتخذ قراره أنه مع الحرب أو ضدها .. لم يتخذ قراراً .. قد يتكلم كلاماً عاماً .. لا يفهم منه التأييد أو الاعتراض .. فعلاً إحنا يجب قبل أن نقوم بالحرب .. يجب أن نتأكد بأن لدينا القوات التي تستطيع أن تنفذ المهمة .. ولكن ما هو الحل إذا فرضت الحرب علينا .. وكلام إنشاء لا يؤيد وجهة نظر الشاذلي ولا يؤيد وجهة نظر محمد صادق وأحمد إسماعيل » .

• **وجاء بودجورنى لزيارة مصر ، وعقدنا معاهدة الصداقة والتحالف مع الاتحاد السوفيتى**
التي كان عبد الناصر متردداً في توقيعها ..

• **ويقول حافظ إسماعيل :** « السوفيت شعروا إن مصر بتعمل يميناً .. فجاء بودجورنى ومعاه مشروع اتفاقية كان عبد الناصر طلبها .. مشروع اتفاقية فوقها السادات .. مشروع اتفاقية تطالب الطرفين بالتشاور السياسى .. وتطالب الاتحاد السوفيتى أن يعطى الأسلحة اللازمة لإزالة آثار العدوان .. مش لاحتلال إسرائيل » .

• **ويقول د . مصطفى خليل :** « كان السادات شخصية عميقة .. وأنا بأعتقد إنه أخذ هذا الوضع يتضح للاتحاد السوفيتى لإنه بعد كده ألقى المعاهدة .. كما طلبنا فى « الورقة » .. ويوم من الأيام يكشف النقاب عنها .. كانت موجهة إلى مساننته ولكن أمام الرأى العام هو بينها على إن مجموعة من الناس جاية وعازرة تفرض وصايتها عليه .. وهذا غير حقيقى .. وبعد كده تكشفته له الحقيقة فتقاربنا فيها لدرجة كبيرة » .

• **وإزداد ضيق الشعب المصرى من حالة اللاسلم واللاحرب .. واتسعت الفجوة بين مصر وروسيا ..**

• **ويقول د. يونان لبيب رزق :** « وفي ٦ يوليو أعلن السادات الاستفتاء عن ١٥ ألف من الخبراء العسكريين السوفيت ومطالبهم بالعودة إلى بلادهم خلال أسبوع » .

• **ويقول د. عبد العظيم رمضان :** « أدرك السادات أن الاتحاد السوفيتي مستريح لحالة اللاسلم واللاحرب .. وفي الوقت الذي يقرر فيه السادات أن يبدأ فيه الحرب مع وجود قوات سوفيتية في مصر .. ولو حدث نصر لمصر سينسب إليهم .. وكان إخراج الخبراء السوفيت هو التمهيد الحقيقي للحرب » .

• **ويقول أمين شباكر :** « طرد الخبراء الروس كان موضوعاً منطقياً جداً .. لأن اتضح إنهم كانوا عاوزين إن إحنا نبقى في هذا الوضع اللي كانت أمريكا عاوزانا نبقى فيه .. كانوا عاوزين البلاد العربية تبقى بلاد مهيضة الجناح وهم يقتدروا يتغلغلوا فيها واحدة بعد الأخرى .. فوجودهم في مصر كان حيسم لهم إنهم يدخلوا في البلاد الأخرى .. وعملوا كده ودخلوا السودان ودخلوا العراق ودخلوا سوريا .. وكما تأكد لي بعد الفترة اللي هي سنة ٦١/٦٠ إن أي دولة كبيرة بتديك سلاح بتضع في تفكيرها إنها تدخلك في الاستراتيجية بتاعتها في المنطقة بتاعتك وتشغلك لحسابها .. حتى ولو كان هذا على حساب مصالحك .. بس هم بيقتنموا طلباتهم أو مقترحاتهم بصورة ما تخلكش تحس إنهم متجاهلين مصالحك » .

• **ويقول فضيلة الشيخ محمد متولى الشعراوى :** « التاريخ الذي لا أسماء ولا أزال كلما أذكره أذكر لصاحب الفضل فيه هو إلغاء التواجد الرومي بدون آثار سنية .. هذا موضوع هنزي ولا أنساه للمرحوم أنور السادات .. ويمكن هذا هو السبب في أنني قبلت أن أشترك معه في الوزارة » .

• **وأسأل سيد مرعي :** بعد طرد السوفيت أصبحت الأمين الأول للجنة المركزية .. فإيه دور حضرتك في ذلك الوقت ؟

• « دى قصة غريبة قوى .. الرئيس السادات اختار سيد مرعي كأمين للاتحاد الاشتراكي .. في هذا الوقت كانت اشتراكية وشيوعية .. يبقى طبعا اختيار سيد مرعي فيها ده غريب شوية أو له Indication « مدلول » معين .. في هذا المدلول أنكر إن سفير الاتحاد السوفيتي وقتها كان اسمه فلاديمير .. قبل ما أتولي كان قبل منى واحد .. لا داعي لذكر الأسماء .. ميل شوية لناعية اليسار .. فالرجل فلاديمير أحب ينتخب وفداً يروح زيارة إلى الاتحاد السوفيتي فأخذهم كلهم شيوعيين .. فأول ما جاعني في أول زيارة ويكلمني السفير السوفيتي طبعا هو مش مستطعني ولا مستططف وجودي في الاتحاد الاشتراكي .. فطلع ورقة وقال لي ده الكشف اللي حيسافر كودف الاتحاد الاشتراكي .. قلت له ده أمر ولا إيه الحكاية .. قال مش أمر .. وكان متفقاً على كده مع السكرتير .. وقلت له إذا كان ده الكشف اللي حيسافر كده لا أقبله .. وفعلاً هو كان جايب من اليسار خالص وأنا الكشف اللي عملته يمين متطرف .. وحصل الصدام » .

• **وأسأل أمين شباكر :** هل عبد الناصر هو اللي أتاح للروس التغلغل في إفريقيا وفي الشرق الأوسط في نظرك ؟

• « ما فيش شك علاقتهم بعبد الناصر ساعدتهم في إنهم يتغلغلوا في عدد كبير من الدول الإفريقية والدول العربية قبل الإفريقية » .

• **ويقول د . مراد غالب :** « أنا حاقول لك بصراحة .. ما فيش أحد يعرف هذا الكلام غير عدد بسيط جداً .. وحاقول لك ليه كنت ضده .. يمكن ما كانش لي فرصة إن أنا أوضح ده وما بأحبش أكتب متكرات .. ما أحبش أكتب عن واحد صديق لي وقال لي وقلت له .. بأجد إن دى ماهياش مريحة بالنسبة لي .. الحقيقة كنا اتكلمنا مع الرئيس تيتو على أساس إلغاء الوجود العسكرى السوفيتي مقابل انسحاب إسرائيل من الأراضي المحتلة .. للأسف والنظام كان طليعته كده على أى الحالات .. أنور السادات نفسه ما كانش عارف الحكاية دى .. فلما طرد الخبراء السوفيت قلت له يا ريس إزاي نعمل كده .. القصة كذا وكذا .. ده إحنا إينما لهم ذهباً بيلاش ويجب إن إحنا نشوف إيه اللي ممكن نأخذُه فصاد إنهاء الوجود العسكرى السوفيتي » .

• **وأسأل حافظ إسماعيل :** طرد الخبراء السوفيت يؤيده أم تعارضه ؟

• « الخبراء السوفيت حضروا إلى مصر في أوائل سنة ٧٠ بناء على طلب الرئيس عبد الناصر .. وطلبهم يدربوا أطقم مصرية تحل محلهم ويمشوا .. وبعدين طلب منهم تأجيل ترحيلهم ٦ شهور .. ودى كانت تتفق مع الـ ٦ أشهر اللي قال عليها .. طلب منهم تأجيل ترحيلهم .. إذن قرار استبعاد الخبراء السوفيت كان صحيحاً ولكنه نفذ بأسلوب كان من الممكن أن يكون أفضل .. فاتخاذ قرار طردهم كان لهذا الغرض .. ولو إن أشار الأمريكيون بواسطة كسينجر وأعطوا الانطباع إن وجود السوفيت في مصر لا يشجع أمريكا أن تتقدم » .

• **ومما هو جدير بالذكر أنه بعد طرد الخبراء السوفيت .. لم تنقطع الصلة بين مصر والاتحاد السوفيتي بل توطدت .. فقد جاء لمصر سلاح أكثر ..**

• **ويقول الفريق سعد الشاذلي :** « ما فيش أحد كان ضد الروس .. كلنا كنا مع الروس .. لإن هم الوحيدين اللي بيدونا السلاح .. ومن غيرهم ما كانش فيه حرب ٧٣ » .

• **ويقول د . مراد غالب :** « ابتدئنا نتصل مع الاتحاد السوفيتي ثاني .. وابتدا المشير أحمد إسماعيل راح برضه هناك .. وابتدت عملية إعادة العلاقات مرة ثانية .. وأخذنا منهم صفقة الأسلحة الكبرى اللي إحنا دخلنا بها حرب ١٩٧٣ » .

• **وكما عادى البعض السادات عداً أدى إلى ثورة مايو .. فقد اعترض البعض من الجيش وعلى رأسهم الفريق أول محمد أحمد صادق .. مما أثار الضباط فتخلص منه السادات ..**

• **ويقول مصطفى كامل مراد :** « الفريق صادق - الله يرحمه - ما كانش عاوز يحارب .. يقول إن الطيران الإسرائيلي يدمر ويكسر .. فاضطر السادات أن يبعده ويجيب المشير أحمد إسماعيل علشان يتولى قيادة القوات المسلحة ويقوم بحرب أكتوبر » .

• **ويقول سعد الشاذلي :** « لما جاء في أكتوبر ٧٢ .. أى بعد حوالي ٤ أو ٥ شهور من هذا

المؤتمر وأقال محمد صادق من وزارة الحربية وجاب أحمد إسماعيل .. قال في البيان بتاعه إن هو أقال محمد صادق لإن محمد صادق مش عاوز يحارب .. طيب ما أنت جيت الرجل اللي بيقول نفس الكلام .. إذن القول شيء والفعل شيء آخر .. أنا بأعتقد إن السادات لم يكن راغباً في الحرب سنة ٧١ وسنة ٧٢ .

• **ويقول د . عبد العظيم رمضان :** « كان صادق مختلفاً مع الرئيس السادات في العبور وحرب التحرير .. وكان يرى أن نقوم بحرب موسعة غير محدودة .. وقام بمحاولة انقلاب ضد السادات .. فشلت .. وأنا دخلت مع صادق في حوار طويل وقلت له كيف ندخل حرباً ونحن لا نملك طيراناً يوصلنا إلى سيناء » .

• **واكتسب السادات شعبية بدأت تزيد تدريجياً على مر الأيام .. وبدأ يجرى بعض الإصلاحات والتعديلات في المسار الداخلي لمصر بعد مرور بعض الوقت على ولايته ..**

• **ويقول د . عبد العزيز حجازي :** « كان هناك مهمات واضحة .. المحافظة على المواطن المصري وبالذات المتوسط علشان لا يقلق .. وبالتالي جنبنا نتيجة هذا في المعركة .. الله أكبر .. كله عنده حماس كبير جداً إنه يحقق الهدف .. وده اعتبره إنجازاً تاريخياً ضخماً جداً » .

• **ويضيف د . عبد العزيز حجازي :** « بعد كده يمكن من ٧٢ بدأنا نفكر في الاقتصاد .. لما أنا توليت نائب رئيس الوزراء .. درست العلاقات المصرية العربية .. والعربية المصرية .. المصرية الغربية والسوفيتية .. وأنا وجدت إنه لابد أن يحدث تغيير اللي هو تنوع مصادر السلاح وتنوع مصادر التعامل الاقتصادي .. وده أثار الاتحاد السوفيتي في ذلك الوقت » .

• **ويقول د . عزيز صدقي :** « أحكي لك قصة لطيفة جداً .. أنا كنت في الأقصر وأنا رئيس وزراء .. رحت أفنتح مصنع .. للأسف نزلت لقيت المحافظ جايب طلبة المدارس الصغيرين في الشوارع الموصلة للمصنع .. غيرى قد يسعد بهذا المنظر .. أنا أقسم لك إنني ساعه ما شفت المنظر طيب حناكلهم إزاي دول وحيلسهم إزاي .. المسألة لما ترى هذه الظاهرة نترجمها إلى ما تعنيه هذه الزيادة اللي حصلت في المكان .. معناها إن إحنا لازم نوfer إمكانيات عمالة وسكن وغذاء وهكذا .. طيب حنجيبه إزاي .. كما ذكرت السد العالي كان لإحداث إصلاح مليون فدان بالإضافة إلى الأرض القائمة .. برغم التوسع ربنا لم يعطنا إمكانيات زراعية أكثر من هذا .. وبنعملها النهارده .. رغم هذه الجهود أصبحنا النهارده بنستورد ٧٠٪ من القمح الذي نأكله .. في يوم من الأيام كنا بنصدر قمح .. ده الطبيعي .. طيب حنجيب ده منين .. ليس أمامك إلا التوسع .. مش معنى ده إنك تعمل أى صناعة .. الصناعة اللي يمكنك أن تنافس فيها ويمكنك أن توفق فيها » .


• **وتلك كل من منظمة الشباب .. والتنظيم الطليعي ..**

• **ويقول سيد مرعي :** « أول ما جئت الاتحاد الاشتراكي في أول خطاب لي في مؤتمر الاتحاد الاشتراكي ناديت أمام الرئيس السادات .. حتى الرئيس السادات كان ماشفش الخطاب » .

وفوجيء فيه إن أنا أشعر إن الارتباط ما بين الاتحاد الاشتراكي وأجهزة الاتصال بين القمة والقاعدة غير موجود .. وبالتالي يجب التغيير في الاتحاد الاشتراكي .. ضجة كبيرة خالص حصلت لأنهم باصين لى إن أنا يعنى وإن أنا مش شيوعى .. وتكونت اللجان الـ ٩ ٠ الى هى كانت ميلاد تكوين المنابر أولاً ثم الأحزاب ثانياً .. فكان الرئيس السادات على ما أتصور لما اختارنى فى الاتحاد الاشتراكي كان اختارنى بهدف تغيير سياسة الاتحاد الاشتراكي .. الأمر اللى تم فعلاً ٠

• ويقول أمين شاكى : ٠ كل فكر السادات وكل تصوره فى عملية إعادة الجيش وعمل حاجة تذكر له .. العسكرى المصرى قبل عهد السادات كان عسكرياً مجتهداً وده كان نصيبه من التعليم أو الثقافة محدوداً جداً مش عاوز أقول إنه كان أمياً .. وكان معرفته بالأجهزة الميكانيكية والكهربائية والإلكترونية معرفة غير موجودة تقريباً .. فعلشان كده السادات جند طلبة الجامعات والمعبدن والمدرسين والطبقة المتعلمة .. وهذه الطبقة هى اللى أمكنها إنها تفهم الأجهزة والمعدات والأسلحة الحديثة .. وهى أسلحة معقدة وليست سهلة .. وأن تستخدمها وتستخلص منها أفضل النتائج .. ودول فعلاً هم اللى عبروا وهم اللى حققوا نصر ٧٣ ٠

• وبدأ السادات يخطط جدياً لاسترداد الأرض التى ضاعت بسبب الهزيمة .. وعكف على استكمال بناء القوات المسلحة .. من أجل تحرير مصر .. ومسح عار الهزيمة .. واسترداد كرامة المصريين ورد اعتبارهم .





على الرغم من أن ثورة يوليو ستكمل بعد بضع سنين ، العام الخمسين لقيامها ، فإن الكثير من خفاياها وأسرارها لم يكشف بعد، ولم تتضح كاملة صورة وقائعها وأحداثها المهمة التي امتدت على مدى فترة زمنية طويلة نسبيا وغيّرت وجه المنطقة العربية والعالم الثالث بل وأسهمت في تحول الموازين العالمية.

ويتضمن هذا الكتاب شهادات سجلها المذيع التلفزيوني الراحل طارق حبيب على امتداد ٥ سنوات، مع ١٢٢ من صناع هذه الثورة ومن كانوا شهود عيان مباشرين على وقائعها، تعكس جوانب مختلفة للأحداث التي جرت. وتتفق هذه الإفادات في بعض الأحيان، ولكنها في أحيان أخرى تتضارب على نحو صارخ ومثير للدهشة. وهي في كل الأحوال وبكل ما اتسمت به من توافق وتناقض وحدة وذاتية وموضوعية تساعد على استخلاص صورة أكثر اكتمالا عن حقيقة ما جرى.

وقد كتب مقدمة هذا الكتاب الدكتور يونان لبّيب رزق أستاذ التاريخ الحديث والكاتب بالأهرام.

الناشر

مركز الأهرام للترجمة والنشر
١٩٩٨ م
التوزيع في الداخل
الأهرام للتوزيع
ش
30.00
مطابع الأهرام التجارية - قنوب - مصر